

Anut san bilaluŋ foun

**The New Testament in the Takia
language of Papua New Guinea**

**Nupela Testamen long
tokples Takia long Niugini**



Anut san bilaluj foun

The New Testament in the Takia language of Papua New Guinea
[tbc]

Translation by Wycliffe Bible Translators

© 1999 The Bible Society of Papua New Guinea

Print publication, 1999 by The Bible Society of Papua New Guinea

Web version

2014, Wycliffe Bible Translators, Inc.

<http://www.Wycliffe.org>

<http://pngscriptures.org>

<http://www.ScriptureEarth.org>



Creative Commons license (Attribution-Noncommercial-No Derivative Works)

<http://creativecommons.org/licenses/by-nc-nd/3.0>

You are free to share — to copy, distribute and transmit the text under the following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narapela manmeri.** Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating.** Na tu, **yu no ken senisim Tok.**

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.**

Olgeta tok orait na lo long tok ples English i stap long

<http://creativecommons.org/licenses/by-nc-nd/3.0>.

Sapos yu gat askim long dispela, **plis askim mipela.**

Girek sad abed

<i>Buk kontrak found ak sad yajadi</i>	<i>Roun</i>
Matyu	Mat 5
Mak	Mak 78
Luk.	Luk 126
Jon.	Jon 197
Aposel	Apo 250
Rom	Rom 315
1 Korint	1Kor. 349
2 Korint	2Kor. 383
Galesia	Gal 404
Efesus	Ef 416
Filipai	Flp 427
Kolosi	Kol 435
1 Tesalonaika	1Tes. 443
2 Tesalonaika	2Tes. 450
1 Timoti	1Tim 454
2 Timoti	2Tim 462
Taitus	Tai 468
Filemon	Flm 472
Hibru.	Hib 474
Jems	Jem 496
1 Pita.	1Pi 504
2 Pita.	2Pi 512
1 Jon.	1Jon. 518
2 Jon.	2Jon. 525
3 Jon.	3Jon. 526
Jud.	Jud 528
Revelesen	Rev 531

Matyu

Jesus anen tubun bagen

Luk 3:23-38

1 ¹Yaŋak e irig ipalu den iŋ Jesus Kristus san tubun bagen a. Jesus iŋ Dawid lo ilasa ya, agod Dawid man iŋ Abraham lo ilasa ya. ^{2-6a}Abraham log ipalug Kiŋ Dawid lo man, tubun bagen san yaŋak igo iri a: Abraham, Aisak, Jakob, Juda iŋ tein muroun dida. Aria, Juda man Peres iŋ Serah da tamadi, agod uraru an tinadi Tamar. Aria, Peres, Hesron, Ram, Aminadab, Nason, Salmon, Boas (Boas tinan Rahab), Obed (iŋanen tinan Rut), agod Jesi. Aria, Jesi man Kiŋ Dawid taman.

^{6b-11}Dawid log ipalug saen Babilon san kiŋ yu yabisag Jerusalem daon ipani dugo, Juda adi ikudai go Babilon na subanek tamolpein igo woŋ diau go ante dumado na yan san saen lo man, tubun bagen sad yaŋak igo iri a: Dawid, Solomon (iŋ tinan man, pein nek a imug Uraya iŋane ya), Rehoboam, Abijah, Asa, Jehosafat, Jehoram, Usia, Jotam, Ahas, Hese kaya, Manasei, Amon, Josaya, agod Jehoyakin iŋ tein muroun dida.

¹²⁻¹⁶Aria, Juda adi Babilon na dumado yan san saen ibiseig ipalug, Jesus ilasa yan san saen lo man, tubun bagen sad yaŋak igo iri a: Jehoyakin, Sealtiel, Serubabel, Abiud, Eliakim, Asor, Sadok, Akim, Eliud, Eliasar, Matan, Jakob, agod Josef nek a Maria iŋane ama ya. Maria nek a Jesus igansi a, iŋ tamol nek a Kristus tabol dama ya.

¹⁷Aria, Abraham log ipalug Dawid ilasa yan tubun 14 lo dar igile ya. Anteg, Dawid log ipalug Juda adi Babilon na dumado yan san saen lo, tubun 14 taida lo dar igile ya. Aria, anteg tubun 14 taida lo dar igile gug Kristus ilasag malan ipuk a.

Kristus ilasa ya

Luk 2:1-7

¹⁸Aria, Jesus Kristus dugo ilasa amaiak san dal man igo ya. Maria tinan taman iŋ Josef iŋane san ŋien dupani, ago yak man Josef pein an da gamugo dien dugo, Awan Urgun san dabai iganeg Maria luan anda yan tamolpein fidian dile duloŋ a. ¹⁹Agog iŋ iwon Josef man tamol itaot

ago yan lo inj pein an malak malak miai ipani man imoi, agog pasak nam pein an ibiseip isol yau o ilo sou ago igane ya. ²⁰Saen inſan ilo sou ago igane man, yen dugo Tubun ak san eñel njonamin lo san na ilasag irupeig ibol, “Josef, Dawid nanun, Maria oñ iwo yak nñen o ilo ta gidigheid na wa, fun dugo, nanuk Maria tiñaen lo man Awan Urgun san dabai lo ilasa la ya. ²¹In nanuk tamol ak igansi wa, ago dop oñ yañan Jesus ubol a, fun dugo, inj inſan tamolpein inaned aupasek san ai wadan an lo patud ipasi wa.” ²²Mel an fidian dilasa yan san fun man igo ya, wagam Anut ru fulalek profet ta awan lo ibol ilasa yan gamu nuñon fo tusuda ya. ²³In ibol, “Pein baras ta kitek tamol ta da dutor man tia yak, tiñaen lo nanuk tamol ak ta ilasa wa. Ago dop yañan Imanuel dubol a.” (Yañak Imanuel fun man igo: “Anut id da tumado da.”) ²⁴Agog saen Josef njon lo imasa man Tubun ak san eñel awan irig, Maria iwon oñ inaneg san panu na diaug iwon oñ ida dumado se ya. ²⁵Ak man saen inaneg yau man kitek iwon oñ ida dien man tia ya, agog yaug pein an nanuk tamol luan lo yan igansi a. Agog Josef nanuk an yañan Jesus ibol a.

Mañau tamol Jesus dile wo dupalu ya

2 ¹Jesus Betlehem na ilasa, Betlehem man tan tubun Judea na yen da. Saen an lo Herod inj kiñ imado se ya. Saen Jesus ilasa man mañau tamol adi ad ilasa dak lo yak Jerusalem na dupalug gidigheid dusumiaen se ya, ²“Nanuk a ilasa amaiak dugo mi ak i? Inj murnap Juda adi sad kiñ imado wa. Ilasa yan mañ maloñ a, man dugo, inſan patui ad ilasa dak ate fun iganeg ided do mile ya, an lo mañ ubou an mile wo mupalu ya.” ³Saen kiñ Herod inſad nñen ago ilon man ilo sou ifini saian, ago dugo tamolpein Jerusalem na dam sisem ilo sou gidigheid diñane se ya. ⁴Agog Herod pris gurman adi, agod kubiaen san girek mañau adi dida itumanai go isumianaig ibol, “Aben dugo amaiak lo Kristus ilasa wak i?” ⁵Agog dugo dubol, “Inj aben Betlehem o Judea na amaiak ate ilasa wa. Man dugo, wagam ru fulalek san profet ta igireg ibol,

⁶ ‘O Betlehem, tan Judea na,

oñ Judea san gugoi gurman lulunad lo panu kawan ak oñ tia ya.

Man dugo, mitep oñ lo gurman ta ilasa wa.

Gurman an nñaisag tamolpein Isrel itirnai a.’ ”

⁷Murnag Herod pasak nam mañau tamol adi igiaig dupalug isumianai, “Saen dugon lo patui fun iganeg ided ak i?” ⁸Agog Betlehem na idinaig diau o dugo ago ibol, “Aup nanuk an nñen o abañ ale wo uyanan a. Saen ale dop ru añañep apalup, abol nalon dop, nñai dam nñaup ubou an nñile wa.” ⁹⁻¹⁰Saen kiñ san nñen dulon go itout man fun diganeg Betlehem na diau a. Ago dugo patui a ad ilasa dak lo dile yan, afon ilasa dag dile ya. Saen patui an dile man ilod uyanan geig go uyad isusa ya. Agog patui an imug naod na yaug, nanuk ab a lo yen dak ate gug, ab fufo ago ided

dugo yen se ya. ¹¹Agog ab an ate dilasag diladug, nanuk tinan Maria da dumado dugo dili ai man, ditakoksig ubou an dile ya. Ago gug melmel naod lak na lak na disini an, awad dupasi idug lou dupani a. Mel naon ibol gol, agod ubou san marasin ta yaŋan frankensens dubol dan, agod marasin ta yaŋan mirr dubol damaiak dupani a. ¹²Agog dumul man Herod san na ta diau na ya, man dugo, insad ŋioŋ lo Herod san na ta diau na wo Anut geg ipidina i a. Ago yan lo dal senamo diŋaneg sed naod na dumul diau a.

Disol go Egipta na diau a

¹³Aria, saen dumul man Tubun ak san eŋel ŋioŋamin lo Josef san na ilasag irupe i, “Masa kisaek oŋ pe nanuk tinan da uŋal pe tan Egipta na ante asol pe au a. Aup ante amado dop saen isudap ŋai amul o ŋabol dop amul. Man dugo, Herod nek nanuk an daoŋ ipani wo abaŋ ile da.” ¹⁴Agog Josef imasa kisaek oŋ go nanuk tinan da tidom lo iŋal go, ab dibiseig fun diganeg Egipta na diau a. ¹⁵Diaug Egipta na dumado yau dugo Herod imat. Ago gug Egipta dibiseig Judea na dumul diau a. Ŋiŋeŋ nek e ru fulalek san profet wagam ibol ago mi nuŋon ilasa ya. Tubun en ibol, “Egipta ilon lo ŋaineg nanug ŋuwagiŋ go tan en ibiseig ilasa ya.”

¹⁶Saen Herod maŋau tamol dirawi ago ilonŋ man, tiŋaen imumari geig a. Agog wagai tamol idinaig Betlehem na fidian mi lubanek diaup ante nanuk tamol anaŋar urarug isuda agog anaŋar urarug idu yan fidian dufu dumat o diau a. Man dugo, imug Herod maŋau tamol an isumianaig ibol, “Nal dugon lo patui an fun iganeg ided se yak i?” Ago dugo iŋ ru naon durupeig dubol, “Anaŋar uraru yau la ya.” ¹⁷Dal an lo ulonŋ tamol yaŋan Jeremaia wagam ŋiŋeŋ a ibol ilasa yan nuŋon ilasa ya. Iŋ ibol,

¹⁸“Kilagun ta panu Ramah lo duloŋ a,
tinaŋ igane dugo tubun mi isasai se ya.

An man Rasel nanun muroun niŋedi wo tinaŋ yabi se ya.

Ilon diŋane gug imoi, man dugo,
iŋanen nanun muroun fidian dumat pasik a.”

Iŋ dumul ak man Nasaret na diau a

¹⁹Aria saen Herod imat man, Tubun ak san eŋel Egipta na yaug ŋioŋamin lo Josef san na ilasag irupeig ibol, ²⁰“Masap nanuk tinan da uŋal pe tan Isrel na ante au a. Man dugo, tamol iŋ dufuni imat o digane yan man gubak mi dumat la ya.” ²¹Agog Josef imasag nanuk tinan da iŋal go tan Isrel na atna diau a. ²²Saen dumul diau man, Akilaus taman Herod aben iŋaneg kiŋ imado se yan Josef ago ilonŋ a. An niŋen o Josef irer an lo provins Judea ante imado wo man imoi a. Agog afon ŋion lo Anut ru kagin ipanig Jerusalem na ta yau na wo ibol a. Ago tag Jerusalem iriŋanig Galili na yau a. ²³Agog yaug aben ta Nasaret dubol

dak lo imado se ya. Ante afon ru ta wagam Anut san uloŋ tamol adi dubol an nuŋon ilasa da ya. Ŋiŋeŋ an igo ibol, “Tamolpein iŋ tamol an niŋen o Nasaret tamol dubol a.”

Jon suguek tamol Jesus san dal ikubine da

Mak 1:1-8; Luk 3:1-18; Jon 1:19-28

3 ¹Saen malak malak lo Jesus gamugo ilasa man, Jon suguek tamol dubol dan ipalug, Judea na tan kawan ak lo ru ifulale se ya. ²Iŋ ru kuai te iganeg ibol, “Aŋ ilom ibileksa wa, man dugo, Anut san kagin panek an sumeik ipanad la ya.” ³Profet Aisaia tamol an niŋen o wagam mi igo ibol a,

“Tamol ta san kilagun tan kawan ak lo iwagiŋ go ibol,
Tubun en iŋanen dal akubunep itaot yen a.”

⁴Aria, Jon san biouŋ tinin fo idiri man kamel san fufulun nam igane ya. Agod san let luan na man makau san suŋulon nam igane, agod san anaŋ man sis tutubun agod nini^a sad dubei bulbal bulbal dineg ilasa damaiak mi ile dop yani da. ⁵Saen iŋsan urat fun iganep ru ifulale se man, tamolpein wei mi Jerusalem nag Judea ilon lo fidian, you Jordan yen dugo giranen na aben an fidian dupalug ru duloŋ se ya. ⁶Agog saen iŋsan ru duloŋ man aupasek digane na yan walal te dubol ilasa dugo, Jon you Jordan lo isuguai idu ya.

⁷Ak gug saen iŋ tamol wei mi Farisi agod Sadyusi ago iŋ isuguai o naon na dupalug dilasa dugo yil a, agog ru dabai ipidinaig ibol, “Aŋ mot nanun moroun! Enti Anut san tiŋae saian mitep ilasa wan niŋen o ru kagin ipanaŋ dugo asol dak i? ⁸Aŋ kagin mok a ilom ibilisa dak iri panig yen dan mi agane ilasa wa. ⁹Aŋ aŋsem ilom lo igo ta abol na wa, ‘Abraham man maŋ tamama, an maŋ o idaisuda ya.’ Man dugo, ŋai en ŋurupaiaŋ itaot da, Anut ilon ibol tap man, pat e dien den ka iŋiliaip ibilaip Abraham nanun muroun mok dilasa wa. ¹⁰Pilagis ai dabin lo yen la ya. Ai fidian a nuŋod uyan uyan ta ifu na dan, Anut itarep yai lo yabi yaup inanai yau a.

¹¹“Ŋai you lo mi aŋ ŋusuguaŋ da, ago dop tamolpein naod na aŋ ilom ibilisa yan kuai isi wa. Ak man tamol a ŋai patug fo ipalu dan iŋsan dabai ŋaisag dabai iriŋani geig a. Ŋai man tamol gidad a, amaiak niŋen o iŋsan sendal ŋisini san o yaŋag tia ya. Gug tamol en man Awan Urgun lo isuguuaŋ a, agod Urgun an san yai nam ifulanaŋ pe ikok alasa wa. ¹²Iŋ banin lo kon gilek lo idirai san biouŋ yabig imado da. Aben ate urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anaŋ ab lo itumani wa. Ak man metmet adi man yai lo isuwari yau a. Agod tamol ta yai an igane imat san tia ya.”

^a Kuŋobŋob

Jon Jesus isugui a

Mak 1:9-11; Luk 3:21-22

¹³Aria saen ta Jesus Galili ibiseig you Jordan lo Jon isugui wo yau a. ¹⁴Ak man Jon ipadau go ibol, “Onje amaiak rjai suguag a. Ata wo onj njsuguo wo ubol go rjaisag na palu i?” ¹⁵Jesus ru naon irupeig ibol, “Gidad umoi dop ago ilasa wa. Id kagin itaot ak fidian tigane san an tigane itout o uyanan a.” Ago tag Jon awan mi iri a. ¹⁶Agog Jon Jesus isugui a. Nek saen a Jesus you ibiseig tan fo isuda man, kumaen panu san dalawan awan pasek go yen dugo, Anut san Ur muluk onj idug, inj kabujan fufu imasi dugo ile ya. ¹⁷Agog kumaen panu lo waginj ta injinj idug, igo ibol dugo ilonj, “En man rjaineg Nanug, rjaineg bubeg mok, inj ninjen o rjai ilog tubun mi uyanan da.”

Ur saian a Satan dubol dan Jesus bitinaek lo igane ya

Mak 1:12-13; Luk 4:1-13

4 ¹Aria, Jon Jesus isugui itout man, Urgun inj Jesus iduduwig tan kawan ak lo yaup an lo Satan inj bitinaek lo igane wa. ²Ante man Jesus sen ananj lo geg ipani a. Nal 40 ad tidom da ananj ta yani na ya, ak ninjen o nal wadan ante man imatigen saian geig a. ³Ago dugo ilo rjanek san ur saiak an injan na ilasag irupeig ibol, “Onj Anut Nanun tap, ubol dop pat en bret onj ibili wa.” ⁴Ak man inj ru naon irupeig ibol, “Girek ta buk lo igo ibol, tamol bret lo mi ta kumaen imado na da, tia, ru a fidian Anut awan lo ilasa dan lo mi inj ka kumaen imado wa.”

⁵An itout go Satan injaneg Jerusalem na diaug, lak na tempel san nudun fufu igunig itur a. ⁶Ago dugo irupeig, “Onj Anut Nanun tap sokalik udu, man dugo, girek ta buk lo igo ibol,

‘Inj injanen enjel irupidai dop kagin dupano wa.

Banid nam disawo wa,

kabelan pat onj rjie ifini banau.’ ”

⁷Ago dugo Jesus ibol, “Girek ta buk lo dam igo ibol, onj mel ta gane tap lo Tubun en onjane Anut an bitinaek lo ta gane na wa.”

⁸Agog afon Satan Jesus injaneg did lak na geig ak kabujan fufu igunig itur dugo tan en san abanj fidian, agod injaned girager dam, ikubiai pani a. ⁹Agog irupeig ibol, “Onj takoksip ubou ag ule tap man, rjai mel e ule den fidian rjupano wa.”

¹⁰Ak man Jesus ru naon irupeig ibol, “O Satan sen lasa wau! Man dugo, girek ta buk lo igo ibol, ‘Onj Tubun en onjane Anut mi ubou an ule wa. Injen mi ninjen o bigabeg urat gane wa.’ ”

¹¹Ago ibol dugo Satan ibiseig yau a. Agog enjel dudug kagin dupani a.

Jesus injanen ru fulalek san urat fun igane ya

Mak 1:14-15; Luk 4:14-15

¹²Aria, Jon dsubanig subanek ab lo digane ya. Saen Jesus rjinjen an ilonj man aben an ibiseig Galili na yau a. ¹³Inj injanen panu Nasaret

ibiseig, yang Kaperniam na imado ya. Taun an you tilianek ta, you uyanan ak man, yang You Galili dubol dan, sijiren na yen da. Distrik an gugoi uraru a yang Sebulun agod Naftali amaiak sad tan. ¹⁴Dal amaiak lo awak aban ta profet Aisaia ibol an nunjon ilasa ya. In ibol,

¹⁵“Tan Sebulun agod tan Naftali,

you tilianek sijiren na yan, you Jordan aen ate,

tan Galili gob wei mi ante dumado dan, tan an niyen o njabol da.

¹⁶Aban an san tamolpein a tidom tubun lo dumado dan,

lilaman tubun ak dile ya.

Agod ensauta a mater san miriau lo dumado dan,

ilalan injasad na ilasa ya.”

¹⁷Nek saen an lo Jesus fun iganeg ru ifulaleg ibol, “Ilom abilisa, man dugo, Anut san kagin panek man anjam na ipalu sumeik la ya.”

Jesus inisan megeloum malmalan ak igiai a

Mak 1:16-20; Luk 5:1-11

¹⁸Jesus You Galili gigin irig itor dugo tamol ta tein da yil a. Tamol an imug yang Saimon, agod yang ta dam Pita dubol da. Agod tein Andru. Uraru an iy njalan, ago yan lo inaned dob you lo dubal idu dugo, Jesus ipalu ya. ¹⁹Agog irupidai, “Jai njeg abag ari gup tamol anjal san manau njipitejanan a.” ²⁰Agog dob dubal yen dugo njen aban diri kisaek on a. ²¹Jesus you aen gigin irig isuda yau man afon tamol ta tein da yil a, Jems Sebedi nanun agod tein bakanan ak yang Jon, uraru an wog fo tamad Sebedi da dob duwei se ya. An dam urarum igiai a. ²²Agog urarum wog fo dudu kisaek on go tamad dibiseig Jesus njen aban diri a.

Jesus ru ifulale dugo tamolpein subam ifu ak ikubuniaia a

Luk 6:17-19

²³Aria Jesus aben Galili ilon lo fidian itiliani pasik go sad ubou ab ilon lo manau ipitejanai dugo, Anut inanen kagin panek an san bilalun dam malak malak ifulale se ya. Saen an lo tamolpein ilod lo subam naon funfun fidian agod njed banid ikikai an ikubuniaia idu se ya. ²⁴Ago tag njijen in niyen o ifurak yang tan Siria ilon lo inisan yang tubun geig ilasa ya. Ago yan lo tamolpein fidian subam amad da yan dijal go san na dupalu ya. Tamolpein madai gidigheid tinid lo, agod subam naon funfun, tamolpein ur saiak saiak ilod lo yen dan, a saen wei mi kurbarib ifu dan, agod tamolpein njed banidi imat ak an fidian dusu dupalu ya, agog in ikubuniaia idu pasik a. ²⁵Agog tamolpein wei mi geig njen aban duri na ya. Galili na dipalug, provins a TenTaun^b dubol dan te, Jerusalem na, Judea na, agod aben you Jordan aen ate dam fidian in dile wo dupalu se ya.

^b Dekapolis

Jesus Anut san kagin panek an niŋen o ru ifulale ya

Luk 6:20-23

5 ¹Aria, saen Jesus tamolpein dubuluwi dugo ago ile man, yaug did giranjen na isuda yau a. Agog saen imasi an, iŋsan megeloum awan duloŋ o san na dupalu ya. ²Agog awan isupanig fun iganeg ipitejanai a. Agog ibol,

³“Talpein enti ŋtun lo binawek niŋen katukan, an bar ijaneg imado da.

Man dugo, Anut san kagin panek man iŋsan mok a.

⁴Talpein enti tan en lo tinaŋ yabi dan, bar ijaneg imado da.

Man dugo, Anut iŋ ilon ijaneg dop ilon pasa ibol a.

⁵Talpein enti mos kagin mi iri pani dan, bar ijaneg imado da.

Man dugo, tan tilianek en san taman igo ilasa wa.

⁶Talpein enti tamolpein fidian kagin itaot digane san niŋen o yaes isofutani dan, bar ijaneg imado da.

Man dugo, iŋsan mala nouk an idaisuda wa.

⁷Talpein enti aenta ilod imuŋanai dan, bar ijaneg imado da.

Man dugo, Anut dam talpein an ijanen ilo muŋanek ipani wa.

⁸Talpein enti ilon lo ikokan imado dan, bar ijaneg imado da.

Man dugo, iŋ Anut ile wa.

⁹Talpein enti maror ipidinaig itor dan, bar dijaneg dumado da.

Man dugo, iŋ man Anut san nanun muroun mok ago dubol a.

¹⁰Talpein enti kagin itaot ak niŋen o muruan ile dan, bar ijaneg imado da.

Man dugo, Anut san kagin panek man iŋsan a.

¹¹“Tamolpein aŋ naom dufute wak, muruan dupanaŋ ak, agod aŋ niŋemi wo ru saiak saiak lo sewak digane wa. Man dugo, aŋ ŋaisag tamolpein ago yan niŋen o ago digane tap man, aŋ bar aŋaneg amado da.

¹²Yousai lo amado dop ilom uyanan a, fun dugo, aŋanem naon kumaen panu lo yen den tubun geig a. Man dugo, nek muruan naon kisaek mi tamolpein profet adi imug dumado yan dupidinai se ya.

Aŋ beig ilalaŋ da igo woŋ a

Mak 9:50; Luk 4:34-35

¹³“Tan en lo man aŋ nek ibol beig oŋ a. Ak gug beig san gigen itout tap, aria dugo woŋ tamol ta san gigen an iganep beig oŋ ilasa da wak i? Beig an urat aman tia ya, an niŋen o tamolpein tan fo diabi yau dop fufo diau dumul pe duparfufari wa. ¹⁴Aŋ tan en lo ilalaŋ oŋ amado da. Panu ta did fufo yen dan tamolpein dimiani san tia ya. ¹⁵Nek ago mi tamol ta lam ibanip sareg paen na ta igane na da. Tia, lam an ab ilon lo isuŋani dop ate ab ilon igane ilalaŋ da. ¹⁶Nek dal kisaek an lo na agane dop tamolpein ilod lo aŋsam

midia^c an dile wa, an lo tamolpein an^sam kagin uyan uyan an kuai tem dile wa. Ago dop ij an^sanem Tamam kumaen panu lo imado dan per dupani wa.

Jesus Moses san kubiaej dabai ipani a

¹⁷“Kabelan Moses san kubiaej agod profet sad ru an naji njigane itout o njupalu abol banau. Naji mel uraru an njigane itout o ta njupalu na ya, tia, naji tinig lo in^saned ru idaisuda wo njupalu ya. ¹⁸Man dugo, naji rumok njurupaian da, gamu yaup tan keit da itout san saen idu dop, samun kitekan ta kubiaej ilon lo yen dan dupasi yaup itout san tia geig a. Tia, mel fidian kubiaej lo man nek ago yen yaup, nek ru fidian digire yan sad nujon ilasa wa. ¹⁹Aria, talpein enti a kubiaej tusan ak ta ipilali dugo tamolpein aenta ago mi digane wo ipitejanai dan, talpein an kumaen panu lo yanjan tia wa. Gug talpein enti a kubiaej fidian iri ipani dugo tamolpein aenta kubiaej an fidian diri wo ipitejanai dan, ij yanjan kumaen panu na man tubun geig a. ²⁰Alonj uyan a, man dugo, naji itaot njurupaian da, anj gidad maeg aganep an^sanem kagin itaot an, kubiaej girek man^sau adi, agod Fasidi adi dam, sad kagin itaot ak irinani wa. Tia tap, anj Anut san kagin panek lo aladu san man tia geig a.

Jesus tin^sae saian san ai wadan ninen ipitejanai a

²¹“Ru kubiaej a Anut an^sam tubum bagem irupidai an alonj a. Ru an ibol, ‘Onj tamol ta funi imat na wa. Talpein ta tamol ifuni imat tap, isol yau san tia ya, tia, ij mok mitep Anut san sumiaek lo itur a.’ ²²Ak man naji njurupaian da, anj an^sanem turam ninemi wo ilom wananan dan, kagin an dam saian geig a. Man dugo, talpein enti a tein lo tin^sae saiak igane dan, ij dam Anut san sumiaek lo itur a. Agod talpein ta tein pilapil ru saian ak ipani tap, Juda sad kot malan te yak lo itur a. Agod talpein ta tein ipeip ‘onj n^sijeo’ ibol tap, ij Ades san yai lo idu yau a. ²³Fun an ninen o, saen onj Anut ilo uyan pani wo mel ta alta san yai fo mari san ninen o sini palu dop, tei mel ta ninen onj lo ilon saian an ilo sou tap, ²⁴onjane ilo uyan san mel an alta naon na wabi idu dop, umul waup tei da bubem kisaek gup, umul palup onjane mel an sinip marip Anut ilo uyan pani wa. ²⁵Saen onj kot ab naon na wau dop, tamol a injiliog kot lo wau o dan, dabai ganep ida ninen an dal te mi akubune kisaek onj gup aup alasa wa. Kabelan kot lo alasa dop, tamol an tulek tamol^d banin lo iginiop, ij onj ai katuk banid lo iganep, subanek ab lo dibilio waup, dusubano banau. ²⁶Naji rumok njurupaio da, onj nek ago mado yaup naon dugo dupano yan udad pasik a.

Jeit kagin san pitejanek

²⁷“Anj ru kubiaej e dubol en alonj a, ‘Onj jeit kagin ta gane na wa.’ ²⁸Ak man naji igo njurupaian da, tamol ta pein ta ilep ninen o ilo masa lo

^c Mididan ^d Jas

malan isi tap, iŋ ilo sou lo da jeit kagin digane la ya. ²⁹Oŋ mala iganep kagin saiak lo udu tap, mala an fure ilasap biliau a. Gidad, an uyan a, an man oŋ tini san boi ta mi ideg yau a, kabelan oŋ tini fidian mi Ades lo idu banau. ³⁰Agod saen oŋ bani won ak boi iganep aupasek lo udu tap, an dam tutep biliau a. Gidad, an man oŋ tini san boi kisaek o lian bisei a, kabelan an iganep oŋ tini fidian mi Ades lo yau banau.

Jesus iwo kudi san maŋau ipidinai

Mat 19:9; Mak 10:11-12; Luk 16:18

³¹“Ru kubiaeŋ e dubol en dam aloŋ a, ‘Tamol ta iwon pein ak ikudi wo ilon ibol tap, nug banin diabi an itout san girek iwon pein ak an ipani wa.’ ³²Ak man ŋai igo ŋurupaiaŋ da, tamol ta iŋsan pein ikudi san fun man kisaek o lian a, pein an jeit kagin igane la ya, nek an mi a. Saen pein an jeit kagin ta igane na yak gug iwon ikudi tap, iŋ iganep pein an jeit san pein ago ilasa ya. Man dugo, iŋsan pein an tamol foun ak iŋane tap man, da jeit digane wa. Ago dop tamol sen ta pein a iwon ikudi an iŋane tap, iŋ dam pein an da jeit kagin digane ya.

Jesus ru dabai panek san ipiteŋanai a

³³“Afon ru a Moses san kubiaeŋ tubud baged irupidai an aŋ aloŋ a, ‘Saen oŋsigane ŋiŋeŋ dabai pani wo dop, ŋiŋeŋ nuŋon aman tia yak lo dabai pani wo ago ta gane na wa. Tia, oŋane ŋiŋeŋ Anut malan lo uri uyanan an mi gane wa.’ ³⁴Ak man ŋai igo ŋurupaiaŋ da, oŋ mel ta san yaŋan lo oŋsa ru dabai pani wo ta gane na wa. Oŋ kumaen panu yaŋan patep lo oŋane ru dabai ta pani na wa, man dugo, aben ante Anut san badim yen da. ³⁵Agod tan san yaŋan patep lo oŋane ru dabai ta pani na wa, man dugo, tan en man aben Anut san ŋien ate yaes ibal da. Jerusalem san yaŋan patep lo ago gane wan niŋen o umoi a, man dugo, aben an man Kiŋ tubun amaiak san panu malan te ya. ³⁶Taidam, oŋ kabuŋa dam san yaŋan patep lo oŋsa ru dabai ta pani na wa, man dugo, oŋ gumura roun ta ganep milkouk boi bilkas boi ilasa san tia ya. ³⁷Nek ‘awok’ ubol a, tia dop, ‘tia’ ubol a, an mi idaisuda ya. Oŋ mel ta suguan taida gane tap, kagin an san fun man, ilo sou saiak a ilo lo yen damaiak lo ilasa ya.

Jesus naon pani san maŋau ipidinai

Luk 6:29-30

³⁸“Aŋ mel e kubiaeŋ ibol en aloŋ a, ‘Malak ta iŋ oŋ mala san a, agod luok ta iŋ oŋ luok san a, agodo naon pani wa.’ ³⁹Ak man ŋai igo ŋurupaiaŋ da, oŋ tamol a saian an ta wabiani na wa. Tia, saen talpein ta kuduŋa won ak igufte tap, ŋas ak dam bilisa dop dam igufte wa. ⁴⁰Agod saen muruan ta niŋen o talpein ta kot lo iŋilio waup ante tulek tamol irupaio,

‘oꝛjane siot pani.’ Ago tap, siot mi ta pani na wa, tia, mel suguan taidam pani wa. ⁴¹Agod saen yu san tamol ta iꝛjanen biouꝛj sinip kilomita kisaek wau wo isoduduno tap, sinip kilomita uraru wau pani wa. ⁴²Agod saen talpein ta mel an tia dop bunawi wo ibol tap, pani wa. Agod saen talpein ta oꝛjsa na gubun igane wo dop ta umoi na wa.

Idsad ager bubed tupidinai a

Luk 6:27-28,32-36

⁴³‘Aꝛj mel e kubiaerꝛ ibol en aloꝛj a, ‘Oꝛjane tura murou ilo pidinai a, ak gug oꝛjane ager adi niꝛjedi wo man siai gane wa.’ ⁴⁴Ak man ꝛjai igo ꝛjrupaiaꝛj da, aꝛjanem ager adi dam bubem apidinai a. Agod ensauta a muruan dupanaꝛj dan niꝛjedi wo Anut san na agudani wa. ⁴⁵An lo dop aꝛj man Tamam kumaen panu lo imado dan iꝛjsan nanun muroun mok ago amado wa. Man dugo, iꝛjsen mi iꝛjanen ad igane ilasa dugo tamol uyan, agod tamol saian ak sisem ilalaꝛj ipidinai da, agod ui iganep tamol sad kagin itaot, agod a sad kagin ta itaot na yan, sad na isi wa. ⁴⁶Ak dugo, tamolpein a oꝛj niꝛje wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, moni takis ꝛjilaꝛjal tamol adi dam, kagin nek ago mi digane na ya. ⁴⁷Agod oꝛj tura murou mi sad na adian ubol tap, oꝛj kagin dugo uyan ak suguan taidam tamolpein aenta ta digane na yan gane di? Gob adi dam kagin nek ago mi digane na ya. ⁴⁸Amaiak niꝛjen o nek ibol oꝛjane Tama lak na yan itaotan igo woꝛj, oꝛj dam itaota lasap mado wa.

Jesus pani san maꝛjau ipidinai a

6 ¹‘Kagin gane wo uyan a, oꝛjane kagin uyan uyan man tamolpein naod na gane dop lo dilio wo ago ta gane na wa. Oꝛj ago gane tap, Tama kumaen panu lo imado dan naon ta ipano na wa.

²Fun an niꝛjen o, saen oꝛj talpein enti mel aman tia yan mel ta pani wo ilo ibol tap, talpein ta imug mi dinip yaup dugo gane wo dan niꝛjen o tour ta iwi na wa. Tamol balek uraru san kagin diri dan man, ubou ab lo, agod dal te dam, tamolpein dil o kagin naok ago yak digane na ya. ꝛjai rumok ꝛjrupaiaꝛj da, tamol naok an iꝛjaned naon idaisuda mi diꝛjane la ya. ³Ak man saen oꝛj tamol filiad tia yak mel ta pidinai tap, oꝛjane bani ꝛjas an biabi a bani won ak nam gane dan ilou o ta ulefuni na wa. ⁴An lo dop mianuk lo mi oꝛjsa binawek pidinai a. Ago dop lo oꝛjane Tama kagin a mianuk lo mi gane yan ile dop, naon ipano wa.

Jesus gudaneꝛk niꝛjen o ipiteꝛjanaꝛi a

Luk 11:2-4

⁵‘Agod saen oꝛj gudani wo dop, tamol balek uraru san kagin diri dan, igo woꝛj ta gudani na wa. Iꝛj ilod ibol dak ubou ab lo, agod dal titin

gidigheid ate dam, dugudani wo dutur dop lo tamolpein diliai o digane da. ⁶Ɔai rumok geig Ɔurupaiaŋ da, iŋ naon nek an mi diŋane wa. ⁶Ak man saen oŋ gudani wo dop oŋane galuŋ lo ladup, dalawan futani gup, mianuk lo mi Anut enti a sen imianig imado dan san na gudani wa. Ago dop Tama enti a mel ta mianuk lo yen ak gug, iŋ kuai te mi ile dan, naon ipano wa.

⁷“Agod saen aŋ agudani man, nek ibol gob adi igo Ɔiŋeŋ kawan ak ta afuti na wa. Man dugo, iŋsad Ɔiŋeŋ wei mi dubol dan lo mi Anut kududon igure wak ago dubol a. ⁸Nek ibol iŋ dugudani dak igo woŋ ago ta agane na wa. Man ata wo? Gamugo oŋane Tama sumiani dop mel a niŋen o umat pe sumiani wo dan iŋ iloŋ la ya.

⁹Fun an niŋen o aŋ igo agudani wa.

O Bai, oŋ did lo mado da.

Oŋane yaŋa gun migane da.

¹⁰Oŋane kagin panek idu ipalu wa.

Oŋane awa mi muri mupani wa,

tan na nek ibol did lo digane dak ago mi a.

¹¹Gamu nal en san anaŋ panama wa.

¹²Maŋsama gubun oŋ lo migane yan pasi yau a,

nek ibol aenta sad gubun maŋ lo diganeg mupasi dak ago mi a.

¹³Maŋ kubianek lo madu san an lo ta giniama na wa.

Tia, Satan tuon lo patuma pasi wa.

¹⁴Man dugo, aŋ tamol ta sad aupasek apare idu tap, Tamam lak na yak aŋsiganem aupasek dam ipare idu wa. ¹⁵Ak gug aenta sad aupasek ta apare idu na tap, Tamam aŋsam aupasek dam ta ipare idu na wa.

Jesus anaŋ geg pani san niŋen o maŋau ipidinai a

¹⁶“Saen oŋ gudanek san dabai Ɔane wo anaŋ lo geg gane tap, nao san leil ta ganep saian na wa, nek ibol tamol balek uraru adi digane dak ago mi ta gane na wa. Iŋ naod diganep saian dop aenta dil dop dubol a, ‘iŋ anaŋ tia ditor da.’ Ɔai rumok Ɔurupaiaŋ da, iŋaned naon idaisuda mi diŋane la ya. ¹⁷Ak man saen oŋ gudani wo anaŋ lo geg gane tap, usug pe nao kubune wo uyan a. ¹⁸Ago dop aenta oŋ anaŋ lo geg gane yan ta duloŋ na wa. Ago dop Tama mi ilio dop, iŋ mel mianuk lo ile dan, naon ipano wa.

Filian kumaen panu lo dien da

Luk 12:21,33-34; 11:34-36; 16:13

¹⁹“Aŋ tan en lo filian tubun mok afuti wo urat maeg ta agane na wa. Fun dugo, ente man kadum diani wak, teirteir dam malad dusue wak, gumagam dam ab digilep diladup digam a. ²⁰Ak man kumaen panu lo mi filian afuti wa. Aben an ate kadum ta diani na wak, teirteir dam malad ta dusue na wak, agod

gumagam dam ab digilep diladup ta digam na wa. ²¹Man dugo, aben a oꝛane filia ate yen dan, nek aben an mi lo oꝛane ilo tini fidian dam antem yen a.

²²“Oꝛane mala man tini san lilaman. Saen oꝛane mala uyan tap, tini fidian mi igane ilalaꝛ a. ²³Ak man saen oꝛ mala saian tap, tini fidian geig an tidom tubun da awan isa wa. Aria, saen lilaman oꝛ lo yan tidom tubun oꝛ tap, tidom tubun an bilkas geig a.

²⁴“Tamol ta gurman uraru mi nal kisaek lo mi awad yabi san tia ya. Iꝛ ago igane wo igane tap, iꝛ kisaek o lian niꝛen o imat dop, turan ile sisaian a. Tia dop, kisaek o lian ilon ipani dop, turan patun ipani wa. Nek ago mi oꝛ Anut moni da sisem uri san tia ya.

Ilo ta muruan na wa

Luk 12:22-31

²⁵“Nek an niꝛen o ꝑurupaiaꝛ da, aꝛsam madok niꝛen o ilom ta muruan na wa. Mel ani wan niꝛen o, mel aluk san agod bioꝛꝛ tinim san an niꝛedi wo ilom ta muruan na wa. Ak dugo, anaꝛ an mel tusan dugo ꝑutumi an mel tubun ak i? Aria, taida mi, bioꝛꝛ tinim san an mel tusan dugo tinimi mok an mel tubun ak i? ²⁶An niꝛen o kuseꝛ eil, iꝛ anaꝛ ta dupae na da, iꝛ anaꝛ disinip anaꝛ ab lo ta dutumani na da, ak man Tamami kumaen panu lo amaiak iꝛaned anaꝛ ipidinai da. Ak dugo, Anut malan lo kuseꝛ mel tusan dugo aꝛ mel tubun geig ak i? ²⁷Ak dugo, aꝛ luluꝛam lo talpein ta ilon weiwei dan lo nal taidam ka imado wak i? ²⁸Agod aꝛ ata wo bioꝛꝛ direk san niꝛedi wo ilom muruan dak i? Garaꝛ san kakak dugo woꝛ disa dak ilom isou a. Kakak an urat ta digane na dak, agod iꝛaned bioꝛꝛ dam ta diwei na da. ²⁹Ak man ꝑai ꝑurupaiaꝛ da, gidad Solomon damag siꝛaokan ak dupani bo man, iꝛsan leil man kakak an san leil igo tia ya. ³⁰Aria, Anut garaꝛ san kakak san leil iganep siꝛaokan ago dilasa dop, gidad gamu kumaedi dumado gup gabulop yai lo diabiau o tap, o aꝛ tamol ilo rumok amam tusan a, ak dugo, aꝛ dam bioꝛꝛ tinim fo ta idiri na wak i? ³¹Amaiak niꝛen o ilom muruan pe ‘ata tani wak i?’ tia, ‘ata taluk ak i?’ tia, ‘ata tinid san bioꝛꝛ oꝛ tidiri wak i?’ ago ta abol na wa. ³²Man dugo, gob adi mel an fidian abaꝛan diabi dutor da. Agod aꝛanem Tamami lak na imado dan mel dugo niꝛedi wo amat dan iꝛ fidian ilonꝛ pasik a. ³³Gug imug mi man, iꝛsan kagin panek lo aladu san, agod iꝛsan kagin itaot an dam aꝛane san niꝛen o maeg agane wa. Ago agane tap, mel an fidian dam aꝛane wa.

³⁴“Ak niꝛen o gabulo san niꝛen o ilom ta muruan na wa, man dugo, gabulo man iꝛsen niꝛen o mi ilon muruan a. Nal anen anen iꝛaned muruan anen anen idaisuda la ya.

Aenta bitinaek lo ta dirai na wa

Luk 6:37-38,41-42

7 ¹“Oꝛ aenta biai dudu wo bitinaek lo ta dirai na wa. Oꝛ ago ta gane na tap, Anut dam oꝛ lo ago ta igane na wa. ²Man dugo, dal

kisaek nek a lo, aenta bitinaek lo dirai dan, ago mi Anut oŋ dam lo ago igane wa. Agod saen aenta sad madok bitinae ule man, tou dugo yan lo oŋ aenta pidinai dan, tou nek kisaek an mi lo Anut oŋane madok dam ibitinae ile wa. ³Dugo woŋ go metmet samun ta tei malan lo ule gug oŋsigane mala lo ai lapan yen an ta kubiani na yak i? ⁴En dugo woŋ tei rupeip ubol, ‘Gane dop metmet samun a mala lo yan ŋupasi yau,’ dugo oŋsigane mala lo ai an nal fidian mi ago yen di? ⁵Oŋ bale uraru ama ya, imug mi sigane mala lo ai lapan an pasi gup, lo abaŋ ka ule uyanan dop lo tei malan lo metmet samun an pasi yau a.

⁶“Mel gun ak goun ta pidinai na wa. Ago gane tap, goun an didaŋsap tini diburtiti kitiktik a. Nek ago mi oŋane koksai bor naod na ta ubal na wa. Ago gane tap, bor ŋjed nam duparfufari wa.

Sumiaeŋ, abaŋ ule, dalawan tuti

Luk 11:9-13

⁷“Sumiaeŋ dop Anut ipano wa, abaŋ ule dop ule wa. Dalawan tuti dop ipasi pano wa. ⁸Man dugo, talpein a isumiaeŋ dan iŋane wa, talpein a ibaŋ ile dan ile wa, agod talpein a iladu wo isumiaeŋ dan, Anut dalawan ipasi pani wa.

⁹“Enti aŋ luluŋam lo nanun bret o isumiaeŋ dop pat ipani wak i? ¹⁰Tia dop, iy o isumiaeŋ dop mot wagai ak ipani wak i? ¹¹Fun an niŋen o gidad oŋ tamol saia bo man, nanu murou mel uyan uyan ak pidinai o uloŋ a. An niŋen o mel uyan uyan ak sapita taida dop oŋ Tama kumaen panu lo yan tamolpein a dusumiani dan ipidinai ak i? ¹²Ak niŋen o mel fidian lo kagin tamolpein aenta dukubiai pano wo ilo ibol dan, kagin nek an mi oŋ dam imug mi kubiai pidinai a. Ago agane tap, kagin naok naok nek a kubiaeŋ lo ibol an, agod profet sad ru kubiaeŋ durupaiŋ an dam ibulumai a.

Dalawan ipipiani aman

Luk 13:24

¹³“Dalawan ipipiani^e aman an lo mi aladu wa. Man dugo, dalawan a pitiŋinek aben lo yau an man tubun geig a, agod san dal dam nek ago mi a, agod tamolpein a dalawan amaiak lo diladu dan man wei kasik a. ¹⁴Ak man dal a kumaen aben lo yau dan man ta pasauman na ya, agod san dalawan ipipiani aman a. An niŋen o tamolpein kisaek kisaek mi dal amaiak dile da.

Ai ta nuŋon an da

Luk 6:43-44; 13:25-27

¹⁵“Profet sewak an niŋedi wo kagin agane wa. Iŋ tinidi sipsip sunulon nam dubuluwi dop lo mos nam aŋsam na dupalu wa, ak man tinidi ilon

^e Ipinima

lo man iŋ nek ibol goun kasik yai ided geig ak igo woŋ a. ¹⁶Iŋsad urat nuŋon digane ilasa dan te gup sad bunud lo ale alon ak iŋ tamol naok ago ya. Ak dugo, ka tamolpein ai dudurun anda yak lo aŋar nuŋon diŋane wak i? Tia, nom lo fud nuŋon diŋane wak i? Tia geig a. ¹⁷Fun an niŋen o saen ai ta uyan tap, san nuŋon ifu ilasa man dam uyan mi a. Ak man saen ai ta saian tap, san nuŋon dam saian a. ¹⁸Ai uyan ak lo nuŋon saian ak ilasa san tia ya, agod ai saian ak lo nuŋon uyan ak ilasa san dam tia ya. ¹⁹Saen ai ta nuŋon ta ifu uyan na tap, ai an ditare idup dubal yai fo isuda wa. ²⁰Nek dal an lo mi sad naok naok dugo sad kagin lo igane ilasa dan te, iŋ tamol naok dugo yan aŋ ale alon a.

²¹“Tamolpein a ŋai durupaig pe ‘O Tubun ak, O Tubun ak’ igo dubol dan luluŋad lo, aenta Anut san kagin panek lo diladu san tia ya. Tia, tamolpein nek a ŋaisag Tamag kumaen panu na imado dan san ilon dugo yen dugo durid amaiak mi diladu wa. ²²Nal an lo tamolpein wei mi durupaig pe dubol a, ‘O Tubun en, O Tubun en, maŋ on yaŋa lo profet ru mabol ilasa ya, on yaŋa lo ur saiak saiak tamol ilod lo mukudai diau a, agod on yaŋa lo dam urat dababai anda yan wei mi migane na yan ta ulon na i?’ ²³Ak gug ŋai ŋurupidaip ŋabol a, ‘Ŋai nal fidian aŋ ta ŋalon na ya. Aŋ kulob saiak saiak san tamolpein, abisawag pe sen alasa!’

Ab bek ta san kankan milaen iŋ ab bek ta san kankan ŋiŋeo ak da
Luk 6:47-49

²⁴“Ak niŋen o talpein a ŋaisag ru ilon pe awag kagin ipani dan, iŋ nek ibol maŋau tamol ab yabi wo dugo bag san gib kuror mi yabig, pat nam bag fun isueg sakar ak igo woŋ a. ²⁵Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. ²⁶Ak man talpein ru e ŋabol den ilon gug awag kagin ta ipani na dan, iŋ man nek ibol ŋiŋeo tamol igo ya, iŋanen ab yabi wo dugo gib ta yabi nag, lul fufo mi yabi ak igo woŋ a. ²⁷Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitiŋinek man saian geig a.”

²⁸Saen Jesus tamolpein sad na mel e fidian ibol se yen igane itout man, iŋsan dal dugo lo maŋau ipidinai man dileg maladi ifure idu ya. ²⁹Fun dugo, iŋ nek ibol iŋsad kubiaen san girek maŋau adi igo woŋ maŋau ta ipidinai se na ya, tia, tamol tubun yaŋan anda yak on ipiteŋanai se ya.

Tamol ta tinin lepra yafutani a
Mak 1:40-45; Luk 5:12-16

8 ¹Saen Jesus did an fo idu dugo tamolpein wei mi ŋien aban diri se ya. ²Ago dugo tamol ta tinin lepra yafutani an ipalug Jesus naon na turun isaluwig irupe, “O Tubun ak, on ilo ibol tap, ŋai kubuniag pe tinig ikok ilasa da wa.” ³Agog Jesus banin iwateg isupurig ibol, “Ubol agom

ñai ilog ago yen da, ikok lasa.” Agog tamol an tinin ikok ilasa kisaek oñ a. ⁴ Ago dugo Jesus irupeig ibol, “Kagin gane, kulob ilasa yen niñen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan ñanep Anut yai gane pani. An lo dop tamolpein dulonj ak onjane subam itout a.”

Rom yu gurman san ilo rumok

Luk 7:1-10

⁵ Jesus Kaperniam na yaug saen iladu wo dugo Rom san yu gurman ta iñsan na ipalug binawek ipani wo imosiai a. ⁶ Ago dugo irupeig ibol, “O Tubun en, ñaisag urat tamol ta subam ifunig ab lo yen da. Ñien banin imat dugo madai tubun kasik lo yen da.” ⁷ Agog ru naon irupeig ibol, “Ñai ñupalup ñukubune wa.” ⁸ Ak gug yu gurman an ru naon irupeig ibol, “O Tubun en, oñ ñaisag ab lo ladu san man ñai yanjag tia ya. Ru mi ubol dop lo ñaisag urat tamol uyan isusa da wa. ⁹ Man dugo, nek onje ago mi, ñai dam tamol aenta waged lo urat ñigane da, agod ñaisag yu tamol adi paeg na dumado da. Saen ñai yu tamol ta ‘wau’ ñabol tap, inj yau a. Tia, ta ‘palu’ ñabol dop inj ipalu wa. Tia, ñaisag biabi ñilañal ta ‘igo gane’ ñabol dop, inj igane wa.” ¹⁰ Jesus ru an ilonj man, irut saian geig a. Agog idansag tamolpein a ñien aban diri se yan irupidai, “Rumok geig ñurupaianj da, tamol ta ilo rumok naok igo yak aman da Isrel ilon lo ñile man tia ya. ¹¹ Ñai ñurupaianj da, tamolpein wei mi ad ilasa dak ate, agod ad idiau dak ate dam dupalup Abraham, Aisak, agod Jakob dida dutumanip, Anut san kagin panek aben ante sisem dumasip, soubul san anañ diani wa. ¹² Ak man Anut iñsan kagin panek aben san tamolpein injal pe yabiau patun fo dilasa dop tidom tubun lo mi dumado yau a. Aben ante man tamolpein tinañ digane dop madai lo luod dugurmi wa.” ¹³ Agog Jesus yu gurman an irupeig, “Waup, nek ibol oñ ilo rumok ama da ago mi, ñai dam nek ago mi ñigane wa.” Saen Jesus ago ibol go itout man, biabi ñilañal an uyan isusa kisaek oñ a.

Jesus tamolpein wei mi ikubuniaig uyan dilasa ya

Mak 1:29-34; Luk 4:38-41

¹⁴ Pita raon subam ifunig tinin dam wananan go, gadab fo iñsiganen ab lo diganeg yen se ya. Saen Jesus ab an lo iladu man, pein an yen dugo ile tag ¹⁵ banin iwateg pein an banin yabi a. Agog pein an tinin ibubarum kisaek oñ dugo subam an ibisei a. Agog imasa itur go anañ ikubuneg Jesus kagin ipani a. ¹⁶ Aria, saen gurai isi dugo, tamolpein a tinid ur saian saian amad da yan diñal dupalu ya. Ago dugo Jesus ru ta dabai anda yak lo ur saian an fidian ikudai diau a, agog tamolpein subam amad da yan dam ikubuniaig uyan dilasa pasik a. ¹⁷ Jesus kulob a igane yan lo awak aban ta profet Aisaia ibol an nuñon ilasa ya, “Inj idsad muruan injal go iñanen tinin nam idsad subam isini a.”

Jesus awan tiri san muruan

Luk 9:57-62

¹⁸ Saen Jesus tamolpein wei mok dubuluwi dugo yil an, ijanen megeloum adi wog nam you aen ate diau wo irupidai a. ¹⁹ Agog kubiaen san girek manjau ta sinjiren na ipalug irupe, “O Girek Manjau, on dugon te wau o dan, naj dam ate tau a.” ²⁰ Gug Jesus ru naon irupeig ibol, “Goun kasik in wur amad da ya, anakanak dam wur amad da ya, gug Tamol Nanun ninen o man aben ta ate kabunan igansip njon yabi san o man tia ya.” ²¹ Agog tamol ta in njen aban iri an irupeig ibol, “O Tubun en, umoi dop najup, tamag njisare gup.” ²² Ak man Jesus irupeig ibol, “Njeg aban uri wa. Tamolpein a njtudi imat la yan bisawai dop injsiganed tubabun ka disiriai a.”

Jesus inijen dugo beig tim da dutokubol a

Mak 4:35-41; Luk 8:22-25

²³ You lo dupalug Jesus imug wog lo isuda gug ijanen megeloum murna disudag diyawai diau a. ²⁴ Agog you titinjaem dumado dugo tim tubun ak ifure ya. Ago dugo you tubun geig imasag wog ilon lo iladu bo man Jesus njon yabi se ya. ²⁵ Agog diaug Jesus dufufunig dubol, “Tubun ak binawam, tadeg tau o sumeik da.” ²⁶ Agog irupidaig ibol, “O an tamol ilo rumok amam nanunan, ata wo arer dak i?” Agog imasa itur go tim tamun da ipidai man, tim ifure na yan itout dugo you malin idu geig a. ²⁷ Saen injsan megeloum ago dile man malad ifure idu dugo sed nug dusumianig dubol, “En so tamol ta igo yak i? Gidad you tim da dumasa yak dubo man awan duloj a.”

Jesus tamol uraru tinid ur saian saian anda yak ikubuniaia a

Mak 5:1-20; Luk 8:26-39

²⁸ Jesus wog nam you aen ate ipalu dugo aban ta Gadarin tamolpein dumado dak ate disasau a. Aben ante tamol uraru tinid ur saian saian anda yak mutou aben lo dumado se ya. Uraru an yaided nujon a, an lo tamolpein ninjedi wo tubun mi direr dugo aben ante ta diau na da. Saen Jesus sumeik ipidinai man mutou dibiseig diaug naon na dilasa ya. ²⁹ Ago dugo tubun mi disasai dugo duwagin go dubol, “O Anut Nanun, on mel ta man lo i? Dag injsan saen mok gamugo ilasa wo dugo, man imug madai tubun ak panama wo palu i?” ³⁰ Aria, in dumado dak ate kitekan asau man, bor malan tubun geig ak dunuaen se ya. ³¹ Agog ur saian saian an Jesus san na dumosiaig dubol, “Gidad on tamol uraru en ilod lo kudama tap, diramap maup bor malan tubun an tinid lo miladu wa.” ³² Agog in irupidaig ibol, “Au.” An lo man, ur saiak saiak dilasag diaug bor tinid ilon lo diladu ya. Ago yan lo bor fidian dumasag, dumaspalug diaug

damab aen te dudug you duluk go dumat pasik a. ³³Tamol bor kagin dupidinaï dan disol go dumaspalu oñ panu lo diaug mel ilasa yan niñen o tamolpein durupidaig duloñ a. Agod tamol a ur saiak saiak ditirni na yan mel dugo iñ lo ilasa yan dam niñen o dubol go duloñ a. ³⁴An lo man, panu an san tamolpein fidian direr go Jesus dile wo dupalu ya. Saen dupalug dile man iñaned aben ibisei wo dusumiani a.

Jesus tamol niñen banin ikikai ak ikubune ya

Mak 2:1-12; Luk 5:17-26

9 ¹Jesus wog fo isudag you ituteg aen ate siganen taun lo yau a. ²Ante tamol ta niñen banin fidian ikikai aman ak kapal anda disinig Jesus san na dupalu ya. Agog saen Jesus iñaned ilo rumok ile man, tamol an irupeig ibol, “O ñai nanug, se ilo wabisa; ñai oñane aupasek fidian niñusau yau la ya.” ³Ago dugo kubiaeñ san girek mañau aenta iñ awan duloñ man ilod lo mi dubol se, “Tamol an Anut lo ru kukok igane da.”

⁴Ak man Jesus iñ kankan dugo digane se yan fidian ilon pasik an lo irupidaig ibol, “An ata wo ilo saiak saiak ilom lo agane dak i? ⁵Ata mel pasauman ak i? Aria, ñai igo ñabol, ‘Oñane aupasek niñupasi yau wo?’ Tia, ‘Masap kapal wabisap utor o?’ ⁶Gug kulob e niñigane en lo, ñai Tamol Nanun, tan en lo Anut wagen lo aupasek ka niñupasi yau amaiak alon o ...” saen ago ibol man, tamol a niñen banin ikikai aman ak irupeï, “Oñ masa utur pe oñane kapal niñnep oñsigane na wau.” ⁷Agog tamol an imasa itur go siganen ab lo yau a. ⁸Aria, saen tamolpein a Jesus dubuluwi an kulob ago dile man, dirut saian go Anut yañan diabisa ya, man dugo, iñsan dabai naok ago yan tamol ta ipanig, an lo tamol niñen banin ikikai ak ikubune ya.

Jesus Matyu iwagi a

Mak 2:13-17; Luk 5:27-32

⁹Jesus kitekan taida yang ab ta, ate moni niñalañ tamolpein sad na takis diñane dak ate ilasa ya. Ate man takis niñalañ tamol ta imasig imado dugo ile ya. Tamol an yañan Matyu. Agog irupeï, “Niñeg aban uri.” Agog Matyu imasag niñen aban iri a.

¹⁰Murnag saen Jesus Matyu san ab lo imasig imado dugo sisem anañ diani man, takis niñalañ wei mok, agod tamolpein aenta wei mi a Farisi adi niñedi wo “aupasek tamol” dubol dan dam, dupalug dumasig Jesus iñanen megeloum dida sisem anañ diani a. ¹¹Saen Farisi adi ago dile man Jesus san megeloum dusumianai, “En ata wo añsam girek mañau takis niñalañ, agod aupasek tamolpein dida sisem anañ diani dak i?” ¹²Ak man Jesus iñsad sumiaeñ ago ilon man irupidaig ibol, “Tamolpein a uyadi ak dokta san na ta diau na da, tia, tamolpein subam anda yak mi diau da. ¹³Alasa aup girek en ilom isou uyan dop san fun alon mok a, ‘An ilo uyan

apanag an niŋen yai agane panag o ilog ta ibol na ya, tia, aŋ aenta ilom imuŋanai o mi ŋamat da.’ Man dugo, ŋai tamolpein a itaot adi dubol dak ŋigiaip dupalu san niŋen o ta ŋupalu na ya, tia, aupasek tamol adi mi ŋigiaia o ŋupalu ya.”

Jon san megeloum anaŋ san geg niŋen o dusumiaeŋ a

Mak 2:18-22; Luk 5:33-39

¹⁴Agog Jon san megeloum Jesus san na dupalug dusumiani, “Man agod Farisi dida nal kadi anaŋ lo sema geg ipanama da, ago gug ata wo oŋsigane megeloum anaŋ lo geg ta digane na dak i?” ¹⁵Agog Jesus irupidaig ibol, “Tamol ta iwon da sad nug ŋanek san saen an ilom isou a. Ak dugo, saen tamol an iŋanen turan mouroon dida dumado dan, waliŋ diganep lo ilo muruan amad da dumado wo ago digane wak i? Tia geig. Gug nal ta ipalu dan te man, nug ŋanek san tamol an naon atna tia wa, nal an lo gup waliŋ digane dop ilo muruan lo ditata wa.

¹⁶“Tamol, yamel kilaken ta ikukuik^f na yan irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop afon irasire dop daoŋ ipani wa.

¹⁷Agod tamol dam wain foun ak bilelek suŋulon wagam ak lo ta diwali na da. Man dugo, ago digane tap, wain foun an iganep bilelek suŋulon wagam an ikafut yaup ipuk dop, wain ikulmaek pe tan fo idu dop, bilelek suŋulon dam daoŋ ipani wa. Fun an niŋen o iŋ wain foun ak bilelek suŋulon foun ak lo mi diwali da, ago dop bilelek suŋulon an iŋ wain da sisem ka uyanan mi dien yau a.”

Kubakan ta imat ak iŋ pein ta subam anda yak da

Mak 5:21-43; Luk 8:40-56

¹⁸Saen Jesus mel an sad na ibol ilasa dugo, gurman ta san na ipalug ŋien fun na turun isaluwig irupeig ibol, “ŋjaineg nanug pein gamu na geig imat a, ak man oŋ iŋsan na palup bani kabuŋan fufo gane tap man, kumaen ilasa da wa.” ¹⁹Agog tag Jesus imasag iŋanen megeloum dida ŋien aban dirig diau a.

²⁰Gug saen dal durig diau man, pein ta subam anda imado se yan ŋien aban irig yau se ya. Pein an anaŋar 12 siganen dar tinin ilon lo yak ilasa se ya. Aria, iŋ Jesus patun fo yaug sumeik man banin iwateg iŋsan kulos bitinŋen isupuri a. ²¹Man dugo, iŋ imug mi siganen ilo sou lo ago ibol, “ŋjai banig iŋanen kulos mi ŋusupuri tap, iŋanen dabai ikubuniag a.” ²²Saen iŋanen kulos isupuri man, Jesus idanŋsag ileg irupeia, “O nanug pein, ilo wabisa, oŋsigane ilo rumok ŋai lo yan ikubunio ya.” Ago ibol man pein an tinin nek saen ante mi uyan ilasa kisaek oŋ a.

^f Ikukup isuda

²³Saen Jesus gurman an san ab ate ilasa man, ilon lo iladu ya. Ante man tamol suduk duwi dugo, tamolpein ditata wo dutumani an, lilijan tubun mok diganeg dumado dugo yil a. ²⁴Agog irupidaig ibol, “Alasa au, man dugo, pein baras an ta imat na ya. Tia, in njonj yabi da.” Ago ibol man disel on dugo kukok an digane se ya. ²⁵Ak man Jesus imug tumanek malan an ikudaig kuai te dilasa, agog pein baras an san galun lo iladug banin te yabi a. Saen yabi man pein baras an imasa ya. ²⁶Agog kulob e igane yen san njonj an dijaneg aben tubun an san titin fidian lo dubol itiliani a.

Jesus tamol malad itau agod tamol awan itau ak dam ikubuniai a

²⁷Jesus aben an ibiseig yau dugo tamol uraru malad itau an njen aban duri se ya. In tubun mok disasai dugo duwagin se, “O Dawid Nanun, gidad ilo panama wo!” ²⁸Saen Jesus ab ta lo iladu man, tamol uraru malad itau an ate san na dilasa ya. Ago tag irupidaig ibol, “Ak dugo, naj kulob e njigane san an ilom lo rumok ak i?” Go in durupe, “Awo, O Tubun ak.” ²⁹Agog Jesus uraru an maladi isupuri dugo ibol, “Ananem ilo rumok iri panim nek ago mi an o ilasa wa.” ³⁰Agog maladi uyan ilasag aban dile uyan a. Ak gug Jesus ru dabai nam ru kagin igo irupidai, “Kagin agane wa, talpein ta kulob e ilasa yen dulon o ta arupidai na wa!” ³¹Ak man dibiseig diaug njen an aben fidian distrik an ilon lo dubol ditiliani se ya.

³²Saen Jesus inanen megeloum dida ab an dibisei man, tamol awan itau ak ta dijaneg san na dupalu ya, man dugo, tamol an ur saiak ilon lo imado na ya. ³³Jesus tamol an ilon lo ur saiak an ikudi man, tamol an njen kisaek on a. Agog tamolpein a dutumanig dumado dan kulob an dileg durut saian go dubol, “Mel tutubu naok ago yak imug mi Isrel na ta ilasa na ya.” ³⁴Ak man Farisi adi dubol, “Ur saiak sad gurman inanen tuon nam ur saiak tamol tinid ilon lo yak ikudai da.”

Urat tamolpein wei an tia ya

³⁵Jesus panu fidian agog taun fidian lo itilianig itor se ya. Inaned ubou ab fidian ilod lo ipitejanai go aben gidigheid lo Anut san kagin panek an san bilalun uyanan ak njen o ibol ilasa se ya. Agod subam naok funfun an fidian dam ikubuniai na ya. ³⁶Saen tumanek ile man, ilon lo tubun mok imujanai a, man dugo, inanen malan lo gown kasik tamolpein an dirasisirai ak igo won a, agod tan fufo dudug dabai amad tia yak dien dak igo won a. Nek ibol sipsip sad muroun tia yak ago mi dumado se ya. ³⁷Agog Jesus inanen megeloum irupidaig ibol, “Anan wei mi ibes pasik a, ak man sinek san tamol wei an tia ya. ³⁸Amaiak njen o ananem gadin lo man, an sinek urat san muroun asumiani dop in ka sinek san tamol wei mok injal pe idinaip, anan dutumani wo, inanen abi lo diau a.”

Jesus inanen megeloum urat digane wo manau ipidina a

Mak 3:13-19; 6:7-13; Luk 6:12-16; 9:1-6

10 ¹Jesus inanen megeloum 12 an igiaig sinjiren na dupalug dabai ipidina a. Ago yan lo in wagen lo ka ur saiak saiak tamolpein

ilod lo dukudai diau a. Agod dam ka subam funfun dukubuniaid idu wa. ²Aposel 12 an yaŋadi igo ya, imug an Saimon, tamol an yaŋan neinta Pita dubol dan, iŋ tein Andru da. Tinin te Jems iŋ Jon da Sebedi nanun muroun. ³Filip, Bartolomiu, Tomas, Matyu tamolpein sad na moni takis isi dan, Jems Alfeus nanun, agod Tadaeus. ⁴Saimon neinta iŋ Rom san yu tamol sad ager, agod Judas Iskeriot tamol an murnag Jesus ager tamol banid lo igane yau a.

⁵Jesus tamol 12 en idinaig ru dufulale wo diau a. Iŋ igo digane wo irupidai a, “Aŋ tamolpein Juda tia yak sad tan lo ta au na wak, agod taun dugon Samaria sadi dam lo ta au na wa. ⁶Tia, sipsip a dideg diau san dumado dan Isrel sad warou lo dilasa yan sad na mi au a. ⁷Atiliani ator dop igo abol ilasa wa, ‘Anut san kagin panek ipalug sumeik la ya.’ ⁸Subam ifu an akubuniaid, dumat la yan afufunaip dumasa wa. A tinid lepra amad da yan akubuniaip tinid afon uyan ilasa da wa. Agop ur saiak saiak tamolpein ilod lo yan akudai diau a. Aŋ ŋaisag dabai sen kawan aŋane amaiak niŋen o, tamolpein dam moni tia kawan akubuniaid a. ⁹Aŋ moni dam ta asini na wa. Pat naon ibol gol boi ta silva boi ta kopa ago woŋ aŋanem let lo iyuk dan ta asini na wa. ¹⁰Au wo dop tureŋ san badam ta asini na wak, madid san kulos taidam ta asini na wak, sendal dam ta aŋane na wak, agod makud dam ta aŋane na wa. Man dugo, a sad na urat agane wo dan anaŋ lo dibinawaŋ san man uyan a.

¹¹“Agog saen panu ta boi, tia taun ta boi lo aladu wo dop asumianai a. Ago dop enti tamol uyan an dubol aloŋ gup, aup, tamol an da amado na gup, abisei dap, au a. ¹²⁻¹³Agog saen san ab lo aladu wo dop, bar maror san an tamolpein ab an lo dumado dan niŋedi wo agudani gup, aladu wa. Saen tamolpein an ilo uyan lo digiaŋ tap, bar an iŋ da dumado wa. Ak man saen iŋ ta digiaŋ o uyan na tap, bar an apasi aŋane da wa. ¹⁴Ak gug saen tamolpein abaŋ an ate patud dupanaŋ boi, tia, aŋsam ŋiŋeŋ ta duloŋ na tap, ŋiem fo gufgaf afuni idu gup, ab boi, tia, aben boi, an abiseip au a. ¹⁵ŋai ru en rumok geig ŋurupaiaŋ da, saen nal a lo Anut tamolpein ibitinae san ilasa dop, aben an san tamolpein muruan tubun geig ak ipidinai a. Agod iŋaned wadan naon an taun Sodom iŋ Gomora da sad wadan naon an iriŋani geig a. ¹⁶Aloŋ siŋaokan, nek ibol sipsip iŋ goun kasik luluŋad lo dutor dak igo woŋ, ŋai aŋ ŋidinaŋ pe tan en san tamolpein naod na au o da. Ago yak niŋen o mot igo woŋ abaŋ ale wo uyanan a, gug aŋanem tureŋ lo nek muluk oŋ mos kagin lo mi ator a.

Murnap muruan wei mi dilasa wa
Mat 24:9-14; Mak 13:9-13; Luk 21:12-19

¹⁷“Tamol niŋedi wo kagin agane wo uyanan a, man dugo, tamol an dusubanaŋ dop diŋiliaŋ pe iŋaned tumanek lo dibitinaŋ o dugunaŋ a, agod Juda sad ubou ab lo rasau nam dufunaŋ a. ¹⁸Tamolpein an ŋai

nineg o dibianj dop dirianj oŋ diŋilianj pe tamol gurman iŋ kiŋ da naod na atur a. Ago yan lo iŋ naod na, agod gob fidian naod na dam, anjanem ilo rumok ŋai o kuai tem ka abol ilasa wa. ¹⁹Aria, saen ager banid lo didiraŋ dop, ru dugo abol man niŋen o ilom ta muruan na wa, ru naok dugo yak arupidai an dam niŋen o ilom ta saian na wa. Man dugo, saen nek an lo ru a arupidai an Anut san Urgan ipanaŋ a. ²⁰Man dugo, ru a ubol dan oŋsa mi tia ya. Tia, oŋane Bai Anut anen Ur, iŋsen mi oŋ awa lo iŋiŋeŋ da. ²¹Tein ta iŋanen tein ager banid lo iganep dufuni imat a. Taman ta dam nanun muroun lo ago igane wa. Nanuk dam tinan taman patun ipidinaip ai katuk banid lo idiraip dufu dumat a. ²²Agod tamolpein fidian ŋai nineg o aŋ lo siai digane wa. Ak gug enti a muruan en fidian lo itur sakar oŋ yaup iŋanen wadan idu dop, ŋai talpein an ŋiŋanep patun ŋupasi wa. ²³Saen panu ta ante muruan dupano tap, usol pe panu turan ate wau a. ŋai rumok ŋurupaiaŋ da, aŋ panu fidian Isrel ilon lo yan ate gamugo au itout dop, ŋai, Tamol Nanun, ŋamul ŋupalu wa.

²⁴“Nanuk maŋau iŋane wo dan, iŋsan girek maŋau ta iriŋani na da. Agod urat tamol dam iŋanen tirnek ta iriŋani na da. ²⁵Nanuk a maŋau iŋane dan siganen girek maŋau igo woŋ ilasa tap, an idaisuda ya. Agod urat tamol siganen tirnek igo woŋ ilasa tap, an dam idaisuda ya. Ak dugo, ab muroun iŋ Satan dubol dak ago tap man, sapta taida dop ab muroun an san gugoi lo uf ru dupidina i ak i?

Tamol Anut mi niŋen o irer a

Luk 12:2-9

²⁶“Amaiak niŋen o aŋ tamolpein naok ago yak niŋedi wo ta arer na wa. Man dugo, mel fidian gamu dufutanig dien dan murnap walal te dilasa wa, agod mel fidian gamu mianuk lo didiraig dien dan dam, murnap Anut iganep id fidian taloŋ a. ²⁷Ru tidom tubun lo ŋurupaiaŋ dan, ad lo abol ilasa wa. Agod ru dugo kisikisik lo aloŋ dan, ab fuŋ fufu atur pe awam tubun mi abol ilasa dop fidian duloŋ a. ²⁸Agod tamolpein a oŋ tini dufuni imat gug, oŋ ŋutu dufuni imat san ta idaisuda na yan niŋedi wo ta urer na wa. Tia, gidad enti a oŋ tini ŋutu sisem Ades lo daoŋ ka ipidina i san dabai aman da yan niŋen o mi urer a. ²⁹Ak dugo, kuseŋ uraru didaenj san an sapita yak i? Nek toea kisaek o lian a. Ago bo man, oŋane Bai ilon ago ta yen na tap, kuseŋ an dumat pe tan na dudu san tia ya. ³⁰Nek gurma roun san sutek Anut ilonj pasik a. ³¹Amaiak niŋen o urer umoi. Anut malan lo oŋane naon lak na geig a, naon an kuseŋ wei mi sad naod iriŋani geig a.

³²“Talpein ta tamol naod na iŋ ŋaisag ago ibol tap, ŋai dam Tamag kumaen panu na yan naon na ŋatur pe ŋabol ak iŋ ŋaisag a. ³³Ak man talpein ta tamol naod na iŋ ŋaisag tia yak ago ibol tap, ŋai dam Tamag kumaen panu na yan naon na iŋ ŋaisag tia yak ago ŋabol a.

Jesus tan na ilasa yak san fun*Luk 12:51-53; 14:26-27*

³⁴Kabelan ηjai maror tan en lo ηjigane ilasa san ηpupalu yak ago ilom isou banau. Tia, ηjai muruan ale yau o aη luluηam lo ηpupalu ya. ³⁵Man dugo, ηjai ηpupalu san fun man igo ya,

‘nanuk dimasap tamadi lo siai digane wa,

nek ago mi nanudi pein dimasap tinadi lo siai digane wa.

Nek ago mi, nanuk pein dam dimasap iraodi lo siai digane wa.

³⁶Tamol san ager mok man, siganen gugoi ilon lo mi a.’

³⁷Talpein ta tinan taman niηedi wo tubun geig imat gug, ηjai o tubun mi ta imat na tap, talpein naok ago man iη ηjaisag talpein ilasa san an ta idaisuda na ya. Agod talpein ta nanun muroun niηedi wo tubun geig imat gug, ηjai o tubun mi ta imat na tap, talpein naok ago yan dam ηjaisag talpein ilasa wo ta idaisuda na ya. ³⁸Agod talpein siganen aigim fufu imat an isinip ηjeg aban ta iri na tap, iη dam ηjaisag talpein ilasa san ta idaisuda na ya. ³⁹Talpein a siganen madok yabituani dan, madok mok a kumaen panu lo yan banin lo ideg yau a. Ak man talpein ta ηjai niηeg o siganen madok tan san an banin lo ibisei yau tap, madok yen yau san an iηane wa.

Id aenta tibinawai tap, naon uyanan ak tiηane wa*Mak 9:41*

⁴⁰“Talpein enti uyan ipanaη tap, ηjai dam uyan ipanag da. Agod iη a uyan ipanag dan, a idinag go ηpupalu yan dam uyan ipani da. ⁴¹Talpein ta iη profet ta ilonη gug profet an uyan ipani tap, iη profet sad urat naon iηane wa. Nek ago mi, talpein ta iη tamol itaot ak ta ilonη gug, tamol an uyan ipani tap, iη dam tamol itaot aman an san naon iηane wa.

⁴²Agod talpein ta nanuk kititik luluηad lo nanuk kisaek o lian, iη ηjaisag megeloum ago ilonη go, talpein an you bubarum kitek an mi nanuk an ipani tap, ηjai rumok ηrupaiaη da, kulob an san naon iriηani san tia geig a.”

Jesus iη Jon suguek san da*Luk 7:18-35*

11 ¹Saen Jesus iηanen megeloum ru kagin irupidai itout man, iη aben an ibiseig yau a. Yaug aben an san taun gidigidad dien dan lo sad tamolpein ipiteηanai dop Anut san ru ifulale wo itor se ya.

²Aria, saen Jon subanek ab lo imado se man, Kristus urat naok naok igane dan ilonη, iηsiganen megeloum aenta idinaig ru disinig Jesus san na diau a. ³Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san niηen o maη mala nouk mumado dan, oη

tamol nek amaiak i? Tia, maŋ tamol sen ak ipalu san niŋen o mala nouk mumado wak i?” ⁴Jesus ilonŋ go ru naon irupidai, “Amul aup mel dugo ale dugo, ru alonŋ na yan dam Jon arupeip ilonŋ a: ⁵malad itau ak afon abanŋ dile dugo, ŋjed saian ak afon turenŋ diabi dugo, a tinid lepra amad da yan tinid siŋaokan dilasa ya. Kududod itau ak ŋiŋeŋ afon dulonŋ dugo, a dumat ak kumaen dumasag dumado dugo, agod tamolpein mel amad tia yak bilaluŋ uyanan ak ŋfulale pidinai dugo dulonŋ da. ⁶Agod talpein a ŋai o ilon ta saian na yan, iŋ Anut san bar iŋane wa.”

⁷Jon san megeloum dumul diau dugo, Jesus Jon niŋen o tamolpein irupidai o fun iganeg igo ibol, “Saen aŋ aben kawan talpein tia yak ate au an, aŋ ata mel mok ale wo au ak i? Nag aŋ tim ifurep war iwi yau imul dop ale wo au boi ak i? ⁸Tia tap, ata wo au ak i? Nag aŋ tamol ta tinin kulos naon lak na geig ak idiri amaiak ale wo au ak i? Tia, tamol a biouŋ naok ago yak didiri duman, iŋ kiŋ sad ab lo mi dumado da. ⁹Ak niŋen o ata mel mok ale wo au ak i? Nag profet ale wo boi i? Awo, agod nek amaiak niŋen o ŋurupaiaŋ da, profet en man rumok iŋ profet a, ak gug urat subaŋan taidam da imado da, ¹⁰tamol nek emaiak niŋen o girek e Anut san ru lo digire idug yen den, igo ibol,

‘Ule, ŋaisag ru sinek tamol ŋidinip, oŋ nao na imug mi yau a.

An lo man oŋsa dal ikubune wa.’

¹¹ŋai rumok ŋurupaiaŋ da, tamol a pein tiŋaed lo dilasa yan luluŋad lo tamol ta kisaek Jon Suguek san iriŋani man tia ya. Ago bo man, tamol ta Anut san kagin panek aben ilon lo yaŋan aman tia yan, fidian aenta paed na imado dan, iŋ Jon Suguek san an iriŋani a. ¹²Saen Jon Suguek San kuai te ilasag yaug saen gamu tumado den lo, Anut san kagin panek aben an sen wagai ikubiani na ya, agod tamol wagai san amaiak silei nam aben an diŋane da. ¹³Man dugo, profet adi agod Moses san Kubiaeŋ dam profet ru lo dubol ilasag yaug saen Jon ilasa yan lo iŋaned urat itout a. ¹⁴Agod ŋiŋeŋ e ŋurupaiaŋ en ilom lo rumok o ilom ago yen tap, profet Elaija Anut san buk lo iŋ ipalu wak ru ago ibol an man nek Jon ama ya. ¹⁵Tamol oŋ kududo ama da tap, ru an ulonŋ uyanan a.

¹⁶“Saen en san tamolpein iŋ naok dugo woŋ ak i? Iŋ nek ibol nanuk kikitik dadeŋ aben na dumasig dumado dugo nanuk aenta igo dubol digiai da,

¹⁷‘Maŋ aŋ atari wo dum muwi se ya,
ak man aŋ ta atari na ya.

Agod mateŋ san saen an san bar mabi se ya,
gug aŋ ilom saian dugo atata man tia ya.’

¹⁸Man dugo, Jon ipalug anaŋ tubun ak ta yani na dugo, you sakar ak dam ta iluk na ya, an niŋen o ago dubol, ‘iŋ ur saiak aman da ya.’ ¹⁹Ago dugo Tamol Nanun dam ipalug anaŋ tubun mi yani dugo you sakar dam iluk da, an niŋen o ago dubol, ‘Ale wo, tamol en tuŋalek tamol, agod

lukluk tamol, in man takis n̄ilaŋal agod aupasek adi dam sad turadi!’ Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ago ikubiai pidinai a.”

Taun funfun a sad tamolpein ilod ta dibili na yan muruan dile wa

Luk 10:13-15

²⁰Agog Jesus taun ante in̄san kulob tutubu yak wei mi igane se yan ibubuŋanai o fun igane ya, man dugo, taun an sad tamolpein ilod ta dibili na ya. Agog in̄ igo ibol, ²¹“O Korasin san tamolpein, muruan tubun geig ale wa; O Betsaida san tamolpein, an̄ dam muruan tubun geig ale wa. Man dugo, kulob girager a n̄ai an̄ luluŋam lo n̄igane se amaiak, wagam geig taun Tair agod Saidon dam ante n̄igane wo tap, taun uraru an sad tamolpein ilod ibilsag, muguŋ san kulos didirig, yai san utut fo dumasig dumado ya. ²²Amaiak n̄inen o n̄ai an̄ n̄urupaian̄ da, saen Anut san bitinaek san nal ipalu wan lo, urat naon Anut an̄ ipanaŋ an naon senamo geig a, agod muruan an Tair in̄ Saidon da sad urat naon an iriŋani geig a. ²³Agod an̄ Kaperniam tamolpein, sem yaŋam abisap timtaen lo isuda wak i? Tia mok, Anut in̄sen in̄lian̄ pe au adu dop tan ilon lo aben yaŋan Ades dubol dan lo idiraŋ pe amado wa. Man dugo, kulob girager a n̄ai luluŋam lo n̄igane yan taun Sodom ante ago mi n̄igane yak man, gamu taun an yen dop na wa. ²⁴Amaiak n̄inen o n̄ai an̄ n̄urupaian̄ da, saen Anut san bitinaek nal ipalu wan lo, muruan Anut an̄sam na igane ilasa wo duman, muruan a gubak mi Sodom san aben ante ilasa man iriŋani geig a.”

An̄ n̄ai siŋireg na apalup yaes abal a

Luk 10:21-22

²⁵Saen an lo Jesus ago ibol, “O Bai, oŋ kumaen panu agod tan en dam sad Tubun ak, n̄ai oŋ ilo uyan n̄upano wo da, en ata wo? Oŋ memel en mianaig an lo tamolpein a maŋau amad da yan, agod tamol kankan milaen amad da yak dam memel en duloŋ san tia geig a. Ak gug tamolpein in̄ nanuk kititik oŋ dumado dan memel en kubiai pidinaig duloŋ o uyanan a. ²⁶Awo, Bai, oŋane ilobol man nek ago ya, an n̄inen o ilo uyan ak lo oŋ ago gane.

²⁷“Memel fidian man n̄aineg Tamag in̄ n̄ai tuog lo idiri a. Tamol ta in̄ Anut Nanun ta iloŋ na ya, nek Taman in̄sen mi a. Agod tamol ta in̄ n̄ai Tamag ta iloŋ na ya, nek n̄aiseg mi, gug n̄ai mi tia ya, tia, tamolpein a n̄aisag ilobol lo mi Tamag n̄ukubiai pidinai o yan in̄ dam ka duloŋ a.

²⁸“An̄ fidian urat dabai geig agane dugo ilom isali dan, agod muruan tubun mi asini dan, n̄aisag na apalu dop, n̄ai an̄ tinim yaes ibal uyanan san n̄upanaŋ a. ²⁹N̄aisag urat an̄anep paen na sem ibian̄ adu dop, n̄ai lo maŋau an̄ane wa. Man dugo, n̄aiseg mi mos kagin lo n̄umado dugo maror

numado da. Ago dop an n̄tumi n̄ai lo yaes ibal a.”³⁰ Man dugo, n̄aisag urat man muruan an tia ya, agod muruan a n̄panan̄ dan dam pasauaman a.

Jesus man ubou nal yan̄an Sabat dubol dan san muroun

Mak 2:23-28; Luk 6:1-5

12¹ Murnag Sabat nal⁸ lo Jesus kon abi lo itor se ya. Ago dugo in̄san megeloum dimatigen, amaiak nin̄en o in̄ kon nūjon aenta dufunig fun diganeg diani a.² In̄ ago digane dugo Farisi adi dil a, ago tag Jesus durupeig ago dubol, “Ule, urat a Sabat nal lo tigane san nin̄en o idsad kubiaen̄ ipadau amaiak, gamu on̄ane megeloum adi urat an digane da.”

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? In̄ in̄anen turan muroun dida kadag^h san saen lo anan̄ o dumat go, ⁴ Dawid Anut san ab lo iladug, bret a Anut naon na didirig dien an isinig, in̄anen yu tamol adi dida diani a. Bret an tamolpein fidian lo geg a, nek Anut san pris mi diani wa. ⁵ Nag an̄ ru a Moses san kubiaen̄ lo yen dan ta asuti na i? Sabat nal lo pris adi tempel lo urat diganep, saen an lo kubiaen̄ a Sabat nal nin̄en o ibol dan dipilali bo man, muruan amad tia ya. ⁶ Aria, n̄ai n̄rupaian̄ da, tamol ta an̄ lulūjam lo imado dan in̄ tempel irin̄jani geig a. ⁷ Anut san ru igo ibol, ‘An̄ ilo uyan apanag san yai agane wan ilog ta ibol na da, tia, an̄ aenta ilom imun̄anai o mi n̄amat da.’ Aria, an̄ ru an san fun mok alōn̄ uyan tap man, an̄ tamol e muruan amad tia yan ta abiai dudu na wa. ⁸ Man dugo, Tamol Nanun man in̄sen Sabat nal an san muroun.”

Jesus tamol tuwon ikur̄jak yau an ikubune ya

Mak 3:1-6; Luk 6:6-11

⁹ Jesus aben an ibiseig yaug, taun ta sin̄iren na ilasag, in̄sad ubou ab lo iladu ya. ¹⁰ Tamol ta tuon ikikirig ikur̄jak yau ak ante imado ya. Ago dugo tamol aenta dal aban̄ dilep lo Jesus ru dupani san nin̄en o dusumianig igo dubol, “Ak dugo, idsad kubiaen̄ an iliad funad dop subam tamol ta ka ubou nal lo tukubune wak i?” ¹¹ Ago tag Jesus irupidaig ibol, “En dugo, tamol ta an̄ lulūjam lo in̄ sipsip kisaek aman da ya, ak man sipsip an ubou nal lo gib lo idiau a, an nin̄en o tamol an in̄anen sipsip ta irae isuda na wak i? Man tia ya. ¹² Ubou nal lo sipsip tibinawi wo uyanan tap, sapta taida dop id ka ubou nal lo tamol ta tibinawi wak i?”

¹³ Agog Jesus tamol a tuon ikur̄jak an irupe, “Bani wate.” Ago man tamol an banin iwateg foun ikubune dag banin aenta igo mi uyan ilasa ya. ¹⁴ Ak man Farisi adi dumasag ubou ab dibiseig Jesus palan̄ an dumari

⁸ Juda sad ubou nal yan̄an Sabat dubol dan man Sarare. ^h Pitol

wo diaug dutumani a. Dal dugo man lo Jesus daonj dupani san niŋen o diŋiŋeŋ se ya.

Jesus iŋ urat tamol Anut ipiliani a

¹⁵Ak man Jesus kagin dugo digane wo dan ilonj, an niŋen o aben an ibiseig yau. Ago dugo iŋ tamolpein wei kasik iraug dadi diau se ya, ago dugo a subam amad da yan fidian ikubunia a. ¹⁶Nal an lo dam iŋ ru kagin ipidinaig ibol, “Aŋ ŋai enti mok an niŋen o tamolpein ta arupidai na wa.” ¹⁷Kagin nek amaiak lo, awak aban ta profet Aisaia ibol an nuŋon ilasa ya. Iŋ ago ibol,

¹⁸“En man ŋaisag urat tamol, ŋaiseg mi ŋupiliani a, ŋaineŋ bubeg mok,

iŋ niŋen o ilog bulbal da.

Ŋai ŋaisag Ur iŋ lo ŋigane wa,

agod dop iŋ tamolpein aben fidian lo dumado dan sad na bitinaek Anut san nag ipalu dan niŋen o ibol ilasa wa.

¹⁹Iŋ maeg iganep lo ru ta ikubiai dop iwagiŋ na wa.

Taun san dal lo iŋanen awan iwagiŋ den ta duloŋ na wa.

²⁰Iŋ war roun dabai an tia yak daonj ta ipani na wa,

agod luŋ ided oŋ dan ta igane imat na wa.

Ago igane yau oŋ dop, nal wadan lo man, tan en san tamolpein kot ipidinai an lo,

kagin itaot an imug pe malan te ilasa wa.

²¹Agod tamolpein a tan titin fidian lo dumado dan iŋanen yaŋan niŋen o tini ganei digane wa.”

Iŋ dubol ak Jesus iŋ Satan san dabai lo tamolpein ikubunia se ya

Mak 3:20-30; Luk 11:14-23; 6:43-45

²²Saen an lo tamol ta iŋ tinin lo ur saiak aman da yan Jesus siŋiren na diŋane dupalu ya. Tamol an iŋ kududon agod malan dam itau a. Jesus ikubineg uyan isusa ya, agog tamol awan itau an ru ibol dugo, malan dam ka abaŋ ile ya. ²³An niŋen o tamolpein fidian durut dugo ago dubol, “Dag tamol en man Dawid Nanun boi i?”

²⁴Ak man saen Farisi adi ŋiŋeŋ an duloŋ man ago dubol, “Tia, ur sisaik sad gurman yaŋan Belsebul tabol damaiak, san dabai lo mi iŋ ur sisaik ikudai diau da.”

²⁵Jesus iŋsad ilo sou ilonj dugo irupidaig ibol, “Kiŋ ta san kagin panek aben ilon lo man, iŋsan tamolpein sed itarpaleg malan ururu dilasap nug dufuni tap, kiŋ an san ager iŋsan na yu diŋane dupalup aben an daonj dupani wo man pasauman geig a. Agod taun ta boi, tia, warou ta boi, san tamolpein tarpalek uraru dilasap nug dufuni tap, taun an, warou an dam, sed ipitiŋinai dop ririan sad kagin fidian itout yau a. ²⁶Amaiak niŋen o

Satan inſen mi sen ikudi yau tap, inſen lo yu yabisa da. Ago tap, en dugo woŋ pe inſanen kagin panek aben an dabai yen yau ak i? ²⁷Taida mi, ŋai Belsebul tuon lo ur sisaiak ŋukudai diau dak an rumok tap, enti mok aŋ muroumi ibinawaig ur sisaiak dukudai diau dak i? Fun amaiak niŋen o aŋ muroumi inſed mi, kubianek tamol oŋ dilasap bitinaek lo didiraŋ a. ²⁸Ak man ŋai Anut san Urgun lo ur sisaiak ŋukudai diau dak ago tap, aŋ gidad aloŋ uyan a, Anut san kagin panek an siŋirem na ipalu la ya.

²⁹“Agod fon, en dugo woŋ pe tamol ta tamol dababai geig ak san melmel isini wo san ab lo iladu wak i? Dal ta tia ya. Inŋ gidad imug mi tamol dababai an rasau nam isubani gup, inŋ ka tamol an san ab lo iladup melmel isinip yau a.

³⁰“Talpein enti inŋ ŋai ta iganurag na dan, inŋ ŋai patun ipanag da. Agod talpein a ŋai da sisem anaŋ mutumani san urat ta migane na dan, ŋaisag urat iratitale da. ³¹Amaiak niŋen o ŋurupaiaŋ da, aupasek fidian agod uf ru fidian dam a tamolpein digane dan, Anut aupasek an ka isuas yau pidinai a. Ak gug talpein inŋ Awan Urgun niŋen o uf ru igane tap, aupasek an Anut ta isuas yau na wa. ³²An niŋen o talpein ta inŋ Tamol Nanun niŋen o ru saiak ibol dan, Anut aupasek an ka isuas yau a. Ak gug talpein ta inŋ Awan Urgun niŋen o ru saiak ibol dan, saen e gamu yen den lo, agod saen foun ak a murnap ilasa wan lo dam, Anut talpein an san muruan ta isuas yau na wa.

³³“Talpein ai uyan ak ipae tap, ai an san nuŋon uyan ak inŋane wa. Gug talpein ai saian ak ipae tap, nuŋon dam saian a. Man dugo, ai nuŋon lo mi ule dop, ai naok dugo yan ka ule uloŋ a. ³⁴Aŋ mot wagai ak sad nanud muroudi! En dugo woŋ aŋ saian geig amado yan ru uyan ak ka abol ilasa wak i? Man tia geig a. Man ata wo? Kagin saian ak boi, uyan ak boi, tamol ilon inŋanefute yan inŋanep awan lo ibol ilasa wa. ³⁵Tamol uyan ak inŋ kagin uyan uyan ak tinin ilon lo itumanai an lo, kagin uyan uyan ak mi inŋal dop an idirai dilasa wa. Ak man tamol saian ak inŋ kagin saiak saiak tinin ilon lo itumanai an lo, kagin saian saian ak mi inŋal dop an idirai dilasa wa. ³⁶Inŋai ŋurupaiaŋ da, Anut tamolpein fidian bitinaek lo idirai san nal lo, tamol Anut naon na itur dop, ru kitek a fidian inŋsinan awan kagin ta ipani na dugo lo gubak mi inŋiŋeŋ se yan, niŋen o inŋ Anut naon na ru an naon ipani wa. ³⁷Man dugo, oŋsigane ru lo mi Anut oŋ tamol uyan ak ibol a, agod oŋsigane ru lo mi oŋ tamol saian ak ibol a.”

Jesus kulob girager igane wo dusumiani a

Mak 8:11-12; Luk 11:29-32

³⁸Agog kubiaeŋ san girek maŋau aenta, agod Farisi aenkadi dam Jesus durupe, “Girek maŋau, maŋ iloma igo ya, oŋ gidad kulob girager ta ganep an lo kob igo woŋ oŋ Anut san ak ago kubiai panama wa.”

³⁹Agog gug Jesus inŋ ru naon irupidaig ibol, “Nek ibol tamol ta tamol aenta iwodi niŋedi wo ilon imasa dak igo woŋ, tamolpein ensauta a kulob girager dile

wo dusumianag dan man, anut sewak aenta niñedi wo dumat dak igo worj, ij aupasek tinadi a. An lo kulob girager ta njigane panarj dop ale san ago ta njigane na wa, nek profet Jona san kulob girager amaiak mi a. ⁴⁰Jona ij adian utol, tidom dam utol, ij iy tubun ak tijaen lo imado se ya, ago yak niñen o, nek ago mi Tamol Nanun dam, adian utol tidom utol tan ilon lo imado wa. ⁴¹Ninive san tamolpein man arj gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi arj niñemi wo ru dubol ilasa dop boum dupanarj a. Man ata wo? Ninive adi Jona san ru ibol ilasa yan dulorj go an lo ilod ibilisa ya; ak man tamol ta ij Jona irinjani geig an gamu imado da. ⁴²Kwin a saut lo ilasa yan man, arj gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an arj niñemi wo ru ibol ilasa dop boum ipanarj a. Man ata wo? Kwin an ij tan asau mok imado bo man, Solomon san kankan milaen amaiak ibol ilasa dop ilorj o ipalu ya. Ago yak gug tamol ta dam ij ente imado da, tamol an man Solomon irinjani geig a.

Ur saiak fon imul yau da ya

Luk 11:24-26

⁴³“Saen ur saiak ta tamol tinin lo yak dukudip ilasa yau man, aben igosan ak ate gidigidad ila iso wa. Ante aben ta yaes ibal san ile wo abarj yabi wa, ak man aben an ta ile na wa. ⁴⁴Ago dop ilon lo ibol, ‘Ŋai gidad ŋamul pe ab gubak mi ate ŋumado amaiak lo ŋau a.’ Ij imasap yau ak man, ab an kawan di ilon dam diriani dugo bala dupani la yan ile wa. ⁴⁵Amaiak niñen o ij imul yaup, ur saiaidi geig ak 7 taidam ijal a. Ur an kulob sisaiak digane san man ij dirinjani geig a. Ij sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a. Kagin nek amaiak tamolpein saiaidi a gamu saen en lo dumado dan ilasa pidinai a.”

Enti ij Jesus tinan di tein muroun ak i?

Mak 3:31-35; Luk 9:19-21

⁴⁶Saen Jesus ab lo imado dugo tamolpein dida diñijerj se man, iñsinan tinan ij muroun dida dupalug kuai te dutur se ya. Ij Jesus da dukubiai o ilod ago yen a. ⁴⁷Tamol ta irupej, “Ulorj, orjane tina, tei murou dida akubiai o kuai te dititiano da.” ⁴⁸Ak man Jesus tamol an ru naon irupeig igo ibol, “Enti mok ŋaisag tinag ak i? Agod enti mok ŋaisag teig ak i?” ⁴⁹Agog ijanen megeloum banin nam ikubiaig ibol, “Ŋaisag tinag di teig muroug man nek en mi a. ⁵⁰Man ata wo, tamolpein ensauta a ij ŋai Tamag kumaen panu lo yan ilon duri dupani dan, nek an mi ŋaisag teig, lug di tinag muroug a.”

Tamol ai patun tan fufo iratitale yak san ru fajan

Mak 4:1-9; Luk 8:4-8

13 ¹Nal kisaek an lo mi Jesus ab ibiseig you aen te yaug imasig imado se ya. ²Ak man tamolpein wei kasik dutumanig Jesus

dubuluwi a. Ago tag Jesus wog lo isudag wog an kitek isuk ilasa ya. Agog Jesus imasig imado dugo, tamolpein dutumani an loŋ na dutur se ya. ³Ante man Jesus ru faŋan lo mel wei kasik niŋedi wo irupidai se ya. Ru ta ago irupidaig ibol, “Saen ta lo tamol ta ai patun isinig abi lo ipae wo yau. ⁴Yaug siŋanen abi lo man ai patun banin igane inawaig tan fufo iratitaleg idu se ya. Saen iratitale man, ai patun aenta dal fufo dudu dugo, anakanak dupalug diani itout a. ⁵Agog ai patun aenta sagargar fufo dudu ya, tan ante man kuror an tia, ago man milaen tiag ai patun an balud isa ya, man dugo, tan mok an ta kuror na ya. ⁶Ak man saen ad isuda man ai baludi an dukurŋak diau a. Ai an dam dabidi tan lo ta idiau geig na, an lo dugos diau kisaek oŋ a. ⁷Ai patun aenta ud saian an luluŋad lo dudu ya, agog sisem disag diau dugo, ud saian an ai uyan ak yafutani an lo nuŋon ta igane na ya. ⁸Ak man ai patun aenta tan uyan ak fufo dudu man nuŋodi digane ya, aenkadi patudi 100 dilasa, aenta 60, aenta 30. ⁹Tamol oŋ kududo ama da tap, ru an uloŋ uyanan a.”

Jesus ru faŋan ibol ak san fun

Mak 4:10-12; Luk 8:9-10

- ¹⁰Agog murnag megeloum Jesus san na dupalug dusumiani, “Oŋ ata wo saen tamolpein maŋau piteŋanai o dop ru faŋan lo niŋeŋ dak i?”
- ¹¹Jesus ru naon irupidaig ibol, “Anut iŋsan kagin panek aben san melmel imianuk an san maŋau ipanaŋ a. Ak man iŋ maŋau an ta ipidinai na ya.
- ¹²Man dugo, talpein a maŋau anda yak man Anut iŋ subaŋan taidam ipani dop an lo iŋ maŋau idaisuda geig a. Ak man talpein a maŋau aman tia yan, ata maŋau kitekan iŋ lo yen dan, Anut maŋau an iŋsan na ipasi iŋane wa. ¹³Ŋai iŋsad na ru faŋan lo niŋiŋeŋ dan san fun man igo ya.
- ‘Iŋ leil digane bo man, ilod ta itarpasi na da.
Kududod nam duloŋ bo man, fun mok ta diŋane na da.’
- ¹⁴Rumok, iŋ lo profet ru en Aisaia wagam ibol an nuŋon ilasa ya:
‘Saen aŋ ru aloŋ man, ka aloŋ oŋ se ya, ak man san fun ta aŋane na ya,
agod saen abaŋ ale man, malami ka yau oŋ se ya, ak man ilom ta itarpasi na ya.
- ¹⁵Man dugo, tamolpein en sad bubedi dabai geig dilasa ya,
iŋ kududodi ta duloŋ uyan na ya,
agod maladi ikilakil pasi a.
Tia tap, maladi nam iŋ ka abaŋ dile wak,
kududodi nam ka duloŋ ak,
agod ilodi nam maŋau ka diŋane wa.
Ago dop an lo ilod ibilisa dop didaŋsap ŋaisag na dupalu dop
ŋukubunia a.’
- ¹⁶Ak man aŋ malami bar diŋane ya, man dugo, malami abaŋ ka ile da, agod aŋ kududomi dam bar diŋane ya, man dugo, kududomi ka iloŋ da. ¹⁷Ŋai ru rumok

ak ŋurupaian da, imug geig profet adi agod tamol itaot ak wei mi, mel e gamu an ale den dile wo mok dumat se ya, ak man in digane san tia ya. Agod ru e gamu an alon den duloŋ o mok dumat se ya, ak man ta duloŋ na ya.

Ru faŋan an san fun

Mak 4:13-20; Luk 8:11-15

¹⁸“Kududom agurep tamol ai patun tan fufo iratitale yak, san ru faŋan san fun mok ŋisafulale wo da. ¹⁹Ai patun dal te dudu man nek ibol tamolpein Anut san kagin panek aben san ru duloŋ dugo san fun ta diŋane na yak igo woŋ a. An lo Satan ipalup ru a Anut tamolpein ilod lo ipaeg yen dan iŋanep ipasi yau a. ²⁰Agod ai patun sagargar fufo dudu man, nek ibol tamolpein ru duloŋ go ilod rumok kisaek oŋ go, niŋen o ilod uyanan a. ²¹Ak man in dabidi man ta idiaug kuror na ya, ago yan lo sad ilo rumok an ilod lo ta yen milaen na ya. Saen Anut san ru niŋen o muruan sad na ilasa boi, tia, kubianek ipalu tap, iŋaned ilo rumok dibisei kisaek oŋ a. ²²Aria, ai patun ud luluŋad lo dudu man, nek ibol tamolpein ru rumok an duloŋ pe ilod lo rumok kisaek oŋ dak igo ya. Ak man in tan en san madok niŋen o ilo sou gidigheid mi digane da, agod in melmel wei mi amad da wo dumat da, an lo kagin uraru an Anut san ru ilod lo yen dan yafutani da. Ak niŋen o ru amaiak nuŋon aman tia ya. ²³Aria, ai patun tan uyanan fufo dudu man, nek ibol tamolpein ru rumok an duloŋ go san fun dam duloŋ siŋaokan ak igo ya. Talpein nek amaiak mi nuŋod ifu mok a, aenta nuŋod 100, aenkadi 60, aenta 30, nuŋodi ago ifu yau a.”

Ud san ru faŋan

²⁴Jesus afon ru faŋan taida naod na irupidaig igo ibol a, “Anut san kagin panek aben man igo ya. Tamol ta siganen abi lo yaug kon kubulan ipae ya. ²⁵Agod tidom lo saen inŋan urat tamol dien dugo, san ager tamol ipalug kon ipae yan luluŋad lo ud marasin saiak anda yak dam ipae idug, isol go yau a. ²⁶Agog kon isag nuŋon dam didilan te dilasa ya, ak man, ud an dam luluŋad lo dida disa kisaek a. ²⁷Agog tamol an san urat tamol inŋan na dilasag durupeig dubol, ‘Gurman, ai patun a oŋ pae yan uyan a. En dugo woŋ go ud dam dida disa kisaek ak i?’ ²⁸Inŋad gurman an ru naon irupidaig ibol, ‘Ŋaisag ager tamol kulob an igane ya.’ Ago tag dusumiani, ‘Ak dugo, maup ud an mubilanai idu wo umat di?’ ²⁹Gug in ibol, ‘Man tia, kabelan aup kon dam abilanai banau. ³⁰Amoi dop urarum ka disa diaup, nuŋod tiŋane san saen ante gup, ŋai urat tamol adi igo ŋurupidai a. Ud an tu kisaek kisaek atem imug mi atumanaip, yai fufo abibol dusudap dinani diau a. Ak gug kon man atumanaip ŋaisag anan ab lo adiri wa.’”

Ai patun kititikan kawan ak san ru faŋan

Mak 4:30-32; Luk 13:18-19

³¹Jesus ru faŋan taidam naod na igo irupidai, “Anut san kagin panek man igo ya. Tamol ta ai yaŋan mastet dubol dan patun iŋaneg siganen

abi lo yaug ipae ya. ³²Ai patun an sen kawan kititikan a, ak man saen isa yau dop ai tinan igo woŋ ilasa wa. Agop raen dam idirip ibalsarer dop kuseŋ ka ate wur dufuni wa.”

Yis san ru faŋan

Luk 13:20-21; Mak 4:33-34

³³Iŋ ru faŋan taidam irupidaig ibol, “Anut san kagin panek man igo ya. Pein ta yis kabelan iŋaneg plawa tubun geig da itumanig ikubuli kisaek, agog yis an plawa ilon lo ifurak yaug iganeg plawa fidian mi ikafut isuda ya.”

³⁴Jesus melmel an fidian niŋedi wo ru faŋan lo tamolpein dutumani an irupidai a. Iŋ ru itaot ta irupidai se na ya. ³⁵Iŋ ago igane yan lo awak aban ta profet ta ibol an nuŋon ilasa ya.

“Iŋai awag isupani dop ru faŋan lo mi ŋiŋiŋeŋ a.

Melmel mianuk lo dien se yan, tan ilasag ipalug gamu en nek ago mi dien dan, niŋedi wo ŋiŋiŋeŋ dop tamolpein dulog a.”

Jesus ud san ru faŋan ifulale ya

³⁶Saen Jesus tamolpein dutumani an ibisawaig ab ilon lo iladu man, iŋsan megeloum san na dupalug ago dubol, “Ud a abi lo isa damaiak san fun ubol dop malog a.” ³⁷Agog Jesus ru naon irupidaig igo ibol, “Tamol a iŋ ai patun uyan ipae yan, Tamol Nanun naon iŋane ya. ³⁸Abi man, tan en naon iŋane ya. Ai patun uyan man, tamolpein ensauta a Anut san kagin panek paen na dumado dan naod iŋane ya. Agod ud saian an man, tamolpein ensauta a Satan nanun muroun amaiak naod iŋane ya. ³⁹Ager tamol enti ud ipae man Satan iŋsen, agod anaŋ tumanek san saen man, saen gamu lo tumadog ilag san wadan lo amaiak naon iŋane ya. Agod urat tamol enti anaŋ dutumani an man, eŋel adi naod iŋane ya. ⁴⁰Nek ibol ud saiak dutumani idup yai fo digansa inani yau dak igo woŋ, saen gamu lo tumadog ilag san wadan lo nek ago mi ilasa wa. ⁴¹Tamol Nanun mitep iŋsan eŋel idiraip dudu wa. Agop iŋ mel fidian tamolpein idiri dop aupasek digane dan dibiai ak, agod tamolpein fidian a sad tureŋ saian an dam dibiaip, dutumanai kisaek pe iŋsan kagin panek aben patun fo diabibol dilasa wa. ⁴²Diabibol pe Ades san yai wananan geig an lo dudu wa. Aben ante man tamolpein tinaŋ digane dop madai lo luod dugurmi wa. ⁴³Agog Anut san tamolpein, iŋsad Bai san kagin panek aben lo man, ad ided dak ago woŋ dided a. Tamol oŋ kududo ama da tap, ru an ulog yunan a.”

Filian naod lak na geig mianuk lo yen dan san ru faŋan

⁴⁴“Anut san kagin panek man igo ya. Tamol ta gib yabig mel naod lak na geig ak tan lo imianaig dien na ya. Agog tamol sen ak ta yaug walal

ipanig afon ituanai da. Agog yousai lo yaug inſan biouſ fidian moni inſane wo didaen lo idiri yau a. Biouſ an san moni inſaneg tan an muroun san na yaug tan an idad a.

⁴⁵“Anut san kagin panek dam igo ya. Daderſ tamol ta koksai siſaokan ak idad o aban an ile se ya. ⁴⁶Nal ta, koksai siſaokan geig ak ile, ago tag yaug inſan biouſ fidian didaen lo idirig an lo moni inſaneg ate koksai an idad a.

Dob san ru faſan

⁴⁷“Afon Anut san kagin panek an dam ibol dob on a. Iy ſilalal dob ta beig lo dubal pe iy funfun diſane wa. ⁴⁸Saen dob an iy lo inawai man, loſ na dirae isuda wa. Agop iy naok naok atem sensen didiri wo dumasip dumado wa. Iy uyan ak senamo didiri dugo saian ak dam senamo didiri wa. Agop uyan ak inſaned kulgou lo ditane idu dop, saian ak diabi yau a. ⁴⁹Saen gamu tumado den san wadan ifutani dop nek ago mi ilasa wa. Enel adi dudup tamolpein saiadi ak, uyadi ak da, sensen didirai idu wa. Agop saiadi ak diabibol diau dop ⁵⁰Ades san yai wananan geig ak inanai a. Aben ante man tamolpein tinaſ digane dop madai lo luod dugurmi wa.”

⁵¹“Ak dugo, an mel fidian en aloſ uyanan ak i?” Agog durupe, “Awo, malon a.” ⁵²Agog Jesus irupidaig ibol, “Amaiak niſen o kubiaen san girek maſau ensauta a Anut san kagin panek niſen o maſau diſane yan man nek igo ya. Ab muroun ta filian aman da yak, in ka siganen biouſ lo mel ta foun ak, agod wagam ak dam, iragursip tamolpein malad lo kuai te idiri wa.”

Profet inſan muroun luluſad lo yaſan tia ya

Mak 6:1-6; Luk 4:16-30

⁵³Saen Jesus ru faſan inſenſ itout man aben an ibisei a. ⁵⁴Agog inſinanen panu mok lo yaug ubou ab lo maſau ipiteſanai se ya. Ak man Nasaret tamolpein saen inſan ru duloſ man durut saian a. Agog dubol, “Tamol en dugon te maſau inſane yak i? Agod kulob dababai a igane idu dan san dabai dam dugon te inſane yak i? ⁵⁵In man nek kapenta kawan amaiak san nanun, tinaſ Maria, agod tein moroun Jems, Josef, Saimon agod Judas. ⁵⁶Agod lun moroun e dida tumado da! Amaiak niſen o tamol en dugon te mel a fidian igane dan san dabai inſane yak i?” ⁵⁷Fun an niſen o naod ikafut go patud dupani a. Ago gug Jesus irupidaig ibol, “Panu fidian lo tamolpein profet ta yaſan diabisa wa, nek inſiganen panu fun lo, agod inſiganen dar lo man tia ya.” ⁵⁸Nek an niſen o aben an lo kulob dabai anda wei mi ta igane na ya, man dugo, in niſen o ilodi ta rumok na ya.

Jon suguek san dufuni imat a

Mak 6:14-29; Luk 9:7-9

14 ¹Saen an lo Herod, provins Galili agod Perea sad tirnek tamol imado se ya. In tamolpein sad ru Jesus niſen o dubol dugo ilon

a. ²Agog ijanen urat tamol irupidaig ibol, “Tamol en man Jon suguek san. Ij mateŋ aben lo yak imasa da ya, an lo man dabai tubun geig tinin ilon lo yen dugo lo urat igane da.” ³⁻⁴Imug Herod ij Herodias iwon igo ijane ya, ak man pein an iŋsiganen tein Filip san iwon a. Ak niŋen o Jon suguek san an niŋen o Herod irupeig ibol, “Oŋ Herodias iwo igo woŋ ŋane amaiak niŋen o kubiaen pilali a.” Fun an lo Herod ijanen ai katuk irupidaig Jon diabig, dusubanig, subanek ab lo digane yau a. ⁵Herod ifuni imat o igane se ya, ak man doup adi niŋedi wo irer a. Man dugo, iŋsad ilo sou lo man Jon ij profet ago dubol se ya.

⁶Ak man saen Herod tinan igansi ak san nal idu yan lo, Herodias nanun pein tamolpein ante yan naod na isaluwai ila iso se ya, an lo man Herod pein baras an niŋen o ilon uyanan a. ⁷An lo ij ru dabai nam irupeig ata mel niŋen o isumiani dop man, rumok geig ak mel an ka ipani san mi a. ⁸Ago tag yang tinan, dal dugo ipani wak o isumiani a. Agog imul go Herod irupe, “Gamu geig Jon suguek san an kabuŋan daeg lo ganep sini palup panag a!” ⁹Kij Herod ilon muruan geig a, ak man ru dabai geig pein baras an Herod turan muroun naod na ipani an niŋen o, ijanen yu tamol irupidaig nek pein an ibol ago mi digane ya. ¹⁰Ago tag iŋsan yu tamol diaug subanek ab lo Jon buron dutute ya. ¹¹Agog kabuŋan daeg lo disinig Herod san ab lo diaug pein baras an dupani a. Agog pein an afon ijaneg isini yang tinan ipani a. ¹²Agog Jon san megeloum dupalug tinin diŋane diaug disare ya. Agog diaug mel ilasa yan Jesus durupeig ilon a.

Jesus tamol 5,000 ifutuwai a

Mak 6:30-44; Luk 9:10-17; Jon 6:1-14

¹³Saen Jesus Jon san mateŋ ilon man, wog fo isudag pasak nam aben ta yoitout yen dak ate yau a. Ak man saen aben a ate Jesus imug imado yak san tamolpein Jesus ibisawai an duloŋ man, ijaned panu anen anen dibiseig, loŋ na diaug ŋied nam Jesus dirig diau se ya. ¹⁴Saen Jesus wog ibiseig idu man, tamolpein malan tubun geig ak dititianig dumado dugo yil a. Ij ilon ipidinai an lo talpein a subam amad da yak luluŋad lo yan ikubuniaid idu ya.

¹⁵Ad idu yau dugo iŋsan megeloum dupalug durupeig dubol, “Aben en yoitout a, agod ad dam idu yau da, amaiak niŋen o oŋ tamolpein dinaip panu na diaup, anaŋ didad pe diani wa.” ¹⁶Agog Jesus ibol, “Gidad, aben en dibisei dumoi, aŋsem mi anaŋ ta apidinaip diani wa.”

¹⁷Ago gug ij Jesus durupeig dubol, “Maŋ etna bret faiv o lian a, agod iy dam uraru o lian a!”

¹⁸Agog ij ibol, “Igo asini apalu wa.” ¹⁹Agog tamolpein dutumani an irupidai, “Ago gafurfur fo amasi.” Agog bret faiv ij iy uraru da yan isinig, malan keit lo isudag, bret iy da bar ipanig yafute idu se ya. Agog

anarj an megeloum ipidinaig diaug tamolpein dupidinai a. ²⁰Fidian diani man luadi ipuk a. Diani itout man megeloum diaug samsamun disini wo ditiliani se ya. Samsamun disini an sareg 12 tutubu yak digane inawai a. ²¹Tamol mi faiv tausen anarj an diani a, taida mi pein wei mi, nanud muroudi dida anarj an dam diani a.

Jesus you fufo itor a

Mak 6:45-52; Jon 6:15-21; Mak 6:53-56

²²Saen anarj dianig itout man Jesus inanen megeloum wog fo dusudap aen ate imug diau wo irupidai a. Ago dugo inj kitekan ka imado dugo, tamolpein siganed ab lo dumul diau wo irupidai a. ²³Saen tamolpein idinaig diau pasik man, inj sen mi did fo Taman san na igudani wo isuda ya. Agog saen ad idu yau man sen kisaek did fufo imado se ya. ²⁴Saen an lo wog man you titinjaem yen se ya. Agog tim ifure dugo you dam imasa man wog ifuni ila iso se ya, man dugo tim naon na yen se ya.

²⁵Salso idug abarj ipasti yau dugo, Jesus inanen megeloum sad na you fufo yau se ya. ²⁶Ak man saen inanen megeloum ago dile man direr dudug dubol, “An man tamol njutun a!” Agog disasai dugo disuruwor se ya.

²⁷Agog Jesus irupidai kisaek onj go ibol, “Dabai anjane! Njaiseg o, asuruwor amoi!”

²⁸Agog Pita ru naon irupeig ibol, “O Tubun en, onjse mok tap, ubol dop naji dam you fufo onja na njupalu wa.”

²⁹Agog Jesus ibol, “Palu!” An lo man Pita imasag wog lo yak ilasag fun iganeg you fufo mi yau se ya. ³⁰Ak man malan yang tim tubun ak ifure dugo ile man irer saian geig a. Agog fun iganeg you lo isarir idiau dugo iwagin, “Tubun en, binawag!”

³¹Jesus banin iwate kisaek onj go yabi dugo isumiani, “Onj tamol ilo rumok ama kabelan, ata wo ilo weiwei ak i?”

³²Saen uraru an wog fo dusuda man, tim ifure yan itout kisaek onj a. ³³Agog injan megeloum turud disaluwig ubou an dile dugo dubol, “Rumok geig, onj Anut Nanun mok a!”

³⁴Saen you dututeg tan yanjan Genesaret dubol dak ate disasau man dusuda ya. ³⁵Tamolpein ante Jesus naon dile da man, ru diganeg panu tan ante yan fidian sad na yau dugo, tamolpein subam amad da yak Jesus san na dijajal dupalu wo dubol a. ³⁶Tamolpein subam ifu dan Jesus dusumiani dop injan kulos bitinjen an mi ka dusupuri wa. Ago dugo fidian a dusupuri an uyad isusa da ya.

Juda gurman sad balek uraru san kagin

Mak 7:1-23

15 ¹Agog Farisi inj kubiaej san girek manjau da Jerusalem dibiseig Jesus san na diaug dusumianig igo dubol, ²“En ata wo onja

megeloum adi idsad tubud baged sad tamol kagin digansi an ta diri na dak i? Iñ banidi ta dufulani na gup anañ diani da.”

³Agog tag Jesus ru naon irupidaig igo ibol, “Ata wo añ siganem tamol kagin ari apani wo Anut san ru kubiaej patum apani dak i? ⁴Man dugo, wagam mi Anut ru kubiaej en igansi, ‘Oñane tina tama awad paen na mado dop kagin pidinai o uyan a.’ Agod Anut ru kubiaej en taidam ibol, ‘Ta iñ awan nam tinan taman saian ipidinai tap man, materj ile wa.’ ⁵Ak man añ abol, ‘Tamol ta taman boi, tinan boi, ka igo irupej, mel ta ate ñai ka ñibinawo san man, ñai mel an Anut ñupani san ñien ñupani la ya. O kabel, an niñen o ñai mel an ñupanañ san tia ya. ⁶Tamol an ago ibol tap, ru kubiaej a iñ tinan taman kagin ipidinai o ago ibol an man, nuñon an tia ya.’ Agog man añanem tamol kagin ari apani dan lo Anut anen ru nuñon tia agane ilasa da. ⁷Añ balem rararu a! Profet ru a Aisaia gubak mi añ niñemi wo ibol ilasa yan rumok geig a. Iñ igo ibol,

⁸ ‘Tamolpein en awadi nam yañag diabisa da,
ak man bubedi man asau geig yen da.

⁹ Iñ sen kawan ñai ubou amag dile da,
man dugo, pitejanek a tamolpein durupidai dan man nek tamol
siganed ilo sou mi a.’ ”

¹⁰Agog Jesus tamolpein iñsan na dutumani wo igiai a. Dupalu dugo irupidaig ibol, “En aloñ dop añane o uyanan a! ¹¹Anañ a tamol awan ilon lo iladu dan, ilon ta nun igane na da. Tia, mel a tamol awan lo ilasad amaiak ilon nun ipani da.”

¹²Agog iñanen megeloum adi siñiren na dupalug durupej, “Ak dugo, saen Farisi adi ñijeñ an duloñ man, oñ niñe wo ilod saian an uloñ ak i?”

¹³Jesus Farisi adi niñedi wo ru naon megeloum irupidaig igo ibol, “Ai fidian ñai Tamag tan lo ta ipae na yan, ibilani yau a. ¹⁴Abisawai, iñ man unbek malad itapul ak igo ya. Aria, tamol ta malan itapul aman ak, turan ta dam malan itapul ak, dal ikubiai pani wo banin te yabi tap man, tamol uraru an dog lo diau dudu wa.”

¹⁵Ak man Pita irupej ibol, “Ru mitilaen a rupidai an fun fulale dop malon a.”

¹⁶Agog Jesus ibol, “Añ dam nag mañau lo katuk am mi ak i? ¹⁷Añ ta aloñ o uyan na yak i? Mel a tamol awan lo iladu dan anañ mi a, agop tiñan lo dam iladup dibej san dal lo yaup tinin patun fo yak ate ilasa wa. ¹⁸Ak man mel ta awan lo ilasa man senamo geig a, man dugo, an ñutun lo ilasa da, agod mel amaiak mi tamol ilon nun ipani da. ¹⁹Man ata wo? Kagin naok naok igo yan tamolpein sad ñutud lo ilasa da: ilo sou saian ak san kagin, tamol ifuni imat dak, turan iwon ida dien dak, jeit kagin, gumagam kagin, supalek ru agod uf ru dam mi a. ²⁰Mel naok amaiak tamol nun ipani wa. Ak man tamol banin ta ifulani na gup anañ yani dan, nun ta ipani na wa.”

Tan Kenan san pein ta Jesus o ilon rumok a

Mak 7:24-30

²¹Agog Jesus aben an ibiseig gob adi sad tan ate yaug, Taia in̄ Saidon da sad distrik lo itilianig itor se ya. ²²Aria, gob pein ta tan Kenan dubol dan ate imado dan isusag awan tubun ak lo iwagin̄, “O Tubun ak, Dawid Nanun, ilo imuṇanag! Ur saian ta ṇai nanug pein itirni dugo muruan ipani geig da.”

²³Ak man Jesus ru naon ta irupein na ya. Agog in̄san megeloum sin̄iren na dupalug dubol, “On̄ pein an peip sen ilasa, man dugo, in̄ maṇ irama dugo mibinawi wo igiama da.”

²⁴In̄ ru naon irupidai, “Anut ṇai Isrel san sipsip dideg diaud amaiak mi ṇibinawai o idinag a.”

²⁵Ak man pein an sin̄iren na ipalug turun isaluwig irupein, “O Tubun ak, binawag!”

²⁶In̄ ru naon irupeig igo ibol, “Ṭjai nanuk sad anaṇ ṇiṇanep goun diani wo ṇabi yau tap, an ta uyan na wa.”

²⁷Pein an ibol, “Awo, Tubun en ru rumok ubol da. Ak gug goun dam in̄aned muroudi sad awad aban tan na idu man ka diani wa.” ²⁸Agog Jesus ru naon irupeig ibol, “O pein, oṇane ilo rumok an tubun geig a! Nek on̄ ilo yen dak ago mi on̄ lo ilasa wa.” Ago ibol dugo pein an nanun pein uyan isusa kisaek on̄ a.

²⁹Agog Jesus aben an ibiseig You Galili aen irig yau se ya. Agog yaug bubun ta fo isudag ante imasig imado ya. ³⁰Ago dugo tumanek malan tubun ak in̄san na dupalu se ya. Tamolpein ṇied ikael ak, a malad itapul ak, a banid ikael ak, a awad itau ak, agod aenta dam wei mi diṇal go dida dupalu se ya. Agog Jesus ṇien fun na didiraig tinid ikubune dugo uyad isusa da ya. ³¹An lo tamolpein dutumani an, saen tamolpein awad itau ak diṇiṇeṇ dugo, a ṇied ikael ak uyad isusa dugo, a ṇied ikikai ak ditiliani ditor dugo, agod a malad itapul ak afon abaṇ dile da dugo dil man, durut saian geig a. Ago dugo Isrel sad Anut yaṇan diabisa ya.

Jesus tamol 4,000 ifutuwai a

Mak 8:1-10

³²Agog Jesus in̄san megeloum san na dupalu wo igiai a. Dupalug irupidaig ibol, “Ṭjai tamolpein malan tubun en ilog imuṇanai da, man dugo, gamu nal utol yau la dugo in̄ ṇai dida mumado ya, ak gug anaṇ ta diani san etna tia ya. Ak man dimatigen dop ṇidinaip diau man, ilog ta ibol na da, kabelan dal na yaes ifu dop malad itiliani banau.”

³³Agog in̄anen megeloum durupeig dubol, “Maṇ dugon te anaṇ mile dop miṇanep lo tumanek tubun geig en ka mufutuwai ak i? Aben en yoitout a.”

³⁴Jesus isumianai, “Anj bret sapita yak i?”

Inj dubol, “Bret seven dien da, agod iy kititik kisaek kisaek a.”

³⁵Agog inj tamolpein tan na dumasi wo irupidai dugo ³⁶bret seven inj iy da inaneg, Anut ilo uyan ipani gug yafuteg inanen megeloum ipidinaig, diaug tamolpein duwae pidinai a. ³⁷Fidian ananj an dianig luad ipuk. Diani itout go megeloum dumasag ananj samsamun dutumanig sareg seven lo ditaneg awad isa ya. ³⁸Tamolpein ensauta a ananj diani an sad sutek man tamol 4 tausen, agod pein nanuk man ta dusutai na ya. ³⁹Jesus tamolpein siganed panu anen anen atem diau wo irupidaig, wog lo megeloum dida dusudag, panu Magadanⁱ san tan tilianek lo diau a.

Jesus kulob girager igane wo dududuwi a

Mak 8:11-13; Luk 12:54-56

16 ¹Farisi adi Sadyusi dida Jesus san na dupalug dusbani wo bitinaek lo digane ya. Inj Anut san dabai nam kulob girager ta kob igo wonj igane dop dile wo dusumiani a. ²Inj ru naon irupidaig igo ibol, “Saen ad idu yau dop anj abol, ‘Gabulo dop malin ibalsi wa,’ man dugo, timtaen daran da. ³Agod tidom lo mi dop abol, ‘Gamu ui isi wa,’ man dugo, timtaen daran an bilkas ak ituani a. Anj ka keit san leil akubiani ale uyanan mok a, ak man anj kulob sensen a anjiganem saen lo dilasa la yan, sad fud mok akubiani ale san anj ta idaisuda na ya. ⁴Nek ibol tamol ta tamol aenta iwodi niñedi wo ilon imasa dak igo wonj, tamolpein ensauta a kulob girager dile wo dusumianag dan man, anut sewak aenta niñedi wo dumat dak igo wonj, inj aupasek tinadi a. An lo kulob girager ta njigane panañ dop ale san ago ta njigane na wa, nek Jona san kulob girager amaiak mi a.”

Farisi inj Sadyusi da sad yis

Mak 8:14-21

⁵You tilianek dututeg you aen ate diaug disasau man, inanen megeloum bret ta disini na yan ilod isou a. ⁶Agog Jesus irupidai, “Kagin agane wa, Farisi inj Sadyusi da sad yis an niñen o kagin agane wo uyanan a.”

⁷Agog fun diganeg ilod lo mi diñineñ yau imul se ya. “Ago ibol man fun dugo i? Nag id bret ta tisini na, amaiak niñen o ago ibol boi.”

⁸Jesus dugo dubol se man ilon, ago tag isumianai, “O anj tamol ilo rumok kabelan geig amam da ya, ata wo bret tia yan niñen o anjineñ dak i? ⁹Anj an ta aloñ uyan na di? Saen njai bret faiv njafuteg ate tamol faiv tausen njufutuwai an ilom injaonj ak i? Agod anj sareg sapta awad agane inawai an dam ilom ta isou na i? ¹⁰Tia, bret seven nam tamol 4 tausen

ⁱ Magdala

ɲufutuwai, agod sareg sapita awad agane inawai an dam ilom iɲaonj ak i? ¹¹En dugo wonj go ɲai bret niɲen o ta ɲiɲiɲen na yan, ta alonj siɲaokan na yak i? Aria, afon kududom agurep kagin agane: Farisi iɲ Sadyusi da sad yis niɲen o sen alasa wa.” ¹²Agog iɲanen megeloum dulonj ak iɲ yis bret ate digane dan niɲen o ru kagin ta ipidinai se na ya. Tia, piteɲanek a Farisi iɲ Sadyusi da tamolpein durupidaid amaiak niɲen o ru kagin ipidinai se ya.

Pita Jesus iɲ Kristus an kuai te ibol a

Mak 8:27-30; Luk 9:18-21

¹³Saen Jesus iɲanen megeloum dida distrik a taun Sisaria Filipai siɲiren na yen dan te dilasa man, igo isumianai, “Tamol Nanun en enti mok ak i? Tamolpein iɲ niɲen o ru dugo dubol dak i?”

¹⁴Agog dubol, “Aenkadi onj Jon suguek san ago dubol dugo, aenta onj Elaija dubol dugo, aenta onj dag Jeremaia boi, tia, onj profet ta a wagam dumado na yan luluɲad lo fon lasa boi ago dubol da.”

¹⁵Agog Jesus isumianai, “Ak man aɲsem mi ɲai enti mok abol di?”

¹⁶Agog Saimon Pita iɲsan ru naon irupeɲi, “Onj Kristus, onj Anut ipiliano ama ya, onj Anut a kumaen imado dan Nanun mok a.”

¹⁷Jesus ru naon irupeig igo ibol, “Saimon, Jon nanun, onj bar ama da, man dugo maɲau an tamol ta, ta ifulale dugo ulonj na ya, tia, maɲau an itaot ɲai Tamag kumaen panu lo yan san na ilasa dugo ubol ilasa ya.

¹⁸Agod ɲai ɲurupaio da, onj Pita, yaɲa san fun man pat. Pat tubun en fufo ɲaisag midaeɲ ɲususe wa. Agod mateɲ san dabai an ɲaineg midaeɲ ibiai dudu san tia ya. ¹⁹ɲai Anut san kagin panek aben san ki ɲupano wa, agod ata mel tan en lo futani tap, kumaen panu na dam itau a, agod ata mel tan en lo pasi tap, kumaen panu na dam awan ipasi a.” ²⁰Agog Jesus iɲanen megeloum adi ru kubiaeɲ dabai mok an ipidinai man, iɲsen mi Kristus, an ago ta dubol ilasa na wa.

Jesus imat san nal sumeik ak ago irupidai a

Mak 8:31–9:1; Luk 9:22-27

²¹Saen an lo yau man Jesus iɲanen megeloum adi kuai tem irupidai se ya, iɲ Jerusalem na yaup ante dop Juda sad matu gurman adi, pris gurman adi, agod kubiaeɲ san girek maɲau adi saian dupani dop madai wei mi ile na gup dufuni imat a. Agop murnap nal utol lo Anut ifufunip kumaen imasa da wa.

²²Ago ibol go Pita Jesus yabig iɲaneg ida gigin na diaug san ru an niɲen o igo ibol, “Tubun en, tia geig a, kulob ago onj lo ta ilasa na wa!”

²³Agog Jesus idaɲsag irupeɲi, “Satan, ɲai patug fo sen lasa! Onj ɲai naog dal fou da, man dugo, ilo sou uri dan man Anut san tia ya, an man tamol san mi a.”

²⁴Agog Jesus ijanen megeloum irupidaig ibol, “Talpein ta ηai ηieg aban iri wo imat tap, gidad iηsan mel an fidian ilon iηaonη pe iηsiganen aigim isinip ηieg aban mi iri wa. ²⁵Man ata wo? Talpein enti siganen madok kagin mi yabi sakar tap, ijanen madok murna san an ibisei wa. Ak gug talpein enti ηai niηeg o siganen madok kagin ibisei tap, iηsiganen madok mok an ile dop iηane wa. ²⁶Talpein ta tan en san madok lo malan imug dop, an lo tan en san filian fidian an san muroun ilasa wak gug, ηutun ideg yau tap, nuηon uyan ak dugo woη igane ilasa wak i? Man tia geig a. Tia, mel dugo man, talpein ta Anut ipanip, an lo siganen ηutun an idad iηane dop daonη ta ile na wak i? ²⁷Man dugo, Tamol Nanun mitep Taman san girager an lo ipalu dop, ijanen eηel adi dida dudu wa. Agop talpein fidian ijaned urat dugo dugo digane na yan naon ipidina i a. ²⁸Rumok ηurupaianη da, tamolpein aenta igo dutur dan gamugo dumat dop, Tamol Nanun amaiak Kij igo woη ipalu dop dile gup, murnap dumat a.”

Jesus tinin ibilisag ad onη ided a

Mak 9:2-13; Luk 9:28-36

17 ¹Nal siks itout go, Jesus iη Pita, Jems agod tein Jon da iηal go imug did lak na geig ak fo disudag ate iηsed mi dumado ya. ²Agog ante Jesus tinin ibilisa dugo dile ya. Iηsan naon man ad onη ided se ya, agod san biouη tinin fo man ibilisag lilaman onη milkouk geig ilasa ya. ³Ago dugo Moses iη Elaija da megeloum naod na dilasag Jesus da diηiηeη dugo dil a.

⁴Agog Pita imasa kisaek onη go Jesus irupeig ibol, “Tubun en, nek uyanan geig maη ente mumado da! Onη ilo ibol tap, lalai utol etna ηabi wa, onηsa kisaek, Mosen san kisaek, agod Elaijah san kisaek dam ηususe wa.”

⁵Saen iηiηeη se man timtaen ta ided dak ipalug, ibuluwai dugo, ηiηeη ta timtaen an ilon lo yak ibol, “En man ηaineg Nanug mok, ηaineg bubeg mok, iη niηen o ηai ilog tubun mi uyanan da. Awan aloη!”

⁶Saen megeloum utol an ηiηeη an duloη man, tubun mok direr go naodi tan fo ditakok dudug dumunamig dien se ya. ⁷Ak man Jesus sad na ipalug isupuraig ibol, “Amasa, arer amoi.” ⁸Saen dufotsa man, tamol ta dile man tia ya, nek Jesus sen kisaek mi dile ya.

⁹Saen did dibiseig dudu se man, Jesus ru dabai anda irupidaig ibol, “Mel gamu ale yan niηen o aup tamolpein ta arupidai na wa, abol amoi dop Tamol Nanun materη aben lo Taman ipasi iηane gup abol a.”

¹⁰Agog ijanen megeloum utol dusumianig dubol, “En ata wo kubiaeη san girek maηau, Elaija imug ipalu dop Kristus murna ilasa wak ago dubol dak i?”

¹¹Jesus ru naon irupidai, “Rumok, Elaija imug ipalu dop mel fidian ikubuniaip uyad dususa da wa. ¹²Ak man ηai ηurupaianη da, Elaija imug ipalu

la ya. Ij bo ilasa gug tamolpein ij ta dile duloj na ya. Ago dugo iñsiganed ilobol lo mi saian dupani se ya. Nek dal kisaek an lo mi ij Tamol Nanun dam saian dupani wa.”¹³ Agog iñanen megeloum duloj ak Jesus Elaija mok niñen ta ibol na ya, tia, Jon suguek san amaiak niñen o ibol na ya.

Jesus nanuk ta ur saiak anda yak ikubune ya

Mak 9:14-29; Luk 9:37-43a

¹⁴Saen dumul go tamolpein a dutumanig dumado se yan sad na dupalu man, tamol ta Jesus san na ipalug naon na turun isaluwig ibol, ¹⁵“O Tubun ak, ñaineg nanug ilo imuñani! Saen wei mok kurbarib^j ifunig an lo madai tubun geig ile da. Saen aenta ilon iñaonj dop yai lo idu dak, saen aenta dam you lo idu da. ¹⁶Ak niñen o oñane megeloum sad na ñiñane ñupalu yak man dukubune wo digane yak gug tia ya.”

¹⁷Jesus ru naon irupeig ibol, “Añ saen en san tamolpein man ilo rumok amam tia ya, agod ilom gidigidad aman a. Nal sapta ñai añ da tumado wak i? Nal sapta muruan a apanag yau an ñisini wak i? Nanuk an igo añane apalu.” ¹⁸Agog Jesus ij ur saian nanuk ilon lo yan ru dabai aman da nam ipei dugo, ur saian an nanuk ibiseig uyan isusa kisaek oñ a.

¹⁹Murna gug megeloum adi pasak nam Jesus san na dupalug dusumiani, “En ata wo mañ ur saian an mukudi san tia yak i?”

²⁰Ij ru naon igo irupidai, “Man dugo, añ ilo rumok kabelan mok amam da ya. Ñai ru rumok ñurupaianj da, gidad oñane ilo rumok nek ibol ai patun tusan igo woñ tap, did en rupeip ubol, usuk onte wau, ago ubol dop yau a. Mel fidian oñ gane san tia yan ka gane wa.” ²¹(-)^k

Jesus saen uraru iñsan matej niñen o megeloum irupidai a

Mak 9:30-32; Luk 9:43b-45

²²Saen Jesus iñanen megeloum adi dida Galili na tureñ diabi se man, irupidaig ibol, “Tamol Nanun ij ager tamol banid lo digane yau o da. ²³Agop dufuni imat a. Murnap nal utol itout gup, Anut ifufunip kumaen imasa da wa.” Iñanen megeloum ago duloj man, tubun mi ilod itau idu ya.

Jesus tempel san takis idad a

²⁴Saen Jesus iñanen megeloum dida Kaperniam na dupalu man, tempel san takis ñilañal dupalug Pita dusumiani, “Dugo, oñane girek mañau tempel san takis idad o dak i?”

²⁵Pita ru naon igo irupidai, “Awo.”

Murnag Pita ab ilon lo ipalu dugo Jesus imug iñiñeñ, “Saimon, tan en sad kiñ, enti sad na takis moni diñane dak i? Iñsiganed nanud muroudi sad na, tia, tamolpein gol ak sad na, aria, oñsa ilo sou dugo yak i?”

^j Luñaliñ ^k Boi 21 Grik lo tia ya.

26 Agog Pita ibol, “Tamol gol ak sad na ya.”

Ago ibol man Jesus irupeï, “Ago tap nanud muroudi sad na takis moni ta digane na da. 27 Ak man gidad ilodi ta tigane saian na wa. Ago yak ninen o you lo waup oul ubal idu. Iy malmalan wane dan rae isudap, awan pasi dop moni ate yen dan ñane. Moni an nek idaisuda ya, oñse niñe wo, agod ñai ñjutug dam, ate tempel san takis udad a.”

Enti Anut san kagin panek aben lo iñ malan te ya

Mak 9:33-37; Luk 9:46-48

18 1 Saen an lo megeloum adi Jesus san na dupalug dusumiani, “Enti Anut san kagin panek aben lo yañan malan te yak i?”

2 Agog Jesus nanuk ta iwagig megeloum naod na igunig itur dugo 3 irupidaig ibol, “Ñai rumok geig ñurupaiañ da, añ gidad sem ibilañsap nanuk en igo woñ alasa. Tia tap, Anut san kagin panek aben an lo aladu san tia geig a. 4 Amaiak ninen o talpein enti sen yabi idup nanuk en igo woñ ilasa dan, nek talpein amaiak Anut san kagin panek aben lo yañan malan te ya.

5 “Talpein enti ñai yañag lo nanuk igo yan iñane wo iyuñani tap, ñai dam iñiliag o iyuñanag da. 6 Ak man nanuk ta ñai o ilon rumok dan, talpein ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir o man bo, uyan mok a. Man ata wo? An tia tap, ai wadan ñupani san man iriñani geig a!

7 “Tan en san tamolpein ensauta a mel ta lo ilo rumok adi aupasek lo dudu wo dududuwai dan, naon muruan tubun geig ak diñane wa! Rumok, melmel ta tamolpein ilod diñanep lo au dupas dan, dilasa san dal tufutani san tia ya. Ak man talpein enti ilo ñanek an igane ilasa dan, naon saian geig ak iñane wa! 8 Amaiak ninen o oñ bani boi, tia, ñie boi, iganep aupasek lo udu tap, tutep wabi yau! Gidad ñie bani tia man ago madok yen yau san lo ladu man ta saian na ya, man dugo, kabelan ñie bani ama da yak ago diñilio dop yai pempem ided dan lo dubulo wau banau. 9 Agod oñ mala iganep au upas tap, mala an bilanip biliau a. Gidad mala kisaek o lian da ago madok yen yau san lo ka ladu wa. Kabelan mala uraru mi dop diñiliop Ades san yai lo dubulo wau banau.

Sipsip ideg yau ak san ru fañan

Luk 15:3-7

10 “Añ gidad nanuk kititik añanem leil lo yañad tia yak ago ilom ta isou na wa. Man dugo, ñai ñurupaiañ da, iñaned eñel kumaen panu lo yan maladi pempem yau dop ñaineg Tamag kumaen panu lo imado dan naon dile da. 11 (-)¹

¹ Boi 11 Grik lo tia ya.

¹²“Aņanem ilo sou dugo yak i? Sipsip muroun iņanen sipsip 100 dida ditiliani da, ak man kisaek man naon tia ya. Sipsip muroun an dugo igane wak i? Iņ sipsip 99 an ibisawaip, did luan te gafurfur dianid dumado dop yaup kisaek an abañ an ile wa. ¹³Sipsip naon tia yan ile tap, 99 a dumado dan niņedi wo ilon ta tubun mi uyan na wa. Tia, kisaek a naon tiag fon iņaneg imul da yan niņen o man ilon tubun geig uyanan a. ¹⁴Nek dal kisaek an lo mi, aņanem Tamami kumaen panu na yan, nanuk kititik igo yan naod tiap dideg diau o ilon ago ta yen na da.”

Tei ta oņ lo aupasek igane ya

¹⁵“Saen Kris tei ta oņ lo aupasek igane tap, san na waup iņsan aupasek an kibiai ile. Ak man nuņom uraru mi nug lo aņiņeņ a. Aria, oņ awa iloņ tap man, oņ oņane tei da ilom kisaek da wa. ¹⁶Ak man awa ta iloņ na tap, tamol kisaek boi, uraru boi, uņal pe dida aup oņane tei da aņiņeņ a. Dal an lo ru fidian a sisem abol dan, talpein nuņod uraru an ka dibinawo wa. ¹⁷Aria, iņ oņane tei uraru an awad ta iloņ na tap, muruan an gidad Kris midaeņ naod na abol ilasa wa. Aria, Kris midaeņ dam sad ru ta iloņ na tap, tamol an gob igo woņ, tia, takis ņilañal tamol igo woņ, ago ale dop abiseip asau mi au.

¹⁸“ņai ru rumok ņurupaiaņ da, aņ mel ta tan na yak afutani tap, kumaen panu na dam itau a, agod mel ta tan en lo apasi tap, kumaen panu na dam ipasi panaņ a.

¹⁹“Agod afon ņurupaiaņ da, saen aņ nuņom uraru mel ta niņen o kabuņam kisaek go agudani tap, ņai Tamag kumaen panu na yan mel an igane panaņ a. ²⁰Man dugo, aben ta ate talpein uraru boi, utol boi, ņai yaņag lo dutumani dan, ņai iņ dida mumado da.”

Urat tamol ilo muņanek aman tia yak san ru faņan

²¹Agog Pita Jesus san na ipalug isumiani, “O Tubun ak, saen ņai teig ta ņaisag na mi aupasek igane tap, saen sapta mok iņsan aupasek ņupare idu pani wak i? Dag sutek yaug 7 boi i?”

²²Jesus irupei, “Saen 7 man tia ya, tia, ņai ņurupaio da, saen 70 an seven taida batep, nek ago yen yau a.

²³“Amaiak niņen o Anut san kagin panek man igo ya. Kiņ ta gubun^m funfun a iņsan urat tamol tinidi lo dien dan ikubunep itout o ilon ibol se ya. ²⁴Saen iņsad pani naon iņane san urat an fun igane dugo, urat tamol kisaek diņaneg san na dupalu ya. Kiņ san gubun tamol an tinin lo yen dan man ten milion kina ago ya. ²⁵Ak man urat tamol an iņsan gubun an isopasi san ta idaisuda na ya. Ago tag kiņ iņanen urat tamol aenta irupidaig ibol, ‘urat tamol an bigabeg oņ didaeņ lo agane dop, tamol ta idad a. Iņanen iwon,

^m Pani

nanun muroun, agod sad melmel fidian dam nek ago mi agane wa. An lo dop san naon an njanep ate inſan gubun ka nſopasi wa.’

²⁶“Urat tamol an kiſ naon na turun isoluwi idug ibol, ‘O Tubun ak, gidad bube panag dop oſane gubun an fidian nſopasi wa.’ ²⁷Agog kiſ ilon imuſanig san gubun an isopasiſ iganeſ yau a.

²⁸“Agog urat tamol an ilasag yau man, tamol ta inſan urat kiſaek gubak mi inſan na gubun igane yan ile ya. Tamol an san gubun man 10 kina. Ile go buron yabig iratitale dugo inſan gubun ipani wo irupeſ a.

²⁹“Urat tamol an inſan urat kiſaek an naon na turun isoluwi idug irupeſ, ‘Gidad bube panag dop oſane gubun nſupano wa.’

³⁰“Ak man tamol an imoi go subaneſ ab lo ibili iladu ya. Ago imado dop san gubun an ikubune itout gup ilasa wo ago igane ya. ³¹Saen inſan urat kiſaek aenta ago dile man, ilod saian geig go kiſ san na diaug mel fidian dile yan naon na dubol ilasa ya.

³²“Agog kiſ an urat tamol a kulob igane yan iwagig san na yau a. Yaug iladu man kiſ ago irupeſ, ‘Oſ tamol saia geig a, oſa gubun man niſen o bubeg nſupano ya, man dugo, oſ nſai ſumianag a. ³³Oſ gidad oſa urat kiſaek an bube pani wa, nek nſai dam oſ bubeg nſupano ago mi a.’ ³⁴Kiſ tiſaen wananan geig a, ago yan lo urat tamol an dam subaneſ ab lo igane yau a. Ante man subaneſ ab san tirnek adi tinin malan dusue dop yaup, kiſ san gubun isopasi gup ilasa da wa.

³⁵“Aria, oſ bube fidian lo tei a oſ lo aupaseſ igane dan inſan aupaseſ ta pare idu na tap, man nſai Tamag kumaen panu na yan iſ kagin nek ago mi oſ lo igane wa.”

Jesus pein tamol nug dibisei dak niſen o inſan a

Mak 10:1-12

19 ¹Saen Jesus niſen en ibol itout man, distrik Galili ibiseig Judea na yau a. You Jordan ituteg Judea san aben titin ante iladug itilianig itor se ya. ²Ago dugo tamolpein malan tubun ak niſen aban diri dugo subam ad da yak ilod lo ikubuniai se ya.

³Agog Farisi aenkadi san na dupalug diabi wo bitinaek diganeſ dusumiani, “Idaned kubiaen dugo ibol ak i? Mel ta niſen o, tia, mel dugo dugo yak niſen o, tamol ta inſanen pein ka ibisei wak i?”

⁴Jesus ru naon irupidaig ibol, “An dag girek en ta asuti na ya, ‘Fun lo mok Mel Niganag Tamol man tamol inſ pein da idirai a,’ ⁵agog ibol, ‘Fun an niſen o tamol inſ tinar taman ibisawaip iwon inſanep nug dupini dupini wa, an lo dop uraru an kiſaek mi dilasa wa.’ ⁶An niſen o inſ uraru ago tia ya, inſ kiſaek a, man dugo, Anut inſen mi itumanai a. Ak niſen o kabelan mel ta Anut itumanai an tamol itute banau.”

⁷Ago ibol tag Farisi dusumiani, “Agog ata wo kubiaen Moses igire yan igo ibol ak i? Tamol ta iwon ikudi wo ilon ago yen tap, aria, girek

ta igirep, iwon ipani gup ikudip yau a. Girek an nug banin diabi amaiak itute san girek.”

⁸Jesus ru naon igo irupidai, “Moses iwomi akudai san awok ipanarj a, man dugo, arj bubem dabai geig a. Ak man fun lo mok an san saen lo, kagin naok ago yak ta digane na ya. ⁹Agod ru taida nrurupaianj da, tamol ta mel ta niŋen o iwon ikudi yau dop, pein foun ak iŋane tap, tamol an jeit kagin igane ya. Aria, iwon imug ak a jeit kagin igane yan mi ka ikudip yau a.”

¹⁰Iŋanen megeloum duloŋ go durupe, “An ago pein tamol da lo ilasa tap, gidad nug diŋane dumoi.”

¹¹Jesus ru naon irupidai, “Tamol nug ŋanek lo dumoi dan san piteŋanek man, fidian ilo uyan lo diŋane san tia ya, ak man nek a Anut dabai ipidinai damaiak mi kagin an ka diŋane wa. ¹²Tamol pein ta dusu na duman, fun senamo senamo ya. Aenta man nabud patun amad tia, ago tinad tiŋaen lo dilasa ya. Aenta man tamol nabud dupasi da. Aria, aenta man, Anut san kagin panek aben dabai dupani san niŋen o pein ta dusu na da. Tamol ta piteŋanek en awok ka ipani tap, iŋane wan uyanan geig a.”

Nanuk diŋal go dida Jesus san na dupalu ya

Mak 10:13-16; Luk 18:15-17

¹³Agog tamolpein iŋsiganed nanuk diŋal go Jesus banin kabuŋad fo iganep gadiŋ lo bar ipidinai san niŋen o iŋsan na dupalu se ya. Ak man iŋanen megeloum adi tamolpein ru dabai nam dupudai a.

¹⁴Ago gug Jesus ibol, “Nanuk ŋaisag na dupalu wo dop eilafu wak, abituanai amoi. Man dugo, Anut san kagin panek aben man nanuk igo yak sadi a.” ¹⁵Agog banin kabuŋad fufo iganeg aben an ibiseig yau a.

Pinein damag filian anda yak Jesus isumiani a

Mak 10:17-31; Luk 18:18-30

¹⁶Aria, pinein damag ta Jesus san na ipalug isumiani, “O girek maŋau, ata kulob uyan ak ŋigane dop lo madok pempem yen san an ka ŋiŋane wak i?”

¹⁷Jesus ru naon igo irupe, “Ata wo mel ta uyan an niŋen o sumianag dak i? Nek Anut kisaek o lian an mi uyanan a. Madok uyan ak lo wau o ilo ibol tap, ru kubiaenj girek lo dien dan kagin pidinai a.”

¹⁸Agog isumiaenj, “Ru kubiaenj dugomaik i?”

Jesus ru naon irupe, “Oŋ tamol ta funi imat na wak, jeit kagin ta gane na wak, ta ugam na wak, kot lo supalek ru ta ubol na wak, ¹⁹tina tama awad paen na mado dop kagin pidinai o uyan ak, agod oŋse niŋe wo umat dak ago mi aenta dam niŋedi wo umat a.”

²⁰Pinein an irupeig ibol, “Ru kubiaenj an fidian ŋuri ŋupani se ya. Ata mel taida niŋen o katuk ag ak i?”

²¹Jesus irupeï, “On̄ itaot mok lasa wo ilo yen tap, waup on̄sa mel an fidian didaen̄ lo ganep moni n̄ane wa. Aria, moni an n̄anep tamolpein mel ad tia yan pidinai a. Ago dop on̄ kumaen panu lo filiamā da wa. Ago gane gup palup n̄ieg aban uri wa.”

²²Saen pinein an ru ago ilon̄ man, ilon̄ idug yau a, man dugo, in̄ tan en lo melmel wei kasik aman da ya.

²³Agog Jesus in̄anen megeloum irupidaig ibol, “In̄ai rumok n̄abol da, tamol filian anda man Anut san kagin panek lo iladu san man muruan geig a. ²⁴In̄ai fon n̄urupaian̄ da, tamol filian anda yak Anut san kagin panek aben lo ka iladu an, rumok tap, aria, kamel dam si guburan tusan ak lo yau san man pasauman geig a.”

²⁵Saen in̄anen megeloum ago dulon̄ man, malad ifure saian geig go dusumiani, “Mago tap, enti mok patu pasek ka in̄ane wak i?”

²⁶Jesus malan ti ibol go yil dugo irupidai, “Tamolpein kulob ago man in̄ lo ta idaisuda na ya, ak gug Anut lo mel fidian man pasauman a.”

²⁷Agog Pita ru naon̄ ibol, “Ule, mel fidian mibiseig n̄ie aban muri se ya, an lo ata naon̄ ago mok min̄ane wak i?”

²⁸Jesus irupidai, “In̄ai rumok n̄urupaian̄ da, Anut mel fidian afon foun idirai dilasa san saen lo man, Tamol Nanun in̄anen badim girager anda yak fufo imasi wa. Ago dop an̄ enti n̄ieg aban ari apani na yan dam badim 12 ak fufo amasip Isrel san gugoi 12 an abitiniai a. ²⁹Agod talpein enti ab ibiseig, tia tein boi, lun boi, taman boi, tinan boi, nanun moroun boi, siganen tan boi, an n̄ai yan̄ag yabisa wo ibisei dop man, mel a ibisawai an san naon̄ sutek yaup 100 irin̄ani wa. Taida mi, n̄ai madok pempem yen san an dam n̄upani wa. ³⁰Ak man talpein wei mi gamu in̄ sed malan te idirai dan, saen an lo man in̄ yan̄ad tia yak ago dilasa wa. Agod talpein wei mi in̄ gamu yan̄ad tia dumado dan, saen an lo malan te dilasa wa.

Wain abi san urat tamol adi

20 ¹“Anut san kagin panek man ago ya. Salso idug abi san muroun imasag didaen̄ aben lo yaug urat tamol aenta ibiaip in̄anen wain abi ilon̄ lo urat digane san. ²In̄ urat tamol an dida urat naon̄ dugo ipidinai an n̄in̄en o dukubiai se ya. Agog adian kiskisaek atem kina kiskisaek ipidinai o ago ibol a. Agog urat tamol an dulon̄ go n̄in̄en̄ an awok dupanig idinaig in̄anen abi lo diau a.

³“Tidom lom, afon imasag didaen̄ aben ante yaug ilasag, tamol ta kawan dutur dugo yil a. ⁴Ago dugo irupidaig ibol, ‘An̄ dam n̄aisag wain abi lo aup urat agane. Ago dop murnap an̄anem urat naon̄ dugo itaot atem n̄upanan̄ a.’ Ago tag diau a. ⁵In̄ afon, adian lo agod guraian lo mi, nek ago igane ya. ⁶Guraian mok, auwa kisaek imug mi ad idiau an lo, afon imasag yaug tamol taidam urat ad tia kawan dutur dugo yil a. Agog

tamol an irupidaig ibol, ‘Anj ata wo ad milaen kawan atur amado dugo urat ta agane na dak i?’ 7Inj abi muroun ru naon durupeig dubol, ‘Tamol ta manj ibiama man tia ya.’ Ago tag irupidai, ‘Anj dam gamu njaineg wain abi lo au a.’

8“Aria, saen ad idiau dugo abi muroun ijsan urat gurman irupeig ibol, ‘Urat tamol giai dop sad urat naon anen anen atem udad a. Tamol a murna geig njanj an ate fun ganep, ipalup, yaup, imug ak ate itout a.’ 9Saen urat tamol a murna geig ibiai an dupalu man, anen anen atem kina kiskisaek urat san gurman ipidinai a. 10An ninjen o saen urat tamol a imug mi ibiai an dupalu man, inj moni subujan taidam dijane wak ago ilo sou digane se ya, ak man inj dam nek kina kiskisaek mi dijane ya. 11Inj aned kina dijane gug, abi muroun ninjen o fun diganeg dujnurnur se ya. 12Inj dubol, ‘Tamol e murna geig biai an auwa kisaek o lian urat digane ya, ak man onj ago gane yan lo manj inj dida sisem mi milasa ya. Gug manj urat san muruan ad milaen manj mi misini se ya.’

13“Ak man abi muroun tamol ta lulujad lo imado yan irupeig ibol, ‘Turag, naj onj ta njiginio saian na da. Dugo, onj kina kisaek o lian lo urat gane wo awok ta ubol na yak i?’ 14Onjane urat naon njanep wau. Tamol a murna geig njanj an, urat naon a njupano yan, nek ago mi inj dam njupidinai o ilog yen a. 15En dugo, naj siganeg moni lo dugo njigane wo dan, ago ka ta njigane na wak i? Tia, naj siganeg mel njuwae dan ninjen o mala isi dak i?’

16“Nek ago mi, talpein murna yan mitep imug dop, imug an murna wa.”

Jesus afon injanen matej sumeik ilasa dan ninjen o ibol a

Mak 10:32-34; Luk 18:31-34

17Jesus inj Jerusalem na yau se ya, saen an lo injanen megeloum 12 an injal go dida gigin na diaug, irupidaig ago ibol, 18“Alonj uyan a, id Jerusalem na tau da. Ante man Tamol Nanun dijanepris gurman agod kubiaen san girek manjan banid lo digane wa. Inj malak malak bitinaek lo digane gup imat a. 19Ago dop Juda tia yak banid lo diganep lo kukok aman digane gup, rasau nam dufuni nap, aigim fo dubali wa. Ago digane wak man, nal utol itout gup, Anut ifufunip afon kumaen imasa da wa.”

Jems inj Jon da sad tinad san sumiaen

Mak 10:35-45

20Agog Sebedi san nanun uraru amaiak tinadi da, Jesus naon na dupalu ya. Agog tinadi turun isaluwig mel ta ipani san ninjen o Jesus isumiani a. 21Jesus pein an isumiani, “Ata mel ninjen o ilo ibol dak i?” Agog pein an naon irupe, “Ru ubol an lo naj nanug muroug e dumado den, murnap unjal pe onjane kagin panek aben lo, onjane badim fo sinjire

na dumasip dumado wa. Neinta bani won ak lo dop, neinta ŋas ak lo gane wa.”

²²Agog Jesus, Jems iŋ Jon da irupidaig ibol, “Mel dugo mok niŋen o asumianag dan ta alon uyan na ya. Ak dugo, gab a ŋai lo ŋaluk san an, aŋ dam lo aluk anen idaisuda yak i?” Agog iŋ ru naon durupeig dubol, “Awo, maŋ idaisuda ya.” ²³Jesus irupidai, “Rumok, aŋ ŋaineg gab an lo aluk a. Ak man siŋireg na amasip amado, ta banig won ak lo, ta banig ŋas ak lo, aben a yaŋan anda amaiak ŋai ŋupan aŋ san ta idaisuda na ya. Tia, ŋaineg Tamag iŋsen mi tamol ta aben an ipidinaŋ san ipilianai la ya, amaiak niŋen o aben uraru an iŋaned mi a.”

²⁴Saen iŋanen megeloum 10 dumado yan ago dulon man, tamol uraru an niŋedi wo tiŋaed saian geig a. ²⁵Ak man Jesus igiaig san na dupalug igo irupidai, “Aŋ alon ak, gob adi luluŋad lo iŋaned gurman sed idiraip lak na mok disuda dop tamolpein ditirnai o digane wa. Agod iŋaned tutubu yan tamolpein kawan ak didiraip tuod paed na dumado wa. ²⁶Ak gug aŋ luluŋam lo kagin ago yak ta mok ilasa na wa. Tia, talpein ta aŋ luluŋam lo yaŋak tubun ak iŋane wo ilon ibol tap, sen iganep aŋanem biabi ŋilaŋal oŋ ilasa wa. ²⁷Agod talpein ta aŋ luluŋam lo imug yau san ago ilon ibol tap, sen igane idup aŋ fidian mi wagem lo bigabeg igo woŋ ilasa wa. ²⁸Nek ibol Tamol Nanun iŋsen igo woŋ, tamolpein aenta binawek urat dupani wo ta ipalu na ya, tia, aenta niŋedi wo binawek urat igane wo ipalu ya. Agod sen tinin fidian ibiseip an lo tamolpein wei mi siŋanen dar lo idad pe iŋal imul o dam ipalu ya.”

Jesus tamol uraru malad itau an ikubuniaŋ a

Mak 10:46-52; Luk 18:35-43

²⁹Saen Jesus iŋanen megeloum dida Jeriko dibisei man, tamolpein malan tubun ak ŋien aban diri a. ³⁰Ante man tamol uraru maladi itau ak dal gigin na dumasig dumado ya. Saen Jesus iriŋanaŋ o igane dugo dulon man diwagiŋ, “O Tubun ak, Dawid Nanun, ilo imuŋanama!”

³¹Agog tamolpein an dububuŋanaig durupidai, “Awam itaup atokabol pe amado!” Ago tag tamol uraru an nen maeg nam duwagiŋ dugo disasai, “O Tubun ak, Dawid Nanun, ilo imuŋanama!” ³²Jesus awad ago ilon man, ipartuanig igiaig irupidai, “Dugo ŋidiraŋ o ilom ibol di?” ³³Agog iŋ durupeig dubol, “O Tubun ak, maŋ abaŋ mile wo iloma ibol da.” ³⁴Agog Jesus tubun mok ilon imuŋanaig maladi isupuri dugo gamu nam uraru an abaŋ dile ya. Agog ŋien aban dirig dutor se ya.

Jesus kiŋ oŋ Jerusalem na iladu ya

Mak 11:1; Luk 19:28-40; Jon 12:12-19

21 ¹Jesus iŋanen megeloum dida Jerusalem sumeik dupani dugo, Did Oliv siŋiren na panu ta yaŋan Betfage dubol dan ate dilasa

ya. Ago man Jesus megeloum uraru panu an ilon lo diau o idinai a. ²In ago irupidaig ibol, “Aṅ nuṅom urarum panu o tile dan ante au a. Aup doṅki ta dususeg itur dak ante ale wa, iṅ nanun da sisem dutur da. Urarum kam apasip aṅal pe ṅaisag na apalu. ³Tamol ta ru aman da dop, aṅ igo arupeṅi wa, ‘Tubun ak urat ipidinai a.’ In ago ilonṅ dop, idinaip aṅal pe apalu salti wa.”

⁴Dal an lo man, awan aban ta profet ta ibol an nuṅon ilasa ya. Ru an igo ibol,

⁵“Ru en Saion san Nanun Pein” naod na ubol ilasa wa.

Ale, aṅanem Kiṅ gamu aṅsam na ipalu da.

Tamol mos aman ak igo woṅ ipalu da, doṅki ta fufo na imasig imado da.

Doṅki an foun ak fo na imasig imado dugo ipalu da.”

⁶Agog megeloum uraru an diaug, Jesus ibol ak ago mi digane ya.

⁷Diaug, doṅki tinan iṅ nanun da diṅal go dupalu ya. Agog doṅki an patun fufo kulos duruwarig, Jesus fo isudag imasig imado dugo diau a. ⁸Agog tamolpein malan tubun geig an iṅsiganed kulos milmilae ak dupasi dugo dal te duruwari se ya. Ago dugo aenkadi ai raen dututeg dal damag dupani dugo didiri se ya. ⁹Tamolpein aenkadi, Jesus dida inug mi diau dugo, tamolpein aenta murna dupalu ya. In fidian mi igo dubol duwagiṅ se ya,

“Hosana, ° Dawid Nanun, per mupano da!

Tamol Anut yaṅan lo ipalu den bar iṅane ya!

Hosana lak na geig!”

¹⁰Saen Jesus Jerusalem na iladu man, tamolpein fidian ilod imasa dugo nug dusumiani se ya, “Tamol en enti ak i?” ¹¹Ago dugo tamolpein a ida tureṅ diabi se yan ago dubol, “En Jesus, emaiak iṅ profet, distrik Galili ilon lo panu ta Nasaret san ak ipalu ya.”

Jesus tamol tempel san ar ilon lo didaṅ digane se yan ikudai a

Mak 11:15-19; Luk 19:45-48; Jon 2:13-22

¹²Jesus tempel san ar ilon lo iladug, aben ante didaṅ tamol, agod a melmel ta didad dan dam fidian ikudaig patun fo dilasa ya. Inṅad tebol fufo na moni dubulisa se yan, iratitaleg yabibol idu dugo, tamol aenta muluk didaṅ lo didirai se yan sad kalik dam yabibol yau a. ¹³In igo ipidai, “Anut san buk lo ru en digire ya, ‘Ṫaineṅ ab man gudanek san ago dubol a,’ ak man aṅ agane ilasag ‘gumagam adi sad mianuk ab’ igo agane da.”

ⁿ Saion san Nanun Pein an ru faṅan, iṅ fun man ‘Jerusalem san tamolpein’ ° Wagam mok ru en ‘hosana’ san fun man ‘oṅ patuma pasi’ igo ya, murnag fun afon ibileksag, nek ibol ‘per mupano’ ago ilasa ya.

¹⁴Jesus tempel lo imado dugo, malad itau agod njied saian ak dam san na dupalu se ya, ago man ij ikubunia i dugo tinid sijaokan dilasa se ya. ¹⁵Ak man pris gurman adi agod kubiaen san girek manjau dam ij kulob girager igane se yan dile dugo, nanuk tempel san ar ilon lo yak igo duwagin, “Hosana Dawid Nanun, per mupano da!” Saen gurman adi ago dile man ilod saian dugo tijaed wananan a.

¹⁶Ago tag Jesus dusumianig dubol, “Ru e dubol den ulonj dak i?” Agog Jesus ru naon irupidai, “Awo, njalonj da. Nag an ru en ta asuti na yak i?”

‘Onj nanuk kititik agod nanuk su ate dam pilianai dop,
per panek awad lo ilasa wa.’”

¹⁷Agog ij ibisawaig Jerusalem patun fo ilasag yang tidom an lo Betani na njionj yabi a.

Jesus ibol dugo gurab ibun yau a

Mak 11:12-14,20-24

¹⁸Tidom lom mok Jesus imul go Jerusalem na yau, saen an lo dam ij ananj o imat. ¹⁹Malan yang dal gigin na ai gurab ta itur dugo ile, ago man sijiren na geig yau. Ak man nujon ta ile man tia ya. Roun kawan mi yen a. Ago tag ij ai gurab an ago irupe i, “Onj afon nujo ta ufu na wa. Tia geig a.” An lo man gurab an ibun yau kisaek onj a.

²⁰Inanen megeloum ago dile man durut geig dugo dubol, “En dugo wonj mok go gurab an ibun yau kisaek onj ak i?” ²¹Ago dugo Jesus ru naon igo irupidai, “Injai rumok mi njurupaianj da, anj ilom lo rumok dop, agod ilom uraru dam tia tap, anj kulob e njai gurab lo njigane yak ago mi ka agane wa. An mi tia ya, tia, anj did en arupeip, onj masap sokalik beig lo udu, ago dop mel a arupe i an awam yabi wa. ²²Agod anj ilom rumok aman da yak lo gudanek agane tap, mel fidian a niñedi wo gudanek agane dan ka agane wa.”

Inj Jesus dusumiani, “Enti ipiliano ya?”

Mak 11:27-33; Luk 20:1-8

²³Jesus tempel lo iladug tamolpein manjau ipitejanai se ya. Ago dugo pris gurman adi agod Isrel san gurman adi dam dupalug naon na dilasag dusumiani, “Onj kob en agod dabai dam dugon te njaneg lo melmel en gane dak i? Enti mok dabai en ipanog ate urat en gane wo ibol ak i?”

²⁴Agog Jesus ru naon igo irupidai, “Injai dam mel ta niñen o njusumiananj o da. Ago dop anj imug njaisag sumianek an itaot arupaiaj tap, enti mok urat e njigane den san dabai ipanag ak ka njabol pe alonj a. ²⁵Dugo ilom isou dak i? Jon san suguek man, dugon te kagin an njane yak i? An kumaen panu san mel, tia, tamol sad mi ak i?”

Agog injsed nug lo igo diñinej se ya. “En kumaen panu san mel, ago tabol tap, inj igo ibol isumianad a, ‘En ata wo anj inj niñen o ilom ta rumok

na yak i?’ ²⁶Ak gug ‘En man tamol sad mel mi a,’ ago tabol tap, id o dugo ilasa wak i? Id tamolpein en niñedi wo tarer da, man dugo, iñsad ilo sou lo man Jon mi iñ profet, ago dubol da.” ²⁷Ago yak niñen o Jesus ru naon durupeig dubol, “Mañ ta malon na ya.” An lo man Jesus irupidai, “Ago yak niñen o ñai dam enti mok kob agod dabai ipanag an ta ñurupaian na wa.”

Nanuk uraru tamad da sad ru mitilaen

²⁸“Añ mel emaiak niñen o dugo wonj ilo sou agane di? Tamol ta nanun uraru a. Iñ nanun matu ak san na yaug igo irupeï, ‘Nanug, onj gamu waup wain abi lo urat gane wa.’ ²⁹Agog nanun ibol, ‘Ñai ñamoi.’ Ak man murna gug ilon ibileksag abi lo yau a. ³⁰Agod taman an nanun bakan ak san na yaug, ru naon kisaek ago mi irupeï a. Agog nanun an awan yabig ibol, ‘Awo Bai, ñau o da.’ Ak gug iñ ta yau na ya. ³¹Dugo ilom isou dak i? Nanuk uraru en, enti mok taman san ilobol iri ak i?” Ago man iñ dubol, “Nanuk matu ama ya.” Agog Jesus ago irupidai, “Ñai rumok ñurupaian da. Takis ñilañal, agod dal san pein adi, iñ añ dirinanan go Anut san kagin panek aben lo diladu da, ak man añ aladu wo amoi da. ³²Man ata wo? Jon imug añ kagin itaot ak san dal ikubiaip ale wo, sam na ipalu ya. Ak man añ ilom ta rumok na ya. Ak gug takis ñilañal tamol, agod dal san pein adi dam, iñ ilod lo rumok a. Gidad añ ago ale bo man, ilom lo ta rumok na, agod ilom dam ta ibileksa na ya.”

Abi san kagin panek adi san ru fañan

Mak 12:1-12; Luk 20:9-19

³³Jesus tamol tutubu yak ago irupidai, “Kududom agure dop ru fañan taidam ñurupaian o da. Tamol ta iñ wain san abi yabig ar ifou a. Abi an ilon lo wain patun dupartitale san gib yabi a. Agod ab a ate abi titianek dumado san dam abi ilon lo yabi a. Agog tamol ta abi an kagin dupani san urat digane wo ipilianaig, banid lo igane ya. Aria, saen abi taman iñ urat an fidian igane itout man, imasag panu asau ak ate yau a. ³⁴Aria, ai wain nuñod ifu san saen sumeik ipani dugo, iñ iñsan biabi ñilañal idiraig iñanen wain nuñon disini wo diau a. ³⁵Ak man urat tamol a abi lo dumado dan dumasag, tamol a abi muroun idinaig diau an muruan dupidinai a. Ta dufunig, neinta dufuni imat dugo, kisaek pat nam dufuni imat a. ³⁶Murnag abi taman an urat tamol sen ak idiraig sad na diau a. Iñ nuñod kitek wei a, a gubak mi idiraig diau an dirinananai a. Tamol abi lo urat digane yan dumasag urat tamol a diau an lo kulob gubak mi digane yak ago mi digane pidinai a. ³⁷Murna geig abi taman nanun mok idinig yau dugo ilo sou lo igo ibol, ‘Urat tamol an ñaineg nanug mok an awan diabi wa.’

³⁸“Tamol abi lo urat digane dan, malad yaug nanun ipalu dugo dile. Ago man iñsed nug ru dupeig dubol, “Tamol en man taman san melmel

fidian mi ijane wo da. Ago yak niŋen o id tufunip imat dop, ijanen abi id tiŋane wa.’³⁹Ago dubol go diabig ar patun fo dubal idug dufunig imat a.

⁴⁰“Ago yak niŋen o aŋ dugo woŋ ilom isou dak i? Murnap, saen abi taman an ipalu wan lo, ij tamol a abi lo urat digane na yan niŋedi wo dugo mok igane wak i?”

⁴¹Ij ru naon igo durupe, “Abi taman ij tamol saiadi an daoŋ saian geig ak ipidina i a. Ago dop wain san abi an tamol sen ta ipidinaip kagin dupani wa. Urat tamol foudi an, wain nuŋon ifu san saen lo, san nuŋon dijanep dutumanip disini dop dupani wa.”

⁴²Ago tag Jesus ago ibol isumianai, “Nag aŋ ru e girek lo yen den ta asuti na i?”

‘Pat nek a ab bek tamol adi dumoi dan,
nek amaiak ab tinin fidian yabi sakar da.

An Anut sen ago igane ya,
agod id malad lo en man siŋaokan geig a.’

⁴³“Amiaiak niŋen o ŋai ŋurupaiaŋ da, Anut iŋsan kagin panek aben an, aŋ tuom lo ipasi yau a. An lo dop tamolpein sen ak ta, ij Anut san kagin panek aben an san nuŋon mok digane ilasa dan, kagin panek aben an ij ipidina i a. ⁴⁴Talpein ta ij pat en fo na yau idu dop man, sen ifuni ititale wa. Ak gug talpein ta pat en kabuŋan fufo idu dop, ifufari idu wa.”

⁴⁵Saen pris tutubu agod Farisi adi, Jesus ru faŋan a ibol se yan duloŋ man, ij duloŋ uyanan ak Jesus ijane ru lo ij isiai se ya. ⁴⁶Amiaiak niŋen o dal ta lo Jesus diabi wo maeg diganeg abaŋ dile se ya. Ak man tamolpein malan tubun ak niŋedi wo direr, man dugo, tamolpein an sad ilo sou lo man Jesus ij profet, an niŋen o ij ta diabi na ya.

Nug iwon ŋilaŋal san anaŋ tubun ak san ru mitilaen

Luk 14:15-24

22 ¹Agod afon, Jesus tamolpein an ru faŋan lo irupidai a. ²“Anut san kagin panek man igo ya. Kiŋ ta iŋsinan nanun tamol ak o nug ŋanek san soubul yabi a. ³Ij imug mi tamol adi a iŋsan nug iwon san anaŋ diani wan nal dugon lo dupalu wo irupidai. Aria, anaŋ nal idu dugo iŋsinan urat tamol idiraig tamol an dil o diau a. Ago yak man ij dupalu wo dumoi a. ⁴Agod afon ij urat tamol sen ak idiraig diau wo dugo, igo irupidai, ‘Aŋ tamol a gubak mi ŋigia i an sad na aup, igo arupidai a. Aloŋ uyan, ŋai anaŋ ŋukubune la ya. Makau tubun ak agod makau nanud tinid bulbal ak dam mafu la ya, mel fidian mukubuneg dien da. Aŋ soubul en lo apalu wa.’

⁵“Urat tamol diaug tamol an ru durupidai a, ak man ru an dumoi go kagin ta dupani na yan lo, dufurak go gidigheid diau a. Ta iŋsinan abi lo yau dugo, ta yaug iŋsinan bisnis urat igane se ya. ⁶Aenta dumasag kiŋ

san urat tamol duburoug ru saian ak lo dububunanaig dufu dumat a. ⁷An nijen o kiŋ tiŋaen tubun mi saian tag, iŋsinan yu tamol adi idiraig diaug, tamol a iŋanen urat tamol dufu dumat, amaiak dufu dumat dugo sad panu dam dumarig inani yau a.

⁸“An itout go kiŋ an iŋsan urat tamol ago irupidai, ‘Nug iwon ŋilaŋal san anaŋ kubunek go yen da. Ak man tamol a ŋai imug ŋigia i an, dupalu san iŋ ta idaisuda na ya. ⁹Ago yak nijen o amasap dal gigin fidian lo atur a, tamol fidian eil dop, agiaip nug ŋilaŋal san anaŋ lo dupalu wo ago arupidai a.’ ¹⁰Iŋ ago ibol dugo, iŋanen urat tamol dumasag, dal gigin fidian atem dutur dugo, tamolpein uyadi agod saiadi ak dam dil dugo dutumanai se ya. Agog anaŋ tubun an lo dupalu ya. An lo man ab a ate soubul diani san an awan isa geig a.

¹¹“Tamolpein dumasig dumado dugo kiŋ an yil o iladu ya. Iŋ iladug malan yau man, tamol ta nug ŋilaŋal san kulos ta igane na yan ile ya. ¹²Agog naon na isusag isumiani, ‘Turag, en dugog oŋ nug ŋanek san kulos ta gane na gug ente sadu yak i?’ Agog tamol an ru ta ibol san tia ya.

¹³“Ago tag kiŋ urat tamol adi siŋiren na dutur dan irupidaig ibol, ‘Aŋ ŋien banin afoup, aŋanep abili patun fo ilasa dop, abaŋ tidom tubun ak lo imado wa. Aben ante man tamolpein tinaŋ digane dop madai lo luod dugurmi wa.’ ¹⁴Man dugo, Anut iŋ bo tamolpein wei kasik igiai da, ak gug tamolpein kisaek kisaek mi diladu san kob ipidinai a.”

Kaisa san takis ŋilaŋal
Mak 12:13-17; Luk 20:20-26

¹⁵Agog Farisi adi diaug, Jesus san ŋiŋeŋ lo dal dugo diabi san nijen o dutumanig dukubiai se ya. ¹⁶Iŋ awad kisaek go, siganed megeloum aenkadi, Herod san tamol aenta dida didiraig, Jesus san na diau a. Tamol an Jesus durupeig dubol, “Girek maŋau, maŋ maloŋ ak oŋ ru rumok san tamol. Oŋ tamolpein Anut san dal an nijen o itaot mi piteŋanai da. Oŋ tamol ta nijen o urer san tia ya. Tia, oŋ ru kisaek an mi tamol fidian lo ubol yau da. Gidad yaŋad da yak, di yaŋad tia yak dam mi a. ¹⁷An nijen o oŋ ka mel en nijen o rupaiama wa. Dugo, Kaisa takis moni tupani wan uyan ak i? Tia, saian ak i? Oŋ dugo ilo isou dak i?”

¹⁸Ago yak man Jesus iŋsad ilo sou saian an iloŋ dugo igo irupidaig ibol, “Aŋ balem rararu a, ata wo ŋai bitinaek lo aginiag o agane dak i? ¹⁹Aŋ moni a lo takis adad o dan kisaek akubiai dop ŋile wa.” Ago tag iŋ moni ta disinig san na dupalug dupani a. ²⁰Jesus ibol isumiani, “Mitilaen agod yaŋak e fufo digire yan enti san ak i?” ²¹Agog iŋ dubol, “Kaisa san.” An nijen o irupidai, “Mel ta Kaisa san tap, Kaisa apani wa, agod mel ta Anut san tap, Anut apani wa.”

²²Saen ru an duloŋ man durut saian geig a. Agog dibiseig diau a.

Sadyusi Jesus diabi wo bitinaek digane ya

Mak 12:18-27; Luk 20:27-40

²³Nal kisaek an lo Sadyusi aenta Jesus san na dupalu ya. Tamol nek an pris gurman adi sad warou, ij tamol dumat pe murnap fon kumaen dumasa da wan niĵen o ilodi ta rumok na da. Agog Jesus igo dubol dusumiani, ²⁴“Girek maŋau, Moses gubak mi igo ibol a. ‘Tamol ta ij nanuk aman tiag imat tap, gidad tein imasap iwon ka iĵane dop, an lo tein imat la yak aben lo nanuk idiri ilasa wa.’ ²⁵Aria, gubak mi man tein muroun nuŋod 7 maŋ lulaŋama lo dumado se ya. Matu ak pein iĵaneg imado nag imat, ak gug ij nanuk aman tia ya. Ago yak niĵen o tein bakan ak imasag matu imat an san pein iĵane ya. ²⁶Tein bakan an dam tein san suos a iĵaneg, dumado yak man nanuk amad tiag tamol ak imat a. Tein muroun murna an dam nek ago mi, teidi sad suos an diĵane yak man, nanuk amad tia dumado nag, dumat a. ²⁷Tein an fidian mi nanuk amad tia dumat gug pein an dam imat a. ²⁸An niĵen o oŋ ubol rupaiama wa. Saen tamolpein dumat pasik an afon kumaen dumasa tap, tamol an fidian ilod lo man, pein an enti iwon ak i? Oŋ uloŋ ak ij fidian iwodi a.”

²⁹Ak gug Jesus ru naon irupidaig igo ibol, “Aŋ afurfi saian a. Man ata wo? Anut san ru girek lo yen dan, agod Anut san dabai dam aŋ ta aloŋ uyan na ya. ³⁰Saen tamol dumat pe dumasap kumaen panu na dutor dan, pein ta dusu na da, agod ante tamol ta pein niĵen ta dupani na da. Tia, ij kumaen panu san eŋel igo woŋ dumado da. ³¹Agod taida mi, tamol dumat ak fon kumaen dumasa da wan niĵen o kududom agure. Nag aŋ ru a Anut irupaiaŋ an ta asuti na yak i? Ij igo ibol, ³²‘Ijai man Abraham san Anut, ŋai dam Aisak san Anut, agod ŋai dam Jakob san Anut.’ Anut man ij tamol a mateŋ lo dumado dan sad Anut tia ya. Tia, ij man tamol kumaed dumado dak sadi a.”

³³Saen tamolpein a Jesus dubuluwi dan iŋsan piteŋanek emaiak duloŋ man, ij durut dugo ru an niĵen o nug lo diŋiŋeŋ ila iso se ya.

Kubiaeŋ dugomaiak malan te yak i?

Mak 12:28-34; Luk 10:25-28

³⁴Saen Farisi, Jesus ru a ibol an lo Sadyusi awad yabituani an duloŋ man, naon na dutumani a. ³⁵Tamol ta ij lululaŋad lo itur an, ij kubiaeŋ san uloŋ tamol, amaiak ru a Jesus ibol an ipipi wo igo isumiani a. ³⁶“Girek maŋau, kubiaeŋ dugomaiak ij malan te dugo, kubiaeŋ aenta iriŋanai geig ak i?” ³⁷An niĵen o Jesus ago irupeŋ, “Oŋ gidad Tubun en oŋane Anut niĵen o umat a, oŋ bube fidian lo, oŋ ŋutu fidian lo, agod oŋane ilo sou fidian lo ago gane wa. ³⁸Kubiaeŋ en tubun a, agod ij malan te geig a. ³⁹Kubiaeŋ turan en dam nek ago mi a. Nek oŋse niĵe wo umat dak ago mi, tamolpein aenta dam niĵedi wo umat a. ⁴⁰Kubiaeŋ

uraru en malan te yen da, Moses san kubiaenƷ fidian, agod profet sad awak aban an dam, kubiaenƷ uraru en paed na diyuk dien da.”

Kristus iƷ enti nanun ak i?
Mak 12:35-37; Luk 20:41-44

⁴¹Farisi adi dutumanig dumado dugo Jesus ibol go isumianai, ⁴²“AƷ Kristus niƷen o dugo ilom isou di? IƷ enti nanun ak i?” Ago man iƷ durupei, “En man Dawid nanun.” ⁴³Ago tag iƷ irupidai, “Aria, en dugo wonƷ go, Kristus niƷen o, Dawid iƷsen mi Awan Urgan san dabai lo mi iƷiƷenƷ dugo tamol an yaƷan man, Tubun ak ibol ak i? IƷ igo ibol,

⁴⁴“Tubun en Ʒaisag Tubun ak igo irupei,
“OƷ Ʒai tuog won ak ate masip yaup,
murna gup Ʒai oƷsa ager adi Ʒidiraip,
oƷ Ʒie pae na dumado dop Ʒie nam partuanai a.” ’

⁴⁵AmiaiƷ niƷen o Dawid iƷsen mi iƷ Tubun ak ago ibol tap, en dugo wonƷ pe iƷ Dawid nanun ak i?” ⁴⁶Nal an log yau man, Jesus sumiaenƷ subuƷan taidam dusumiani wan niƷen o direr se ya.

**Jesus iƷ Farisi agod girek maƷau adi sad kagin sisaiak an kuai tem
igane ilasa ya**

Mak 12:38-39; Luk 11:43,46; 20:45-46

23 ¹Nal an lo Jesus iƷanen megeloum, agod tamolpein a dubuluwi an dam irupidaig ibol, ²“KubiaenƷ san girek maƷau iƷ Farisi dida Moses naon diƷane ya. ³An niƷen o ata mel agane wo durupaiƷan dan an kagin apani dop itaot mi agane wa. Ak gug kagin naok naok a digane damaiak aƷ dam nek an ta ari apani na wa. Tia geig, man ata wo? IƷ ru kagin wei mi dubol dak, gug iƷsed mi iƷsiganed ru ta duri dupani na da. ⁴IƷ tu muruan ak dufou dugo, tamol yarod fo didirai da, ago yak gug iƷsed banid kuruƷen nam kitek diabip tamol dubunawai dop disini wo man dumoi da. ⁵Mel fidian iƷ digane duman, tamol dil o digane da. Awo, iƷ gudaneƷ san ariƷ didiri dugo, bala milmilae ak dam kulos bitiƷen fo na digane da. ⁶IƷ soubul lo kalik malan te yak niƷen o dumat da, agod ubou ab lo dam nek ago mi a. ⁷IƷ panu titiƷae mi tamol ‘adian’ dupidinai o ilod yen da, agod tamol iƷ niƷedi wo ‘tamol tubun ak’ ago dubol an dam niƷen o dumat da. ⁸Ak man, tamolpein aenta aƷ gurman adi dubol ak ago ta digane na wa. Tia, tamol kisaek o lian man aƷsam gurman, agod aƷ fidian man nug tein taon amado da. ⁹Tan en lo talpein ta aƷ tamami ak ago ta abol na wa. Man dugo, Tamol kisaek o lian iƷ aƷ tamami, amiaiƷ kumaen panu lo imado da. ¹⁰Agod tamolpein aenta iƷ aƷ girek maƷau adi ak ago ta dubol na wa, man dugo, aƷ girek maƷau kisaek o lian am da ya, iƷ Kristus. ¹¹Tia, aƷ luluƷam lo man, enti iƷ malan te yan, aƷ fidian sam urat tamol ago ilasap imado wa. ¹²Tamol iƷ

sen yaŋan yabisa dan, iŋsan yaŋan an yau idu wa. Tamol iŋ sen yabi idu dan, yaŋak tubun ak iŋane wa.

Jesus saen 7 ru lo ibiai dudu ya

Mak 12:40; Luk 11:39-42,44,47-51; 20:47

¹³“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ tamolpein naod na Anut san kagin panek aben an san dalawan afutani da. Aŋsem ta aladu na da, ago dugo tamolpein a diladu wo dan, nek amaiak aŋ sad dal afou da.^p ¹⁴Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ pein suos sad ab agam da, agod gudanek milaen kasik, tamolpein diliaŋ o agane da. Amaiak niŋen o naon a aŋane wan nen tubun mi ilasa wa.

¹⁵“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ wein abi dak, agod tan na dam ator dak, tamol ta kisaek o lian abaŋ an ale dop, an lo aganep, Juda sad dal iri san tamol ago ilasa wa. Gug saen aŋ tamol naok ago yak ale dop, nek ibol aŋsem Ades lo aup amado wak igo, iŋ dam Ades lo yaup imado wan niŋen o tubun geig iriŋanaŋ a.

¹⁶“Aŋ malam itapul amami a, muruan tubun geig ak aŋane wa. Aŋ tamol malad itapul an ak dal akubiai pidinai dak gug aŋsem mi malam itapul an a. Aŋ igo abol da, ‘Tamol ta iŋsinan ru dabai ipani wo, tempel san yaŋan lo lak na geig ibol tap, iŋsan promis Anut ipani an man kawan a. Ak gug iŋ tempel san gol ilon lo yen dan san yaŋan lo lak na geig ibol tap, gidad promis a ibol ak ago mi iri wa.’ ¹⁷Aŋ mala tapul buraurau! Ata mel malan te yak i? Ak dugo, gol malan te yak i? Tia, tempel an san gol gun igane damaiak malan te yak i? ¹⁸Taida mi aŋ igo abol da, ‘Tamol ta iŋsinan ru dabai ipani wo, alta san yaŋan lo lak na geig ibol tap, iŋsan promis Anut ipani an man kawan a. Ak gug iŋ lou panek a alta fufo yen dan san yaŋan lo lak na geig ibol tap, gidad promis a ibol ak ago mi iri wa.’ ¹⁹Aŋ malam itapul amami a! Ata mel malan te yak i? Ak dugo, lou panek an malan te yak i? Tia, alta a lou panek an gun igane damaiak malan te yak i? ²⁰An niŋen o tamol iŋsinan ru dabai ipani wo alta san yaŋan lo lak na geig ibol tap, melmel a alta fufo na dien dan lo dam sinan ru dabai ipani da. ²¹Nek ago mi, tamol iŋ tempel san yaŋan lo lak na geig ibol tap, iŋ tempel agod Iŋ a ate imado dan sisem sad yaŋad lo dam lak na geig ibol da. ²²Agod tamol a sinan ru dabai ipani wo kumaen panu san yaŋan lo lak na geig ibol dan, Anut san badim lo, agod Iŋ a badim an fufo imasi dan lo dam, lak na geig ibol da.

²³“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Abi san

^p Boi 14 Grik lo tia ya.

pinapan kititik wei mi abitig malan 10 dilasa ya, agog malan kisaek Anut apani a. Ak man aŋ kubiaen san ru malan te yak, nek ibol kot lo atarpasai uyanan dak, aenta ilom imujanai dak, agod ansganem ru aganuri dan, kagin naok naok ago yak ari san niŋen o kagin ta apani na da. Kagin malan te yak agane wa, agod kubiaen san ru kagin kititik dam ta abisei na wa. ²⁴Aŋ gurman adi, aŋ malam itapul ami a! Aŋ tuor fufo na gubudai akudai da, gug ta alon dugo kamel atunjali da!

²⁵“Aŋ kubiaen san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ gab iŋ daeg da, tinid patud fo yak mi afulani da, ak man ilodi nun tinan a. Aŋ ilo sek san kagin, agod ilo masa san kagin abituani san ta idaisuda na ya, kagin sisaik an aŋ ida isuda geig a. ²⁶Oŋ Farisi, oŋ mala itapul an a! Oŋ imug gab ilon fulani uyan a, ago gup tinin patun fufo na yak dam ikok aman ilasa wa.

²⁷“Aŋ kubiaen san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ bem milkouk ak nam mutou san ab diabi ak igo woŋ a. Kuai te man mutou an san leil siŋaokan mok a, ago gug ilon lo man tamol dumat ak sad tatumadi, iŋ melmel nun amad da yak wei mi dam dida awa nag dien da. ²⁸Aŋ dam nek ago mi amado da. Tamolpein malad lo ananem nao lalek man uyanan manonŋ a, ak gug ilomi man, balek rararu san kagin iŋ kubiaen pilalek kagin da awa nag yen da.

²⁹“Aŋ kubiaen san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ profet sad mutou san ab abi da, nek ago mi tamol uyadi ak sad mutou dam bala apani da. ³⁰Agod aŋ igo abol, ‘Maŋ tubum bagem sad saen lo mumado yak man, maŋ iŋ luad masap mibinawaip sisem profet ta mafu dumat na wa.’ ³¹Ru amaiak lo aŋ sem ibiaŋ adu da, man dugo, aŋ kuai tem tamolpein akubiai pidinai dak ansem man, tamol ensauta a profet adi dufu dumat na yan, amaiak sad nanud muroud mi a. ³²Amaiak niŋen aup, kagin naok a tubum bagem digane se yan, ago mi aganep idaisuda wa. An lo dop kob a iŋ ante dilasa yan aŋ dam ante alasa wa!

³³“O aŋ mot adi, mot wagai ak sad nanud muroudi! En dugo woŋ Anut aŋ Ades lo au o irupaiŋ an abiseip asol au ak i? ³⁴Fun amaiak niŋen o ŋai profet adi ŋidinai dugo, maŋau tamol adi, agod girek maŋau adi, dupalu dugo anŋsam na dilasa da. Ago bo man aŋ aenta afu dumat a, aenkadi aigim fo abalai a, aenkadi sinam ubou ab ilod lo asukutai a. Aenkadi akudaip taun an dibiseip taun sen ak lo diau a, kagin nek agom digane yau a. ³⁵Fun an niŋen o, tamol uyadi fidian a tan en lo ager adi banid lo materŋ dile yan, kagin amaiak san ai wadan Anut ansem mi ipanaŋ a. An man anŋsinam muruan mi a. An lo Abel imat ak san saen log ipalug kiŋ Joas san saen lo, Sakarias iŋ Berekaia nanun tempel san galuŋ

gun ak, alta da titiŋae mi tubum bagemi dufunig imat a, kagin an san ai wadan man aŋsiganem muruan mi a. ³⁶Ŋai ru rumok ak ŋurupaiaŋ da, kagin sisaiaik fidian en sad naon saian ak tamolpein gamu dumado den sad na ilasa wa.

Jesus Jerusalem tamolpein niŋedi wo ilon muruan a
Luk 13:34-35

³⁷“O Jerusalem, Jerusalem, oŋ profet ufu dumat na ya, oŋ tamol a Anut idinaig oŋsa na dupalu na yan ufu wo pat ubal na ya! Saen sapta, nek ibol kurek tinan subarin roun paen na nanun ituanai o dak ago mi, ŋai oŋsa nanu murou ŋutumanaiŋ kagin ŋupidinaŋ o, ilog tubun mi yen da. Ak gug aŋ amoi a. ³⁸Ale, Anut aŋanem tempel ibisei la ya, an lo aŋanem ubou ab man kawan yen da. ³⁹Man dugo, ŋai igo ŋurupaiaŋ da, aŋ fon ŋai ta aliag na wa. Tia, saen aŋ abol, ‘Tamol e Tubun ak yaŋan lo ipalu den bar mupani da,’ an san saen lo mi afon ŋai aliag da wa.”

Saen e lo tumado den itout san kob
Mak 13:1-31; Luk 21:5-33

24 ¹Jesus tempel ibiseig yau dugo, iŋanen megeloum tempel san ab funfun naodi dugo yak dukubiai ile wo san na dupalu ya. ²Ak man iŋ ru naon ago irupidai, “Aŋ mel en fidian mi ale yak i? Ŋai ru rumok ak ŋurupaiaŋ da, ente man pat ta kisaek o lian pat sen ak tinin fufo na ta yen na wa. Tia, murnap tamol adi dupalup tempel en fidian daoŋ dupani wa, ago dop tempel san pat fidian dugufututep diabibol tan na dudu wa.”

³Jesus Did Oliv fo imasi dugo iŋanen megeloum mianuk lo san na dupalug dubol, “Oŋ rupaiaŋa wa, saen dugomaiak lo melmel en dilasa wak i? Mel dugomaiak imug ilasa dop, ate maŋ malon ak, oŋ umul palu o di? Agod saen gamu e tumado den itout o di?” ⁴Jesus ru naon igo irupidai a, “Aŋ kagin agane, kabelan tamol ta aŋ irawaŋ banau. ⁵Tamol wei mi dupalup ŋai yaŋag dupatep dubol a, ‘Ŋaiseg Kristus.’ Ago dop tamolpein wei kasik dirawai a. ⁶Aŋ yu ager alon ak, agod ru tim yu ager sensen yau oŋ an dam alon a. Aŋ kagin agane wa, kabelan amasa saian banau, man dugo, mel an ilasa wak, ak gug nal wadan san saen man gamugo da. ⁷Tamol malan ta yu diabisa dop, tamol malan ta yu naon iŋsad na digane imul a. Ago dop kiŋ ta iŋsan tamolpein dida yu diabisap, kiŋ sen ak ta iŋanen tamolpein dida nug dufuni wa. Agod aben sensen lo man kadag tubun mi idu dop kanaurig tubun ak gidigheid dilasa wa. ⁸Nek ibol pein nanuk igansi wo dop madai ile dak igo woŋ, melmel en fidian man, madai a nal wadan ilasa san amaiak ilasa wo fun igane da.

⁹“Saen an lo gup aŋ diŋiliaŋ pe aŋanem ager sad tuod lo didiraŋ dop madai tubun kasik dupanaŋ a, agod dam dufunaŋ amat a. Tamolpein tan

titin fidian lo dumado dan aŋ lo siai digane wa. En ata wo? Iŋai yaŋag man aŋsam na yen la ya. ¹⁰Nek saen an lo dop, tamolpein ilo rumok dubusei wa, ago dop teidi ager tuod lo didirai a. Nug lo ago digane dop siai dam digane wa. ¹¹Ago dop profet sewak adi dumasap tamolpein wei mi dirawai a. ¹²Ago dop kagin sisaiak tubun mi ilasap ilod iŋanefute wa, an lo dop tamolpein wei kasik sad ilo panek kagin an kute ibol yaup ibubarum geig a. ¹³Ak man, talpein enti iŋsan ilo rumok yabi sakar dop, yaup iŋanen kumaen tan en san itout gup man, Anut talpein an patun ipasi wa. ¹⁴Agod ŋaineg tamolpein bilaluŋ uyanan Anut anen kagin panek niŋen o dubol ilasap, tamolpein tan titin fidian lo yan duloŋ a. Ago dop ŋaineg ru rumok tamolpein fidian malad lo walal te ilasap yen a. Ante gup, nal wadan ilasa wa.

¹⁵“Saen ilasa dop, mel ta tempel san aben gun ak lo duguni dop ale wa. Mel an gubak mi profet Daniel niŋen o ibol a. Mel an Anut malan lo man iganan geig a, nek mel amaiak igane dop daoŋ panek ilasa wa. (Oŋ ru e suti den uloŋ uyan o ta pasauman na yak man, maeg gane tap ka uloŋ ak boi.) ¹⁶Nal an lo dop, tamolpein a Judea na dumado dan, dusol diaup did luluŋad lo sed imianai a. ¹⁷Talpein ab fufo na imado dan, imul idup iŋanen biouŋ isini wo ta iladu na wa, tia, itaot mi isol yau a. ¹⁸Agod talpein abi lo imado dak dam, kulos madid san ak iŋane wo ta imul yau na wa. ¹⁹O kabel, nal en san pein luam anda yak, agod aŋ pein aŋanem nanuk su apidinai dan dam, ŋai ilog tubun mi imuŋanaŋ da! Nal en man saian geig a. ²⁰Aŋ gidad agudani wa, man dugo, kabelan aŋ madid san saen lo, tia, ubou nal lo asol au banau. ²¹Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murna gup afon ta ilasa da na wa. ²²Anut saen en itutep katukan a, iŋ ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan niŋedi wo ilon isou wa. Amaiak niŋen o iŋ saen an itutep katukan a. ²³Saen ante talpein ta irupaiŋ a, ‘Ale, Kristus ebe ya!’ Tia, ta ibol, ‘Iŋ obo imado da!’ Ago dubol tap, aŋ ilom ta rumok na wa. ²⁴Man dugo, kristus sewak, iŋ profet sewak adi dida dilasa wa, ago dop iŋ kulob girager tubun ak, agod mel naon senamo geig ak tamolpein malad lo dukubiaip dile wa. An lo dop iŋ tamolpein a Anut ipilianai la yan dam dirawaip lo diau dudu wo ago maeg digane wa. Ago bo man dirawai san ta idaisuda na wa. ²⁵Ale, mel en gamugo ilasa dugo ŋai imug an niŋen o kuai tem ŋurupaiŋ la ya.

²⁶“Amaiak niŋen o talpein ta aŋ durupaiŋ pe dubol, ‘Ale, iŋ onte aben kawan talpein tia yak ate imado da!’ Iŋ ago dubol tap, aŋ ante ta au na wa. Nag igo dubol, ‘Ale, ab on san galuŋ ilon lo mok imado da!’ Aŋ ilom ta rumok na wa. Tia geig a. ²⁷Man ata wo? Saen keit irafule dan, san lilaman aben o ad ilasa dak atep, aben o ad idiau dak ate yau dop,

tamolpein fidian leil dupani wa. Nek ago mi, saen Tamol Nanun ipalu dan, kulob an san leil man naon kisaek a. ²⁸Tamol sisanun dugon te yen dak ate bog dupalup dutumani wa.

²⁹“Saen muruan tubun en itout dop, ad ta ided uyan na wa. Saen an lo ‘adian tidom oᅇ ilasa wa,
ago dop kalam dam ta ided na wa.
Ante patui keit dibiseip dudu wa,
agod Anut mel dabai a keit lo yan fidian imiriranai a.’

³⁰“Saen an lo dop, Tamol Nanun san kob keit lo kuai isi wa, an lo dop tan en san tamolpein fidian tinaᅇ aru digane wa. Ago dop iᅇ fidian Tamol Nanun keit lo timtaen titiᅇaem kuai te ilasa dop, dabai agod girager tubun geig ak da ipalu dan, dile wa. ³¹Ago dop eᅇel ta tour iwip Tamol Nanun iᅇanen eᅇel adi idiraip dufurak diau a. Ante dop iᅇanen tamolpein a ipilianai an dutumanai a. Iᅇ tim sukurun iwoiwo, agod tan tilianek fidian dam ante diᅇal dupalu wa.

³²“Aᅇ gurab niᅇen o ilo sou agane wa, iᅇ maᅇau ka ipanaᅇ a. Saen iᅇsan raen you aman da dop, roun foun ak ilasa wa. An lo ale aloᅇ ak madid itout agod ad ilasa san saen sumeikan ipanaᅇ da. ³³Amiaiᅇ niᅇen o, aᅇ murnap melmel fidian a dilasa dan ale dop, aᅇ aloᅇ ak Tamol Nanun ipalu wo dak, sumeik dalawan te itur da. ³⁴Iᅇai rumok ᅇurupaiaᅇ da, warou gamu en san tamolpein gamugo itout yau dop melmel en fidian dilasa wa. ³⁵Rumok geig, keit iᅇ tan da murnap itout a, ak gug ᅇaisag ru man ta itout na wa.

Nal mok ante mel en ilasa wan id fidian tiᅇaᅇ a

Mak 13:32-37; Luk 17:26-30,34-36

³⁶“Ak gug talpein ta auwa dugo, agod nal dugon lo melmel en dilasa wan ta ilonᅇ na wa. Kumaen panu san eᅇel adi agod Nanun dam ta duloᅇ na ya. Bai sen mi ilonᅇ a. ³⁷Kulob a Noa san saen lo digane yan, nek amiaiᅇ mi saen Tamol Nanun imul ipalu dop digane wa. ³⁸Saen lom tubun ak ta ilasa na dugo, iᅇ anaᅇ diani dugo, you dam duluk dugo, nug diᅇane dugo, pein ᅇiedi dupidinai dugo, yaug saen Noa wog tubun ak lo iladu ya. ³⁹Iᅇ ilo girek amad tia dumado dugo, lom tubun ak ilasa saltik oᅇ go tamolpein an fidian irianai diaug dumat pasik a. Nek ago mi, saen Tamol Nanun ipalu dop, tamolpein ta duloᅇ na dop kulob an iᅇ lo ilasa saltik oᅇ a. ⁴⁰Gidad tamol uraru abi lo dumado wa. Ago dop Anut tamol kisaek iᅇane dop, kisaek ibiseip imado wa. ⁴¹Pein uraru bret dukubune wo pat nam wit patun dibaltitale wa. Anut kisaek iᅇane dop, turan ibiseip imado wa. ⁴²Amiaiᅇ niᅇen o malam ipuk pe amado wa. Aᅇ ta aloᅇ na dak, nal dugomaiᅇ lo aᅇanem Tubun ak ipalu wa. ⁴³Aᅇ mel en niᅇen ilo sou agane wa. Ab taman iᅇ saen dugon lo gumagam tamol tidom lo ab igilep ilon lo iladu wan ilonᅇ tap, iᅇ ᅇionᅇ ta yabi na wa. Tia, tawaᅇ igane

uyan an pe gumugam isadu san dal ifou wa. ⁴⁴Ago yak niŋen o aŋ dam malam ipuk pe abaŋ ale wa. Man dugo, saen a Tamol Nanun ipalu san aŋ an ta akubiani na dop, saen nek an lo iŋ imul ipalu wa.

Urat tamol uyan ak iŋ urat tamol saian ak da sad ru faŋan

Luk 12:41-48

⁴⁵“Amaiak niŋen o mel en niŋen o ilom isou wa. Ab taman ta iŋsan urat pinein a maŋau aman da yak, agod awan iri ipani dan, kob ipanig an lo iŋ iŋanen urat pinein aenta itirnai san, agod anaŋ diani san saen ante mi anaŋ ipidinai da. Ak dugo, aŋ luluŋam lo man, enti iŋ urat pinein naok ago yak i? ⁴⁶Saen ab muroun ipalup urat pinein an iŋsan urat igane uyanan dan ile tap, iŋ lo uyan a. ⁴⁷Ŋai rumok ŋurupaiaŋ da. Tamol tubun en iŋanen urat pinein emaiak kob ipanip, an lo iŋanen biouŋ fidian kagin ad igane wa. ⁴⁸Ak man urat pinein an tamol saian tap, ilon lo igo ibol, ‘Ŋaisag tamol tubun en ta ipalu kisaek oŋ na da.’ ⁴⁹An niŋen o fun iganep urat pinein aenta ifu isudap, lukluk tamol dida anaŋ diani dop, you sakar ak duluk o kagin naok ago igane wa. ⁵⁰Urat pinein an san gurman, nal dugon lo, agod auwa dam ta iloŋ na dop ipalu wa. ⁵¹An lo dop tamol tubun en ipalu saltik oŋ pe urat pinein an ibaltiti idu wa. Ago dop balek rararu san tamol luad te iganep dida dumado wa. Aben ante man tamolpein tinaŋ digane dop madai lo luod dugurmi wa.

Pein baras nuŋod 10 ak sad ru mitilaen

25 ¹“Saen an lo, Anut san kagin panek man igo ya. Nug ŋanek san saen lo, pein baras 10 iŋsad lam dusulanaig duburoug diaug, ab a ate tamolpein dutumani dan te dilasa ya. Ante man kuai te dumasig tamol a iŋsan iwon iŋane wo ipalu dan dititianig dumado se ya. ²Pein baras nuŋod 5 man kankan ad tia ya, ago dugo 5 aenta man kankan ad da ya. ³Man dugo, pein baras kankan ad tia yak iŋsiganed lam disinig dupalu yak gug, iŋ gureŋ ided san subuŋan taidam ta diŋaneg dupalu na ya. ⁴Ago man pein a kankan ad da yan gureŋ ided san iŋsiganed butol lo dililig lam da disinig dupalu ya. ⁵Tamol a iwon iŋane dan, iŋ ta ipalu kisaek oŋ na ya, amaiak niŋen o pein fidian mi malad muruan dugo ŋioŋ diabi se ya.

⁶“Ak man tidom luak talpein ta igo iwagiŋ dugo duloŋ a, ‘Ale, tamol, pein iŋane wo damaiak ipalu wo da! Amaiak niŋen o apalup tau, dal te tile dop tiŋanep ida tamul tupalu wa.’ ⁷Ago man pein baras an fidian dumasag iŋaned lam dukubine idu ya. ⁸Agog pein kankan amad tia yan dumasag, pein kankan amad da yan igo durupidai, ‘Gidad aŋsam gureŋ kitek apanama. Maŋsama lam dumat o da.’

⁹“Ak gug pein kankan amad da yan ru naon durupidaig dubol, ‘Tia ya, gureŋ e mabi den, id sisem niŋed o ta idaisuda na ya. Gidad amul aup aŋsiganem gureŋ foun ak didaen aben lo adad a.’

10“An niĵen o pein kankan ad tia yan gureĵ didad o dumul go diau a. Iĵ diau dugo tamol a iwon pein iĵane wan ipalu ya. Ante man pein a dititianig dumado se yan, dida nug ųilanjəl san ab an lo diladu dugo, tamol ante yan dalawan dufutani a.

11“Murnag pein baras aenta dupalug igo dubol, ‘O tamol tubun ak, palup maĵ dalawan pasi panama!’

12“Ak man iĵ ru naon igo irupidai, ‘Iĵai rumok ųurupaianĵ da, ųai aĵ ta ųalorĵ na ya.’

13“Amaiak niĵen o malam ipuk pe amado wa. Man dugo, nal dugo, agod auwa dugon lo Tamol Nanun imul ipalu wan ta alorĵ na da.”

Urut pinein moni diĵane yak sad ru mitilaen

Luk 19:11-27

14“Agod fon, murna dop Anut san kagin panek nek igo wa. Gurman ta tureĵ yabi wo dak niĵen o iĵanen urat tamol igiaig dupalu ya. Agog naon na dilasa man iĵanen melmel an kagin dupani san tuod lo yabitig ipidinai a. 15Iĵanen urat tamol kisaek kisaek iĵsad kagin, agod dabai dam, niĵen o ilon isou dugo moni yabitig ipidinai a. Tamol ta 5,000 kina ipani dugo, ta 2,000 kina, ago dugo ta 1,000 kina ipani a. Iĵ ago igane itout go ibisawaig tureĵ yabig yau a. 16Iĵ yau dugo, tamol 5,000 kina iĵane yan yau kisaek orĵ go, moni subuĵan taida an fufo igane wo didaerĵ urat igane se ya. Agog 5,000 kina subuĵan taidam iĵane ya. 17Tamol a iĵ 2,000 kina iĵane yan, iĵ dam nek ago mi iganeg 2,000 kina taidam iĵane ya. 18Ak gug tamol a 1,000 kina iĵane yan, yaug tan gib yabig ilon lo moni an imianig yen a.

19“Saen milaen kasik yau la gug, gurman an imul ipalu ya. Saen ipalu man urat tamol an igiaig moni ipidinai amaiak niĵen o, dida ru dukubuneg diĵiĵerĵ a. 20Ago dugo tamol 5,000 kina iĵane yan, 5,000 kina subuĵan anda isinig ipalug igo ibol, ‘Iĵaineg gurman, 5,000 kina e panag en ule, ųai didaerĵ urat ųiganeg orĵane 5,000 kina subuĵan taidam ųiĵane ya.’

21“Iĵanen tubun ak igo irupei, ‘Orĵ urat tamol uyanan mok a, awag uri pani siĵaokan, orĵane urat dam kagin pani uyanan a. Orĵ melmel kititik e bani lo ųiganeg emaiak kagin pidinai uyanan a, amaiak niĵen o melmel tubun geig ak wei mi tirnai san ųupano wa. Palup, ųai da uyasusai tigane.’

22“Tamol 2,000 kina iĵane yan dam ipalug ago ibol, ‘Iĵaineg gurman, orĵ 2,000 kina panag a. Ule, ųai didaerĵ urat ųiganeg orĵane 2,000 kina taidam ųiĵane ya.’

23“Iĵanen tubun ak igo irupei, ‘Orĵ urat tamol uyanan mok a, awag uri pani siĵaokan, orĵane urat dam kagin pani uyanan a. Orĵ melmel kititik e bani lo ųiganeg emaiak kagin pidinai uyanan a, amaiak niĵen o melmel

tubun geig ak wei mi tirnai san nupano wa. Palup, n̄ai da uyasusai tigane.’

²⁴“Ak man tamol iñ 1,000 kina iñane yan dam ipalug ago ibol, ‘N̄aine gurma, n̄ai n̄aloñ ak man oñ tamol silei a. Oñ abi san urat tamol sad silali naon n̄ane da. ²⁵Amaiak niñen o n̄ai n̄arer go, oñane 1,000 kina n̄isini n̄aug tan n̄isareg n̄imiani a. Ule, oñane moni ebe ya, ka n̄ane wa.’

²⁶“Ak man iñsan gurman ru naon igo irupe, ‘Oñ urat tamol saia geig a. Oñ yalis tina ya. Oñ uloñ ak, n̄ai abi san urat tamol sad silali naon n̄iñane da. ²⁷Fun an niñen o n̄aine moni an moni ab san urat tamol pani ak man, iñ ka urat ipani wa, an lo moni en san tim anda n̄ane wa.’ ²⁸Agog gurman an iñsan urat gurman irupeig ibol, ‘Aria, tamol an san na 1,000 kina n̄anep, tamol a 10,000 kina aman da yan pani wa. ²⁹Ata wo? Talpein enti iñ da yan, n̄ai suguan taidam n̄upanip an lo iñ idaisuda wa. Ak man, enti iñ tinin lo tia agod, gidad iñ kitek da bo man, iñsan melmel an banin lo dupasi itout a. ³⁰Urat tamol lou aman tia yan wabip ubal patun fo ilasap tidom tubun lo imado wa. Aben ante man tamolpein tinañ digane dop madai lo luod dugurmi wa.’

Tamol Nanun sipsip bilelek da itarpasai a

³¹“Saen Tamol Nanun iñanen girager aman da lo ipalu dop iñanen eñel adi fidian dida dupalu wa. Ante iñanen kiñ san badim fo na imasip imado wa. ³²Ago dop iñ tan titin fidian sad tamolpein itumanai dop naon na dutur a. Ante dop iñ itarpasaip malan uraru lo idirai a, nek ibol titianek tamol sipsip sen idirai dop bilelek sen idirai dak ago mi a. ³³An lo dop iñ sipsip tuon won ak ate idiri dop, bilelek tuon n̄as ak ate idiri wa.

³⁴“Agop Kiñ tamolpein a tuon won ak ate dumado dan, igo irupidai, ‘Añ n̄aine Bai san bar añane ya. Apalup kagin panek aben e Anut fun lo mok tan igane ilasa wo dugo ikubuneg yen den añane wa. ³⁵Enta wo? Gubak mi n̄ai kadag lo n̄umado dugo anañ apanag a. You o n̄amat dugo you dam apanag a. N̄ai tamol gol ak gug añ añiliag go añsam ab lo tau a. ³⁶N̄ai kulos amag tia yak gug, kulos apanag a. N̄ai subam amag da yak gug, kagin apanag se ya. N̄ai subanek lo n̄umado dugo, añ bubeg abisa wo apalug aliag a.’

³⁷“Agod tamolpein itaotan ak ru naon igo durupe, ‘O Tubun, saen dugon lo kadag ifuno dugo miliog, anañ mupano yak i? Tia, saen dugon te you o umat dugo you mupano yak i? ³⁸Saen dugon te tamol gol ak oñ milio dugo miñilio ab lo tau ak i? Ago dugo saen dugon lo kulos ama tia dugo miliog kulos mupano yak i? ³⁹Saen dugon lo subam ifuno dugo milio boi, tia, subanek lo mado dugo maug milio yak i?’

⁴⁰“Agop Kiñ ru naon igo irupidaip ibol, ‘N̄ai rumok n̄urupaiañ da, kulob dugo n̄ai teig e yañan tia yen lo agane man, kulob ago agane yan, an n̄ai lo dam ago agane ya.’

⁴¹“Agop ij aenta tuon ŋas ak ate dumado dan igo irupidai, ‘Aŋ tamolpein Anut san misilane am da ya, abisawag sen alasap, yai o ta imat na dan lo au a. Yai an man Satan iŋanen eŋel adi dida lo idiraip diau o Anut ikubune pidinai lag yen da. ⁴²Man ata wo? Gubak mi kadag ŋai ifunag dugo anar ta apanag na ya. Ŋai you o ŋamat dugo you ta apanag na ya. ⁴³Ŋai tamol gol ak gug, aŋ aŋiliag go aŋsam ab lo ta tau na ya. Ŋai kulos amag tia yak gug, aŋ kulos ta apanag na ya. Ŋai subam amag da subanek lo ŋumado dugo, aug ta aliag na ya.’

⁴⁴“Agop ij dam ru naon igo durupe, ‘O Tubun en, saen dugon lo kadag ifuno boi, tia, you o umat boi, tia, oŋ tamol gol ak oŋ boi, tia, oŋ kulos ama tia, subam ama dag, subanek lo mado dugo milio gug, maŋ kagin ta mupano na yak i?’

⁴⁵Ante dop ij ru naon irupidaip ibol, ‘Ŋai rumok ŋurupaiaŋ da, kulob dugo ŋai teig e yaŋan tia yak lo ta agane na yan, nek kulob an ŋai lo dam ta agane na ya.’

⁴⁶Agop tamolpein an dibiseip diaup ai wadan saian geig saen fidian yen dan lo diladup ante pempem mi dumado wa. Ak man tamolpein itaotan ak kumaen pempem san diŋanep dumado wa.”

Gurman adi Jesus dufuni imat o awad kisaek a

Mak 14:1-2; Luk 22:1-2; Jon 11:45-53

26 ¹Jesus ru mitilaen en fidian ibol itout go iŋanen megeloum irupidaig ibol, ²“Aŋ aloŋ ak, Pasova san ad nanek idu san man nal uraru mi yen da. An lo dop Tamol Nanun ager banid lo diganep aigim fo dubali wa.”

³Saen an lo pris tutubu, agod Isrel san tamol gurman adi, pris gurman yaŋan Kaiafas dubol dak san ab lo dutumani a. ⁴Iŋ Jesus pasak nam dirawi nap diabip dufuni imat o dukubiai se ya. ⁵Ak man ij dubol, “Id tumanek gun ak san nal lo kulob en ta tigane na wa, kabelan tamolpein luluŋad lo ager diabisa banau.”

Pein ta Jesus kabuŋan fo gureŋ iwali a

Mak 14:3-9; Jon 12:1-8

⁶Jesus ij Betani panu na imado dugo, tamol ta yaŋan Saimon tinin gubak mi lepra aman da yak iŋsan ab lo ida dumado ya. ⁷Ago dugo pein ta gureŋ, butol ta pat siŋaokan ak nam digane yak, isinig san na ipalu ya. Butol an ilon lo gureŋ naon lak na geig ak awana ya. Jesus tebol siŋiren na imasi dugo pein an ipalug gureŋ an kabuŋan fufo na iwali a.

⁸Saen iŋanen megeloum ago dile man, tiŋaed saian go igo dubol pein an dusumiani, “Enta wo gureŋ kawan bidani dak i? ⁹Gidad tubuseip, didaŋ lo tiganep moni naon tubun ak lo didad dop moni an tiŋanep tamol filiad tia yak ka tupidinai a.”

¹⁰Jesus iñsad ñiñeñ an ilon go igo ibol irupidai, “Enta wo pein en muruan apani dak i? Inj man ñai niñeg o kulob siñaokan geig ak igane ya. ¹¹Saen fidian tamolpein filiad tia yak añ luluñam lo dida amado wa, ak gug ñai man saen milaen añ da ta tumado na wa. ¹²Pein inj ñai tinig fugo gureñ iwali an, nek kagin an lo man inj ñaisag sisanun mutou lo diginiag amaiak san dal ikubune da. ¹³Ñai ru rumok ñurupaiañ da. Tan dugon te bilaluñ uyanan en dubol ilasa wan, ante dam kulob a pein en igane yan niñen o dubol ilasap, lo pein en niñen o ilo sou digane wa.”

Judas Jesus gurman adi tuod lo igane wo awad kisaek a
Mak 14:10-11; Luk 22:3-6

¹⁴Saen an lo, nuñod 12 amaiak luluñad lo, tamol kisaek yañan Judas Iskeriot amaiak pris tutubu yak sad na yau a. ¹⁵Ante inj igo ibol, “Añ ata mel ta ñai apanag dop, ñai Jesus tuom lo ñigane wak i?” Ago man moni silva 30 an dupani a. ¹⁶Agog Judas imasag, Jesus tamol tutubu yak tuod lo igane wo, dal an abañ yabi se ya.

Jesus megeloum dida soubul wadan diani a
Mak 14:12-26; Luk 22:7-23; Jon 13:21-30; 1Kor 11:23-25

¹⁷Tumanek a yañan bret yis an tia yak san nal malan te yan lo, megeloum adi Jesus san na dupalug ago dubol, “Oñsa ilo lo, mañ dugon te melmel mukubinep oñ ate tumanek an san anañ wani wo rupaiama dak i?”

¹⁸Ago dugo inj ibol, “Aup Jerusalem na aladup tamol ta ñai ñalon ak naon na alasap, igo arupeï, ‘Girek mañau igo ibol a. Ñaisag saen ipalug sumeik la ya. Oñsa ab lo ñaineg megeloum dida tumanek anañ mani wo da.’” ¹⁹Ago tag megeloum ru kagin Jesus irupidai an dirig, anañ dukubune ya.

²⁰Gurai idu dugo Jesus tebol siñiren na imasig, nuñod 12 an dida dumado ya. ²¹Inj anañ diani dugo igo ibol, “Ñai rumok ñurupaiañ da. Añ lulañam lo tamol kisaek, ñai ager adi tuod lo iginiag ñau a.”

²²An lo na ilod muruan geig dugo, anen anen dusumianig dubol, “O Tubun ak, ñai i?”

²³Ago dugo inj ru naon irupidaig ibol, “Tamol nek a daeg lo ñai da sisem banima musomini dan, nek amaiak ñai ibilag pe ager banid lo ñilasa wa. ²⁴Tamol Nanun ru a inj niñen o buk lo digire yan nek ago mi inj lo ilasa wa. Ak gug tamol enti a Tamol Nanun iganep iñanen ager adi sad tuod lo ilasa wan, rumok inj muruan tubun kasik ak ile wa! Gidad tinan ta igansi na yak man, an uyan a.”

²⁵Agog Judas, tamol iñsen Jesus ager tuod lo igane yan, igo ibol isumiani, “Girek mañau, ak ñai i?” Jesus irupeig ibol, “Awo, nek oñse ubol la ya.”

²⁶Aria, iŋ ananŋ diani dugo Jesus bret iŋaneg, Anut ilo uyan ru ipanig yafuteŋ, iŋanen megeloum adi ipidinai dugo ibol, “Anŋ aŋanep ani, en man ŋaineg tinig.” ²⁷Agog iŋ gab wain anda yak iŋaneg, Anut ilo uyan ipanig, ipidinai dugo ibol, “Anŋ fidian gab en lo aluk a. ²⁸En man ŋaisag dar kontrak san, tamolpein wei mi iŋaned aupasek isasi san tinig lo yak ilasa wa. ²⁹Ŋai ŋurupaianŋ da, ŋai afon ai wain san nuŋon lo ta ŋaluk na wa, ago yaup nal ilasa dan te gup, afon Tamag san kagin panek aben lo fon aŋ da sisem taluk a.”

³⁰Iŋ bar diabi itout gug kuai te dilasag Did Oliv ate diau a.

Jesus ibol, murnap Pita iŋ niŋen o itot a
Mak 14:27-31; Luk 22:31-34; Jon 13:36-38

³¹Agog ante Jesus iŋ irupidaig ibol, “Gamu tidom nek en lo, aŋ fidian mi ŋai niŋeg o ilom idup yaup abisawag a. Man dugo, Anut san girek lo ru igo ibol,

‘Ŋai titianek tamol ŋufuni wa,
ago dop iŋsan sipsip dusol pe gidigidad diau a.’

³²Ak man Anut ŋai ifufunag pe fon ŋumasa gup, ŋai ŋiriŋananŋ pe imug mi Galili na ŋau a.”

³³Pita ru naon igo irupeŋ, “Gidad tamol fidian oŋ niŋe wo ilod idup dibisawo bo man, ŋai man tia ya.”

³⁴Jesus ru naon igo ibol irupeŋ, “Ŋai rumok ŋurupaio da, gamu tidom nek en lo kurek ta ibob na dop, saen utol oŋ ŋai niŋeg o utot a.”

³⁵Agog Pita irupeŋ, “Gidad, ŋai oŋ da tamat bo man, ŋai oŋ niŋe wo ta ŋatot na wa, tia geig a!” Ago dugo megeloum fidian dam nek ago mi dubol se ya.

Jesus abi Getsemani lo yaug igudani a
Mak 14:32-42; Luk 22:39-46

³⁶Ago man Jesus iŋ dida, aben ta yaŋan Getsemani dubol dan ate diau a. Ante Jesus megeloum irupidai, “Anŋ ente amasip amado dop, ŋai onte ŋaup ŋugudani wo da.” ³⁷Agog iŋ Pita agod Sebedi nanun uraru dida iŋal go diau a. Saen an lo iŋ fun iganeg ilon ipapao dugo ilon dam muruan idu ya. ³⁸An lo igo irupidai, “Ŋai ilog tubun mi muruan idu dugo ŋamat o sumeik da. Anŋ gidad igo amado dop ŋai da sisem malad ipuk pe tumado wa.”

³⁹Ago dugo iŋ kitek ipar yaug, turun isoluwig, kabuŋan idug tan itutig, igo ibol imosiai, “O ŋaineg Bai, idaisuda tap, gab en ŋai banig lo ka pasi yau a. Ak gug oŋ ŋai ilog ta uri na wa, tia, oŋsigane ilo mi uri wa.”

⁴⁰Agog iŋ iŋanen megeloum adi sad na ipalug, ŋion diabi dugo yil a. An lo iŋ Pita irupeig isumiani, “En dugo, aŋ auwa kisaek ŋai da malad kumaen tumado san ta idaisuda na yak i? ⁴¹Anŋ malam kumaen amado dop amosiai a, man

dugo, kabelan bitinaek ta ipalup ilom ijanep ari banau. Njutum lo man awag yabi wo ilom ibol da, gug tinimi man dabai an tia ya.”

⁴²Iñ afon imul yaug imosiaig igo ibol, “O ñaineñ Bai, gab en ta iriñanag na dop, gidad ñaluk a. Oñane ilo ñai o an, ago ka ilasa wa.”

⁴³Saen imul ipalu man ñioñ diabi dugo yil a, man dugo, maladi muruan geig a. ⁴⁴An lo afon ibisawaig imosiai o imul yau a. Gudaneñ naok gubak mi igane yan ago mi fon igane da ya.

⁴⁵Imosiai itout go megeloum adi sad na ipalug igo irupidai, “Añ ñioñ abi dugo yaes abal oñ dak i? Ale, ñaisag saen idu wo da, Tamol Nanun aupasek tamol tuod lo digane san saen idu la ya. ⁴⁶Amasap, tau. Ale, tamol a palañ ag imari amaiak ipalu da!”

Ager adi Jesus diabi a

Mak 14:43-50; Luk 22:47-53; Jon 18:3-12

⁴⁷Saen Jesus iñiñeñ se man, Judas ipalu ya. Iñ megeloum 12 ak luluñad lo aben anda ya. Iñ ipalu dugo tumanek malan tubun ak dida, sabiri agod tok dam duburoung naon na dilasa ya. Pris tutubu agod Isrel sad gurman adi didinaig dupalu ya. ⁴⁸Imug palañ niganag tamol a iñ tuod lo igane san man, kob ta niñen o irupidai, “Tamol a ñai musuk ñupani dop ale dan, nek an Jesus, añ tamol amaiak abi wa.” ⁴⁹Aria, iñ Jesus san na ipalu kisaek oñ go ibol, “O girek mañau, tidom uyan.” Ago ibol go musuk ipani a.

⁵⁰Jesus ru naon igo irupeñ, “Turag, ilo yen dan ago gane.” Ago ibol go iñ Jesus sumeik dupanig diabi a. ⁵¹Ago dugo tamol ta Jesus da dumado yan, iñsinan sabiri igursig pris gurman an san urat pinein kududon aen ta ituteg tan na idu ya.

⁵²Ak gug Jesus irupeñ, “Oñane sabiri gane imul a. Man dugo, tamol fidian a sabiri duburoung lo wagai digane dan, sabiri lo nam daoñ diñane wa. ⁵³Añ dugo ilom isou di? Ak dugo, ñai Tamag ñusumiani dop, eñel malan 12 agod suguan taidam wei kasik dida ipanag kisaek oñ o imoi ak i? ⁵⁴Ak man ñai ago ñigane tap, en dugo woñ ru a Anut san buk lo, kulob gamu e ilasa wo ibol en, nuñon ilasa wak i?”

⁵⁵Saen amaiak lo Jesus ager tamol an igo irupidai, “Enta wo añ sabiri iñ ai tok da asinig aliag pe abiag o apalu yak i? Ak dugo, ñai wagai adi dida gabman mabi idu san gurman igo woñ añ ago ilom isou di? Nal fidian ñai tempel aben lo ñumasi dugo tamolpein ñupiteñanai se ya, ak gug ñai ta abiag na ya. ⁵⁶Ak man melmel en fidian ilasa san fun man, ru gubak mi profet adi digire yan gamu en nuñon ilasa ya.” Agog megeloum fidian mi Jesus dubuseig dusol go diau a.

Juda adi Jesus kot lo digane ya

Mak 14:53-65; Luk 22:54-55,63-71; Jon 18:13-14,19-24

⁵⁷Tamol a Jesus diabi an, diñaneg pris gurman Kaiafas san ab lo diau a. Kubiaeñ san girek mañau, agod pris tutubu dida imug mi diaug ab

ante dutumanig Jesus ditiianig dumado se ya. ⁵⁸ Ak man Pita Jesus njen aban irig yau ak gug, inj kitek asau mi imado ya. Inj pris gurman san ar lo iladug ai katuk adi dida dumado ya. Inj ata mel ta Jesus njen o ilasa dop ile wo malan igane se ya.

⁵⁹ Pris tutubu, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak, ate dufunip imat san dal ta dile wo dukubiai se ya. ⁶⁰ Ak man tamol wei mi sewak ru amad da yan naod na dilasa bo man, dal ta dile na ya. Ak gug murnag tamol uraru dupalug naod na dilasa ya, ⁶¹ inj ago dubol, “Tamol en igo ibol a, ‘Injai dabai amag da yak lo Anut san tempel nrubep, nal utol lo mi foun ak rjabisa wa.’ ”

⁶² Ago man pris gurman imasag Jesus igo isumiani, “On ru naon ta ubol na wak i? Ru e on nije wo tamol emaiak dubol den dugo yak i?”

⁶³ Ak man Jesus ru ta, ta ibol na ya, itokibol itur se ya.

Ago dugo pris gurman irupe, “Injai Anut kumaen imado dan san yajan lo, on nrupaio dak an njen o, itaot mi rupaiama wa. On Kristus, Anut Nanun i? Rupaiamap malon.”

⁶⁴ Ago man Jesus igo ibol irupe, “Awo, nek onse ubol la ya. Ak man rjai an nrupaian da, murna gup Tamol Nanun inj Anut a dabai tubun geig anda yan tuon won ak ate imasi dop ale wa. Agod Tamol Nanun keit lo timtaen titinaem kuai tem ipalu wa, mel amaiak dam ale wa.”

⁶⁵ Agog pris gurman, ru an njen o imasa saian go, insan ilo muruan an kuai te ikubiai dile wo inanen kulos irasireg igo ibol, “Inj Anut yajan malan isue ya. Gidad, tamol taidam, tamol en san kagin njen o dubol ilasa san id ta tigi ai na wa. Man dugo, gamu geig inanen ru lo Anut yajan malan isue yan ansemi alon a. ⁶⁶ Ansam ilo sou lo, tamol en dugo tigan wak i?”

Ago tag inj ru naon igo durupe, “Inj mel saian geig ak igane, ak njen o ka imat on a.”

⁶⁷ Ago man inj Jesus naon fo na dulusu dugo banid nam dufuni na ya, agod aenta inj kudanan dugufute dugo igo dubol, ⁶⁸ “Kristus, on gamu profet ru ubol a, tamol e ifuno den enti ak i?”

Pita Jesus njen o itot a

Mak 14:66-72; Luk 22:56-62; Jon 18:15-18,25-27

⁶⁹ Aria, saen an lo Pita kot ab patun fo imasig imado dugo, urat pein ta sinjiren na ipalug igo ibol, “On dam Jesus Galili san tamol amaiak da amado ator se ya.”

⁷⁰ Ak gug Pita tamol an fidian malad lo itot go igo ibol, “Ru on ubol dan rjai ta rjalon na ya.”

⁷¹ Murna gug yang ar san dalawan te imado dugo, urat pein sen ak ta ileg, njen o tamolpein sumeik dumado yan fidian irupidai, “Tamol an inj Jesus Nasaret san amaiak ida dumado dutor se ya.”

⁷²Ago man fon Pita itot go ru sakar nam irupidai, “Rumok geig ηai tamol an ta ηaloη na ya!”

⁷³Kitekan taidag tamolpein a dutur na yan Pita san na diaug durupeig dubol, “Rumok geig, oη iηsad kisaek a. Oηane ηiηeη lo se kuai te ibulo lasa ya.”

⁷⁴Agog fun iganeg sen imisilanig ibol, “ηai sewak ηigane tap Anut ka imisilanag a! ηai tamol an ta ηaloη na ya!”

Saen ago ibol itout man, kurek ibob. ⁷⁵Ago dugo Pita iη Jesus ru ibol an ilon isou a, “Saen kurek gamugo ibob dop, saen utol ηai niηeg o utot a.” Ago man iη kuai te ilasag tinaη tubun mi igane se ya.

Jesus diηaneg ida Pailat san na diau a

Mak 15:1; Luk 23:1-2; Jon 18:28-32

27 ¹Salso idu dugo pris tutubu adi, agod Isrel tamolpein sad gurman adi, dal dugon lo Jesus dufunip imat o nug lo dukubiaig ilod kisaek dilasa ya. ²Agog iη Jesus rasau nam dusebanig dida diaug Rom san gurman Pailat tuon lo digane ya.

Judas sen buron isuseg imat a

Apo 1:18-19

³Tamol Judas, nek emaiak Jesus ager adi tuod lo igane ya. Iη leil igane dugo Jesus pilapil ru lo diabi idug muruan lo digane ya. An lo man iη ilon tubun mi geig imuηani a, ago yan lo iηanen aupasek niηen sen ipasi wo moni patun silva 30 dupani an isinig imul yang ipidinai a. ⁴Iη igo ibol, “ηai au ηapas a. ηai tamol a tuom lo ηigane yan, iη kulob saian ak ta igane man tia ya, ak gug aη afunip imat o da.”

Ak man iη dubol, “En man maηsama mel tia ya, oηane ilo saian mi a.”

⁵An lo man, Judas moni patun silva 30 dupani an, tempel san ar lo yabibol idu dugo, aben an ibiseig yang sen buron isuseg imat a.

⁶Pris tutubu adi moni an diηaneg igo dubol, “Moni en man tamol dufuni imat ak san naon, an dar idad a. An lo id moni en tempel san moni da tutumani san niηen o idsad kubiaeη ipadau a.” ⁷Amaiak niηen o iη awad dutumanig moni an urat dupani wo ilo sou digane ya. Ago man tamol bod niganag, iηsan tan titin ta didad a, an lo dop ante iη ka tamolpein gol ak sad sisanud disiriaia a. ⁸Ago yak niηen o, tan titin nek an yaηan man igo ya, “Dar san tan” ago dubol a. Gamu en dam tamolpein iη yaηak nek an mi dubol da. ⁹Saen pris tutubu adi iη tan titin an yaηak amaiak dupate man, ru ta profet Jeremaia ibol ilasa yan nuηon ilasa ya. Iη igo ibol, “Iη moni patun 30 silva ak diηane ya. An man iηsan dadeη san naon. Isrel san tamol aenkadi, tamol an iη didad san naon amaiak digansi a. ¹⁰Moni an diηaneg, lo tamol bod niganag san tan titin didad a, nek ibol Tubun en ru kagin ηai ipanag ak nek ago mi digane ya.”

Jesus Pailat san sumiaek lo dugunig itur a
Mak 15:2; Luk 23:3-5,13-25; Jon 18:33–19:16

¹¹ Jesus gabman gurman naon na dugunig itur dugo, ago isumiani, “Oŋ Juda sad kiŋ ak i?”

Ago dugo Jesus ibol, “Awo, nek oŋse ubol la ya.”

¹² Ak gug saen pris tutubu adi agod Juda sad gurman adi iŋ Jesus ru dupani man, iŋ ru naon ta ibol man tia ya. ¹³ Ago yak niŋen o Pailat irupeig isumiani, “Oŋ ru fidian dupano den kududo lo ta uloŋ na yak i?” ¹⁴ Ak man Jesus ru naon ta Pailat irupeï man tia ya, gidad ru wei mi dupani bo man ru naon ta irupidai na ya. An niŋen o Pailat irut go ilo sou wei mi igane se ya.

¹⁵ Aria, anaŋar fidian, Pasova san saen lo, gabman gurman subanek tamol kisaek o lian yaŋan dupate dop, ipasip kawan imado wa. Kagin nek an san nal idu ya. ¹⁶ Saen an lo man tamol ta yaŋan Barabas iŋ subanek lo imado ya. Tamol emaiak iŋ man saian geig an tamolpein fidian mi duloŋ fufei a. ¹⁷ Amaiak niŋen o saen tamolpein dutumani itout man, Pailat igo ibol isumianai, “En dugo woŋ ilom isou di? Enti ŋbuseip aŋsam na imul o? Iŋai Barabas ŋbusei wo, tia, Jesus e Kristus dubol damaiak ŋbuseip imul o?” ¹⁸ Man dugo, iŋ iloŋ uyan ak man, tamol an iŋ mala sek lo Jesus diŋaneg kot lo dupalu ya. ¹⁹ Mel taida mi, saen Pailat iŋ tulek tamol san kalik fo imasig imado dugo, iŋsan pein san na ru igane ipalug igo ibol, “Oŋ mel ta tamol e itaot aman en niŋen o ta gane na wa. Man ata wo? Gamu na ŋai ŋioŋamin ta lo ŋile dugo iŋ niŋen o madai wei mi ifunag na ya.”

²⁰ Ak gug pris tutubu agod Juda sad tamol gurman adi, tamolpein malan an ilod diŋane ya. Iŋ tamolpein an dududuwaig Pailat dusumianig Barabas ipasi pidinai dop, Jesus daoŋ ipani wo ago dubol se ya.

²¹ An niŋen o Pailat fon ibol isumianai, “Aŋ tamol uraru en luluŋad lo enti ŋpasi wo amat di?”

Ago man duwagiŋ dugo igo dubol, “Nek Barabas mi a.”

²² Agog Pailat ibol isumianai, “Aŋsam ilo sou lo, Jesus e Kristus dubol den niŋen o ŋai dugo ŋigane wak i?”

Ago man fidian mi duwagiŋ dugo dubol, “Aigim fo bali wa!”

²³ Gug iŋ ibol, “Ata mel o? Iŋ ata mel saian ak igane yak i?”

Ago bo man iŋ awad tubun mi duwagiŋ go disasai, “Aigim fo bali wa!”

²⁴ Pailat iŋ sen ikubiani man, iŋsan ru ta idaisuda na dugo, ager tubun ak ilasa wo da. Amaiak niŋen o iŋ you iŋaneg, tamolpein malad lo banin ifulani a. Ago dugo iŋ igo ibol, “Tamol en imat dop man ŋaisag muruan tia ya. An man aŋsiganem mel mi a.”

²⁵ Agog tamolpein fidian ru naon durupeig igo dubol, “Ai wadan en man maŋsigama, agod nanum murouma dida lo, ka yen a!”

²⁶Agog saen ante man iŋ Barabas ibiseig sad na yau dugo, Jesus ipidinaig rasau nam dufuni a. Dufuni itout go Jesus aigim fo dibali wo yu tamol tuod lo igane yau a.

Yu tamol adi Jesus kukok an digane ya

Mak 15:16-20; Jon 19:2-3

²⁷Agog gabman gurman san yu tamol adi, Jesus dijaneg gabman san ab lo diau a. Ante man iŋ Pailat san yu tamol fidian mi dupalu wo digiai a. Aria, dupalug naon na dutumani a. ²⁸Jesus tinin fo kulos dupasi dugo, yamel daran ak ta nam kiŋ san kob igo woŋ tinin dubuluwi a. ²⁹Ago dugo iŋ kam dudurun aman da yak, kiŋ san kitikat⁹ igo woŋ ditiladeg, Jesus kabuŋan fo na digane ya. Makud ta dijaneg tuon won ak ate diganeg kiŋ igo woŋ yabi a. Ago dugo naon na turud disoluwig, kukok an digane dugo igo dubol, “Per o, Juda sad Kiŋ!” ³⁰Agog tinin fo dulusu se ya, ago dugo makud a banin lo yabi an dijaneg ate kabuŋan te dufuni se ya. ³¹Saen kukok an digane itout man, yamel daran tinin fo yan dupasi dugo, iŋsiganen kulos digane pani a. Agog aigim fo dubali wo dijaneg diau a.

Jesus aigim fo dubali a

Mak 15:21-32; Luk 23:26-43; Jon 19:17-27

³²Iŋ Jesus dida turenŋ diabig diau dugo, yu tamol adi dal te tan Sairini san tamol ta, yaŋan Saimon dubol dan dile ya. Agog Saimon an disodudunig Jesus san aigim isini a. ³³Iŋ diaug aben ta, yaŋan Golgota dubol dak, ate dilasa ya. Yaŋak an san fun igo ya, “Kabuŋa tatu san aben.” ³⁴Aben ante dilasag, marasin gigen ta wain da dukubulig, Jesus iluk dop lo madai yabi idu wo dupani a, agog kitek iluk ak man ikubiani ile tag, ta iluk na ya. ³⁵Agog yu tamol adi Jesus aigim fo dubali la gug, iŋsed nug ilon lo iŋsan biouŋ diabititi san niŋen o satu lo dukok se ya. ³⁶Dukok itout man, dumasig ditiŋanig dumado se ya. ³⁷Ru ate kot dupani amaiak ai lapan fo digireg, aigim kabuŋan fufo na dubali a. Ru en san sutek lo man igo ya, “En Jesus, Juda sad Kiŋ.” ³⁸Jesus giranen na man ager tamol gumagam digane na yak urarum aigim fo dubalai a. Ta tuon won ak ate dusuŋani dugo, ta tuon ŋas ak ate dusuŋani a. ³⁹Tamolpein diau dumul dop niŋen o ru kukok dubol dugo, kabuŋad dukupari pani se ya. ⁴⁰Ago dugo igo dubol se ya, “Oŋ tamol amaiak tempel subarip, nal utol lo mi foun wabisap guni wak ubol a, an niŋen o oŋ se ka patu pasi wa! Oŋ Anut Nanun mok tap, aigim biseip udu.”

⁴¹Nek ago mi pris tutubun adi, kubiaenŋ san girek maŋau adi, agod Juda sad gurman adi dam, iŋ kukok an digane dugo igo dubol se ya,

⁹ Katkat

42 “Iñ tamol aenta patud ipasi na yak gug, iñsen patun ipasi san man tia ya. Iñ Isrel sad Kiñ, an niñen o iñ aigim ibiseip idu dop, an lo na id ilod rumok a. 43 Iñ Anut niñen o ilon rumok da, aria, Anut tamol en niñen o imat mok tap, gamu geig en Anut mi ka ibinawi wa. Ak gug Anut iñ o imat mok di? Man dugo, iñ ibol ak, ‘Iñai man Anut Nanun a.’ ” 44 Dal kisaek mi lo gumagam tamol uraru Jesus giranjen na aigim fo dusujanai an dam ru kukok wei mi tinin fo digane se ya.

Jesus imat a

Mak 15:33-41; Luk 23:44-49; Jon 19:28-30

45 Ad mitilaen 12 kilok an lo, tidom tubun tan an fidian yafutani geig go yang 3 kilok gurai isi a. 46 Saen kitek 3 kilok sumeik ipani dugo, Jesus awan tubun mi iwagiñ dugo ibol, “Eli, Eli, lama sabaktani?” Ru en fun igo ya, “Iñaisag Anut, ñaisag Anut, ata wo ñai bisawag ak i?”

47 Tamol aenta sumeikan dutur man duloñ go dubol, “Tamol en man Elaija iwagi da.”

48 Ago dugo yu tamol ta ririan mi imaspalug yang, mel ta beig san titaliñ igo woñ ak iñaneg, wain gigen an lo isominig, den luon ate isueg, Jesus iluk o awan te igane ya. 49 Ak man aenta dubol, “Ale funi woñ dop, Elaija ipalup ibinawi dop tile wa.”

50 Jesus afon awan tubun mi iwagiñ dugo, iñanen ur tinin lo yak ibiseig yau dugo imat a.

51 Saen nek amaiak lo mi, yamel tubun tempel lo iyuk yen an, o lak na fun iñaneg imasireig yang tan na idug uraru dilasa ya. Saen an tan isuruwor dugo pat tutubu yak sed igile yau se ya. 52 Ago dugo mutou san aben dam awad ikasap dugo, tamolpein gun ak wei mi gubak mi dumat la yan sad sisanudi fon kumaen dumasa ya. 53 Iñ mutou dubusei a. Murnag saen Jesus imasa yan lo Jerusalem na diaug diladu dugo tamolpein wei mi dil a.

54 Yu gurman iñanen yu tamol dida Jesus ditiñanig dumado na yan, tan isuruwor dugo melmel dilasa yan ago dil man, tubun mi direr se ya. An niñen o yu gurman an ibol, “Rumok geig, en man Anut Nanun.”

55 Pein wei mi dumado na yan dam, asau mi dutur dugo leil digane se ya. Pein amaiak saen Jesus Galili ibiseig tureñ yabi dugo dubunawi wo ñien aban diri se ya. 56 Lulanad lo pein kisaek ta man taun Magdala san Maria, agod turan man Maria sen ta, Jems iñ Joses da tinadi, agod ta man Sebedi nanun uraru amaiak tinadi.

Jesus san sisanun pat san gib lo digane ya

Mak 15:42-47; Luk 23:50-56; Jon 19:38-42

57 Ad idiau o sumeik dugo, taun Arimatea san moni tamol ta yanjan Josef ipalu ya. Iñ dam Jesus san megeloum mi a. 58 Iñ Pailat san na yang

Jesus san sisanun iņane wo isumiani. Iņanen yu tamol adi ru dabai anda yak ipidinaig diaug Jesus san sisanun diņaneg Josef dupani a. ⁵⁹Josef sisanun an isini yaug, yamel foun ikok aman geig ak nam ifou ya. ⁶⁰Agog iņsinanen mutou foun ak lo igane ya. Mutou an man pat san gib, Josef iņsen gubak mi tamol irupidai dugo diabi a. Agog Josef pat muruan tinan ak ta ibili ipalug mutou awan ate ibalfutani a. Agog aben an ibiseig yau a. ⁶¹Taun Magdala san Maria, iņ Maria ta da mutou an fun na dumasig leil digane se ya.

Yu tamol adi mutou dititiani a

⁶²Nal a Soubul Kubunek San dubol dan itout la gug, nal tinin te yak lo, pris tutubu adi agod Farisi adi diaug Pailat naon na dutumani a. ⁶³Agog igo dubol durupeı, “O tamol tubu, ru ta sewak tamol en kumaen imado dugo ibol an maņ iloma isou da. Iņ ibol, ‘Nal utol itout la gug, fon kumaen ŋumasa wa.’ ⁶⁴Amaiak niņen o, oņ gidad ubol dop yu tamol adi mutou fun na nal utol tawaņ diganep dumado wa. Kabelan iņanen megeloum adi sisanun gumagam aman diņane dop, mutou lo imasa la yak ago dubol tamolpein durupidai banau. Ago dop man iņsad ru sewak foun en, iņsiganen ru sewak gubak mi ibol an iriņani banau.”

⁶⁵An niņen o Pailat irupidai, “Aņ yu tamol aņal dop, arupidaip mutou fun na tawaņ digane wo uyanan a. Mutou kagin apani dop dugo agane wo ilom ibol tap ago ka agane wa.” ⁶⁶Ago man diaug mutou dufutani wo uyanan a. Agog iņ gib awan san pat amaiak fo na kob ta digane ya. An lo tamol ta pat an ibili tap kob an malan isue wa. Ago dugo yu tamol didiraig mutou kagin dupanig dumado se ya.

Jesus fon kumaen imasa ya

Mak 16:1-10; Luk 24:1-12; Jon 20:1-10

28 ¹Aria, ubou san nal Sabat dubol dan^r itout go nal patun fo, ubou turan san nal malmalan,^s tidom lom geig Maria Magdala san pein, iņ Maria turan da mutou dile wo diau a.

²Ago dugo kanaurıg tubun ak ilasa ya. Man dugo, Tubun ak san eņel ta iņ kumaen panu ibiseig idug, pat a mutou awan ifutani an ibilig fufu na imasig imado se ya. ³Eņel an san leil man ibol weil irakilawi dak san leil ago mi a, agod iņsan kulos milkouk kasik man ibol ais igo woņ a. ⁴Ago man yu tamol adi, iņ niņen o durut direr se yan lo dusuruwor go tan fufu na dudug tamol dumat ak igo woņ dien se ya.

⁵Ago dugo eņel pein uraru an igo irupidai, “Aņ ta arer na wa. Iņai ŋaloņ ak aņ uraru mi Jesus ale wo apalu ya, tamol nek a aigim fo dubali ama ya. ⁶Iņ ete ta yen na da, iņ imasa la ya, nek ibol imug irupaiāņ ak

^r Sarere ^s Sande

ago mi a. Apalup yen ak aben ka ale wa. ⁷Ago dop ririan aup inanen megeloum igo arupidai a. 'Inj mutou ibiseig imasa la ya. Ago man inj imug mi Galili na yau dop anj njen aban ari wa, anj aben ante gup inj ale wa.' Aria, bilaluj njupanaŋ o njupalu yan njurupaiaŋ itout a."

⁸Pein uraru an direr geig ak gug, inj uyasusai tubun mi digane ya. Ago man inj ririan mi mutou dubuseig dumaspalu onj inŋsan megeloum durupidai o diau se ya. ⁹Dal dirig diau dugo Jesus naod na ilasag ibol, "Tidom lom mi!" Agog pein an sinjiren na diaug njen diabig ubou an dile ya. ¹⁰Ago dugo Jesus uraru an igo irupidai, "Anj ta arer na wa, anj aup njai teig muroug arupidaip Galili na diau a. Inj aben ante gup njai diliag a."

Yu tamol adi sad ru

¹¹Pein uraru an turenj diabi dugo, yu tamol adi mutou kagin dupani se yan, taun ilon lo diaug diladug melmel ilasa yan, njen o pris tutubu yan durupidai a. ¹²Amaiak njen o pris tutubu yan inj Juda sad gurman adi dida dutumani dugo nug lo dukubiaig an lo ru dufuni a. Agog moni patun silva an idaisuda mi yu tamol an dupidinai a. An lo awad dufutani wo ago digane ya. ¹³Ago dugo inj igo dubol durupidai, "Anj tamolpein igo arupidai a. 'Tidom lo maŋ maen onj dugo, inŋsan megeloum adi pasak nam dupalug sisanun an gumagam an digane ya.' ¹⁴Agod gabman gurman ru en ilonj tap, maŋ ida ru ka mukubune wa, ago dop anj muruan am tia wa." ¹⁵Ak njen o yu tamol adi, moni an diŋane dugo, gurman adi dubol ak ago mi digane ya. An njen o ru amaiak Juda adi lulujad lo ifurak yau a, an lo Juda adi ru nek an mi dubol dugo ipalug gamu da mi a.

Ru kagin tubun geig ak Jesus id irupaiad a

Mak 16:14-18; Luk 24:36-49; Jon 20:19-23; Apo 1:6-8

¹⁶Aria, megeloum nuŋod 11 an, Galili na diau wo turenj diabig dutor nag, did ta gubak mi Jesus njen o ibol an sinjiren na dilasa ya. ¹⁷Ante saen inj dile man, ubou an dile yak gug, aenta Jesus njen o ilod uraru a. ¹⁸Agog Jesus inj sumeik mi ipalug igo irupidai, "Anut dabai fidian mi, kumaen panu san, agod tan en san dam, lo melmel fidian njitirnai o ipanag a. ¹⁹Ago yak njen o, anj gidad aup an lo tamolpein a tan fidian lo dumado dan, njaisag megeloum adirai dilasa wa. Ago dop anj Bai yaŋan lo, Nanun yaŋan lo, Awan Urgun yaŋan lo afulanai a. ²⁰Ru kagin fidian njai anj njurupaiaŋ amaiak inj duri dupani uyanan o apiteŋanai a. Agod en ale, njai pempem mi anj da tumado da, ago mi yaup saen en itout a."

Mak

Suguek san Jon Jesus san dal ikubune ya

Mat 3:1-12; Luk 3:1-18; Jon 1:19-20

1 ¹Dal en bilaluŋ uyanan Jesus Kristus Anut Nanun niŋen o fun igane ya.

²Nek profet Aisaia wagam iŋanen buk lo igo igire,

“Ale. Ŋaisag bilaluŋ tamol ŋidinip, oŋ nao na imug yau a.

Tamol an oŋane dal ikubune pano wa.”

³“Tamol ta san awan, tan kawan tamolpein an tia yak ate tubun mi iwagiŋ dugo igo ibol:

‘Aŋ gidad Tubun en san dal akubune wa,

iŋanen dal tureŋ yabi san akubune dop itaot mok ilasa wa.’”

⁴Agog Jon ipalug, tan kawan tamolpein an tia yak ate tamolpein isuguai dugo ilod dibilisap suguek diŋane dop an lo iŋaned aupasek fidian Anut ipasi wan san ru man ifulale pidinai se ya. ⁵Aria, tamolpein a fidian

Judea provins lo dumado dan, agod Jerusalem tamolpein wei mi dam

Jon san ru duloŋ o diaug iŋsan na dilasa ya. Ante man iŋaned aupasek

fidian mi walal te dubol ilasag, Jon dida you Jordan lo dudug isuguai idu ya. ⁶Aria, Jon iŋsan yamel man kamel fufulun lo duwei ak igane ya. Let

man makau suŋulon nam digane an luan te iyati a. Iŋanen anaŋ man sis, agod garaŋ san niniu mi yani se ya. Iŋ tamol kawan ak ago woŋ itor se

ya. ⁷Iŋanen bilaluŋ ru tamolpein naod na ibol ilasa man igo ya. “Murnap tamol ta ŋai patug fo ipalu wa, tamol an san dabai ŋaisag iriŋani geig

a. Ŋai man iŋanen sendal ŋupasi san turug ŋusoluwip ŋitakoksi dop san

kam ŋusupasi wo ta idaisuda na ya. ⁸Ŋai aŋ you lo mi ŋusuguaŋ a. Ak

gug tamol en man Awan Urgan lo isuguaŋ a.”

Jon Jesus isugui agod Satan ibitinae ya

Mat 3:13-17; Luk 3:21-22

⁹Saen an lo Jesus panu yaŋan Nasaret Galili distrik lo yan ibiseig, you Jordan ate Jon san na yau a. Atna Jon Jesus isugui a. ¹⁰Nek saen a Jesus

you ibiseig kuai te isuda man, kumaen panu san dalawan pasek go yen

dugo, Anut san Ur muluk oŋ idug, iŋ kabuŋan fufo imasi dugo ile ya. ¹¹Agog kumaen panu lo wagin ta idug igo ibol dugo ilon, “Oŋ man ŋaineg Nanug, ŋaineg bubeg mok, oŋ niŋe wo ilog tubun mi uyanan da.”

Satan Jesus naon ikubiani a

Mat 4:1-11; Luk 4:1-13

¹²Agog gamu nam Urgun iduduwig tan kawan ak lo yau a. ¹³Iŋ aben ante nal kitek milaen mi, ad 40 tidom 40 sen imado dugo Satan ipalug, bitinaek lo igane ya. Aben ante mel kasik ak dam dumado na ya. Aria, Satan san bitinaek fidian itout go eŋel adi dupalug Jesus kagin dupani a.

Jesus iŋsan megeloum malmalan ak igiai a

Mat 4:12-22; Luk 4:14-15; 5:1-11; Jon 1:35-42

¹⁴Aria, kin Herod Jon yabig isubani dugug, Jesus yang Galili distrik lo ilasag, ante Anut san bilaluŋ uyan ak walal te ibol ilasag tamolpein duloŋ se ya. ¹⁵Iŋ igo ibol, “Nal ilasa la ya, Anut san kagin panek an san saen sumeik a. Man niŋen o aŋ ilom ibilisa dop bilaluŋ uyan ŋurupaian dan ilom lo rumok a.”

¹⁶Jesus You Galili san aen gigin fo itor dugo tamol ta tein da yil a. Tamol an imug yaŋan Saimon, iŋ tein Andru da. Uraru an iy ŋalaŋal, ago yan lo iŋaned dob you lo dubal idu dugo, Jesus ipalu ya. ¹⁷Agog irupidai, “Iŋai ŋieg abag ari gup tamol aŋal san ŋipiteŋanan a.” ¹⁸Agog dob dubal yen dugo ŋien aban diri kisaek oŋ a.

¹⁹Agog Jesus you aen gigin irig kitek isuda yau man, Jems Sebedi nanun an tein bakan ak Jon da yil a. Tamol uraru an wog fo iy dob duwe se ya. ²⁰Agog Jesus uraru mi igiai kisaek oŋ go tamadi Sebedi wog fo tamol ibiai an dida dumado dugo dibisawaig Jesus ŋien aban dirig diau a.

Jesus tamol tinin lo ur saiak ikudig yau a

Luk 4:31-37

²¹Agog diaug, panu tubun yaŋan Kaperniam atna dilasa ya. Ubou nal, Sabat dubol dan lo, Jesus ubou ab ta lo iladug tamolpein ipiteŋanai o fun igane. ²²Ago dugo ru an duloŋ go durut saian. Man dugo, iŋ nek ibol iŋsiganed kubaien san girek maŋau adi dupiteŋanai na yak oŋ ago ta ipiteŋanai na ya. Tia, iŋ tamol yaŋan tubun anda yak oŋ ago ipiteŋanai se ya. ²³Aria, Jesus ru ibol dugo, ubou ab an lo tamol ta ur saiak ta aman da yak dam ate imado ya. ²⁴Iŋ awan tubun mi iwagin go ibol, “Jesus, oŋ Nasaret tamol, oŋ maŋsama na ata mel gane wo palu yak i? Nag oŋ maŋ daoŋ panama wo palu i? Iŋai oŋ ŋaloŋ uyanan a, oŋ Anut san gun tamol.” ²⁵Ak man Jesus ru dabai nam igo irupe, “Oŋ awa itau. Tamol en biseip lasa wau!” ²⁶Agog an lo ur saiak an tamol an yabig, ikinŋan isuruwor go iŋ itarfuni a. Agog ur saiak an awan tubun mi isasai dugo ibiseig ilasa yau a.

²⁷Man niŋen o tamolpein an fidian durut saian mok a, an lo iŋsed nug lo diŋiŋeŋ se ya, agog igo dubol, “En so mel ta yak i? Nag piteŋanek foun ak boi? Iŋsan ru dabai tubun aman da ya. Iŋ ka ur sisaik ru kagin ipidinai dop iŋ awan duloŋ pe dilasa diau a.” ²⁸An lo ŋiŋeŋ Jesus niŋen o yan ririan ifufurak go panu fidian Galili distrik ilon lo yak ate yau a.

Jesus tamolpein subam amad da yak ikubune idu ya

Mat 8:14-17; Luk 4:38-41

²⁹Iŋ ubou ab an dibiseig Jems Jon da diŋal go dida Saimon iŋ Andru da sad ab lo diau a. ³⁰Pita raon subam ifunig tinin wananan go, gadab fo iŋsiganen ab lo diganeg yen a. Man niŋen o pein an niŋen o Jesus durupeig ilon a. ³¹Agog Jesus yaug, pein an banin yabig itur o ibinawi a. Gamu nam subam an ibiseig pein an imasa kisaek oŋ go anaŋ ikubune pidinai a.

³²Gurai isig ad idiau dugo, tamolpein fidian subam amad da, agod a ur saian saian amad da yan dam, diŋal go dupalu ya. ³³Panu tubun an san tamolpein wei kasik ab san dalawan siŋiren na dutumanig dumado se ya. ³⁴Ago man Jesus tamolpein wei mi subam funfun amad da yan ikubuniai dugo ur saiak wei mi dam tinid lo ikudai diau a. Ak man iŋ ur saiak adi niŋen o diŋiŋeŋ san niŋen o ipadau a, man ata wo, ur adi amaiak Jesus enti mok an duloŋ fufei a.

Jesus aben tamolpein tia yak ate Anut lo igudani a

Luk 4:42-44

³⁵Tidom lom mok, saen ad gamugo ilasa dugo, Jesus imasag ab an ibiseig aben ta yoitout ak lo yau a. Ante man Anut niŋen o igudani se ya. ³⁶Ak gug Saimon iŋ turan dida dumado yan, Jesus abanaŋ dile wo ŋien aban dirig diau a. ³⁷Saen iŋ dile man durupeig dubol, “Fidian mi oŋ dilio wo abanaŋ diabi da.”

³⁸Ak man Jesus awad yabig ibol, “Id panu aenta siŋired na dien dan lo tau a. An lo ate dam ŋai ru ka ŋufulale pidinai a. Man ata wo, urat nek en ŋigane wo ŋilasa ya.” ³⁹An lo man iŋ Galili distrik ilon lo tureŋ yabi se ya, sad ubou ab fidian lo ru ibol ilasa dugo ur sisaik tamolpein tinidi lo yan dam ikudaig dilasa diau a.

Tamol ta tinin lepra yafutani a

Mat 8:1-4; Luk 5:12-16

⁴⁰Nal ta man tamol ta tinin lepra yafutani an ipalug isumiani wo turun isoluwig irupe, “Oŋ ilo ibol tap, ŋai kubuniag pe tinig uyan ilasa da wa.”

⁴¹Agog Jesus ilon tubun mi imuŋani tag banin iwateg yabig ibol, “Ubol agom ŋai ilog ago yen da, uya lasa.” ⁴²Agog lepra ibiseig yau dugo tamol an tinin uyan ilasa kisaek oŋ a.

⁴³Agog Jesus tamol an ru dabai nam ru kagin irupeï. Ij ririan idinig yau o niñen o igo ibol. ⁴⁴“Kagin gane, kulob ilasa yen niñen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaerj lo ibol an ñanep Anut yai gane pani. An lo dop tamolpein duloj ak oñane subam itout a.” ⁴⁵Gug tamol an yaug, mel en Jesus igane an niñen o ibol itilani se ya, an lo ru an panu panu lo yau a. Man niñen o Jesus ij fon panu tutubu yak lo walal te iladu san tia ya. Amaiak niñen o ij aben tamolpein tia yak ante mi imado dugo tamolpein banjen fidian lo yan iñsan na dupalu se ya.

Jesus tamol subam anda yak tinin iganeg uyan a

Mat 9:1-8; Luk 5:17-26

2 ¹Nal wei tiag Jesus fon imul panu Kaperniam na ipalu ya. Agog tamolpein Jesus ante imado dan niñen ru duloj a. ²An lo tamolpein wei mi iñsinan ab lo dupalug dutumani a. Ab an ilon lo nug dusupini dugo patun fo dam ab dalawan siñiren na aben tia ya. Ago dugo Jesus Anut san ru ifulaleg duloj se ya. ³Ago dugo tamol iwoiwo ij tamol ta ñien banin fidian itubabun ak kapal anda Jesus girajen na disinig dupalu wo digane ya. ⁴Ak man tamolpein mi dal dufutani an lo ij diau san dal tia geig a. Ago tag ab patun fo tet fo disidag diaug, ab aten lak na katik^a nam gubak mi digane an fo digansi a. Ago yen dugug mutunuk ta fuñ fufo diganeg diabigigeg gug mutunuk an lo tamol kapal anda yan duyuweg, Jesus imado dugo naon na digane idu ya. ⁵Agog saen Jesus iñaned ilo rumok ile man tamol an irupeig ibol, “Ñaineg nanug, ñai oñane aupasek fidian ñusuas yau la ya.”

⁶Aria, ate man kubiaerj san girek mañau aenta dumado ya. Iñsan ru ibol en duloj go an lo ilod igo weiwei se ya. ⁷“En ata wo ru naon ago ibol ak i? Ij Anut lo ru kukok igane da! Ak dugo, tamol ta ij ka aupasek isasi yau ak i? Tia geig, kulob an Anut san mi a.”

⁸Gamu nam Jesus ilon lo, tamol an kankan dugoma digane se yan ilon uyanan a. Ago tag ij igo irupidai, “Añ ata wo ilo wei igo agane dak i? ⁹Dugomaiak pasauman ak i? Ñai ñabol, ‘Oñane aupasek ñupasi yau o?’ Tia, ñabol, ‘Oñ masap kapal ñanep utor a?’ ¹⁰Ak gug kulob e ñiganep an lo ñai, Tamol Nanun, tan en lo Anut wagen lo aupasek ka ñupasi yau amaiak alon o ...” ago ibol go tamol a ñien banin tubabun aman irupeï, ¹¹“Oñ masa utur pe oñane kapal ñanep siñane ab lo wau.” ¹²Agog tamolpein malad lo man, tamol an imasa kisaek oñ go san kapal yabisag isinig kuai te ilasa ya. An lo man ij fidian durut saian mok dugo Anut yañan diabisa dugo dubol, “Mañ kulob ta naok igo yak gubak mi mileu man tia geig a!”

^a Foi

Jesus in Livai iwagi a
Mat 9:9-13; Luk 5:27-32

¹³Murnag Jesus fon yang you tilianek san loŋ na itor dugo tamolpein malan tubun mok dutumanig Jesus dubuluwig maŋau ipidinai se ya. ¹⁴Jesus you aen gigin irig isuda yang ab ta, ate tamolpein sad na moni takis diŋane dak ate ilasa man, takis ŋilanjəl tamol ta imasig imado dugo ile ya. Tamol an yaŋan Livai, Alfeus nanun. Agog irupe, “Ųjeg aban uri.” Agog Livai imasa go ŋien aban iri a.

¹⁵Murnag saen Jesus Livai san ab lo imasig imado dugo sisem anaŋ diani man, takis ŋilanjəl wei mok agod “aupasek tamol” wei mi dam, dupalug dumasig Jesus iŋanen megeloum dida anaŋ diani a. Man dugo, tamolpein a ŋien aban diri se yan wei mok a. ¹⁶Kubiaeŋ san girek maŋau adi lulujad lo ensauta a iŋ dam Farisi adi amaiak mel en Jesus megeloum dida digane dan dile dugo iŋsan megeloum adi igo dusumianai, “En ata wo tamol en takis ŋilanjəl tamol adi agod aupasek tamolpein dida sisem anaŋ diani dak i?”

¹⁷Ak man Jesus iŋsad sumianek ilonŋ go irupidaig ibol, “Tamolpein a tinidi uyan an dokta san na ta diau na da, tia, tamolpein subam anda yak mi ago digane da. Ųjai tamolpein itaot adi ago dubol dak ŋigiaip dupalu san niŋen o ta ŋupalu na ya, tia, aupasek tamol anami ŋigia i o ŋupalu ya.”

Anaŋ lo geg digane an niŋen o Jesus dusumiani a
Mat 9:14-17; Luk 5:33-39

¹⁸Aria, nal ta lo suguek san Jon iŋsan megeloum adi agod Farisi adi dam iŋ anaŋ lo geg diganeg dumado se ya. Tamolpein ta Jesus san na dupalug dusumiaeŋ, “Jon san megeloum agod Farisi adi dida nal kadi anaŋ lo sed geg ipidinai da, ago gug ata wo onsiŋane megeloum anaŋ lo geg ta digane na dak i?”

¹⁹Agog Jesus awad yabig igo ibol, “Tamol ta iwon da sad nug ŋanek san saen an ilom isou a. Ak dugo, saen tamol an iŋanen turan muroun dida dumado dop, anaŋ lo geg digane wak i? Tia ya. Saen iŋ dida dumado dan waliŋ digane san tia geig a. ²⁰Gug nal ta ipalu dan te gup, Anut iŋ nug ŋanek san tamol an ipasi yau pidinai a, nal an lo man waliŋ digane wa.”

²¹“Tamol ta yamel kilaken ta ikukuik na yan ta irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop fon irasire dop daonŋ ipani wa. ²²Agod tamol dam wain foun ak bilelek suŋulon wagam ak lo ta diwali na da. Man dugo, ago digane tap, wain foun an iganep bilelek suŋulon wagam an ikafut yaup ipuk dop, wain ikulmaek pe tan fo idu dop, bilelek

sunjulon dam daonj ipani wa. Fun an ninjen o inj wain foun ak bilelek sunjulon foun ak lo mi diwali da.”

Ubou nal san Tamol Tubun a

Mat 12:1-8; Luk 6:1-5

²³Ubou nal ta lo Jesus kon san abi ilon lo itor se ya. Ago dugo injsan megeloum inj kon aenta dufunig fun diganeg diani se ya. ²⁴Gug Farisi adi dil tag Jesus durupei, “Ule, en ata wo kagin a Sabat nal lo tigane san ninjen o idsad kubiaenj ipadau amaiak gamu onjane megeloum adi digane dak i?”

²⁵Ago man Jesus injsad awa biek ru naon irupidaig ibol, “Nag mel e Dawid igane yen ta asuti na i? Dawid inj turan muroun dida kadag san saen lo dimatigen dugo ananj o katuk amadi a. ²⁶Mel en wagam mi saen Abiatar inj pris gurman imado dugo ilasa ya. Aria, Dawid Anut san ab lo iladug, bret a Anut naon na didirig dien an injaneg yani a. Ak man bret an inj lo geg a, nek Anut san pris inj mi ka diani wa. Ago bo man inj dam injanen yu tamol adi bret aenta iwae pidinaig diani a.”

²⁷Agog Jesus fon irupidaig igo ibol, “Tamol inj ubou nal san mel, ago Anut ta igane na ya, tia geig. Ubou nal man tamol san mel, nek ago mi igane ya. ²⁸Fun amaiak ninjen o, Tamol Nanun man ubou nal an dam injsan muroun a.”

Sabat nal lo Jesus tamol ta banin saian ak ikubune ya

Mat 12:9-14; Luk 6:6-11

3 ¹Nal sen ta lo Jesus ubou ab lo iladu ya. Tamol ta tuon ikurjak yau ak ante imado ya. ²Tamol aenta ate dumado dan inj Jesus tinin fo ru digane wo dal abanj dile se ya. An ninjen o inj maladi ti ibol dugo Jesus ata mel igane wo dak dile san tawanj an digane se ya. Inj tamol e banin ikurjak yau en Sabat nal lo ikubune tap, an ninjen o boum dupani wa.

³Aria, Jesus tamol e banin saian en irupei, “Onj masap, titinjaem utur.”

⁴Agog Jesus tamol en isumianai, “Kubiaenj dugo ibol ak i? Ubou nal lo, id ka kagin uyan ak tigane wo? Tia, kagin saian ak tigane wak i? Patu pasek tupani wo? Tia, tufuni imat ak i?” Ago man inj fidian tok dubol go dumado ya.

⁵Jesus yil ilubanai dugo niñedi wo tinjaen wananan idu dugo ilon tubun geig ipapao se ya, man dugo, inj bubedi man dabai geig a. Agog Jesus tamol en irupeig ago ibol, “Onjane bani itaot wate.” Agog inj banin iwateg, uyan ilasa kisaek onj a. ⁶Agog Farisi adi kuai te dilasag silei nam inj kinj Herod san warou adi dida sisem fun diganeg palañ an dumari a. Inj dugo wonj Jesus daonj dupani wak o nug lo dukubiai ila iso se ya.

Tamolpein doup tubun Jesus san na diau a

Mat 12:15-16; Luk 6:17-19

⁷⁻⁸Agog Jesus injanen megeloum dida dugursig you saltek san loñ na dudu diau a. Ago dugo Galili tamolpein malan tubun Jesus njien aban

fo diau a. Tamolpein tan titin wei mi kulob naok naok Jesus igane na yan niĵen o duloŋ an lo iŋsiganed panu panu dibiseig iŋsan na dupalu ya. Tan Judea adi wei mi dam dutumanig Jesus dirig diau a. Tamolpein malan tubun, Jerusalem na yak, Idumea provins lo yak, you Jordan aen ate yak, Taia iŋ Saidon da sad loŋ na yan dam dususag dutumani a. ⁹Agog Jesus iŋsan megeloum adi irupidaig, iŋ gidad wog ta diŋanep, sumeikan dususep yen dop fo isuda wo ibol. Man dugo, tumanek tubun mok iŋ dubuluwi se ya, kabelan iŋ tinin dupini saian banau. ¹⁰Man dugo, iŋ imug mi tamolpein wei mi ikubuniaia a. An lo tamolpein a subam ad da yak fidian dususag dubuluwig Jesus tinin kitek diabi dile wo iŋ lo dututou se ya. ¹¹Agod saen ur saiak saiak talpein tinid lo yan Jesus dile man, talpein an Jesus naon na turud dusuluwig awad tubun mi diwagiŋ go dubol, “Oŋ Anut Nanun mok.” ¹²Ak gug Jesus iŋ ru kagin dabai geig ipidinaig ago ibol, “Aŋ ŋai enti mok an niĵen o tamolpein ta arupidai na wa.”

Jesus megeloum 12 ipilianai a

Mat 10:1-4; Luk 6:12-16

¹³Jesus tan bubun ta ate isidag, tamol adi dugomaiak iŋsan dilasa wo ilon yen an igiaig dususag iŋsan na dilasa ya. ¹⁴⁻¹⁵Agog iŋ tamol 12 ipilianaig, iŋ dida megeloum adi igo woŋ dumado dutor na ya. Murnap idiraip diau dop ru dufulale wa, agod iŋ dam ur sisaiak tamolpein tinidi lo yan dukudaip diau san dabai amad da ya. ¹⁶⁻¹⁹Aria, megeloum 12 e itarpasai en yaŋadi igo ya. Ta Saimon, iŋ Jesus yaŋan foun ak Pita ipate. Ta Jems, iŋ tein Jon da, nuŋod urarum Sebedi nanun muroun, uraru en Jesus yaŋadi foun ak Boargenes ipate ya, (yaŋak an fun man weil fufu tamol.) Ta Andru, ta Filip, ta Bartolomiu, ta Matyu, ta Tomas, ta Jems iŋ Alfeus nanun, ta Tadeus, ta Saimon iŋ ru wagai san tamol, agod Judas iŋ man panu Keriot san tamol, emaiak murnag iŋ Jesus niĵen o palaŋ imarig ager tamol banid lo igane ya.

Jesus Beelsebub ida urat digane dak ago dubol a

Mat 12:22-32; Luk 11:14-23; 12:10

²⁰Aria, Jesus turan ta san ab lo iladu dugo tamolpein wei geig dupalug fon dutumani a. Iŋ iŋanen megeloum adi dida dusupinai se yan lo anaŋ diani san tia geig a. ²¹Saen Jesus muroun muroun iŋ mel emaiak niĵen o duloŋ man, dumasa saian go sad panu dibiseig Jesus diabi wo dupalu ya. Man ata wo? Iŋ dubol, “Iŋ burau ifuni da.”

²²Agod kubiaej san girek manjau ensauta a Jerusalem na dupalu yan iŋ dam igo ibol, “Tamol en tinin ilon lo man ur saiak Beelsebub anda ya. Iŋ ur sisaiak sad gurman iŋanen dabai nam ur saiak aenta tamolpein ilod lo yan ikudaig diau da.”

²³Ago tag Jesus igiaig iñsan na dupalug ru mitilaen funfun nam irupidai duloñ se ya. “En dugo woñ pe Satan iñ ka sen ikudip yau ak i? An ago igane san tia geig a! ²⁴Kiñ san kagin panek aben lo, iñsan tamolpein sed itarpalaip malan uraru dilasap nug dufuni tap, kiñ an san kagin panek aben an dabai itur san tia geig a. ²⁵Agod warou kisaek san tamolpein iñ tarpalek uraru dilasap nug dufuni tap man, warou an dam dabai itur san tia wa. ²⁶Agod Satan iñ sen yu iganep an lo iñ muroun muroun sed itarpalai tap, aria, iñ dabai itur san tia dop iñanen dabai itout a. ²⁷Ak man tamol ta iñ tamol dababai geig ak ta san melmel isini wo iñanen ab lo iladu san tia ya. Tia geig a. Iñ gidad imug mi tamol dababai an rasau nam isubani gup, iñ ka tamol an san ab lo iladup melmel isinip yau a.

²⁸Iñai rumok ñurupaian da, aupasek fidian agod nao futek ru fidian dam tamolpein digane dan Anut ka isuas yau a. ²⁹Ak gug talpein ta iñ Awan Urgun naon ifute tap, aupasek an Anut ta isuas yau na wa. Tia, iñanen aupasek emaiak pempem mi yen yau a.” ³⁰Jesus ago irupidai a, man ata wo, tamol amaiak imug mi iñ ninjen o, “Tamol en ur saiak aman da yak,” ago dubol a.

Jesus tinan agod tein muroun

Mat 12:46-50; Luk 8:19-21

³¹Saen nek an lo Jesus sinan tinan iñ tein muroun dida dupalug kuai te dumado ya. Ago dugo tamol ta didinig ab ilon lo yaup Jesus kuai te ilasa wo irupeï a. ³²Ago dugo tamolpein wei kasik Jesus siñiren na dumasig dubuluwig dumado se ya. Ago dugo aenta iñ durupeig dubol, “Uloñ ak, oñane tina tei murou dam kuai te dutur da, oñ iñsad na wau o digio da.”

³³Ak man Jesus awad yabig ibol, “Ensauta mok ñaisag tinag muroug, teig muroug ak i?” ³⁴Ago dugo malan yaug tamolpein giranjen na dumado dan yil go ibol, “Iñaisag tinag di teig muroug nek en mi a! ³⁵Tamolpein ensauta a ñai Tamag kumaen panu lo yan ilon duri dupani dan, nek anami ñaisag teig, lug di tinag muroug a.”

Anañ kubulan bilabal tamol san ru fañan

Mat 13:1-9; Luk 8:4-8

4 ¹Murnag Jesus Galili san you tilianek ate yaug loñ na imado dugo afon fun iganeg tamolpein ipiteñanai se ya. Agog tamolpein wei mi iñsan na dususag dutumani itilani a. Saen an lo doup tubun mok. Ago tag Jesus wog lo isudag imasig imado dugo tamolpein fidian dutumani man loñ na ditur se ya. ²Ante man Jesus ru fañan lo mel wei mi ninjen o irupidai se ya. Ru ta ago irupidaig ibol, ³“Aloñ. Saen ta lo tamol ta ai patun isinig abi lo ipae wo yau. ⁴Yaug siñanen abi lo man ai patun banin igane inawaig tan fufo iratitale se ya. Saen ratitale man, ai patun aenta

dal fufo dudu ya, agog anakanak dupalug diani itout a. ⁵Ai patun aenta tan pat anda yak fufo dudu, tan ate man kuror an tia, agog milaen tiag ai patun an balud isa, man dugo, tan an kuror an tia ya. ⁶Ak man saen ad isuda man ai baludi an dukurŋak diau a. Ai an dam dabidi tan lo ta idiau geig na, an lo dukurŋak diau kisaek oŋ a. ⁷Ai patun aenta ud saian an luluŋad lo dudu, agog sisem disag diau dugo ud saian an ai uyan ak yafutani an lo nuŋon ta igane na ya. ⁸Ak man ai patun aenta tan uyan ak fufo dudu man nuŋod digane, kadi patudi 30 dilasa, aenta 60, aenta 100.” ⁹Agog igo ibol, “Tamol oŋ kududo ama da tap, ru an uloŋ uyanan a.”

Jesus ru faŋan san fun ifulale ya

Mat 13:10-17; Luk 8:9-10

¹⁰Saen Jesus sen kisaek imado dugo, iŋanen megeloum 12 agod tamolpein aenta dida diaug, Jesus ru faŋan ibol ilasa amaiak niŋen o dusumiani a. ¹¹Agog igo ibol irupidai, “Anut san kagin panek an san melmel imianuk an fidian ipanaŋ a. An lo aŋ mel en fidian ilom itarpasi san niŋen o aloŋ uyanan a. Ak man tamolpein patun fo dumado dan, iŋ bo ru faŋan duloŋ ak gug, ru an san fun mok ta duloŋ na ya. ¹²An lo man,

‘Iŋ bo malad pempem yau a, ak man ilod ta itarpasi na wa, agod kududod nam duloŋ bo man, fun mok ta duloŋ na wa. Tia dop, nag iŋ ilod ibilisa dop sed itilianaip Anut iŋsad aupasek isuas yau a.’”

Ru faŋan an san fun

Mat 13:18-23; Luk 8:11-15

¹³Agog Jesus irupidai, “Ak dugo, aŋ ru faŋan en niŋen o ilom ta itarpasi na yak i? Ago tap, en dugo woŋ pe aŋ ru faŋan aenta fidian dam aloŋ fufei wak i? ¹⁴Tamol ai patun iratitale den, iŋ Anut san ru ipae da. ¹⁵Tamolpein aenkadi man ai patun dal te yak ago ya. Ate Anut san ru dipae da. Saen ru an duloŋ ibol ak, Satan ipalup silei nam ru an ilod lo ipasi iŋane yau da. ¹⁶Aenta man ibol ai patun tan sagar ak fo idu igo ya, nek anami ru duloŋ dop yousai amad da ilod lo rumok kisaek oŋ a. ¹⁷Ak gug iŋ dabid tia yak niŋen o saen kitekan ka dutur gup, muruan ilasa boi, tia, dukudai dop madai diŋane boi, an lo dop ririan dibilanip dudu wa. Nek ago mi iŋsad ilo rumok itout yau a. ¹⁸Aenta man ud luluŋad lo idu ya. Enami ru duloŋ pe ilod lo rumok a. ¹⁹Ak gug tan en san ilo weiwei, agod filian san mala bulbal di mel aenta sad ilo masa dam, disaurip itilanip ru an ipapao da. Ago dop ru an nuŋon ta ilasa na wa. ²⁰Aria, ai patun tan uyanan fufo idu man, tamolpein ru rumok an duloŋ pe san fun dam duloŋ siŋaokan a. Talpein an iŋ mok nuŋod ifu wa, aenta nuŋod 30, aenkadi 60, aenta 100, nuŋod ago ifu wa.”

Lam san ru fajan

Luk 8:16-18

²¹Agog Jesus ru fajan taidam igo ibol a. “Ak dugo, an lam asulani dop, ab ilon lo daeg paen na boi, tia, sareg paen na boi, aguni itur dak i? Tia geig a. Aben lak na yak ate asujan wa. ²²Man dugo Anut ilon igo ya, mel fidian gamu mianuk lo yen den, murnap walal te ilasa wa. Agod mel ta dutuani an, nal idu dop ad lo ilasa wa. ²³Tamol on kududo ama da tap, ru an ulon uyanan a.”

²⁴Agog Jesus fon irupidaig igo ibol a. “An gidad ru e alon den njen o kankan anane wo uyanan a. Man ata wo? Tou sapita an tamolpein aenta apidinai dan, tou nek ago yak nam Anut mel ipan an a, agod mel taidam itumani pan an a. ²⁵Talpein ta melmel aenta da yan, Anut taidam ipani wa. Ak gug talpein ta in melmel tia, mel kititik a aman da yan, an dam Anut in banin lo ipasi yau a.”

Ai patun isa dan san ru fajan

²⁶Jesus fon igo ibol, “Anut san kagin panek man igo ya. Tamol ta an an patun tan lo iratitale ya. ²⁷Tidom ad, gidad tamol an yen boi, tia, imasap itor boi, ai patun an balun isap tubun ilasa wa, ak man dal dugo won mel en ka ilasa man in ta ilon na wa. ²⁸Tan sen mi iganep balun isap, roun iganep yau dop boban ilasap, rugun iganep, nunon ifu wa. ²⁹Ak man tamol en saen an an isulot idu yan ile man, bubarek in anep, yaup, an an inane wa. Ata wo, an an panek san nal idu ya.”

Ai patun kititik aman kawan ak san ru fajan

Mat 13:31-32,34; Luk 13:18-19

³⁰Fon igo ibol, “Anut san kagin panek njen o ata ru man ate tou naban alon ak i? Ata lo ntotutanip naban pe ilom itarpasi fufei wak i? ³¹Tamol ta ai yan mastet dubol dan patun in aneg siganen abi lo yang ipae ya. Ai an san patun man kititik aman kawan, tan lo pae wa. ³²Ago bo man, saen paep isa den yaup ai tinan on ilasa dop an lo ai aenta irinanai a, agop raen dam idirip ibalsarer dop kusej ka ate wur dufuni wa.”

³³Jesus in ru fajan nek ago yak wei mi lo Anut san ru irupidaig dulon se ya. Ru sapita dulon go ilod itarpasi wo uyan an mi iri panim, nek ago ibol idu se ya. ³⁴In pempem tamolpein malah lo mi ru fajan funfun nam ibol ilasa na ya. Ak man saen in san megeloum adi dida sed kisaek dumado dugo, ru fajan an fidian sad fun mok in kuai te ifulale idu dugo dulon a.

Jesus tim beig da irupidaig tok dubol a

Mat 8:23-27; Luk 8:22-25

³⁵Nal kisaek an lo gurai isi dugo, Jesus in an megeloum adi irupidai, “Id wog nam you aen ate tau a.” ³⁶Man njen o megeloum adi doup

dibisawaig, wog lo disuda ya. Saen Jesus in wog lo isuda man dijaneg ida diyawaig diau a. Wog aenta dam sisem diau se ya. ³⁷Agog tim tubun ak ifure ya. Ago dugo you tubun geig imasag ibalsinig wog ilon lo iladu se yan lo wog isarir o igane ya. ³⁸Ago gug Jesus man in wog taen te kalik iganeg yen padal a. Ago tag megeloum adi diaug dufufunig durupe, “Girek manau, id tumayau o tator da. On ata wo idsed o ilo ta isou na dak i!”

³⁹Agog Jesus imasag, tim tamun da ipidaig igo ibol, “Itout! Tokabol!” Agog tim ifure na yan itout dugo you malin idu geig a.

⁴⁰Ago gug Jesus inſan megeloum adi irupidaig ibol, “An ata wo tubun mi arer dak i? Ak dugo, an nen gamugo ilo rumok amam da i?”

⁴¹Jesus ago ibol dubo man in dumasa saian dugo tubun kasik direr se ya. Ago dugo inſed nug dusumiani, “Tamol en enti mok i? Gidad tim tamun da dumasa yak dubo man awan duloj a.”

Jesus tamol ta ur sisaiak anda ikubune ya

Mat 8:28-34; Luk 8:26-39

5 ¹Aria, in wog nam you aen ate diaug, Gerasin sad aban lo disasau a. ²Saen Jesus wog an ibisei man, tamol ta mutou ibiseig ipalu ya. Tamol en ur saiak aman da ya. ³In mutou funfun lo imado na ya. Tamol aenta fon dusbani san, sein nam dam ta idaisuda geig na ya. ⁴Saen wei mi banin ain didirig rasau sakar kasik ak nam njen banin dusbani a. Gug saen fidian in rasau lubun an ain dam ituteg isubari idu ya. Tamol an inſan dabai san fun man senamo geig a, tamol diabi anen tia ya. ⁵Nal fidian, tidom ad, mutou ilod lo, tan bubun fo dam isasai iwagin dugo pat luon anda yak nam tinin ititale na ya.

⁶Aria, tamol en asau mi Jesus ile man, imaspalug yang san na ilasag naon na turun isoluwi a. ⁷Agog awan tubun mi isasai dugo igo ibol, “Jesus, Anut lak na geig ak Nanun, on mel ta naj lo i? On ru lak na geig ak nam Anut malan lo rupeip ubol, madai tubun geig ta panag na wa.” ⁸In Jesus ago isumiani a, man dugo, Jesus in imug mi ur an irupe la yak igo ya, “On ur saiak, tamol en biseip lasa wau!”

⁹Aria, agog Jesus ur saiak an isumiani, “On yanja enti ak i?”

Agog in awan yabig igo ibol, “Nai yanag Legen,^b man dugo, man wei kasik a.” ¹⁰Agog in afon mi Jesus ilon inane on se, agop Jesus ikudai dop idiraip aben an ta dibisei na wo isumiani se ya.

¹¹Aria, kitek asau tan bubun luan te man, bor malan tubun geig ak dunuaen se ya. ¹²An njen o ur sisaiak adi Jesus san na dumosiaig ago dubol, “On kudamap bor an luluſad lo mau. Ulefunamap bor ilod lo ka miladu wa.” ¹³An lo Jesus awok ibol tag, ur sisaiak adi dilasag diaug bor

^b Yanag Legen fun man sawar tubun a.

tinidi ilon lo diladu ya. Agog bor an fidian mi, sad sutek 2,000 igo yak, iŋ dumasag damab aen te dumaspalu dudug you duluk go dumat pasik a.

¹⁴Tamol bor kagin dupidinaï den disol go dumaspalu oŋ diaug, mel ilasa yan niŋen o tamolpein panu tubun ak lo yan, agod a gidigidad dumado dan, durupidaig duloŋ a. An lo man tamolpein iŋ mel dugo mok ilasa amaiak dile wo dupalu ya. ¹⁵Saen Jesus san na dilasa man, tamol imug mi ur sisaïak anda yan dileg durut dugo direr saian geig a. Man ata wo, gamu tamol en idagom dugo kankan uyan uyan aman da, ago dugo yamel sen ipulaug imasig imado dugo dile ya. ¹⁶Agod tamolpein a iŋsiganed malad nam mel a ilasa dugo dile yan, iŋ tamolpein dupalu yan mel dugo mok ilasa yan durupidaig duloŋ a. Ago dugo mel dugo ilasa yan tamol lo agod bor lo dam, durupidaig duloŋ a. ¹⁷Man niŋen o tamolpein an fidian awad dutumanig Jesus iŋaned aben ibiseip yau o ago dumosiaï se ya.

¹⁸Saen Jesus wog lo isuda dugo tamol e Jesus ikubune yan ida diau o maeg iganeg isumiani se ya. ¹⁹Gug Jesus awan ta yabi nag igo ibol irupeï, “Oŋsigane murou sad na waup, Tubun en ilo muŋanek sapita ipano, agod sapita ibinawo dam ubol idu dop duloŋ a.” ²⁰Ago tag tamol an yaug, distrik a yaŋan TenTaun dubol dan ilon lo tureŋ yabi oŋ dugo, mel fidian Jesus iŋ lo igane an tamolpein naod na ibol idu se ya. Ago dugo a fidian iŋanen ru duloŋ an durut saian geig a.

Pein bakan ta imat agod pein ta subam anda ya

Mat 9:18-26; Luk 8:40-56

²¹Aria, saen Jesus iŋanen megeloum adi dida tan an dibiseig, wog nam you aen ate afon diau a. Saen loŋ na disasau man, tamolpein wei mi dupalug dutumani dugo doup tubun ak Jesus dubuluwi a. Jesus iŋ you siŋiren na imado se ya. ²²Ago dugo ubou ab ta san titianek tamol adi luluŋad lo tamol ta yaŋan Jairus iŋ Jesus san na yau a. Iŋ Jesus ile tag naon na turun isoluwi a. ²³Ilo muŋanek ru lo isumianig igo ibol, “Ŋaineg nanug pein imat o da. Oŋ palu, bani iŋ tinin fufo na ganep, afon uyan ilasa dop kumaen imado wa.” ²⁴An lo Jesus imasag iŋ da diau a.

Diau oŋ dugo tamolpein malan tubun an Jesus ŋien aban diri dugo Jesus dusupini se ya. ²⁵Aria, aben ante man pein ta tinin ilon lo subam anda, nek nal milaen mi dar tinin lo ilasa se, anaŋar 12 ago imado se ya. ²⁶Iŋanen moni samun fidian dokta tinid fo ikukule yau pasik, gug subam an ta digane itout na ya. Tia, subam an yau tubun dugo madai tubun geig ifuni yau oŋ se ya. ²⁷⁻²⁸Iŋ imug mi ru Jesus niŋen o iloŋ dugo ilon igo isou, “Ŋai banig nek Jesus san kulos milaen ak ŋusupuri ŋile gup, tinig fon uyan ilasa wa.” Ago tag iŋ tamolpein a Jesus diri an luad isag Jesus patun fo irig yaug san kulos bitiŋen te yabi ile ya. ²⁹Ago dugo saen nek an lo mi iŋanen dar tinin ilon lo yan igos a. Ago dugo iŋ ilon lo sen ikubiani ak Jesus iŋanen subam igane itout a.

³⁰Ago dugo Jesus dam ilon lo sen ikubiani kisaek oŋ ak dabai ijanen tinin lo yan kuai te ilasa ya. Ago tag doup lulujad lo idanŋag isumianaig ibol, “Enti ŋaisag kulos isupuri ak i?”

³¹Saen ijanen megeloum adi ru en duloŋ man, awan diabig igo dubol, “Oŋ ule yak, tamolpein wei mi oŋ dusupino futano da, ago bo man oŋ ka ubol ‘Enti ŋai ibiag ak i?’”

³²Ak man Jesus naon idanŋa idanŋla dugo talpein enti mok ile wo malan yau se ya. ³³Agog pein an, mel e iŋ o ilasa yen ilon oŋ go Jesus san na ipalu ya. Iŋ irer dugo isuruwor se ya, ago dugo naon na turun isoluwig mel fidian ilasa yan kuai te irupei a. ³⁴Agog Jesus igo ibol irupei, “Nanug pein, oŋsigane ilo rumok iginiog uyan lasa ya. Oŋ ka ilo maror lo wau a, agod oŋane subam itout yau geig a.”

³⁵Ago dugo Jesus ru an ibol yau oŋ di imado dugo, tamol ta Jairus san ab lo yak ru diganeg Jairus san na yaug ago dubol durupei, “Oŋane nanu pein imat la ya. Gidad, girek maŋau aen ta utog na wa.”

³⁶Ak gug Jesus iŋsad ru an patun ipanig, Jairus irupei, “Oŋ urer umoi. Nek ilo lo rumok mi wa.”

³⁷Agog Jesus tamolpein fidian ŋien aban diri wan o imoi a, nek Pita, Jems agod iŋ tein Jon, nuŋod utol anami iŋ dida diau a. ³⁸Diaug, ubou ab gurman san ab ate dilasa dugo Jesus malan yaug tamolpein tinaŋ muguruŋ tubun kasik diganeg dumado dugo yil a. ³⁹Saen ab ilon lo iladu man, irupidaig ibol, “Aŋ ata wo tinaŋ aru agane dugo liliŋan dam tubun geig agane dak i? Nanuk en ta imat na ya. Tia, iŋ ŋion mi yabi da.”

⁴⁰Ago ibol man disel go kukok an digane ya.

Gug Jesus tamolpein fidian ab ilon lo yan ikudaig, patun fo dilasa diau dugo, nanuk an tinan taman, agod megeloum a iŋ da dumado yan, iŋal go dida galuŋ a nanuk yen dan lo diladu ya. ⁴¹Jesus pein bakan an banin te yabig, Arameik ru lo igo ibol, “Talita koum!” Ru an fun man “Pein bakan ŋurupaio da, masa!” ⁴²Ago ibol dugo gamu nam nanuk pein an imasag itor. Iŋ pein bakan, iŋsan anaŋar 12 a. Aria, iŋ kulob an dile man durut saian geig a. ⁴³Agog Jesus nanuk tinan taman an kudod yabig irupidai, “Ru mel en niŋen o tamolpein aenta ta arupidai na wa!” Agog nanuk an anaŋ dupanip yani wo irupidai a.

Profet ta yaŋan aman tia ya

Mat 13:53-58; Luk 4:16-30

6 ¹Aria, Jesus iŋ megeloum adi dida panu an dubuseig iŋsinan panu Nasaret na dumul diau a. ²Ubou nal idu dugo Jesus siganed ubou ab lo iladug tamolpein naod na Anut san ru ifulale pidinai se ya. Tamolpein wei mi iŋsan ru duloŋ go durut saian a. Agog nug dusumiani ila iso dugo igo dubol se, “Aben dugon te mok tamol en mel en fidian iŋane yak i? Maŋau e iŋ lo yen den dugon te iŋane yak i? Ale, kulob e banin

nam igane na yen man tubun geig a! ³Ak man tamol en talon uyanan a, en ab bek tamol amaiak i? En Maria san nanun a. Injanen tein muroun man Jems, Joses, Judas agod Saimon. Injanen lun muroun id luluḡad lo dumado da.” An lo inḡ Jesus saian dupani a.

⁴Gug Jesus igo ibol irupidai, “Profet ta tamolpein aenta sad malad lo yanḡan aman tia yak ago ta itor na da. Tia geig a. Ak gug nek inḡsinan panu lo, inḡsinan muroun muroun luluḡad lo, agod inḡsinan ab lo dam, atna mi inḡ yanḡan aman tia ya.” ⁵Man niḡen o Jesus ante kulob dabai anda yak ta igane san ta idaisuda na ya. Nek talpein kisaek kisaek subam amad da yak tinid fo banin iganeg ikubunia i a. ⁶Ago dugo inḡ tamolpein ilo rumok amad tia yan niḡen o irut saian geig a.

Jesus megeloum 12 idinaig panu panu diau a

Mat 10:5-15; Luk 9:1-6

Agog Jesus inḡsiganen panu ibiseig gidigidad yaug panu panu itor dugo tamolpein ipiterjanai se ya. ⁷Agog Jesus injanen megeloum 12 inḡsan na dupalu wo igiai a. Dususag Jesus tamol adi emaiak inḡ wagen lo ur saiak adi tamolpein tinidi ilon lo yak dukudaip diau san dabai ipidinai a. Agog itarpasaig fun iganeg uraru uraru mi idinaig diau a.

⁸Inḡ gamugo diau dugo kududod yabig irupidaig inḡ gidad tureḡ yabek san biouḡ ta disini na wa, nek makud mi a. Ak man latamad tia, badam tia, moni inḡsad let lo dam tia, ago tureḡ diabi wa. ⁹Inḡ ka sendal nḡied fo didiri wa, ak man yamel taidam titired lo didiri san geg ipidinai a. ¹⁰Agog inḡ ibol irupidai, “Anḡ aben dugon te ab ta lo aladu wan, ate mi ab an san tamolpein dida amado yau nap panu an abisei wa. ¹¹Agod panu ta ate ta diḡiliaḡ uyan dop anḡsam ru dam duloḡ o dumoi tap, saen abisawai o dop, nḡiemi apiltip san guḡgaf panu an ate idu dop dile wa. An man kob ta murnap inḡaned ilo rumok tia yak san naon inḡ mok diḡane wak igo ya.”

¹²Ru an ibol itout dugo megeloum adi nuḡod uraru urarum dufufurak go diau a. Inḡ panu panu ate tamolpein igo durupidai se ya. “Anḡ anḡanem saian an fidian patum apanip ilom ibilisa wa.” ¹³Agod inḡ ur sisaik tamolpein tinid lo yan wei mi dukudaig diau se ya. Ago dugo gureḡ kitek nam tamolpein wei mi subam amad da yan tinid fo dububunig lo dukubunia i a.

Herod inḡ Jon suguek san ifuni imat a

Mat 14:1-12; Luk 9:7-9

¹⁴Kiḡ Herod inḡ melmel e Jesus san megeloum adi digane se yan niḡen o ilonḡ a. Man dugo, nal an lo man Jesus san yanḡak tamolpein malad lo tubun geig ilasa la ya. Ta dubol, “Suguek san Jon inḡ tamolpein dumat la yak luluḡad lo fon imasag kumaen imado da, nek fun amaiak niḡen o dabai funfun en tinin ilon lo urat digane da.” ¹⁵Gug aenta dubol, “En

man Elaija.” Agod aenkadi dubol, “Iŋ man profet ta mi a, nek ibol profet adi wagam san igo mi a.”

¹⁶Ak man saen Herod iŋ Jesus ata kulob igane idu se yan san ru ilonŋ man igo ibol, “Jon man bo buron ŋitartig imat la yak gug fon kumaen imasa da ya.”

¹⁷Iŋ ago ibol a, man dugo, imug mi iŋ yu tamol adi idinaig Jon diabi wo diau a. Ŋien banin dusubanig subanek ab lo digane ya. Man ata wo? Herod iŋanen tein Filip san iwon, yaŋan Herodias, ilo uyan ipani san niŋen o iŋ Jon subanek ab lo igane ya. Imug mi Herod pein en iŋsan tein banin na iŋaneg iŋ da nug diŋane ya. ¹⁸Gug Jon iŋ Herod ru en irupei, “Oŋsigane tei san iwon da ator tap, oŋ kubiaeŋ ta uri pani na da.” ¹⁹Amaiak niŋen o Herodias tiŋaen saian go Jon lo siai iganeg imado na ya. Iŋ Jon ifuni imat o ilon tubun mi yen a, ak gug iŋsen mi ago igane san ida ta isuda na ya. ²⁰Man dugo, Herod Jon niŋen o tubun mi irer se ya. Iŋ ilonŋ ak Jon iŋ tamol itaot di gun a, an niŋen o talpein ta Jon muruan ipani san niŋen o iparfutani fufei na ya. Nal wei mi iŋ Jon da diŋiŋeŋ go Herod ilo uyan lo iŋanen ru ilonŋ se ya. Ak gug ilon weiwei dugo ru fun ilonŋ uyan san tia ya.

²¹Nal ta idu man dal ta Herodias idinaip Jon dufuni imat san an ilasa ya. Nal a Herod san tinan gubak mi igansi an san saen ilasa ya, an lo Herod soubul igane ya. Iŋ ru iganeg iŋanen gabman gurman adi, yu tamol unbiek adi, agod tamol adi malan te yak Galili distrik lo yan, fidian dupalup anaŋ diani wa. ²²Aria, anaŋ diani dugo Herodias nanun pein iladug naod na isuluwai se ya. Herod iŋanen turan dida dile dugo malad bulbal dugo ilod tubun mi uyan a. Man niŋen o kiŋ Herod nanuk pein an irupei, “Oŋ mel dugon niŋen o ilo ibol tap, oŋ ka sumianag dop ŋai ŋupano wa.” ²³Agog ru lak na geig nam iŋanen ru dabai ipanig ibol, “Oŋ ata mel niŋen o sumianag, gidad ŋaisag kagin panek aben ŋibitip wadan ŋupano san sumianag a, ŋai ka ŋupano mok a.”

²⁴Agog pein baras an yaug, tinan isumiani, “Ŋai ata mel ipanag o ŋusumiani wak i?”

Agog tinan awan yabig ibol, “Suguek san Jon san kabuŋan.”

²⁵Agog pein baras an ririan yaug kiŋ san na ilasag irupeiŋ ibol, “Ŋai ilog man oŋ gamu nam ru ganep suguek san Jon iŋsan kabuŋan daeg fo diganep disini dupalup dupanag a.”

²⁶Herod ru an ilonŋ go ilon muruan tubun mok a. Ak man ru lak na geig an gubak mi ibol ilasa la ya, agod iŋanen turan adi malad lo iŋsan awak aban ipani an niŋen o dam, awan ibilisa wo ilon ta yen na ya. ²⁷Ago tag iŋ ririan yu tamol ta talpein ifuni imat san an idinig yaup suguek san Jon buron itartip isini ipalu wo ibol a. An lo yu tamol an yaug, subanek ab ilon lo Jon buron itartig, ²⁸kabuŋan daeg lo iganeg isini ipalug pein baras an ipani a. Agog iŋ isini yaug tinan Herodias ipani a. ²⁹Saen Jon san

megeloum adi mel en duloŋ man, dupalug tubabun dijaneg disini diaug mutou lo digane ya.

Jesus tamol 5,000 ifutuwai a

Mat 14:13-21; Luk 9:10-17; Jon 6:1-14

³⁰Aria, saen Jesus san megeloum adi tureŋ diabig itout go dumul diaug Jesus dida dutumanig kulob funfun digane, agod pitejanek a tamolpein durupidai an da, naon na dubol idu ya. ³¹Ago dugo nal an lo man tamolpein wei geig Jesus megeloum adi dida sad na diau dumul oŋ dugo iŋ dunuai anen tia ya. Man niŋen o Jesus iŋ megeloum adi irupidai, “Id tumasap, aben ta tamolpein an tia yak ate taup, idsed kisaek dop kitek yaes tabal a.”

³²Ago ibol tag wog lo disidag, aben ta yoitout tamolpein an tia yak ate yaes dubal o diau a. ³³Ak man tamolpein panu fidian lo yan malad yaug dil duloŋ, ago yan lo wei mi dumasag ŋied nam dumaspalu oŋ you dulubanig, dumug diau silatik oŋ go, loŋ a Jesus ijanen megeloum adi dida disasau wo yan ate dilasa ya. ³⁴Saen Jesus wog ibiseig loŋ na idu man, doup malan tubun an afon yil a. Agog iŋ ilon imuŋanai a, man ata wo, tamolpein an nek ibol sipsip titianek tamol amad tia yak igo woŋ a. Ago tag imasig imado dugo mel wei mi ipitejanai se ya.

³⁵Ru duloŋ dugo yaug gurai isi dugo, iŋsan megeloum adi san na dupalug ago dubol, “Aben en yoitout a, ad dam idu yau la ya. ³⁶Man niŋen o tamolpein en dinaip dufurak pe gidigidad diaup aben sinjired na yan san panu te anaŋ didad pe diani.”

³⁷Ak man Jesus awad yabig igo ibol, “Aŋ mel ta apidinaip diani.”

Agog iŋ dubol, “Maŋ tamolpein ago yak bret madad pe mufutai san ta idaisuda na ya. Maŋ fidian kalam 8 urat miganep^c moni idaisuda miŋane gup, bret idaisuda mi madad a.”

³⁸Agog Jesus isumianai, “Aŋ bret sapita da yak i? Aup ale.”

Agog diaug dileg dumul dupalug durupe, “Kafen, agod iy uraru a.”

³⁹Agog Jesus tamolpein an irupidai, “Aŋ sem ibitaŋ pe warou wei mi alasap gafurfur fo amasip amado.” ⁴⁰Ago tag iŋ sed ibitaig doup kitek wei mi dilasa, aenta talpein 50, aenta 100, ago dumasig dumado se ya. ⁴¹Agog Jesus bret kafen agod iy uraru an ijaneg, kumaen panu baŋen lo malan yabisag, ilo uyan ru Anut ipanig bret an yafute idug megeloum adi ipidinai a. Agog ijanen megeloum dijaneg tamolpein duwae pidinai a. Nek ago mi iy uraru an igile kititik go megeloum ipidinaig diaug tamolpein dupidinai a. ⁴²Ago dugo iŋ fidian mi bret an diani dugo fidian luad ipuk. ⁴³Aria, dunuai itout gug, megeloum adi dumasag, anaŋ wadan ta diani na yan dutumanig, sareg 12 anua. ⁴⁴Tamol a dunuai an dusutai man 5,000 a.

^c Grik sad moni lo man, 200 denari.

Jesus iŋ you aten fo itor a
Mat 14:22-33; Jon 6:15-21

⁴⁵Aria, saen anaŋ dianig itout man, Jesus iŋanen megeloum adi gugurut ipidinaig, iŋ wog lo disidap you aen ate panu yaŋan Betsaida na dumug diau wo irupidai a. Ago dugo iŋsen man imadop, tamolpein an fidian idiraip dufurak iŋsiganed na dumul diau wo, ago irupidai a. ⁴⁶Saen tamolpein idinaig diau pasik man, iŋ sen mi did fo Taman san na igudani wo isuda ya. ⁴⁷Saen tidom idu man, wog an mayau na iyawai se ya, ago dugo Jesus iŋ tan na sen kisaek imado ya. ⁴⁸Iŋ malan yaug megeloum adi maeg diganeg dufulani dugo yaes ifu dugo yil a. Man dugo, tim tubun ifure dugo naod yabi se ya. Saen salso idu man, iŋ you aten fufo sad na yau a. Iŋ iriŋanaŋ o ilon yen manonŋ a. ⁴⁹Ak man saen iŋanen megeloum adi Jesus you aten fufo itor dugo dile man, iŋ tamol ŋtun ta dile ago dubol dugo disasai a. ⁵⁰Man dugo, iŋ fidian Jesus ago dile an lo tubun mi direr dugo dusuruwor se ya. Ak man Jesus irupidaig ibol, “Dabai aŋane, en ŋaiseg, arer amoi!” ⁵¹Agog yaug wog fo isudag dida dumado dugo tim ifure yan itout a. Megeloum adi ago dileg durut saian dugo ilod weiwei geig a. ⁵²Ata wo? Jesus enti mok an duloŋ uyanan an niŋen o ilod itau a, iŋ bret lo kulob igane an dile yak gug kulob an kankan Jesus niŋen o ta ipidinai uyan na ya.

Jesus Genesaret na subam adi wei mi ikubuniaŋ a
Mat 14:34-36

⁵³Aria, saen Jesus megeloum adi dida you aen ate dupalu man, tan titin yaŋan Genesaret dubol dan ate loŋ na disasau a. ⁵⁴Iŋ wog lo dudu dugo aben an san tamolpein malad yaug ririan Jesus dile duloŋ a. ⁵⁵An niŋen o dumasag dumaspalu onŋ gidigidad diau dugo ru duwae se ya. Agog tamolpein wei mi iŋ talpein subam amad da yak kapal fo dien dan dusug aben dugon te Jesus imado den ate diŋal diau se ya. ⁵⁶Ago dugo aben dugon te Jesus yaug ilasa yan, taun tubun ak boi, tia panu tubun ak boi, tia, kititik ak boi, ate iŋ subam adi kapal fo dusug didaen aben lo didiraisig dien se ya. An lo Jesus sumeik isusa dop dusumianip iŋanen yamel bitinŋen mi ka diabi dile wa. Agog talpein a diabi dile yan fidian mi, Jesus ikubuniaig uyad isusa ya.

Mel ikokan, agod ta ikok na ya
Mat 15:1-9

7 ¹Aria, saen Farisi adi, kubiaenŋ san girek maŋau aenta dida Jerusalem na dupalu man, Jesus dulubanig, ²Jesus san megeloum aenta, banid nun anda yak dida anaŋ diani se yan dil a. Iŋaned tamol kagin igo ibol, iŋ banid dufulanip ikok ilasa gup anaŋ ka diani wa.

³(Man dugo, ijaned kagin igo ya. Farisi adi, agod Juda adi fidian mi dam, ij imug mi banid dufulani gup anaŋ diani wa. Ij ta dufulani na tap, ij dida anaŋ ta diani na wa. Dal an lo ij tubud baged sad tamol kagin diri dupani na yan ago mi ij dam duri da. ⁴Agod saen didaen aben dibiseip siganed ab lo diau duman, ij anaŋ ta diani na wa, tia, ij dusug pe tinid ikok gup anaŋ diani wa. Tamol kagin aenta wei kasik dam ij kagin dupani da. Nek ibol gab fulanek, bod daeg fulanek, agod mel san kapen sensen bras nam digane yan, mel igo yan fidian niŋedi wo tamol kagin yen da.)

⁵Aria, Farisi adi ij kubiaen san girek maŋau adi dida awad dutumanig Jesus dusumiani, “En ata wo oŋane megeloum adi ij tubud baged sad tamol kagin iri panim ago ta dutor dumado na dak i? Ijaned banid ikok tia yak ate anaŋ diani da.”

⁶Agod tag Jesus irupidaig ibol, “Aisaia ij profet ru itaot mok aŋ balek uraru adi niŋemi wo ibol ilasa ya. Girek igire yan igo ya,
 ‘Tamolpein en awadi nam yaŋag diabisa da,
 ak man bubedi man asau geig ŋai lo yen da.

⁷Ij sen kawan ŋai ubou ag dile da,
 man dugo, piteŋanek a tamolpein durupidai dan man nek tamol iŋsiganed ilo sou mi a.’

⁸Ru kubiaen Anut gubak mi ipanaŋ an, absukali dugo tamol kagin an mi abi dabai da.”

⁹Agog ij fon irupidaig igo ibol, “Aŋ luluŋam lo kagin igo yak yen da. Aŋ ru kubiaen Anut ibol an gigin na agansi, an lo aŋsiganem tamol kagin ari apani da. Agod aŋ ilom lo kagin en uyanan geig ago abol da! ¹⁰Gubak mi Moses igo ibol, ‘Oŋane tina tama awad paen na mado dop kagin pidinai o uyanan a.’ Agod, ‘Ta ij awan nam tinan taman imisilanai tap man, dufuni imat a.’ ¹¹Ak man aŋ abol, ‘Tamol ta taman boi, tinan boi, igo irupe, mel ta ate ŋai ka ŋibinawo san niŋen o man Korban’ (ru an fun man, Anut mel an ŋien ŋupani la ya), ‘an niŋen o man, o kabel, ŋai mel an ŋupanaŋ san tia ya.’ ¹²An lo tamol an fon binawek ta tinan taman niŋedi wo igane pidinai san aŋ ta alefuni na wa. ¹³Dal emaiak lo, aŋanem tamol kagin tamolpein duri dupani wo abol den lo mi, aŋ aganeg Anut san ru an nuŋon tia ya. Agod mel wei mi taidam naok nek ago yak agane da.”

Jesus ata mel tamol ilon lo nun ipani wan niŋen o ibol ilasa ya
Mat 15:10-20

¹⁴Agog Jesus ij fon tamolpein fidian siŋiren na dupalu wo igiai a. Dupalug, ru ago ibol irupidai, “Aŋ fidian kududom agurep, ru en ŋabol dop, aloŋ fufei wa. ¹⁵⁻¹⁶Tamol ta mel kuai tep tiŋaen lo yau dan nun ta ipani na da. Tia, mel tiŋaen lop awan lo ilasa damaiak tamol ilon nun ipani da.”

¹⁷Jesus tamolpein tumanek an ibisawaig ab lo iladu man, ijanen megeloum adi ru fajan en niĵen o dusumiani a. ¹⁸Agog iĵ isumianaig ibol, “Ak dugo, aĵ dam an alon san tia i? Aĵ ta ale na yak, mel ta tamol tinin kuai fo yak, tamol ilon yaup iganep nun ilasa san tia yan alon ak i? ¹⁹Man dugo, mel an buben lo ta yau na ya, tia, tiĵaen lo yaug dubei san dal irig ilasag itout yau a.” (Jesus ru emaiak ibol an lo anaĵ fidian nuaeĵ san uyan ak ago ibol a.)

²⁰Agog ibol onĵ, “Mel a tamol ilon lo yen dugo kuai te dilasad amaiak tamol ilon nun ipani da. ²¹Man ata wo? Mel naok naok emaiak tamol ilon lo dien den, iĵ buben mok ilon lo yak kuai te dilasa da, kankan saiak, jeit kagin, gumagam kagin, tamol ifuni imat dak, turan iwon ida dien dak, ²²mala sek kagin, nun kagin, siai kagin, uf ru, se pitianoĵ kagin, agod burau kagin. ²³Mel saiadi emaiak fidian talpein ilon lo yak kuai te dilasa da, nek mel amaiak mi talpein an ilon nun ipani da.”

Gob pein ta san ilo rumok

Mat 15:21-28

²⁴Ago gug Jesus imasag, aben an ibiseig, gob adi sad taun tubun ak uraru, Tair Saidon da sad lubanek lo yaug, ab ta lo isidag, ante kitekan yaes ibal a, ate tamolpein ta san tureĵ dulonĵ man imoi a. Ago bo man iĵ mianuk lo imado san tia ya. ²⁵Pein ta ijanen nanun pein ur saiak anda yak iĵ ru tim Jesus ante imado dan ilon a. Ririan imasag Jesus san na ipalug, naon na turun isoluwi a. ²⁶Pein en man Grik, agod distrik tubun ate imado dan Siria provins, agod titin ta dugon te tinan igansi an aben ta lon siĵiren na yaĵan Fonesia dubol da. Aria, Jesus naon na turun isoluwig, Jesus iĵ nanun pein tinin lo ur saiak ikudip yau wo ilo muĵanek ru lo isumiani a.

²⁷Iĵ pein an irupeĵ, “Umoi dop, nanuk ata diani wo dumat dan malmalan diani wa. Maĵ nanuk adi sad anaĵ miĵanep goun adi diani wo sad na mabal tap, an ta uyan na wa.”

²⁸Ak man pein an awan yabig igo ibol, “Awo, tamol Tubun en ubol mok da. Gug goun dam badim paen na dumado dop, nanuk sad awad aban idu man ka diani wa.”

²⁹Ago tag Jesus ibol, “Ru en rupaĵag ak niĵen o ka wau a. Ur saian an onĵane nanu pein tinin lo yak ibiseig yau la ya.”

³⁰Agog iĵ sinan ab lo yaug nanun pein gadab fo yen dugo ile, agod ur saiak dam ibiseig yau a.

Jesus tamol ta kududon awan da itau ak ikubune ya

³¹Aria, Jesus fon imasag, Tair lubanek ibiseig, isidag yaug, taun tubun ak yaĵan Saidon ante ilasa ya. Agog aben an ibiseig, imul idug yaug “TenTaun”^d lubanek lo ilasag, You Galili siĵiren na isusa ya. ³²Ante man

^d Dekapolis

tamol ta kududon ipakuk agod balen muruan ak dijaneg Jesus san na dupalug, banin tamol an tinin fo igane wo dusumiani a.

³³Agog Jesus tamol an ijaneg, ida tamolpein malan tubun an dibisawaig gigin na nuḡod uraru diau a. Ante gug Jesus inḡsen banin kikoun tamol an kududon anenaim lo isousoug sen banin fo ilusug, ate tamol an balen yabi ile ya. ³⁴Agog Jesus naon yabisag malan lak na isida dugo yaes yabituani gug tamol an irupe, “Efata.” (Ru an fun man: upuk.) ³⁵Ago ibol go tamol an kududon uyan ilasag balen dam pasauman go ru ilonḡ go inḡneḡ uyanan se ya.

³⁶Jesus ru dabai anda nam mel a dile yan tamolpein aenta ta durupidai na wo ibol. Ak man urat wei kasik igane yan lo urat an san ru dam tubun mi diḡneḡ ila iso se ya. ³⁷Ru an dulonḡ go durut saian geig a. Inḡ igo dubol, “Tamol en mel fidian igane man uyanan geig ak mi a. Inḡ ijaneg tamol ta kududon ipakuk an ru ilonḡ ak, agod tamol ta awan itau an ru ibol a.”

Jesus tamolpein 4,000 ifutuwai a

Mat 15:32-39

8 ¹Saen an lo tamolpein malan tubun mok fon Jesus san na dutumani a. Dumado dugo ijaned anaḡ latamad diani pasik a. Ago tag, Jesus ijanen megeloum adi dupalu wo igiai a. Agog dupalug dilasa dugo Jesus irupidai, ²“Inḡai tumanek tubun en ilog imunanai da, man dugo, gamu nal utol yau la dugo inḡ nai da mumado na ya, ak gug anaḡ ta diani san etna tia ya. ³Inḡai inḡ nḡdinaip dimatigen onḡ inḡsiganed na diau tap, dal na rei ifu dop malad itilani wa. Agod aenta dal asau geig dupalu ya.”

⁴Ijanen megeloum adi awan diabig dubol, “Aben yoitout en lo tamol ta, ka dugot na bret idaisuda ijanep lo tamolpein en ifutai ak i?”

⁵Agog Jesus isumianai, “Anḡ anaḡ bret sapita yen di?”

Agog dubol, “Bret seven mi a.”

⁶Agog Jesus tamolpein an tan na dumasi wo irupidai a. Agog inḡ bret seven an ijaneg, Anut ilo uyan ru ipanig, yafututeg, megeloum adi tamolpein duwae pidinai o ipidinai a. Agog diaug bret duwae ya. ⁷Iy kititik kadi inḡ dida dien a. An lo Jesus iy an ijaneg, Anut ilo uyan ru ipanig, megeloum adi irupidaig iy en dam tamolpein duwae pidinai o diau a. ⁸Aria, tamolpein anaḡ an dianig idaisuda geig a. Diani itout gug megeloum adi dumasag anaḡ samsamun dutumanig sareg seven lo ditaneg awad isa ya. ⁹Inḡ tamol adi a dumado yan dusutai man 4,000 igo ya. Agog didinaig dumul diau a. ¹⁰Agog Jesus megeloum adi dida wog lo disidag, Dalmanuta distrik ante diau a.

Jesus kulob girager ta igane wo dusumiani a

Mat 16:1-4

¹¹Ante man Farisi adi dupalug Jesus dusumiani wo fun digane ya. Inḡ ilod man Jesus bitinaek lo digane wo ago yen se ya. Amaiak niḡen o inḡ kulob kumaen

panu san ta kob igo wonj igane dop dile wo dusumiani a. ¹²Jesus injsad ru an ilonj go injsen njutun ilon lo yaes yabituang igo ibol, “Ata wo anj tamolpein gamu e amado den kulob girager ta kob igo wonj niganeg dop ale wo ilom yen dak i? Njai ru rumok jurupaianj da, kob naok igo yan naj ta npanan na wa.” ¹³Agog inj ibisawaig, megeloum adi dida fon wog lo disidag, diaug, tan aen ate dilasa ya.

Farisi adi inj Herod da sad yis

Mat 16:5-12

¹⁴Aria, megeloum adi ilod injaonj go bret ta disini na ya, wog lo man bret kisaek o lian yen a. ¹⁵Jesus ru kagin ipidinaig ibol, “Kagin agane, Farisi sad yis, agod Herod san dam ninen o kagin agane uyanan a.”

¹⁶Megeloum adi ru an dulonj go injsed mi ru an san fun mok kuai dupani wo nug lo dininjenj ila iso se ya. Agog dubol, “Inj ago ibol man fun, manj bret amama tia ya.”

¹⁷Jesus megeloum adi dugo dubol se man ilonj, ago tag isumianai, “Ata wo anj bret amam tia yak ninen o nug lo akubiai dak i? Ak dugo, anj nen ta ale alonj na yak i? Ak dugo, anj kankan amam tia i? ¹⁸Anj malam da ya, ak gug anj ta ale geig na da. Nek ago anj kududom da ya, ak gug anj ta alonj geig na da. Mel en ilom injaonj ak i? ¹⁹Saen naj bret kafenda nfaatuteg tamol 5,000 nfaatuwai an, anj sareg sapita lo ananj samukan atane yak i?”

Inj awan diabig dubol, “Sareg 12.”

²⁰“Agod saen naj bret seven nfaatuteg tamol 4,000 nfaatuwai an, anj sareg sapita lo ananj samukan atane yak i?”

Agog dubol, “Seven.”

²¹Agog inj ibol, “Anj gamugo alonj uyan dak i?”

Jesus Betsaida na tamol malan itau ak ikubune ya

²²Jesus inj megeloum adi dida panu yanjan Betsaida ante diaug dilasa ya. Ante tamolpein ta inj tamol ta malan itau ak dinaneg dida Jesus san na dupalu ya. Inj Jesus banin nam tamol an tinin yabi ile wo dugudani a. ²³Agog Jesus inj tamol an banin te yabig, ida panu an dibisei a. Agog Jesus tamol an malan fo ilusug banin tamol an tinin fo iganeg isumiani, “Onj gamu abanj ka ule dak i?”

²⁴Agog tamol an malan yabisag ibol, “Awo, naj tamol nejil da, ak man malag lo ai ditiliani dak igo mi a.”

²⁵Agog Jesus afon banin malan fo igane ya. An lo tamol an malan tubun mi ipuk go uyan isusag mel fidian ile fufei a. ²⁶Agog Jesus tamol an sinan ab lo yau o idinig irupej, “Onj itaot sigane ab lo wau, panu lo ta ladu na wa.”

Jesus inj Kristus an, Pita kuai te ibol a

Mat 16:13-20; Luk 9:18-21

²⁷Agog Jesus injsan megeloum adi dida panu an dibiseig dal dinaneg panu kititik taun Sisaria Filipai lubanek lo dien dan ate diau a. Dal te

tureŋ diabi dugo iŋsan megeloum isumianai, “Tamol adi iŋ ŋai enti mok ago dubol di?”

²⁸Agog iŋ durupeï, “Aenkadi oŋ Suguek san Jon ago dubol dak, aenta oŋ Elaija dubol dak, aenta oŋ profet ta ago dubol da.”

²⁹Iŋ isumianai, “Ak man aŋsem ŋai enti mok ago abol di?”

Pita awan yabig ibol, “Oŋ Kristus.” ³⁰Agog Jesus ru kagin ipidinaig ibol, “Ŋai enti, aenta ta arupidaip duloŋ na wa.”

Jesus imat san nal sumeik ak ago irupidai a

Mat 16:21-23; Luk 9:22

³¹Saen an lo Jesus fun iganeg iŋanen megeloum adi ipiteŋanai man, Tamol Nanun iŋ madai wei mi ifuni wa, agod ubou san matu adi, pris gurman adi, agod kubiaenŋ san girek maŋau adi iŋ fidian Tamol Nanun patud dupani wa. Ago dop iŋ dufuni imat a. Ak gug nal utol gup iŋ fon imasap kumaen imado da wa. ³²Jesus ru an kuai te ibol irupidai a. Ago tag Pita iŋaneg ida gigin na diaug ru dabai nam Jesus ipei a.

³³Ak gug Jesus idaŋsag Pita patun ipani dugo naon megeloum aenta ipidinai dugo Pita ipei ibol, “Satan, oŋ patug fo lasa wau! Man dugo, oŋ Anut san ilo girek ta uri pani na da, tia, oŋ tamol adi sad ilo girek an mi uri pani da.”

Idsiganed aigim tisinip Jesus ŋien aban tiri wa

Mat 16:24-28; Luk 9:23-27

³⁴Agog Jesus tamolpein igiaig, iŋsan megeloum adi dam kisaek mi dutumanig, igo ibol irupidai, “Talpein ta ŋai ŋieg aban iri wo ilon ibol duman, iŋ gidad sen yabi idup iŋsinan aigim isinip ŋieg aban iri wa. ³⁵Man ata wo? Ta iŋsinan madok iganep uyan ilasa wo ilon ibol tap, iŋsinan madok mok an ideg yau a. Ak man ta iŋsinan madok ŋai niŋeg o, agod bilaluŋ uyanan ak niŋen o ibisei tap, iŋanen madok mok patun ipasi dop yen yau a. ³⁶Man dugo, talpein ta tan en san filian fidian mi iŋane dop, iŋanen naon man iŋsinan madok mok malan isue tap, en dugo woŋ pe uyan ak i? ³⁷Ak dugo, iŋ ata mel tan en san, iŋanen madok nuŋon ak iŋane imul san ka ipani wak i? Mel ta igo yak yen man tia geig a. ³⁸Tamolpein ensauta gamu dumado den aupasek agod kagin sisaiak san saen lo dumado da. Talpein ta saen en lo ŋaisag ru niŋen o miai ifuni tap, saen ŋaineg eŋel gun agod Tamag san girager da ŋupalu dop, ŋai nek ago mi talpein an niŋen o miai ifunag a.”

9 ¹Agog iŋ ru ibateg igo ibol irupidai, “Rumok ŋurupaianŋ da, aenta ebo dutur den gamugo dumat dop, Anut san kagin panek an dabai aman da ipalu dop dile wa.”

Jesus tinin ibilisag ilalaŋ a

Mat 17:1-13; Luk 9:28-36

²Aria, nal 6 yau la gug Jesus iŋ megeloum utol, Pita, Jems iŋ tein Jon ago iŋal go dida did tubun ak ta ate disida diaug sed dumado se ya. Ante dumado dugo Jesus iŋ malad lo tinin ibilisag ilalaŋ idu dugo dile ya. ³Ago dugo iŋanen yamel isapudadeg milkouk nuŋon geig ilasa ya. Milkouk an talpein ta tan en lo yamel marasin nam ifulanip ago ilasa san tia yak ago ya. ⁴Ago dugo malad lo dam Moses iŋ Elaija da dilasag, Jesus dida dutur go diŋiŋeŋ se yan megeloum dil a.

⁵Agog Pita Jesus irupeig ibol, “Girek maŋau, nek uyanan geig maŋ dam e mumado da! Oŋ ubol tap, lalai utol ente mabi wa, oŋane kisaek, Moses anen kisaek, agod Elaija anen kisaek dam mususe wa.” ⁶(Iŋ fidian tubun mi direr dugo dusuruwor se yan lo, Pita ru dugo ibol an ta ilon uyan na ya.)

⁷Agog timtaen^e ta idug yafutanai dugo awak ta timtaen an ilon lo ilasag ago ibol, “En man ŋaineŋ Nanug, ŋai bubeg mok a. Awan aloŋ!”

⁸Ago duloŋ dugo malad yau imul silatik oŋ dugo abaŋ dile itililani se yak gug tamol aenta ta dil na ya, nek Jesus mi sen kisaek siŋired na itur se ya.

⁹Saen Jesus megeloum dida did an dibiseig dumul dudu dugo, Jesus ru dabai anda ipidinai a. “Aŋ aup mel e ale yan niŋen o tamolpein aenta ta arupidai na wa. Amoi dop Tamol Nanun imat pe mutou lo fon imasap kumaen imado dop, saen an lo mel e ale yen ka abol ilasa wa.” ¹⁰Ago tag iŋ ru mel en niŋen o iŋanen ilo girek lo dutueg yen a, ak man iŋsed nug lo diŋiŋeŋ se ya. Iŋ nug lo dusumiaeŋ ila iso, “Ru e mutou lo fon imasa wo ibol en fun mok dugo yak i?”

¹¹Agog iŋ Jesus dusumianig igo dubol, “En ata wo kubiaeŋ san girek maŋau adi iŋ Elaija imug ipalu gup ak ago dubol di?”

¹²Jesus awad yabig ibol, “En man ru rumok a, Elaija imug ipalup, mel fidian ikubuniaip imug dien ago mi dilasa wa. Ak man ata wo ru en digire yak i? Tamol Nanun tubun mi madai isini dop patud dupani wa. ¹³Ak gug ŋai ŋurupaiŋ da, Elaija ipalu la ya. Ago dugo iŋsiganed ilobol lo saian dupani se ya, nek ibol girek ta iŋ niŋen o ibol ak ago mi ilasa ya.”

Jesus pinein ta ur saiak aman da yak ikubune ya

Mat 17:14-21; Luk 9:37-43a

¹⁴Saen Jesus iŋ megeloum utol an dida dumul go megeloum aenta sad na dilasa man, tamolpein malan tubun ak dutumanig dumado dugo

^e Kakao

dil a. Ago dugo kubiaen san girek maŋau aenkadi megeloum adi dida ru lo nug diabi dugo dil a. ¹⁵Agog tamolpein fidian saen Jesus dile man durut saian go ririan dumaspalu oŋ Jesus san na dupalug ilo uyan lo duyunaŋi. ¹⁶Agog Jesus tamolpein isumianai a, “Aŋ kubiaek dugomaiak nug lo aŋiŋen ila iso di?” ¹⁷Agog doup an luluŋad lo tamol ta awan yabig igo ibol, “Girek maŋau, ŋaineg nanug ur saiak anda yak oŋsa na ŋisini ŋupalu ya. Man dugo, ur saian en iganeg awan itau a. ¹⁸Aben tata lo itor dop, ur ifunip ibili idu dop, awan lo subalbal ilasap, luon igurmip tinin ikikaip ti ibol yen da. Man niŋen o ŋai oŋsa megeloum adi ur saiak an dukudi wo ŋusumianai, ago bo man iŋ digane san tia ya.”

¹⁹Iŋ ru naon irupidaig igo ibol, “Aŋ ilo rumok amam tia, nal sapta ŋai aŋ da tumado wak i? Nal sapta muruan apanag dan ŋisinip yau ak i? Nanuk an igo aŋane apalu.” ²⁰Iŋ pinein an diŋane dupalu ya. Saen ur saian iŋ Jesus ile man, silei nam pinein an ifunig itarfunig ibili yau idug, tan na idududuruk dugo itububuluk yau imul dugo subalbal awan lo ilasa se ya.

²¹Jesus pinein an taman isumiani, “Nal sapita kagin an iŋ tinin lo ilasa yak i?”

Taman awan yabig ibol, “Saen iŋ nanuk tusan lo mi kagin en iganeg ipalu ya. ²²Nal wei mi ur saiak en ifunig daon ipani dop yai lo, agod you lo ibili idup ifuni imat o igane se ya. Isop oŋ idaisudap mel ta iŋ lo gane tap, ilo imuŋanama dop binawama.” ²³Agog Jesus taman irupeŋi, “Ru e ‘Isop oŋ idaisudap mel ta iŋ lo gane tap’ ubol en ata wo ago ubol ak i? Talpein ilo rumok aman da man, iŋ o mel fidian mi ka ilasa wa.”

²⁴Ago dugo taman ririan iwagiŋ go ibol, “Ŋai ilog lo rumok. Ŋai binawag dop ŋaisag ilog yau imul dan ŋabi idu!”

²⁵Saen Jesus tamolpein wei tinan dumaspalu oŋ dutumani se yan yil man, iŋ ur saiak an ru sakar nam ipeig igo ibol, “Oŋ ur saiak awa tau san agod kududo itau san, ŋai ru kubiaen ŋupano da, biseip sen lasa, fon umul tinin ilon lo ta ladu na wa.”

²⁶Agog ur saiak an isasai saian dugo nanuk an tan fo itarfuni saian geig a, ago gug ibiseig yau a. Pinein an tan fo tubabun igo woŋ yen, ago tag tamolpein wei mi dubol, “Iŋ imat mok a.” ²⁷Gug Jesus banin yabig irae dugo, pinein an imasag itur a.

²⁸Saen Jesus ab lo iladu man, megeloum adi dida sed kisaek dumado dugo Jesus dusumiani, “En ata wo maŋ ur saiak mukudi san ta idaisuda na yak i?”

²⁹Iŋ ru naon irupidai, “Gudanek lo mi aŋ ur saiak naok igo yak ka akudi wa.”

Jesus saen uraru iŋsan mateŋ niŋen o megeloum irupidai a

Mat 17:22-23; Luk 9:43b-45

³⁰Aria, Jesus iŋanen megeloum adi dida aben an dibiseig, turen diabig diaug distrik Galili titiŋaem diau se. Saen ante diau man Jesus tamolpein

aenta duloŋ o man imoi a. ³¹Ata wo? Inanen megeloum adi ipiteŋanai se ya. Agog irupidai, “Tamol Nanun inanen ager adi sad banid lo digane wa. Iŋ dufuni imat, agop nal utol yau gup, afon imasa da wa.” ³²Ak man megeloum adi ru an san fun ta duloŋ uyan na ya. Taida mi, iŋ Jesus dusumiani wo direr se ya.

Enti iŋ talpein malan te ya

Mat 18:1-5; Luk 9:46-48

³³Iŋ Kaperniam na dilasa ya. Saen iŋ ab ilon lo dumado dugo, Jesus isumianai, “Dal na aŋsem ata mel niŋen o nug lo akubiai yau imul se yak i?” ³⁴Ak man iŋ dutokubol dumado se ya. Man ata wo? Iŋ dal na diau dugo iŋsed luluŋad lo enti iŋ tubun geig ak niŋen o dukubiai yau imul se ya.

³⁵Ago tag Jesus imasi dugo, megeloum 12 an dupalu wo igiai a. Saen naon na dupalu man irupidai, “Talpein ta iŋ yaŋan tubun ilasa wo ilon ibol tap, iŋ gidad sen igane murna yau a, agod dam iŋ gidad tamolpein fidian sad biabi ŋilaŋal ilasa wa.”

³⁶Agog iŋ nanuk nanun ta iŋaneg, megeloum adi luluŋad lo igunig itur a. Agog banin nam yabig ikubiaig igo irupidai, ³⁷“Talpein enti nanuk igo yak ta ŋai yaŋag lo iŋanep iyuŋani tap, ŋai dam iŋiliag go iyuŋanag da. Agod talpein enti ŋai iŋiliag duman, ŋai mi tia ya, tia, Enti ŋai idinag go ŋupalu yan dam iŋaneg iyuŋani da.”

Tamol ta id niŋed o ager ta imado na dan, id turad a

Luk 9:49-50

³⁸Jon Jesus irupeig ibol, “Girek maŋau, tamol ta iŋ oŋ yaŋa ibol dugo ate ur sisaiak ikudai se dugo mile ya. Ago tag maŋ iŋ kulob ago igane yau o mupadau a, man dugo, iŋ id lo tia ya.”

³⁹Jesus irupei, “Aŋ iŋ abituani amoi. Man ata wo? Talpein enti ŋai yaŋag lo kulob dababai anda yak ta igane man, iŋ ririan ru saian ŋai niŋeg o ibol ilasa san tia ya. ⁴⁰Man dugo, talpein enti iŋ id o ager ta imado na dan man id turad a. ⁴¹An lo ŋai ŋurupaianŋ da, talpein enti iŋ, aŋ Kristus san ak niŋen o you kitek gab lo iganeg aluk o ipanaŋ dan, inanen naon ibisei san tia geig a.”

Mel ta tamolpein aupasek digane wo iduduwai san ru

Mat 18:6-9; Luk 17:1-2

⁴²“Agod talpein ta nanuk igo yak ŋai o ilon rumok dak ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir yau man bo uyan mok a. Man ata wo, an tia tap, ai wadan ŋai iŋ ŋupani wan iriŋani geig a. ⁴³⁻⁴⁴Uloŋ. Oŋ bani turan aupasek lo udu san iginio tap, tutep ubal yau! Ago dop oŋ bani tia madok kumaen yen san

lo ladu wo tap, an ta saian na ya. Man dugo, kabelan bani uraru mi dijiliop Ades lo yai pempem ided dan lo dubulo wau banau. ⁴⁵⁻⁴⁶Agod oŋ nje turan aupasek lo udu san iginio tap, tutep ubal yau! Oŋ gidad nje tia madok kumaen yen san lo ladu wo tap, an ta saian na ya. Man dugo, kabelan nje uraru mi dijiliop Ades lo dubulo wau banau. ⁴⁷Agod oŋ mala turan iginio au upas tap, mala an bilanip biliau a. Mala kisaek ama da madok kumaen yen san lo ka ladu wa. Kabelan mala uraru mi dijiliop Ades san yai lo dubulo wau banau. ⁴⁸Aben ante man, 'iŋsad kadum ta dumat na wa, agod yai imat san tia geig a.'

⁴⁹Nek ibol saen Anut yai digane pani man beig dam alta fufo digane yak igo woŋ, Anut tamolpein fidian yai tinid fufo igane wa.

⁵⁰Beig man biabi uyanan anda ya. Ak gug beig san gigen itout tap, aria dugo woŋ tamol ta san gigen an iganep beig oŋ ilasa da wak i? Amaiak niŋen o aŋ nugnug lo beig amam da ya, agod nug lo maror amam da amado wa."

Nug ŋanek dututep itout san ru

Mat 19:1-12; Luk 16:18

10 ¹Go Jesus imasag, panu Kaperniam ibiseig, you Jordan ituteg, titin ta Judea distrik a you an aen ate yen dan lo yau a. Ante tamolpein wei mi fon iŋsan na dutumani a. Agod Jesus iŋ fon iŋsinan kagin iri panim ipiteŋanai se ya.

²Ago dugo Farisi aenta dususag dusebani wo igo dusumiani, "Idaned kubiaen dugo ibol ak i? Mel ta niŋen o tamol ta iŋsan pein ka ibisei ak i?" ³Iŋ awad yabi, "Ru kubiaen dugomaiak Moses ipanaŋ ak i?"

⁴Iŋ dubol, "Moses uyan ipani a, tamol ta iwon ikudi wo tap, nug banin diabi amaiak itute san girek ta igirep, iwon ipani gup ikudi yau a."

⁵Agog Jesus ru naon igo irupidai, "Aŋ bubem pat oŋ an niŋen o Moses ru kubiaen en igire panaŋ a. ⁶Ak gug fun mok lo Anut man 'tamol iŋ pein da idirai a. ⁷Fun an niŋen o tamol iŋ tinan taman ibisawaip iwon iŋanep nug dupini dupini wa, ⁸an lo dop uraru an kisaek mi dilasa wa.' Amaiak niŋen o iŋ uraru ago tia ya, iŋ man kisaek a, man dugo Anut iŋsen mi itumanai a. ⁹Ak niŋen o kabelan melmel a Anut itumanai an tamol ta itute banau."

¹⁰Saen megeloum adi Jesus dida ab ilon lo dumado man, ru en niŋen o Jesus dusumiani a. ¹¹Iŋ ru naon igo irupidai a, "Tamol ta iwon ikudi yau dop pein sen ak iŋane tap, iwon imug ak malan lo man tamol en pein foun an da jeit digane da. ¹²Agod pein dam iwon tamol ikudi yau dop tamol sen ta iŋane tap, pein en dam iŋ jeit kagin igane da."

Jesus iŋ nanuk iŋal a

Mat 19:13-15; Luk 18:15-17

¹³Nal tag tamolpein iŋsiganed nanuk kititik diŋal go Jesus san na dupalug an lo banin nam ibiai ile wa. Ak man iŋanen megeloum adi

dipidai se ya. ¹⁴Saen Jesus yil man ti jaen saian go igo irupidai, “Nanuk adi njaisag na dupalu wo dop eilafu wa, akudai amoi. Man dugo, Anut san kagin panek aben man nanuk ago yak sadi a. ¹⁵Ijai rumok nujon njurupaianj da. Talpein enti nanuk igo wo nj Anut san kagin panek injane tap, inj Anut san kagin panek aben ilon lo ka iladu wa. Ak gug inj nanuk onj ilasa wo imoi tap, iladu san tia geig a.” ¹⁶Agog inj nanuk adi injal go ilataig, banin kabunjad fo iganeg bar ipidinai a.

Pinein damag filian anda yak Jesus isumiani a

Mat 19:16-30; Luk 18:18-30

¹⁷Jesus turej yabi wo dugo, pinein damag ta imaspalu onj injan na ipalug naon na turun isoluwig isumiani, “Girek manau onj uya mok a, ata kubol njigane dop lo madok pempem yen yau san ka njigane wak i?”

¹⁸Jesus ru naon ibol, “Onj ata wo njai uyag ak ubol di? Anut sen kisaek mi uyan aman a. ¹⁹Onj Anut san kubiaen fidian ulonj pasi a: onj ta funi imat umoi, jeit kagin umoi, ugam umoi, supalek ru ubol umoi, talpein ta rawip lo san melmel unjal umoi, agod onj tina tama awad uri pani wa.”

²⁰Ij ibol, “Girek manau, njai nanuk log ipalug gamu en kubiaen an fidian njiri njupani na ya.”

²¹Jesus tamol an malan ti ibol ile dugo buben tubun mi ipani a. Ago dugo ru en irupej a, “Onj mel taida nijen o mi katuka mado da. Umul waup, melmel a onj da yan udad pe moni njanep, tamolpein mel ad tia ak wae pidinai a. Ago dop kumaen panu lo filia senamo geig ilasap yen a. Ago gup palup njieg aban uri wa.”

²²Tamol an ru an ilonj dugo ilon idug ilon ipapaog ibiseig yau a. Man dugo, inj tamol filian tubun anda ya.

²³Agog Jesus idansag malan yang megeloum adi yil dugo irupidai, “Tamolpein ensauta a filian tubun amad da yan, Anut san kagin panek aben ilon lo diladu san muruan kasik a!”

²⁴Inanen megeloum adi ru an dulonj go durut saian a. Ak gug Jesus fon ibol, “O nanug muroug, talpein Anut san kagin panek aben lo isadu san man muruan geig a! ²⁵Tamol filian anda yak Anut san kagin panek aben lo ka iladu wak, an rumok tap, aria kamel ta si gubaran lo yau san man pasauman geig a.”

²⁶Ru an dulonj go nen durut saian a. Ago tag inj sed nug ilon lo dinjnen se ya, “Mago tap, enti mok patu pasek ka injane wak i?”

²⁷Jesus malan ti ibol go yil dugo irupidai, “Tamolpein mel en digane san ta idaisuda na ya, ak gug Anut lo mel ago man ta muruan na ya, ata wo, inj lo mel fidian man pasauman a.”

²⁸Agog Pita ibol irupej, “Ule man onj njie aban muri wo mel fidian mibisei a!”

²⁹Agog Jesus igo ibol, “Ijai ru rumok njurupaianj da, talpein enti ab ibiseig, tia tein boi, tia lun boi, tia taman boi, tia tinan boi, tia nanun

muroun boi, tia siganen tan boi, an ŋai yaŋag yabisa wo ibisei dop man, ³⁰tan en lo Anut naon uyanan geig ipani wa. Gidad talpein an malan lo melmel a ibisawai an siŋaokan geig, iŋanen naon san melmel man nal 100 iriŋani wa. An lo naon ago yak iŋane wa. An man ab, tein taon, lun, tinan, taman, nanuk adi, abi dam fidian foun ak wei di wei mok iŋane wa. Ago gug dida madai di muruan funfun dam iŋane wa. Agod murnap mel fidian foun dilasa san saen lo man, iŋ kumaen pempem mi yen san an dam iŋane wa. ³¹Ak man talpein wei mi gamu iŋ malan te dan nal an lo man talpein kawan ak ago dilasa wa. Agod talpein wei mi iŋ tamol kawan ago dumado dan nal an lo malan te dilasa wa.”

Jesus imat pe imasa da wak fon ipiteŋanai da

Mat 20:17-19; Luk 18:31-34

³²Aria, Jesus iŋanen megeloum adi dida Jerusalem dal diŋaneg, diau dugo Jesus imug yau se ya. Iŋ ilon Jerusalem na diau wo ago yen an niŋen o megeloum adi durut saian geig a, agod tamolpein a ŋien aban diri dan iŋ dida Jerusalem na diau san niŋen o tubun mi direr se ya. Saen an lo Jesus fon iŋanen megeloum adi iŋal go gigin na diaug iŋ mel dugo iŋ lo ilasa wan niŋen o irupidai a. ³³Iŋ ibol, “Aloŋ uyanan, id Jerusalem na tau da. Ante man Tamol Nanun diŋanep pris gurman adi agod kubiaeŋ san girek maŋau adi banid lo digane wa. Iŋ imat san ru ago duguni wa. Ago dop Juda tia yak sad banid lo digane dop lo ³⁴kukok aman diganep, dusulanip, lubum nam dufunip murna gup dufuni imat a. Ago digane wak man nal utol gup fon imasa dap kumaen imado da wa.”

Jems iŋ Jon da sad sumiaeŋ

Mat 20:20-28

³⁵Agog Sebedi nanun uraru an, Jems iŋ Jon da, iŋ dususag Jesus dusumianig igo dubol, “Girek maŋau, maŋ iloma man, mel niŋen dugo musumiano wo dak ago ka gane panama wa.”

³⁶Ago tag Jesus isumianai, “Ata mel ŋai ŋigane panaŋ o ilom ibol di?”

³⁷Agog iŋ durupe, “Ru gunip, oŋane girager san saen idu dop, maŋ oŋane badim fo oŋ siŋire na mumado wa, kisaek oŋ bani won ak lo dop, kisaek oŋ bani ŋas ak lo wa.”

³⁸Ak man Jesus awad yabig irupidai, “Ata mel niŋen o asumianag dan niŋen o aŋaon da. Ak dugo, gab a lo ŋai ŋaluk amaiak lo aluk o aŋ idaisuda yak i? Tia, suguek a ŋai ituanag amaiak dam aŋ ituanag dop man, aŋ idaisuda yak i?”

³⁹Iŋ ru naon durupe, “Awo, maŋ idaisuda ya.”

Agog Jesus irupidai, “Rumok, gab a lo ŋai ŋaluk amaiak lo aŋ aluk a, agod suguek a ŋai ituanag amaiak dam aŋ ituanag a. ⁴⁰Ak man aŋ ŋai siŋireg na amado wa, ta banig won ak lo dop, ta banig ŋas ak lo,

aben uraru amaiak n̄aiseg mi n̄upanaŋ san ta idaisuda na ya. Tia, n̄aisag Tamag iŋsen mi tamol ta aben an ipidinai san niŋen o ipilianai la ya, amaiak niŋen o aben uraru an iŋsadi mi a.”

⁴¹Saen iŋanen megeloum 10 aenkadi mel an dulonŋ man, Jems iŋ Jon da niŋedi wo tiŋaed saian a. ⁴²Ago tag Jesus megeloum igiaig iŋsan na dupalu ya. Dutumani dugo ibol, “Aŋ alonŋ ak gob adi luluŋad lo tamol a iŋsed gurman dubol dan, sad dabai tamolpein a paed na dumado dan dukubiai pidinai da. Ago dugo iŋ luluŋad lo tamol a yaŋad ad da yan diganep tamolpein kawan ak iŋaned tuod paen na dumado wa. ⁴³Ak gug aŋ luluŋam lo kagin ago yak ta ilasa na wa. Talpein ta aŋ luluŋam lo iŋ yaŋan tubun ak iŋane wo ilon ibol tap, sen iganep aŋanem biabi n̄ilaŋal oŋ ilasa wa. ⁴⁴Agod talpein ta aŋ luluŋam lo iŋ imug yau wo ilon ibol tap, sen igane idup aŋ fidian aŋanem bigabeg urat igane panaŋ san ilasa wa. ⁴⁵Nek dal kisaek an lo Tamol Nanun iŋsen mi, aenta iŋ o binawek urat dupani wo ta ipalu na ya, tia, aenta niŋedi wo binawek urat ipidinai o ipalu ya, agod dam sen ibiseip an lo tamolpein wei mi iŋal san niŋen o ipalu ya.”

Jesus Bartimeus malan yafute ya

Mat 20:29-34; Luk 18:35-43

⁴⁶Aria, Jesus iŋ megeloum adi dida tureŋ diabig Jeriko na dilasa. Saen iŋ tamolpein malan tubun ak dida taun an dibisei man, tamol ta yaŋan Bartimeus (an man Timeus san nanun) dal giranŋen na imasig moni dupani wo iwagiŋ se ya. Iŋ man tamol malan itau a. ⁴⁷Saen iŋ Jesus Nasaret san tamol dal ante ipalu dan ago ilonŋ man, awan tubun mi iwagiŋ go ibol, “Jesus, Dawid Nanun, ilo imuŋanag!”

⁴⁸Tamolpein wei mi dububuŋanig, dubol, “Awa itaup tokubol mado!” Ak man iŋ nen tubun mi isasai, “Dawid Nanun, ilo imuŋanag!”

⁴⁹Jesus yau oŋ dugo wagiŋ an ilonŋ tag, itur dugo tamolpein dubuluwi an irupidai, “Aŋ awagi.”

Ago tag iŋ tamol malan itau an duwagig dubol, “Ilo wabisap, masa, iŋ igio da.” ⁵⁰Man niŋen o iŋ ririan san yamel madid san ak iragali ibal go imasag, Jesus san na ipalu ya.

⁵¹Jesus isumiani, “Oŋ ata mel n̄ai oŋ o n̄igane wo ilo ibol di?”

Agog mala itau tamol an ru naon irupei, “Tubun en, n̄ai abaŋ n̄ile wo n̄amat da.”

⁵²Agog Jesus irupeig ibol, “Wau. Oŋane ilo rumok iginiog uya isusa ya.” Gamu nam malan uyan ilasag abaŋ ile kisaek oŋ a. Agog dal im Jesus n̄ien aban irig yau a.

Jesus Kiŋ oŋ Jerusalem na iladu ya

Mat 21:1-11; Luk 19:28-40; Jon 12:12-19

11 ¹Jesus iŋsan megeloum dida Jerusalem sumeik dupanig, Did Oliv sinjren na panu uraru ta yaŋad Betfage iŋ Betani da dubol

dan ate disusa ya. Ago man Jesus iñanen megeloum uraru ta idinaig² irupidaig ibol, “Añ urarum panu o malad yaug tile dan ate au. Aup aladu dop doñki foun ak ta dususeg imado dak ale wa. Doñki an fufo talpein ta imasi man tia ya. Kam apasip añanep ñaisag na apalu wa. ³Tamol ta irupaian, ‘Añ ata wo ago agane dak i?’ ago ibol tap, añ igo arupei wa, ‘Doñki en Tubun ak ibunawi san urat aman da ya. Milaen tiap ij ririan fon iganep imul ipalu wa.’”

⁴Aria, megeloum uraru an diaug, doñki foun ak ab san dalawan ate dususeg kuai te dal na itur dugo dile ya. Agog kam dusopasi a. ⁵Ago dugo tamol aenta sumeik dutur an igo dusumianai, “Ata wo añ doñki an kam apasi di?” ⁶Agog uraru an ru Jesus ibol ago mi durupidai a. Ago tag tamol an dilfu dugo doñki diñaneg dida diau a. ⁷Diaug, Jesus san na dilasag, iñsad yamel milaen ak diragalig, doñki patun fufo duruwari a. An itout go Jesus fufo imasig dida diau a. ⁸Agog tamolpein wei kasik iñsiganed yamel milae milae yak diragali dugo dal te na duruwari se ya. Ago dugo aenkadi garañ lo ai raen dututeg dal te na bala didiri se ya. ⁹Tamolpein aenkadi, Jesus dida imug mi diau dugo, tamolpein aenta murna dupalu se ya, ij fidian mi igo dubol duwagiñ se na ya,
“Hosana!

Tamol e Tubun ak yañan lo ipalu den, Anut san bar iñane ya!

¹⁰Mañ tubuma bagema Dawid san kagin panek gamu ipalu dan, bar iñane wa!

Aben lak na geig an lo per dupano wa!”

¹¹Agog Jesus Jerusalem na iladug yaug, tempel san sep lo iladu ya. Agog abañ ile itilanig mel ante dien dan fidian yil se ya. Gurai idu la yan niñen o tempel lubanek ibiseig kuai te ilasag megeloum adi dida dumul go Betani na diau a.

Jesus ai gurab imisilani a

Mat 21:18-19

¹²Dien go tidom lom saen Betani dibisei man, Jesus imatigen. ¹³Agog malan yaug, asau mi ai gurab ta ile ya. Gurab an roun mutunol tinan. Ago tag yaug sumeik go nuñon abañ an ile, ak man nuñon an tia, roun kawan mi a. Man dugo, nuñon ifu san nal gamugo da. ¹⁴Ago tag Jesus ai an ipeig ibol, “Talpein ta oñ nuño fon ta yani na wa.” Jesus ago ibol dugo megeloum adi awan duloñ a.

Jesus tamol tempel san ar ilon lo didaen digane se yan ikudai a

Mat 21:12-17; Luk 19:45-48; Jon 2:13-22

¹⁵Jesus imul Jerusalem na yaug, tempel san sep ilon lo iladug, aben ante dadeñ tamol adi, agod a melmel moni nam didad se yan dam fidian ikudaig kuai te dilasa ya. Iñsad tebol fufo moni dubulsa se yan, iratitalaig

yabibol idu dugo, tamol aenta muluk didad se yan sad kalik dam iratitale idu ya. ¹⁶Agog tamolpein tempel san tom ilon lo melmel disini diau wo man niŋen o ipadau a. ¹⁷Agog ipiteŋanaig kududod yabig igo ibol, “Ru e Anut san buk lo digire man,

‘Ŋaisag ab en gudanek san ago dubol a,

ante man tan fidian san tamolpein ka dugudani wa.’

Ak man aŋ agane ilasag ‘gumagam adi sad mianuk ab’ igo yen da.”

¹⁸Pris gurman adi agod kubiaeŋ san girek maŋau adi ru an duloŋ a. Ago tag dal ta ate Jesus daoŋ dupani san niŋen o abaŋ diabi se ya. Iŋ itaot dufuni imat san tia ya, man dugo, iŋ niŋen o direr. Iŋ duloŋ ak tamolpein malan tubun iŋsan piteŋanek duloŋ dugo an niŋen o fidian durut saian a.

¹⁹Aria, saen ad idu yau man Jesus iŋanen megeloum adi dida Jerusalem dibiseig diau a.

Ai gurab a Jesus imisilani an ibun a

Mat 21:20-22

²⁰Dien go tidom lom mi fon tureŋ diabi dugo ai gurab a nor Jesus ipei funi an dile ya. Ai an dabin ateg yaug ulun na man ibun idu ya. ²¹Pita ru a Jesus nor ibol an ilon isoug irupei, “Tubun en, ule. Ai gurab oŋ misilani an ibun idu ya!”

²²Jesus ru naon irupidaig igo ibol, “Aŋ Anut lo ilo rumok amam da amado wa. ²³Ŋai rumok ŋurupaiaŋ da, talpein ta iŋ ka did en igo irupei, ‘Oŋ masap, se ibulo beig lo waup udu.’ Ago dop ilon ta uraru na dop, ru a ibol an nuŋon ilasa wak ago ilon lo rumok nuŋon tap, ibol ago mi iŋsan na ka ago ilasa wa. ²⁴Amaiak niŋen o ŋai ŋurupaiaŋ da, oŋ gudanek lo mel ta wo Anut sumiani dop, iŋ mel an ipano la yak igo woŋ ago ilo lo rumok a. Ago gane tap, mel an oŋ da wa. ²⁵⁻²⁶Agod saen oŋ utur oŋ Anut gudani dan man, talpein ta ida ru ama da tap, malmalan ilo lo saian an sasi pani wa. Agop oŋane Tama kumaen panu lo yan iŋ dam oŋane saian an isasi pano wa.”

Iŋ Jesus dusumiani, Enti kob ipano ya?

Mat 21:23-27; Luk 20:1-8

²⁷Agog fon Jerusalem na dilasag, Jesus tempel san tom ilon lo yaug itor dugo, pris gurman, kubiaeŋ san girek maŋau adi, agod tamol tutubu yak adi iŋsan na dupalu ya. ²⁸Agog dusumiani, “Oŋ kob en dabai da dugon te ŋaneg lo mel en gane dak i? Enti mok dabai en ipanog ate urat en gane wo ibol ak i?”

²⁹Jesus awad yabig igo ibol, “Ŋai dam mel ta niŋen o aŋ ŋusumianaŋ o da. Ago dop aŋ imug ŋaisag sumianek an itaot arupaiaŋ tap, enti mok iŋ urat e ŋigane den san dabai ipanag an ka ŋabol pe aloŋ a. ³⁰En dugo ilom

isou di? Jon san suguek man, kagin an dugon te ijane yak i? An kumaen panu san mel, tia, an tamol sad mi ak i? Abol ηaloη!”

³¹Agog iηsed nugnug lo igo diηijer se ya. “En man kumaen panu san mel, ago tabol tap, iη igo ibol isumianad a, ‘En ata wo aη iη niηen o ilom ta rumok na i?’ ³²Ak gug ‘En man tamol sad mel mi a,’ ago tabol tap, id o dugo ilasa wak i?” (Tamol tutubu emaiak tamolpein kawan ak niηedi wo tarer na ya, ata wo, tamolpein kawan ak sad ilo sou lo man, Jon mi iη profet.)

³³Man niηen o iη igo dubol durupeī, “Maη ta malon na ya.”

Ago tag Jesus ibol, “Ago yak niηen o ηai dam enti dabai en ipanag go ate urat e ηijane den ta ηurupaiaη na wa.”

Abi san kagin panek adi sad ru faηan

Mat 21:33-46; Luk 20:9-19

12 ¹Kubiaek an itout gug, Jesus ru faηan lo kubiaer tamol adi naod na igo ibol ilasa, “Tamol ta iη ai wain san abi yabig ar ifou ya. Abi an ilon lo wain patun dupartitale dop dupipi san gib yabi a. Agod iη ab dam abi ilon lo yabi a. Agog iη tamol ta abi an kagin dupani san ipilianaig, abi an banid lo idiri a. Aria, saen abi taman iη urat an fidian igane itout man, imasag tan asau ak ate yau a. ²Saen ai wain nuηon ifu san nal idu man, iη iηanen biabi ηilaηal ta idinig iηanen wain nuηon aenta isini ipalu wo yau a. ³Ak man urat tamol a abi lo dumado dan dumasag, tamol an diabig dufunig digane imul go banin kawan yau a. ⁴Ago tag abi taman fon urat pinein sen ta idinig yau a. Ak man dumasag kabuηan ate dufunig tinin malan dusue saian a. ⁵Aria, urat pinein sen ta idinig yau a. Agog dufuni imat a. Nek ago mi, iη urat pinein aenkadi wei mi idinaig diau a. Gug abi kagin panek adi aenta dufu dugo aenkadi dufu dumat a.

⁶“Ago igane yaug tamol an talpein kisaek o lian idinip yau san imado. Agod talpein an iηsiganen nanun mok niηen o tubun mi imat da. Wadan lo nanun en idinig yau a, man dugo, abi taman ilo sou igane man, ‘Iη ηaineη nanuk awan kagin dupani wa.’

⁷“Ak man tamol abi lo urat digane dan, iηsed nug lo igo dubol, ‘Tamol e ipalu yen man taman san melmel fidian mi iηane wo da. Ago yak niηen o id tufunip imat dop, iηsan abi id tiηane wa.’ ⁸Ago dubol go dumasag diabig dufunig imat go tubabun dubal go ar patun fo ilasa ya.

⁹“Aria, abi taman dugo igane wak i? Iη abi lo yaup abi kagin panek adi daon ipidinaip abi an banid na ipasip urat tamol senamo yak banid lo igane wa. ¹⁰Nag aη ru e girek lo yen den ta asuti na i?

‘Pat nek a ab bek tamol adi dumoi dan,
nek amaiak ab tinin fidian yabi sakar da.

¹¹Anut sen ago igane ya,

agod id malad lo en man sijaokan geig a.’ ”

¹²Agog tamol tutubu yan an dal ta Jesus diabi san maeg diganeg aban dile se ya. Man dugo, ij duloj ak Jesus ijanen ru lo ij isiai se ya. Ak man ta dusbani na ya, ata wo, tamolpein malan tubun dutumani an niñedi wo direr, ago yak niñen o Jesus dibiseig diau a.

Kaisa san takis niñanaj

Mat 22:15-22; Luk 20:20-26

¹³Agog tamol tutubui adi ij Farisi aenta agod Herod san tamol aenta dam didinaig, Jesus san na diau a. Ij Jesus dibitinae dop siganen ru lo diabi wo ilod yen ak atem diau a. ¹⁴Aria, ij Jesus san na dilasag durupe, “Girek mañau, mañ malonj ak onj ru rumok san tamol. Onj tamol senamo yak onj niñe wo ilod isou dan niñen o ta urer na da. Man dugo, gidad yanjad amad da yak, tia yak dam, niñedi wo onj ilo ta weiwei na da. Fun an lo onj tamolpein Anut san dal an niñen o ru rumok nam itaot mi pitejanai da. Id Kaisa takis moni tupani wan uyan ak i? Tia, saian ak i? Idsad kubiaen mel en niñen o dugo ibol dan ubol malonj. ¹⁵Id ka tadad ak i? Tia, tia yak i? Itaot rupaiama.”

Ak man Jesus tamol adi an balek rararu san kagin lo dubol an ilonj uyanan a. An niñen o ij isumianaig ibol, “Anj ata wo bitinaek lo aginiag dak i? Anj moni ta asini apalup niñe.” ¹⁶Agog moni ta disinig san na dupalug dupani a. Agog isumianai, “Mitilaen e fufo yanjak digire yen enti san ak i?”

Agog awan diabig dubol, “Kaisa san.”

¹⁷Agog tag Jesus ibol irupidai, “An niñen o anj mel ta Kaisa san tap, Kaisa apani wa, agod mel ta Anut san tap, Anut apani wa.”

Ru an duloj go durut saian geig a.

Sadyusi adi Jesus diabi wo bitinaek lo digane ya

Mat 22:23-33; Luk 20:27-40

¹⁸Agog Sadyusi adi maten lo kumaen masa san tia ago ilod isou dan sumiaen kisaek da Jesus san na dupalu ya. ¹⁹“Girek mañau, Moses gubak mi id o igo igire ya. Tamol ta ij nanuk aman tia yak imat go pein ak ibiseig imado tap, gidad tein imasap iwon ka ijanep an lo tein imat la yan wagen lo nanuk idirai dilasa wa. ²⁰Aria, gubak mi man tein muroun nuñod 7 mañ luluñama lo dumado ya. Matu ak pein ijaneg imado nag imat, ak gug ij nanuk aman tia ya. ²¹Ago yak niñen o tein imasag matu imat an san pein ijanep ya. Tein bakan ak dam nanuk aman tia agog imat a, tein fon taidam ij dam nek ago mi, ²²nek ago mi yang nuñod 7 ante itout a. Tamol an fidian nanuk amad tia ya. Wadan lo man pein an dam imat a. ²³Saen tamolpein dumat la yan fon kumaen dumasa tap, tamol an ilod lo pein an enti mok iwon ak i? Onj ulonj ak ij fidian iwodi a.”

²⁴Agod Jesus awad yabig ibol, “Añ afurfi saian geig a. Man ata wo? Anut san ru girek lo yen agod Anut san dabai dam añ ta aloñ uyan na ya. ²⁵Saen tamol dumat pe dumasap kumaen panu na diau dop, pein ta dusu na wa, agod ante tamol man pein ñied ta dupani na da. Tia, iñ kumaen panu san eñel igo woñ dumado wa. ²⁶Agod taida mi, tamol dumat ak fon kumaen dumasa wan niñen o añ kududom agure. Nag añ ru a Anut irupaiañ an ta asuti na yak i? Iñ igo ibol, ‘Iñai man Abraham san Anut, ñai dam Aisak san Anut, agod ñai dam Jakob san Anut.’ ²⁷Anut man iñ tamol dumat ak sad Anut tia ya. Tia, iñ man tamol kumaed dumado dak sadi a. Rumok nuñon, añ afurfi saian geig a!”

Kubiaej dugomaiak malan te yak i?

Mat 22:34-40; Luk 10:25-28

²⁸Kubiaej san girek mañau ta ipalug Jesus Sadyusi dida ru lo nug diabi yau imul dugo ilon a. Ru naon siñaokan Jesus irupidai an ilon tag, iñ dam Jesus isumianig ibol, “Kubiaej dugomaiak malan te yak i?”

²⁹Jesus awan yabig igo ibol, “Kubiaej malan te yak nek en: ‘O Isrel adi, kududom agure wa. Idsad Anut man Tubun en kisaek o lian a. ³⁰Tubun en oñane Anut niñen o umat a, oñane bube fidian lo, oñane ñutu fidian lo, oñane ilo sou fidian lo, agod oñane dabai fidian lo ago gane wa.’

³¹Kubiaej turan man igo ya. ‘Oñ nek ibol oñse niñe wo umat dak ago mi tamolpein aenta dam niñedi wo umat a.’ Kubiaej ta iñ kubiaej uraru en iriñanai man tia ya.”

³²Agod kubiaej tamol an igo ibol, “Girek mañau, oñ ubol uyanan ak, Anut iñ kisaek o lian, agod iñ sen kisaek mi imado da, tubud taida man tia ya, ru an rumok nuñon. ³³Agod talpein ta iñ buben fidian lo, iñanen ilo sou fidian lo, iñanen dabai fidian lo yak Anut niñen o imat, agod iñanen tamolpein aenta nek ibol iñsen niñen o imat dak oñ, ago mi niñedi wo imat a. Kagin naok ago yak, yai niganag mudan Anut ipani san fidian mi iriñanai geig a.”

³⁴Saen Jesus tamol an ru naon mañau anda ipani an ile ilon man, iñ tamol an irupeï, “Oñ Anut san kagin panek ate asau mi ta mado na da.” Ru an itout go Jesus san ager adi sumiaek taida dusumiani wo fidian direr a.

Kristus iñ enti nanun ak i?

Mat 22:41-46; Luk 20:41-44

³⁵Jesus tempel san tumanek aben ilon lo tamolpein ipiteñanai dugo sumianek ta ipidinai a. “En dugo woñ go kubiaej san girek mañau adi, Kristus iñ Dawid nanun an dubol na yak i? ³⁶Dawid iñsen mi, Awan Urgan iduduwi dugo igo ibol:

‘Tubun en ñaisag Tubun ak igo irupeï,

“Oŋ ŋai tuog won ak ate masip mado,
murna gup ŋai oŋsa ager adi ŋidiraip,
oŋ ŋie pae na dumado dop ŋie nam partuanai a.” ’

³⁷Amiak niŋen o Dawid iŋsen mi tamol an Tubun ak ibol tap, en dugo woŋ pe iŋ Dawid nanun ak i?”

Tamolpein malan tubun ante dumado dan iŋsan ru duloŋ dugo ilod bulbal se ya.

Kubiaeŋ san girek maŋau iŋ kagin saiak digane na ya

Mat 23:1-36; Luk 20:45-47

³⁸Jesus pitejanek ipidinai dugo irupidai, “Kubiaeŋ san girek maŋau adi niŋedi wo kagin agane wa. Iŋ kulos milae milae siŋaokan ak didirip diaup didaeŋ aben lo dutor dop aenkadi ilo uyan ru dupidinai o ago ilod yen da. ³⁹Agod ubou ab lo kalik malan te tamol tutubu ate dumasid dan iŋ ate dumado da. Agod soubul lo dam nek ago mi digane dop, tamolpein iŋ kagin dupidinai o ago digane da. Iŋ se pitianoŋi kagin naok naok igo yan niŋen o tubun mi dumat da. ⁴⁰Iŋ pein suos sad ab digam da. Agod gudanek milae milae kasik digane da, ak man an sen kawan digane da, man dugo, tamolpein dil o ilod yen da. Tamol naok ago man Anut san bitinaek nal lo naon saian geig a diŋane wan tamolpein aenta sad naon iriŋani geig a.”

Pein suos san lou panek tusan

Luk 21:1-4

⁴¹Aria, tempel san tom ilon lo aben titin ta yen dugo ate moni san kunup yen a. Ate Jesus kunup an kitek siŋiren na imasig imado dugo tamolpein wei mi dupalu dop moni kunup lo dubal dugo yil se ya. A filiad amad da yan wei mi moni tubun mi dubal se ya. ⁴²Agog pein suos filian aman tia yan iŋ dam ipalug pat bras uraru o lian an kunup lo ibal a. Naon man tusan a.

⁴³Jesus iŋanen megeloum igiaig san na dupalug irupidaig ibol, “Ŋai rumok ŋurupaiaŋ da. Moni e pein suos filian aman tia kunup lo ibal en, tamolpein fidian sad moni dubal an iriŋani geig a. ⁴⁴Man dugo, aenkadi iŋaned filiad tubun ak lo moni samun diŋaneg dubal a. Ak gug pein filian aman tia yan mel fidian lo katuk aman bo man, moni sapita iŋ da yan fidian mi ibal a. An lo sen aben ipitig itout a.”

Jesus tempel daoŋ dupani wak niŋen o ibol a

Mat 24:1-2; Luk 21:5-6

13 ¹Saen Jesus tempel ibisei wo dugo megeloum ta igo ibol, “Girek maŋau, ule, tempel san pat tintinan nuŋon a, iŋsan naon man siŋaokan geig a!”

²Ak man iŋ ru naon igo irupidai, “Aŋ ab tintinan en eil ak i? Ŋai ru rumok ŋurupaiaŋ da, ente man pat ta kisaek sen ta tinin fufo ta yen na wa. Tia, fidian mi tamol adi dugufututep diabibol tan na dudu wa.”

Nal wadan ilasa san kob funfun
Mat 10:17-22; 24:3-14; Luk 21:7-19

³Jesus Did Oliv fo imasig imado se ya. Did a ate imado yan did tempel fufo itur dan san turan, titiŋaem tan ikilokan ak yen da. Agog Pita, Jems, Jon di Andru da ago mianuk lo san na dupalug dusumianig igo dubol. ⁴“Oŋ rupaiama, saen dugomaiaŋ lo melmel en dilasa wak i? Kob dugomaiaŋ imug mi ilasa dop ate maŋ malonŋ ak, melmel en fidian dilasa wak i?”

⁵Agog Jesus awa biek ru igo irupidai a. “Aŋ kagin agane wa, kabelan tamol ta aŋ irawaŋ banau. ⁶Tamol wei mi dupalup ŋai yaŋag dupatep dubol a, ‘Ŋai nek emaiak Kristus.’ Ago dop tamolpein wei kasik dirawai a. ⁷Aŋ yu ager alonŋ ak, agod san ru tim dam alonŋ a. Ago dop kagin agane wa, kabelan amasa saian banau, man dugo, mel en man ka ilasa wak, gug nal wadan san saen man gamugo da. ⁸Tamol malan ta lo yu diabisap, tamol malan ta lo yu ager digane wa. Ago dop kiŋ ta iŋsan tamolpein dida yu diabisap, kiŋ sen ta iŋanen tamolpein dida nug dufuni wa. Agod aben sensen lo man kadag^f tubun mi idu dop kanaurig tubun ak gidigheid dilasa wa. Nek ibol pein nanuk igansi wo dop madai ile dak igo woŋ, melmel en fidian man, madai a nal wadan ilasa san amaiak ilasa wo fun igane da.”

⁹“Aŋ gidad tawaŋ aganep amado wa. Iŋ aŋ dibiaŋ pe aŋsiganem panu lo ager adi banid lo didiraŋ pe kot lo atur a. Juda adi sad ubou ab gidigheid dien dan lo aŋ tinimi dugufutute wa. Aŋ ŋai naog aŋanep kiŋ adi agod gabman gurman adi naod na atur a, an ŋai niŋeg o abol dop duloŋ a. ¹⁰Agod ŋaineg bilaluŋ uyanan en imug tamolpein warou adi tan tilianek fidian lo dubol ilasa dop duloŋ a. ¹¹Saen iŋ aŋ dibiaŋ pe kot lo dida au dop, ru dugomaiaŋ abol ak niŋen o ilom ta weiwei na wa. Tia, nek ru dugo Anut saen an lo ipano an mi arupidai a, man dugo, aŋsem ta abol na da, tia, Awan Urgun iŋ awam lo ibol ilasa da.

¹²“Tein ta iŋ tein san ager adi banid lo iganep dufuni imat a. Taman ta dam nanun muroun sad ager banid lo idiraip daon dupidinai a. Nanuk dumasap tinad tamad lo siai diganep ager banid lo didiraip dufu dumat a. ¹³Tan en san tamolpein fidian aŋ lo siai digane wa, en ata wo, ŋai yaŋag man aŋsam na yen la ya. Ak man, talpein iŋanen ilo rumok yabi sakar yaup, saen iŋanen kumaen tan en lo itout ak ate dop, Anut talpein an patun ipasi wa.

^f Futol

Murnap mel ta saian geig ak ilasa wa

Mat 24:15-28; Luk 21:20-24

14“Saen ilasa dop, mel ta tempel san aben gun ak lo dugunip, mel an ate itur san tia yak ate itur dop ale wa. Mel an gubak mi profet Daniel niŋen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.) Nal an lo dop, tamolpein a Judea na dumado dan, dusol diaup did lulunad lo sed imianai a. 15Talpein ab fufo na imado dan, imul idup ab lo iŋanen biouŋ isini wo ta iladu na wa, tia, itaot mi isol yau a. 16Agod talpein abi lo imado dak dam, gidad imug mi yamel madid san ak iŋane wo ta imul yau na wa. 17O kabel, nal en san pein adi an luam am da, agod an pein an sam nanuk su apidinai dan dam, ŋai ilog tubun mi imuŋan an da! Nal en man saian geig a. 18An gidad agudani dop, mel en madid san saen lo ta ilasa na wa. 19Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murnap fon ta ilasa da na wa. 20Anut saen en itutep katukan a, iŋ ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan niŋedi wo ilon isou wa. Amaiak niŋen o iŋ saen an itutep katukan a. 21Nal en lo talpein ta an irupaian pe ibol, ‘Ale, Kristus ente imado da!’ tia, ‘Iŋ onte imado da!’ ago ibol dop, an ilom ta rumok na wa. 22Man dugo, kristus sewak ak iŋ profet sewak adi dida dilasa wa, ago dop iŋ kulob girager ak, agod mel naon senamo geig ak tamolpein malad lo dukubiaip dile wa. An lo dop idaisuda tap, iŋ tamolpein a Anut ipilianai la yan dirawaip lo diau dudu wo ago maeg digane wa. 23Amaiak niŋen o an tawaŋ aganep amado wa. Mel en gamugo ilasa dugo ŋai imug mi mel emaiak niŋen o kuai tem ŋurupaian la ya.”

Murnap Tamol Nanun tan na imul ipalu wa

Mat 24:29-31; Luk 21:25-28

24“Saen en san muruan tubun ak itout la gup,
‘ad ta ided uyan na wa, an lo dop adian tidom on ilasa dop
kalam ta ided na wa.

25 Ante dop patui keit dibiseip dudu wa,
agod Anut iŋ mel dababai keit lo yak imiriranai a.’ ”

26“Saen an lo dop, tamolpein iŋ Tamol Nanun keit san timtaen fufo na itur dop dabai agod girager tubun geig aman da yak lo ipalu dak dile wa. 27Ago dop Tamol Nanun iŋanen eŋel adi idiraip dufufurak diau a. Ante dop iŋanen tamolpein kob ipidinai an dutumanai a. Iŋ tim sukurun

iwoiwo an lo nap dijəl dupalu wa, ago mi yaup tan gigin itout ak ate wa.”

Ai gurab san ru fajan
Mat 24:32-35; Luk 21:29-33

²⁸“Anj ai gurab lo ilo sou agane wa, inj maŋau ka ipanaŋ a. Saen iŋsan raen you aman da, agod roun foun ilasa dop, anj aloŋ ak madid itout go ad ilasa san saen sumeik ipani da. ²⁹Amaiak niŋen o, anj murnap melmel fidian e dilasa den, ale dop, anj aloŋ ak Tamol Nanun inj ipalug sumeik, dalawan ante itur da. ³⁰Ŋai rumok ŋurupaiaŋ da. Warou gamu en san tamolpein gamugo itout yau dop melmel en fidian dilasa wa. ³¹Keit inj tan da inj murnap itout a, ak gug ŋaisag ru man ta itout na wa.”

Nal mok mel en ilasa wan id fidian niŋen o tiŋaonj a
Mat 24:36-44

³²“Ak gug talpein ta melmel an niŋedi wo nal dugo di auwa dugo dam dilasa san o ta ilonj na ya. Kumaen panu san eŋel adi ta duloŋ na yak, agod Nanun sen dam ta ilonj na ya. Bai iŋsen mi ilonj a. ³³Amaiak niŋen o anj tawaŋ agane wa. Anj malam ipuk onj amado wa. Anj ta aloŋ na yak nal dugo lo aŋanem Tubun ak ipalu wa. ³⁴En man igo ya. Tamol ta inj tan asau ak ate yau o dugo iŋanen urat biabi urat pinein banid lo iganep, anen anen iŋsiganed urat ipidinai a. Ago dop dalawan titianek tamol irupe, ‘Onj ŋai ŋamul ŋupalu san niŋen o tawaŋ ganep mado wa.’

³⁵“Amaiak niŋen o anj tawaŋ aganep amado wa, man dugo, nal mok lo ab taman imul ipalu wak anj ta aloŋ na ya. Gurai lo boi, tidom tubun lo boi, kurek ibob san saen lo boi, tidom lom mi boi, anj aŋaonj da. ³⁶Iŋ ririan imul ipalu dop, anj kabelan ŋionj abip amado dop iliaŋ banau. ³⁷Ru e ŋai ŋurupaiaŋ den, ru kisaek mi tamolpein fidian ŋurupidai da: ‘Tawaŋ aganep amado!’ ”

Gurman adi Jesus dufuni imat o awad dutumani a
Mat 26:1-5; Luk 22:1-2; Jon 11:45-53

14 ¹Tumanek tubun ak yaŋan Pasova dubol dan san saen idu san, nal uraru o lian yen da. An itout gup, tumanek aenta yaŋan Bret Yis Aman Tia ak San Soubul dubol dan ilasa wa. Pris gurman adi agod kubiaej san girek maŋau adi inj dal ta pasak nam ate Jesus diabip dufuni imat san niŋen o abanj diabi se ya. ²Agog dubol, “Soubul nal tutubu e ilasa den lo ta tigane na wa, kabelan tamolpein dile dop dumasap ager diganep aben daonj dupani banau.”

Pein ta Betani na gurej Jesus kabuŋan fufo ikulmaek a
Mat 26:6-13; Jon 12:1-8

³Jesus inj Betani panu na imado dugo, tamol ta yaŋan Saimon tinin lepra aman da yak san ab lo ida dumado se ya. Inj tebol giranjen na imasig

imado dugo inuai se ya. Ago dugo pein ta in gureŋ, pat butol alabasta nam digane yan siŋaokan ak, isinig san na ipalu ya. Butol an ilon lo gureŋ naon lak na geig ak, yaŋan nard dubol dan, awan isa. Aria, Jesus anaŋ yani dugo pein an ilasag, butol buron ibalsinig gureŋ an kabuŋan fufo na iwali idu ya.

⁴Saen aenta ate dumado yan mel ago dile man, tiŋaed saian go nug lo dubol ila iso se, “En ata wo oŋ gureŋ kawan bidani dak i? ⁵Gidad tubuseip, tamol didad pe moni tubun mi lo tiŋane wa. Tamol ta anaŋar kisaek urat igane dak san naon, moni nek ago yak ka tiŋane wa. Ago dop tamol filiad tia yak ka tupidinai a.” Agog ru dabai nam pein an dupei a.

⁶Ak man Jesus ibol irupidai, “Aŋ pein en abisei! En ata wo muruan apani dak i? In man ŋai niŋeg o kulob siŋaokan geig ak igane ya. ⁷Saen fidian tamolpein filiad tia yak dida amado da, agod aŋ ka aŋanem ilobol lo abinawai a, ak gug ŋai man saen milaen aŋ da ta tumado na wa. ⁸In mel kabelan igane wo idaisuda yan ago igane ya. In ŋai tinig fufo gureŋ iwali an lo man, in ŋaisag sisanug mutou lo digane wak san dal ikubune ya. ⁹In ru rumok ŋurupaiaŋ da. Tan dugon te bilaluŋ uyanan en dubol ilasa wan, ante dam kulob e pein emaiak igane yen niŋen o dubol ilasap, lo pein en niŋen o ilo sou digane wa.”

Judas Jesus ager adi banid lo igane san promis ipidinai a

Mat 26:14-16; Luk 22:3-6

¹⁰Agog Jesus san megeloum 12 an ilon lo tamol kisaek, yaŋan Judas Iskeriot, imasag pris gurman adi sad na yaug, Jesus ager adi banid lo igane wo ilon ago ibol dan irupidai a. ¹¹Ru an duloŋ go ilod uyanan a, ago tag in moni dupani wo ru dufuni a. Amaiak niŋen o nal an log ipalu, dal uyan ak ta ilep ate Jesus banid lo igane san niŋen o abaŋ yabi se ya.

Jesus saen wadan megeloum dida anaŋ diani a

Mat 26:17-25; Luk 22:7-14,21-23; Jon 13:21-30

¹²Bret yis aman tia yak san soubul gun, inŋsan nal malmalan lo, megeloum adi Jesus san na dupalu ya. Nal an san saen lo man Isrel adi Pasova san sipsip nanun dufu dumat san a. Megeloum Jesus san na dilasag dusumianig dubol, “Onsa ilo lo, dugon te maup melmel mukubinep oŋ ate Pasova san anaŋ wani wo ubol dak i?”

¹³An lo Jesus megeloum nuŋod uraru itarpasaig igo irupidai, “Aŋ aup taun tubun ak lo aladu wa. Ante man tamol ta you kapen anda isini ipalu dop iliaŋ a. Ago dop ŋien aban ari wa. ¹⁴Ab dugon te iladu wan, aŋ dam ilon lo asudap, ab taman igo abol arupei, ‘Girek Maŋau igo isumiaeŋ a, galuŋ dugomaiak lo, ate ŋaineŋ megeloum dida Pasova anaŋ mani wak i?’ ¹⁵Agop galuŋ tubun a ab fufo yen dan, agod ilon lo mel fidian dukubune lag idaisuda yen dan ikubiai panaŋ a. Ante idsad anaŋ akubune wa.”

¹⁶ Megeloum uraru an dal diabig taun tubun ak lo diau a. Ante mel fidian Jesus ibol ago mi dile ya, agog Pasova san anaŋ dukubune ya.

¹⁷ Gurai idu dugo Jesus iŋanen megeloum 12 dida dupalu ya. ¹⁸ Saen iŋ sisem tebol giranŋen na dumasig anaŋ diani dugo, Jesus igo ibol, “Ŋai rumok ŋurupaiaŋ da, tamol ta ete ŋai da anaŋ tani tumado den, iŋ ŋai ager adi banid lo iginiag ŋau a.”

¹⁹ Ru an duloŋ go ilod muruan idu ya. Agog iŋsed kisaek kisaek Jesus dusumianig dubol se, “Dugo ŋai tia i?” Ago ago dubol yau se ya.

²⁰ Jesus ru naon ibol, “Tamol en man megeloum 12 luluŋam lo imado da. Tamol nek a bret iŋanep daeg san tuor lo ŋai da sisem banima idu dan, nek amaiak ŋai ibilag pe ager banid lo ŋau a. ²¹ Tamol Nanun iŋ nek ibol ru buk lo iŋ niŋen o digire an, nek ago mi yau da. Ak gug tamol enti a Tamol Nanun iŋanep iŋanen ager adi sad tuod lo yau an, rumok iŋ muruan tubun kasik ak ile wa! An lo gidad tamol an san tinan ta igansi na tap, an iŋ o uyanan mok a.”

Jesus iŋ bret agod wain da iŋaneg megeloum ipidinai a

Mat 26:26-30; Luk 22:14-20; 1Kor 11:23-25

²² Aria, iŋ anaŋ diani dugo Jesus bret iŋaneg, Anut ilo uyan ru ipanig yafuteg, iŋanen megeloum ipidinai dugo ibol, “Aŋ aŋane, en man ŋaisag tinig.”

²³ Agog wain gab iŋaneg, Anut ilo uyan ipanig, iwae pidinaig, iŋ fidian lo duluk a. ²⁴ Agog iŋ irupidaig ibol, “En man kontrak san dar, tamolpein wei mi sad aupasek isuas o ŋuwali idu wa. ²⁵ Ŋai rumok ŋurupaiaŋ da, ŋai fon ai wain san nuŋon lo ta ŋaluk na wa, ago yaup nal amaiak ante ŋai fon aŋ da Anut san kagin panek aben lo taluk la gup ilasa wa.”

²⁶ Agog iŋ Isrel san bar ta diabig itout go galuŋ an dibiseig Did Oliv fo na disuda diau a.

Jesus Pita iŋ niŋen o itot ak ago ibol a

Mat 26:31-35; Luk 22:31-34; Jon 13:36-38

²⁷ Diau dugo Jesus iŋanen megeloum adi ru igo irupidai, “Gamu tidom nek en lo, aŋ fidian mi ŋai niŋeg o ilom idu yaup abisawag a. Man dugo, Anut san girek lo ru igo ibol,

‘Ŋai titianek tamol ŋufuni wa,

agop iŋsan sipsip adi dusol gidigheid diau a.’

²⁸ Ak man Anut ŋai ibiagsap fon ŋumasa la gup, ŋai aŋ naom na imug mi Galili na ŋau a.”

²⁹ Pita irupeig ibol, “Tamol fidian iŋ bo oŋ niŋe wo ilod idup dubusawo wak gug, ŋai man tia wa!”

³⁰ Jesus awan yabig ibol, “Ŋai rumok ŋurupaio da, gamu tidom nek en lo kurek saen uraru gamugo ibob dop, nal utol oŋ ŋai utot a.”

³¹Ak man Pita ru dabai ak nam irupeï, “Gidad, ñai oŋ da tamat bo man, ñai oŋ niŋe wo ta ŋatot na wa, tia geig a!” Ago dugo megeloum fidian mi nek ago mi dubol se ya.

Jesus Getsemani na igudani a

Mat 26:36-46; Luk 22:39-46

³²Ago man Jesus iŋ dida, aben ta yaŋan Getsemani dubol dan ate diau a. Ante iŋ megeloum adi irupidai, “Aŋ ente amasip amado dop, ñai titin onte ŋaup gudanek ŋigane wo da.” ³³Agog iŋ Pita, Jems agod Jon dida iŋal go diau a. Saen an lo iŋ fun iganeg ilon ipapao⁸ dugo ilon dam muruan idu se ya. ³⁴An lo igo irupidai, “Iŋai ilog tubun mi muruan dugo ŋamat o sumeik da. Aŋ gidad ete ñai da malad ipuk pe tumado wa.”

³⁵Ago dugo iŋ ipar kitek ilag, sen ibilig tan fo idug yen dugo Anut igudani man, isop Anut ilon tap, nal en san muruan ka ipasi pani wa. ³⁶Iŋ igo ibol, “Bai, ñai Tamag, oŋ mel fidian ka gane wo idaisuda ya. Oŋ gab en ñai banig lo ka pasi wa. Ak gug oŋ ŋaisag ilog ta uri na wa, tia, oŋ man oŋsina ilo mi uri wa.”

³⁷Agog iŋ iŋanen megeloum adi sad na ipalug, malan yaug dien dugo yil a. An lo iŋ Pita irupeig isumiani, “Saimon, en dugo, oŋ ŋioŋ wabi di? Oŋ auwa kisaek ñai da malad ipuk pe tumado san ta idaisuda na yak i?” ³⁸Oŋ mala ipuk dop mosiai a, man dugo, kabelan mel ta ikubiano san ipalup ilio banau. Rumok, ilo ibol dak gug tini dabai ama tia ya.”

³⁹Iŋ saen uraru imul yaug ago mi imosiai a. ⁴⁰Saen imul ipalu man ŋioŋ diabi dugo yil da ya, man dugo, malad muruan geig a. Iŋ ata ru durupeï san ta dulon na ya.

⁴¹Saen utol imosiai itout gug, megeloum adi fon sad na ipalug igo irupidai, “Aŋ ŋioŋ abi dugo yaes abal yau dak i? An nek a! Ale, ŋaisag saen idu wo da, Tamol Nanun aupasek tamol adi tuod lo digane san saen idu la ya. ⁴²Amasap, tau o da. Ale, tamol enti a ñai ager tuod lo isodudunag san man sumeik ipanad la ya!”

Ager tamol adi Jesus diabi a

Mat 26:47-56; Luk 22:47-53; Jon 18:3-12

⁴³Jesus iŋiŋeŋ go imado dugo Judas ipalu ya. Iŋ megeloum nuŋod 12 ak lulunad lo mi aben aman da ya. Iŋ ipalu dugo ida tumanek malan tubun ak iŋ sabiri agod tok dam duburoug naon na dilasa ya. Pris tutubu yak, kubiaeŋ san girek maŋau adi, agod Isrel adi sad tamol gurman didinaig dupalu ya. ⁴⁴Imug mi palaŋ niganag tamol a iŋ tuod lo igane san man, kob ta dam niŋen o igo irupidai, “Tamol a ñai musuk ŋupani dop ale wan, nek an Jesus, aŋ tamol amaiak abip yu tamol adi dulubanip

⁸ Ilon itau

diñanep dida diau a.” ⁴⁵Aria, iñ Jesus san na ipalu kisaek oñ go ibol, “O girek mañau” Ago ibol go musuk ipani a. ⁴⁶Agog iñ Jesus duparsikawig diabig dusbani a. ⁴⁷An lo man tamol ta iñ Jesus siñiren na itur an, sinan sabiri igursi go pris gurman san urat pinein ifunig, kududon ituteg idu ya.

⁴⁸Jesus iñanen ager adi irupidaig ibol, “En ata wo añ sabiri iñ ai tok da asinig aliag pe abiag o apalu yak i? Ak dugo, ñai man wagai adi gabman mabi idu san gurman igo woñ ago ilom isou di? Nal fidian ñai tempel aben lo ñumasi dugo ñupiteñanai se ya, ak gug añ ñai ta abiag na ya. ⁴⁹Ak man melmel en fidian ilasa san fun man, ru gubak mi Anut san buk lo digire yan gamu en nuñon ilasa wa.” ⁵⁰Agog megeloum adi fidian mi Jesus dubuseig dusol go diau a.

⁵¹Pinein ta, tinin yamel ta itabug oñ, Jesus ñien aban iri se ya. Saen Jesus san ager adi pinein en dile man, diabi wo duparsikawi a. Inñsan yamel diabi a, gug iñ yamel iragalig, banid lo ikisaluk ilasag, ⁵²yamel banid lo ibiseig taen kawan isol go yau a.

Jesus pris gurman naon na ru lo itur a

Mat 26:57-68; Luk 22:54-55,63-71; Jon 18:13-14,19-24

⁵³Tamol adi Jesus diabi an, diñaneg pris gurman san ab lo diau a. Ante man kubiaeñ san girek mañau adi, pris tutubui adi agod Isrel san gurman adi dutumani lag malan digane se ya. ⁵⁴Ak man Pita iñ Jesus ñien aban irig diau ak gug, iñ kitek asau mi imado ya. Inñ pris gurman san ar lo iladug ai katuk adi dida dumado ya. Tidom an madid niñen o yai lo tinid isue dugo dumado se ya.

⁵⁵Pris tutubui adi, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak tap, ate dufunip imat san dal ta dile wo dukubiai na ya. ⁵⁶Ak man tamol wei mi sewak ru amad da yan naod na dilasa bo man, dal ta dile man tia ya, man dugo, ru ta naon kisaek dubol ilasa man tia ya.

⁵⁷Agog tamol aenta dutur man Jesus tinin lo dusupaleg igo dubol, ⁵⁸“Mañ ru igo ibol dugo malonñ a. ‘Ñai tempel e tamol banid nam dususe yen ñurubep, nal utol lo mi foun ak ñabisa wa, an man tamol banid nam ta dususe na ya.’” ⁵⁹Gug dal sensen lo dam ru an dubol se ya, ru naon kisaek tia ya.

⁶⁰Ago dugo pris gurman iñ naod na itur dugo igo ibol Jesus isumiani, “Oñ ru naon ta ubol san tia yak i? Ru e oñ niñe wo tamol emaiak dubol den dugo yak i?” ⁶¹Ak man Jesus ru ta ibol man tia ya, itokubol itur se ya.

Agog pris gurman fon Jesus isumiani, “Dugo, oñ Kristus, Anut Nanun i?”

⁶²Ago man Jesus igo ibol irupeï, “Awo, ñai mi Kristus. Añ murna gup Tamol Nanun iñ Dabai Tubun Geig ak san banin won ak ate imasi dop ale

wa. Agod Tamol Nanun keit san timtaen fufu na imado dop ipalu wa, mel amaiak dam ale wa.”

⁶³Agog pris gurman, ru an niŋen o imasa saian go iŋanen kulos irasireg igo ibol, “Gidad, tamol taidam, tamol en san kagin niŋen o dubol ilasa san id ta tigiayi na wa. ⁶⁴Man dugo, gamu geig iŋanen ru lo Anut yaŋan irube idu yan aŋsem alon a. Aŋsam ilo sou lo, dugo won id tamol en niŋen o tiganane wak i?”

Iŋ fidian dubol ak, tamol en mel saian geig ak igane, an niŋen o ka imat on a. ⁶⁵Ago man iŋ Jesus naon fo na dulusu se ya. Aenta Jesus yamel nam malan dufoug banid nam dufuni dugo naon dugufute on dugo igo dubol se, “Profet ru ubol ilasa!” Ago dugo yu tamol adi tinin dusue ditare se ya.

Pita Jesus niŋen o itot a

Mat 26:69-75; Luk 22:56-62; Jon 18:15-18,25-27

⁶⁶Aria, Pita iŋ ab patun fo ar ilon lo imado dugo, pris gurman san urat pein ta siŋiren na ipalu ya. ⁶⁷Saen Pita yai giranen na tinin isue dugo ile man, malan ti ibol go irupeyi, “On dam Nasaret tamol amaiak ida amado na ya.”

⁶⁸Ago dugo Pita ru a pein ibol an niŋen o itot go igo ibol, “Ru on ubol dan ŋai ta ŋalon na ya, ŋai mel en niŋen o ŋiŋaon geig a.” Ago ibol go yaug ar san dalawan te imado.

⁶⁹Murna gug dalawan te imado dugo, urat pein an fon ileg niŋen o tamolpein sumeik dumado yan fidian irupidai, “Tamol en iŋ luluŋad lo imado se ya.” ⁷⁰Pita fon itot a.

Saen kitekan go tamol adi sumeik dutur an Pita durupeig dubol, “Rumok geig, on iŋ luluŋad lo mado da, man ata wo, on Galili tamol.”

⁷¹Agog Pita iŋ Anut misilanek ru ka ipani wan niŋen o ru naok ago yan lo, fun iganeg sen imisilanig igo ibol, “Ūai tamol en niŋen o abol den ta ŋalon na ya.”

⁷²Iŋ ru ibol itout dugo, kurek saen uraru ibob kisaek on a. Ago dugo Pita iŋ Jesus ru ibol an ilon isou a, “Kurek gamugo saen uraru ibob dop, saen utol ŋai ta ulon na yak ubol a.” Ago man iŋ ilon ipapaog tinaŋ tubun mi igane se ya.

Jesus diŋaneg, Pailat san na diau a

Mat 27:1-2,11-14; Luk 23:1-5; Jon 18:28-38

15 ¹Salso idu dugo pris tutubui adi, Isrel tamolpein sad gurman adi, kubiaen san girek maŋau adi, agod iŋaned Sanhedrin kaunsil fidian mi mel dugomaiak digane wo awad kisaek a. Agog Jesus banin dusubanig, diŋaneg, diaug Pailat banin lo digane ya.

²Pailat Jesus isumiani, “On Juda sad kiŋ ak i?”

Jesus ru naon irupeï, “Awo, oŋse nek ubol a.”

³Agog pris gurman adi ru wei kasik Jesus tinin dusupaleg dubol se ya. ⁴Amaiak niŋen o Pailat irupeig isumiani, “Uloŋ, iŋ ru sapita wei mi dupano da. Ak dugo, oŋ ru naon ta ubol san tia yak i?”

⁵Ak man Jesus ru naon ta Pailat irupeï man tia ya, an niŋen o Pailat ilo sou wei mi igane se ya.

Pailat Jesus aigim fo dibali wo ibol a

Mat 27:15-26; Luk 23:13-25; Jon 18:39–19:16

⁶Aria, anaŋar fidian, tumanek gun an san saen lo mi, iŋaned tamol kagin igo ya. Gabman san tamol malan te yak, subanek tamol kisaek o lian amaiak tamolpein yaŋan dupate dop, ipasip kawan imado wa. ⁷Saen an lo man tamol ta yaŋan Barabas iŋ wagai tamol aenta dida subanek lo dumado ya. Wagai tamol emaiak Rom gabman malan dusue wo dumasag ager diganeg tamol aenta dufu dumat a. ⁸Aria, tamolpein dutumanig dutur den Pailat san na duparsikawig dusumiani man, kagin a gubak mi iri na yan gamu en dam iri wa.

⁹Agog Pailat doup tubun adi isumianaig ibol, “Aŋ ilom dugo ibol di? Juda sad kiŋ ŋubuseip aŋsam na imul o?” ¹⁰Iŋ ilonŋ uyan ak man, tamol adi an iŋ turak susai lo mi Jesus diŋaneg kot lo dupalu ya. ¹¹Ak gug pris tutubui adi tamolpein dududuwai dugo ilod diabisa dop, iŋ Pailat duwagiŋ pe Barabas ipasi wo dubol a.

¹²Agog Pailat ibol isumianai, “Ago yak niŋen o aŋsam ilo sou lo, Jesus e aŋ Kristus abol den niŋen o ŋai dugo ŋigane wak i?”

¹³Agog iŋ disasai, “Aigim fo bali wa!”

¹⁴Pailat isumianai da, “An ata mel o? Iŋ ata mel saian ak igane yak i?” Ak man iŋ awad tubun mi geig disasai, “Aigim fo bali wa!”

¹⁵Man niŋen o Pailat doup tubun an ilo uyan ipidinai o ilon ago ibol ak niŋen o, iŋ Barabas iŋsad na ipasi a. Agog ru iganeg Jesus diabig rasau nam dufuni a. Dufuniŋ itout go iŋanen yu tamol adi banid lo aigim fo dibali wo igane ya.

Yu tamol adi Jesus kukok aman digane ya

Mat 27:27-31; Jon 19:2-3

¹⁶Agog gabman malan te yan san yu tamol adi, Jesus diŋaneg gabman san ab lo diau a. Ante man iŋ Pailat san yu sawar fidian mi dupalu wo digiai a. Dupalug Jesus san na dutumanig dubuluwi a. ¹⁷Iŋ yamel daran ak ta tinin fo na ditabug pani a. Ago dugo iŋ kam dudurun aman da yak, kiŋ san kitikat igo woŋ ditiladeg, Jesus kabuŋan fo na disisi idu ya. ¹⁸Agog iŋ kukok aman digane dugo igo dubol, “Per o, Juda sad Kiŋ!” ¹⁹Agog tinin fo dulusu se ya, ago dugo makud diŋaneg ate kabuŋan te dufuni idu se ya. Ago dugo naon na turud disoluwig, yaŋan diabisa dugo kukok aman

digane se ya. ²⁰Saen kukok aman digane itout man, yamel dupasig tinin fo injsiganen kulos digane pani a. Agog aigim fo dibali wo dijaneg diau a.

Jesus aigim fo dibali a

Mat 27:32-44; Luk 23:26-43; Jon 19:17-27

²¹Jesus dijaneg turenj diabig diau dugo, yu tamol adi dal na taun Sairini san tamol, yañan Saimon, dile ya. Inj man Aleksanda inj Rufus da sad tamad, abanj lubanek ibiseig dal Jerusalem na yau ante Jesus irinjani wo itor dugo, yu tamol adi dile ya. Inj disodudunig Jesus san aigim isini a. ²²Inj diaug aben ta lo dilasa, yañan Golgota. Yanjak an fun igo ya, “Kabunjak tatu san aben.” ²³Aben ante dilasag, marasin yañan mirr dubol dan wain da dukubulig Jesus iluk o dupani a, ak gug inj ta iluk na ya. ²⁴Agog inj Jesus aigim fo dibali a. Inj dibali itout go injsed nug ilon lo injsan kulos dibititip anen anen kulos dijaneg wo ate satu dukok se ya.

²⁵Ad mitilaen 9 kilok, saen an lo Jesus aigim fo dibali a. ²⁶Ru ate kot dupani an, aigim fufo na dubali a. Ru en san sutek man, En Juda sad Kirj. ²⁷⁻²⁸Agog Jesus giranjen na man, gumagam tamol wagai amad da yak nuñod uraru inj dam aigim fo dubalaig dusujanai a. Injsad aigim man turan tuon won ak ate dugo, turan tuon ñas ak ate duguni a. ²⁹Injanen ager adi diau dumul dugo nao futek ru wei mi tinin fo dubal dugo, kabunjad dukupari pani na ya. Inj dubol a, “Onj man tamol amaiak tempel ratitale idup, fon ad utol lo wabisa wo ubol a! ³⁰Aria, se patu ipaso wa, gamu en aigim biseip tan na udu wa!”

³¹Nek ago mi pris tutubui adi, kubiaenj san girek mañau adi dam, sed luluñad lo kukok an digane se ya. Inj dubol se, “Inj tamol aenta patud ipasi na yak gug, sen patun ipasi san man tia ya! ³²En man Kristus, Isrel sad Kirj. An niñen o inj aigim ibiseip idu dop, an lo id tile dop ka ilod lo rumok a.” Dal kisaek mi lo tamol uraru a Jesus dida aigim fo dusujanai an dam nao futek ru wei mi tinin fo dukulmaek se ya.

Jesus imat a

Mat 27:45-56; Luk 23:44-49; Jon 19:28-30

³³Ad mitilaen 12 kilok an lo, tidom tubun tan yafutani geig go yaug 3 kilok gurai isi a. ³⁴Saen kitek 3 kilok sumeik ipani dugo, Jesus awan tubun mi iwagiñ dugo ibol, “Eli, Eli, lama sabaktani?” Ru en fun igo ya, “Injaisag Anut, ñaisag Anut, en ata wo ñai bisawag ak i?”

³⁵Tamol aenta sumeikan dutur dan, ru en duloñ go ago dubol, “Alonj, tamol en man Elaija iwagi da.”

³⁶Ago dugo yu tamol ta inj imaspalu yau silatik onj go, mel ta beig san titalinj igo wonj ak injaneg, wain gigen an lo isominig, dumadam ate ifoug, Jesus awan te isou isudag iluk o iwate ya. Agog inj ibol, “Amoi dop id tile gup, nap Elaija ipalup aigim lo ipasip idu wo ipalu wak boi, nap tia boi.”

³⁷Agog Jesus awan tubun mi iwagiŋ go yaes ibal itout go imat a.

³⁸Saen nek amaiak lo mi, yamel tubun ak tempel lo iyuk yen an, o lak na fun iganeg imasireg yang tan na idu ya, agog uraru dilasa ya. ³⁹Saen yu tamol sad gurman Jesus naon na itur an, Jesus wagiŋ dugo ilonŋ, agod dal dugomaiak lo imat man, iŋ ibol, “Rumok geig, en man Anut Nanun!”

⁴⁰Pein adi aenta ate dumado se yan, asau mi dutur dugo leil digane ya. Luluŋad lo pein kisaek ta man taun Magdala san Maria, agod ta man Maria, Jems a bakan ak dubol dan iŋ Joses da tinadi, agod Salome. ⁴¹Pein adi an saen Jesus Galili ilon lo tureŋ yabi dugo dubunawi wo ŋien aban diri na ya. Pein aenta wei mi dam iŋ Jesus dida Jerusalem na dupalu yan luad disa dugo leil digane se ya.

Jesus san tubabun pat gubaran lo digane ya

Mat 27:57-61; Luk 23:50-56; Jon 19:38-42

⁴²Nal amaiak man yaŋan Kubunek Nal dubol da. (Nal tinin te ubou san nal.) Amaiak niŋen o saen gurai idu dugo, ⁴³Josef Arimatea san tamol, iŋ man Juda sad Sanhedrin kaunsil luluŋad lo tamol kisaek a, agod iŋ dam Anut san kagin panek ilasa wo malan igane se ya. Inŋen ilon yabisag Pailat san na yang Jesus san tubabun ipani wo isumiani a. ⁴⁴Saen Pailat Jesus imat la yan ilonŋ man, irut saian. Yu tamol sad gurman ipalu wo iwagi a. Iŋ ilasa dugo Pailat isumiani, “Dugo, Jesus imat la yak i? Tia, gamugo di?” ⁴⁵Yu tamol gurman an Jesus imat la yan irupe i a. Ago yak niŋen o Pailat Josef Jesus san tubabun ipani a. ⁴⁶Josef yang yamel ikokan foun geig ak idad a, agog yang Jesus san sisanun aigim fo ipasig, yamel an ate ibuluwig, isinig yau a. Agog mutou foun ak lo igane ya. Mutou an man pat san gib, gubak mi pat lo diabi a. Aria, Jesus san sisanun pat gib an ilon lo yen dugo, Josef pat muruan tinan ak ta ibili ipalug mutou awan ate ibalfutani a. ⁴⁷Ago dugo Maria, Magdala pein, agod Maria ta Joses tinan, nuŋod urarum Jesus dugon te digansig yen den leil dupani a.

Jesus fon kumaen imasa da ya

Mat 28:1-8; Luk 24:1-12; Jon 20:1-10

16 ¹⁻²Aria, ubou nal Sabat dubol dan itout go nal murna, ubou turan san nal malmalan ak, san salso sumeik idu se ya. Saen an lo taun Magdala san Maria, Maria ta iŋ Jems tinan, agod Salome, iŋ marasin uyan ak ate sisanun tinid dububuni wan diŋane diaug ate Jesus san sisanun dububuni wo mutou fun na diau a. ³Tureŋ diabi dugo iŋ nug dusumiani, “Enti mok pat tubun a mutou awan te yan ibilip yau panad ak i?”

⁴Mutou fun na dilasag malad diabisa man, pat tubun an dubulig yang, gigin na yen dugo dile ya. ⁵Saen pat gubaran ilon lo diladu man, malad

yaug pinein ta yamel milkouk di milaen ak igane yan dile ya. Inj pat gubaran titin won ak lo imasig imado se ya. Dile man durut go direr saian geig a.

⁶Agog inj irupidai, “Anj arut arer amoi. Anj Jesus Nasaret san tamol aigim fo dibali amaiak abanjaan abi da. Inj kumaen imasa ya! Inj ete man tia ya. Apalup, aben e diganeg yen en ale. ⁷Ago yak niŋen o amul aup, injanaen megeloum adi, Pita dida, bilaluŋ en arupidai a, ‘Inj imug mi Galili na yau dop anj apalu wa. Onte gup ale wa, nek ibol inŋsen gubak mi irupidai ak ago ya.’ ”

⁸Agog pein utol an dusuruwor dugo ilod ibarkikaruk saian geig a. An niŋen o pat gubaran dibiseig kuai te dilasag dusol go diau a. Inj ru ta tamolpein aenta lo mel an niŋen o ta dubol ilasa na ya, man dugo, inj direr geig a.

Magdala san Maria Jesus ile ya

Mat 28:9-10; Jon 20:11-18

⁹Aria, Jesus imasa yak san nal man, ubou turan san nal malmalan ama ya. Saen an lo inj imug mi Magdala san pein Maria, naon na kuai isi dugo ile ya. Wagam mi Jesus ur sisaiak 7 pein an tinin lo ikudaig diau ak ama ya. ¹⁰Pein an yaug, tamolpein a gubak mi Jesus dida tureŋ diabi na yan, ilod ipapao dugo ditata oŋ se yan inŋsad na ilasag mel dugo ilasa yan niŋen o irupidai a. ¹¹Ak gug saen Jesus kumaen imado dugo Maria ile man, ru ibol an niŋen o ilod rumok man tia ya.

Megeloum uraru dal te Jesus dile ya

Luk 24:13-35

¹²Murnag tamol uraru gubak mi Jesus niŋen aban diri na yan, Jerusalem lubanek ilon lo tureŋ diabi se ya. Dal im diau dugo, Jesus naod na ilasa man naon tinin sen geig, agog dida diau se ya. ¹³Tamol uraru emaiak dumul diaug aenta durupidai a, ak gug inj tamol uraru an dam ilod lo ta rumok na ya.

Jesus megeloum murnap ata digane wak niŋen o irupidai a

Mat 28:16-20; Luk 24:13-53; Jon 20:19-23; Apo 1:6-8

¹⁴Murna gug saen megeloum 11 anaŋ dunuai man, Jesus kuai isi dugo dile ya. Jesus ipidai a, man dugo, inj ilo rumok amad tia ya, agod ilod dabai geig ak oŋ inj tamolpein a Jesus kumaen imasa gug dile yan, inŋsad ru ilod lo rumok an niŋen o dumoi a.

¹⁵Jesus irupidai, “Anj amasap, tan fidian lo ator dop, tamolpein fidian mi ante dumado dan bilaluŋ uyanan en afulalep duloŋ a. ¹⁶Ensauta a ilod lo rumok pe suguek diŋane dan patu pasek diŋane wa. Ak gug ensauta a ilod ta rumok na yan kot lo diau dudup dideg diau a. ¹⁷Agod kulob naok

igo yan man, tamolpein a ŋai o ilod rumok dan dida diau a. Inj ŋai yanjag lo ur sisaik adi dukudaip diau ak, inj muroun ru sensen ak dijanep ate diŋiŋeŋ a. ¹⁸Injed banid nam mot wagai ak dubouro a. Inj marasin saiak ta tamol ifuni imat san ka duluk a, gug ta dumat na wa. Agod injaned banid subam adi tinid fo diganep uyadi da wa.”

Jesus kumaen panu na isuda yau a

Luk 24:50-53; Apo 1:9-11

¹⁹Tubun ak Jesus ru an fidian irupidai itout man, Anut inj injaneg isuda yang kumaen panu na ilasa ya. Ante man inj Anut san aben malan te banin won ak lo imasig imado da. ²⁰Agog injanen megeloum adi dufurak go, gidigidad diaug injanen ru dubol ilasa na ya. Agod Tubun en inŋen inj dida urat digane se ya, ago dugo kulob funfun kob aman da idiri dilasa yan lo tamolpein dile man, injanen ru man ru rumok a.

Luk

Luk girek en Tiofilas san na igane yau a

1 ¹O tamol tubun en Tiofilas, tamol wei mi memel a maŋ luluŋama lo nuŋon dilasa yan niŋedi wo digire la ya. ²Memel nek an, tamolpein a sed malad lo dil an durupaiamag malon a. Tamolpein en gubak mi ru en kagin dupani uyan se ya, agod ru dugo durupaiama na yan, ru nek an mi migire idu ya. ³Iŋaiseŋ mi memel an fidian, fun lo dilasag ipalu yan ŋupupi ŋile ya. An niŋen o ŋaisag ilo sou lo mel en uyanan a, ŋai gamu mel en fidian tet mi ka ŋigire pano wa. ⁴An lo dop memel a dipiteŋano yan sad fudi mok on ulon siŋaokan a, agod mel amaiak fidian rumok an dam ulon a.

Jon ilasa wak niŋen eŋel ta Sakaraia irupeia

⁵Saen Herod in Judea provins sad kiŋ imado dugo, pris ta dam imado se ya, yaŋan Sakaraia. In pris biatitek luluŋad lo a yaŋan Abaija dubol dan san tamol ta. In Aron san gugoi lo ilasa ya, iwon Elisabet dam in Aron san dar lo ilasa ya. ⁶Tamol an iwon da Anut malan lo itaot a, ago dugo in Tubun ak san kubiaen agod ru kagin an fidian duri dupani se ya, agod talpein ta inaned kagin an niŋen o ru ta ibol san tia ya. ⁷Ak man in nanuk amad tia ya. Man dugo, Elisabet in pein niganig, taida mi, uraru an mel saiak digane la ya.

⁸Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo in Anut naon na pris urat igane se ya. ⁹Aria, pris sad kagin lo, inanen urat kisaek adi dipiliani a. An lo in Anut san tempel lo iladup, ante alta san yai fo yaikas mumalum iwen siŋaokan dan igane wo, kob dupani a. ¹⁰Aria, yaikas an igane san saen ilasa dugo, tempel lo iladug ago igane se ya, ago dugo tempel patun fo tamolpein a ubou dile wo dutumani an gadiŋ digane se ya.

¹¹Saen nek an lo Tubun en san eŋel Sakaraia naon na ilasag, yaikas mumalun iwen dak san alta giranŋen won ak lo itur a. ¹²Saen Sakaraia eŋel an ile man, irut saian geig go irer a. ¹³Ak man eŋel an irupeig ibol, “Sakaraia, on urer umoi. Anut onsa gudanek ilon la ya. On iwo

Elisabet nanuk tamol ak ta igansi wa, ago dop yaŋan Jon ubol a. ¹⁴Inj oŋ ilo bulbal ipano dop oŋ ilo uyanan geig a. Agod tamolpein wei kasik inj ilasa yan niŋen o yousai digane wa. ¹⁵Man dugo, inj Tubun en malan lo tamol tubun ak imado wa. Inj wain, ayu naon sensen ak dam ta iluk na wa. Agod saen tinan igansi man, inj Awan Urgun iŋanep tinin iŋanefutep pempem ago imado wa. ¹⁶Inj Isrel luluŋad lo tamolpein wei kasik injiliaip, dida fon dumul pe iŋsad Tubun ak Anut san na diau a. ¹⁷Inj Tubun ak naon na imug pe dal ikubune wa. Elaija san ur lo, agod Elaija san dabai lo dam ago igane wa. Inj idiraip nanuk tamad dida ilod ibilisap, nug niŋen o dumat a, agod tamol silei ak ilod ibilisap, tamolpein itaot ak sad kankan milaen ak diŋane wa. An lo dop iŋsan urat an lo inj tamolpein ikubuniaip, Tubun ak ipalu wo malad diganep dumado wa.”

¹⁸Ago tag Sakaraia eŋel an isumiani, “Ŋai iwog da mel saiak migane ya. Dugo woŋ pe ru ubol an nuŋon ŋaloŋ ak i?”

¹⁹Agog eŋel an ru naon irupeig ibol, “Ŋai Gebriel. Ŋai Anut naon na ŋatur da. Anut sen ŋai idinag go, ru uyanan en ŋurupaio wo ŋupalu ya. ²⁰Ak man oŋ ŋaisag ru en ilo lo ta rumok na yak niŋen oŋ awa itaup mado wa. Ago mado yaup ru an nuŋon ilasa gup, awa ipuk pe, ŋiŋe wa. Ŋaiŋe ru iŋanen saen fo mi nuŋon ilasa wa.”

²¹Ago dugo tamolpein a kuai te Sakaraia dititianig dumado dan, ilo sou wei kasik digane dugo dubol, “Ata mel mok igane dugo saen milaen kasik imado di?” ²²Murnag tempel lo kuai te ilasa man, tamolpein ru irupidai san tia ya. Ago tag inj duloŋ ak, Sakaraia tempel lo malan ŋutun ile yan lo, iŋiŋeŋ san tia yak niŋen o, banin nam toutou igane se ya.

²³Aria, inj urat isini san saen itout go iŋsiganen ab lo imul yau a. ²⁴Murnag iwon Elisabet luan anda ya. An niŋen o kalam 5 ab lo imianuk imado se ya. ²⁵Ago dugo ibol, “Tubun en mel en igane panag a. Gamu inj ilon ipanag a, agod ŋaisag miai tamolpein naod na ipasi yau a.”

Jesus ilasa san niŋen o eŋel ta Maria irupei a

²⁶Elisabet luan andag kalam 6 yau dugo, Anut eŋel Gebriel idinig, Galili provins lo taun ta yaŋan Nasaret, atna yau. ²⁷Inj pein baras itaot ak ta san na yau a. Pein an yaŋan Maria. King Dawid malan kubulan ta yaŋan Josef dubol dan ŋien dupani a. ²⁸Gebriel iŋsan na yaug ibol, “Ilo uyan dop mado. Anut ipitiano dak, inj ilon ipano dak, inj oŋ da amado da.”

²⁹Maria ru an ilon go ilon weiwei dugo ilon lo ibol, “Ilo uyan ru naok ago yan fun dugo mok ak i?” ³⁰Ago tag eŋel irupeig ibol, “Maria, oŋ urer umoi. Anut oŋ o ilon uyan da. ³¹Oŋ lua ama dap, nanuk tamol ak gansip yaŋan Jesus ubol a. ³²Inj tamol tubun ak imado dop, Anut lak na geig an Nanun dubol a. Agop, Anut iganep inj kiŋ ilasap, tubun bagen Dawid imado yak ago mi imado wa. ³³Inj Isrel tamolpein pempem mi itirnaip imado wa. Iŋsan kagin panek wadan an itout san tia ya.”

³⁴Ago tag Maria enjel isumianig ibol, “Ijai tamol da gamugo mator da, an lo mel an dugo won ilasa wak i?” ³⁵Enjel an ru naon irupei, “Awan Urgun on lo idup, Anut lak na yan san dabai on ituano wa. An ninen o nanuk a mitep gansi wan gun a, agod tamolpein in Anut Nanun dubol a. ³⁶Ulon. On nibi Elisabet pein saiak bo man, in dam luan anda ya. Imug in niganig dubol na ya. Gug gamu in luan andad kalam 6 ibisei la ya. ³⁷Man dugo, Anut in lo man mel fidian pasauman a, ta muruan man tia ya.”

³⁸Ago tag Maria ru naon irupei, “Ijai Tubun en san urat pein mi a. Ago yak ninen o ubol dan ago naj lo ka ilasa wa.” Agog enjel an Maria ibiseig yau a.

Maria Elisabet ile wo yau a

³⁹Saen an lo, Maria bioun ikubuneg, Judea Provins lo panu ta tan bubun titinae ak ate ririan yau a. ⁴⁰Yaug, Sakaraia san ab ilon lo iladug, Elisabet ilo uyan ru irupei a. ⁴¹Saen Elisabet Maria san ilo uyan ru ilon man, inanen nanuk tinaen lo isokalik a, ago dugo Urgun ilon inaneftueg, ⁴²awan tubun mi ibol, “On pein fidian luluad lo Anut san bar inaneg mado da. Nanuk a on gansi wan in dam Anut san bar inaneg imado da! ⁴³Ijaineg Tamol Tubun ak tinar ilon ipanag go, naj iliag o ipalu ya. Ata wo bar an ipanag ak i? ⁴⁴Ulon, saen on naj rupaiag man tinage lo nanuk youn anda isokalik a. ⁴⁵On bar ama da mado da, man dugo, mel a Tubun en irupaio yan nunon ilasa wan ilo lo rumok go awan wabi a.”

Maria san bar

⁴⁶Agog Maria ibol:

“Ijai nutug Anut yan yan yabisa da,

⁴⁷agod inaneg ur Anut enti patug ipasi wan lo youn isa da.

⁴⁸Man dugo, naj pein kawan, yanag tia ya. Gug in naj o ilon isou a.

Gamu en, agod nal murnai san fidian, tamolpein fidian naj ineg o ago dubol a, ‘Pein en bar inaneg imado da.’

⁴⁹Man dugo, Enti a dabai fidian anda yan, mel tubun geig ak naj o igane ya.

Rumok, in yan gun a.

⁵⁰Inanen ilo munanek, tamolpein ensauta a in o direr dan ituanai da, tamolpein e gamu dumado den ituanai da, agod malad kubulan a murnap dilasa wan dam mi a.

⁵¹In tuon nam kulob dabdabai ak idiri dugo teil a,

Tamol sed bubed lo tutubu dubol dugo yanad diabisa dan irubai diau a.

⁵²Kin dabdabai an ibiai dudu dugo, tamolpein a yanad tia yan ibiaisa ya.

53 A dumatigen dan memel uyan uyan ak nam ifutuwaig ij luad ipuk a.

Ago dugo a filiad anda yan idinaig sen dilasag banid kawan diau a.

54 Injanen urat tamol Isrel ibinawai a,

ijanen ilo mujanek ikubiai pidinai an ilon ta ijaonj na ya.

55 Tia, ilo mujanek an ij Abraham ijanen malan kubulan dadi

pempem ikubiaip dile dop na wa,

nek ibol tubud baged wagam irupidai ak ago mi a.”

56 Aria, Maria Elisabet da kalam utol dumado gug, fon imul go sen naon na yau a.

Elisabet Jon igansi a

57 Elisabet nanuk igansi san nal idaisudag, nanuk tamol ak igansi a.

58 Tubun en Elisabet ilon imujanani an muroun muroun dulonj go ij dam youdi isa se ya.

59 Nanuk igansig nal 8 yau dugo, nanuk tinin sujulon dutute wo, taman waian diganep Sakaraia dubol o dupalu ya. 60 Ak man tinan imoig ru igo ibol, “Tia, yajan Jon tabol a.”

61 Agog ij durupeig dubol, “Ak man onj murou murou lulujad lo yajak ta ago man tia ya.”

62 Agog ij banid nam Sakaraia toutou dupanig, nanuk yajan ipate wo dusumiani a. 63 Ago tag Sakaraia banin nam toutou igane dugo tafel (slet) dupanig, fo nanuk yajan igire: “Ij yajan Jon.” Agog ij fidian durut saian a. 64 Gamu nam Sakaraia awan ipuk go fun iganeg inijnej dugo, Anut yajan yabisa ya. 65 Agog ab susumeik an abanj ago dileg, durut saian a. Ru an Judea ilon lo panu panu tamolpein fidian dulonj go, kubol en ninjen o diinjen se ya. 66 Tamolpein a fidian ru a dulonj an ilod weiweig nug dusumiani, “Ak dugo, nanuk an san madok murnap dugo wak i?” Ij kuai tem dile yak Anut anen tuon dabai nanuk an da ya.

Sakaraia san bar

67 Awan Urgun Jon taman Sakaraia ilon injanefuteg, ij profet ru en ibol a,

68 “Id Tubun en per tupani wa, ij mi Isrel san Anut.

Ij ipalug inisan tamolpein yil go idad injal a.

69 Ij tamol dabai ak ta, id patud ipasi san igane ilasa ya.

Tamol en man, inisan urat tamol Dawid san dar lo ilasa ya.

70 Wagam na mok inisan profet gun adi awad lo ru en ibol:

71 Ij idsad ager banid lo ipasad injiliad a.

Agod tamol a id lo siai digane dan tuod lo dam ipasad injiliad a.

72 Ij idsad tubud baged ilo mujanek ikubiai pidinai a.

Ago dugo inſan kontrak gun an niſen o ilon isou a.

73 Inſ idſad tubud baged Abraham ru promis en irupeig ibol:

74 Id ager tuod lo ipasad pe

id ilo urer tiap, inſan urat tigane wa.

75 Id ſaen fidian tan e lo tumado den lo,

iſ naon na kagin gun ak lo, agod kagin itaot ak lo dam ago tigane wa.

76 O ſai nanug, oſ Anut lak na geig ak ſan profet dubol a.

Man dugo, oſ umug pe Tubun en ſan dal kubune pani wa.

77 Inſanen tamolpein patu pasek ka diſjane wan, oſ maſjau en pidinai a,

Anut inſaned aupasek iſuas pidinai dan lo patud ipasi ſan duloſ fufeſ a.

78 Idſad Anut inſanen ilo muſjanek lo ago igane ya.

Inſan ilo muſjanek lo, iſ Nanun ad iſuda dak igo woſ kumaen panu nap idſad na ipalu wa.

79 Agop inſanen lilaman tamolpein a tidom tubun lo dumado dan, agod mateſj san mirau lo dumado dan dam, tinid iſapudade wa.

Agop maror ſan dal ikubiai panad pe fo tator a.”

80 Nanuk an itaibusig inſanen ſjutun lo dabai inſaneg imado se ya. Aria, iſ aben kawan ak lo imado yaug, inſan ſaen fog Iſrel tamolpein malad lo kuai te ilaſa ya.

Maria Jesus igansi a

Mat 1:18-25

2 ¹ Saen an lo Rom gabman gurman Kaisa Ogastas kubiaen ta igane ya. Tamolpein a tan fidian lo Rom gabman paen na dumado dan, yaſadi buk lo digire wo ibol. ² (Yaſa kubunek en malmalan a, ſaen Kwirinias iſ Siria san gurman imado yan lo ilaſa ya.) ³ Agog tamolpein fidian inſiganed fun panu lo yaſad dukubune wo diau a.

⁴ An niſen o Joſef dam Galili diſtrik lo panu ta yaſan Naſaret ibiſeig, Judea na panu ta yaſan Betlehem dubol dan te yau a. Aben an Kiſ Dawid san panu fun. Joſef iſ Dawid malan kubulan, amaiak niſen o iſ ante yau a. ⁵ Joſef iſ Maria ſjen dupani ak niſen o inſaneg ida diau a. Saen an lo Maria iſ luan anda la ya. ⁶ Betlehem na mi dumado dugo, Maria nanuk igansi san ſaen idu ya. ⁷ Agog nanuk matu tamol ak igansiſ, yamel nam ibuluwig, makau ab lo makau sad anaſ nuaen san kunup^a lo iganeg yen a. Man dugo, lou ab lo duſumiai ak man aben fidian awan iſa la ya.

Enel sipsip titianek tamol adi sad na ilasa ya

⁸ Tidom lo panu gigin te sipsip sad titianek tamol kuai te sipsip kagin dupidinai dugo, ⁹ Anut san enel ta sad na ilaſa ya. Anut san lilaman aban

^a Daeg tubun ak

isapudade yan dileg direr dugo dusuruwor saian geig a. ¹⁰Ak gug eñel an irupidaig ibol, “Arer amoi. Iñai ru uyan ak ñurupaiañ o ñupalu ya. Tamolpein fidian mitep ilodi uyanan geig a. ¹¹Tidom nek en lo Dawid san panu lo anñsam patu pasek tamol ilasa ya. Iñ man Kristus, anñanem Tubun a. ¹²Iñ ale san kob igo ya, au gup nanuk an yamel nam dubuluwig, makau sad anañ nuaeñ kunup lo yen dop ale wa.”

¹³Ago ibol man, gamu nam Anut san yu doup eñel adi malan wei mi kuai disig, eñel malan te yan ida Anut per dupani se ya. Ago dugo igo dubol,

¹⁴“Aben lak na geig ak lo, Anut girager anda yañan mabisa da. Ago dugo tan na, tamolpein ensauta a Anut ilon ipidinañ dan, iñanen maror ipidinañ a.”

Sipsip titianek Jesus dile wo diau a

¹⁵Saen eñel fidian mi dumul go kumaen panu na diau man, sipsip sad titianek tamol an sed nug durupeñ, “Betlehem na taup, mel e niñen o Tubun en irupaiañ en tile wa.”

¹⁶Agog ririan diaug, Josef iñ Maria da dil dugo, nanuk an dam makau sad anañ nuaeñ kunup lo yen dugo dile ya. ¹⁷Iñ nanuk dile la gug, ru a nanuk an niñen o eñel irupidañ an diñaneg panu susumeik an lo tamolpein durupidañ se ya. ¹⁸Ago dugo fidian a ru an duloñ man, durut saian go ilod weiwei se ya. ¹⁹Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya. ²⁰Agog sipsip titianek tamol an dumul go sipsip sad na diau se yan, Anut yañan diabisa dugo per dupani a. Man dugo, nek eñel irupidañ ak ago, mel a fidian ilasa yan, agod ru a fidian duloñ an dam, itaot ilasa dugo dile ya.

Jesus yañan digane ya

²¹Nanuk ilasag nal 8 yau dugo, nanuk tinin suñulon dututeg, yañan Jesus dubol. Maria gamugo luan anda dugo yañak an eñel ipalug Maria irupeñ ak fom dupate ya.

Simion iñ Ana da Jesus tempel lo dile ya

²²Moses san kubiaeñ ago ibol, pein enti nanuk igansip nal 40 yau dop iñ fon ikok ilasa da wa. Aria, Maria malan iganeg nal 40 yau itout go, Josef Maria da Jesus diñaneg Jerusalem na diau a. Ante iñ Jesus diñaneg Tubun en dupani wo diau a. ²³Man dugo, Tubun en san kubiaeñ lo ru igo digire ya, “Nanuk matu ak fidian man iñaned tinad tamad diñal diaup Tubun en dupani wa, an lo dop saen fidian Tubun en wagen lo gun dutor a.” ²⁴Kubiaeñ an ibol, “muluk uraru, tia tap, anakanak nanun uraru muluk oñ ak Anut yai gane pani wa.” Aria, Josef iñ Maria da kubiaeñ an dirig yai niganag naok an digane ya.

²⁵Aria, tamol ta Jerusalem na imado yan yaŋan Simion. Inj tamol itaot, agod Anut awan paen na imado ya. Anut Isrel tamolpein ibinawai san saen ilasa wo, malan iganeg imado se ya. Inj lo dam Urgun imado ya.

²⁶Gubak mi Awan Urgun irupeig ilonj ak, inj gamugo imat dop Anut anen Kristus ile wa. ²⁷Aria, gamu Awan Urgun iduduwig an lo tempel san ar lo iladu ya. Saen an lo Josef, Maria da Jesus diabig ru kagin a kubiaen irupidai an duri dupani wo dupalu ya. ²⁸Agog Simion Jesus ileg sinjren na yang ilatig Anut per ipanig igo ibol,

²⁹“Tubun en, oŋane promis ru gubak mi ubol paiag an gamu nuŋon gane ya.

Ago yak ninjen o rupaiag pe ŋai oŋane urat tamol tan en ŋibiseip, maror lo mi ŋau a.

³⁰Man dugo, ŋaiseg malag nam oŋane patun pasek tamol ŋile ya.

³¹Tamolpein fidian malad lo oŋ tamol en gane ilasa ya.

³²Inj sul oŋ ilasap imado dop gob adi ru inj ninjen o duloŋ pe ilod ilalaŋ a,

agod inj lo oŋane Isrel tamolpein yaŋak tubun ak diŋane wa.”

³³Nanuk an tinan taman ru e Simion ibol en duloŋ go durut saian a.

³⁴Agog Simion bar ipidinaig Maria irupeig ibol, “Anut gubak mi ilon igo yen a, nanuk en Isrel tamolpein luluŋad lo, wei mi dudu diau dop, aenta wei mi dam ibiaisa wa. Agod tamolpein wei mi nanuk an dile saian dop inj ninjen o ru saian ak amad da wa. ³⁵Inj tamolpein sad kankan imianuk an kuai te iganep fidian dile wa. Agod sabiri ta luon ak oŋane ŋutu isue wa.”

³⁶Aria, profet pein ta, yaŋan Ana, inj dam tempel lo imado ya. Inj Fanuel nanun pein, Asa san gugoi lo ilasa ya. Inj mel saiak geig a. Anaŋar 7 tamol ida dumado yau gug tamol imat a. ³⁷Agog pein suos imado yang san anaŋar 84. Inj tempel san tumanek aben ta ibisei na da. Tidom ad Anut yaŋan yabisa dugo igudani da. Saen aenta anaŋ geg iganep gudanek mi igane da. ³⁸Aria, Simion pein tamol an ru irupidai dugo, saen nek an lo Ana ipalug, inj dam Anut yaŋan yabisag, nanuk an ninjen o Jerusalem tamolpein ensauta a Anut ibinawai o malad diganeg dumado se yan irupidai a.

Josef Maria da Nasaret na dumul diau a

³⁹Jesus tinan taman mel fidian Anut san kubiaen ibol ago mi digane itout go fon dumul, Galili provins lo injsiganed panu Nasaret na diau a.

⁴⁰Agog nanuk italbusig tubun go, tinin dam dabai dugo kankan milaen ak inj lo awan isa geig a. Ago dugo Anut ilon tubun mi ipani na ya.

Jesus inj pinein foun tempel lo yau a

⁴¹Jesus tinan taman inj anaŋar fidian, saen Pasova san ad nane ilasa dan lo, Jerusalem na tumanek tubun an lo diau na ya. ⁴²Aria, Jesus san

anaŋar 12 dugo diŋaneg Jerusalem na diaug iŋaned kagin yen ago mi duri a. ⁴³Murnag Pasova ad nanek itout go fon dumul iŋsiganed na diau se ya. Jesus iŋ Jerusalem na imado yan, iŋanen tinan taman ta dulonŋ na ya. ⁴⁴Iŋ ilod lo Jesus tamolpein aenta luluŋad lo dadi diau dak dubol. An niŋen o adian kisaek dutor se ya. Agog gurai idu yan, turad muroud luluŋad lo Jesus abaŋan diabi a. ⁴⁵Gug kitek dile man tia tag Jerusalem na abaŋ diabi wo dumul a. ⁴⁶Nal utol abaŋan diabi ak gug, iŋ ta dile na ya. Ago gug tempel lo diladug dile ya. Iŋ Juda sad girek maŋau luluŋad lo imasig, ru a dubol na yan ilonŋ dugo, isumianai se ya. ⁴⁷Ago dugo fidian iŋsan niŋeŋ, maŋau, agod ru naon a irupidai an dulonŋ go, durut saian geig a. ⁴⁸Tinan taman abaŋ ago dile man dam durut saian go tinan irupeig ibol, “Bai, onŋ ata wo maŋ igo giniama yak i? Iŋai onŋ tama da iloma muruan kasik dugo, onŋ abaŋa mabi se ya.”

⁴⁹Ago tag Jesus ibol go isumianai, “Anŋ ata wo ŋai abaŋag abi se yak i? Iŋai tamag san ab lo ŋumado dak, an aŋ ta alonŋ na yak i?” ⁵⁰Ak man ru e irupidai den fun mok ta dulonŋ na ya.

⁵¹Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya. ⁵²Agog Jesus iŋanen tinin, agod iŋanen kankan ilonŋ san dam italbusig tubun a. Anut, agod tamolpein dam iŋ dipitiani na ya.

Jon Suguek san iŋ dal ikubune ya
Mat 3:1-12; Mak 1:1-8; Jon 1:19-28

3 ¹Taibirias Kaisa anaŋar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, iŋ tein Filip dam nek ago mi Iturea iŋ Trakonaitis ida kagin ipidinau dugo, Laisenas provins Abilene kagin ipani se ya. ²Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya. ³Agog Jon you Jordan giranŋen na aben fidian san tamolpein Anut san ru irupidai dugo itor se ya. Iŋsan ru malan te man igo ibol, “Tamolpein aŋanem aupasek patum apanip, ilom abileksap, apalup suguek aŋane wa. Ago tap Anut aŋanem aupasek isuas panaŋ a. Suguek man aŋanem ilom abilisa yan san kob.” ⁴Nek imug profet Aisaia san buk lo girek ibol ago mi gamu ilasa ya. Girek ago ibol,

“Tan kawan ak ate waginŋ ta ilasag ibol,

“Tubun en iŋanen dal akubunep itaot yen a.

⁵Tan ilokan an fidian atutumip awan isa wa.

Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

6 Ago dop tamolpein fidian inj patu pasek tamol a Anut idinip ipalu wan dile wa.’ ”

7Agog tamolpein wei kasik Jon san na suguek diñane wo dupalu dugo Jon naod ifuteg ipidai, “Anj mot nanun moroun! Enti Anut san tiñae saian mitep ilasa wan niñen o ru kagin ipanañ dugo asol dak i? 8Anj ilom ibilisa dak iri panim, kagin an san nuñon mok agane ilasa wa. Anj siñanem ilom lo igo ta abol na wa, ‘Abraham man mañ tamama ya, an mañ o idaisuda ya.’ Man dugo, ñai en ñurupaiañ itaot da, Anut ilon ibol tap man, pat e dien den ka iñal pe ibilisap Abraham nanun muroun mok oñ dilasa wa. 9Pilagis ai dabin lo yen la ya. Ai fidian a nuñod uyan uyan ta ifu na dan, Anut itarep yabi yaup inanaí yau a.”

10Tamolpein ru an duloñ tag dusumiani, “Mañ dugo migane wak i?”

11Agog ru naon irupidaig ibol, “Ta inj kulos uraru tap, neinta kulos aman tia yan ipani wa. Nek ago mi, ta inj anañ anda tap, inj dam ago mi igane wa.”

12Agog takis ñilañal tamol dam suguek diñane wo dupalug Jon dusumiani, “Girek mañau, mañ dam dugo migane wak i?”

13Agog Jon irupidaig ibol, “Anj tamolpein arawai dop sad moni subuñan kawan ak da ta añane na wa. Gabman sen ibol ago mi itaot añane wa.”

14Ago dugo yu tamol aenta dam dusumiani, “Mañ dam, en dugo migane wak i?”

Agog ru naon irupidaig ibol, “Anj tamolpein afu dan lo banid na moni ta añane na wa. Anj ru sewak lo dam iñsad moni ta añane na wa. Añanem urat naon dupanañ dan mi añ o idaisuda wak niñen ilom maror anda amado wa.”

15Tamolpein fidian mala nouk lo Kristus dititiani se ya, an niñen o bubed ilon lo Jon inj Kristus mok ago dubol dugo ilod weiwei se ya. 16Ago tag Jon irupidai, “Ñai you lo mi añ ñusuguañ da. Ak man tamol a ñai patug fo ipalu dan iñsan dabai ñaisag dabai iriñani geig a. Ñai man tamol kawan a, amaiak niñen o iñsan sendal san kam ñupasi san o yañag tia ya. Gug tamol en man Awan Urgun lo isuguañ a, agod Urgun an san yai nam ifulanañ a. 17Inj banin lo kon gilek lo idirai san biouñ yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anañ ab lo itumani wa. Ak man metmet adi man yai lo yabi yau a. Agod tamol ta yai an igane imat san tia ya.”

18Dal wei kasik lo Jon tamolpein bubed yabisa san ru ibol dop lo Anut anen ru uyan ak ipidinaí a. 19Gug Jon gabman gurman Herod san naok naok saian an ifulale yaug, tein san pein iñane an lo isuda tag, Herod tiñaen saian go Jon subanek lo igane ya. 20Ago igane an lo iñsiganen muruan a imug igane se yan muruan taidam ibate ya.

Jon Jesus isugui a

Mat 3:13-17; Mak 1:9-11

²¹Aria, Jon subanek lo gamugo digane dugo mel en ilasa ya. Nal ta tamolpein fidian suguek diñane dugo Jesus dam ipalug suguek iñane ya. Suguek iñaneg itout go Anut igudani se ya. Saen nek an lo kumaen panu san dalawan ipasig yen dugo, ²²Anut san Ur muluk oñ idug, iñ kabuñan fufo imasi a. Agog kumaen panu lo wagiñ ta idug, igo ibol “Oñ ñaineg Nanug, ñaineg bubeg mok, oñ niñe wo ñai ilog tubun mi uyanan da.”

Jesus anen tubun bagen

Mat 1:1-17

²³Jesus san anañar 30 dugo, urat fun igane ya. Tamolpein ilod lo iñ Josef nanun ago dubol se ya. Aria, yanjak e irig ipalu den iñ Josef san tubun bagen a. ²⁴⁻³⁸Eli, Matat, Livai, Melki, Janai, Josef, Matatias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Josua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Ebron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel, Kainan, Enos, Set. Set man Adam nanun, agod Adam iñ Anut nanun.

Satan Jesus ikubiani a

Mat 4:4-11; Mak 1:12-13

4 ¹Jesus Urgun buben iñanefuteg, you Jordan ibisei a. Agog Urgun iduduwig, tan kawan ak ate yau a. ²Nal 40 anañ tia imado dugo Satan Jesus naon ikubiani se ya. Saen an lo iñ anañ ta yani na ya, an niñen o saen an itout man imatigen saian.

³Satan igo irupeig ibol, “Oñ Anut Nanun tap, ubol dop pat en bret oñ ibilisa wa.”

⁴Jesus ru naon irupei, “Girek e buk lo yen den igo ibol, tamol bret lo mi ta kumaen imado na da.”

⁵Agog afon Satan Jesus iñaneg did lak na yak kabuñan fufo igunig itur dugo tan en san abañ fidian ikubiai pani kisaek oñ a. ⁶Agog irupeig ibol, “Iñaned dabai a ule dan, agod mel a girager anda yak fidian ule dan dam ñaisag. Ak niñen o tamol enti ñupani wo ilog ibol tap, ka ñupani wa. ⁷An niñen o oñ turu soluwig, ubou ag ule tap, ñai dabai ñupanop, mel fidian ule dan oñ kagin pani wa.”

⁸Ak man Jesus ru naon irupeig ibol, “Girek ta buk lo igo ibol, ‘Oñ Tubun en oñane Anut mi ubou an ule wa. Iñsen mi niñen o bigabeg urat gane wa.’ ”

⁹Agog fon Satan ijaneg Jerusalem na diaug, lak na tempel san nudun fufo igunig itur go irupe, “Oŋ Anut nanun tap, sokalik pe, tan na udu.

¹⁰Man dugo, girek ta buk lo igo ibol,

‘Iŋ ijanen enjel irupidai dop kagin dupano wa.

¹¹Banid nam disawo wa, kabelan pat oŋ nje ifini banau.’”

¹²Ago tag Jesus ibol, “Girek ta buk lo dam igo ibol, oŋ mel ta gane tap lo Tubun en oŋane Anut an bitinaek lo ta gane na wa.”

¹³Satan Jesus kubianek funfun lo igane tia tag ibiseig yau. Nal ta dop fon ile wa.

Nasaret na Jesus dile saian a

Mat 4:12-17; 13:53-58; Mak 1:14-15; 6:1-6

¹⁴Agog Jesus Urgun san dabai lo fon imul go Galili na yau. Agog yaŋan panu panu fidian lo yau se ya. ¹⁵Iŋ panu panu sad ubou ab lo ipiteŋanai dugo tamolpein fidian yaŋan diabisa se ya.

¹⁶⁻¹⁷Agog Jesus Nasaret na yau a. Wagam nanuk lo aben ante italbusi a. Iŋsiganen kagin iri panig, Juda sad ubou leil nal Sabat dubol dan lo yaug Nasaret adi sad ubou ab lo iladu ya. Agog Anut san ru isuti wo imasa yan, profet Aisaia san buk dupani a. Buk roun ifulaleg, ru en ileg isuti:

¹⁸“Tubun en san Ur ŋai lo imado da.

Man dugo, ŋai tamolpein kawan filiad tia yan,
ru uyanan ak ŋurupidaip duloŋ o ipilianag a.

Iŋ ŋai idinag go ŋupalu man, tamolpein ru igo ŋurupidai a:

a Satan isubanai an ŋai ka ŋupasaiŋ kuai te dilasa wa,

a malad itapul idu yan fon abaŋ ka dile wa,

a tamolpein sen ak banid lo muruan dile dan, ŋai iŋsad muruan
ŋigane itout a.

¹⁹Agod ŋai malak malak igo ŋurupidaip duloŋ ak,

anaŋar nek en Tubun ak ijanen ilo panek ikubiai pidinai o da.”

²⁰Agog Jesus buk ifutanig, biabi ŋilaŋal tamol ipani gug imasi a.

Tamolpein fidian ubou ab lo dumado dan malad ti ibol go Jesus dile se ya. ²¹Agog fun iganeg irupidai, “Ru nek e kududom ilonŋ en gamu geig nuŋon ilasa ya.”

²²Agog iŋ fidian dupitiani se ya, iŋsan ru duloŋ go iŋ njeŋ lo tamol ikawil an ak ago dubol go, durut saian dugo nug dusumiani se ya, “Dugo, an Josef nanun i?”

²³Agog Jesus irupidai, “Ŋai mel en niŋen o ilo uraru amag tia ya, aŋ ru faŋan en ŋai arupaiag o da, ‘Dokta, oŋse ikubinio gup! Kulob girager funfun a oŋ Kaperniam na gane yan san ru maloŋ a, gamu kulob naon kisaek oŋsigane fun panu lo dam gane wa.’”

²⁴Agog fon ru igo irupidai, “Ŋai rumok ŋurupaiŋ da, profet man iŋsiganen fun panu lo tamolpein iŋ dumoi da. ²⁵Mel en rumok a, profet

Elaija san nal lo Isrel pein wei mi suos dumado ya. Saen an lo man daded tubun a. Anajar utol kalam 6 ui tia ya. Ago dugo kadag tubun aben fidian yabig yen se ya. ²⁶Ak man Anut Elaija idinig Isrel pein suos ta san na yau man tia ya. Tia, inj idinig gob adi sad taun Saidon lubanek lo, panu Sarefat san pein suos ta san na yau a. ²⁷Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan luluḡad lo tamol kisaek yaḡan Neman, Elaija nek an mi ikubuneg uyan a.”

²⁸Tamolpein fidian ubou ab an lo ru en duloḡ go tiḡaed tubun mi saian a. ²⁹Ago tag dumasag, Jesus diḡaneg, aen damon fo dibilip idu wo tan bubun fo disuda diau a. ³⁰Gug banid lo ikisaluk ilasag, tumanek malan an titiḡae mi imul go ilon ibol ak lo yau a.

Jesus tamol ta tinin lo ur saian ikudi a

Mak 1:21-28

³¹Jesus Galili Provins lo panu Kaperniam na yau a. Atna Sabat nal lo yaug tamolpein iḡsad ubou ab lo maḡau ipiteḡanai se ya. ³²Iḡanen ru duloḡ man, tamol tubun yaḡan anda yak oḡ ipiteḡanai se yan niḡen o durut saian a.

³³Aria, ubou ab an lo tamol ta ur saian anda yak awan tubun mi iwagiḡ go ibol, ³⁴“Oḡ Jesus Nasaret tamol, maḡ dugo giniama wo palu yak i? Nag oḡ maḡ daoḡ panama wo palu boi a? Iḡai oḡ ḡaloḡ a. Oḡ Anut san tamol gun a!”

³⁵Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

³⁶Agog tamolpein fidian durut saian go, iḡsed diḡiḡeḡ dugo dubol, “Enso ru ta dabai anda ibol dugo ur saian saian awan duloḡ dugo dilasa diau di?” ³⁷An lo Jesus san yaḡan ifurak go panu panu yau.

Jesus Pita raon ikubune ya

Mat 8:14-17; Mak 1:29-34

³⁸Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak niḡen o, Jesus ibinawi wo dusumiani a. ³⁹Ago tag giraḡen na yaug, iyep go ru dabai nam subam an ikudi a. Gamu nam subam an ibiseig, pein an imasa kisaek oḡ go anaḡ ikubune pidinai a.

⁴⁰Gurai idu yan, tamolpein iḡsad panu lo subam amad da yak diḡal go, Jesus san na dupalu se ya. Agog inj banin tinid fo iganeg, fidian uyadi isusa ya. ⁴¹Ur saian saian dam tamolpein wei kasik dibisawai dugo duwagiḡ, “Oḡ Anut Nanun.” Ago tag Jesus nao futek ru nam ipidai dugo awad lo diḡiḡeḡ san ipadau a, man dugo, inj Kristus duloḡ a.

Jesus panu panu lo ru ibol se ya

Mak 1:35-39

⁴²Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus niŋen o abaŋ dile se ya. Saen iŋ dile man, kabelan ibisawaip yau banau dupurani wo digane se ya. ⁴³Ak man iŋ irupidai, “Ŋai ru uyanan e Anut san kagin panek niŋen o yan, panu aenta lo dam ŋufulale wa. Urat nek an niŋen Anut idinag go ŋupalu ya.” ⁴⁴Agog Judea ilon lo panu panu yaug iŋaned ubou ab lo Anut ru ifulale na ya.

Jesus megeloum iŋal o fun iganeg igiai a

Mat 4:18-22; Mak 1:16-20

5 ¹Nal ta Jesus Genesaret san you saltek aen te itur dugo tamolpein wei kasik Anut san ru duloŋ o dususag, nug tinin fo dutur se ya. ²Agog iŋ malan yau nag, wog urarum loŋ ate dien dugo yil a. Wog muroudi man loŋ na dob dufulanai se ya. ³Agog Jesus idug, wog ta lo isuda ya. An Saimon san wog. Agog Jesus Saimon irupe, “Wog kitek usoup tilasa.” Jesus wog fo imasig imado dugo tamolpein Anut san ru ipiteŋanai se ya.

⁴Ipiteŋanaig itout man Saimon irupe, “Wog ŋanep lasa waup, bet ak lo gup tura murou dadi dob arae.”

⁵Ago tag Saimon ru naon irupe, “Tubun en, tidom milaen maŋ urat wagai mok migane se ya, ak gug iy ta kisaek miŋane man tia ya. Ak man gamu oŋ ubol ak niŋen o awa mabip dob ka mirae wa.”

⁶⁻⁷Agog dob diraeg, iy wei kasik mok dob lo dusuda ya. Agog dob itout o igane tag, turad muroud wog neinta lo yan dibinawai o banid nam toutou diganeg dupalu ya. Agog wog urarum iy didiri awad isag disarir o dutoŋ. ⁸Saimon Pita abaŋ ago ile tag Jesus naon na turun isaluwig ibol, “O Tubun en, ŋai tamol saiag. Oŋ ŋai bisawag pe wau.” ⁹Iy wei mok diŋane an Pita turan dida dileg, durut saian ak niŋen o Pita ru an ibol a. ¹⁰Saimon turan muroun, Sebedi nanun urarum, Jems iŋ Jon da dam durut saian a.

Agog Jesus Saimon irupe, “Urer umoi. Oŋ gamu agod nal murnai san fidian oŋ tamolpein dideg diau dan ago mok uŋal a.” ¹¹Agog wog urarum durau isudag melmel fidian diabi idug yen dugo Jesus ŋien aban duri diau na ya.

Jesus tamol lepra aman da yak ikubune ya

Mat 8:2-4; Mak 1:40-45

¹²Jesus panu tubun ak ta lo imado dugo, tamol ta tinin lepra yafutani an ipalu ya. Iŋ Jesus ileg ŋien fo turun isaluwi idug, imosiaig ibol, “O Tubun en, oŋ ilo ibol tap, ŋai binawag pe fon tinig uyan ilasa da wa.”

¹³ Jesus ru an ilon go banin iwateg isupuri dugo irupe, “Ubol agom naji ilog ago yen da, on yua lasa.” Agog tamol an tinin uyan ilasa kisaek on a. ¹⁴ Ago dugo Jesus ru dabai nam irupeig ibol, “Kulob ilasa yen niyen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan njanep Anut yai gane pani. An lo dop tamolpein dulon ak onane subam itout a.”

¹⁵ Jesus kulob igane yan san ru panu panu yaug, tamol wei kasik inisan ru dulon o dususa se ya. Subam amad da yak ikubuniai o dam dupalu se ya. ¹⁶ Ak man Jesus saen wei mi ibisawaig, aben yoitout ak ate yaug igudani se ya.

Jesus tamol ta njen banin tubabun ak ikubune ya

Mat 9:1-8; Mak 2:1-12

¹⁷ Jesus nal ta tamolpein ipitejanai dugo, Farisi in kubiaen san girek manau Judea provins lo, Galili Provins lo panu kititik an fidian, agod Jerusalem na yan dam dida dumado ya. Anut san dabai Jesus san kubunek urat igane yan lo yen a. ¹⁸ Agog tamol ta njen banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein wei kasik, an lo man diladu san ta isuda na ya. ¹⁹ Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein luluqad lo imado dugo naon na idu ya.

²⁰ Jesus inisad ilo rumok ile tag tamol an irupe, “O turag, naji onane aupasek fidian nupasi yau la ya.”

²¹ Ago tag kubiaen san girek manau, in Farisi dadi kankan dijaneg ilod lo mi igo dusumiaen, “Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi in dabai anda ya.”

²² Gug Jesus inisad ilo girek fidian ilon pasi ak niyen o ru naon igo ibol irupidai, “An ata wo kankan ago agane dak i? ²³ Ata mel pasauman ak i? Aria, naji igo nabol, ‘Onane aupasek nupasi yau wo?’ Tia, ‘Masap kapal wabisap utor o?’ ²⁴ Gug kulob e nigane en lo naji, Tamol Nanun, tan en lo Anut wagen lo aupasek ka nupasi yau amaiak alon o ...” saen ago ibol man, tamol a njen banin itubabun an irupe, “On masa utur pe onane kapal njanep onsigane na wau.” ²⁵ Agog tamol an naod na imasa itur go, inisan kapal isinig, Anut yanjan yabisa dugo, siganen ab lo yau a. ²⁶ Tamolpein fidian durut saian geig go Anut yanjan diabisa ya. Ilod irut dugo tinid inane futeg igo dubol, “Gamu man kulob senamo geig mok mile ya.”

Jesus Livai iwagi a

Mat 9:9-13; Mak 2:13-17

²⁷ Ago gug Jesus ab an ibiseig yaug, takis nilanal tamol, yanjan Livai, urat ab lo imado dugo ile ya. Agog Jesus irupe, “Injeg aban uri.” ²⁸ Ago tag Livai mel fidian yabidug dien dugo, Jesus njen aban iri a.

²⁹Livai Jesus niŋen o soubul tubun ak iŋsan ab lo igane ya. Doup lulunaŋ lo takis ŋilaŋal tamol wei kasik agod tamol aenta dam dususag, dida anaŋ diani se ya. ³⁰An niŋen o Farisi, iŋ Farisi sad kubiaeŋ san girek maŋau dida Jesus san megeloum naod na duŋurnŋur go dusumianai, “En ata wo aŋsam girek maŋau takis ŋilaŋal, agod aupasek tamolpein dida sisem anaŋ diani dak i?”

³¹Agod tag Jesus ru naon irupidaig ibol, “Tamolpein a uyadi ak dokta san na ta diau na wa, tia, tamolpein subam anda yak mi diau a. ³²Man dugo, ŋai tamolpein a itaot adi dubol dak ŋigiaip dupalu san niŋen o ta ŋupalu na ya, tia, aupasek tamol adi mi ŋigiaia o ŋupalu ya.”

Kagin imug ak, foun ak da

Mat 9:14-17; Mak 2:18-22

³³Tamolpein aenta Jesus igo dubol durupeia, “Jon san urat pinein nal kadi anaŋ geg diganep, gudanek mi digane da. Farisi sad megeloum dam ago digane da. Gug oŋsa megeloum man diani duluk oŋ da.”

³⁴Agod tag Jesus ru faŋan en irupidai, “Ak dugo, tamol ta pein iŋane dop, turan muroun aenta dupalup, dida dumado dop anaŋ o waliŋ igane wak i? Tia geig a. Iŋ youd isap, dida ilo uyan lo mi dumado wa. ³⁵Gug murnap saen idu gup, tamol an dupasi wa. Nal an lo, iŋ anaŋ waliŋ digane wa.”

³⁶Agod Jesus ru faŋan taidam irupidaig ibol, “Tamol ta iŋ yamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, iŋ yamel kilaken foun an daoŋ ipani wa. Taida mi, yamel kilaken foun an iŋ kulos wagam an ida naod kisaek tia ya. ³⁷Agod tamol ta iŋ wain foun ak iŋanep, bilelek suŋulon wagam ak lo ta iwali na da. Iŋ ago igane tap, wain foun an bilelek suŋulon wagam an ikafut yaup ipuk pe, ikulmaek, tan na idup, bilelek suŋulon dam daoŋ ipani wa. ³⁸Wain foun ak tap, bilelek suŋulon foun ak lo iwali wa. ³⁹Agod tamol wain wagam ak iluk dan wain foun ak imoi da. Ago dop ibol a, ‘Wagam en mi uyan a.’”

Jesus man ubou nal yaŋan Sabat dubol dan san muroun

Mat 12:1-8; Mak 2:23-28

6 ¹Ubou nal ta lo Jesus kon san abi ilon lo itor se ya. Ago dugo iŋsan megeloum dimatigen, an niŋen o iŋ kon nuŋon aenta dufunig banid nam dufufari yau dugo nuŋon diani se ya. ²Ak man Farisi aenta dubol, “Enta wo aŋ urat a Sabat nal lo tigane san niŋen o idsad kubiaeŋ ipadau amaiak agane dak i?”

³Agod man Jesus ru naon irupidaig igo ibol, “Nag mel e Dawid igane yen ta asuti na ak i? Iŋ iŋanen turan muroun dida kadag san saen lo anaŋ o dumat go, ⁴Dawid Anut san ab lo iladug, bret a Anut naon na didirig

dien an isinig, ijanen yu tamol adi dida diani a. Bret an tamolpein fidian lo geg a, nek Anut san pris mi diani wa.”⁵ Agog irupidai, “Tamol Nanun man iñsen Sabat nal an muroun.”

Jesus Sabat nal lo tamol banin saian ak ikubune ya

Mat 12:9-14; Mak 3:1-6

⁶Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipitejanai se ya. Tamol ta banin saian ak dam saen an lo imado ya. Banin won ak ikurñak a. ⁷Kubiaej san girek mañau iñ Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal abañ dilep lo Jesus ru dupani wo ilod ibol se ya. ⁸Gug Jesus iñsad ilodi an ilon tag, tamol banin saian an irupeï, “Oñ masap, titiñae mi utur.” Ago tag imasag yang titiñae mi malad lo itur se ya. ⁹Agog Jesus girek mañau iñ Farisi dida isumianai, “Idsad kubiaej dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibunawi wo? Tia, ta daonj tupani wak i?” ¹⁰Agog Jesus tamol an fidian yil ilubanai ak gug ru naon tia tag, tamol an irupeï, “Bani wate.” Tamol an ago iganeg, banin gamu nam uyan ilasa ya.

¹¹Ak man iñ tijaed tubun mi saian go, enso muruan ta Jesus dupani san niñen nug lo diñiñej se ya.

Jesus aposel 12 ipilianai a

Mat 10:1-4; Mak 3:13-19

¹²Murnag nal ta lo Jesus igudani wo did fo yau a. Tidom milaen igudani dugo yang salso idu. ¹³Tidom lom iñanen megeloum igiaig dupalu ya, agog 12 ipilianaig yañad aposel^b ibol a. ¹⁴Iñ yañadi igo iri a: Saimon yañan neinta Pita ibol, iñ tein Andru, Jems iñ Jon da, Filip iñ Batolomiu da, ¹⁵Matyu iñ Tomas da, Jems, Alfias nanun, Saimon, yañan neinta “Rom sad ager tamol” dubol da, ¹⁶Judas, Jems nanun, agod Judas Iskeriot. Mitep tamol an Jesus ager banid lo igane wa.

Jesus iñ tamolpein wei mi ikubuniaig uyadi a

Mat 4:23-25; Mak 3:7-12

¹⁷Murnag Jesus iñsan megeloum dida dudug, tan aten fo dutur se ya. Tamolpein wei mi dususag Jesus fun na dutur dulubani a. Agog tamolpein malan tubun, Judea provins lo, Jerusalem na, gob sad taun uraru Taia iñ Saidon da sad loñ na yan dam dususag dutumani a. ¹⁸Jesus san ru duloñ dop, subam ad da yak dam ikubuniaï o dupalu ya. Tamolpein ur saian ad da yan ikubuniaï se ya. ¹⁹Dabai iñsan na ipalug

^b Yañak an fun: Anut awan ñanep wau.

tamolpein ikubuniaig uyadi an lo, tamolpein wei kasik tinin dusupurip uyad dilasa wo sijiren na dupalu se ya.

Bar ij muruan da

Mat 5:1-12

²⁰ Jesus ijanen megeloum lo leil igane dugo ibol,

“Aᅇ a mel amam tiag amado dan, bar aᅇaneg amado da.

Man dugo, Anut san kagin panek man aᅇanem mok a.

²¹ Aᅇ a gamu amatigen dan, bar aᅇaneg amado da.

Man dugo, murnap aᅇ luam ipuk a.

Aᅇ a gamu tinaᅇ abi dan, bar aᅇaneg amado da.

Man dugo, murnap aᅇ asel a.

²² Saen Tamol Nanun niᅇen o diliᅇ saian dop,

dukudaᅇ dop, kukok am digane dop, aᅇanem yaᅇam saian ago

dubol dan niᅇen o diabianaᅇ dan,

aᅇ bar aᅇaneg amado da.”

²³ “Saen an lo yousai lo asokalik dop ilo uyan am da amado, man dugo,

aᅇanem naon a Anut ikubune lag kumaen panu na yen dan man tubun

geig a. Nek muruan naon kisaek mi iᅇaned tubud baged profet adi a imug

dumado yan dupidinaᅇ se ya.”

²⁴ “Gug aᅇ filiam am da yan kagin agane wa.

Man dugo, tan en lo mi madok uyan ak aᅇane ya, murnai san tia ya.

²⁵ Aᅇ a gamu luam ipuk dan kagin agane wa.

Man dugo, aᅇ murnap amatigen geig a.

Aᅇ a gamu asel dan kagin agane wa.

Man dugo, murnap aᅇ ilom ipapao dop tinaᅇ aru agane wa.

²⁶ Aᅇ a tamolpein yaᅇam diabisa dan kagin agane wa.

Man dugo, iᅇ tubud baged wagam profet sewak adi niᅇedi wo ago

mok digane na ya.”

Ager ilod tupidinaᅇ san kagin

Mat 5:38-48; 7:12

²⁷ “Aᅇ a ᅇaisag ru aloᅇ dan ᅇai igo ᅇurupaiaᅇ da. Aᅇanem ager niᅇedi

wo amat a. Ta iliaᅇ saian tap, aᅇ iᅇ ale uyan dop kagin uyan ak mi iᅇ o

agane wa. ²⁸ Ta imisilanaᅇ tap, bar uyan ak mi apani wa. Ta naom ifute

tap, iᅇ niᅇen o Anut agudani wa. ²⁹ Ta kudaᅇam igufute tap, abilisap

aenta dam ka igufute wa. Ta aᅇsam madid san kulos milaen ak iᅇane tap,

alefuni dop siot dam ka iᅇane wa. ³⁰ Ta aᅇsam mel ta wo igod tap, apani.

Go ta aᅇsam mel iᅇane tap, mel an ipanaᅇ imul o ta agudani na wa.

³¹ Kagin uyan ak aᅇ lo digane wo amat dan, ago mi iᅇ lo agane wa.”

³² “Ak dugo, tamolpein a oᅇ niᅇ wo ilod dupano dan mi ilo pidinaᅇ

tap, Anut naon uyan ak ta ipano wak i? Tia geig a. Man dugo, aupasek

tamol adi dam kagin nek ago mi digane na ya. ³³Tia dugo, tamolpein a oŋ dibinawo dak mi binawai tap, an lo dugo woŋ naon ule wak i? Tamol saiadi ak dam ago digane da. ³⁴Tia dugo, oŋ tamolpein a mel naon dupano wak aloŋ dan mi mel pidinai tap, an lo dugo woŋ naon ule wak i? Tamol saiadi ak dam nug mel dupani dop, naon dam ago mi diŋane da. ³⁵Gidad. Aŋanem ager ilom ipidinaip, kagin uyan ak mi iŋ lo agane wa. Ta mel apani tap, naon ipanaŋ o ta abol na wa. Ago agane tap, murnap naon tubun ak aŋane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a iŋsed mi wo ilo sou digane dan dam, ilon ipidinai da. ³⁶Ago yak niŋen o nek ibol Bai Anut aŋ ilon imuŋanaŋ dak ago mi, aŋ dam tamolpein aenta ilom imuŋanaŋ a.”

Aenta abitiniai san kagin

Mat 7:1-6

³⁷“Oŋ tamolpein aenta bitinaek lo ta giniai na wa, an lo dop Anut dam oŋ bitinaek lo ta iginio na wa. Oŋ muruan niŋen o tamolpein aenta biaŋ dudu umoi, an lo dop Anut dam ta ibio udu na wa. Tia, iŋsad aupasek ilo iŋaŋ a, an lo dop Anut dam oŋane aupasek ilon iŋaŋ a. ³⁸Tamolpein mel pidinai tap, Anut dam nek ago mi ipano wa. Tubun mi pidinai tap, Anut dam tubun mi ipanop, awan isa wa. Tou sapta a pidinai dan, tou naon kisaek mi iŋane wa.”

³⁹Agog Jesus ru faŋan en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa. ⁴⁰Talpein a maŋau iŋane dan, iŋsan girek maŋau ta iriŋani na da. Ak man saen maŋau iŋane itout dop maŋau iŋ lo awan isa man, iŋsan girek maŋau igo ilasap imado wa.”

⁴¹“Dugo woŋ go metmet samun ta tei malan lo ule gug oŋsigane mala lo ai lapan yen an ta kubiani na yak i? ⁴²En dugo woŋ tei rupeip ubol, ‘Gane dop metmet samun an mala lo yak ŋpasi yau,’ dugo oŋsigane mala lo ai an nal fidian mi ago yen di? Oŋ bale uraru ama, imug mi sigane mala lo ai lapan an pasi gup, lo abaŋ ka ule uyanan dop, lo tei malan lo metmet samun an pasi yau a.”

Ai iŋanen nuŋon da sad ru faŋan

Mat 7:16-18; 12:33-35

⁴³“Ai uyan ak iŋ nuŋon ta ifu saian na da. Nek ago mi ai saian ak dam nuŋon ta ifu uyan na da. ⁴⁴Ai fidian nuŋod lo mi taloŋ da. An ai uyan dugo an ai saian ak tabol da. Tamolpein ai gurab nuŋon yuk dudurun anda yak fo ta diŋane na da. Wain nuŋon dam ai saian dudurun anda yak fo ta diŋane na da. ⁴⁵Tamol uyan ak iŋ mel uyan uyan ak tinin ilon lo itumanai an lo kagin uyan uyan ak mi iŋal dop an idirai dilasa wa. Ak

man tamol saian ak ij mel saiak saiak tinin ilon lo itumanai an lo kagin saian saian ak mi iñal dop an idirai dilasa wa. Man dugo, kagin saian ak boi, uyan ak boi, tamol ilon iñanefute yan iñanep awan lo ibol ilasa wa.”

Ab bek kankan milaen ak anda, agod ab bek kankan an tia ya

Mat 7:24-27

46“Anj ata wo ñai niñeg o ‘O Tubun en, O Tubun en’ abol dugug ñai awag ta abi na di? 47Tamol enti ñaisag na ipalug awag ilonj go awag kagin ipani dan ij fun igo: 48ij nek ibol mañau tamol ab yabi wo dugo bag san gib kuror mi yabig, pat nam bag fun isue sakar ak igo wonj a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. 49Ak man talpein ru e ñabol den ilonj gug awag kagin ta ipani na dan, ij man nek ibol ñiñeo tamol igo ya, iñanen ab yabi wo dugo gib ta yabi nag, lul fufo mi yabi ak igo wonj a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinjek man saian geig a.”

Rom san yu gurman Jesus ilon lo rumok a

Mat 8:5-13

7 1Jesus ru en tamolpein irupidai itout go, imasag, Kaperniam na yau a. 2Atna Rom san yu gurman ta san urat pinein subam saiak ta iñaneg imat o sumeik a. Urat pinein an niñen o tubun mi imat da. 3Agog Rom san yu gurman Jesus imado dan ilonj tag, ij Juda matu gurman aenta idinaig diau a. Jesus durupeip ipalup, iñanen urat pinein ikubunep uyan o ibol. 4Ago tag ij Jesus san na diaug, maeg nam dumosiaig durupeip, “Onj mel en gane pani san ij idaisuda ya. 5Man dugo, ij idsad Juda dar niñedi wo imat da, agod mañsama ubou ab dam isuse panama ya.” 6Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, ij awan aban Jesus durupeip, “O Tubun en, tureñ ifuno umoi. ñaisag ab lo ladu san ñai ta idaisuda na ya. 7Agod onsa na ñupalu san o dam yanag tia ya. Ru mi ubol dop lo ñaisag urat pinein uyan isusa da wa. 8Man dugo, nek onse onj ñai dam tamol aenta waged lo urat ñigane da, agod ñaisag yu tamol adi paeg na dumado da. Saen ñai yu tamol ta ‘wau’ ñabol tap, ij yau a. Tia, tamol ta ‘palu’ ñabol dop, ij ipalu wa. Tia, ñaisag biabi ñilañal ñurupeip ‘en gane’ ñabol dop, ij igane wa.”

9Jesus ru an ilonj man, irut saian geig a. Agog idañsag tamolpein a ñien aban diri se yan irupidai, “Rumok geig ñurupaiñ da, tamol ilo rumok naok igo yak ta Isrel ilon lo ñile man tia ya.”

10Agog yu gurman iñanen turan dumul go ab lo diau man, urat pinein an uyan isusag imado dugo dile ya.

Jesus pinein imat ak ta ifufunig kumaen imasa ya

¹¹Murnag Jesus panu ta yanjan Nein dubol dan te yau a. Inſan megeloum, agod tamolpein wei mi mok dam dadi diau a. ¹²Panu an san dalawan sumeik dupani dugo, tubabun ta disinig dupalu se ya. Tamol imat an in pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya. ¹³Saen Tubun en pein an ile man, ilon tubun mi imuſani tag irupeſi, “Tata umoi.” ¹⁴Ago dugo Jesus yaug, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupeſi, “Pinein en, űai űurupaio da, oű masa!” ¹⁵Agog tamol imat an fon kumaen imasag fun iganeg ininűeű se ya. Jesus pinein an inaneű tinan ipani a.

¹⁶Agog tamolpein fidian tubun mi durut go, Anut yanjan diabisag, dubol, “Profet tubun ak ta id luluűad lo ilasa ya.” In dubol, “Anut inanen tamolpein yil o ipalu ya.” ¹⁷Kulob e Jesus igane yen san ru Judea ilon lo ifurak go, aben an sad panu panu lo yaug fidian duloű a.

Jon Suguek san Jesus ninűen o ilon weiwei a

Mat 11:2-19

¹⁸Jon san megeloum kulob fidian Jesus igane se yan dile tag, Jon san na diaug durupeig ilon a. ¹⁹Ago man Jon megeloum nuűod urarum igiaig irupidai, “Aup, Tubun en igo asumiani wa. Tamol a ipalu san ninűen o maű malama migane dan, oű tamol nek amaiak i? Tia, maű tamol sen ta ipalu san ninűen o mala nouk mumado wak i?”

²⁰Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san ninűen o maű mala nouk mumado dan, oű tamol nek amaiak i? Tia, maű tamol sen ak ipalu san ninűen o mala nouk mumado wak i?”

²¹Saen nek an lo, Jesus subam adi wei mi ikubuniaſi dugo, a ur saian ad da yak ur saian ikudai diau dugo, a malad itapul ak idiraig fon abaű dile se ya. Ago dugo ru sinek tamol adi kulob an fidian dile se ya. ²²Agog Jesus ru naon irupidai, “Amul aup mel dugo ale dugo, ru aloű na yan dam Jon arupeſi ilon a: malad itau ak afon abaű dile dugo, űied saian ak afon tureű diabi dugo, a tinid lepra amad da yan tinid űiűaokan dilasa ya. Kududod itau ak afon ru duloű dugo, a dumat ak kumaen dumasag dumado dugo, agod tamolpein mel amad tia yak bilaluű uyanan ak űufulale pidinaſi dugo duloű da. ²³Agod talpein a űai o ilon ta saian na yan, in Anut san bar inane wa.”

²⁴Jon san megeloum dumul diau dugug, Jesus Jon ninűen o tamolpein irupidai o fun iganeg igo ibol, “Saen aű aben kawan talpein tia yak ate au an, aű ata mel mok ale wo au ak i? Nag aű tim ifurep war iwi yau imul dop ale wo au boi ak i? ²⁵Tia tap, ata wo au ak i? Nag aű tamol ta tinin kulos naon lak na geig

ak idiri amaiak ale wo au ak i? Tia, tamol a biouŋ naok ago yak didiri duman, iŋ kiŋ sad ab lo mi dumado da. ²⁶Ak niŋen o ata mel mok ale wo au ak i? Nag profet ale wo boi i? Awo, ŋai nek amaiak niŋen o ŋurupaiaŋ da, profet en man rumok iŋ profet a, ak gug iŋ urat subaŋan taidam da imado da, ²⁷tamol nek emaiak niŋen o girek e Anut san ru lo digire idug yen den, igo ibol,

‘Ule, ŋaisag ru sinek tamol ŋidinip, oŋ nao na imug pe yau a.

An lo oŋsa dal ikubune wa.’

²⁸Ijai rumok ŋurupaiaŋ da, tamol a pein tiŋaed lo dilasa yan luluŋad lo tamol ta kisaek Jon Suguek san iriŋani man tia ya. Ago bo man, tamol ta Anut san kagin panek aben ilon lo yaŋan tiag, aenta fidian paed na imado dan, iŋ Jon Suguek san iriŋani geig a.”

²⁹(Saen tamolpein kawan ak fidian, agod takis ŋilaŋal tamol dam, ru a Jesus ibol an duloŋ man, Anut san dal an mi dal rumok ak niŋen o awok dupani a. Man dugo, tamolpein nek an Jon san suguek diŋane ya. ³⁰Gug Farisi iŋ kubiaeŋ san girek maŋau dadi, dal uyan a Anut ikubiai pidinai an diabiani a. An niŋen o suguek an ta diŋane na ya.)

³¹Agog Jesus fon ibol, “Saen en san tamolpein iŋ naok dugo woŋ ak i? ³²Iŋ nek ibol nanuk kititik dadeŋ aben na dumasig dumado dugo nanuk aenta igo dubol digiai da,

‘Maŋ aŋ atari wo dum muwi se ya,
ak man aŋ ta atari na ya.

Agod mateŋ saen an san bar mabi se ya,
gug aŋ ilom saian dugo atata man amoi a.’

³³Man dugo, Jon ipalug anaŋ tubun ak ta yani na dugo, you sakar ak dam ta iluk na ya, an niŋen o ago dubol, ‘iŋ ur saiak aman da ya.’ ³⁴Agog dugo Tamol Nanun dam ipalug anaŋ tubun ak yani dugo you sakar ak dam iluk da, an niŋen o ago dubol, ‘Ale wo, tamol en tuŋalek tamol, agod lukluk san tamol. Ago dugo iŋ mi takis ŋilaŋal, agod aupasek adi dam sad turadi!’ ³⁵Ak man, kankan a milaen mok amaiak, iŋanen kagin naok naok an lo mi tamolpein malad lo man itaot geig an ikubiai pidinai a.”

Jesus Farisi tamol ta san ab lo yau a

³⁶Farisi ta yaŋan Saimon dubol dan Jesus ida anaŋ diani wo iwagi tag iŋsan ab lo yaug, anaŋ diani wo dumasi a. ³⁷Panu an san aupasek pein ta Jesus Farisi dida dumado dan ilon tag gureŋ, butol ta pat siŋaokan ak nam digane yak, isinig san na ipalu ya. ³⁸Pein an ab lo iladug, Jesus patun fo itur go itata dugo, malan turon Jesus ŋien fo idu se yan, gurman roun nam ŋien isasi se ya. Iŋien dam musuk ipanig, gureŋ fo ikulmaek a.

³⁹Agog Farisi tamol an ile dugo, ilon lo mi ibol, “Tamol en profet ak tap man pein en fun ilon a. Pein en aupasek tinan.”

⁴⁰Agog dugo Jesus Farisi an irupeig ibol, “Saimon, ŋai ru ta ŋurupaio wo da.”

Ago tag Saimon awan yabig ibol, “Girek maŋau, ubol pe.”

⁴¹Agog Jesus ibol, “Tamol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina. ⁴²Murnag moni tamol an iŋsad gubun dupani wo irupidai a, gug uraru an sad gubun dusupasi san ta idaisuda na ya. An niŋen o ilon imuŋanaig sad gubun an ikubuneg itout a. Oŋ dugo ilo isou di? Tamol dugon, moni tamol an niŋen o, nen tubun mi imat ak i?”

⁴³Saimon ru naon irupeï, “Ŋai ŋabol, enti a iŋsan muruan nen tubun an, nek ama ya.”

Agog Jesus irupeï, “Oŋane kubianek an itaot a.”

⁴⁴Agog Jesus idanŋasag, naon pein an ipanig Saimon irupeï, “Dugo, oŋ kulob e pein en igane yen ule yak i? Ŋai oŋsa ab lo ŋiladu gug oŋ you ta panag go lo ŋieg ŋufulani man tia ya. Gug iŋ malan turon nam ŋieg ifulani dugo, gurman roun nam isasi panag a. ⁴⁵Oŋ musuk ta panag man tia ya, ak gug pein en saen ŋai ŋiladu yan fun iganeg ipalug ŋieg musuk ipani se ya. ⁴⁶Oŋ ŋai gurmag fo gureŋ ta kulmaek na ya. Gug pein en ŋai ŋieg fo gureŋ mumalun uyanan ak ikulmaek idu ya. ⁴⁷Ago yan niŋen o ŋai ŋurupaio da. Pein en san aupasek wei mi bo man, ŋai aupasek an fidian ŋusuas pani la ya, man dugo, ŋai niŋeg o tubun mi imat da. Ak man tamol ta iŋsan aupasek wei an tia ŋusuas pani tap, iŋsan ilo uyan man ŋai o dam tusan mi a.”

⁴⁸Agog Jesus pein en irupeï, “Oŋane aupasek fidian ŋusuas pano ya.”

⁴⁹Tamol aenta anaŋ diani wo dumasi an iŋsed nug durupeig dubol, “En dugo, tamol en iŋ mi ibol go, sen ilon nam aupasek ka ipare idu wak i?”

⁵⁰Gug Jesus pein an irupeï, “Oŋane ilo rumok patu ipasi a. Oŋ maror lo mi wau.”

Pein malan ta Jesus ŋien aban duri se ya

8 ¹Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Iŋsan megeloum 12 an dam dida tureŋ diabi se ya. ²Ago dugo pein aenta, inug subam ad da yak, ur saian tinid lo ipasi an dam ŋien fo dida diau se ya. Luluŋad lo Magdala pein ta yaŋan Maria. (Inug tinin lo Jesus ur saian 7 ikudai a.) ³Ta man Joana, Kusa iwon. Kusa man King Herod san ab titianek tamol. Ta man Susana. Iŋ pein aenta wei mi dam Jesus, iŋsan megeloum dida iŋsiganed melmel lo dibinawai dugo dutor se ya.

Anaŋ kubulan san ru faŋan

Mat 13:1-9; Mak 4:1-9

⁴Panu panu tamolpein Jesus san na dupalug, dutumani dugo Jesus ru faŋan en irupidai, ⁵“Saen ta lo tamol ta ai patun isinig abi lo ipae o yau a. Iŋ yaug siŋanen abi lo man ai patun banin igane anuag tan fufo

iratitaleg idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a. ⁶Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya. ⁷Ai patun aenta ud saiak luluḡad lo dudu ya, agog sisem disa diau dugo ud saian an ai uyan ak yafutanai an lo dumat a. ⁸Gug ai patun aenta tan uyan ak lo dudu yan disa uyan go tet mi nuḡod ifu uyan a, sad sutek 100 igo ya.”

Agog Jesus ru an ibol itout man, iwagiḡ go igo ibol, “Tamol oḡ kududo ama da tap, ru an uloḡ uyanan a.”

Jesus ru faḡan lo mi iḡiḡeḡ san fun

Mat 13:10-17; Mak 4:10-12

⁹Saen Jesus san megeloum ru en fun niḡen o dusumiani man, ¹⁰igo ibol irupidai, “Anut iḡsan kagin panek aben san melmel imianuk an san maḡau ipanaḡ a. Ak man tamolpein aenta ru faḡan fun tia yak mi duloḡ da. An lo man,

‘Iḡ leil digane bo man, ilod ta itarpasi na da.

Agod kududod nam duloḡ bo man, fun mok ta diḡane na da.’ ”

Jesus ru faḡan an fun ifulale ya

Mat 13:18-23; Mak 4:13-20

¹¹“Ru faḡan en san fun igo ya: anaḡ kubulan man Anut san ru. ¹²Anaḡ kubulan dal te idu yan man nek ibol tamol ru duloḡ gug Satan ru bubed lo ipasi dak igo woḡ a. Ago dop ḡai o ilod lo ta rumok na dop lo Anut patud ipasi san tia ya. ¹³Anaḡ kubulan tan sagargar anda yak fo idu yan man nek ibol tamol ru duloḡ dugo yousai lo ru an diḡaneg ilod lo rumok a. Ak man tamol amaiak nek ibol ai dabid dabai an tia yak igo woḡ, saen katukan mi ilod lo rumok a. Man dugo, kubianek ipalu san saen lo iḡaned ilo rumok dibisei kisaek oḡ a. ¹⁴Anaḡ kubulan ud saian ak ilon lo dudu yan man nek ibol tamolpein ru rumok an duloḡ pe ilod lo rumok kisaek oḡ dak igo ya. Ak man iḡ tan en san madok niḡen o ilo sou gidigidad mi digane da, agod iḡ melmel wei mi amad da wo dumat da, an lo iḡsad kagin uraru an Anut san ru iḡ lo yan ituani da. Amaiak niḡen o nuḡod ta ifu na da. ¹⁵Agod anaḡ kubulan tan uyan ak lo idu yan man nek ibol tamol ru duloḡ dugo, iḡ tamol mok san kagin lo ru an diabi dabaig, kagin dupani yaug, gidad saen muruan dile bo man sad kagin an nuḡon ifu da.”

Lam san ru faḡan

Mak 4:21-25

¹⁶“Tamol ta iḡ lam isulanip, bod boi, tia, sareg boi paen na ta igane na da. Tia, iḡ pempem lak na isuḡanip, tamolpein a diladu dan ka dile wa.

¹⁷Nek ago mi en ata mel imianuk yen dan murnap kuai isi wa. Agod mel a tamolpein naod na dimianig yen dan, kuai te ilasap id fidian tile wa. ¹⁸Ago yak niŋen o ru e aŋ alon den kagin apani wa. Ata wo? Talpein enti iŋ mel ta da yan, Anut subujan taidam ipani wa. Ak man, enti iŋ tinin lo mel ta tia ya, ak gug gidad iŋ mel anda yak ibol da, ago bo man Anut iŋsan melmel an fidian banin lo ipasi yaup itout a.”

Jesus tinan iŋ tein da Jesus dile wo diau a

Mat 12:46-50; Mak 3:31-35

¹⁹Jesus tein muroun iŋ tinad da dile wo diau a. Ak man tamolpein wei kasik go dile san tia ya. ²⁰Ago dugo tamol ta ipalug Jesus irupe, “Oŋ tina iŋ tei murou dida dilio wo dupalu yak ab patun fo dutur da.”

²¹Agog Jesus awan yabig ibol, “Tamolpein a Anut san ru dulonŋ go kagin dupani dan, iŋ ŋai tinag di ŋai teig a.”

Jesus tim tamun da ipidaig dutokubol a

Mat 8:23-27; Mak 4:35-41

²²Nal ta Jesus iŋsan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a. ²³Agog diyawai dugo dal na Jesus malan iyof go yen a. Agog tim tubun nuŋon ifureg, wog ilon lo you idug, isarir idu wo sumeik dugo, ²⁴megeloum Jesus san na diaug dufufunig durupe, “Tubun en, id tadeg tau o sumeik da.”

Agog Jesus imasag, tim tamun da ipidai, “Atokabol.” Agog gamu nam malin ibalsi a. ²⁵Ago dugo Jesus megeloum ipidai, “Aŋanem ilo rumok dugo i?”

Iŋ direr dugo durut saian man sed nug durupe, “Enso tamol ta, tim tamun da awan dulonŋ go dutokubol ak i?”

Jesus tamol ur saian anda yak ikubune ya

Mat 8:28-34; Mak 5:1-20

²⁶Murnag diyawai go you awan aen ate Gerasin sad tan lo diau a. ²⁷Jesus wog ibiseig idu yan, tamol ta panu an san ipalu ya, iŋ ur saian anda ya. Saen milaen mok tamol an kulos ta idiri na ya. Agog panu na dam ta imado se na ya. Tia, iŋ tamol disiriai ak sad mutou fom imado se ya. ²⁸Saen iŋ Jesus ile yan awan tubun mi isasaig Jesus ŋien fun na yau idug ibol, “Jesus, Anut lak na yak nanun, oŋ mel ta ŋai lo i? ŋai oŋ o ŋamosiai da, madai tubun ak panag umoi!” ²⁹Jesus gubak mi ur saiak tinin lo ilasa wo ru dabai nam irupe a, an niŋen o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam ŋien banin dusebanig imado dugo, titianek tamol dam tawaŋ dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

³⁰Aria, Jesus tamol an isumiani, “Oŋ yaŋa enti?”

Agog irupeï, “Ŋai yaŋag Wei Kasik” Man dugo, gubak mi ur saiak wei mi tinin ilon lo diladug dumado se ya. ³¹Agog ur saian adi saen wei mi Jesus dugudanig dubol, “Oŋ diramap gib kuror fun tia ak lo madu wo ago rupaiama umoi.”

³²Aria, ante man bor malan tubun ak wei mi bubun an giranjen na dupaŋ di dutor se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a. ³³Agog ur saian adi tamol an dibiseig, bor tinid lo diladu ya. Agog bor malan tubun an fidian mi ilod imasa saian go dumaspalu dudug, damab aen te dusokalik man, you awad lo yaug dumat a.

³⁴Bor an sad titianek tamol abaŋ ago dile tag disol go diaug panu tubun ak lo, panu kitiktik lo tamolpein an fidian durupidai se ya. ³⁵Tamolpein ru duloŋ go, iŋ dam abaŋ dile wo diau a. Dupalug, Jesus ŋien fun na tamol imug ur saian anda yan imasig, kulos idirig imado dugo dile ya. Iŋ itokubol go, kankan fidian uyan ak lo mi imado dugo dileg, durut saian a. ³⁶Aenta malad nam abaŋ dile yan, tamolpein naod na Jesus tamol an dugo woŋ ikubune yan dubol se ya. ³⁷Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

³⁸Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol, ³⁹“Umul waup, oŋsigane panu na, Anut ikubunio an niŋen o ru ubol dop duloŋ a.” Agog tamol an imul yaug, panu ilon lo Jesus iŋ ikubune yak san ru ibol dugo duloŋ se ya.

Kubakan ta imat ak iŋ pein ta subam anda yak da

Mat 9:18-26; Mak 5:21-43

⁴⁰Saen Jesus imul man, tamolpein malan tubun you aen ate malan digane yan duyuŋani a. ⁴¹Ago dugo tamol ta yaŋan Jairas ipalu ya. Iŋ ubou ab san gurman ta. Iŋ nanun pein kisaek o lian, san anaŋar 12 an imat o sumeik ak niŋen o, iŋ Jesus ŋien fun na yau idug, ida iŋsan ab lo diau wo isumiani a.

⁴²Jesus yau dugo tamolpein dupalug dubuluwi nuŋon. ⁴³Luluŋad lo pein ta anaŋar 12 siganen dar tinin ilon lo yak ilasa se ya. Iŋsan moni samukan fidian dokta tinid lo ibisei gug ta kisaek pein en ikubuneg uyan man tia geig a. ⁴⁴Doup luluŋad lo mi Jesus patun fo ipalug san kulos bitinjen te isupuri a. Agog gamu nam dar an igos a. ⁴⁵Ago tag Jesus isumianaig ibol, “Enti ŋai isupurag ak i?”

Fidian tia dubol go Pita ibol, “Tubun en, tamolpein wei kasik dubuluwo dugo tinid nam oŋ dupuno da!”

⁴⁶Ak man Jesus ibol, “Talpein ta isupurag a, man dugo, ŋaineg dabai aenta ibisawag dugo ŋai tinig lo ŋukubiani a.” ⁴⁷Pein an kuai tem ilon

go, imunamuk pe imado san tia ya. Agog tubun mi isuruwor dugo, ipalug Jesus n̄ien fun na isaluwi idug, tamolpein malad lo fun dugog Jesus isupurig, īnsan subam an itout an ibol a. ⁴⁸Agog Jesus irupeī, “O nanug pein, ōnsigane ilo rumok n̄ai lo yan ikubunio ya. Maror lo wau.”

⁴⁹Jesus ago ibol dugo, tamol ta Jairas san ab lo yak ipalug, Jairas igo irupeī, “Ōn nanu pein imat la ya. Gidad ōn girek mānau muruan taidam ta pani na wa. Ak nījen o ulefuni dop yau a.”

⁵⁰Jesus ago ilon̄ tag Jairas irupeī, “Urut umoi. Ilo lo rumok dop, nanu pein fon kumaen ilasa da wa.”

⁵¹Saen ab lo ilasa yan Jesus tamolpein aenta ab lo diladu man imoi. Īn Pita, Jon, Jems agod nanuk tinan taman mi dida diladu ya. ⁵²Tamolpein fidian ab lo yan nanuk nījen o ilod saian dugo tinān aru digane se ya. Agog Jesus irupidai, “Atata amoi. Nanuk en ta imat pasi na ya. Īn n̄ion yabi da.”

⁵³Ago ibol dugo disel go awan kukokan digane se ya. Man dugo, īn dulon̄, nanuk an imat mok a. ⁵⁴Gug Jesus nanuk banin te yabig ibol, “O nanug, masa!” ⁵⁵Agog nanuk anen kumaen san ur imul ipalug fon kumaen imasa kisaek ōn a. Agog Jesus ibol dugo anān dupani a. ⁵⁶Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

Jesus megeloum 12 idinaig bilalūn diau a

Mat 10:1-15; Mak 6:7-13

9 ¹Jesus īnsan megeloum 12 an itumanaig, ur saian dukudai dop subam dukubiniai san dabai ipidinai a. ²Agog idinaig diaup, Anut san kagin panek nījen o dubol ilasa dop subam adi dukubiniai o ibol a. ³Ago dugo Jesus irupidai, “Ān turēn an lo, makud, badam, n̄ion san bioūn, anān, agod moni ta mok asini na wa. Siot subūjan dam ta asini na wa. ⁴Ab dugon lo digiān tap, nek ante mi amado nap panu an abisei a. ⁵Panu ta lo tamolpein ān o ta dumat na tap, panu an abisei wo dop, n̄iem san gufgaf apilti pidinai a. Agop lo dulon̄ ak, īn Anut san kagin panek dumoi a.” ⁶Agog megeloum diaug, panu panu bilalūn uyan ak dubol ilasa dugo, subam adi dam dukubiniai se ya.

Herod isumiaen, Jesus īn enti mok?

Mat 14:1-2; Mak 6:14-16

⁷Herod Galili provins san gurman tubun an melmel fidian ilasa na yan ilon̄ go ilon weiwei geig a. Man dugo, tamolpein aenta dubol, “Jon suguek san īn fon kumaen imasa da ya.” ⁸Aenta dubol, “Elaija boi, tia, profet wagam san ta fon kumaen imasa boi.” ⁹Ago gug Herod ibol, “Īnai Jon buron n̄itarti a. Ak gug tamol e melmel emaiak iganeg ru an n̄alon̄ den, īn enti?” Ago dugo īn Jesus ile wo yaes tubun mi ifuni se ya.

Jesus tamolpein 5,000 ifutuwai a

2Kij 4:42-44; Mat 14:13-21; Mak 6:30-44; Jon 6:1-13

¹⁰Ijanen megeloum dumul dupalug Jesus naon na melmel fidian digane yan dubol idu ya. Agog megeloum an iñal go pasak nam panu ta yañan Betsaida dubol dan ate diau a. ¹¹Ak man tamolpein malan tubun mi Jesus dugo yau wo igane dan duloñ tag, ñien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubuniai se ya.

¹²Gurai idu dugo megeloum ¹²Jesus san na diaug, durupeï, “Oñ tamolpein dinaip, panu susumeik an lo, gidigheid diaup, sed niñedi wo anañ o, ñioñ aben o abañ dile wa. Man dugo, aben en yoitout a.”

¹³Ak man Jesus ru naon irupidai, “Añsem ka afutuwai a.”

Agog tag durupeï, “Mañ anañ tia ya. En iy uraru, agod bret kafen mi dien da. Dugo, mañ maup, doup tubun en niñedi wo anañ taida madad o?” ¹⁴(Doup tubun dumado yan tamol kitek faiv tausen igo woñ a.)

Agog Jesus megeloum irupidai, “Tamolpein arupidaip, nuñod fifti malan kisaek kisaek lo mi dumado wa.”

¹⁵Agog megeloum adi Jesus ibol ago diganeg, tamolpein durupidai dugo dumasi a. ¹⁶Agog Jesus iy uraru, bret kafen an iñaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya. ¹⁷Tamolpein fidian bret iy da dianig, luad ipuk go megeloum anañ wadan dutumanig sareg ¹²digane anuai a.

Pita, Jesus iñ Kristus an kuai te ibol a

Mat 16:13-20; Mak 8:27-30

¹⁸Nal ta Jesus sen kisaek igudanig imado dugo, ijanen megeloum dam susumeik dumado dugo isumianai, “Tamolpein ñai o enti dubol dak i?”

¹⁹Agog ru naon durupeig dubol, “Aenta oñ suguek tamol Jon dubol da. Aenta dubol, oñ Elaija boi, tia, profet aenta wagam mi dumat na yan ta fon kumaen imasa ago dubol da.”

²⁰Ago dugo megeloum isumianai, “Gug añsem mi ñai enti mok abol di?” Agog Pita ru naon igo irupeï, “Oñ Anut anen Kristus.”

Jesus murnap imat gup imasa da wak niñen o ibol a

Mat 16:21-28; Mak 8:31-9:1

²¹Agog Jesus megeloum kududod yabig, ru dabai nam irupidaig ibol, “Tamolpein gidigheid naod na ru an ta abol na wa.” ²²Ru awan ibateg ibol, “Tamol Nanun muruan tubun ak wei mi ile wa. Pris gurman adi, Isrel matu gurman dida, agod kubiaej san girek manjau dam patud dupanip dile saian a. Agop dufuni imat a. Nal utol gib lo yen gup, fon kumaen imasa da wa.”

²³Agog fidian irupidai, “Ta iŋ ŋai iganurag o tap, iŋsiganen ilo ibol patun ipanip, dal fidian lo siganen aigim isinip, ŋjeg aban iri wa. ²⁴Ta iŋsinan tinin mi kagin ipani dan, ideg yau a. Gug ta ŋai niŋeg o siganen madok tan en lo yan ibisei dan, patu pasek iŋane wa. ²⁵Talpein ta tan en san madok lo malan imug dop, an lo tan en san filian fidian an san muroun ilasa wak gug, ŋtun ideg yau, tia, daon iŋane tap, an dugo won, sen niŋen o nuŋon uyan ak igane ilasa wak i? Man tia geig a. ²⁶Tamol Nanun iŋsan lilaman lo, Bai san lilaman lo, eŋel gun adi sad lilaman lo ipalu wa. Ta iŋ ŋaisag ru yanag da o miai ifuni tap, saen Tamol Nanun imul dop, iŋ dam tamol an niŋen o miai ifuni wa. ²⁷Ijai rumok ŋurupaian da. Gamu aŋ aenta e atur den gamugo amat dop, Anut san kagin panek ale wa.”

Jesus naon tinin ibilisa ya

Mat 17:1-8; Mak 9:2-8

²⁸Jesus ru an ibol go nal 8 yau dugo Pita, Jon, Jems ago iŋal go did fo igudani wo dusuda ya. ²⁹Jesus igudani dugo naon ibilisag, iŋsan kulos dam ibilisag milkouk kasik. ³⁰⁻³¹Ago dugo tamol uraru girager amad da dilasa ya. Tamol uraru an man Moses iŋ Elaija da ya. Jesus mitep mateŋ a Anut ilon yen dan lo Jerusalem na ile wan niŋen o, Moses iŋ Elaija da Jesus dida diŋiŋeŋ se ya. ³²Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a. ³³Moses iŋ Elaija da fun diganeg diau dugo, Pita kankan an tia igo ibol, “Tubun en, uyanan geig a. Maŋ lalai utol mabi wa. Oŋane kisaek. Elaija an kisaek. Agod Moses an kisaek.”

³⁴Ago ibol dugo timtaen ipalug, yafutanai dugo megeloum utol an direr saian mok a. ³⁵Agog awan ta timtaen lo iwagiŋ go ibol, “En ŋaineg nanug, ŋaineg Pilianek Tamol. Awan aloŋ a.” ³⁶Saen awan itau man Jesus sen kisaek itur dugo dile ya. Saen an megeloum abaŋ ago dile yan tamolpein naod na ta dubol na ya. Tia, iŋsed ilod lo mi dutueg yen a.

Jesus pinein ta tinin lo ur saian ikudig yau a

Mat 17:14-20; Mak 9:14-29

³⁷Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya. ³⁸Doup an luluŋad lo tamol ta iwagiŋ go ibol, “Girek maŋau, ŋaineg nanug e ule den niŋen o ilo isou. Ijai nanug en igo kisaek o lian a. ³⁹Ur saian ta pempem yabi dop isasai da. Iganep bururau ifuni dop subulbal awan lo ilasa da. Nek ago mi pempem madai ipani dugo, daon dam ipani da. ⁴⁰Oŋsa megeloum ur saian an dukudi wo ŋusumianai gug iŋ digane san tia ya.”

⁴¹Jesus ru naon irupeig ibol, “O aŋ saen en san tamolpein, aŋ ilo rumok amam tia ya, agod aŋ ilom gidigheid amado da. Nal sapta ŋai

aŋ da tumado wak i? Nal sapta muruan a apanag oŋ dan ŋisini wak i? Nanuk an igo aŋane apalu.”

⁴²Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an iŋaneg taman ipani a. ⁴³Tamolpein fidian Anut san dabai an dileg, durut saian a.

Jesus afon iŋanen mateŋ niŋen o ibol a

Mat 17:22-23; Mak 9:30-32

Saen tamolpein an Jesus kulob fidian e igane yen niŋen o ilod weiwei man, Jesus iŋsan megeloum igo irupidai, ⁴⁴“Ru en aloŋ dop ilom isou uyanan. Tamol Nanun ager adi banid lo digane wa.” ⁴⁵Ak man megeloum ru an fun ta duloŋ na ya. Anut ru an fun mok imiani a, agod duloŋ san tia ya. Taida mi, megeloum adi Jesus ŋiŋeŋ en isafulale pidinai o dusumiani san man direr a.

Enti iŋ tubun a

Mat 18:1-5; Mak 9:33-40

⁴⁶Megeloum iŋsed mi nug dupeig dubol, “Id luluŋad lo enti malan te yak i?” ⁴⁷Jesus iŋsad kankan iloŋ go nanuk nanun ta iŋaneg giranen na igunig ⁴⁸megeloum irupidai, “Talpein enti ŋai yaŋag lo nanuk igo yan iŋane wo iyunani tap, ŋai dam iŋiliag o iyunag da. Agod talpein a ŋai iŋiliag dan, Enti a ŋai idinag go ŋupalu yan dam iŋane da. Man dugo, talpein a aŋ luluŋam lo sen yabi idup murna geig an, iŋ mi malan te ya.”

⁴⁹Jon Jesus irupe, “Tubun en, maŋ tamol ta oŋ yaŋa lo ur saian ikudai dugo mile ya. Tamol an maŋsama tia ya, an niŋen o imoi o murupe a.”

⁵⁰Agog Jesus irupe, “Ago igane dop apadau amoi. Man dugo, ta aŋsam ager tia yan iŋ idsad urat kisaek a.”

Sameria aenta Jesus dumoi a

⁵¹Jesus Anut san panu lo yau san saen sumeik dugo, iŋ naon Jerusalem na ipanig tureŋ yabi se ya. Iŋ ru sinek tamol aenta idinaig dumug go ⁵²Sameria na panu ta lo dumado san aben dukubune dop ipalu wo diau a. ⁵³Panu ta lo diladu yak gug, tamolpein panu an san diŋiliai o dumoi. Man dugo, tamolpein duloŋ ak, Jesus Jerusalem na yau da. ⁵⁴Saen Jems iŋ Jon da abaŋ ago dile tag Jesus durupe, “Tubun en, ubol tap, mabol dop keit lo yai idup, panu en imarip inani yau a.” ⁵⁵Ak man Jesus idaŋsag ru dabai nam ipidai a. ⁵⁶Ago tag panu sen ta lo diau a.

Jesus ŋien aban diri san muruan

Mat 8:19-22

⁵⁷Dal na diau dugo, tamol ta Jesus irupe, “Oŋ dugo wau dan ŋai dam ante tau a.”

⁵⁸Ago tag Jesus ru naon irupeï, “Goun kasik iñ gib ad da ya. Anakanak iñ wur ad da ya. Gug Tamol Nanun man, iñ kabuñan igansip yaes ibal san aben tia ya.”

⁵⁹Agog Jesus tamol sen ak ta irupeï, “Iñieg aban uri.”

Gug tamol an ibol, “Tubun en, umoi dop ñaup, tamag ñisare gup.”

⁶⁰Ago tag Jesus ru naon irupeig ibol, “Tamolpein a iñsed ñtudi lo dumat la yan bisawai dop, iñsiganed tubabun an ka disiriai idu wa. Oñ waup, Anut san kagin panek niñen tamolpein naod na ubol ilasa dop dulon a.”

⁶¹Agog tamol taidam irupeï, “Tubun en, ñai dam ñie aban ñiri wa. Ak man umoi dop, ñaup, tinag tamag teig taog banid ñabi gup.”

⁶²Ago tag Jesus tamol an irupeï, “Tamol ta urat igane dugo pempem patun na idañsa idañla won dan, iñ Anut san kagin panek san urat igane san ta idaisuda na ya.”

Jesus urat tamol 72 ipilianaig diau a

10 ¹Murnag Jesus urat tamol 72, panu panu lo diau o nuñod uraru uraru ipilianaig, dumug diau se ya. ²Iñ gamugo turenñ diabi dugo, ru kagin igo ibol irupidai, “Anañ nuñon tubun mok ifu a. Gug urat tamol wei an tia ya. Ak niñen o abi taman aguduani dop urat tamol taidam idinaip añ da aup, anañ nuñon atumani wa. ³Ago yak niñen o au. Gamu ñidinañ den man nek ibol sipsip nanudi goun kasik ak luluñad lo diau dak igo won a. ⁴Moni, badam, sendal ta asini na wa. Saen dal ari dan lo, enti ta naom na ilasa dop añ pasak ta agane na wa.”

⁵“Ab ta ilon lo aladu wo dop, abol, ‘Maror am da amado.’ ⁶Tamol maror san ak imado tap, añanem maror iñ lo yen a. Tia tap, añanem maror imul pe muroum sam na ipalu wa. ⁷Ab dugon lo aladu dan, nek ante mi amado wa. Anañ you dupanañ dop ani aluk a. Man ata wo, urat tamol man iñaned naon diñane san idaisuda ya. Ab sensen lo ta au na wa.

⁸“Agod panu ta ilo uyan lo mi diñiliañ tap, anañ digane panañ dan ani wa. ⁹Iñsad subam adi akubuniaï dop, panu an san tamolpein dam arupidai, ‘Anut san kagin panek sumeik ipanañ la ya.’ ¹⁰Gug panu ta ate alasap, iñ añ lo uyan tia tap, panu titiñaem mi alasap, abol, ¹¹‘Añanem panu san gufgaf ñiema fo isuda yen, gamu muroum sam na mipitili idu da. Aloñ ak, Anut san kagin panek sumeik ipanañ la yak man añ amoi da.’ ¹²Iñai ñurupaiañ da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an iriñani geig a.”

Jesus panu aenta sad tamolpein ilod lo ta rumok na yan ru lo ibiaï dudu ya

Mat 11:20-24

¹³“O Korasin san tamolpein, muruan tubun geig ale wa; O Betsaida san tamolpein, añ dam muruan tubun geig ale wa. Man dugo, kulob girager a ñai añ

lulunjam lo njigane dan, wagam Tair inj Saidon da lulunjad lo njigane tap, taun an san tamolpein wagam mi ilod ibilisa wa. Ago dop mugun san kulos didirip, yai san utut fo dumasip dumado wa. ¹⁴Ago man saen Anut san bitinaek san nal ipalu wan lo, anjam aupasek naon Anut ipanaj an senamo geig a. Muruan an Tair inj Saidon da sad muruan an irijani geig a. ¹⁵Agod an Kaperniam tamolpein, sem yanjam abisap keit lo isuda wak i? Tia mok, Anut injen injilanj pe au adup tan ilon lo aben yanjan Ades dubol dan lo idiranj pe amado wa.”

¹⁶Agog Jesus injen urat tamol 72 fon irupidai, “Ta an awam ilon dan, naj dam awag ilon da. Go ta an imoi dan, naj dam imoi a. Go ta naj imoi dan, Enti a naj idinag go njupalu yan dam imoi a.” Agog diau a.

Anut injanen mel imianuk fidian tamol yanjad tia yan ikubiai pidinai a

¹⁷Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak on yanja mupate dan lo awama paen na dumado dugo awama diabi da!”

¹⁸Agog Jesus ru naon irupidai, “Injai gubak mi Satan njile dugo, nek ibol lak na weil irafule yak igo wonj, keit ibiseig idu ya. ¹⁹Alonj, naj an dabal njupanj la ya. Ak njen o an mot, lualiu da ka aparufufarai a. Anjanem ager Satan san dabal fidian an ka abi idu wa, agod mel ta malam isue san tia ya. ²⁰Gug an ur saian saian awam diabi dan njen o ta uyam isusa na wa. Tia. Anut anjanem yanjam kumaen panu na igireg yen dan mi njen o uyam isusa wa.”

Jesus youn isag Anut per ipani a

Mat 11:25-27; 13:16-17

²¹Saen an lo Jesus Urgun lo ilon imasag yousai tubun geig ak lo Anut irupe, “O Bai, tan keit da sad Tubun a, naj ilo uyan ru njupano da. Man dugo, mel en fidian tamolpein a kankan ad milaen an, agod a dulonj dubol dan dam, minami pidinai a. Ak man on mel an fidian tamol a yanjad tia yan kubiai pidinai a. O Bai, awo, ago gane san an onane ilo, an njen o naj youg isa dugo ilo uyan njupano da.”

²²“Injai Tamag iginiag go mel fidian sad tamad njilasag njumado da. Tamol ta inj Anut Nanun ta ilon na ya, nek Taman injen mi a. Agod tamol ta inj naj Tamag ta ilon na ya, nek njaiseg mi, agod tamol nek amaiak Nanun injinan ilobol lo mi Taman ikubiai pani wa.”

²³Agog Jesus idansag, megeloum pasak nam irupidaig ibol, “Mel gamu ale dan njen o ilom uyan. ²⁴Man dugo, profet adi agod kinj adi wei kasik, mel e gamu an ale den dile wo mok dumat se ya, ak man inj ta dile na ya. Agod ru e gamu an alonj den dulonj o mok dumat se ya, ak man ta dulonj na ya.”

Sameria tamol injanen ager ibinawi a

Luk 18:18-30

²⁵Kubiaen san girek manjau ta imasag Jesus ibitinae wo isumiani, “Girek manjau, naj dugo njiganep kumaen njiane wak i?”

²⁶Ago tag Jesus isumianig ibol, “Moses san kubiaej lo dugo digire yak i? Ata ru suti ak i?”

²⁷Ij ru naon igo irupe, “Oj gidad Tubun en ojane Anut ninen o umat a, oj bube fidian lo, njutu fidian lo, ojane ilo sou fidian lo, agod ojane dabai fidian lo ago gane wa. Agod, nek ojse niye wo umat dak ago mi tamolpein aenta dam nijedi wo umat a.”

²⁸Agog Jesus tamol an irupe, “Ojane ru naon itaot a. Nek ago mi gane tap, kumaen pempem san jane wa.”

²⁹Ak man kubiaej san girek manjau an, tamolpein aenta malad lo injanen nao lalek an uyanan ilasa wo ilon ibol a. Ago yan ninen o ij Jesus igo isumiani, “Tamol ninen ubol an enti mok i?”

³⁰Ago tag Jesus ru naon igo irupeig ibol, “Tamol ta ij Jerusalem ibiseig Jeriko na yau dugo dal na gumagam tamol adi diabi a. Agog bioung tinin fo yan dirasireg digam go, dufunig imat go tubabun yen dugo diau a. ³¹Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gigin irig irinanjig yau a. ³²Livai san gugoi lo tamol taidam ipalug tamol an dal na yen dugo ile man, ij dam dal senamo injaneg yau a. ³³Agog Sameria tamol ta dal an injaneg yau nag tamol an ile, ago man ilon tubun mi imuani a. ³⁴Ago tag wain ij gurej da marasin oj injaneg nam tinin baob ifulanig ifou. Agog tamol an insiganen donki fo igane isudag, injaneg lou ab ta lo diaug kaginan igane ya. ³⁵Tidom lom mig kina uraru ab an san titianek tamol ipani dugo irupe, ‘Kaginan gane. Murnap njamul dop, melmel sapita ij tinin lo bisei an naon naji oj njupano wa.’”

³⁶“Oj dugo ubol di? Tamol utol an lulujad lo enti injanen turan o imat ak i?”

³⁷Ago tag kubiaej san girek manjau an ibol, “Tamol a ilon imuani ama ya.”

Ago dugo Jesus irupeig ibol, “Oj dam waup, nek ago mi gane wa.”

Jesus Marta ij Maria da sad na yau a

³⁸Jesus injanen megeloum dida diaug panu ta ate dilasa ya. Atna pein ta yanan Marta dubol dan Jesus iwagig insan ab lo diau a. ³⁹Marta tein ta yanan Maria, ij Tubun en njen fun na imasig imado dugo, insan ru ibol dugo ilon se ya. ⁴⁰Ago dugo Marta mi sen kisaek ana njabi an iganeg yaug, ilon saian tag ipalug Jesus irupeig ibol, “Tubun en. Ijai teig en ibisawag go seg mi urat en fidian njigane dan ninen dugo kankan gane dak i? Peip, ibunawag.”

⁴¹Ago man Tubun en ru naon irupe, “O Marta! Oj mel wei mi nijedi wo ilo weiwei dugo ilo muruan da. ⁴²Gug oj mel kisaek malan te yak ninen o kankan ta gane na da. Maria mel an ipilianig injane ya. Talpein ta mel an banin lo ipasi san tia ya.”

Jesus megeloum gadiŋ digane wo ipitejanai a

Mat 6:9-13; 7:7-11

11 ¹Saen ta Jesus aben ta lo iguduanig itout an megeloum ta ipalug isumiani, “Tubun en, Jon iŋsan megeloum gudanek ipitejanai ak ago mi maŋ dam pitejanama.”

²Ago tag Jesus irupidaig ibol, “Aŋ agudani wo tap, igo agod a:

‘Maŋanema Bai, oŋane yaŋa gun.

Oŋane kagin panek ipalu.

³Nal anek anek san anaŋ panama.

⁴Maŋanema aupasek ilo iŋaonŋ.

Man dugo, aupasek a aenta maŋ lo digane dan iloma iŋaonŋ da.

Bitinaek lo naoma ta urae na wa.’”

⁵Agog Jesus gudanek ipitejanai yaug, ru mitilaen en irupidai, “Gamu tura ta san ab lo waup, tidom lak dalawan tutip, anaŋ ta ipano wo gudanip ubol. ⁶“Turag ta gamu nam ŋaisag na ipalu yak man ŋai anaŋ amag tia ya.’

⁷“Ago dop tura ab ilon lo ru naon irupaio, ‘Ŧjionŋ saen go maen dak niŋen o leiŋ panama umoi. Dalawan itau a, pein nanuk fidian dien la ya. Ŧjai ŋumasap mel ta ŋupano san tia ya.’ ⁸Gug ŋai ŋurupaiaŋ da, gidad, oŋsa tura bo man anaŋ ta ipano na wa. Gug oŋ gidad miai ifuno bo man maeg ganep sumiani oŋ tap, melmel fidian niŋen o ilo ibol dan ipano wa.”

⁹“Ago yak niŋen ŋai ŋurupaiaŋ da: Agudani dop, ipanaŋ a. Abaŋ abi dop, ale wa. Dalawan atuti dop, ipasi panaŋ a. ¹⁰Fidian dugudani dan diŋane wa. Ta abaŋ yabi dan ile wa. Ta dalawan ituti dan Anut ipasi pani wa.”

¹¹“Dugo, aŋ nanuk tamadi, nanum ta iy o igod dop, aben lo mot apani di? ¹²Tia. Kurek patun o ibol dop lualiu apani di? An dam tia ya. ¹³Aŋ bo saiami a, ak gug nanum melmel niŋedi wo dugod tap, mel uyan ak apidinai da. Nek ago mi Bai Anut dam tamol enti Urgun iŋane wo igod tap ipani wa.”

Tamolpein Jesus Belsebul san dabai lo urat igane dak ago dubol a

Mat 12:22-30; Mak 3:22-27

¹⁴Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go iŋiŋeŋ a. Ago man tamolpein wei mi ate dutur dan fidian durut saian a. ¹⁵Ak man aenta dubol, “Ur sisaiak sad gurman yaŋan Belsebul tabol damaiak san dabai lo mi iŋ ur sisaiak ikudai diau da.” ¹⁶Ago dugo aenta Jesus naon dukubiani wo kulob girager ta igane dop, dile wo dusumiani. An lo dop duloŋ ak, Anut sen idinig ipalu ya.

¹⁷Gug Jesus iñsad ilod ilonj la yak niñen o irupidai, “Panu ta nug ditarpalep malan uraru dilasap, iñsed ilod lo mi nug dufuni tap, iñ saen milaen ta dumado na wa. Gugoi ta ditarpalep sensen dutur o digane tap, iñsad gugoi an yau idu wa. ¹⁸Ago yak niñen o Satan iñsen lo tarpalek igane dop, dugo wonj pe iñsan kagin panek aben an dabai yen yau ak i? Ñjai an ñabol dan man fun, ñjai Belsebul dabai ipanag ak lo ur sisaik ñjukudai diau dak abol da. ¹⁹Gug an rumok tap, añsiganem megeloum adi, enti san dabai nam ur saiak dukudai diau dak i? Fun amaiak niñen o añsiganem megeloum iñsed mi, saen Anut san bitinaek nal ilasa dop, kubianek tamol oñ dilasap bitinaek lo didirañ a. ²⁰Ak man ñjai Anut banin nam ur sisaik ñjukudai diau dak ago tap, añ gidad alonj uyanan a, Anut san kagin panek an siñirem na ipalu la ya.”

²¹“Tamol ta dabai ak ager san biouñ tinin fo idirip ate iñanen ab melmel da kagin ipidinañ tap, iñanen melmel an fidian itaot mi dien a. ²²Gug tamol ta nen dabai ak ipalup, yu iñ lo iganep itout tap, iñsan ager san biouñ biouñ a ate iñanen tini ganei igane se yan fidian igam pe isini yau a, agop iñsan furan fidian dam iñanep iwae yau a.

²³“Talpein enti iñ ñjai ta iganurag na dan, iñ patun ipanag da. Agod talpein a ñjai da sisem anañ mutumani san urat ta migane na dan, ñaisag urat iratitale da.”

Ur saiak dukudig yau an imul ipalu ya

Mat 12:43-45

²⁴“Saen ur saiak ta tamol tinin lo yak dukudip yau tap, aben igosan ak ate gidigheid ila iso wa. Ante aben ta yaes ibal san ile wo abañ yabi wa, ak man aben an ta ile na wa. Ago dop ilon lo ibol, ‘Ñjai gidad ñamul pe ab gubak mi ate ñumado amaiak lo ñau a.’ ²⁵Iñ imasap yau ak man, ab an kawan di ilon dam diriani dugo mel fidian dukubuneg itaot dien dan ile wa. ²⁶Amaiak niñen o iñ imul yaup, ur saiadi geig ak 7 taidam iñal a. Ur an kulob sisaik digane san man iñ diriñani geig a. Iñ sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

²⁷Jesus ru ago ibol dugo, pein ta tamolpein luluñad lo imasag iwagiñ go ibol, “Pein a iginiosig su ipano yan bar iñaneg imado da.”

²⁸Gug Jesus awan yabig ibol, “Tia. Enti Anut san ru ilonj dugo kagin ipani dan mi bar iñaneg imado da.”

Tamolpein kulob girager dile wo dusumiani a

Mat 12:38-42

²⁹Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. Iñ kulob girager ta kob igo wonj dile wo dusumianag da. Ak man Anut kulob girager ta tamolpein an

ta ipidinai na wa, nek kob kisaek an mi ka dile wa, kob an man profet Jona san a. ³⁰Man dugo, nek ibol Ninive adi malad lo Jona kob oŋ ilasag imado yak igo woŋ, ŋaiseg tamolpein saen en san iŋanen malan lo kob naon nek ago ŋilasap ŋumado wa. ³¹Kwin a saut lo ilasa yan man, aŋ gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an aŋ niŋemi wo ru ibol ilasa dop boum ipanaŋ a. Man ata wo? Kwin an iŋ tan asau mok imado bo man, Solomon san kankan milaen amaiak ibol ilasa dop iloŋ o ipalu ya. Ago yak gug tamol ta dam iŋ ente imado da, tamol an man Solomon iriŋani geig a. ³²Ninive san tamolpein man aŋ gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi aŋ niŋemi wo ru dubol ilasa dop boum dupanaŋ a. Man ata wo? Ninive adi Jona san ru ibol ilasa yan duloŋ go an lo ilod ibilisa ya; ak man tamol ta iŋ Jona iriŋani geig an gamu imado da.

Tinid san lilaman

Mat 5:14-16; 6:22-23

³³Tamol ta iŋ lam ibanip ta imianip yen na da. Agod sareg paen na ta iganep yen na da. Tia, iŋ kuai te isuŋanip iyuk yen da. Ago dop tamolpein a ab lo diladu dan lilaman dile wa. ³⁴Oŋane mala man tini san lilaman. Saen oŋane mala uyan tap, tini fidian geig an ilalaŋ da awan isa wa. Ak man saen oŋ mala saian tap, tini fidian geig an tidom tubun da awan isa wa. ³⁵Ago yak niŋen o kagin agane. Kabelan lilaman a oŋ lo yan tidom tubun oŋ banau. ³⁶Amaiak niŋen o aŋanem tinim fidian an ilalaŋ dugo gigin ta lo tidom tubun ta yen na tap, aria, lilaman a aŋ lo yen dan awan isa wa, nek ibol lam ided dan oŋ tini fidian ilalaŋ da.”

Misilaneke ru siks

Mat 23:1-36; Mak 12:38-40

³⁷Saen Jesus iŋiŋeŋ go itout an Farisi ta iwagig iŋsan ab lo anaŋ diani wo diau a. ³⁸Jesus Juda kagin iriŋanig, banin ta ifulani na dugo anaŋ diani wo dumasi a. Farisi an Jesus ago ileg, irut saian. ³⁹Ago tag Tubun en Farisi an irupeŋ, “Aŋ Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya. ⁴⁰Aŋ Farisi ŋiŋeo tinami. Anut tinim igane dugo ilom dam igane ya. An lo ata wo ilom ta akubune na dak i? ⁴¹Memel a aŋsam gab daeg lo yan bigabeg adi apidinaip lo sed ibunawai tap, aŋ tinim fidian Anut malan lo ikokan imado wa.”

⁴²“O Farisi, muruan tubun geig ak ale wa! Man dugo, aŋanem abi san anaŋ memel kitiktik an fidian atumanip, malan 10 ilasa gup malan kisaek atarpalep Anut apani da. Gug aŋ Anut san kubiaeŋ malan te yak ariŋani da. Aŋ tamolpein kot lo ta atarpasai uyanan na dak, agod Anut

nijnen o dam ta amat na da. Kagin malan te yak agane wa, agod kubiaen san ru kagin kititik dam ta abisei na wa.”

43 “O Farisi, muruan tubun geig ak ale wa! Man dugo, an ubou ab lo tamolpein malad lo kapal malan te yak fo amado wo agane da. Agod an tamolpein malak malak yanam diabisa wo agane da.”

44 “An kagin agane! An man ibol tubabun gib lo imianuk yen dugo tamolpein ta dulon na dugo fufo diau dumul dugo sed nun ipidinaidak igo won a, ago man in an sijirem na dupalu yan lo Anut malan lo nun anda dilasag dumado da.”

45 Agog kubiaen san girek manau ta Jesus irupei, “Girek manau, on ago ubol dan man dam paiama da.”

46 Agog Jesus ru naon irupei, “O kubiaen san girek manau, an dam muruan tubun geig ak ale wa! Man dugo, an tamolpein kubiaen fidian kagin dupani wo abol da. An lo tamolpein muruan tubun kasik apidinaid da. Gug insad muruan lo an banim ilap kitek ta abinawai na da.”

47 “Rumok an muruan tubun geig ak anane wa! An profet adi dumat la yan sad mutou damag sijaokan apani da, ak gug profet nek an ananem tubum bagem dufu dumat a. 48 Kagin e agane den lo ansem kot ipan an da, man dugo, kagin a gubak mi digane na yan njen o awok apidinaid da. In profet adi dufu dumat se ya, agod an sad mutou akubune da. 49 Amaiak njen o In a tinin ilon lo Anut anen kankan milaen ak yen dan, igo ibol go irupaian, nai profet adi agod aposel adi ndinaip dupalu dop an sam na dilasa wa. Ago bo man an aenta afu dumat a, aenkadi muruan funfun dupidinaid se ya. 50 Fun an njen o, profet fidian ager adi banid lo mater dile yan, kagin amaiak san ai wadan Anut ansem mi ipan an a. An man an siganem muruan mi a. 51 An lo Abel imat ak san saen log ipalug kin Joas san saen lo, Sakaraia in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

52 “O kubiaen san girek manau, muruan tubun geig ale wa! An tamolpein manau dinane san ki an banid lo apasi yau a. An tamolpein a manau san ab lo diladu wo ilod ibol dan sad dal afutani da, agod ansem ta aladu na ya.”

53 Jesus aben an ibisei dugo Farisi in kubiaen san girek manau dida tin aed tubun mi saian se ya. Ago man Jesus yau dugo Farisi adi sumiaek funfun lo dusue se ya, ago dugo aten dusue dop melmel wei mi njedi wo in in an dop dulon o digane se ya. 54 Jesus ifurfi dop lo ru dupani wo malad digane se ya.

Kagin sewak ak njen o kagin agane wa

Mat 10:26-27; 16:6; Mak 8:15

12 1 Tamolpein wei kasik dutumanig, aben tia dugo nug tinin fo dutur se ya. Ago dugo Jesus imug megeloum ru kagin igo irupidai, “Farisi

sad kagin sewak an niŋen kagin agane wa. Iŋ bale uraru tinadi, awad ru ibol dugup nuŋon ta digane na da. ²Kagin fidian imianuk yen dan kuai isi wa. Kisaek ta imianuk yen san tia ya. ³Ago yak niŋen o ru ta tidom tubun lo aŋ aŋiŋeŋ dan ad lo tamolpein duloŋ a. Ru dugon nug kududon lo kisikisik ab san galuŋ imianuk an lo abol dan, malak malak lo dam duloŋ a.

Anut mi niŋen o tarer a

Mat 10:28-31

⁴“Turag muroug, ru ŋurupaiaŋ da. Aŋ tamolpein tinim dufuni imat an niŋen o arut amoi. Tinim mi ka dufuni imat a, ago gup nen dufuni san tia ya. ⁵Ŋai tamol niŋen o arer san ŋurupaiaŋ da. Anut mi niŋen o arer a. Iŋ tamol tinin ifuni imat pe ŋutun dam ka ibal yai lo yau a. Awo, rumok ŋurupaiaŋ da, iŋ mi niŋen o arer a!”

⁶“Toea uraru nam kuseŋ 5 didad da. Gug Anut kuseŋ an kisaek ta ilon iŋaon san tia ya. ⁷Ago yak niŋen o arer amoi. Man dugo, Anut aŋ o ilon isou da. Anut malan lo talpein san naon lak na geig, an kuseŋ wei kasik sad dadeŋ naon iriŋani geig a. Rumok, nek aŋanem gurmam roun sapita yan isutig ilonŋ da.”

Jesus yaŋan malak malak apate wo ta arer na wa

⁸“Ŋai aŋ ŋurupaiaŋ da. Talpein ta tamol naod na iŋ ŋaisag ago ibol tap, ŋai dam Anut san eŋel naod na ŋatur pe ŋabol ak iŋ ŋaisag a. ⁹Ak man talpein ta tamol naod na iŋ ŋaisag tia yak ago ibol tap, ŋai dam Anut san eŋel naod na iŋ ŋaisag tia yak ago ŋabol a. ¹⁰Agod talpein ta iŋ Tamol Nanun niŋen o ru saiak ibol dan, Anut aupasek an ka isuas yau a. Ak gug talpein ta iŋ Awan Urgan niŋen o ru saiak ibol dan, Anut talpein an san muruan ta isuas yau na wa.”

¹¹“Saen diŋiliaŋ pe Juda sad tumanek ab lo tamol tutubun naod na atur o, tia gabman gurman naod na atur dop, dugo woŋ sem ibalgiranaŋ pe aŋiŋeŋ an niŋen ilom ta weiwei na wa. ¹²Saen nek an lo man Urgan iŋ ru abol ilasa san an ikubiai panaŋ a.”

Ŋiŋeo tamol a filian anda yan san ru faŋan

¹³Tamol ta tamolpein luluŋad lo Jesus irupeig ibol, “Girek maŋau, ŋai teig matu an rupeip, bai san filian an yabitip, anen anen atem misini wa.”

¹⁴Ago tag Jesus ru naon irupeig ibol, “O turag, enti ŋai aŋ filiam ŋitarpale wo ipilianag i?” ¹⁵Agog Jesus irupidai, “Kagin agane. Aŋ tamol sen ak san filian niŋen o malam ta isi na wa, kagin naok ago yan fidian niŋen o sen alasa wa. Man dugo, tamol san madok uyan man tan san filian lo ta yen na da.”

¹⁶Ago tag Jesus ru mitilaen en irupidaig ibol, “Filian tamol ta iŋ tan munan uyanan ak lo anaŋ ipaeg isa uyan a. ¹⁷Agog iŋsen kankan ago igane,

‘Ŋjai darem^c fidian lo anarj ŋidiri san ta idaisuda na ya. Ak niŋen o dugo ŋigane wak i?’ ¹⁸Agop ibol, ‘Ŋjai darem ŋusubaraip, foun tutubun ak ŋususe idu wa. Ante anarj, melmel aenta ŋidiri wa. ¹⁹Agop ŋai melmel uyan ak wei mi amag da wa. Anarj ar wei mi yen da, an yaes ŋabal san idaisuda ya. Ago yak niŋen o ŋani ŋaluk dop, seg malag ŋupare woŋ dop ŋumado wa.’”

²⁰“Gug Anut ibol, ‘Oŋ ŋiŋe! Gamu tidom dop oŋ umat a. Ago dop enti oŋsa filia an iŋane wak i?’”

²¹“Tamolpein ensauta a tan en lo iŋaned filian bageu san tubun mi dutumani wo dumat da, ago gug Anut malan lo man iŋ filiad tia ya, kagin nek ago mi iŋ lo ilasa wa.”

Ilom weiwei amoi

Mat 6:25-34

²²Agod Jesus megeloum irupidai, “Ak niŋen o aŋsam madok niŋen o ilom ta muruan na wa. Mel ani wan niŋen o, mel aluk san agod biouŋ tinim san an niŋedi wo ilom ta muruan na wa. ²³Man dugo, anarj an mel tusan dugo ŋutumi an mel tubun a. Taida mi, biouŋ tinim san an mel tusan dugo tinimi mok an mel tubun a. ²⁴Anakanak niŋen kankan agane, iŋ anarj ta dupae na da, iŋ anarj disinip anarj ab lo ta dutumani na da, ak man Anut iŋaned anarj ipidinai da. Ak dugo, Anut malan lo anakanak mel tusan dugo arj mel tubun geig ak i? ²⁵Agod enti ta arj lulunam lo, ilo wei lo iganep iŋsan tan san madok san saen kitek an isupasi wak i? ²⁶Ago yak niŋen o mel nanun an agane san tia tap, ata wo melmel an aenta fidian niŋedi wo ilom weiwei dak i?”

²⁷“Garaŋ san kakak dugo woŋ disa dak ilom isou a. Kakak an urat ta digane na dak, agod iŋaned biouŋ dam ta diwei na da. Ak man ŋai ŋurupaian da, gidad Solomon damag siŋaokan ak dupani bo man, iŋsan leil man kakak an san leil igo tia ya. ²⁸Aria, Anut garaŋ san kakak san leil iganep siŋaokan ago dilasa dop, gidad gamu kumaedi dumado gup gabulop yai lo diabiau o tap, o arj tamol ilo rumok amam tusan a, ak dugo, arj dam biouŋ tinim fo ta idiri na wak i? ²⁹Amaiak niŋen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi. ³⁰Man dugo, tan en san tamolpein fidian mel an fidian abanjan diabi dutor da. Agod aŋanem Tamami mel fidian a niŋen o arj katukami dan ilonj fufe da. ³¹Gug imug mi man, Anut san kagin panek an aŋanem madok lo malan te mok agane tap, melmel en fidian dam aŋane wa.”

Anut san panu lo mel uyan ak ule san dal

Mat 6:19-21

³²“O ŋaisag sipsip malan wei tia yan, arer amoi. Aŋanem Tamam iŋanen ilo uyan lo iŋanen kagin panek ipanaŋ a. ³³Ago yak niŋen o

^c Badbad

aņanem filiami an adad yaup, moni aņanep, tamolpein a melmel ad tia yan abinawai. Dal an lo Anut urat naon iņsiganen panu lo idirip, pempem yen a. Darir, gumagam tamol adi dida dusubari san tia ya. ³⁴Aben dugon lo aņsam urat naon yen dan aņsam ilo girek fidian dam nek atna mi yen a.”

Kagin aganep amado

Mat 24:45-51; Mak 13:32-37

³⁵“Malam kumaen amado wa. Tinim akubunep, lam asulanip ided dop, tawaņ aganep amado wa. ³⁶Urat pinein iņaned tirnek tamol soubul lo yau ak imul o malan digane wa. Ago tap, iņaned tirnek tamol imul ipalup, dalawan ititi dop ka dupasi kisaek oņ a. Tamol nek ago alasap amado wa. ³⁷Pinein malad kumaen dumado dan iņ o ru tia ya. Pinein an irupidaip, dumasi dop, iņsen anaņ ipidinai a. ³⁸Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa. ³⁹Gug aņ mel en niņen o ilo sou agane. Ab taman iņ saen dugon lo gumagam tamol tidom lo ab igilep ilon lo iladu wan iloņ tap, iņ ta yen na wa. Tia, tawaņ igane uyanan pe gumagam isadu san dal ifou wa. ⁴⁰Ago yak niņen o aņ dam malam ipuk pe abaņ ale wa. Man dugo, saen aņ Tamol Nanun ipalu san an ta akubiani na dop, saen nek en lo iņ imul ipalu wa.”

Urat tamol uyan ak, iņ saian ak da

⁴¹Jesus ru ibol itout an Pita isumiani, “Tubun en. Oņ ru en maņ mi rupaiama di? Tia, tamolpein fidian rupidai di?”

⁴²Ago tag Tubun en ru naon igo irupei, “Ab taman ta iņsan urat pinein a maņau amad da, agod awan diri dupani dan, kob ipidinaig an lo iņ iņanen urat pinein aenta itirnai a, agod anaņ diani san saen ante mi anaņ ipidinai da. Ak dugo, aņ luluņam lo, enti iņ urat pinein naok igo yak i? ⁴³Saen ab muroun ipalup urat pinein an iņsan urat igane uyanan dan ile tap, iņ lo uyan a. ⁴⁴Ijai rumok ŋurupaiaņ da. Tamol tubun en iņanen urat pinein emaiak kob ipanip, an lo iņanen biouņ fidian kaginad igane wa. ⁴⁵Ak man urat pinein an tamol saian tap, ilon lo igo ibol, ‘Ijaisag tamol tubun en ta ipalu kisaek oņ na da.’ An niņen o fun iganep urat pinein aenta, tamol iņ pein da, ifu isusap, lukluk tamol dida anaņ diani dop, you sakar ak duluk o kagin naok ago igane wa. ⁴⁶Urat pinein an san gurman nal agod auwa dam ta iloņ na dop ipalu wa. An lo dop tamol tubun en ipalu saltik oņ pe urat pinein an ibaltiti idu wa. Ago dop awa parsisalek tamol adi luluņad lo iganep dida dumado wa.”

⁴⁷“Urat pinein iņanen tubun ak ilon iloņ gug ta iri ipani na tap, muruan tubun mi ile wa. ⁴⁸Gug ta iņanen tubun ak ilon ta iloņ na dugo igane saian tap, tamol an bu kabelan mi iņane wa. Enti a Anut maņau

tubun mi ipani dan, Anut isumiani dak, ijanen urat lo nuŋon tubun mi dam igane wa. Agod enti a Anut binawek nen tubun mi ipani dan, nuŋon dam nen tubun mi igane wo tinin igane pani da.”

Jesus niŋen o tamolpein tarpalek malan uraru

Mat 10:34-36

⁴⁹Agog Jesus ibol, “Ŋjai tan na yai ŋigane wo ŋupalu ya. An niŋen o ŋaisag ilog man yai an gubak mi ided la yak man uyanan a. ⁵⁰Gug muruan tubun ŋisini wak naog na yen da. An niŋen o ŋaisag ilo muruan an yen dop yaup, muruan an itout a. ⁵¹Ak dugo, ŋai maror tan en lo ŋigane ilasa san ŋupalu yak ago ilom isou dak i? Tia geig a, ŋai ŋurupaiaŋ da, maror tia, tia, biatitek mi a. ⁵²Saen gamu en go yau dan, ŋai o ab aenta lo tarpalek yen a. Nuŋod kafenda tap, utol ŋai aneg dudu wa, ago dop uraru ŋai o ru sen dubol a. ⁵³Nanuk tamadi dumasap, nanud lo siai digane wa. Nanuk dam tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida siai digane wa. Ago dop nanuk tinad dam raod lo siai digane wa.”

Jesus san ager adi abaŋ dugo dile dan duloŋ uyan san ta idaisuda na ya

Mat 16:2-3

⁵⁴Agog Jesus tamolpein malan tubun an fon irupidai, “Saen ad idu yau dak ate timtaen bilkas ale dop abol da, ‘Ui idu wa.’ Ago dop ui idu da. ⁵⁵Saen tim tubun mi ifure dop, aŋ aloŋ, ad idu wa. Agop ad idu da. ⁵⁶Aŋ sewak tamol. Aŋ abaŋ lak na yak ale dop fun aloŋ da. Tan na dam abaŋ ale dop, fun aloŋ da. Ak man ata wo melmel gamu ilasa dan fun ta aloŋ na dak i?”

Ririan ru akubune wa

Mat 5:25-26

⁵⁷“Aŋ ata wo kagin itaot agane san dal ta akubiani fufei na di? ⁵⁸Tamol ta iŋ oŋ iŋilio kot lo au dop dal na oŋ iŋ da ririan ru akubune wa. Kabelan iŋiliop, bitinaek tamol naon na alasap ai katuk banid lo iginiop dusubano banau. ⁵⁹Ŋjai ŋurupaio da. Dusubano dan lasa san tia geig. Mado nap oŋane muruan naon an niŋen o, moni samukan fidian udad itout gup, lasa wa.”

Tamol ilon ta ibilisa na dan, iŋ ideg yau a

13 ¹Saen an lo tamolpein dupalug Jesus durupe, “Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, iŋsad dar tinid lo ilasa se yan mudan a yai digane dan da ikubuli a.” ²Ago tag Jesus

isumianai, “Ak dugo, inj dal an lo dumat an niŋen o aŋ ilom lo abol, inŋsad kagin saiak Galili tamolpein aenta sad kagin saiak iriŋani ak ago abol di? ³Tia geig. Gug ŋai ŋurupaiaŋ da. Aŋanem saian an fidian patum ta apani na wak an rumok tap, aŋ dam nek ago mi adeg au a. ⁴Dugo, tamolpein 18 Siloam na ab lak na geig an yau idug ifu dumat an, ilom lo inŋsad kagin saiak an Jerusalem tamolpein aenta sad kagin saiak an iriŋani abol di? ⁵Tia geig a. Gug ŋai ŋurupaiaŋ da. Aŋanem kagin saiak patum apani. Tia tap, aŋ ago mi adeg au a.”

Gurab nuŋon tia yak san ru faŋan

⁶Agog Jesus ru faŋan en irupidai, “Tamol ta inŋsan abi lo ai gurab ta ipae ya. Nal ta yaug, gurab patun abaŋ ile tia tag, ⁷inŋsan abi titianek tamol irupe, ‘Ŋai anaŋar utol gurab an patun ta ŋile man tia ya. Ak niŋen o tare. Etna itur dop, tan bulbal inŋanep itout banau.’ ⁸Ak man abi titianek tamol irupe, ‘Tubun en. Gidad, umoi dop, anaŋar kisaek taida itur dop tile gup. Ŋai dabin tan ŋupanip afon tile wa. ⁹Agop, anaŋar naod na yan nuŋon ifu uyan tap, itur a. Gug tia tap, titare wa.’”

Jesus pein ta Sabat nal lo iganeg uyan a

¹⁰Sabat nal ta Jesus Juda ubou ab ta lo ru ipiteŋanai se ya. ¹¹Saen an lo pein ta itaror oŋ itor dak an dam imado ya. Inŋ gubak mi ur saian tinin lo iladug yen dugo subam an inŋaneg anaŋar 18 yau la ya. Saen fidian ifotsa san ta idaisuda na ya. ¹²Jesus pein an ile tag iwagig, ipalug irupe, “Oŋane subam gamu ŋigane itout a.” ¹³Ago dugo banin tinin fo iganeg, gamu nam ifotsag, Anut yaŋan yabisa ya.

¹⁴Jesus Sabat nal lo pein an iganeg uyan ak niŋen o, ubou ab an san titianek tamol tiŋaen saian. Ago tag inj tamolpein ipidaig ibol, “Nal 6 an urat san. Ago yak niŋen oŋ enti saia tap nal 6 an ilon lo palup, ikubunio. Gug Sabat nal lo man tia ya.”

¹⁵Ago tag Tubun en tamolpein fidian ubou ab an lo yan ru naon igo irupidaig ibol, “Aŋ balem uraru tinami a! Aŋ Sabat nal lo, aŋanem makau boi, tia, doŋki kam burod lo yan apasip, aŋal pe da aup you ta apidinaŋ da. An ta rumok na i? ¹⁶Nek ago mi, gamu pein en, Abraham malan kubulan, inj anaŋar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

¹⁷Inŋsan ru naon an iganeg, tamol a fidian sumianek dupani an miai ifu ya. Gug tamolpein aenta man Jesus kulob funfun igane na yan niŋen o ilod tubun mi uyan se ya.

Ai patun kitiktikan san ru faŋan

Mat 13:31-32; Mak 4:30-32

¹⁸Agog Jesus fon irupidai, “Anut san kagin panek man dugo woŋ ak i? Ŋai ata mel lo tou ŋigane wak i? ¹⁹Inŋ ibol ai patun kitiktikan yaŋan

masted dubol dak oŋ a. An tamol ta ijanep, ijanen abi lo ipaep, ipuk pe, isap, ai tubun ak oŋ ilasa wa. Ago dop anakanak raen fo wur dufuni wa.”

Yis san ru fajan

Mat 13:33

²⁰Agod Jesus afon isumianai, “En ata mel ŋai Anut san kagin panek da tou ŋigane wak i? ²¹Iŋ ibol yis oŋ. Pein ta yis ijanep, plaua daeg tubun ak lo yan ida ikubulip, yen dop plaua ikafut yaup tubun a.”

Dalawan ipipiani an

Mat 7:13-14,21-23

²²Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipitejanai dugo yau se ya. ²³Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

²⁴Ago tag Jesus irupidaig ibol, “Dalawan man ipipiani an. Aŋ dalawan ipipiani an lo aladu wo maeg agane wa. Man ata wo? Ŋai ŋurupaiaŋ da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya. ²⁵Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awagiŋ a, ‘Tubun en, oŋ dalawan pasi panama.’

“Gup iŋ ru naon igo irupaiaŋ a, ‘Aŋ dugon te alasa yan ŋai ta ŋaloŋ na ya.’

²⁶“Ago dop arupeip abol a, ‘Oŋ maŋ da sisem tani taluk na ya. Maŋsama panu lo dam pitejanama na ya.’

²⁷“Ago gup irupaiaŋ, ‘Ŋai fon ŋurupaiaŋ da, aŋ dugon te alasa yan ŋai ta ŋaloŋ na ya. Aŋ aupasek tinami, sen alasa.’

²⁸“Aben an ate aŋ atata dop luomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabianaŋ pe patun fo alasap amado wa. ²⁹Tamolpein wei kasik ad isuda dak lo, ad idiau dak lo, not lo, saut lo dam an fidian dususap, Anut san kagin panek aben lo diladup anaŋ diani wo dumasip dumado wa. ³⁰Aloŋ uyan, aenta gamu murna yan murnap dumug a, ago dop aenta gamu malan te yan murnap murna geig dumado wa.”

Jesus Jerusalem niŋen o itata ya

Mat 23:37-39

³¹Saen an lo mi Farisi aenta dupalug, Jesus durupe, “Oŋ gidad, gamu aben en biseip sen lasa. Man dugo, Herod oŋ ifuno umat o ilon yen da.”

³²Ago tag Jesus ru naon irupidai, “Aup, goun kasik an arupe, ‘Ŋai saen gamu, gabulo an man ur saiak saiak ŋukudai diau dop, tamolpein subam

ad da yan ŋukubunia i a. Salsop ŋaisag urat wadan ŋufutani wa. ³³Ago yak niŋen ŋai gamu, gabulo, salso man tureŋ mi ŋabi wa. Man dugo, aben a ate profet ta dufuni imat an man Jerusalem mi a, an niŋen o panu sen ta lo dufuni imat banau.’ ”

³⁴“O Jerusalem. Oŋ profet adi ufu dumat na ya. Anut tamol oŋsa na iginia i dupalu dan dam pat nam ufu da. Nal wei kasik ibol kurek ta nanun subarin paen na kagin ipidina i dak ago mi ŋai kagin ŋupanaŋ o ŋigane gug aŋ ŋai amoi a! ³⁵Ago yak niŋen o Anut aŋsam tempel ibiseig kawan yen da. Agod ŋai ŋurupaiaŋ da, aŋ ŋai fon ta aliag na dop yaup aŋ saen igo abol, ‘Tamol e Anut yaŋan lo ipalu den Anut anen bar tinin lo yen da.’ ”

Jesus tamol ta tinin ikafut ak ikubune ya

14 ¹Sabat nal ta lo Jesus Farisi gurman ta san ab lo anaŋ yani wo yau a. In fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya. ²Agog tamol ta ŋien banin ikafut ak Jesus siŋiren na ipalu ya. ³Jesus tamol an ile tag kubiaeŋ san girek maŋau, in Farisi dida isumiana i, “Idsad kubiaeŋ dugo ibol ak i? Sabat nal lo subam adi ka tukubunia i ak i? Tia yak i?” ⁴Ak man in fidian ru ta dubol man tia ya. Ago tag Jesus tamol an iŋaneg ikubuneg itout go idinig yau a.

⁵Agog Jesus fon isumiana i, “Aŋ luluŋam lo tamol ta nanun boi, tia, inŋsan makau boi, you san gib lo idu yau tap, mel en Sabat nal lo ilasa yan niŋen o, ririan yaup irae isudap inane wak i?” ⁶Ak man ta kisaek ru naon ipei man tia ya.

⁷Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru faŋan en ibol, ⁸“Tamol ta nug ŋanek san soubul lo igiop wau tap, imug mi kapal malan te yak fo masi umoi. Kabelan tamol ta oŋ iriŋano yak dam iwagip ipalu banau. ⁹Agop soubul taman an ipalup irupaio, ‘Oŋ gidad masa dop, in aben en lo imasi wa.’ Agop oŋ miai tubun mi ifuno dop, masap waup, kapal wadan na yan fo masi wa. ¹⁰Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman oŋsa na ipalup, irupaio i go ibol, ‘Turag, oŋ masap palup aben uyan en lo masi wa.’ Ago tap oŋ tamolpein dumado dan malad lo oŋ yaŋa ama da wa. ¹¹Man dugo, tamol ta inŋsen yabisa dan, Anut in yabi idup tamol yaŋan tia yak imado wa. Agod ta inŋsen yabi idu dan Anut in yabisap yaŋan anda imado wa.”

¹²Agog Jesus soubul taman irupe i, “Saen soubul gane tap, oŋane tura, murou, ab susumeik, filiad anda yak mi giai umoi. Man dugo, in murna dop soubul naon digane panop, an lo iŋaned gubun dupano wa. ¹³Tia, saen oŋ anaŋ ta wabi wo tap, bigabeg adi, dutor san tia yan, a ŋiedi

tubabunan, agod malad tia an dam, gidad soubul lo giaip dupalu wa. 14Ago tap onj bar uyan ama da wa. Man dugo, ij naon fon onj dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa.”

Soubul tubun ak san ru fajan

Mat 22:1-10

15Agog tamol ta ij dam ante anañ diani ak ru an ilonj tag Jesus irupeig ibol, “Talpein ij mitep Anut san kagin panek aben lo soubul tubun an lo dumado yan bar ijaneg imado da.”

16Ago tag Jesus tamol an irupeig ibol, “Tamol ta ij soubul tubun ak iganeg, tamolpein wei mok dupalu wo igiai a. 17Murnag biabi fidian itout dugo ijanen urat pinein idinig yang, tamolpein igiai an irupidai, ‘Apalu, biabi fidian itout la ya.’ 18Agog anen anen fun diganeg soubul lo ta diau na wan niñen o urat pinein an durupe i a. Tamol malan malan an ibol, ‘Ijai tan kilaken ta ñadad ak ñaup ñile wa. An niñen o gidad, ñai ilo isou umoi.’ 19Tinin te yan ibol, ‘Ijai urat san makau 10 ñadad a. An lo ñaup ñibitiniai o da. Ulonj de? Gidad, ñai ilo isou umoi.’ 20Ago dugo neinta dam ibol, ‘Ijai nor na geig pein ñijane ya. Ago yan lo ñai gamu ñau san tia ya.’ ”

21“Ago tag urat pinein an fon imul yang ru fidian ijanen tubun an naon na ibol. Inñsan tubun en ru an ilonj go tiñaen saian tag, urat tamol an fon idini dugo igo irupeig ibol, ‘Ririan waup, panu ilon lo saiak saiak adi, bigabeg adi, ñied banid imat, malad tia yak, an uñal pe dadi apalu.’ ”

22“Agog urat pinein an imul ipalug ibol, ‘Onjane ru ubol an ago mi ñijane ya. Tamol ñañal ak gug aben aenta wei mi kawan dien da.’ ”

23“Ago tag tamol tubun an urat pinein afon idini dugo irupeig ibol, ‘Waup, dal garañ lo, abi dal lo tamolpein man sodudunaip uñal pe dida apalu wa. Agop ñaisag ab awan isa wa.’ 24Ijai ñurupaio da, tamol a malmalan ñigiai ak gug ij dumoi an, ñaisag anañ en awad kitek isue ile san tia ya.”

Jesus ganuri san muruan

Mat 10:37-38

25Tamolpein wei kasik Jesus ñien fo diau dugo idañsag irupidai, 26“Talpein ta ñai iganurag o da, ak gug ij tinan, taman, iwon nanun, tein muroun, lun muroun fidian ta patun ipidinai na dop, inñsen o kankan igane tap, talpein naok an ñaisag megeloum ilasa san tia ya. 27Ta inñsinanen aigim isinip, ñieg aban ta iri na tap, ij ñaisag megeloum onj ilasa san ta idaisuda na ya.

28“Tamol ta ij ab lak na nuñon yabi wo imat tap, ij imasip, ilon igire wa. Bor sapita isue wak, agod moni sapita ibiseip ab an yabi itout an ilon

isou uyan gup, ab an yabi wa. ²⁹Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep ³⁰dubol a, ‘Tamol en urat fun igane gug igane itout san ta idaisuda na ya.’

³¹“Nek ago mi kiŋ ta yaup, tan sen ak ta san kiŋ da nug dufuni wo tap, iŋ imasap ilon igire uyanan a, man dugo, iŋsan yu tamol 10 tausen mi, gug neinta san man 20 tausen. Ak dugo, iŋsan 10 tausen neinta san 20 tausen diriŋanai san idaisuda yak i? Ilon ago igire wa. ³²Aria, iŋ ta idaisuda na tap, tamol idinaip diaup, kiŋ neinta an dal na mi ida ru dukubunep, ilod kisaek, agop nug ta dufuni na wa. ³³Nek ago mi, talpein ta iŋ ŋai iganurag o imat tap, tan en san filian fidian patun ipani gup, iŋ ŋai iganurag a. Tia tap, ŋaisag megeloum ilasa san tia ya.

Beig san ru faŋan
Mat 5:13; Mak 9:50

³⁴“Beig man mel uyan a. Gug saen iŋsan bulbal an itout dan dal ta lo fon tiganep, bulbal san tia ya. Iŋsan urat dam fidian itout a. ³⁵Ago dop tibiliau da. Tamol oŋ kududo ama da tap, ru an uloŋ uyanan a.”

Sipsip ideg yau ak san ru faŋan
Mat 18:12-14

15 ¹Nal ta takis ŋilaŋal adi iŋ aupasek tamol adi dida Jesus san ru duloŋ o dususa ya. ²Agog Farisi adi, iŋ kubiaen san girek maŋau dida Jesus patun fo disidag dubol, “Tamol an aupasek adi dida nug turan diganep dida anaŋ kisaek mi diani da.”

³Ago tag Jesus ru faŋan en ibol irupidai, ⁴“Tamol ta iŋsan sipsip 100 gug luluŋad lo kisaek ideg yau tap, an niŋen o dugo igane wak i? Iŋ sipsip 99 an itumanaip dumado dop yaup, kisaek an abaŋan yabip itor nap ile mok a. ⁵Saen sipsip an ile dan ilon uyanan pe, iŋanep paon fo ibili isudap, isinip, panu na yau a. ⁶Agop iŋanen turan muroun, ab susumeik an igiaip dupalup, agop irupidai, ‘Ŋai ilog tubun mi uyan da. Man dugo, ŋaisag sipsip kisaek ideg yau gug fon ŋile ya. Ak niŋen o apalup yousai tigane.’ ⁷Nek ago mi lak na Anut san eŋel adi dam tamol ta Anut san kagin imoi ak fon ibileksa dop, iŋ o ilod tubun mi uyan da. Ak man 99 a itaot la yak dubol go dumado dan iŋ o eŋel adi uyasusai ta digane na da.

Moni patun ideg yau ak san ru faŋan

⁸“Nek ago mi pein ta iŋ moni patun 10 gug kisaek ideg yau dop niŋen o dugo igane wak i? Iŋ lam ibanip, ab ilon irianip, abaŋ yabip yau na gup ile wa. ⁹Saen ile dan turan muroun, agod ab susumeik an igiaip, dutumanip, irupidai, ‘Moni patun a ideg yau an fon ŋile ak niŋen o ilog tubun mi uyanan a. Ago yak niŋen aŋ ŋai da sisem ilod uyanan a.’ ¹⁰Ŋai

aŋ ŋurupaiŋ da, nek ago mi Bai Anut san eŋel adi aupasek tamol ta kisaek ilon ibilisa tap, an niŋen o ago mi uyad tubun mi isusa wa.”

Taman ta nanun ideg yau ak san ru faŋan

¹¹Jesus ru awan ibateg ibol, “Tamol ta nanun uraru a. ¹²Nanun bakan an taman irupeig ibol, ‘Bai, oŋane filia ŋai teig da wabitip ŋaineŋ ŋutug gamu en panag.’ Ago tag taman iŋanen filian an yabitig nanun uraru mi anen anen ipidinai a.

¹³“Murnag nanuk bakan ak iŋanen filian an idad yaug, san moni an isiniŋ panu ta asau ak lo yau. Atna uyasusai kagin lo moni isini an isuwari yau. ¹⁴Iŋ melmel fidian isini an igane itout a, ago gug kadag tubun ak tan an lo idu ya. Ak man tinin lo melmel an fidian itout go muruan tubun mi isini se ya. ¹⁵Ago tag yaug, panu an san tamol ta san na urat igane wo isumiani. Tamol an yabig idiniŋ yaug bor sad ar lo iŋanen bor kaginad igane dugo imado se ya. ¹⁶Ago dop bor sad anaŋ samsamun ta yani wo yaes isofutani gug talpein ta mel yani san ta ipani man tia ya.

¹⁷“Saen tinin imadan man, ilon ipastig ilon lo igo ibol, ‘Ŋai tamag san urat pinein bo iŋ anaŋ idaisuda mi diani dugo dumado da. Ak man ŋai ente kadag ibiag dugo mateŋ ŋile wo sumeik da! ¹⁸Ŋai ŋumasap bai san na ŋaup ŋabol a: O bai, ŋai oŋ Anut da naom na ŋigane saian a. ¹⁹Ago yan lo ŋai oŋ nanu ubol san niŋen o ŋai ta idaisuda na ya. An niŋen o ŋai oŋsa urat pinein luluŋad lo oŋsa urat pinein kisaek ago giniag pe ŋilasa wa.’ ²⁰Agoŋ imasag, imul go taman san na yau a.

“Asau mi ipalu dugo taman malan yaug ile ya. Agog iŋanen nanun ilon imuŋani saian geig tag, imaspalug yaug, nanun yabig musuk ipanig ida ditata se ya.

²¹Agog nanun irupeig ibol, ‘O bai, ŋai oŋ Anut da naom na ŋigane saian a. Ago yan lo ŋai oŋ nanu ubol san niŋen o ta idaisuda na ya.’

²²“Gug iŋanen taman urat pinein idinaig ibol, ‘Ririan aup, kulos milaen siŋaokan an aŋanep asini apalup, agane pani. Ariy dam tuon lo agane. Sendal dam adiri pani. ²³Agod aup, makau nanun tinin italbusi uyan an afuni. Agop id anaŋ tabip tani dop, ilod uyan dop muguruŋ tigane wa. ²⁴Man dugo, ŋai nanug en imat ŋabol ak gug gamu afon kumaen imado da. Gubak mi ideg yau ŋabol ak gug gamu afon ŋileg ŋiŋane ya.’ Agog muguruŋ tubun ak fun digane ya.

²⁵“Agog nanuk matu an abi lo itor nag imul ipalug, ab sumeik ipani dugo iŋ sad uyasusai an liliŋan ilon a. ²⁶Ago tag urat pinein ta iwagig isumiani, ‘An ata digane dak i?’ ²⁷Agog urat pinein an ru naon irupe, ‘Oŋ tei itor ak gamu ipalu ya. Muruan ta ile man tia yak niŋen o aŋ tamam makau nanun tinin italbusi uyan an ifuni a.’

²⁸“Nanuk matu an ago ilon go tiŋaen saian tag ab ilon lo iladu san imoi a. Ago tag taman ilasag iŋanen nanun matu ak ab lo iladu wo ilon

injane wo igane se ya. ²⁹Ak man nanun an taman irupeï, ‘Anajar wei kasik ñai oñsa urat pinein igo woñ urat ñigane na ya. Agod ñai oñ awa kitek ñiparsisali man tia ya. Ak gug oñ sipsip nanun ta, ñaineg turag muroug dida uyama isusa wo panag man tia ya. ³⁰Gug oñ nanu an oñsa filia pani an jeit pein adi tinid lo ibidani dugo itor nag, gamu imul an, oñ makau nanun tinin italbusig uyan an inj ninjen o funi a.’

³¹“Ago tag taman ibol, ‘Nanug, oñ ñai da nal pempem tumado da. Agod ñaisag mel fidian man oñsa. ³²Ak man gidad gamu ilod uyan dop muguruñ tiganewa. Man dugo, oñ tei en imat ñabol gug, gamu fon imado da. Inj ideg yau gug fon imul ipalu ya.’”

Titianek tamol kankan anda yak san ru fañan

16 ¹Jesus injanen megeloum irupidai, “Filian tamol ta inj urat titianek tamol aman da ya. Agog tamol aenta dupalug, filian tamol an durupeï, ‘Oñsa titianek tamol an oñane filia ibidani da.’ ²Ago tag iwagig isumiani, ‘Ñai oñ niñe wo ru tim ñaloñ a. Oñ dugo gane dak i? Oñ masip, urat gane yan girep panag dop urat bisei. Oñ afon urat titianek tamol mado san tia ya.’

³“Agog titianek tamol ilon igireg ibol, ‘Ñaisag tubun en gamu ñaisag urat lo ikudag o da. Dugo ñigane wak i? Ñai tan ñitare san dabai amag tia. Agod ñai ñagod o dam mi ai ifunag da. ⁴Ak man dugo ñigane wan gamu ñaloñ a. Ago tap mitep urat lo ikudag dop, turag muroug wei mi duyuñanag dop inñsad ab lo digiag pe ñau a.’

⁵“Ago tag inj tamolpein fidian a inñsan gurman san na gubun digane yan kisaek kisaek mi igiai a. Tamol malmalan an isumiani, ‘Oñ ñaisag gurman an tinin lo gubun sapita gane yak i?’

⁶“Agog ru naon irupeï, ‘Wan handet dram oliv gureñ.’

“Ago tag titianek tamol an ibol, ‘Ririan masip, wan handet suas pe fifti mi gire.’

⁷“Agog neinta isumiani, ‘Oñ gubun sapita gane yak i?’

“Agog ibol, ‘Wan tausen bek wit.’

“Ago ibol tag irupeï, ‘Masip, girek an suas pe 8 handet gire.’

⁸“Aria, inñsan gurman kulob a igane yan san ru iloñ go ipitiani a, man dugo, urat titianek tamol an kankan anda ya. Tan en san tamolpein siganed madok an kagin dupani uyanan san ninjen o kankan ad da ya, agod inñsad kankan an, tamolpein a ilalañ san an sad kankan iriñani da. ⁹Ñai ñurupaiañ da. Anñsam moni nam tamolpein abinawai. Agop an lo inj añ turam dilasa wa. An lo dop saen anñsam moni biabi aman tia man, kumaen panu lo aladup ante tamolpein an duyuñanañ pe malam dupare wa.

¹⁰“Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago mi, talpein enti mel kititik lo

iraek tap, mel tutubun ak lo dam ago mi igane wa. ¹¹Ago yak niŋen o, oŋ tan en san filian o raek kagin gane yak ago tap, saen kumaen panu san filian mok a diwae dan, oŋ niŋe wo ilod isou wak i? Tia geig, oŋ bani kawan mado wa. ¹²Agod tan en lo oŋ tamol sen ak san filian kagin pani wo bani lo digane yak gug, oŋ kaginan ta gane uyan na yak ago tap, oŋane filia kumaen panu lo yan bani lo diganep kagin pani wak i? Tia geig a.

¹³“Tamol ta iŋ gurman uraru an mi nal kisaek lo mi awad yabi san tia ya. Iŋ ago igane wo igane tap, iŋ kisaek o lian niŋen o imat dop, turan ile saian a. Tia dop, kisaek o lian ilon ipani dop, turan patun ipani wa. Nek ago mi oŋ Anut moni da sisem uri san tia ya.”

¹⁴Farisi adi ru an fidian dulon go Jesus kukok an digane dugo nao futek ru tinin lo digane se ya. Man dugo, moni niŋen o tubun mi dumat a. ¹⁵Agog Jesus irupidaig ibol, “Aŋ tamolpein malad lo sem itulaŋ da, ak gug Anut aŋanem ilom ilon uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da.”

Piteŋanek subuŋan taida

Mat 11:12-13; Mat 5:31-32; Mak 10:11-12

¹⁶“Moses san kubiaen iŋ profet adi sad ru da yen go ipalug Jon san lo ya. Saen an log ipalug gamu saen en lo man, Anut san kagin panek aben san ru dufulale da. Ago dugo tamolpein wei kasik Anut san kagin panek aben ilon lo diladu wo wagai digane da. ¹⁷Keit tan da ditout diau san man pasauman geig a, ak gug girek kitekan san boi ta Moses san kubiaen lo yan ideg yau san ta pasauman na ya. Rumok, ideg yau san tia geig a.

¹⁸“Tamol ta iŋ iwon ikudip pein foun ak iŋane tap, jeit igane da. Ago dop tamol sen ta pein a iwon ikudi an iŋane tap, iŋ dam jeit igane da.

Filian tamol iŋ Lasarus da

¹⁹“Tamol ta iŋ filian anda yak pempem biouŋ sisiŋaok ak mi idirip imado se ya. Anaŋ dam uyan uyan ak mi yani se ya Iŋ mel ta lo katukan man tia ya. ²⁰Ago dugo bigabeg tamol ta yaŋan Lasarus dam imado. Iŋ tinin baob yafutani a. ²¹Pempem disini diaug, filian tamol an san ab naon na dibilisig, imado dugo anaŋ samsamuk filian tamol san badim fo yan idu dan yani wo ilon tubun mi ibol se ya. Ago dugo goun dupalug, iŋsan baob an dipile se ya.

²²“Tamol uraru an ago digane yau nag, bigabeg tamol an imat go, Anut san eŋel diŋaneg diaug, Abraham giraŋen na digane ya. Agog filian tamol an dam imat go disare ya. ²³Iŋ Ades lo imado dugo, madai tubun mok ifuni se ya. Agog malan isudag, asau mi Lasarus Abraham giraŋen na imado dugo ile ya. ²⁴Ago tag filian tamol Abraham iwagig go ibol, ‘Bai Abraham, ilo imuŋanag. Lasarus dinip, banin kikoun you lo

isaminip, isini ipalup baleg fo iganep ibubarum. Man dugo, rjai yai en lo madai tubun mi rjisini dugo rjisagai da.'

²⁵“Ago tag Abraham ru naon irupei, ‘Nanug, ilo isou. Saen oŋ tan na kumae mado dugo, oŋ oŋsa mel uyan uyan ak rjane na ya, ago dugo Lasarus mel saian saian ak mi rjane na ya. Gug gamu iŋ ilon pasa ibol dugo oŋ madai tubun geig ak sini da. ²⁶An mi tia, Anut oŋ rjai da titiŋaem dog kuror ak iganeg yen da. An lo tamolpein etna dumado dan dog an dupilalip oŋsa na diau san tia ya, nek ago mi tamolpein a oŋ dida amado dan dog an dupilalip rjaisag na dupalu san dam tia ya.’

²⁷“Ago tag filian tamol an ru naon irupeig ibol, ‘Mago tap, Lasarus dinip, rjai tamag san ab lo yaup, ²⁸teig 5 ante dumado dan ru kagin irupidai a. Kabelan iŋ dam aben ente tamolpein madai tubun geig dile wan ate dupalu banau.’

²⁹“Ak man Abraham ru naon irupeig igo ibol, ‘Tia. Oŋ tei murou man iŋ Moses san kubiaerŋ, agod profet adi sad ru ka dusuti wa, an iŋ o idaisuda ya. Ru an ka duloŋ dop kagin digane wa.’

³⁰“Agog filian tamol an ibol, ‘Tia. Bai Abraham, an man ta idaisuda na ya. Uloŋ, tamol ta imat ak fon kumaen imasap yaup, rjai teig muroug an irupidai tap, an lo ilod ibilisa wa.’

³¹“Ak man Abraham irupeig ibol, ‘Iŋ Moses profet dida sad awad ta diabi na yak tap, gidad tamol ta materŋ lo yak fon imasa dap, ilod iŋanep ilod ibilisa wo ru kagin irupidai bo man, iŋ awan ta diabi na wa.’”

Aupasek kagin, ilo rumok kagin, agod awabek kagin

Mat 18:6-7,21-22; Mak 9:42

17 ¹Agog Jesus iŋanen megeloum irupidaig ibol, “Kubianek funfun ilasa wa, dilasa san dal tufutani san tia ya. Gug tamol enti iŋ turan ta naon iraeŋ, kagin saian lo idu tap, iŋ muruan tubun mi ile wa. ²Gidad, iŋ pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa. ³Ago yak niŋen o kagin agane, sem tinim atirni uyanan a!

“Oŋ tei ta oŋ lo aupasek igane tap, kududon wabi. Agop ibileksa tap, iŋanen aupasek an pare idu pani. ⁴Gidad, ad kisaek ilon lo saen 7 oŋ lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi iŋanen muruan an pare idu wa.”

⁵Agog aposel adi Tubun en durupei, “Maŋsama ilo rumok an ganep dabai.”

⁶Ago tag ru naon irupidaig ibol, “Masted patun man kitiktik an gug isap ai tubun ak ilasa da. Ago yak niŋen o anŋsam ilo rumok masted patun igo woŋ tap, gidad ai e leil apani den tubun a, ago bo man ka arupei, ‘Oŋ se ibilanop, waup, beig lo udup utur,’ ago dop awam yabi wa.

⁷“Aŋ luluŋam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, iŋ imug o mi anaŋ yani wo ta

irupeï na wa. ⁸Tia, iñanen tubun ak san anaŋ imug ikubunep ipanip, yani gup, murna dop iñsinanen anaŋ yani wa. ⁹Urut pinein ago igane dop, iñsan tubun an ilo uyan ru ta irupeï na wa. Tia. Man dugo, urat pinein an iñanen tubun ak idini ak fom igane da. ¹⁰Aŋ dam nek ago mi a. Saen aŋ urat fidian ŋai aŋ ŋupanaŋ an aganep itout dop abol, ‘Maŋ urat pinein kawan a. Mañanema tamol tubun ak mi awan mabi da, mel ta per panek miñane san ta migane na da.’”

Jesus lepra tamol 10 ikubuniaï a

¹¹Jesus Jerusalem na yau dugo dal a iri dan Sameria iŋ Galili da dien dugo titiñaem yau a. ¹²Panu ta ate iladu dugo, tamol 10 lepra amad da yak dal na dile ya. Iŋ kitek asau mi dutur dugo, ¹³duwagiŋ, “Jesus, Tubun ak, ilo imuñanama.”

¹⁴Jesus yil tag irupidai, “Aup, tinim Juda sad pris adi akubiaip dile.” Agog dal na diau dugo tinidi afon ilasa uyanan da ya. ¹⁵Iŋ luluñad lo tamol ta kisaek iŋ tinin ago ile tag, idañsag imul Jesus san na yau dugo, awan tubun mi Anut yañan yabisa se ya. ¹⁶Agog yaug Jesus naon na turun isaluwig, ilo uyan ipani a. Tamol an Sameria tamol. ¹⁷Jesus ago ile tag ibol, “Tamol 10 ŋukubuniaig uyadi an, kisaek imul a, ago dugo, 9 an dugon te diau ak i? ¹⁸Ata wo tamol ŋukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?” ¹⁹Agog Jesus tamol an irupeï, “Masap wau. Oñane ilo rumok ikubunio ya.”

Dal dugon lo Anut san kagin panek ipalu wa

Mat 24:23-28,37-41; Mak 13:14-23

²⁰Farisi aenta Jesus dusumiani, “Saŋeptap Anut san kagin panek ipalu wak i?” Ago tag Jesus ru naon irupidai, “Anut san kagin panek ipalu dan, an talpein ta ile ilonŋ na wa, man dugo, kob ta iñsan kagin panek sumeik ipalu dan san an imug ta ilasap ale na wa. ²¹Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek aŋ luluñam lo yen da.”

²²Agog Jesus megeloum irupidai, “Murnap aŋ Tamol Nanun kitek ale wo ilom ibol ak gup ale san tia wa. ²³Aenta durupaiaŋ, ‘Tamol Nanun obo ya.’ Tia, ‘Iŋ ebe ya.’ Gug iñsad ru an ilom lo rumok pe abañan abi amoi. ²⁴Saen Tamol Nanun imul dan, iñsan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo woŋ a. ²⁵Gug malmalan muruan wei mi isinip saen e lo tumado den san tamolpein patud dupani gup.

²⁶“Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a. ²⁷Saen lom tubun ak ta ilasa na dugo, iŋ anaŋ diani dugo, you dam duluk dugo, nug diñane

dugo, pein njedi dupidinai dugo, yaug saen Noa wog tubun ak lo iladu ya. Agog lom tubun ak ilasag tamolpein an fidian daonj ipidinai a.

²⁸“Lot san saen lo dam ago mi digane se ya. Tamolpein diani duluk onj dugo, didad dijnane onj, ab diabi onj, ananj dupae onj dugo dumado se ya. ²⁹Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian ifu dumat a.

³⁰“Tamol Nanun kuai isi wo dop nek ago mi digane wa. ³¹Saen an lo dop tamol ta ab patun fo itor ak imul ab ilon lo iladup, injanen biounj isini wo ta igane na wa. Nek ago mi, tamol ta abi lo yak fon imul pe, ab lo yaup mel ta injane wo ta igane na wa. ³²Lot iwon igane yak ilom isou. ³³Talpein ta injen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa. ³⁴Ijai njurupaianj da. Nal an lo, tidom pe talpein uraru galunj kisaek lo dien a, gug kisaek Tubun en injane dop, kisaek yen a. ³⁵Nek ago mi pein uraru sisem urat digane wa. Gamu nam kisaek injane dop, kisaek imado wa. ³⁶Nek ago mi tamol uraru abi lo dutor a. Kisaek injane dop, kisaek imado wa.”

³⁷Ru an dulonj go Jesus san megeloum dusumiani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

Gudanek san ru fañan

18 ¹Jesus megeloum dugudani onj dop dumado wa, ago dop ilod ta isali na wo ru fañan ta irupidai a.

²Ij ibol, “Panu ta lo tulek tamol ta imado dugo Anut njinen o ta irer na da. Tamol dam njinedi wo ta irut na da. ³Aria, pein suos ak ta panu an lo imado ya. Inj pempem tulek tamol an san na yaup, inj ibinawip, injanen ager kot lo digane wo iduduwig, ibol: ‘Tamol ta njai iginiag saian. Agog kot lo njigane wo dak njinen o onj njai binawag.’

⁴“Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, njai Anut, inj tamolpein dam njinedi wo ta njarut na da. ⁵Gug suos en njai aeg itog onj dak njinen o gidad injanen kot lo njubinawi wa. Tia tap, igo igane onj dop, njai tuog imad a.’”

⁶Agog Jesus ru awan ibateg ibol, “Ru a tulek tamol saian ak ibol an alonj pe apupi ale wa. ⁷Anj ilom dugo isou dak i? Ak dugo, Anut san pilianek tamolpein a tidom ad duwaginj dugo ibinawai o dusumiani dan, ibinawai o saen milaen imoi ak i? ⁸Ijai njurupaianj da. Inj ririan ibinawaip injaned muruan ikubune wa. An lo inj talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?”

Farisi inj takis njilañal tamol da sad ru fañan

⁹Jesus afon ru fañan ta, tamolpein ensauta a inj sed mi itaot dubol, sed yañad diabisa dugo tamolpein aenta metmet warou dubol dan igo ibol

go irupidai, ¹⁰“Tamol uraru dugudani wo Juda sad ubou ab tubun ak lo diau a. Kisaek man Farisi. Neinta man takis njalaŋ tamol. ¹¹Farisi an imasag inŋsen niŋen o mi ilon lo igo igudani se ya, ‘O Anut, ilog uyan da. Man dugo, ŋai tamol aenta digane saian dan ago tia ya. Ŋai takis njalaŋ tamol igo tia ya. Ŋai ilosek ag tia. Ŋai ta njraek na da. Ŋai jeit ta ŋabi na da. Ŋai tamol nuŋog mi a. ¹²Ubou kisaek ilon lo nal uraru anaŋ geg ŋiganep ŋugudani da. Filiag an fidian ŋutumanip, malan 10 gup, malan kisaek ŋupano da.’”

¹³“Gug takis njalaŋ tamol man, sen iparyanig, itakok go naon yabisag lak na abaŋ ile man irer. Inanen aupasek niŋen o ilon muruan go sen titiren ifunig ibol, ‘O Anut, ŋai aupasek tamol. Ak niŋen o ilo imuŋanag.’”

¹⁴“Ŋai ŋurupaiaŋ da. Anut malan lo man takis njalaŋ tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta inŋsen yaŋan yabisa tap, Anut inŋ yabi idu wa. Gug talpein a inŋsen yabi idu dan, Anut inŋ yabisa wa.”

Jesus nanuk kitiktik igiaig inŋsan na dupalu ya

Mat 19:13-15; Mak 10:13-16

¹⁵Tamolpein aenta nanuk kitiktik diŋal go Jesus banin lo didirai o dupalu se ya. Agog megeloum adi dil tag ru dabai nam dupudai a. ¹⁶Ak man Jesus nanuk kitiktik igiaig, inŋsan na dupalug ibol, “Nanuk kitiktik akudai amoi. Abisawaip, ŋaisag na dupalu. Man dugo, Anut san kagin panek man tamolpein ilod nanuk igo yak sadi a. ¹⁷Ŋai rumok ŋurupaiaŋ da. Talpein gidad Anut san kagin panek nanuk nanun igo woŋ inŋane wa. Tia dop, inŋsan kagin panek lo iladu san tia geig a.”

Filian tamol ta

Mat 19:16-30; Mak 10:17-31

¹⁸Juda tamol gurman ta Jesus isumiani, “Girek maŋau uyanan en. Ŋai dugo ŋiganep kumaen pempem san niŋane wak i?”

¹⁹Ago tag Jesus ru naon irupeig igo isumiani, “Ata wo ŋai uyag ubol dak i? Talpein ta uyan man tia ya, nek Anut mi inŋsen kisaek uyan a. ²⁰Oŋ kubiaenŋ fidian ulonŋ; tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa.”

²¹Agog tamol an ibol, “Ŋai nanuk log ipalug gamu en, kubiaenŋ an fidian ŋuri ŋupani na ya.”

²²Jesus ru an ilonŋ tag irupe, “Oŋ mel kisaek lo mi katuk ama ya. Oŋsa filia fidian udad yau dop, moni an ŋanep, bigabeg adi pidinai a. Ago tap oŋ Anut san kumaen panu lo filia ama da wa. Ago gane gup, ŋai ŋieg abag uri wa.”

²³Tamol ru an ilonj man ilon tubun mi muruan. Man dugo, in filian tamol tubun geig a.

²⁴Jesus tamol an leil ipani dugo ibol, “Tamol filian anda man Anut san kagin panek lo iladu san man muruan geig a. ²⁵Alonj ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a.”

²⁶Tamolpein a Jesus ru ibol dugo dulonj dan dusumiani, “Mago tap, ensauta mok mi Anut patud ipasip, kumaen pempem yen dan dijanane wak i?”

²⁷Ago tag Jesus ibol, “Mel a tamol digane san tia yan, Anut igane san ilonj a.”

²⁸Agog Pita ibol, “Maŋ onj nje aban muri wo maŋanema ab, panu agod mel fidian mubusei a.”

²⁹Ago tag Jesus igo ibol go irupidai, “Ŧai rumok ŋurupaianj da. Talpein ta Anut san kagin panek niŋen o iŋanen ab, iwon nanun, tein taon, agod tinan taman ibisawai tap, ³⁰saen e gamu yen dan lo Anut naon uyan a ipani wan tubun kasik a. Agod saen foun ak a murnap ilasa wan lo kumaen pempem yen dan iŋane wa.”

Jesus iŋanen mateŋ niŋen o ibol utol a

Mat 20:17-19; Mak 10:32-34

³¹Jesus megeloum 12 an injal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun niŋen o digire yan nuŋon ilasa wa. ³²Inj gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a. ³³Ago digane wak man, nal utol itout gup, Anut ifufunip afon kumaen imasa da wa.”

³⁴Gug iŋanen megeloum ru a ibol an fun ta dulonj na ya. Ru an fun mok mianuk lo yen. Ago dugo Jesus ata niŋen o ibol an fun mok diŋaonj a.

Jesus tamol malan itau ak ikubune ya

Mat 20:29-34; Mak 10:46-52

³⁵Jesus Jeriko sumeik ipani dugo, tamol ta malan itau ak dal gigin te igod dugo imado. ³⁶Saen tamolpein diriŋani dugo sad liliŋan ilonj man, isumianai, “An ata mel ilasa dak i?”

³⁷Ago dugo durupe, “Jesus, Nasaret tamol, amaiak yau da.”

³⁸Ago tag tamol an iwagiŋ, “O Jesus, Dawid Nanun, ilo imuŋanag!”

³⁹Agog tamolpein a Jesus naon na imug diau dan dububuŋanig durupe, “Awa itaup tokubol pe mado!” Ago tag tamol an nen maeg nam iwagiŋ dugo isasai, “O Dawid Nanun, ilo imuŋanag!”

⁴⁰Ago tag Jesus ipartuanig mala itau an dijanane dupalu wo irupidai. Saen tamol an siŋiren na ipalu man, Jesus isumiani, ⁴¹“Dugo ŋiginio wo ilo ibol di?”

“O Tubun en, ηai aban ηile wo ilog ibol da.”

⁴²Ago tag Jesus ibol, “Aban ule. Onane ilo rumok ikubunio ya.” ⁴³Ago ibol dugo tamol an aban ile kisaek on a. Agog Jesus njen aban iri dugo Anut yanjan yabisag yau a. Saen tamolpein an fidian ago dile man, in dam Anut yanjan diabisa ya.

Jesus in Sakias da

19 ¹Jesus Jeriko taun ilon lo iladug yau dugo, ²takis ηilanal tamol gurman ta filian anda yak ante imado. In yanjan Sakias. ³Tamol an Jesus naon tinin ile wo yaes tubun mi ifuni. In tamol katukan, agod tamolpein wei kasik an lo in Jesus ile san tia ya. ⁴Ago tag imaspalug, inug yang ai gurab ta yanjan sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

⁵Saen Jesus ai an fun na ilasa man, malan isudag Sakias ile tag irupei, “Sakias, ririan udu. ηai gamu on da onsa ab lo tumado wa.” ⁶Ago tag Sakias ririan idug ilon uyan isag Jesus malan ipareg, inaneη injsan ab lo diau.

⁷Tamolpein ago dile yan fidian ilod saian go fun diganeg duηurηur go dubol, “In aupasek tamol san ab lo ida diau a.”

⁸Ak man ab log Sakias imasag Tubun en irupei, “Tubun en, ulon. ηaisag filiaη ηitarpalep, wadan tamolpein mel ad tia yak ηupidinai a. Taida mi, tamol ηirawai dugo sad na ηagam na yan, inaned melmel ηagam na yan naon ago mi ηutumanip, malan iwoiwo ηupidinai a.”

⁹Ago tag Jesus ibol, “Gamu ab en san muroun Anut san patu pasek inane ya. Man dugo, tamol en dam Abraham malan kubulan ta. ¹⁰Tamol Nanun tamolpein dideg diau la yan abanad ilep patud ipasip inal o ipalu ya.”

Moni san ru fanan

Mat 25:14-30

¹¹Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus injsad kiη ilasa wo dak ilod isou se ya, ak man in kiη ilasa wak san saen gamugo an niηen o ru fanan en ibol irupidai, ¹²“Tamol ta yanjan anda yak kiη ilasa wo panu asau ak lo yau. Onte in kiη digane gup fon imul pe sen naon na ipalu wa. ¹³Yau o dugo inanen urat pinein 10 igiaig dupalug, 20 kina anen anen ipidinai dugo irupidai, ‘Moni en ananeη urat apani yau dop ηai ηamul a.’

¹⁴“Gug tamolpein a murnap injsan kagin panek paen na dumado wan, in dile saian go dumado ya. Ago yak niηen o tamol an yau dugo patun fo ru digane yang dubol, ‘Maη tamol en maηsama kiη ilasa wo man mamoi a.’

¹⁵“Ago bo man tamol an kiη ilasa ya, agog fon imul injsinanen na yau. Gamu nam urat pinein a moni ipidinai an igiaig naon na dupalu ya. Moni subunan taidam sapita diηane yan ilon o isumianai.

16“Urut pinein a malmalan ipalu yan ibol, ‘Tubun en, oŋ ŋai 20 kina panag an lo didaen urat ŋiganeg, oŋane 200 kina subuŋan taidam ŋiŋane ya.’

17“Kiŋ an irupeig ibol, ‘Oŋ urat tamol uyanan mok a, oŋane urat kagin pani uyanan a. Oŋ biabi kitik e bani lo ŋigane emaiak kagin pani uyanan a, amaiak niŋen o taun 10 bani lo ŋidiri da, gamu iŋsad tirnek tamol lasa wa.’

18“Agog urat pinein neinta ipalug ibol, ‘Tubun en, oŋ ŋai 20 kina panag an lo didaen urat ŋiganeg, oŋane 100 kina subuŋan taidam ŋiŋane ya.’

19“Agog iŋanen tamol tubun en pinein an irupeig ibol, ‘Oŋ taun 5 bani lo ŋidiri da, gamu iŋsad tirnek tamol lasa wa.’

20“Agog pinein tinin te ipalug ibol, ‘Tubun en, oŋane 20 kina ebo ya. Ŋai yamel kilaken lo ŋuminamig yen a. 21Ŋai oŋ o ŋarer. Man dugo, oŋ tamol silei a. Oŋ abi san urat tamol sad silali naon ŋane da.’

22“Agog tag ru naon irupeig ibol, ‘Oŋ urat pinein saia geig a. Ŋai oŋsigane ru ubol an nam ŋukubianop ŋile wa. Oŋ uloŋ ak, ŋai abi san urat tamol sad silali naon ŋiŋane da. 23Fun an niŋen o ŋaineg moni an moni ab san urat tamol pani ak man, iŋ ka urat ipani wa, an lo saen ŋai ŋamul dop moni an san tim an da ŋiŋane wa. Ata wo oŋ ago ta gane na yak i?’

24“Agog kiŋ an idaŋsag tamol a siŋiren na dutur dan irupidai, ‘Tamol en san na 20 kina aŋanep urat pinein a 200 kina aman da yan apani.’

25“Agog tamol a ru an duloŋ an durupe, ‘Tubun en, tamol an moni idaisuda mi yabi da, 200 kina aman da la ya!’

26“Ak gug kiŋ an ru naon igo ibol go irupidai, ‘Talpein enti iŋ da yan, ŋai suguan taidam ŋupanip an lo iŋ idaisuda wa. Ak man, enti iŋ tinin lo tia agod, gidad iŋ kitek da bo man, iŋsan melmel an banin lo dupasi itout a. 27Aria, ŋaisag ager adi ensauta a ŋai iŋsad kiŋ ŋilasa san o dumoi an, aŋal dida apalup, ŋai naog na afup dumat a.’ ”

Jesus kiŋ igo woŋ Jerusalem na iladu ya

Mat 21:1-11; Mak 11:1-11; Jon 12:12-19

28Jesus ru an ibol itout go imug Jerusalem na yau. 29Did Oliv fo itor go panu uraru yaŋjadi Betfage iŋ Betani da sumeik dugo, iŋanen megeloum nuŋod urarum idinaig naon na dumug diau a. Ago dugo ru kagin igo irupidai, 30“Aŋ nuŋom urarum panu o tile dan ante au a. Aup doŋki nanun ta dususeg itur dak ante ale wa, talpein ta gubak mi fufo imasi man tia ya. Doŋki nanun an kam apasip aŋanep ŋaisag na apalu. 31Tamol ta ru aman da dop, aŋ igo arupe, ‘Tubun ak urat ipani wo da.’ ”

32Agog diaug melmel fidian Jesus ibol ago mi dile ya. 33Saen doŋki nanun an san kam dusupasi dugo, muroun ipalug isumianai, “Ata wo doŋki nanun en apasi dak i?”

³⁴Ago dugo ru naon durupei, “Tubun ak urat ipani wo da.”

³⁵Agog donjki nanun an dijaneg, Jesus san na dupalu ya. Agog donjki nanun an patun fufo kulos duruwarig, Jesus dubunawig fo isudag imasig diau a. ³⁶Jesus dal na yau dugo tamolpein malan tubun geig an injsiganed kulos milae milae ak dupasi dugo dal te duruwari se ya.

³⁷Saen Jesus Jerusalem sumeik ipani dugo Did Oliv fo dal nok idu an lo injanen megeloum malan tubun, fun diganeg yousai lo Anut yanjan diabisa dugo muguruŋ dupani se ya. Man dugo, in kulob girager wei kasik a Jesus gubak mi igane se yan dile ya. ³⁸In igo dubol,

“Kiŋ e Anut yanjan lo ipalu den bar injane ya!

Kumaen panu na maror yen. O Anut per lak na geig ak per mupano da!”

³⁹Agog tamolpein an luluŋad lo Farisi aenta dutor dan ru an duloŋ dugo dumasa saian go Jesus dupei, “Girek maŋau, oŋsa megeloum pidaip awad itau!”

⁴⁰Gug Jesus ru naon igo irupidai, “Ŋai ŋurupaianŋ da. In dutokubol san tia ya. In awad itau tap, pat e dien dan naod dijanep per dupanag a!”

Jesus Jerusalem niŋen o itata ya

⁴¹Saen Jesus Jerusalem sumeik ipanig ile man, ilon tubun mi muruan go malan turon idug, ⁴²igo ibol, “Oŋ saen en lo mi maror san dal ulon ak man, muruan a oŋsa na ipalu dan ta ilasa na wa. Ak man gamu dal an imianuk go oŋ ule san tia ya. ⁴³Oŋsa saen ipalu wa. Ager adi dubuluwop oŋ girane ananae mi lo dupalup, tan dufutip oŋsa sep giranen na dutumanip lo diladu san dal digane wa. Gigin fidian lo dupalup dubuluwop dupino wa. ⁴⁴In dufunop daon dupano wa, agod tamolpein a oŋsa sep ilon lo dumado dan dufu yaup fidian dumat a. Oŋsa pat ta kisaek o lian pat sen ak tinin fufo na ta yen na wa, tia, oŋsa pat fidian dugufututep diabibol tan na dudu wa. Fun dugo, oŋ saen a ate Anut ŋai tinig lo oŋsa na ipalu yan ta ule ulon na ya.”

Jesus tempel lo daden tamol irubai a *Mat 21:12-17; Mak 11:15-19; Jon 2:13-22*

⁴⁵Jesus tempel san ar ilon lo iladug, aben ante didaen tamol fidian ikudaig patun fo dilasa ya. ⁴⁶In igo ipidai, “Anut san buk lo ru en digire ya, ‘Ŋaineg ab man gudanek san ago dubol a,’ ak man an agane ilasag ‘gumagam adi sad mianuk ab’ igo agane da.”

⁴⁷Nal fidian Jesus tempel san ar lo iladug tamolpein maŋau ipitejanai se ya. Ago dugo pris gurman adi, kubiaen san girek maŋau, agod tamolpein sad gurman dufuni imat o dal abaŋ diabi wo digane se ya. ⁴⁸Ak man in dufuni imat san dal ta dile man tia ya. Man dugo, tamolpein fidian inŋsan ru duloŋ o tubun mi dumat. Inŋsan ru samukan ta irinjanai san man dumoi.

Jesus san urat niĵen o dusumiani a

Mat 21:23-27; Mak 11:27-33

20 ¹Nal ta Jesus tempel lo tamolpein naod na Anut san ru ifulale dugo maŋau ipiteŋanai se ya. Agog pris gurman adi, kubiaeŋ san girek maŋau, agod matu gurman aenta dida dupalug Jesus dusumianig dubol, ²“Oŋ rupaiama. Oŋ enti san dabai lo melmel en gane dak i? Enti mok dabai en ipanog ate urat en gane dak i?”

³Iŋ ru naon igo irupidai, “Ŋai dam mel ta niĵen o ŋusumianaj o da. Arupaiaŋ, ⁴Jon san suguek man, dugon te kagin an iĵane yak i? An kumaen panu san mel, tia, tamol sad mi ak i?”

⁵Agog iŋsed nug lo igo diŋiŋeŋ se ya. “En kumaen panu san mel, ago tabol tap, iŋ igo ibol isumianad a, ‘En ata wo aŋ iŋ niĵen o ilom ta rumok na yak i?’ ⁶Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, iŋsad ilo sou lo man Jon mi iŋ profet, ago dubol da.”

⁷Agog yak niĵen o Jesus ru naon durupeig dubol, “Enti mok dabai an ipani an maŋ ta maloŋ na ya.”

⁸Agog tag Jesus ibol, “Agog yak niĵen o ŋai dam enti mok dabai en ipanag go ate melmel e ŋigane den, ta ŋurupaiaŋ na wa.”

Abi san kagin panek adi sad ru faŋan

Mat 21:33-46; Mak 12:1-12

⁹Agog Jesus awan ibateg tamolpein ru faŋan en irupidai, “Tamol ta abi yabig lo ai wain patun ipae. Agog tamol an iŋsan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yaug saen milaen mok itor na ya. ¹⁰Agog saen wain nuŋon disini wo dugo, abi taman iŋsan urat pinein ta iŋsinanen panu fun lo idinig yaug, iŋanen ŋutun dupanip isini ipalu wo ibol. Ak man abi titianek adi iŋsan urat pinein dufunig banin kawan didinig imul yau. ¹¹Agog tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau. ¹²Agog tag afon urat pinein ta idinig yau, gug urat pinein an dam madai dupanig dubal abi patun fo ilasa ya.

¹³“Agog tag abi taman igo ibol, ‘Dugo ŋigane wak i? Gidad ŋaisiganeg nanug mok niĵen o tubun mi ŋamat dan ŋidinip yau a. Nap iŋ awan diabi ak boi.’

¹⁴“Ak man saen abi titianek adi iŋanen nanun dile tag dubol, ‘An abi taman amaiak nanun ak niĵen tufuni imat dop, iŋsan furan id tiŋane wa!’ ¹⁵Agog tag diabig, ar patun fo dubal ilasag, dufunig imat a.

“Agog yan lo abi taman an, titianek tamol adi an dugo mok iginia i ak i? ¹⁶Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an duloŋ an dubol, “Ago tia!”

¹⁷Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo woŋ ak i?

‘Pat nek a ab bek tamol adi dumoi dan,
nek amaiak ab tinin fidian yabi sakar da.’

¹⁸Talpein ta iŋ pat en fo na yau idu dop man, sen ifuni ititale wa. Ak gug talpein ta pat en kabuŋan fufo idu tap, ifufari idu wa.”

¹⁹Saen pris tutubu agod Farisi adi, Jesus ru faŋan a ibol se yan duloŋ man, Jesus ririan diabi wo maeg diganeg dal abanŋ dile se ya. Man dugo, iŋ duloŋ uyanan ak Jesus iŋanen ru lo iŋ isiai se ya. Ak man tamolpein malan tubun ak niŋedi wo direr a, an lo ta diabi na ya.

Kaisa san takis ŋilaŋal

Mat 22:15-22; Mak 12:13-17

²⁰Ago tag iŋ nal fidian Jesus leil dupani uyanan se ya. Iŋ leil tamol ta didinaig Jesus san na dupalu. Iŋ tamol nuŋon manonŋ, ak gug Jesus san ru lo diabi wo malad digane se ya. Iŋ ŋudun dusuep sumianek dupanip, ru ta ibol saian dop gabman banin lo digane wo dal an digane. ²¹Agog leil tamol an Jesus dusumiani, “Girek maŋau, maŋ malonŋ, oŋsa ru ubol dugo piteŋanama dan fidian rumok a. Oŋ tamol yaŋad anda yak niŋedi wo ta urut na da. Tia, oŋ Anut san dal mi tamolpein fidian maŋau piteŋanai da. Gidad yaŋad da yak, agod yaŋad tia yak dam mi a. ²²Ak dugo, Kaisa takis moni tupani wan uyan ak i? Tia, saian ak i? Oŋ dugo ilo isou dak i?”

²³Gug Jesus iŋ dirawi wo digane dan ilonŋ tag irupidai, ²⁴“Moni patun ta akubiaip ŋile gup. Mitilaen agod yaŋak e fufo digire yan enti san ak i?”

²⁵Agog iŋ dubol, “Kaisa san.”

An niŋen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

²⁶Iŋ malak malak mel ta lo dirawi dop diabi san tia ya. Iŋsan ru naon ago duloŋ go durut saian tag awad itau.

Sadyusi Jesus diabi wo bitinaek lo digane ya

Mat 22:23-33; Mak 12:18-27

²⁷Sadyusi aenta Jesus san na dupalu. (Iŋsad ilo rumok lo ago dubol da: Tamolpein dumat dop, fon ŋutud kumaen dumasa san tia ya.) ²⁸Iŋ Jesus ago dusumiani, “Girek maŋau, Moses wagam mi kubiaenŋ igo igire panad a, ‘Tamol ta iŋ iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an iŋanep, tein matu an iŋsan nanuk idirsi wa.’ ²⁹Aria, id luluŋad lo tamol ta iŋ nanun 7. Matu ak pein iŋane gug nanuk ad tia dumado dugo tamol an imat. ³⁰Ago tag tein bakan an fon tein san pein an iŋane gug tamol an dam imat. ³¹Tein a tinin te yan dam nek ago mi a. Agog tamol 7 an tet

mi nanuk tiag, dumat pasik. ³²Murnag pein an dam imat. Tamol 7 an ago mi tet mi pein kisaek an mi diɲane ya. ³³Ak niɲen o, dugo, mitep saen tamolpein fidian dumat an kumaed dumasa dop, pein an tamol dugon mi ida dumado wak i?"

³⁴Ago tag Jesus ru naon irupidai, "Pein tamol saen en san nug diɲane da, agod tamol adi njedi dupidinai da. ³⁵Ak gug tamolpein ensauta a Anut malan lo saen murna san ak lo diladu san, agod materɲ lo fon kumaen dumasa san, iɲ idaisuda yan, aben ante nug ta diɲane na wa, ago dop tamol adi pein njedi ta dupidinai na wa. ³⁶Iɲ ibol eɲel adi oɲ, an lo fon dumat san tia ya. Iɲ Anut nanun muroun. Man dugo, iɲ materɲ log fon kumaen dumasag dumado da. ³⁷Moses dam kuai tem ikubiai panaɲ, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut niɲen o igo ibol, 'Abraham, Aisak, Jakob sad Anut.' ³⁸Anut man iɲ tamol a materɲ lo dumado dan sad Anut tia ya. Tia, iɲ man tamol kumaed dumado dak sadi a. Man ata wo? Iɲ malan lo tamolpein fidian kumaed dumado da."

³⁹Ago dugo kubiaeɲ san girek maɲau aenta Jesus ibol ago duloɲ go durupeig dubol, "Ru naon uyanan mok, girek maɲau!" ⁴⁰An lo gug Jesus sumiaeɲ subuɲan taidam dusumiani wan niɲen o direr se ya.

Kristus iɲ enti nanun ak i?

Mat 22:41-46; Mak 12:35-37

⁴¹Agog Jesus isumianai, "En dugo woɲ go tamolpein Kristus iɲ Dawid nanun dubol dak i? ⁴²Dawid iɲsen Isrel bar san buk lo igo ibol,

"Tubun en ɲaisag Tubun ak igo irupeɲ,
"Oɲ ɲai tuog won ak ate masip yaup,

⁴³murna gup ɲai oɲsa ager adi ɲidiraip,
oɲ ɲie pae na dumado dop ɲie nam partuanai a." '

⁴⁴Dawid iɲsen mi iɲ Tubun ak ago ibol tap, en dugo woɲ pe iɲ Dawid nanun ak i?"

Kubiaeɲ san girek maɲau sad aupasek

Mat 23:1-36; Mak 12:38-40; Luk 11:37-54

⁴⁵Tamolpein fidian duloɲ dugo, Jesus iɲsan megeloum ru kagin igo irupidaig ibol, ⁴⁶"Kubiaeɲ san girek maɲau niɲedi wo kagin agane. Iɲ kulos milmilae ak didiri duman, tamol dil o digane da. Didaeɲ aben lo tamolpein 'adian' dupidinai ak niɲen o tubun mi dumat da. Iɲ ubou ab lo kalik malan te yak niɲen o dumat da, agod soubul lo dam nek ago mi a. ⁴⁷Iɲ pein suos sad ab digam da, agod gudanek milae kasik, tamolpein diliai o digane da. Amaiak niɲen o tamol naok ago yan naon a diɲane wan nen tubun mi ilasa wa."

Pein suos san lou panek tusan

Mak 12:41-44

21 ¹Jesus tempel lo imado dugo malan yaug, tamol filiad anda yak tempel ilon lo kolekta san kunup lo moni digane dugo yil a.

²Agog pein suos biouŋ tia yak iŋ dam ipalug pat bras uraru mi kunup lo ibal a. Moni an naon man tusan mok. ³Ago tag Jesus ibol, “Iŋai rumok ŋurupaiaŋ da. Pein suos an moni kolekta igane yan kolekta a tamol filiad anda yak digane yan fidian iriŋanai a. ⁴Man dugo, fidian iŋ filiad anda yak gug kabelan mi kolekta digane dugo iŋaned fidian mi yen da. Gug pein suos an sen aben ipitig fidian kolekta lo igane ya.”

Saen e lo tumado den itout san kob

Mat 24:1-14; Mak 13:1-13

⁵Iŋanen megeloum aenta tempel san pat uyan uyan ak, agod melmel Anut lou dupani na yan nam damag dupani an niŋen o diŋiŋeŋ tag Jesus ibol, ⁶“Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa.”

⁷Ago tag dusumiani, “Girek maŋau, saen dugon lo dop mel an ilasa wak i? Mitep ata kob mile dop ate malon ak saen an ipalu wo sumeik di?”

⁸Iŋ ru naon irupidaig ibol, “Aŋ kagin agane. Iŋ aŋ dirawaŋ banau. Man dugo, mitep tamol wei mok ŋai yaŋag lo dupalup dubol, ‘Iŋai tamol nek ama ya,’ ago dop dam dubol, ‘Saen a ate ipalu wan sumeik ipanad da.’ Ago dop iŋsad sewak an ta ari na wa. ⁹Aŋ yu ager alon ak, agod ru tim yu ager sensen yau on an dam alon a. Aŋ arer amoi. Man dugo, mel naok an imug ilasa wa, ak gug nal wadan san saen man gamugo da.”

¹⁰Go iŋ afon ru ibateg ibol, “Tamol malan ta yu diabisa dop, tamol malan ta yu naon iŋsad na digane imul a. Ago dop kiŋ ta iŋsan tamolpein dida yu diabisap, kiŋ sen ak ta iŋanen tamolpein dida nug dufuni wa.

¹¹Aben sensen lo man, kanaurig tutubu yak wei mi ilasa dop, kadag tubun mi idu wa. Subam tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

¹²“Ak man melmel an fidian gamugo ilasa dop, ŋai niŋeg o aŋ dibiaŋ pe, madai iŋ muruan da dupanaŋ a. Iŋai yaŋag o Juda sad ubou ab lo Juda gurman adi naod na diŋiliaŋ aup, kot dupanaŋ dop subanek ab lo diginiaŋ a. Kiŋ iŋ gabman gurman aenta naod na dam kot lo atur a.

¹³Saen an lo dop iŋaned naod na aŋanem ilo rumok ŋai lo abol ilasa wa.

¹⁴Saen gamugo naod na alasa dop, ata ru arupidaip an lo sem ipiranaŋ san niŋen o ilom ta weiwei na wa. ¹⁵Man dugo, ŋai aŋ ru abol san kankan milaen ak ŋupanaŋ a. An lo dop aŋsam ager adi iŋ ru abol an iŋ naon dubol san tia wa, ago dop iŋ dam aŋ awam lo dupirgini san tia wa.

¹⁶Tinam tamam, teim taom, aŋanem dar, agod turam muroum dam ager adi banid lo diginiaŋ pe, aŋ aenta dufunaŋ amat a. ¹⁷Tamolpein fidian ŋai yaŋag o aŋ diliaŋ saian dop aŋ lo siai digane wa. ¹⁸Ak gug gurmam roun ta kisaek ideg yau san tia ya. ¹⁹Tia, aŋ atur dabai dop muruan fidian asini dan lo mi, kumaen pempem yen yau san aŋane wa.”

Mitep Jerusalem daon dupani wa

Mat 24:15-21; Mak 13:14-19

²⁰“Mitep yu tamol adi dutumanip Jerusalem ditiliani dop eil a. Ago ale dop aloŋ ak, Jerusalem daon dupani san saen sumeik da. ²¹Saen an lo dop, tamolpein Judea na dumado dan disol pe, diaup, did luluŋad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan iŋ afon ilon lo ta mok diladu na wa. ²²Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nuŋon ilasa wa. ²³O kabel, nal en san pein luam anda yak, agod aŋ pein aŋanem nanuk su apidinai dan dam, ŋai ilog tubun mi imuŋanaŋ da! Muruan tubun geig tan en lo ilasa dop, tamolpein ente dumado den Anut san tiŋae mumarek dile wa. ²⁴Aenta ager adi sabiri nam dufu dumat a. Aenta iŋsad ager adi diŋal pe, subanek tamol dilasap tan asau mi sensen lo diaup ante dumado wa. Agop gob adi Jerusalem diŋanep dipartitale dop yaup nal a lo gob adi sad saen itout san nal an idaisuda wa.

Jesus imul san nal

Mat 24:29-31; Mak 13:24-27

²⁵“Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini dop tamun dam san liliŋan tubun kasik a. ²⁶Tamolpein fidian ata mel mok tan en lo ilasa wo sumeik dan niŋen o yaes tubun mi ifu dop, tinid irer dop, rirek lo malad itilianip dudu wa. Man dugo, Anut mel fidian keit lo yak imiriranai a. ²⁷Saen an lo dop, iŋ fidian Tamol Nanun keit lo timtaen titiŋaem kuai te ilasa dop, dabai agod girager tubun geig ak da ipalu dan, dile wa. ²⁸Saen melmel an ago fun diganep dilasa dop, amasap mala nouk lo malam lak na isuda wa. Man dugo, Anut iŋjiliaŋ san saen sumeik mok ipalu da.”

Gurab san ru faŋan

Mat 24:32-35; Mak 13:28-31

²⁹Agog Jesus ru faŋan en irupidai, ³⁰“Ai gurab iŋ ai aenta dam ilom isou. Saen ai roud wagam ak idu dop, foun ak ifuruŋani dan ale dop, aloŋ ak, ui san saen sumeik a. ³¹Nek ago mi melmel an dilasap eil dop aloŋ ak, Anut san kagin panek ipalu o da.

³²“ŋai rumok ŋurupaiaŋ da, warou gamu en san tamolpein gamugo itout yau dop melmel en fidian dilasa wa. ³³Rumok geig, keit iŋ tan da murnap itout a, ak gug ŋaisag ru man ta itout na wa.

³⁴“Ago yak niŋen o kagin agane! Tamol Nanun ipalu wak san nal ta aloŋ na ya. Ak niŋen o soubul san kankan tubun mi agane amoi. You

sakar ak tubun mi aluk amoi. Agod tan en san mala bulbal lo mi amado amoi. Kabelan añaonj dop nal an idu kisaek onj banau. ³⁵Nal an tamolpein a fidian tan tilianek aten fo dumado dan lo ilasa wa, inj diñaonj dop nal an idu wa, ago dop nal an san muruan niñen o disol diau san tia ya. ³⁶Ago yak niñen o anj pempem nal an atitiani dop aban ale wo uyanan a. Ago dop anj pempem Anut agudani dop lo, muruan a fidian dilasa wan niñen o ka asol aup, Tamol Nanun naon na atur a.”

³⁷Nal anen anen atem Jesus tempel san ar ilon lo tamolpein mañau ipiterjanai se ya, agog gurai idug bubun a Did Oliv dubol dan fo yang ante njonj yabi se ya. ³⁸Tamolpein fidian tidom lom mok injsan ru dulonj o tempel lo diau na ya.

Judas Jesus ager banid lo igane ya

Mat 26:1-5,14-16; Mak 14:1-2,10-11; Jon 11:45-53

22 ¹Bret yis an tia yak san soubul, yañan Pasova, san saen sumeik. ²Saen an lo pris gurman adi inj kubiaen san girek mañau dida tamolpein niñedi wo direr ak niñen o pasak nam Jesus dufunip imat o palan an dumari a. ³Agog Judas yañan neinta Iskeriot dubol dan, Satan ilon lo idu ya. Inj dam Jesus san megeloum 12 amaiak sad kisaek ta. ⁴Agog Judas yang, pris gurman adi inj tempel san titianek tamol sad gurman adi dida diñijen go dal dugon lo Jesus banid lo igane wan ibol dulonj. ⁵Agog pris gurman adi ilod tubun mi uyan go Judas moni dupani wak dubol. ⁶Judas awad yabi tag tamolpein malah patun fo Jesus ager banid lo igane san dal aban yabi se ya.

Jesus iñanen megeloum dida Pasova san anañ diani a

Mat 26:17-25; Mak 14:12-21; Jon 13:21-30

⁷Bret yis an tia yak diani san saen idu dugo, sipsip nanun Pasova san saen lo diani san dufu idu. ⁸Agog Jesus Pita inj Jon da idinaig, ru kagin en irupidai, “Aup, idsad Pasova san anañ akubune.”

⁹Ago tag dusumiani, “Dugot na mok anañ mukubune wo ubol di?”

¹⁰Agog inj irupidai, “Saen an Jerusalem ilon lo aladu dop, tamol ta you isiri ak isini yau dan ale wa. Njen aban arip, ab dugon lo isuda tap, ¹¹ab an taman asumianip arupe: ‘Girek mañau igo ibol, galuj dugon lo njaneg megeloum dida mañsama Pasova anañ an mani wak i?’ ¹²Ago dop galuj tubun ak ta lak na yak ikubiai panañ a. Anj atna melmel fidian akubune.”

¹³Tamol uraru an diaug, mel fidian Jesus ibol ago mi dile ya. Ago tag galuj ante Pasova san anañ dukubune se ya.

Jesus inj bret wain da iñaneg megeloum ipidinai a

Mat 26:26-30; Mak 14:22-26; 1Kor 11:23-25

¹⁴Anañ diani san saen idu dugo Jesus tebol siñiren na iñanen megeloum dida dumas. ¹⁵Agog irupidai, “Njai gamugo muruan nisini dop

anj da Pasova san ananj en tani wo ilog tubun mi yen da. ¹⁶Man dugo, naj jurupaianj da, naj fon anj da Pasova ta tani na dop yaup, Anut san kagin panek aben lo, mel a Pasova naon injane wan san nujon ilasa wa.”

¹⁷Agog Jesus gab wain anda yan injaneg, Anut ilo uyan ipanig ibol, “En anjanep ansem nug lo awae. ¹⁸Man dugo naj jurupaianj da, naj fon ai wain nujon san you man ta njaluk na dop yaup, Anut san kagin panek ipalu gup, fon njaluk da wa.”

¹⁹Agog ibol itout go bret injaneg, Anut ilo uyan ipanig yafuteg, ipidinai dugo ibol, “Bret en najneg tinig, naj anj nijemi wo njiganeg idu ya. Anj ago agane dop naj ilom isou.” ²⁰Nek ago mi ananj diani itout go, gab injane yabig igo ibol, “Gab en man kontrak foun njaisag dar lo ya. Dar en anj nijemi wo najneg tinig lo yak ilasa wa. ²¹Gug alonj. Anj lulujam lo tamol ta naj ager banid lo iginiag an banin, naj banig da tebol en fo dien da. ²²Tamol Nanun imat a, nek ibol Anut mi inj nijen o ibol ak ago mi inj lo ilasa wa. Ak gug tamol enti a Tamol Nanun iganep injanen ager adi sad tuod lo ilasa wan, rumok inj muruan tubun kasik ak ile wa!”

²³Agog inj sed nug dusumiani, “Enti mok ago Jesus lo igane wak i?”

Enti inj malan te ya

Mat 20:25-27; Mak 10:42-44

²⁴Agog megeloum inj sed inj sed mi enti mitep inj yanan malan te yen ak nijen o nug diabi didiri se ya. ²⁵Jesus ago ilonj tag irupidai, “Gob adi lulujad lo injaned kinj adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, inj sed tamolpein sad binawek tamol ago dubol da. ²⁶Gug anj man dal ago tia ya. Naj jurupaianj da, lulujam lo ta inj tubun imado wak tap, sen irae imul pe murna imado wa. Ago dugo ta inj gurman imado tap, inj ibol urat pinein onj ilasa wa. ²⁷Ago yak nijen o enti inj tubun ak i? Tamol a tebol sinjiren na imasig ananj yani dan, agod biabi njilanj tamol enti tamol an ananj ipani dan, lulujad lo enti malan te imado di? Anj alonj ak, tamol a tebol sinjiren na imasig ananj yani dan malan te ya. Aria, naj anj lulujam lo njupalug biabi njilanj tamol igo wonj njilasag njumado da. Naj mi anjanem tutujanek tamol njumado da. ²⁸Anj naj ta abisawag na ya, tia, muruan a fidian njisini se yan lo anj naj da sisem tatur kisaek a. ²⁹Ago tag nek ibol najneg Tamag inj san tamolpein njitirnai san dabai ipanag ak igo, naj dam dabai njupananj a, an lo dop njaisag tamolpein atirnai a. ³⁰Ago dop najneg kagin panek aben lo, anj naj da najneg badim fo tumasip tani taluk a. Ago dop anj anen anen tulek tamol alasap, kinj san kalik fo amasip, Isrel sad gugoi 12 an akubianaip eil a.”

Jesus Pita inj nijen o itot ak o ibol a

Mat 26:31-35; Mak 14:27-31; Jon 13:36-38

³¹Agog Jesus Pita irupej, “O Saimon, Satan anj fidian ikibiananj ile wo Anut isumiani la ya, agod Anut awok ipani a. Satan ilon man nek ibol

wit dufufarig lo dukubiani uyanan dak igo an fidian naom ikubiani ile wo ibol. ³²Gug Saimon, naisag gadij lo onjane ilo rumok ta idu geig na wak ago Bai nusumiani a. Saen naisag na umul dop, onjane tei injaned ilo rumok an dabai pani wa.”

³³Agog Pita ibol, “Tubun en, naj ta nasuk namul na wa, tia, naj onj da sisem subanek ab lo taup, sisem tamat a.”

³⁴Agog tag Jesus ru naon igo irupej, “O Pita, naj rumok jurupaio da, gamu tidom nek en lo kurek ta ibob na dop, saen utol onj naj ta ulonj na yak ubol a.”

³⁵Agog Jesus isumianai, “Saen naj njidinanj go, moni san badam, kitouk, sendal tia au dugo, mel ta lo katuk ami ak i?”

In ru naon durupej, “Man tia ya.”

³⁶Agog Jesus irupidaig ibol, “Ak gug gamu man, anj moni san badam am da tap, asini wa. Kitouk dam nek ago mi. Agod anj sabiri am tia tap, anjanem kulos didaenj lo adirip moni anjanep ate sabiri adad a. ³⁷Man dugo, ru e profet ta naj niñeg o ago igire yen nuñon ilasa wa,

‘Tamolpein tamol an dijaneg tamol a digane saian dan luluñad lo digane ya. Nek ago mi tile ya.’

Rumok nuñon, ru a naj niñeg o profet adi digire yan fidian gamu nuñon ilasa wo da.”

³⁸Agog megeloum durupeig dubol, “Ule, Tubun en, sabiri uraru ebo ya.” In ru naon irupidai, “An nek idaisuda mi a.”

Jesus Did Oliv fo igudani a
Mat 26:36-46; Mak 14:32-42

³⁹Agog Jesus Jerusalem ibiseig, Did Oliv fo yau na yak ago mi fon yau dugo injanen megeloum njen fo diau a. ⁴⁰Saen aben ante dilasa man, Jesus megeloum irupidai, “Anj Anut agudani dop, kubianek lo ta adu na wak o asumiani.” ⁴¹Agog Jesus ibisawaig kitek asau mi yau gug turun isaluwig igudani, ⁴²“O najneg Bai, ilo ibol tap, gab en naj banig lo pasi wa. Ak gug onj naj ilog ta uri na wa, tia, onsigane ilo mi uri wa.” ⁴³Agog enel ta lak na idug Jesus dabai ipani. ⁴⁴Ilon muruan an lo tubun mok igudani dugo injan silali an dar onj naon tinin fo ilasag tan na idu se ya.

⁴⁵Igudanig itout man imasag, imul yang injan megeloum dien dugo yil. Megeloum an ilod tubun kasik muruan an lo tinid tuon tia ya. ⁴⁶Ago tag irupidaig isumianai, “Anj ata wo aen di? Amasap, agudani dop, kubianek lo ta adu na wak niñen o Anut asumiani.”

Jesus diabi a
Mat 26:47-56; Mak 14:43-50; Jon 18:3-11

⁴⁷Jesus ago ibol se man, tamol malan tubun ak dupalug naon na dilasa. Megeloum 12 an luluñad lo ta yanjan Judas, in malan an imug go ipalu

ya. Inj ilon yen dak Jesus musuk ipani wa. Ago tag yang, ⁴⁸Jesus san na ilasa yak gug Jesus irupe, “Judas, onj musuk lo Tamol Nanun ager banid lo gane wo di?”

⁴⁹Agog megeloum a Jesus dida diau an, kagin dugo ilasa wo ago dile tag Jesus dusumiani, “Tubun en, ilo dugo ibol da, maŋsama sabiri nam mafu wak i?” ⁵⁰Agog luluŋad lo tamol kisaek sabiri ifug pris gurman san biabi ŋilaŋal pinein kududon won ak isubari.

⁵¹Ak man Jesus ibol, “Kagin an fon ta gane na wa.” Agog inj tamol an kududon isupurig, kududon uyan isusa da ya.

⁵²Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo an sabiri inj ai tok da asinig aliag pe abiag o apalu yak i? Ak dugo, ŋai wagai adi dida gabman mabi idu san gurman igo woŋ an ago ilom isou di? ⁵³Nal fidian ŋai tempel aben lo ŋumasi dugo tamolpein ŋipiteŋanai se ya, ak gug ŋai ta abiag na ya. Gug gamu en tidom tubun ak lo man aŋsam saen a, man dugo, tidom tubun san tuon man Satan.”

Pita Jesus ilon gug niŋen o itot a

Mat 26:57-58,69-75; Mak 14:53-54,66-72; Jon 18:12-18,25-27

⁵⁴Agog Jesus diabig, pris malan te yak san ab lo diŋane diau dugo Pita ŋied fo ipare murna dugo yau. ⁵⁵Yai ab naon na dutunig, tamol tinid isue dugo Pita dam yang dida dumado se ya.

⁵⁶Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, “Tamol an dam Jesus da dutor na ya.”

⁵⁷Agog Pita itot go ibol, “O pein, ŋai inj ta ŋaloŋ na ya.”

⁵⁸Kitek taidag tamol ta Pita ile tag ibol, “Onj dam iŋsad kisaek a.”

Gug Pita irupeig ibol, “O tamol, ŋai man tia mok a!”

⁵⁹Murnag auwa kisaek igo dumado gug tamol taidam imasag ibol, “Rumok, tamol en inj da dutor na ya. Inj dam Galili tamol a.”

⁶⁰Ago dugo Pita ru naon irupe, “O tamol, ŋai onj ata niŋen o ubol dan ta ŋaloŋ na ya!” Ago ibol dugo awan fo kurek ibob. ⁶¹Jesus idaŋsag, malan ti ibol go Pita ile. Agog Pita gamu nam Jesus san ru imug ibol an ilon isou, “Gamu kurek gamugo ibob dop, onj saen utol ŋai niŋeg o utot a.” ⁶²Agog Pita ilon itaug, kuai te ilasag tinaŋ tubun mi igane se ya.

Jesus kukok an digane dugo dufuni a

Mat 26:67-68; Mak 14:65

⁶³Tamol a Jesus diabi an kukok an digane dugo dufuni se ya. ⁶⁴Malan yamel nam dufoug, dufuni dugo dusumiani, “Onj gamu profet ru ubol a, tamol e ifuno den enti ak i?” ⁶⁵Ago dugo nao futek ru aenta wei mi nam dupei se ya.

Jesus diñaneg Juda kaunsil naod na kot dupani a

Mat 26:59-66; Mak 14:55-64; Jon 18:19-24

⁶⁶Salso idug Juda sad gurman adi, kubiaerj san girek mañau adi, agod pris gurman adi dida dutumanig Jesus dititianig dumado se ya. Agog Jesus diñaneg kaunsil an naod na dugunig itur a. ⁶⁷Ago dugo durupeig dubol, “Ubol! Oñ Kristus i? Rupaia map malon a.”

Jesus ru naon irupidai, “Ijai ñurupaiañ tap, añ ilom lo ta rumok na wa. ⁶⁸Agod sumianek ñupanañ tap, añ ru naon ta arupaiañ na wa. ⁶⁹Gug saen gamu yau den, Tamol Nanun Anut a dabai fidian anda yan banin won ak lo imado wa.”

⁷⁰Ago tag dusumiani, “Ak dugo, onñ Anut nanun ak ubol di?”

Iñ ru naon irupidaig ibol, “Awo, nek añsem abol la ya.”

⁷¹Agog dubol, “Gidad, tamol taidam, tamol en san kagin niñen o dubol ilasa san id ta tigi ai na wa. Inñsen awan lo inñsan muruan ibol go talonj la ya.”

Jesus Pailat naon na kot dupani a

Mat 27:1-2,11-14; Mak 15:1-5; Jon 18:28-38

23 ¹Agog kaunsil an fidian dumasag, Jesus diñaneg, gabman gurman Pailat dubol dan san na diau a. ²Pailat naon na dilasag kot diganeg, ru dusue ti ibol go dubol, “Mañ tamol en Isrel tamolpein ikubulai tag mabi a. Kaisa san takis ta didad na wak ibol. Inñ man Juda sad Kristus ibol, an niñen o inñ mi kiñ ibol da.”

³Agog tag Pailat Jesus isumiani, “Oñ Juda sad kiñ ak i?”

Agog Jesus ibol, “Awo, nek onñse ubol la ya.”

⁴Agog tag Pailat pris gurman adi, tamolpein malan tubun ak dida irupidai, “Ijai tamol en san muruan ta lo naon ñupani san ñile man tia ya.”

⁵Ago bo man tamolpein ru dabai kasik dubol, “Inñ tamolpein ipiteñanai dugo bubed yabisap gabman da ager dumado wo igane da. Galili na fun iganeg, ipalug gamu etna ilasa ya.”

⁶Pailat ru an ilonj tag isumianai, “En inñ Galili tamol i?” ⁷Jesus Galili tamol an ilonj tag, idinai dugo diñaneg kiñ Herod san na diau. Man dugo, Herod inñ Galili kagin ipani da, an lo Jesus Herod paen na imado. Herod saen nek an lo Jerusalem na imado se ya. ⁸Saen Herod Jesus ile man ilon tubun mi uyanan a. Man dugo, saen milaen inñ Jesus ile san niñen o ilon yen. Inñ ilon man Jesus kulob girager ta igane dop ile wo ibol. ⁹Aria, Herod sumianek funfun ipani se ya, ak gug Jesus ru naon irupe i man tia ya. ¹⁰Go pris gurman inñ kubiaerj san girek mañau dida Herod naon na inñsad ru sewak an dusue ti ibol go Jesus maeg nam kot dupani se ya. ¹¹Agog Herod agod inñsan yu tamol dida Jesus kukokan digane se ya. Kiñ

dututunanig yamel ta kinj sadi onj ak tinin fo diganeg Pailat san na fon dijanane diau a. ¹²Imug Pailat inj Herod da siai lo dumado na ya. Ak man nal nek an lo inj nug turan dilasa ya.

Pailat Jesus aigim fo dubali wo ibol a
Mat 27:15-26; Mak 15:6-15; Jon 18:39–19:16

¹³Pailat pris gurman, agod Juda tamolpein sad gurman adi dida igiaig dutumanig ¹⁴igo ibol irupidai, “Anj tamol en anjane apalug abol, inj tamolpein bubed yabisap gabman ida ager dumado wo igane da. Anj naom na tamol en njibitinaeg njile ak gug, muruan a niñen o abol dan fun ta njile man tia ya. ¹⁵Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo matej ile san tia ya. ¹⁶Ago yak niñen o bu mi injane gup njibiseip yau a.” ¹⁷(-)^d

¹⁸Agog inj fidian awad kisaek lo mi disasaig dubol, “Tamol an funi imat. Barabas pasi panamap mansama na imul!” ¹⁹(Barabas man inj gabman san ager. Inj Jerusalem ilon lo ager yabisag an lo tamol ta ifuni imat a. An niñen o diabig subanek ab lo diganeg imado.)

²⁰Pailat san ilon man, Jesus ibiseip yau o ibol da, ago tag tamolpein malan tubun an fon isumianai a. ²¹Ak man inj fon duwagin imul go dubol, “Aigim fo bali wa! Aigim fo bali wa!”

²²Ago tag Pailat afon ibol, “Inj ata muruan ta igane yak niñen imat o abol di? Njai injsan muruan ta njile man tia ya. Ago yak niñen o njabol dop bu mi injanep njibiseip yau a.”

²³Ago bo man inj tubun mi disasaig, Jesus aigim fo ibali wak dubol. Agog injsad sisein an Pailat san ru yabi idu. ²⁴Ago tag Pailat injaned ru dubol an awad yabig awok ipidinai a. ²⁵Injaned ilod ibol ago mi tamol inj gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

Jesus aigim fo dubali a
Mat 27:32-44; Mak 15:21-32; Jon 19:17-27

²⁶Agog Jesus dijanane diau dugo dal na Sairini tamol ta yanjan Saimon inj Jerusalem na iladu wo dugo diabig Jesus san aigim an dupanig isinin njien fo yau.

²⁷Tamolpein wei nuñon Jesus njien aban diri dugo, luluñad lo pein aenta Jesus niñen o tubun mi ditata dugo tinañ aru digane se ya. ²⁸Ago tag Jesus idansag irupidai, “Anj Jerusalem pein, njai niñeg o atata amoi. Tia, ansem niñemi wo mi tinañ aru agane wa, agod anjanem nanuk niñedi wo dam mi a. ²⁹Man dugo, mitep muruan tubun mok ipalu dop tamolpein dubol a, ‘Pein niganig, pein nanuk ad tia yan, agod pein a

^d Boi 17 Grik lo tia ya.

imug nanuk su ta dupidinai na yan dam gamu ilod uyanan a.’³⁰ Saen an lo tamolpein dubol a,

‘Did adup, afunama mamat. Bubun adup, atuanama!’

³¹ Tamol gamu ai kumaen ak lo igo digane da. Ago tap, saen ai ikurnjak geig ak lo, ata mel ilasa wak i?”

³²⁻³³ Tamol saiadi ak uraru dam Jesus ida dijal go diaug aben ta, yanjan Kabuŋa Tatu san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon ŋas ak lo ya. ³⁴ Agog Jesus ibol, “Bai, iŋsad aupasek en pare idu, man dugo, mel e digane den diŋaonj ak lo digane da.” Agog iŋsan kulos duburoug, sed nug lo duwaeg lo satu dukok a.

³⁵ Tamolpein leil digane dugo dutur a, ago dugo Juda sad gurman adi Jesus kukokan digane dugo dubol, “Iŋ aenta patud ipasi na ya. Ago yak niŋen o, iŋ tamol a Anut ipiliani an, Anut san Kristus, an rumok tap, ka sen patun ipasi dop tile.”

³⁶ Yu tamol a dititiani dan siŋiren na dupalug kukokan digane se ya. Iŋ wain gigen geig ak wain uyan ak da dukubulig diabisag dubol, “Uluk. ³⁷ Oŋ rumok Juda sad kiŋ tap, se ibinawo!”

³⁸ Ru ta ai lapan fo digireg aigim kabuŋan fufo na dubali a. Ru en san sutek lo man igo ya, “En Juda sad Kiŋ.”

³⁹ Agog tamol saiadi an kisaek imasag Jesus naon ifute ipeig ibol, “Oŋ Kristus. Ago tap, oŋse ibinawo dop, maŋ dam binawama!”

⁴⁰ Ak man turan imasag irupe, “Dugo, oŋ Anut niŋen o ta urer na di? Id utol muruan naon kisaek mi tisini da. ⁴¹ Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

⁴² Agog tamol an Jesus irupe, “Jesus, saen oŋ kiŋ lasa dop, ŋai ilo isou.”

⁴³ Jesus ru naon irupe, “Iŋai rumok ŋurupaio da, gamu en oŋ ŋai da Paradais lo sisem tumado wa.”

Jesus imat a

Mat 27:45-56; Mak 15:33-41; Jon 19:28-30

⁴⁴ Saen an ad isudag 12 klok igo woŋ dugo, abaŋ tidom tubun go tan fidian yafutanig yen dugo yang 3 klok gurai isi a. ⁴⁵ Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.^e ⁴⁶ Agog Jesus awan tubun mi iwagiŋ go ibol, “Bai, ŋaineg ŋutug oŋ bani lo ŋigane da.” Ago ibol go imat. ⁴⁷ Agog Rom yu tamol sad gurman iŋ abaŋ ago ileg, Anut yanjan yabisag ibol, “Rumok geig. Tamol en man muruan ta tinin lo tia ya. Iŋ itaot a.”

^e Kulob an fun man igo ya: Jesus san materj an log dalawan ipasig, gamu id fidian Anut san na tau san dal yen da.

⁴⁸Saen tamolpein a gubak mi abaj dile wo dutumani an Jesus imat dugo dile man, ilo muruan lo sed titired dufunig^f aben an dibiseig diau a. ⁴⁹Gug tamolpein fidian a Jesus duloŋ an, pein a Galili nag ŋien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

Jesus mutou lo digane ya

Mat 27:57-61; Mak 15:42-47; Jon 19:38-42

⁵⁰⁻⁵¹Tamol ta yaŋan Josef, iŋ Juda panu ta Arimatia dubol dan san tamol. Iŋ tamol uyan, agod itaot. Iŋ Anut san kagin panek ipalu wo malan igane se ya. Iŋ Juda sad kaunsil lo imado gug kaunsil dida Jesus san mateŋ o ilod ta kisaek na ya, agod awok ta ipidinai na ya. ⁵²Tamol an Pailat san na yaug, Jesus san sisanun iŋanep mutou lo igane wo isumiani. ⁵³Pailat awok ipani tag Jesus san tinin tubabun aigim fo yak ipasig, yamel milkouk ak nam ifoug, gib ta pat tubun ak ilon dupasi an lo igane ya. Gib an imug tamol ta ate disare man tia ya. ⁵⁴Nal an Soubul Kubunek San dubol a. Sabat nal fun igane wo da.^g

⁵⁵Pein Galili nag Jesus ŋien fo dupalu yan Josef dida diaug, gib a lo Jesus san sisanun dugo dugo woŋ iganeg yen an dam dile ya. ⁵⁶Agog dumul, iŋsiganed na diaug, gureŋ mumalun uyan ak Jesus tinin diabi wo dukubune idu. Sabat nal ilasa tag kubiaeŋ ibol ak fom diganeg, yaes dubal.

Jesus fon kumaen imasa da ya

Mat 28:1-10; Mak 16:1-8; Jon 20:1-10

24 ¹Aria, ubou san nal Sabat dubol dan^h itout go nal patun fo, ubou turan san nal malmalan,ⁱ tidom lom geig, pein gureŋ mumalun uyan uyan ak fidian dukubune yan disinig, mutou fun na diau a. ²Mutou fun na dilasag, pat tubun a ate mutou awan dufutani an awan dubuli yau la yan dile ya. ³Ago tag gib ilon lo diladu yak gug Jesus san sisanun ta dile na ya. ⁴Agog kankan ifu dugo dutur ibol ak, tamol ta urarum, iŋsad kulos weil irafule dan san lilaman igo woŋ ak, giraŋed na dilasag dutur dugo dil a. ⁵Pein an tubun kasik direr go naod itakok tan na idu ya. Agog tamol uraru an durupidai, “Aŋ ata wo tamol dumat ak luluaŋ lo tamol kumaen ak abanŋan abi dak i?” ⁶Iŋ etna tia. Iŋ kumaen imasa ya. Ilo sou agane, gubak mi saen aŋ iŋ da Galili na amado yan igo irupaiaŋ go ibol, ⁷“Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa.” ⁸Ago dubol dugo pein an Jesus san ru ilod isou.

^f An man ilo muruan san kob ^g Juda sad ilo sou lo, gurai idug ad idiau itout man, an nal foun ak ilasa la yan san kob. ^h Sarere ⁱ Sande

⁹Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a. ¹⁰Pein a diau an: panu Magdala san Maria, Joana, agod Jems tinan Maria. In pein aenta dam dida diau ak ru an aposel adi naod na dubol. ¹¹Ak man aposel adi sad ilo sou lo man, ru a pein an durupidai an njeo mi a, an ninen o ilod lo ta rumok na ya. ¹²Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun dufou an mi yen dugo ile tag, kankan gidigheid injane dugo fon imul ab lo yau a.

Tamol uraru Jesus dal a Emeas na yau dan te dile ya
Mak 16:12-13

¹³Nal kisaek an lo mi luluḡad lo tamol uraru in panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.) ¹⁴Dal na melmel a fidian ilasa na yan nug lo dukubiai dugo diau se ya. ¹⁵Inḡsed diḡjeḡ di diau dugo Jesus inḡsen ilasag, luad isag, dida sisem diau a. ¹⁶Tamol uraru an Jesus dile bo man, Anut malad yafutani an lo inḡ tamol sen ak ta dubol a. ¹⁷Agog Jesus isumianai, “Anḡ so ru ta abol dugo au di?”

Ru an duloḡ go dupartuanig ilo muruan ad da dutur a. ¹⁸Tamol ta yaḡan Kleopas imasag isumiani, “Nag oḡse kisaek Jerusalem na nor warim kulob ilasa na yan ta uloḡ na boi i?”

¹⁹Agog dugo Jesus isumianai, “So mel ta?”

In ru naon durupeḡ, “Muruan nek a Nasaret tamol yaḡan Jesus dubol dan lo ilasa amaiak ninen o mabol da. Tamol an inḡ profet. Inḡsan njeḡeḡ, urat dam dabai anda igane se ya. Anut, inḡ tamolpein dida dupitiani na ya. ²⁰Maḡsama pris gurman adi agod idsad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a. ²¹Maḡ iloma lo, Anut tamol an Isrel adi patud ipasi wo ipiliani a. Ago igane wo maḡ tinim migane pani na ya, gug gamu tia ya. Taida mi, gamu muruan an ilasa gug nal utol yau la ya. ²²An mi tia, maḡsama pein luluḡad lo aenta tidom lom mutou fun na diau a. ²³Mutou fun na dilasag tubabun gib lo ta dile na ya. Ago tag maḡsama na dumul go igo durupaḡama, malad ḡtun dile dugo eḡel uraru dil go eḡel an durupidaig dubol, ‘Jesus kumaen imasa la ya.’ ²⁴Ago tag maḡ luluḡam lo tamol aenta mutou fo diaug pein adi durupaḡama yak agog mi dile ya. Ak man tubabun ta dile na ya.”

²⁵Agog Jesus irupidai, “Anḡ ilom tia. Ata wo profet adi ru dubol na yan ilom lo ta rumok na yak i? ²⁶Profet adi kuai tem dubol, Kristus mitep muruan isini gup, inḡanen girager agod yaḡan tubun ak inḡane wa.” ²⁷Agog inḡsen ninen o girek lo Moses inḡ profet adi dida ninen o dubol na yan fun ifulale ya.

²⁸Agog dupalug, Emeas sumeik dugo, Jesus itaot yau wo igane tag ²⁹diabituanig durupeḡ, “Ad idu la yak ninen o umoip, taen.” Ago tag dida ab lo disida ya.

³⁰Anaŋ diani wo dumasi dugo Jesus bret ijaneg, Anut ilo uyan ipanig, yafuteg, ipidinai dugo malad ipuk go ³¹iŋ duloŋ man, tamol en nek Jesus sen a. Agog Jesus gamu nam malad lo tia yau. ³²Agog tamol uraru an nug ru durupeig dubol, “Oŋ ilo isou, gubak mi saen Jesus id da dal na tureŋ tabi dugo ru fidian girek lo yan fun ifulale panad se yan, iŋsan ru bubed lo nek ibol yai inani dak igo woŋ a.”

³³Agog dumasag fon Jerusalem na ririan dumul go diau. Jerusalem na megeloum 11 an iŋ turad aenta dida dutumanig dumado dugo dil a. ³⁴Agog iŋ tamol uraru an durupidai, “Rumok geig. Tubun en fon kumaen imasa ya! Saimon Pita sen malan lo mok ile ya.” ³⁵Ago tag tamol uraru an dam dal na abaŋ dugo dile yan dubol, “Maŋ dam dal na mile yak man iŋ ta maloŋ na ya. Gug saen bret yafuteg ipanama ante dugo iŋ maloŋ a.”

Jesus megeloum naod na ilasa ya

Mat 28:16-20; Mak 16:14-18; Jon 20:19-23; Apo 1:6-8

³⁶Tamol uraru an ago diŋiŋeŋ dugo Jesus luluŋad lo ilasag ibol, “Aŋ maror amado.”

³⁷Agog durut go direr saian. Iŋ ilod lo tamol ŋutun ta naod na ilasa dubol a. ³⁸Agog isumianai, “Aŋ ata wo arer dak i? Aŋ ata niŋen o ilom weiwei di? ³⁹Malam ipalup, ŋieg banig ale. En man ŋaiseg. Abiag pe aliag! Tamol ŋutun man tinid tatu an tia ya. Gug ŋai man tinig tatu amag da ya.”

⁴⁰Ago ibol go ŋien banin ikibiai dugo dile ya. ⁴¹Iŋ ilod uyan ak man ilod lo kitek ta rumok na ya. Man dugo, durut saian dugo iŋ ilod weiwei, an lo ilod lo rumok san ta pasauman na ya. Ago tag isumianai, “Aŋ etna mel nuaeŋ san ta yen di?” ⁴²Agog iy gisek ak dupanig, ⁴³naod nam ijaneg yani dugo dile ya.

⁴⁴Agog irupidai, “Imug ŋurupaianŋ ak ilom isou. Wagam Moses san kubiaeŋ lo, profet adi sad girek lo, agod Isrel sad kanam buk lo dam, melmel fidian ŋai o digire na yan nuŋon ilasa wa.”

⁴⁵Agog iŋsad kankan isofulaleg, an lo Anut san ru girek lo yen dan fun mok duloŋ fufei a. ⁴⁶Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa. ⁴⁷Iŋ yaŋan lo Anut tamolpein ilod ibilisa dop, ijaned muruan ipasi pidinai an san ru, Jerusalem na fun igane gup, panu panu lo yau a. ⁴⁸Aŋ melmel ilasa dugo ale na yan abol dop, duloŋ a. ⁴⁹Bai mel ipanaŋ o ibol an ŋau gup, ŋidinip ipalu wa. Ago yak niŋen o Jerusalem na malam aganep amado dop yaup, dabai a lak na yak ipalu wan idup aŋ tinim ijanefute wa.”

Jesus lak na isuda yau a

Mak 16:19-20; Apo 1:9-11

⁵⁰Agog Jesus iŋal go diaug, Betani na dilasa ya. Atnag banin yabisag, bar ipidinai a. ⁵¹Agog ibisawaig, Taman ijaneg siŋiren na yau a. ⁵²Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a. ⁵³Ante saen wei mi tempel lo Anut per dupani dugo dumado na ya.

Jon

1 ¹Fun lo mok Anut mel fidian ta idiri na dugo, Ru ij yen la ya. Ij Anut da dumado ya, agod Ru mi iñsen Anut. ²⁻³Ij Anut ida dumadog, ij lo mel fidian dilasag dien da. Ta ij dal sen ta lo ilasa man tia geig a. ⁴Ij lo kumaen yen da, an lo mel fidian kumaen diñane ya, agod kumaen an tamolpein lo lilaman igane ilasa da. ⁵Lilaman an tidom tubun lo ided da, agod tidom tubun an lilaman ituani san tia ya.

⁶⁻⁷Aria, Anut tamol ta iganeg imug ilasa ya. Ij yañan Jon dubol da. Ij ipalug, lilaman san ru fun an tamolpein fidian ikubiai ipidinaip, duloñ pe, ilod lo rumok san. ⁸Ak man Jon iñsen lilaman amaiak tia ya. Ij lilaman an niñen ru an ibol ilasa dop duloñ o ipalu ya. ⁹Lilaman a lilaman mok an, tan na idup tamolpein fidian lilaman ipidinai o ipalu ya.

¹⁰Ij lo mel fidian dilasa ya, agod ij tan en lo kuai isig imado la yak bo man, tamolpein diñaonj geig a. ¹¹Iñsinanen tan lo ipalu ya, ago gug muroun muroun an ij diñane man dumoi. ¹²Ak man tamolpein a ij diñane yan, agod ij yañan tubun ak ilod lo rumok an fidian, Anut nanun dilasa san dabai ij ipidinai a. ¹³Ij tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, iñanen nanun muroun dilasa ya. ¹⁴Ru an tamol nuñon ilasag kuai isi a. Agog ij mañ luluñama lo ida mumado na ya. Rumok, Bai Anut iñanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek ij ru rumok da ij tinin iñanefute ya.

¹⁵Aria, Jon malak malak ij niñen o igo ibol iwagiñ, “Tamol emaiak niñen o ñai ñurupaiañ go aloñ na ya. Tamol a ñai patug fo ipalu dan, ñai iriñanag dugo ñaisag malan te yak imado da. Man ata wo, wagam mi ñai ta ñilasa na yan ij imado la ya.” ¹⁶Iñsan ilo muñanek tubun mok ij lo awan isa ya, an lo binawek wei mi an iñanen banin dibiseig id fidian tiñane na ya. ¹⁷Man dugo, Anut id Moses banin lo kubiaenj ipanad a, gug ilo panek ij ru rumok da man, Jesus Kristus lo mi ipanad a. ¹⁸Tamol ta Anut kitek ile man tia geig a. Gug Anut a kisaek o lian an, Taman girañen na imado na ya, ij tan na ipalug Taman ikubiai panad go taloñ a.

Jon Suguek san, ru kuai te ifulale ya

Mat 3:1-12; Mak 1:1-8; Luk 3:1-18

¹⁹Jon ru e Jesus niŋen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun duloŋ o dusumianig dubol, “Oŋ enti i?” ²⁰Agog Jon ru kuai tem irupidaig duloŋ a, iŋ enti mok an ta itot na ya. Iŋ igo ibol, “Ŋai man Kristus tia ya.” ²¹Ago tag iŋ dusumianig dubol, “Ak oŋ enti i? Oŋ dag profet Elaija wagam na yak fon palu boi?” Ak man iŋ ibol, “Man tia.” An niŋen o iŋ fon dusumiani, “Oŋ dag profet a Anut niŋen o ibol amaiak boi?” Gug iŋ ibol, “Tia ya.” ²²An niŋen o iŋ dusumiani, “Ago tap, ubol pe malon, oŋ enti mok i? Maŋ tamol didinamag mupalu yan ata ru ta murupidaip duloŋ ak i? Oŋ oŋse niŋe wo dugo ubol dak i?” ²³Ago gug Jon profet Aisaia awan aban iŋaneg igo ibol, “Ŋai man tamol ta aben kawan ak ate iwagiŋ emaiak san awan ŋisiaig ŋuwagiŋ da, ‘Tubun en iŋanen dal akubune apani!’ ”

²⁴Farisi adi luluŋad lo tamol aenta imug didinaig dupalu dugo, tamolpein dida dutur a. ²⁵Iŋ dam Jon dusumianig dubol, “Oŋ Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinaŋ dak i?” ²⁶Jon awad yabig igo ibol, “Ŋai tamolpein you lo mi ŋusuguai da. Gug tamol ta aŋ luluŋam lo itor dak aŋ ta alon na da. ²⁷Tamol an iŋ ŋai patug fo ipalu da, gug iŋ ŋai iriŋanag a. Ŋai seg iliag dak man, ŋai iŋsan sendal ŋupasi san ta idaisuda na ya.” ²⁸Saen an lo Jon panu Betani na imado dugo, you Jordan aen ate iŋanen suguek urat igane se ya. Panu ante kulob an fidian ilasa ya.

Jesus man Anut san Sipsip Nanun

²⁹Agog dien dumasag nal tinin te yan, Jesus imasag Jon san na ipalu dugo, Jon malan yaug ile, agog ibol, “Ale dak, an Anut san sipsip nanun ipalu da. Iŋ ipalu dan lo, tan en san tamolpein sad kagin saiak fidian iragali pidinaŋ a. ³⁰Ŋai gubak mi tamol nek amaiak niŋen o ŋabol a. ‘Tamol ta iŋ ŋai patug fo ipalu dan iŋ ŋai iriŋanag go ŋaisag tamol malan te yak imado da. Man ata wo, wagam mi ŋai ta ŋilasa na yan iŋ imado la ya.’ ³¹Ŋaiseg man gubak mi iŋ tamol dugo yan ta ŋalon na ya. Ago yak man ŋai ŋupalug, tamol amaiak Isrel tamolpein ŋukubiai pidinaip dile duloŋ o, you nam ŋusuguai se ya.”

³²Agog Jon mel a ile yan niŋen igo ibol, “Ŋai Urgun kumaen panu ibiseig idu dugo ŋile ya. Iŋsan leil man nek ibol muluk oŋ idug Jesus gumuran fo imado dugo ŋile ya. ³³Ŋaiseg man imug iŋ tamol dugo yan ta ŋalon na ya. Gug Anut enti tamolpein you nam ŋusuguai o idinag go ŋupalu yan, iŋsen irupaig go ibol, ‘Oŋ Urgun ule dop idup, tamol ta tinin fo imado wa. Tamol nek an iŋ tamolpein Urgun lo isuguai a.’ ³⁴Ŋai

ñile ñaloñ la ya, an lo ñai iñ niñen o ru ñabol ilasa da, tamol en iñ Anut Nanun mok a.”

Jesus megeloum malan malan iñal a

Mat 4:18-22; Mak 1:16-20; Luk 5:2-11

³⁵⁻³⁶Nal tinin te yan lo, Jon san megeloum uraru iñ dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on Anut san sipsip nanun, tamolpein ibinawai o ipalu ya.” ³⁷Megeloum uraru an ru ago dulon tag, diaug, Jesus ñien aban diri se ya. ³⁸Agog Jesus idanñsag, uraru an yil tag irupudai, “Añ ata mel o abañ abi di?” Agog uraru an awan diabig dubol, “Rabbi (en fun man girek mañau) oñ ab dugon te mado di?” ³⁹Agog Jesus awad yabig ibol, “Añ apalup ale.” Ago tag iñ dida diaug, ab a ate imado dan dile ya. Nal an gurai idu ya, ago tag iñ dida atna dumado yaug tidom idu ya.

⁴⁰Megeloum uraru Jon awan dulon go Jesus da diau an, neinta yañan Andru, Saimon tein. ⁴¹Iñ Jesus ibiseig ririan yaug tein Saimon abañan yabig, ileg irupe, “Mañ Mesias mile la ya.” (Yañak Mesias fun man Kristus.) ⁴²Agog tein Saimon iñaneg, ida dumul Jesus san na dupalu. Jesus malan ti ibol Saimon ileg irupe, “Oñ Saimon, Jon nanun. Gamu ñai oñ yaña sen ta Sifas ñupate da.” (Grik ru lo Sifas fun man Pita dubol da, an “pat” igo won.)

Jesus Filip iñ Nataniel da isu a

⁴³Dien dumasag, Jesus distrik Galili na yau o ilo sou igane ya. Iñ Filip ileg irupe, “Oñ ñai da tau a.” ⁴⁴Filip iñ panu Betsaida dubol dan san tamol, an iñ Andru Pita da sad panu kisaek a. ⁴⁵Filip Nataniel abañan yabig ileg irupe, “Mañ tamol a Moses iñ profet dida niñen o dubol dugo, girek lo digire emaiak mile la ya. Iñ Nasaret tamol, yañan Jesus, Josef nanun.” ⁴⁶Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “Oñse palup ule.”

⁴⁷Agog diau dugo, Jesus Nataniel iñsan na ipalu dugo ile tag, iñ niñen o igo ibol, “Ale, an Isrel tamol mok. Iñ ilon lo kagin sewak ak ta yen man tia geig a.” ⁴⁸Ago tag Nataniel isumianig ibol, “Oñ dugudo won ñai fug ulon i?” Agog Jesus awan yabig igo ibol, “Filip oñ gamugo igio dugo, oñse gurab dabin fo mado dugo ñilio ya.” ⁴⁹Ago tag Nataniel irupe, “Girek Mañau, oñ Anut Nanun mok a, oñ Isrel sad Kiñ.”

⁵⁰Agog Jesus ibol, “Iñai oñ gurab dabin fo mado dugo, ñilio ñabol an niñen o oñ ilo lo rumok i? Ulon ak, murnap oñ mel tubun geig ak mel en iriñani an ule ulon a.” ⁵¹Jesus fon irupudai, “Iñai rumok nuñon mi ñurupaiañ da. Murna dop Anut kumaen panu awan ipasip, añ malam yaup, Anut san eñel adi Tamol Nanun san na dusuda dudu dop eil a.”

Jesus you ibileksag wain ilasa ya

2 ¹⁻²Nal uraru yau gug, panu Kana Galili distrik lo ante nug ñanek san soubul digane. Jesus tinan ab an lo imado dugo, Jesus san

megeloum dadi digiaig dupalug, nug njanek san soubul an lo dumado ya. ³Nug njanek san soubul an diani diluk yaug you wain itout. Ago tag Jesus tinan imasag nanun irupeig ibol, “Injad you wain itout a.”

⁴Ago tag Jesus tinan irupeig ibol, “Nei, ata wo onja tini ganei njai lo gane dak i? Njaisag saen gamugo da.” ⁵Aria, tinan yaug urat pinein irupudai, “Urat biabi fidian irupaian dop, awan ari apani.” ⁶Ab an lo bod tubun tubun ak 6 dutur dan ate you disirip, Juda sad kagin lo mi njed banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da. ⁷Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag in ibol ak atem ago digane ya. ⁸Agog Jesus irupudaig ibol, “You an ta awalip asini aup, soubul san gurman apani.” Ago tag in you an disinig diaug dupani a.

⁹⁻¹⁰Agog soubul gurman an you a ibileksag wain mok ilasa yan iluk ile ya. Ak man kulob an fun ta ilon na ya. Urat pinein a you disiri an in dulon ak man ta durupeil on na ya. An njen tamol an nug njanek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinai diluk da. Dugodog on ago ta gane na i? On wain uyan ak ilo isig yen gug gamu sini palu ya.”

¹¹Kulob girager en Jesus san urat malan malan Galili distrik lo Kana panu na igane ilasa ya. An lo injan yanjak tubun ak san dabai in lo yen dan kuai isig, injan megeloum dileg, in o ilod lo rumok a. ¹²Soubul an itout gug Jesus imasag, tinan, tein muroun, injan megeloum isug, dida panu Kaperniam na dudug, ante kitek dida dumado ya.

Jesus Tempel lo yau a

Mat 21:12-13; Mak 11:15-17; Luk 19:45-46

¹³Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a. ¹⁴In yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a. ¹⁵Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a. ¹⁶Ago gug tamol anakanak didad se yan irupudai, “Anjanem mel en fidian asup alasa. An njaineg Bai san ab en anjanep dadej aben igo ta agane na wa.”

¹⁷An njen o injanen megeloum ru ta Anut san buk lo digireg yen dak ilod isou. Ru an igo ibol, “Inai onjane ab ilog njupani mok da, an njen o njai ilog saian dugo bubeg wananan geig da, an lo kankan an njai ilog yabi sakar dugo iduduweg da.”

¹⁸Jesus ago igane dugo Juda gurman dileg, dumoi go dubol, “On ata kulob girager ta ganep manj milep malon ak, on en so dabai ta lo igo gane

dak i?” ¹⁹Ago tag Jesus awad yabig ibol, “Ŋai ubou ab en ŋititale gup, nal utol lo mi fon ŋususe da wa.” ²⁰Agog Juda adi Jesus durupe, “Ab en anaŋar 46 lo diabig itout a. Gug gamu oŋ en nal utol lo mi wabisa da wo ubol dak i?” ²¹Ak man Jesus ubou ab niŋen ibol an, fun man iŋsen tinin niŋen o ibol a. ²²Ago yak niŋen o saen Anut Jesus mateŋ lo ifufunig fon kumaen imasa yan lo, iŋanen megeloum dileg ru a wagam mi Jesus iŋsen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

²³Jesus tumanek tubun Pasova dubol dan san saen lo, Jerusalem na imado dugo, doup tubun an iŋanen kulob girager igane yan dile tag, iŋ o ilod lo rumok a. ²⁴Ak man Jesus iŋsen iŋanen tini ganei tamolpein an lo ta igane na ya, man dugo, iŋ tamolpein an fidian ilod ilon fufe a. ²⁵Tamol ta kankan naok dugo yak a tamolpein bubed lo yen dan niŋen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

Jesus Nikodemus ida diŋiŋeŋ a

3 ¹Farisi sad tamol tubun ak ta yaŋan Nikodemus. Iŋ Juda adi sad gurman ta, agod Juda sad kaunsil malan te yak lo yaŋan yen da. ²Tamol an tidom ta lo Jesus san na yaug, irupe, “Girek Maŋau, maŋ malon ak Anut oŋ idinog maŋsama na girek maŋau igo palu ya. Man dugo, tamol enti a Anut ida dumado dan mi, kulob tubun tubun a oŋ gane dan iŋ ka igane wa. Iŋ Anut san tia dop man, urat a gane dan igane san tia ya.”

³Jesus awan yabig ibol, “Ŋai rumok nuŋon mi ŋurupaio da. Isop tamol ta foun ta ilasa na tap, Anut san kagin panek aben ile san tia geig a.” ⁴Ago tag Nikodemus awan yabig ibol, “Dugo woŋ pe tamol iŋ tinin tamol igane la yak afon foun ilasa da wak i? Nag fon tinan tiŋaen lo ka iladup, nanuk igo woŋ tinan igansi wak i?”

⁵Jesus ru naon irupeig ibol, “Ŋai rumok ŋurupaio da. Isop tamol ta you iŋ Urgun da lo kumaen foun ak ta iŋane na tap, Anut san kumaen panu ilon lo ta iladu na wa. ⁶Mel tinik lo ilasa man tinik san mel mi a, nek ago mi, mel a Urgun igane ilasa dan iŋ ur san mel a. ⁷Gug oŋ foun lasa wo ŋabol dan niŋen o oŋ masa saian umoi. ⁸Tim man iŋsen iŋanen ilon ibol ak lo yau imul da. Ago dop tim an liliŋan mi ulon da. Gug iŋ dugon te ipalug dugon te yau dan, oŋ ta ulon na ya. Tamol a Urgun iganep, foun ilasa dan nek ago mi a.”

⁹Nikodemus isumianig ibol, “En dugo woŋ mok ilasa wak i?” ¹⁰Agog Jesus awan yabig ibol, “Oŋ man Isrel luluŋad lo iŋsad girek maŋau mado ya, ago gug, ata wo mel an fun ta ulon na ubol di? ¹¹Rumok nuŋon mi ŋurupaio da. Maŋ mel a malon an niŋen o mi ru mabol da, agod maŋ mel a maŋsema malama nam mile yan mi tamolpein naod na mabol ilasa

da, ago bo man aŋ tamolpein maŋanema ru aŋane wan amoi da. ¹²Ŋai tan san kagin niŋen o imug mi ŋurupaiaŋ a, ak gug aŋ ilom lo ta rumok na ya. An niŋen o, dugo, ŋai fon kumaen panu san melmel an niŋedi wo ŋurupaiaŋ dop man, an dugo woŋ pe aŋ ilom lo rumok ak i? Man tia geig a. ¹³Tan en san tamol ta kumaen panu lo iladu man tia ya. Tamol Nanun iŋ mi aben an lo iladu ya. Man dugo, iŋanen fun panu man tan en san tia ya, tia, gubak mi iŋ Anut da dumado gug, kumaen panu ibiseig idug tan na ilasa ya. ¹⁴⁻¹⁵Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak niŋen o Moses ai igunig, mot mitilaen ta yabisag isuŋani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap duŋuŋani wa. An niŋen o tamolpein a fidian ŋai o ilod lo rumok dan, iŋ kumaen pempem san diŋane wa.

¹⁶“Anut iŋ tan en san tamolpein niŋedi wo imat, an niŋen o iŋanen Nanun kisaek o lian an ipanad a. An lo tamolpein iŋ o ilod lo rumok tap, ta dideg diau na wa. Tia, iŋ kumaen pempem yen san diŋane wa. ¹⁷Man dugo, Anut iŋanen Nanun tan na iganeg ipalu yan, iŋ tamolpein bitinaek lo idiraip naon muruan ipidinai wo ta ipalu na ya. Man tia. Iŋ ipalu yan lo tamolpein patud ipasi dop, pitininek aben lo ta diau na wa. ¹⁸Enti iŋ o ilon lo rumok dop man, Bitinaek Tamol iŋ muruan ta ipani na wa. Gug enti iŋ o ilon lo rumok tia yan iŋ ideg yau san dal lo imado la ya. Man ata wo, iŋ Anut Nanun kisaek o lian an niŋen o ilon lo ta rumok na ya. ¹⁹Bitinaek Tamol yil saian man fun igo ya. Lilaman tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, iŋ kagin saiak saiak mi digane wo dumat da. ²⁰Tamolpein kagin saiak digane dan iŋ lilaman dumoi go san ager dumado da. Iŋ lilaman lo dupalu san dumoi, man dugo, kabelan iŋaned kirem saian an kuai te ilasa banau. ²¹Gug talpein a iŋ kagin rumok ak igane dan iŋ lilaman lo ipalu dop lo iŋsan urat uyan ak walal te ilasa wa. Ago dop tamolpein a talpein an leil dupani dan, iŋ dile duloŋ ak, talpein an Anut san dabai lo iŋsan urat fidian igane da.”

Jon Suguek san iŋ Jesus fun kuai ipani a

²²Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai. ²³Ago dugo Jon dam sasau Aionon dubol dak ate, aben Salim sumeik an, ante imado dugo tamolpein iŋsan na dupalug you lo isuguai se ya. Man dugo, you kuror ak aben ante dien da. ²⁴Saen an lo man gurman Herod iŋ Jon subanek lo gamugo igane ya. ²⁵Aria, Juda tamol ta ipalug, Jon san megeloum dida Juda sad you sugug kagin niŋen o fun diganeg nug dupei. ²⁶Ago tag Jon san megeloum diaug durupeig dubol, “Girek maŋau ule, tamol a gubak mi oŋ iŋ da you Jordan aen ate amado

dugo, ij niŋen o ru fulale amaiak, ij tamolpein suguek ipidinai dugo fidian iŋsan na mi diau da.”

²⁷Agog Jon ru naon igo irupidai, “Uyan, talpein ta iŋsinan dabai lo mel ta iŋane san tia ya. Tia, ij binawek Anut kumaen panu lo iganeg idu an mi ka iŋane wa. ²⁸Ansem gubak mi ŋai ru kuai te ŋabol ilasa dugo aloŋ la ya. Ijai Kristus tia ya. Ago yak man ŋai Anut sen idinag go Kristus naon na ŋanug ŋupalu ya. ²⁹Tamol ta ij pein da nug diŋane tap, pein an tamol an san. Go tamol sen ak turan an patun fo sumeik itur dan iŋsan turan an awan iloŋ, an niŋen o ilon uyanan geig a. Ijai man Kristus san turan, tamolpein iŋsan na diau dan ŋeil dop, ilog uyanan geig da. ³⁰Ago yak niŋen o ij yaŋan tubun mi imasap yau dop, ŋai yaŋag ka idu wa.”

³¹Tamol ij lak nag idu yan ij yaŋan tubun geig a, mel fidian ij paen na dumado da. Tan en san tamol man ij tan en san ru mi ka ibol ilasa wa. Gug tamol a kumaen panu log idu yan man fidian iriŋanai a. ³²Ij mel a fidian yil an, agod mel a fidian kududon iloŋ an dam, tamolpein naod na ibol ilasa da. Ak gug iŋsan ru tamolpein an fidian iriŋanai yau oŋ dugo, duloŋ o dumoi. ³³Gug talpein enti ru an iŋaneg yabi sakar dan, kulob an lo ikubiai tile yak iŋsan ilo rumok igo ya, “Anut san ru an ru rumok.” ³⁴Man dugo, Tamol a Anut idinig idu yan, ij awan Anut san awan aban mi iŋiŋeŋ da. Ata wo? Anut ij Ur kabelan ka Tamol an ta ipani na da, tia, iŋsan Ur tubun mi ij lo awan isa wa. ³⁵Bai iŋanen Nanun o tubun mi imat go, mel fidian ij banin lo idiri a. ³⁶Ta ij Anut nanun ilon lo rumok tap, ij kumaen pempem yen san iŋane la ya. Gug ij a Anut Nanun patun ipani dan, ij kumaen pempem yen san ta ile na wa. Man ata wo? Anut san tiŋae saiak ij lo yen da.

Jesus Sameria pein ida diŋiŋeŋ a

4 ¹⁻³Jesus tamolpein wei mi iŋsan na dupalug iŋanen megeloum dilasa gug isuguai a. Tamolpein a Jesus isuguai se yan san sutek man Jon san iriŋani a. (Jesus iŋsen tamolpein ta isuguai na ya. Tia, iŋanen megeloum mi urat an digane ya.) Farisi adi Jesus dugo igane yan duloŋ, an niŋen o ta ij Jesus irupe i iloŋ. Ago tag ij Judea ibiseig fon imul Galili na yau o tureŋ yabi a.

⁴Dal an Sameria dumado dak titiŋaem idug yau a. ⁵Ij yaug Sameria sad panu ta, yaŋan Sikar dubol dan ate ilasa ya. Abaŋ an tubud baged Jakob nanun Josef tan ipani an siŋiren na sumeikan a.

⁶⁻⁸Aria, Jesus tureŋ yabig yau do nad ad titiŋae mi an ij urei ifuni gug, you gib an fun na ilasa ya. Gib an Jakob san you gib dubol da. Ij yaes ibal o imasig imado ya. Gug iŋanen megeloum man ij anaŋ didad o panu na diau la ya, agod Jesus mi iŋsen kisaek imado. Agog Sameria pein ta you gib an isiri wo idu nad Jesus ile ya. Jesus ij you o imat saian tag, pein an irupe i, “You kitek sirip panag ŋaluk.”

⁹Juda iŋ Sameria da man nug lo siai dumado da, agod iŋ nug san ananŋ ta diani na da. An niŋen o pein an imasa saian go irupei, “Oŋ ata wo ŋai oŋ you ŋupanop, uluk o ubol di? Oŋ Juda, agod ŋai man Sameria.”
¹⁰Jesus pein an ru naon irupeig ibol, “Oŋ talpein e, ‘you panag ŋaluk’ ago ibol an, agod Anut san lou panek an dam ulonŋ uyan ak man, oŋ iŋ sumiani dop, you kumaen san an ipanop uluk a.”
¹¹Ago tag pein an Jesus irupei, “Tamol tubun en, oŋ you kapen ama tia ya. Agod you gib en kuror kasik a. Ago yak niŋen o you a kumaen san an oŋ dugon te ŋane wak i?”
¹²Idsad tubud baged Jakob iŋ you gib en yabig maŋ ipanama ya. Inŋsen you en iluk na ya, iŋanen nanun muroun dam, makau, sipsip dam you en diluk na ya. Ak nag oŋ iŋ riŋani ubol di?”

¹³Ago tag Jesus pein en awan yabig ibol, “Ta iŋ you en iluk tap, iŋ fon you o imat da wa. ¹⁴Gug ta iŋ you a ŋai ŋupani wan iluk tap, iŋ afon you o ta imat na wa. Rumok, you a ŋai ŋupani wan, iŋ ilon lo pempem ibanai ilasa dop, kumaen pempem yen san ipani wa.”
¹⁵Ago tag pein an ibol, “Tubun en, oŋ you an ŋai panag. Agop ŋai fon you o ŋamat dop, you ŋisiri wo ta ŋupalu na wa.”

¹⁶Jesus awan yabig irupei, “Oŋ waup, oŋane iwo ŋane gup, fon ente ida apalu.”
¹⁷Agog pein an ru naon irupeig ibol, “Ŋai iwog tia ya.” Ak man Jesus ibol, “Oŋ iwo tia ubol dan rumok a. ¹⁸Oŋ wagam tamol faiv uŋal la ya. Gug gamu tamol a iŋ oŋ ida amado dan man iŋ oŋsa iwo tia ya, an niŋen oŋsa ru ubol an ru rumok geig a.”

¹⁹Pein an ago ilonŋ man, imasa saian go Jesus irupei, “O tamol tubun en, ŋai ilog isafulale ya. Oŋ Anut san profet. ²⁰Dugudo, maŋ tubum murouma iŋ did en fo dutumanig, Anut ubou an dile na ya. Gug aŋ Juda man Jerusalem na mi aup, ante Anut ubou an ale wo asue ti abol da.”

²¹Ago tag Jesus irupei, “O pein, ru e ŋurupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa. ²²Aŋ Sameria adi Anut a niŋen o ubou ale dan ta alonŋ uyan na ya. Gug maŋ Juda man iŋ malonŋ uyanan a. Man ata wo? Anut tamolpein iŋal pe patu pasek ipidinai san dal man Juda sad dar lo ilasa ya. ²³Gug nal ta idu wo yan gamu nek e ilasa la ya, ante man tamolpein ensauta a kagin nuŋon ak lo mi Anut san ubou an dile dan, Urgun lo, agod ru rumok ak da, iŋ niŋen o ubou dile wa. Man dugo, Anut ensauta a ubou naok ago digane dan mi yil o abaŋad yabi da. ²⁴Anut man iŋ Ur a. Fun an niŋen o, tamolpein ensauta a iŋ kagin nuŋon ak lo mi ubou an dile dan man, iŋ Urgun lo, agod ru rumok da, iŋsan ubou an dile wa.”

²⁵Ago tag pein an Jesus irupei, “Ŋai ŋalonŋ ak, Mesias ipalu da. Iŋ id ibinawad san Anut ipiliani a. Iŋ ipalu gup, mel fidian kuai te igane ilasa dop tile talonŋ a.”
²⁶Agog Jesus pein an irupei, “An bo ŋaiseg, nek e oŋ da tiŋiŋeŋ da.”

Jesus san megeloum dumul dupalu ya

²⁷Jesus pein ida diñinjeñ di dumado dugo iñanen megeloum dupalug dilasa ya. Ago dile man iñ durut saian geig a. Gug iñ luluñad lo tamol ta kisaek Jesus isumianig, “Oñ ata ipano wo ida añinjeñ i?” tia, “Oñ ata wo ida añinjeñ i?” ago dubol man tia ya.

²⁸Agog pein an you kapen igansig you fun na yen dugo, imul panu na yang tamolpein irupudai, ²⁹“Apalup, tamol ta iñ ñai kulob ñigane na yan fug fidian ifulale idu pasik an ale. Dag iñ Kristus boi?” ³⁰Ago tag fidian panu dubuseig, Jesus dile wo you fu na diau.

³¹Agog Jesus san megeloum iñ durupeï, “Tubun ak, oñ gidad nuai a.” ³²Gug iñ awad yabig ibol, “Ñjai anañ sen ta amag da yak, an ñani san an añ ta aloñ na ya.” ³³An niñen o iñanen megeloum nug durupeig dubol, “Dag tamol ta anañ isini ipalug ipanig yani la boi?”

³⁴Gug Jesus irupidaig ibol, “Ñjaisag anañ man igo ya, ñai Bai idinag go ñupalu yan iñanen awan ñuri ñupanip, iñanen urat ñiganep itout pasik a, an mi ñaisag mel tubun a. ³⁵Añ igo abol, ‘Kalam iwoiwo yau gup man anañ ibes idu wa.’ Gug ñai rumok ñurupaian da, malam yaup abañ ale, añ gidad anañ ale alubani. Nuñon tales san saen idaisudag yen da. ³⁶Tamol iñ anañ nuñon urat an igane dan, iñ naon uyanan iñane wa. Iñ tamolpein itumanaip, kumaen pempem yen san diñane wa. Urat an fun igane la ya. Ago dop tamol anañ piapae san, nuñon iles san an ida sisem sed iyunani a. ³⁷Fun an lo, ru a tamolpein diñinjeñ na yan nuñon ilasa ya, ‘Tamol ta kisaek anañ ipae da, ak gug tamol sen ak anañ iles da.’ ³⁸Ñjai añ abi a ante anañ ta apae na yan lo, anañ ales san urat agane wo ñidinañ go au a. Tamolpein aenta abi an lo urat tubun mi digane la ya. Añ iñsad silali naon añane ya.”

Sameria wei mi ilod lo rumok a

³⁹Sameria panu an san tamolpein wei mi iñ pein an san ru duloñ go, Jesus lo ilod rumok a. Man dugo, pein an ibol, “Ñjai gubak mi kagin dugo ñigane na yan fidian irupaig a.” ⁴⁰An lo saen Sameria adi Jesus san na dupalu dugo, iñ kitek dida dumado wo dusumiani a. Ago tag nal uraru ante dida dumado ya. ⁴¹Gug gamu tamolpein nen wei geig iñ Jesus sen awan lo ru duloñ ak niñen o ilod lo rumok a.

⁴²Iñ fidian mi pein an durupeï, “Gamu en mañ oñsa ru mi maloñ ak o iloma lo ta rumok na ya. Tia, mañsema Jesus sen awan lo ru maloñ ak o iloma lo rumok geig a. Agod mañ maloñ ak, nek tamol emaiak, rumok nuñon mi, iñ tan en san tamolpein fidian sad patu pasek tamol.”

Jesus kinj san urat tamol nanun ikubune ya

⁴³Nal uraru an itout go, Jesus Sameria adi ibisawaig imul Galili na yau. ⁴⁴Gubak mi Jesus iñsen igo ibol ilasag ibol, “Anut san profet iñsinan panu

fun lo man yaŋan tia ya.”⁴⁵ Aria, saen iŋ Galili na ilasa dugo, tamolpein dileg duyuyani a. Man fun dugo, iŋ dam Jerusalem na nal tubun an lo, kulob kulob a ante igane yan dile yak niŋen o, ago malan dupare ya.

⁴⁶⁻⁴⁷ Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kiŋ san urat tamol gurman ta nanun Kaperniam na imado yan, subam ifuni saian. Iŋ Jesus Galili distrik lo imado yan ilonŋ tag, imasag ririan Jesus san na yau. Iŋ yaug, iŋanen nanun imat o itor dan, Jesus ikubunep uyan ilasa wo imosiai a.

⁴⁸ Agog Jesus irupeï, “Aŋ tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, aŋ ilom lo ta rumok na wa.”

⁴⁹⁻⁵⁰ Ago dugo kiŋ san urat gurman an fon iŋ igudanig ibol, “O Tubun ak, oŋ palu kisaek oŋ. Kabelan ŋaineg nanuk imat banau.”

Jesus awan yabig ibol, “Oŋ wau, oŋane nanu uyan imado wa.” Aria, tamol gurman an Jesus san ru ilon lo rumok go yau. ⁵¹ Iŋ yau oŋ dugo, iŋanen urat pinein dal na naon ditareg durupeï, “Oŋane nanu uyan ilasag imado da.” ⁵² Ago dubol tag, iŋ isumianai, “Ad mitilaen dugo woŋ dugo tinin kitek uyan i?” Iŋ awan diabig dubol, “Nor ad isakek o itor dugo, tinin ibubarum a.” ⁵³ Ago tag taman fon ilon isoug, nor nek ad ago Jesus irupeig, iŋanen nanuk uyan imado dak ibol a. Agog iŋ Jesus niŋen o ilon lo rumok dugo, iŋanen muroun muroun dam fidian ilod lo rumok a.

⁵⁴ Jesus iŋ Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

Jesus tamol ta you Betesda ante ikubune ya

5 ¹ Murnag Juda adi sad tumanek nal tubun ak ta ilasa wo dugo, Jesus dam Jerusalem na yau. ² Jerusalem man pat nam ar dufou dulubani a. Ar san dalawan wei mi dien da. Dalawan ta “sipsip sad dalawan” dubol dan te you saltek ta yen da, Hibiru ru lo yaŋan Betesda dubol da. You an aen te lalai miriau faiv ate dien da. ³⁻⁴ Lalai miriau an ate man tamolpein subam funfun amad da yak ate dumado da. Aenta malad tia yak, aenta ŋied saian ak, aenta ŋied banid tubabun ak, ante eŋel ta ipalup, you lo idup you ila iso dop, dile wo mala nouk dumado da. Gug enti iŋ imug you lo idu dan iŋanen subam itout a. ⁵ Aria, tamol ta iŋ miriau ante anaŋar 38 subam iŋaneg imado ya, iŋ itor san tia, ago yen oŋ se ya. ⁶ Jesus tamol an ile dugo, iŋ saen milaen mok subam anda yen na yan durupeï a. Ago tag Jesus isumianig ibol, “Dugo, oŋ tini uyan o ilo ibol di?”

⁷ Ago dugo subam tamol an Jesus awan yabig ibol, “Awo. Tamol tubun en, ulonŋ, saen you ila iso dop, ŋai tamol ta ibinawag pe, you lo ibilag ŋadu san tia ya. ŋaiseg ŋibitinae ŋadu wak, gug aenta mi iŋ ŋai diriŋanag pe dunug dudu da.”

⁸ Ago tag Jesus irupeï, “Masa utur pe, oḡane gadab an wabisa sinip wau.” ⁹ Jesus ago ibol an ririan tamol an tinin uyan ilasa, agog imasa itur go iḡanen gadab an yabisa isinig yau.

Kulob an man Juda sad ubou nal lo ilasa ya.^a ¹⁰ Ago yak niḡen o Juda adi tamol a tinin uyan an dupeig dubol, “Gamu man yaes bilabal san nal, oḡsigane gadab sinip utor san man geg mok a.”

¹¹ Ago tag iḡ ru naon igo ibol irupudai, “Tamol a ḡai ikubuniag an iḡsen ḡai irupaiag go ḡaisag gadab ḡiḡaneg ḡau da.”

¹² Ago tag fon dusumiani, “Tamol enti oḡ ago gane wo irupaio i?” ¹³ Ak man tamol uyan ilasa an iḡ tamol a iḡ ikubune yan ta ilon na ya. Man dugo, tamolpein doup tubun mok an lo Jesus luluḡad lo yau imianuk a.

¹⁴ Murnag Jesus tamol an tempel ilon lo ile tag irupeig ibol, “Ulonḡ, gamu oḡ uya la ya. Oḡ fon kagin saian ak ta gane na wa. Kabelan muruan nen tubun geig ak ta oḡ lo ilasa banau.” ¹⁵ Agog tamol an yaug, Juda gurman adi irupudai dulonḡ, “Tamol a ḡai ikubuniag go uyag an man yaḡan Jesus.”

Anut Nanun lo id kumaen tiḡane wa

¹⁶ An niḡen o Juda adi Jesus yaes bilabal nal lo urat igane an niḡen o tiḡaed saian go fun diganeg muruan dupani se ya. ¹⁷ Ago tag Jesus irupudai, “ḡaisag Tamag iḡ nal fidian urat igane yau da, an niḡen o ḡai dam nek ago ḡigane da.” ¹⁸ Ru an niḡen o Juda adi tiḡaed saian go, Jesus dufuni imat o maeg tubun mi digane na ya. An sabat nal ipilali ak niḡen o mi iḡ ago ta digane na ya, tia, Anut iḡ taman mok ibol ak, ru naok an lo iḡsen Anut da tou kisaek mi ibol da, an lo tiḡaed tubun mi saian a.

¹⁹ Jesus irupidaig ibol, “ḡai rumok nuḡon mi ḡurupaiaḡ da, Nanuk man iḡ sen ilon nam mel ta igane san tia ya. Tia, iḡ Bai san banin leil ipani dugo, kagin naok dugo yak igane dan ago mi iḡ dam igane wa. Man dugo, urat dugo Bai igane dan mi Nanun dam igane da. ²⁰ Taman iḡ Nanun o imat go, urat fidian igane dan ikubiai panig ile ilonḡ a. Awo, aḡ amasa saian san urat tutubun geig ak taida ḡigane wo ikubiai panag a. An urat e gamu igane den iriḡani geig dop arut saian a. ²¹ Ata wo? Taman iḡ tamol dumat ak fon iburousap kumaen ipidinai san ilonḡ a. Nek ago mi Nanun dam iḡ sen ilon ibol ak atem, enti kumaen ipani wan ago igane wa. ²² Taida mi, Taman iḡ tamolpein ta bitinaek lo ta idirai na da. Tia, urat an man Nanun mi banin lo igane pasi a. ²³ Taman ilon man, nek ibol tamolpein Taman yaḡan disini dak igo wonḡ, iḡ fidian Nanun dam yaḡan disini wa. Talpein enti a Nanun yaḡan ta isini na dan man, Taman a Nanun iganeg ipalu yan dam yaḡan ta isini na da.

²⁴ “ḡai rumok nuḡon mi ḡurupaiaḡ da. Talpein enti iḡ ḡaisag ru ilonḡ dugo, Anut ḡai idinag go ḡupalu yan ilon lo rumok dan, Anut ru ibol

^a Judah sad ubou nal an Sarere, nal an Sabat dubol da.

pe talpein an ideg yau ak ta mok igane na wa. Tia, talpein an kumaen pempem san iḡane la ya, iḡ mateḡ san dal ibisei lag, gamu kumaen san dal lo itor da. ²⁵Ḥai rumok nuḡon mi ḡurupaiaḡ da, nal ta idu wo igo yan gamu nek e ilasa la ya. Nal an lo tamolpein gamu mateḡ san dal lo dutor dan Anut Nanun awan duloḡ a, ago dop a iḡ awan duloḡ dan, kumaen pempem san diḡane wa. ²⁶Bai iḡ kumaen san taman imado dak ago mi Nanun dam iḡ kumaen an ipani a, an niḡen o iḡ dam kumaen san fun imado da. ²⁷Agod iḡ Nanun tamolpein bitinaek lo idirai san dabai ipani a, man dugo, iḡ Tamol Nanun a.

²⁸“Aḡ mel an niḡen o arut saian amoi, man dugo, nal idu dan te dop, tamolpein a fidian sad mutou lo dien dan iḡsan awan duloḡ a, ²⁹agop iḡsinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san diḡane wa, ago dop a iḡ kagin saiak saiak digane na yan dumasap Anut ibitiniiai gup dideg diau a. ³⁰Ḥai seg ilog nam mel ta ḡigane san man dabai amag tia ya. Ḥai bitinaek ḡigane den man Bai sen irupaiaḡ ago mi ḡiḡane da, an niḡen o ḡaisag bitinaek man uyan a. Man ata wo, ḡaiseḡ ilog ḡurig, urat ta ḡigane na da, tia, a iḡ ḡai idinag go ḡupalu amaiak ilon mi ḡiri wo yaes isofutanag da.

Tamol aenta Jesus fun niḡen o dubol

³¹“Ḥaiseḡ niḡeg o mi ru ḡabol dop man, idsad kubiaeḡ ibol ago tamol kisaek san ru an dabai aman tia ya. ³²Ak man talpein sen ak ḡaisag ru dabai ipani da, agod ḡai ḡaloḡ ak iḡ ḡai niḡeg ru ibol dan iḡsan ru man rumok a.

³³“Aḡ gubak mi tamol adinaig suguek san Jon san na diaug, ḡai niḡeg o mi ru rumok ak kuai tem ibol dugo duloḡ a. ³⁴Gug tamol ta ḡaisag ru en dabai ipani wo ru ta ḡabol na da, tia, aḡ ḡai o ilom lo rumok pe, Anut patum ipasi wo ru en ḡabol da. ³⁵Jon man iḡ sul igo woḡ ided dugo tamolpein lilaman ipidinaḡ a. Iḡ imado an lo saen katukan mi aḡ ilo uyan am da iḡsan lilaman lo amado ator na ya.

³⁶“Ak man mel ta ibalsiḡanag go ḡai niḡeg ibol ilasa dan, Jon san ru iriḡani a. Urat e ḡigane den, urat nek emaiak ḡigane itout o Bai banig lo iganeḡ ḡigane da. Urat nek en ḡai niḡeg o ikubiai panaḡ dak, Bai iḡsen ḡai idinag go ḡupalu ya. ³⁷Agod Bai a ḡai idinag go ḡupalu yan iḡsen, ru rumok ḡai niḡeg o ibol a. Ago gug aḡ kududom iḡ awan kitek duloḡ man tia, agod tinin san leil an dam ale man tia ya. ³⁸Iḡanen ru dam aḡ lo tia ya. Man dugo, Bai ḡai idinag go ḡupalu ya, ago gug ḡai o ilom lo ta rumok na ya. ³⁹Aḡ ru a Anut san buk lo yen dan lo abaḡ tubun mi ale da, man dugo, aḡ ilom igo isou da, ru an lo kumaen pempem san aḡane wak abol da. Ak man ru nek emaiak ḡai niḡeg o mi ibol na ya. ⁴⁰Ago bo man, aḡ ḡaisag na apalup, kumaen an aḡane wo man amoi da.

⁴¹“Gidad tamolpein ŋai yaŋag diabisa wo digane bo man, iŋsad per panek ta ŋijane na wa. ⁴²Ak man ŋai aŋ ŋalorŋ fufei, aŋsam kagin man sen a. Agod ŋai ŋalorŋ ak, aŋ ilom lo man Anut o ta amat na da. ⁴³Ŋai Tamag san yaŋan lo ŋupalu ya. Ago gug aŋ ŋai ta aŋjiliag na ya. Gug tamol sen ak iŋsen yaŋan lo ipalu dop man, aŋ iŋ ayuŋani wa. ⁴⁴Aŋ Anut mi sen kisaek san na yaŋak tubun aŋane san amoi da, ago gug aŋsem nug teim taom lo mi yaŋak tubun ak aŋane wo agane da. Aŋ ago agane tap, dugo woŋ ŋai niŋeg o ilom lo rumok ak i?”

⁴⁵“Ago yan niŋen o kabelan aŋ ilom lo ŋai Bai naon na aŋ ru lo ŋidirarŋ ak abol banau. Tia, tamol enti a aŋ ru lo idirarŋ amaiak Moses mi a. Aŋ ilom lo iŋ murnap ibinawaŋ o abol, agod iŋ lo mi aŋanem tini gane agane da. Ago bo man, iŋ ru lo idirarŋ a. ⁴⁶Aŋ Moses san ru ilom lo ta rumok na ya. Aŋ ru an ilom lo rumok nuŋon ak man, aŋ gamu aŋanem ilo rumok ŋai lo agane wa. Man dugo, Moses ŋai niŋeg o ru igire ya. ⁴⁷Gug aŋ iŋsan ru igire yan ilom lo ta rumok na ya, an niŋen o, en dugo woŋ pe aŋ ŋaisag ru ilom lo rumok ak i?”

Jesus faiv tausen tamolpein anaŋ ipidinai a

Mat 14:13-21; Mak 6:30-44; Luk 9:10-17

6 ¹Murnag Jesus anen megeloum dida dumasag wog diŋaneg, you Galili awan aen ate diau. You an yaŋan neinta Taiberias dubol da. ²Tamolpein wei mi Jesus ŋien aban fo diau, man dugo, iŋ tamolpein subam amadi da yak ibinawaig uyadi dugo kulob girager dile amaiak niŋen o iŋ ŋien fo diau na ya. ³Jesus iŋanen megeloum dida diaug tan bubun fo disida diaug, ante dumasig dumado. ⁴Nal an man Juda sad nal tubun, tumanek tubun san nal Pasova dubol dan san saen sumeikan a.

⁵Agog Jesus malan ila iso ak man tamolpein wei mi iŋsan na dupalu dugo yil a. Ago tag iŋ Filip irupe, “Id dugon te anaŋ ta tadad pe, tamolpein en diani wak i?” ⁶Iŋ ilon lo, mel dugo igane wo man yen la ya, ago gug Filip ikubiani wo ago isumiani a.

⁷Aria, Filip imasa saian go ru naon igo ibol, “Id gidad pat tubun mi lo anaŋ tadad bo man, tamolpein en kitek kitek dianip ta idaisuda na wa.”

⁸Agog megeloum ta Andru, Saimon Pita tein, amaiak Jesus irupe, ⁹“Pinein nanun ta ente imado da, iŋ bret bali faiv, agod iy uraru aman da ya. Ago yak man, dugo woŋ pe ate tamolpein warou tubun en tufutaip idaisuda wak i?”

¹⁰Gafurfur^b uyanan ante yen da, an niŋen o Jesus megeloum irupidaig ibol, “Tamolpein arupidaip ante dumasi.” Ago ibol go iŋ gafurfur fo dumasi a. Tamol mi sad sutek man faiv tausen igo ya. ¹¹Agog Jesus bret iŋaneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, iŋaned ilod ibol ak ate mi diani a.

^b Kurkur

¹²Diani itout an ijanen megeloum irupidai, “An anaj samsamun yen dan atumani. Kabelan anaj samun ta kawan tibidani banau.” ¹³Ago tag anaj samsamun dutumanig, sareg 12 tutubu yak ditane idug, awad isa ya.

¹⁴An niĵen o tamolpein kulob girager dabai an dileg, agog nug lo diĵiĵeĵ go dubol, “Rumok nuĵon, aĵ ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.” ¹⁵Gug Jesus iloĵ ak, iĵ dupalup, dabai nam diabip, diĵane diaup iĵsad kiĵ digane ilasa wo da. An niĵen o iĵ tamolpein an ilod lo sen ipasig did giriĵen na yaug imado se ya.

Jesus you aten fufo yau a
Mat 14:22-33; Mak 6:45-52

¹⁶Gurai idu dugo, Jesus san megeloum you tilianek Galili lo na dudu ya. ¹⁷Iĵ loĵ na diau a, ak man Jesus iĵsad na ta ilasa na ya. Ago tag iĵ wog lo dusudag, Kaperniam na dumul diau wo loĵ dibiseig, you titiĵaem dututeg diyawai a. Saen diyawai dugo tidom idu yak man, Jesus nen gamugo loĵ na ta idu na ya. ¹⁸Saen an lo tim tubun ak ifure dugo, tamun dam tubun mok imasa ya. ¹⁹An lo iĵ wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An niĵen o direr saian geig a. ²⁰Ago dugo iĵ irupidai, “An arer amoi, ĵaiseg ĵupalu da.” ²¹Agog sad rurek itout go ilod pasai ibol an lo iĵ wog lo isuda wo ilod uyan a. Agog milaen tiag wog an panu diau dan ate yaug isasau a.

²²Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, iĵsan megeloum mi dusudag diau a. ²³Iĵ ilod ago isou dugo, wog aenta taun yaĵan Taiberias dubol dan ateg dupalu dugo dil a. Wog an aben a ate Tubun ak bret iĵ iy da Anut ilo uyan ru ipanig diani an, siĵiren na disasau a. ²⁴Tamolpein Jesus ijanen megeloum dida aben ante abaĵad diabi se yak man, naod ta dile na ya. Saen ago duloĵ man, wog an lo dusudag Kaperniam na Jesus dile wo abaĵan diabig diau a.

Jesus iĵ anaj kumaen san

²⁵Iĵ diaug you awan aen ate Jesus dile gug dusumianig dubol, “Girek maĵau, oĵ nal saĵepta ente palu yak i?” ²⁶Jesus awad yabig irupudai, “Iĵai rumok nuĵon mi ĵurupaiaĵ da, aĵ kulob girager ale yan niĵen o ĵai ta abaĵag abig apalu na ya. Tia. An anaj anig luam ipuk amaiak niĵen o mi ĵai abaĵag abig apalu ya. ²⁷An anaj a saen katukan lo mi saian dan aĵane san urat an ta agane na wa. Tia. An anaj a kumaen ipanaĵ pe pempem yau san an mi aĵane wo urat wagai agane. Anaj an Tamol Nanun ipanaĵ a. Anut tamol emaiak ilon ipani dugo, kob igo tinin lo iganeg yen da.”

28 Agog iŋ dusumianig dubol, “Ak maŋ en dugo miganep Anut san urat migane wak i?”

29 Ago tag Jesus awad yabig ibol, “Anut san ilo sou lo urat agane man igo ya, tamol emaiak iŋ iganeg ipalu yan mi aŋ iŋ o ilom lo rumok a.”

30 Ago tag iŋ dusumiani, “Oŋ enso kulob girager ta ganep, an lo maŋ mile dop iloma lo rumok ak i? Oŋ dugo gane wak i? 31 Wagam id tubud baged tan kawan ak ate anaŋ mana diani na ya. An niŋen o ru ta Anut san buk lo igo ibol, ‘Iŋ kumaen panu san anaŋ ipidinaig diani a.’”

32 Jesus irupudaig ibol, “Iŋai rumok nuŋon mi ŋurupaiaŋ da. Anaŋ a Moses ipanaŋ an man kumaen panu san anaŋ tia ya. Tia. Anaŋ e gamu ŋaineg Tamag aŋ ipanaŋ den, nek an kumaen panu san anaŋ mok a.

33 Man dugo, Anut san anaŋ mok man, nek anaŋ a kumaen panu ibiseig idug, tan en san tamolpein kumaen mok ipidinai dan nek ama ya.”

34 Ago tag iŋ Jesus durupeŋ, “Tubun ak, oŋ gidad nal pempem anaŋ an maŋ panama dop mani wa.”

35 Agog Jesus irupudaig ibol, “Iŋaiseg mi anaŋ kumaen san. Ta iŋ ŋaisag na ipalu tap, iŋ fon imatigen san tia ya. Ta iŋ ŋai o ilon lo rumok tap, iŋ you o ilon igos san tia ya. 36 Ago yak man ŋai aŋ ŋurupaiaŋ la ya, aŋ ŋai aliag la yak gug, aŋ ŋai o ilom lo ta rumok na ya. 37 Tamolpein fidian ensauta a Bai ipanag dan, iŋ ŋaisag na dupalu wa. Ago dop ensauta a ŋaisag na dupalup dida mumado wan, ŋai iŋ ŋukudai diau san tia geig a. 38 Man dugo, ŋai kumaen panu ŋubuseig ŋadu yen seg ilog nam kulob ŋigane wo ta ŋadu na ya. Tia. Bai a ŋai idinag go ŋupalu yan mi, iŋanen ilobol ŋuri ŋupani wo ŋadu ya. 39 Agod Bai a ŋai idinag go ŋupalu yan iŋsan ilon man, tamolpein e ŋai ipanag en luluaŋ lo talpein kisaek ideg yau o man imoi a. Tia, an fidian nal wadan lo dop, ŋufufunaip kumaen dumasa wak ilon ago yen da. 40 Iŋai Tamag san ilon man igo ya. Ta Anut Nanun ilep, iŋ o ilon lo rumok an, iŋ kumaen pempem yen yau san an iŋane wa. Agod ŋai nal wadan lo ŋuburousap, fon kumaedi dumado wa.”

41 Saen Jesus, iŋsen anaŋ lak na yak ibiseig idu yen ago ibol dugo, Juda adi iŋ tiŋaed saian go iŋ niŋen o duŋurŋur se ya. 42 Ago dugo iŋ dubol, “En dugudo i? Tamol an man Jesus, Josef nanun, id iŋsan tinan taman dam taloŋ a. Ago gug en dugog iŋ kumaen panu ibiseig tan na idu ibol di?”

43 Ago tag Jesus ru naon irupudaig ibol, “Aŋ aŋsem nug ilon lo mi aŋurŋur amoi. 44 Talpein ta iŋsen ilon nam ŋaisag na ipalu san tia ya, tia, Bai sen ŋai idinag go ŋupalu yan mi talpein an iduduwi dop ŋaisag na ipalu wa. Agop nal wadan idu dan lo dop, ŋai iŋ ŋufufunip kumaen imasa da wa. 45 Profet adi sad ru girek lo igo digire ya, ‘Anut sen tamolpein fidian maŋau ipitejanai a.’ Tamol a Bai san ru duloŋ go iŋ awan lo maŋau diŋane dan fidian, ŋaisag na dupalu wa. 46 Talpein ta Bai ile man tia ya. Tia, enti iŋ Anut san nag ipalu yan mi malan nam Bai ile

ya. ⁴⁷Rumok nuŋon mi ŋai ŋurupaian da, talpein iŋ ŋai o ilon lo rumok an, iŋ kumaen pempem san iŋane la ya. ⁴⁸Ŋai mi anaj kumaen pempem san. ⁴⁹Wagam mok aŋ tubum bagem tan kawan ak ate dutor dugo, anaj mana diani na ya, ago bo man iŋ fidian mateŋ dile ya. ⁵⁰Gug ente anaj a kumaen panu ibiseig idu yan yen da, ago dugo talpein enti a anaj an yani dan mateŋ ta ile na wa. ⁵¹Ŋaiseg mi, ŋai anaj kumaen anda yak a kumaen panu ibiseig tan na idu ya. Talpein ta anaj emaiak yani dop man, iŋ mateŋ ta ile na wa, tia, iŋ pempem mi kumaen imado wa. Anaj en ŋaiseg tinig, tan en san tamolpein kumaen pempem san diŋane wo ŋipidina i a.”

⁵²Ago tag Juda adi iŋsed nug dupei dugo dubol, “En dugo woŋ pe tamol en iŋsen tinin ipanad pe tani wak i?”

⁵³Ago dugo Jesus irupudaig ibol, “Rumok nuŋon mi ŋai ŋurupaian da. Aŋ Tamol Nanun san tinin, iŋanen dar ani aluk a. Tia tap, Anut san kumaen aŋ lo ta yen na wa. ⁵⁴Talpein iŋ ŋaisag tinig yani dugo, dar ag iluk dan, iŋ kumaen pempem san iŋane la ya, ago dop nal wadan lo dop, ŋai iŋ ŋufufunip ŋabisa wa. ⁵⁵Man dugo, ŋaisag tinig man anaj mok, agod ŋaisag dar man you mok a. ⁵⁶Talpein iŋ ŋai tinig yani dugo, dar ag dam iluk dan, iŋ ŋai lo imado dugo, ŋai iŋ lo ŋumado da. ⁵⁷Bai kumaen imado dan iŋ ŋai idinag go ŋupalu ya, agod ŋai Bai san wagen lo kumaen ŋumado da. Nek ago mi, talpein iŋ ŋai iniag dan, ŋaisag wageg lo kumaen iŋane wa. ⁵⁸Anaj a kumaen panu log idu yan nek ama ya. Aŋ tubum bagem mana diani nag murna iŋ dumat a. Ak gug talpein enti a, anaj e niŋen o ŋabol den yani dan man, iŋ kumaen pempem imado wa.” ⁵⁹Ru an, saen Jesus Kaperniam na ubou ab ilon lo imado dugo, ipiteŋanai a.

Kumaen san ru

⁶⁰Ganurek tamol adi wei mi ru an duloŋ go igo dubol, “Ru en muruan kasik a, enti ru an ka iŋane wak i?”

⁶¹Gug Jesus iŋ ilon ak, iŋsan ganurek tamol adi ru an niŋen o duŋurŋur se ya. Ago tag irupudaig ibol, “Ru an ilom muruan ipani ak i? ⁶²Ak dugo, mitep aŋ Tamol Nanun ale dop, lak na aben gubak mi imado ante isuda yau dop, an niŋen o dugo abol ak i? ⁶³Urgun mi iŋ tamol kumaen ipani da, tinid man iŋ kitek ibinawad san tia ya. Ru e ŋai ŋurupaian den, iŋ ur agod iŋ kumaen a. ⁶⁴Ago gug aŋ luluŋam lo tamolpein aenta iŋ ilod lo ta rumok na ya.” Ago ibol san fun man, iŋ imug mi talpein dugon ilod lo ta rumok na dop, tamol enti iŋ ager banid lo igane man, iŋ ilon uyanan a. ⁶⁵Iŋ ru ibateg ibol, “Nek fun amaiak niŋen o, ŋai imug mi aŋ igo ŋurupaian; Talpein sen ilon nam ŋaisag na ipalu san tia ya, tia, ŋaineg Bai tamol an idaisuda mi igane ilasa gup ka ipalu wa.”

⁶⁶ Jesus ru en ifulale itout go, iñsan ganurek tamol adi wei mi iñ dibiseig dumul diaug, iñ afon ñien aban ta diri na ya.

⁶⁷ Ago tag Jesus iñanen megeloum 12 an isumianai, “Tag añ dam ñai abisawag pe au wo ilom yen di?” ⁶⁸ Saimon Pita awan yabig ibol, “O Tubun ak, mañ enti san na mau wo ubol di? Oñane ru mi iñ kumaen pempem san aman da ya. ⁶⁹ Mañ malonj uyan go iloma lo rumok ak, oñ mi Anut anen Tamol Gun a.”

⁷⁰ Jesus ru naon irupidaig ibol, “Ñai añ 12 ñitarpasañ a, ago gug añ luluñam lo ta kisaek man iñ Satan san.” ⁷¹ Iñsan ru lo, Judas, Saimon Iskeriot nanun an isue ya. Tamol an Jesus san megeloum 12 an luluñad lo yak gug, mitep iñ Jesus ager banid lo igane wa.

Jesus tein muroun iñ niñen o ilod ta rumok na ya

7 ¹ Murnag Jesus iñsen ilon dugo yen dak irig, Galili distrik lo mi itor se ya. Man dugo, Juda adi iñ dufuni imat o digane se ya, an lo iñ Judea distrik lo yau man imoi a. ² Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.) ³ Ago tag Jesus tein muroun bube suek ru durupeig dubol, “Oñ gidad e utor den umoip, masap distrik Judea na wau. Ago tap man oñsa megeloum aenta oñsa urat dabai tutubun gane dan dile wa. ⁴ Talpein ta iñ malak malak yañak tubun ak iñane wo tap, iñ mianuk lo urat dabai tutubun ak igane san tia ya. Oñ kulob igo yak gane wo tap, waup, tamolpein fidian malad lo gane wa.” ⁵ Iñanen tein muroun mok dam iñ o ilod ta rumok na ya, fun an lo ago dubol a.

⁶ An niñen o Jesus irupudaig ibol, “Ñaisag nal gamugo da, gug saen fidian añ ilom ibol ago mi agane wa. ⁷ Man dugo, tan en san tamolpein fidian man añsam ager tia ya, tia, iñ ñaisag ager mi a. Man ata wo? Ñai iñaned saian kuai tem ñabol ilasad amaiak naon ñisini da. ⁸ Añ tumanek nal tubun an lo aladu au, gug ñai man tia wa. Man dugo, ñaisag nal mok gamugo ilasa da.” ⁹ Iñ ago ibol irupudaig Galili na mi imado se ya.

Jesus yaug, lalai san nal tubun ak ile ya

¹⁰ Aria, Jesus tein muroun imug dusuda diau dugug, iñsen murna imianuk oñ yaug abañ ile dugo itor se ya. ¹¹ Aria, tumanek tubun an ilon lo, Juda gurman adi Jesus abañan diabi dugo, niñen o dusumiaig dubol, “Tamol an dugon te imado dak i?”

¹² Tamolpein an luluñad lo Jesus niñen o gidigidad diñiñej ila iso se ya. Aenta dubol, “Iñ tamol uyan a.” Gug aenta dubol, “Tia, iñ tamolpein fidian irawai da.” ¹³ Ak man talpein ta iñ niñen o ru kuai tem ibol ilasa man tia ya. Man dugo, iñ Juda gurman adi niñedi wo direr a.

¹⁴ Aria, dumado yaug tumanek san saen titiñae gug, Jesus iñ tempel ilon lo iladug tamolpein mañau ipiteñanai a. ¹⁵ An niñen o Juda adi durut

saian go dubol, “Tamol en maŋau ta dipitejani na ya. Ago gug en dugon te maŋau igo yan iŋane yak i?”

¹⁶Ago tag Jesus iŋ ru naon igo ibol irupudai, “Ŋai ru e ŋabol ŋurupaian den man ŋaisag ru tia ya. Tia, en Anut ŋai idinag go ŋupalu yen iŋsan ru ŋabol alon da. ¹⁷Ak talpein ta iŋ Anut ilon yen dan ago iganuri wo imat tap, ŋaisag pitejanek en Bai san ilon boi, tia, ŋaisag ilog boi, an ka walal te ile ilon a. ¹⁸Talpein iŋsinanen ilo sou lo iŋiŋeŋ dan man, iŋsen yaŋan mi yabisa wo urat igane da. Gug talpein iŋ tamol sen ak idinig ipalu yan mi yaŋan yabisa wo urat igane tap, talpein an san ru an rumok mi a. Ru sewak ta iŋ lo yen man tia ya. ¹⁹Wagam mi Moses aŋ kubiaeŋ ipanaŋ a. Ago gug aŋ luluŋam lo talpein ta kubiaeŋ en iri ipani man tia ya. Ak en ata wo ŋai afunag ŋamat o agane di?”

²⁰An niŋen o tumanek san doup adi ru naon igo dubol, “Oŋse ur saiak ama da ya. Enti oŋ ifuno umat o igane dak i?”

²¹Jesus awad yabig ibol, “Ŋai gubak mi kulob girager kisaek ŋigane yak gug, aŋ an niŋen o ilom weiwei da. ²²Aria, ilom isou o uyanan. Moses san kubiaeŋ lo ru en yen da, (gug Moses aŋ kulob en ta ipanaŋ na ya, tia, aŋ tubum bagem dupanaŋ a.) Ru an igo ya, saen pein ta nanuk igansip nal 8 yau gup, nanuk an tinin suŋulon atute wa. Aŋ kubiaeŋ an ari wo nanuk suŋulon atute san nal an sabat nal dop man, kubiaeŋ an apilali san tia ya. Ak man, nal an lo dam tini suŋulon tutek san urat agane da. ²³Aria, aŋ sabat nal lo tini suŋulon tutek san urat agane tap, en ata wo ŋai tamol tinin fidian mi sabat nal lo ŋukubune yan niŋen o ilom ŋai o saian dak i? ²⁴Aŋ kankan tia yak lo bitinaek ta agane na wa, tia, aŋ ilom igire na gup, kankan itaot an lo bitinaek agane.”

Jesus iŋ Kristus i?

²⁵Jerusalem tamolpein aenkadi iŋ ago igane dugo dile yan niŋen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i? ²⁶Ak ale, iŋ malak malak ru kuai tem ibol ilasa da. Gug gurman ta awan ipuk go ru ta ipani na da. Dag iŋ ilod lo dulon uyan ak iŋsen Kristus i? ²⁷Ak man id tamol en san fun panu talon a, gug saen Kristus ipalu man, iŋ dugon te ipalu yan id talon san tia ya.”

²⁸Agog Jesus nek ate tempel ilon lo mi imado se man, tamolpein maŋau ipitejanai dugo, iwagiŋ go ibol, “Awo, aŋ ŋai alon a, agod ŋai dugon teg ŋupalu yan dam alon abol da. Ago gug aŋ ŋai aŋaonŋ geig a. Ŋaiseg ilog nam ente ta ŋupalu na ya. Tia, Enti a ŋai idinag go ŋupalu yan mi ŋaisag fug mok a, ak man aŋ iŋ ta alon na ya. ²⁹Gug ŋai mi iŋ ŋalon a, man dugo, ŋai iŋsan na ŋilasa ya, agod iŋ ŋai idinag go ŋupalu ya.”

³⁰Ru an dulon tag iŋ Jesus dusubani wo dal abaŋ dile se ya. Gug tamol ta iŋ tinin ta diabi na ya, man dugo, iŋsan saen gamugo da. ³¹Tamolpein

wei mi iŋ niŋen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat iriŋani wak i? Tia geig a.”

³²Tamolpein kisik kisik nam Jesus niŋen o diŋiŋeŋ dugo, Farisi adi ago duloŋ tag, pris gurman adi iŋ Farisi an dida tempel san titianek adi didinaig, Jesus dusubani wo diau.

³³Ago dugo Jesus ibol, “Ŋai saen katukan mi aŋ da tumado wa, ago gup Enti a idinag go ŋupalu yan san na ŋau a. ³⁴Aŋ ŋai abanag abi wa, ak man ta aliag na wa. Agod aben a ŋai ate ŋau dan aŋ ate au san tia ya.”

³⁵Ago tag Juda adi iŋsed mi diŋiŋeŋ go dubol, “Tamol en dugon te yau dop, id abanag tile tia wak niŋen o ibol di? Dugo, iŋ dap idsad sawar aenta Grik luluŋad lo dumadod, amaiak sad na yaup ipiteŋanai dop, abanag tile tia wak niŋen o ibol di? ³⁶Ago dugo iŋsan awan aban ago ya, ‘aŋ ŋai abanag abi wa, ak man ta aliag na wa, agod aben ŋai ate ŋau dan aŋ ate au san tia ya.’ Ru en fun dugo yak i?”

³⁷Tumanek digane yan san wadan futanek nal tubun ak lo, Jesus imasa itur go awan tubun mi iwagiŋ go ibol, “Talpein ta iŋ you wo imat tap, iŋ ŋaisag na ipalup you ka iluk a. ³⁸Anut san ru girek lo ago ibol, talpein ŋai o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’” ³⁹Jesus Awan Urgan niŋen o tou an yabig ru ibol a. Talpein ensauta a Jesus o ilod lo rumok an murnap Awan Urgan diŋane wa. Nal an lo man Jesus lak na yaŋak tubun ak iŋane wo gamugo isuda yau da, ago yan lo Awan Urgan dam gamugo idu da.

⁴⁰Tamolpein aenta ru an duloŋ go ago dubol, “Rumok, tamol nek en profet tubun a Anut igane ipalu wo ibol ama ya.”

⁴¹Ago dugo aenta ago dubol, “En mi Kristus.”

Gug aenta dubol, “En dugo woŋ pe Kristus iŋ Galili na ilasa wak i? Tia geig a! ⁴²Man dugo, ru ta Anut san buk lo ago ibol, Kristus iŋ Kiŋ Dawid malan kubulan. Agod iŋ panu Betlehem na, Dawid san fun panu lo ilasa wa.” ⁴³Jesus niŋen o tamolpein sed itarpaleg malan wei mi dilasa ya.

⁴⁴Aenta Jesus dusubani wo digane, ago gug tinin ta kitek diabi man tia ya.

Juda sad gurman adi Jesus niŋen o ilod ta rumok na ya.

⁴⁵Agog tempel titianek adi dumul pris gurman iŋ Farisi adi dida sad na diau, agog gurman iŋ dusumianaig dubol. “Aŋ dugog tamol an abig, aŋaneg ta apalu na yak i?” ⁴⁶Gug tempel titianek ago dubol, “Gubak mi tamol ta ru ago ibol ilasa dop taloŋ man tia geig a.” ⁴⁷Ago tag Farisi adi ago dupidai, “Dugudo? Aŋ dam irawaŋ go iŋ niŋen o ilom rumok di? ⁴⁸Dugo, maŋ gurman luluŋama lo, tia, Farisi adi luluŋad lo ta kisaek tamol en niŋen o ilon rumok ak ale i? Man tia geig a. ⁴⁹Tamolpein kawan kawan, idsad kubiaeŋ ta duloŋ uyan na den mi, tamol an niŋen o ilod

rumok da. Fun amaiak niŋen o iŋ fidian Anut san misilaneŋ paen na dumado da.”

⁵⁰ Ago dugo Farisi sad gurman ta yaŋan Nikodemus, iŋ gubak mi Jesus san na yau amaiak imasag igo ibol, ⁵¹ “Idsad kubiaen, dugo ibol i? Id sen kawan tamol ta ru lo ka tigane wak i? Id iŋ awan talon dop, dugo dugo igane yan kuai tupani gup, tibitinae a.”

⁵² Iŋ awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili na ilasa san man tia geig a.” ⁵³ Ago gug iŋ dufurak go ab anen anen ate diau a.

Pein ta jeit kagin igane ya

8 ¹ Agog Jesus imasag, Did Oliv fo isida yau a. ² Tidom lom mok iŋ imul fon tempel lo yau dugo, doup tubun ante dumado yan dupalug dulubani a. Ago tag iŋ imasig Anut san ru ipiteŋana i a. ³ Ago dugo kubiaen tamol iŋ Farisi adi dida, pein ta jeit kagin igane dugo dile tag diabig, diŋane dupalu ya. Agog malak malak titiŋaem dugunig ago itur dugo, Jesus dusumianig dubol, ⁴ “Girek maŋau, pein en iwon anda ak gug, tamol sen ak da jeit diabi dugo meil a. ⁵ Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tap pat nam afuni imat a. On an niŋen o dugo ubol ak i?” ⁶ Gug an man sen kawan iŋ dukubianip, ru sukurun ta ibol saian dop, ate dusbani wo ago digane ya.

Gug Jesus itakoksig, banin kikoun nam tan aten fufo igire ya. ⁷ Iŋ afon mi dusumiani on tag, ifotsag igo ibol irupudai, “Aŋ luluŋam lo enti aupasek aman tia yan, iŋ malan imug pe pat iŋanep, pein en tinin fufo ibal a.” ⁸ Ago ibol itout an fon itakoksig, tan aten fufo igire se ya. ⁹ Aria, talpein ru an dulon man kankan diŋaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi iŋ pein an da nuŋod uraru mi dumado ya.

¹⁰ Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

¹¹ Ago dugo pein an ibol, “O Tubun ak, tamol ta ru lo ibiag ŋadu man tia ya.”

Ago tag Jesus irupei, “Iŋai dam ŋibio udu san tia ya. Waup, afon aupasek ta gane na wa.”

Jesus iŋ tan en san lilaman

¹² Tamolpein fon Jesus san na dupalu tag, iŋ irupidaig ibol, “Iŋai tan en san lilaman. Tamol enti a ŋai ŋieg aban iri dan, iŋ tidom tubun lo ta itor na wa. Tia, iŋ kumaen san lilaman anda itor a.”

¹³ Ago tag Farisi adi iŋ Jesus durupei, “On onse niŋe wo mi ru ubol da, fun an niŋen o idsad kubiaen ibol man onane ru an dabai an tia ya. On ru kawan ubol da.”

14 Jesus awad yabig igo ibol, “Rumok, gidad n̄aiseg niñeg o mi n̄abol ak gug, n̄aisag ru en ru rumok. Man dugo, n̄ai dugot nag n̄upalu yan n̄alor̄ a, agod fon dugon te n̄au an dam n̄alor̄ a. Gug aṅ man n̄ai dugot nag n̄upalu yan ta alor̄ na ya, ago dugo n̄ai dugon te n̄au o dan, an dam aṅ ta alor̄ na ya. 15 Aṅ tan en san kagin lo mi tamolpein kubianek lo adirai da, gug n̄ai talpein kisaek kubianek lo ta n̄igane na da. 16 Ak gug, n̄ai bitinaek n̄igane tap, man n̄aisag bitinaek itaot mok a. Man dugo, n̄ai seg kisaek bitinaek ta n̄igane na da, tia, Bai iṅ n̄ai idinag go n̄upalu yan, iṅ ilon n̄iganurig iṅ n̄ai da sisem iloma kisaek gup, bitinaek n̄igane da. 17 Aṅsam kubiaer̄ lo igo digire ya, tamol uraru ru kisaek mi dubol tap, iṅsad ru an rumok di dabai geig a. 18 N̄ai n̄aiseg niñeg o n̄abol da, agod Bai dam n̄ai idinag go n̄upalu yan, iṅ n̄aisag ru dabai ipani da.”

19 Ago tag iṅ dusumiani, “Oṅane tama dugon te imado di?”

Agog Jesus awad yabig ibol, “Aṅ n̄ai ta alor̄ na ya, n̄aineṅ Tamag dam ta alor̄ na ya. Aṅ n̄ai alor̄ ak man, n̄aineṅ Tamag dam alor̄ a.” 20 Saen a ru ibol an man, tempel ilon lo moni san kunup yen dak giran̄en na imado dugo, tamolpein maṅau ipiter̄anai se ya. Gug talpein ta yabip isubani wo igane man tia ya. Man dugo, iṅsan imat san nal gamugo da.

Jesus yau dan ate iṅ dupalu san tia ya

21 Jesus fon irupidai, “N̄ai n̄ubisawaṅ pe n̄au dop aṅ aban̄ag abi wa, ago gup ta aliag na wa. Aṅ aṅanem aupasek Anut ta isuas na dop, aṅsam aupasek ilom lo yen dan ida amat a. Aben ate n̄ai n̄au dan aṅ ate au san tia ya.”

22 Ago dugo Juda adi igo dubol, “Iṅ ibol ak, iṅ ate yau dan id ate tau san tia ya. Dugo, dag iṅsen ifuni imat o ago ibol di?”

23 Gug Jesus ru awan ibateg igo irupidai, “Aṅ man aben a paen na amaiak san apalu ya, gug n̄ai man lak na amaiak san n̄upalu ya. Aṅ tan en san, gug n̄ai tan en san tia ya. 24 An niñen o n̄ai n̄urupaiaṅ la ya, aṅsam aupasek ilom lo yen dan ida amat a. Man dugo, rumok nuṅon, ‘N̄aiseṅ N̄ai N̄umado Dan’^c an gidad ilom lo rumok a. Tia dop, aṅsam aupasek ilom lo yen dan ida amat pe an lo adeg au a.”

25 Iṅ dusumianig dubol, “Oṅ enti mok i?”

Ago tag Jesus awad yabig ibol, “N̄ai nek en, seg niñeg o gubak mi n̄urupaiaṅ go alor̄ la ya. 26 Saen n̄ai aṅ kot lo n̄idir̄aṅ dop, ru wei mi n̄upanaṅ a. Ak man n̄ai seg ilog nam ago n̄igane san tia ya. Tia, Enti a n̄ai idinag go n̄upalu yan, iṅsan kagin rumok geig a, iṅ n̄aisag ru dabai ipani wa. N̄ai tan en lo n̄umado dugo, ru a iṅ ibol dugo n̄alor̄ ak ago mi tan en san tamolpein n̄urupidaip duloṅ a.”

27 Iṅ Taman niñen o irupidai dan ta duloṅ uyan na ya. 28 Ago tag Jesus ibol, “Murnap aṅ Tamol Nanun abisa dop, an lo gup aṅ ilom isafulale

^c Yaṅak an Anut iṅsen niñen o Moses naon na ibol ilasa ya.

wak, ‘Ŋaiseg, Ŋai Ŋumado Dan’ nek ema ya. Ŋai mel ta seg ilog nam ŋigane san tia ya, tia, ŋai ru ŋabol den man Bai mi ŋai ikubiai panag a, ru nek an mi ŋurupaiaŋ go alon da. ²⁹Enti a ŋai idinag go ŋupalu yan inŋsen mi ŋai ida mumado da, agod in ŋai ibisawag go seg ta ŋumado na da. Man dugo, in ilon yen dan ago mi ŋuri ŋupani da.” ³⁰In ago ibol dugo, tamolpein wei mi inaned ilo rumok in lo digane ya.

Abraham malan kubulan

³¹Aria, Jesus Juda tamolpein a in o ilod lo rumok an irupudaig ibol, “Aŋ ŋaineŋ ru abi sakar tap, aŋ ŋaineŋ megeloum mok a. ³²Agop aŋ ru rumok an alon a. An lo ru rumok san dabai lo aŋ urat bigabeg igo woŋ amado san tia ya.”

³³Ago tag in ru naon igo durupein, “Maŋ Abraham malan kubulan mok a, maŋ urat bigabeg adi igo woŋ talpein ta paen na ta mumado na ya. Man ata wo maŋ talpein an paen na ta mumado na wak, ago ubol di?”

³⁴Jesus awad yabig igo ibol, “Rumok nuŋon mi ŋurupaiaŋ da. Tamolpein a aupasek digane dan in aupasek san urat bigabeg dumado da. ³⁵Urat bigabeg adi man in tamad san warou lo aben amad tia ya. Gug nanuk man in taman da pempem dumado da, man dugo, taman san dar lo ilasa ya. ³⁶Ago yak niŋen o Nanuk in aupasek san dabai aŋ ibiaŋ adu dan tuon lo ipasaŋ tap, aŋ bigabeg adi igo woŋ ta amado na wa, tia, nanuk mok igo woŋ ator a. ³⁷Ŋai ŋalon ak, aŋ Abraham malan kubulan. Ago bo man aŋ ŋai afunag ŋamat san dal ale wo malam agane da. Man dugo, aŋ ilom lo ŋaisag ru en aben ta ate ka yen san tia ya. ³⁸Ŋai mel a fidian Bai naon na ŋumado dugo ŋile yan mi ŋurupidai alon da. Gug aŋ ru dugo aŋanem tamam irupaiaŋ go alon ak, nek an mi ari da.”

Satan malan kubulan

³⁹In Jesus awan diabig dubol, “Abraham mi maŋsama tamama.”

Gug Jesus igo ibol, “Aŋ Abraham nanun muroun mok ak man, kagin naok a Abraham igane na yan aŋ atutuŋani wa. ⁴⁰Ŋai ru rumok Anut san na ŋiŋane an mi ŋurupaiaŋ alon da. Ago bo man aŋ ŋai afunag ŋamat o agane da. Abraham kagin naok ago yan ta igane na ya. ⁴¹Tia, aŋ kagin a gamu agane dan man, aŋanem taman mok san kagin mi atutuŋani da.”

Agog in dumasa saian geig go durupein, “Maŋ jeit kagin lo ta milasa na ya. Tia, maŋ tamama man Anut mi sen kisaek a.”

⁴²Jesus awad yabig ibol, “Isop Anut in aŋanem Tamami an rumok tap, aŋ ŋai niŋeg o amat a. Man ata wo? Ŋai Anut san nag ŋupalu ya. Ŋai ŋaisag ilo sou lo mi ta ŋupalu na ya. Tia, Bai ŋai idinag go ŋupalu ya. ⁴³Ata wo aŋ ru e ŋabol den niŋen o ilom itarpasi san ta idaisuda na yak i? Fun igo ya, aŋ ŋaisag ru ŋabol den alon san kududom itau aman a. ⁴⁴Aŋanem tamam Satan, aŋ inanen nanun muroun mok a. An lo aŋ ilom man, inanen ilobol

mi aganuri wa. Fun mok lo ipalug gamu en, injanen kulob mok man, in tamol ifu dumat na ya. In tinin lo ru rumok ta yen na ya, ago tag ru rumok ak ta yabig iri na da. Saen in ru sewak ibol dan, injanen muroun ru ibol da. Man dugo, in sewak tinan, agod in sewak fidian an sad tamad mok imado da. ⁴⁵Gug naj ru rumok ak mi nrurupaian da, fun an ninen o an naj nineg o ilom ta rumok na ya! ⁴⁶An lulunam lo tamol ta kisaek, naj aupasek njigane yak ninen o ilog isue san idaisuda yak i? Man tia geig a. Ago tag, naj ru rumok nrurupaian alon da. Ak dugo, en ata wo ru e nabol den ilom lo ta rumok na dak i? ⁴⁷Ta in Anut san tap, Anut awan ilon dop iri wa. An Anut awan ta alon na dan fun man, an Anut san tia ya.”

Abraham ta ilasa na dugo Jesus imado ya

⁴⁸Juda adi tinjad saian dugo awan diabig igo dubol, “On Sameria tamol, agod on ur saiak ama da ya! Ago mabol an ta rumok na yak i?”

⁴⁹Jesus ibol, “Inai ur saian amag tia ya. Inai najneg Tamag yanjan mi nabisa da, ago dugo an naj yanag abi idu da. ⁵⁰Inai seg yanag nabisa wo urat ta njigane na da. Tia, Tamol sen ak naj yanag yabisa wo urat igane da, agod insen mi in Bitinaek Tamol a. ⁵¹Inai ru rumok nrurupaian da, talpein enti a naj awag iri ipani dan, in matej ta ile na wa.”

⁵²Juda adi ago dulon go awad ipuk go dubol, “Man gamu malon uyan ak, on ur saian ama da ya. Abraham imat la yak, profet adi dam wagam mi dumat la ya. Ago bo man on talpein onjane awa iri ipani dan matej ile san tia ubol da. ⁵³Dag on idsad tubud baged Abraham rinani ak ubol di? In matej ile ya. Agod profet adi dam matej dile ya. Ak dugo, onjane ilo sou lo, on enso tamol i?”

⁵⁴Jesus ru naon igo ibol, “Inaiseg yanag nabisa dop man, naj yanag an kawan a. Gug naisag Bai, in anjanem Anut abol dan, in naj yanag yabisa da. ⁵⁵An in ta alon na yak bo man naj in njalon a. Ak naj in ta njalon na yak nabol ak man, naj sewak tamol, nek an igo mi a. Gug rumok, naj in njalon a, ago dugo in awan kagin njupani da. ⁵⁶Anjanem tubum bagem Abraham naisag dal ile wo ilo sou igane dugo youn isusa ya. Aria, in naisag nal ile man ilon uyanan a.”

⁵⁷Ago tag Juda adi durupeig dubol, “Ak dugo, onja anajar gamugo 50 yabi bo man on Abraham ule ubol di?”

⁵⁸Jesus ru naon irupidaig ibol, “Inai rumok nunon mi nrurupaian da. Saen Abraham gamugo ilasa dugo Inaiseg, Inai Injado Ya.” ⁵⁹In ago ibol an pat duburoug sen nam dufuni wo digane ya, ak man Jesus mianuk lo lulunad lo itapas go sen tinin imianig tempel patun fo yau a.

Jesus tamol malan itau ak ikubune ya

9 ¹Jesus turen yabig yau dugo, tamol ta malan itau ak ile ya. In tinan tinjan lo mi mala tia igansi a. ²Jesus sinanen megeloum dusumianig

dubol, “Girek manjau, enti san ai wadan niŋen o nanuk an malan itau aman tinan igansi ak i? Inŋsinanen ai wadan i? Tia, tinan taman sadi ak i?”

³ Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut inŋanen urat san dabai tamol en tinin lo tamolpein ikubiaip dile wa. ⁴ Gamu ad aman tumado den lo, id Enti a ŋai idinag go ŋupalu yan inŋsan urat tigane wa. Mitep tidom idu dop man, talpein ta urat igane san tia ya. ⁵ An niŋen o saen ŋai tan ente ŋumado den lo, ŋai tan en san tamolpein lilaman ŋupidinai da.”

⁶ Inŋ ago ibol go, ilusu tan fo idug, tan da ikubulig inŋaneg, tamol malan ate ibubuni a. ⁷ Agog irupei, “Onŋ waup, you saltek Siloam lo mala fulani wa.” (Siloam yanŋan fun man: inŋ idinig yau a.) Ago tag yaug malan ifulanig, malan uyan go abanŋ ile gug sinan ab lo yau a.

⁸ Aria, muroun susumeik an, agod tamolpein a inŋ wagam mi dile duloŋ na yan durut saian go nug dusumianig igo dubol, “Dugo, tamol en wagam mi malan itau imado dugo moni o igod se ama i?” ⁹ Ago dugo aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugo tamol an igo ibol, “Tia, en ŋaiseg.”

¹⁰ Ago tag dusumiani, “Onŋ dugo ganeg mala uyan ak i?” ¹¹ Inŋ awad yabig ibol, “Tamol a Jesus dubol damaiak gigeo inŋaneg malag ibubunig ago ibol irupaiaig, ‘Onŋ waup, you saltek Siloam lo mala fulani.’ Ago tag ŋai ŋaug malag ŋufulani man, ŋai abanŋ ŋile ya.” ¹² Agog inŋ dusumiani, “Tamol an dugo mi ak i?”

Ago dugo inŋ ibol, “Inŋai ta ŋaloŋ na ya.”

¹³ Agog tamol a wagam malan itau an diŋaneg, dida Farisi adi sad na diau a. ¹⁴ Gug nal a lo Jesus tamol malan iganeg uyan an man Sabat nal lo ya. ¹⁵ An niŋen o Farisi adi inŋ dugo iganeg lo abanŋ iled amaiak niŋen o dusumiani a. Ago tag inŋ ibol, “Tamol an gigeo inŋaneg malag ate ibubuni a, ago gug idinag go ŋaug you malag ŋufulani an lo ŋai malag ipuk go abanŋ ŋile da.”

¹⁶ Ago tag Farisi aenta igo dubol, “Tamol an inŋ Anut san nag ta ipalu na ya, man dugo, inŋ Sabat nal san kubiaenŋ ta iri na da.” Gug aenta dubol, “En dugo woŋ pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya. ¹⁷ Agog fon tamol an dusumiani dag dubol, “Tamol a onŋ mala ikubuneg uyan an niŋen o dugo ilo isou di?”

Ago tamol an awad yabig ibol, “Inŋ profet a.”

¹⁸ Juda adi tamol a imug malan itau an niŋen o nen ilod ta rumok geig na ya. Ago tag inŋsan tinan taman digiaig dupalug dusumianai, ¹⁹ “Dugo, en anŋanem nanum mi ak i? Dugo, inŋ malan itau man tinan igansi ak i? Agog gamu en dugo iganeg abanŋ ka ile di?”

20 Agog tinan taman ru naon durupidaig dubol, “Maŋ malon ak en maŋanema nanuk a. Saen tinan igansi man malan tia imado ya, an dam malon a. 21 Ak gug iŋ dugo iganeg lo aban ka ile yan man maŋ ta malon na ya. Iŋ tamol igane la ya, an niŋen o iŋsen asumiani dop, sen fun ibol alon a.” 22 Tinan taman iŋ Juda adi niŋedi wo direr, an niŋen o iŋ ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus niŋen o Kristus ibol dop man, iŋ dukudip, midaer patun fo ilasa wa. 23 Kagin nek an niŋen o tinan taman iŋ ago dubol, “Iŋ tamol igane la ya, an niŋen o iŋsen asumiani.”

24 Agog tag tamol imug malan itau an afon mi duwagig durupe, “On Anut yan an mi wabisa. Man dugo, maŋ malon ak, Jesus man aupasek tamol a.”

25 Tamol imug malan tia an awad yabig ibol, “Iŋ aupasek tamol boi, tia, tamol uyan boi, an ŋai ta ŋalon na ya. Mel kisaek ŋai ŋalon ak man, wagam ŋai malag itau gug, gamu ŋai aban ka ŋile da!”

26 Agog iŋ dusumianig dubol, “Iŋ on lo dugo igane yak i? En dugo won mala igane ipuk ak i?”

27 Iŋ ibol, “Ŋai gubak mi ŋurupaian la ya, gug an alon an amoi. An ata wo alon da wo asumianag di? Dag an dam iŋsan megeloum alasa wo abol duboi i?”

28 Agog tag iŋ naon dufute dupeig dubol, “Onse mi iŋsan megeloum, maŋ man Moses san megeloum a! 29 Maŋ malon ak Anut sen iŋ Moses da diŋiŋeŋ a. Gug tamol a Jesus dubol dan iŋ dugon teg ipalu yan fun ta malon na ya.”

30 Tamol an awad yabig ibol, “An ru naon senamo geig anŋiŋeŋ da! En dugo won go an iŋ dugon teg ipalu yan fun ta alon na yak i? Tamol an ŋai malag ikubuneg gamu aban ŋile da. 31 Id talon ak, Anut tamol aupasek amad da yak awad ta ilon na da. Iŋ talpein a iŋ awan iri dugo, ubou an ile dan mi awan ilon da. 32 Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talon man tia ya. 33 Tamol en Anut san nag ta ipalu na yak man, iŋ urat naok igo yak igane san tia ya.”

34 Ru an niŋen o Juda gurman adi tiŋaed saian go dupei, “Onane tina iŋiniosi dugo, aupasek on tini iŋanefute la ya! Ago tag, ata wo on maŋ piteŋanama wo gane di?” Ago dubol go kuai te dubal ilasa yau a.

Ŋutudi malad itau a

35 Jesus tamol an kuai te dubal ilasa yan san ru ilon a. An lo aban an yabi yang ile tag irupe, “On Tamol Nanun en ilo lo rumok i?”

36 Agog tamol an ibol, “O Tubun en, Tamol Nanun en enti i? Ubol ŋalon pe, ŋai iŋ o ilog lo rumok a.” 37 Jesus ibol, “On iŋ ule la ya. Nek gamu on iŋ da anŋiŋeŋ da.”

³⁸Ago dugo tamol an naon na turun isaluwig igo ibol, “O Tubun en, ηai ilog lo rumok a.” Agog ubou an ile ya.

³⁹Jesus ibol, “ηai tan ente tamolpein ηitarpalaip malan uraru dilasa wo ηupalu ya. An niηen o mala itau adi abanj dile wa, ago dop talpein abanj diled dubol dan man, malad itau dilasa wa.”

⁴⁰Farisi adi aenta iη da dumado yan, ru an duloη go igo dubol, “Man dam malama itau ak ago ubol di?”

⁴¹Jesus ibol, “An malam tia yak man, aupasek amam tia wa. Ak man aη malam ipuk ak abol dan lo aηsam aupasek yen da.”

Sipsip sad ar san ru faηan

10 ¹Jesus ago ibol, “ηai rumok nuηon mi ηurupaiaη da. Tamol enti iη sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, iη gumagam tamol mala suek igane wo ipalu da. ²Gug tamol a iη dalawan lo mok iladu dan, iη sipsip sad titianek tamol mok. ³Dalawan san titianek tamol iη tamol en dalawan ipasi pani da. Ago dugo sipsip dam iηaned tamad awan duloη da. Agop saen iη yaηad atem ipatep, igiai tap, iη awan duloη pe, ηien aban fo kuai te dilasa wa. ⁴Aria, saen iη kuai te dilasa itout dop, iη tamad imug yau dop, ηien aban fo diau a, man dugo, iη tamad awan duloη uyanan a. ⁵Iη tamol sen ak ta diganurip diau san man tia geig a. Iη awan ta duloη uyan na yak niηen o direr pe dusol diau a.” ⁶Jesus ru faηan an ago ibol irupudai a, ago gug iηsan ru an fun ta duloη na ya.

Jesus iηsen sipsip sad titianek tamol mok a

⁷An niηen o Jesus fon igo ibol, “ηai ru rumok ηurupaiaη da. ηaiseg mi, ηai sipsip sad ar san dalawan. ⁸Tamol fidian a ηai gamugo ηupalu dugo, iη imug dupalu na yan, iη gumagam tamol. An niηen o sipsip iη awad ta duloη na ya. ⁹ηai mi dalawan. Ta iη ηai lo iladu dan, iη patu pasek iηanep imado uyan a. Iη ηai lo iladu ilasa dop, anaη yani uyan a. ¹⁰Gumagam tamol man iη igam o, sipsip ifu dumat o, mala suek kagin mi igane wo ipalu da. Gug ηai man ηaineη sipsip kumaen ηupidinaip, kumaen an ago iη lo awan isap, yen san niηen o ηupalu ya.”

Jesus iη sipsip sad titianek uyanan a

¹¹“ηai sipsip sad titianek uyanan mok a. Titianek tamol uyanan mok man, iηsinan tinin iηanen sipsip niηedi wo igane idug imat a. ¹²Tamol iη urat naon iηane wo mi, urat igane dan man, iη titianek tamol mok tia ya. Iη sipsip sad tamadi dam tia ya. Ago yak niηen o goun kasik ipalu dop, iη irer pe sipsip ibisawai yau a. Ago dop goun kasik an sipsip ifu iratitalaip, dufurak diau a. ¹³Fun dugo isol yau ak i? Iη nek tamol ta moni nam diabi dan mi a, tamol naok ago yak sipsip o ta ilon isou na da.

¹⁴Ŋai sipsip sad titianek tamol uyan a. Ŋaineg sipsip ŋalɔŋ do, iŋ ŋai duloŋ a, ¹⁵nek ibol Bai ŋai ilonŋ dugo, ŋai iŋ ŋalɔŋ ago mi a. Ŋaiseg tinig en sipsip niŋedi wo ŋubusei idu wa. ¹⁶Ŋai sipsip malan taida mi sad tamad, iŋ ar en san tia ya. Sipsip an dam ŋaŋal ŋupalup ar en lo diladu wa. Iŋ dam ŋai awag duloŋ a, ago dop man sipsip malan kisaek ak, agod iŋaned titianek tamol dam kisaek a. ¹⁷Bai ŋai niŋeg o imat mok dan san fun man, ŋaiseg tinig ŋibisei wak gup, fon ŋiŋane da wa. ¹⁸Tamol ta iŋ ŋai iginiag ŋamat san man tia ya. Tia, ŋaineg ilog ibol ak atem ŋaiseg tinig ŋibisei pidinai a, ago gup fon ŋiŋane da wan san dabai ŋai tuog lo yen da. Bai sen ŋai ago ŋigane wo ibol a.”

¹⁹Juda adi ru an duloŋ go fon ditarpaleg malan uraru dilasa ya. ²⁰Tamolpein wei mi igo dubol, “Ur saiak iŋ lo imado dugo, burau ifunig ru ŋiŋeo ibol da. Ata wo iŋsan ru talonŋ dak i?”

²¹Gug aenta igo dubol, “Ru naok ago yan, tamol enti iŋ lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon abanŋ dile san idaisuda yak i?”

Juda adi Jesus niŋen o ilodi ta rumok na ya

²²Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya. ²³Nal an lo Jesus tempel san tumanek aben lo, Solomon san Madok Aben dubol dan te itor a. ²⁴Ago dugo Juda adi dufutani dulubanig igo dubol, “Nal saŋeptap onŋ enti mok an kuai tem ubol dop maloŋ ak i? Onŋ Kristus dop man, kuai tem ubol dop maloŋ.”

²⁵Jesus awad yabig igo ibol, “Ŋai aŋ ŋurupaianŋ la ya, ago gug aŋ ilom lo ta rumok na ya. Ŋai urat girager a fidian Bai yaŋan lo ŋigane se yan, amaiak ŋai fug mok kuai te igane ilasa dugo ale ya. ²⁶Gug aŋ aŋanem ilo rumok ŋai lo ta agane na yan san fun man, aŋ ŋaisag sipsip tia ya. ²⁷Ŋaisag sipsip ŋai awag duloŋ dak, ŋai iŋ ŋalɔŋ a, agod iŋ ŋai ŋieg aban diri da. ²⁸Ŋai kumaen pempem san ŋupidinai a, an niŋen o iŋ pempem ta dideg diau na wa. Tamol ta ŋaisag sipsip ŋai banig lo ipasaip diau san tia geig a. ²⁹Ŋai Tamag enti a sipsip an ipanag dan iŋsen mel aenta fidian iriŋanai geig a. An lo tamol ta ŋaineg sipsip ŋai Tamag banin lo ipasaip diau san dam tia ya. ³⁰Ŋai Tamag da fuma kisaek a.”

³¹Ago tag Juda adi fon pat duburoug, dufuni imat o da. ³²Ak man Jesus irupudaig ibol, “Ŋai Tamag wagen lo kulob girager tubun geig ak wei mi ŋukubiaig ale ya. Kulob girager an lulunjad lo kulob dugo yak niŋen o amoi dop, an lo pat nam ŋai afunag o abol di?” ³³Juda adi ru naon igo dubol durupe, “Maŋ onŋ kulob girager ak gane yan ta niŋen o mufuno wo iloma ago ta yen na da. Tia, fun man onŋ tamol kawan gug onŋ onŋse Anut ubol da! An niŋen onŋ Anut yaŋan wabi idu da.”

³⁴Jesus ru naon irupudaig ibol, “Alonŋ, aŋsam kubiaenŋ yen dan lo Anut san ru ta igo ibol, ‘Ŋai igo ŋabol, aŋsem tubud a.’ ³⁵Alonŋ, Anut iŋsan ru

girek an lo, tamolpein a iñsan kubiaenj diñane yan, irupudaig igo ibol, ‘ansem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nuñon an tia kawan yen san tia ya. ³⁶Ago yak niñen o, ‘Ijai Anut Nanun’ ago ñabol tap, en ata wo ñai Anut yañan ñabi idu dak ago abol di? Ansam ilo saiak fun tia ya. Ata wo ñai tamol kawan ak ago ilom isou di? Anut sen ñai ipilianag go tan na iginiag ñadu yan añ ta alonj na yak i? ³⁷Urat a ñaineg Bai igane dan ñai dam urat kisaek mi ñigane da. Isop an rumok tia tap, añ ñaisag ru an ilom lo ta rumok na wa. ³⁸Ak man rumok, ñai iñanen urat ñigane da. An niñen o gidad, añ ñaisag ru ilom lo ta rumok na yak abol bo man, kulob girager ñigane dugo, ale yan fidian an niñen o, añ ñai o ilom rumok a. An lo dop añ ilo girek aganep, alonj uyan ak igo, Bai ñai lo imado dak, ñai Bai lo ñumado da.” ³⁹Iñ ago ibol tag Juda adi fon diabi wo digane, ak man iñ banid lo ikisaluk ilasag yau a.

⁴⁰Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya. ⁴¹Ante tamolpein wei mi iñsan na diaug igo dubol, “Rumok, Jon iñ kulob girager ta kisaek igane man tia ya. Ago gug Jon tamol en niñen ru fidian ibol na yan man ru rumok a.” ⁴²An niñen o saen Jesus aben ante imado yan, tamolpein wei mi iñ niñen o ilod lo rumok a.

Lasarus imat a

11 ¹Tamol ta yañan Lasarus, iñ subam aman da ya. Iñsan lun man Maria iñ Marta da, iñ man panu Betani san tamol. ²Maria nek amaiak murnap Jesus ñien gureñ yamisip, gumuran roun sen nam isasi wa. ³Man niñen o lun uraru an Jesus san na ru digane yau a. Agog ago dubol durupeï, “Tubun en, tamol e oñ niñen o umat den iñ subam ifuni a.”

⁴Jesus an ilonj go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yañan diabisa san. Nek kulob an lo Anut Nanun dam yañan tubun ak iñane wa.” ⁵Jesus man Marta, tein Maria, lud Lasarus da niñedi wo tubun mi imat da. ⁶Aria, iñ Lasarus subam ifuni dak san ru an ilonj ak man, panu ante nal uraru taida imado ya.

⁷Murnag megeloum adi ago irupudai, “Id Judea distrik lo fon tamul tau a.” ⁸Megeloum durupeig dubol, “Girek mañau, nor wari na geig Juda adi oñ lo pat dubal o digane ya. Gug oñ fon ante umul wau o ubol di?”

⁹Jesus awad yabig, ru tuanek igo ibol irupidai, “Ilalañ san saen an yaup gurai isi dop, an nal kisaek igo ya. Tidom idu san gamugo da. Ta iñ ad lo itor dan, iñ tan en san ilalañ an ile dop, iñ ñien isuep, yau idu san tia ya. ¹⁰Ago gug ta iñ tidom lo itor dan, iñ lo ilalañ tia yak niñen o ñien isuep, yau idu wa.”

¹¹ Jesus fon mi igo ibol irupudai, “Idsad turad Lasarus yen padal a. Gug naj n̄aup, n̄ufufunip imasa wa.”

¹² Ru an duloŋ tag megeloum durupeig dubol, “Tubun en, iŋ yen dan ubol man, fon ka imasa dap uyan a.” ¹³ Jesus Lasarus imat la yak niŋen o ibol da. Gug megeloum adi Lasarus yen padal dak niŋen o Jesus ibol ago dubol a.

¹⁴ Ago yak niŋen o Jesus kuai te ibol irupudai, “Lasarus imat la ya. ¹⁵ Gug naj ante ta n̄umado na yan niŋen o ilog uyan. Man dugo, en aŋ ibinawaŋ dop naj niŋeg o ilom lo rumok a. An niŋen o iŋsan na taup tile wa.”

¹⁶ Agog Tomas, iŋ yaŋan neinta Didimas dubol dan, iŋ megeloum aenta irupudai, “Gidad taup, id Jesus da sisem tamat a.”

Jesus iŋsen tamolpein a kumaen dumasa wak sad tamadi

¹⁷ Jesus yaug ilasa dugo, iŋ Lasarus nal iwoiwo gib lo yen an san ru ilon a. ¹⁸ Panu Betani man kitek Jerusalem sumeikan a, kilomita utol igo woŋ yen da. ¹⁹ Juda tamolpein wei mi Marta Maria da ludi imat ak niŋen o dabai dupidinaŋ o dususa ya. ²⁰ Saen Jesus ipalu dan Marta ago ilon tag, imasag dal na ile wo yau dugo, Maria iŋ ab lo imado se ya.

²¹ Marta Jesus irupeŋi, “O Tubun ak, oŋ ente mado yak man, n̄aineg lug en imat san tia ya. ²² Ago bo man naj n̄aloŋ ak, oŋ mel ta niŋen o Anut gudani dop man, en fidian ka ipano wa.”

²³ Jesus Marta irupeig ibol, “Oŋane lu fon kumaen imasa da wa.”

²⁴ Marta awan yabig ibol, “Rumok, naj n̄aloŋ la ya, nal wadan lo gup Anut tamolpein fidian ifufunaip dumasa wa. An niŋen o nal an lo dop naj lug dam fon imasa da wa.”

²⁵ Agog Jesus igo ibol irupeŋi, “Ŋai mi, naj tamol fon imasa da wan san taman, naj mi kumaen san taman. Gidad talpein enti a naj o ilon lo rumok dan imat bo man, iŋ kumaen imasap imado wa. ²⁶ Agod dam, talpein enti a gamugo imat dugo naj o ilon lo rumok dan, iŋ pempem mateŋ ta ile na wa. Oŋ an o ilo rumok ak i?” ²⁷ Marta irupeŋi, “Awo, Tubun en. Ŋaisag ilo rumok nek igo, oŋ Kristus, oŋ Anut Nanun. Oŋ tamol nek emaiak tan ente palu wo Anut ibol a.”

²⁸ Marta ago ibol go yaug, tein Maria yabig irae ipalug, kisik kisik nam kududon lo iŋiŋeŋ go ibol, “Girek maŋau ipalug, imado da. Iŋ oŋ ilio wo ibol a.” ²⁹ Maria ru an ilon tag, ririan imasag, Jesus san na yau a. ³⁰ Jesus panu ante gamugo ilasa ya, tia, aben a imug mi Marta da dutumani ante mi imado ya. ³¹ Tamolpein a Maria da ab lo ditatad dumado se yan, Maria imasa kisaek oŋ go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

³² Maria Jesus aben a ate imado se yan ate yaug ile man, n̄ien fun na yau idug irupeŋi, “Tubun en, oŋ ente mado yak man, n̄aineg lug en ta imat na wa.”

³³Tamolpein dupalu yan Maria dida ditata dugo Jesus yil a. An niŋen o ilon itau idug mateŋ niŋen o ilon idu geig go ilon tubun mi muruan a.

³⁴Ago dugo isumianai, “Aŋ Lasarus dugon te aganeg yen dak i?”

Agog durupei, “Tubun en, palup ule.”

³⁵Agog Jesus tinaŋ ifunig malan turon idu ya.

³⁶Ago dugo tamolpein dubol, “Ale, Jesus tamol an niŋen o tubun mi imat a.” ³⁷Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo iŋ tamol en san mateŋ an yabituani san ta idaisuda na yak i?”

Lasarus fon kumaen imasa ya

³⁸Aria, Jesus fon ilon itau idug mutou fun na yau. Mutou an iŋ pat gubaran tubun ak ilon lo diganeg, pat sen ak nam awan dibaltuani a.

³⁹Jesus ibol, “Pat en apasi.”

Marta, tamol a imat amaiak lun, igo ibol Jesus irupei, “Tubun en, iŋ imat go nal iwoiwo yau la ya. Ago yak niŋen o mumalun iwen saian da.”

⁴⁰Ak man Jesus irupei, “Imug mi ŋai oŋ ŋurupaio la ya, oŋ ilo lo rumok dop man, oŋ Anut san dabai girager anda yan ule wa.”

⁴¹Ago tag pat dupasig Jesus malan lak na yabisag, abaŋ ile dugo ibol, “Bai, oŋ ŋaisag gudanek ulonŋ la yak niŋen o per ŋupano da. ⁴²Ŋai ŋalonŋ ak, oŋ nal fidian ŋaisag gudanek ulonŋ da. Gug ŋai ru en fon ŋabol pe, tamolpein e ditur den dulonŋ dop, oŋse ŋai dinag go ŋupalu yen ilod lo rumok a.”

⁴³Ru ago ibol go awan tubun mi iwagiŋ, “O Lasarus, masap, kuai te lasa!” ⁴⁴Ago tag tamol a imat la yan imasag, ŋien banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

Juda sad gurman adi Jesus palaŋ an dumari a

Mat 26:1-5; Mak 14:1-2; Luk 22:1-2

⁴⁵An niŋen o Juda wei mi Maria dile wo dupalu yan, Jesus kulob girager igane yan dileg, an lo Jesus niŋen o ilod rumok a. ⁴⁶Ago gug aenta man Farisi adi sad na diaug, Jesus kulob igane yan naod na dubol ilasa ya. ⁴⁷Ago tag pris gurman adi, Farisi adi dida kaunsil digiaig dutumanig igo dubol, “Id dugo tigane wak i? Tamol an kulob girager wei mi igane da. ⁴⁸Id iŋ tilefuni dop man, iŋ ago mi igane yaup tamolpein fidian iŋ niŋen o ilod rumok a. Agop Rom adi dupalup, idsad tempel dipitiŋini wa. Agop id diabituanad dop iŋsed mi sed ipilianaip Juda sad tamol gurman igo dumado wa.”

⁴⁹Ak man iŋ luluŋad lo anaŋar en san pris malan te yak ta imado ya, iŋ yanŋan Kaiafas amaiak igo ibol, “Aŋ ilo girek amam tia geig a! ⁵⁰Gidad, tamol kisaek an mi imat dop, tamolpein fidian muruan diŋane san tia ya, an uyanan a. Kabelan id fidian tadeŋ tau banau.”

⁵¹Gug Kaiafas iñsinanen ilo sou lo mi ago ta ibol na ya. Tia, iñ anañar en san pris malan te ya, an lo iñ profet ru igo woñ Jesus imat pe Juda tamolpein fidian abed iñane wan niñen o ibol a. ⁵²Gug iñ Juda adi mi wo ta ibol na ya, tia, iñ Anut san tamolpein aben gidigidad dumado dan niñedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da. ⁵³Aria, nal a ipalu dan lo, Jesus palañ an dumarig dufunip imat o dal abañ dile se ya.

⁵⁴Fun an niñen o Jesus afon malak malak Judea distrik ilon lo ta itor ila iso na ya. Tia, iñ ibisawaig yaug, tan kawan ak girañen na panu nanun ta yañan Efraim dubol dan te iñanen megeloum dida dumado na ya.

⁵⁵Aria, Juda sad nal tubun ak Pasova tumanek dubol dan sumeik a. An niñen o panu sensen an san doup wei mi dupalug Jerusalem na dutumani a. Man dugo, iñsed ikubuniaip Anut malan lo iñ ikok dilasa san niñen o ago digane ya. ⁵⁶Iñ Jesus abañan diabig tempel lo dutur dugo, nug dusumiani se ya, “Añ ilom dugo isou da, iñ ipalup, tumanek tubun en ile wak i? Tia, tia yak i?” ⁵⁷Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta iñ Jesus dugon te imado dan ile ilon tap, gidad, kuai te ibol ilasa dop, diaup diabip, diñane dupalu wa.

Maria Jesus gureñ nam ñien yamisi a

Mat 26:6-13; Mak 14:3-9

12 ¹Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu. ²Iñ panu ante anañ diabig, Jesus dida diani a. Ago dugo Marta man iñ anañ isire idug iwae ipidinaí a. Lasarus man tamol dida dumasig, Jesus dida anañ diani se ya. ³Ago dugo Maria iñ gureñ uyanan geig, naon lak na geig ak iñaneg, ate Jesus ñien yamisig, iñsinanen gumuran roun nam isasi a. Ago dugo gureñ an san mumalun ab an iñanefute ya.

⁴Megeloum ta, Judas Iskeriot tamol a murnap iñ Jesus ager banid lo igane wan, ago ile tag igo ibol, ⁵“Dugo, id gureñ an didaen tamol tupidinaip, naon pat tubun mok ak^d tiñanep bigabeg adi ka tupidinaí a. Ata wo id ago ta tigane na yak i?” ⁶Ago man iñ ru a ibol an bigabeg adi niñedi wo ilon ta isou dugo ibol na ya. Tia, iñ gumagam tamol, ago tag iñ Jesus megeloum dida sad moni badam ititiani pidinaí dugo, ante moni aenta iñsen niñen o igam na ya.

⁷Man niñen o Jesus ibol, “Amoi dop, gidad, pein en ka alefuni oñ a, man dugo, iñ ñai disiriag san nal niñen o ago igane da. ⁸Bigabeg adi añ dida pempem amado da, gug ñai man tia ya.”

^d An nek ibol tamol kisaek san urat naon anañar kisaek iñane dak igo woñ a.

⁹Jesus panu ante imado dugo, Juda doup tubun an duloŋ tag, iŋsan na dupalu ya. Gug iŋ Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya. ¹⁰Ago tag Juda sad pris gurman adi iŋ Lasarus dam dufunip imat san palaŋ an dumari se ya. ¹¹Ata wo? Lasarus niŋen o, Juda wei kasik pris awad diparsisali dugo dibisawaig, Jesus diganuri wo diau dugo, iŋ niŋen o ilod rumok a.

Jesus iŋ Kiŋ igo woŋ Jerusalem na iladu ya

Mat 21:1-11; Mak 11:1-11; Luk 19:28-40

¹²Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, iŋ Jesus Betani ibiseig Jerusalem na ipalu dan duloŋ. ¹³An niŋen o diaug, pator raen dulusunig, dal na dile wo diau. Agog iŋ duyuyani dugo igo dubol duwagiŋ,

“Hosana, per mupano da!

Tamol Anut yaŋan lo ipalu den bar iŋane ya!

O Isrel sad Kiŋ, oŋ bar ŋane ya!”

¹⁴Jesus imug doŋki nanun ta ileg, fufo isudag imadog ipalu ya. An niŋen o ru a profet ta igire yan nuŋon ilasa ya.

¹⁵“O Saion san tamolpein, aŋ arer man amoi.

Ale, aŋanem Kiŋ gamu aŋsam na ipalu da.

Doŋki foun ak fufo na imasig imado dugo ipalu da.”

¹⁶Imug mi megeloum adi girek an fun ta duloŋ na ya. Murnag, Jesus lak na yaug yaŋak tubun ak iŋane dugug, ru Anut san buk lo, mel en agod muruan dugo dugo Jesus dupani an niŋen o, dusutig kankan ipidinai a. Saen ru an dusuti an lo, duloŋ uyan ak, ru kulob a fidian gubak mi dile yan niŋen Anut san buk lo yen la ya, ago dugo nuŋon ilasa yan iŋsed malan nam dile ya.

¹⁷Nal an tamolpein doup wei mi Jesus dida dumado dugo, iŋ Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan niŋen o ru duwaeg yaug fidian duloŋ a.

¹⁸Tamolpein Jesus kulob a igane yan san ru duloŋ tag, diaug dal na dile ya. ¹⁹Man niŋen o Farisi adi iŋsed mi diŋiŋeŋ go dubol, “Ale. Idsad palaŋ marek san urat an nuŋon tia ya. Tan tilianek sad tamolpein fidian iŋ diganuri wo diau da!”

Grik aenta Jesus dile wo dubol a

²⁰Tamolpein Jerusalem na nal tubun an dile wo dupalu dugo, Grik aenta iŋ dida diau a. ²¹Grik adi an iŋ Filip san na diau. Filip man Betsaida tamol, Galili distrik lo yan, iŋ dusumiani, “Tubun en, maŋ Jesus mile wo mupalu ya.” ²²Man niŋen o yaug, Andru irupeŋ go iŋ Filip da diaug Jesus durupeŋ a.

²³Jesus uraru an sad ru naon igo ibol, “Tamol Nanun iŋ yaŋak tubun iŋane san saen sumeik a. ²⁴Rumok geig ŋai aŋ ŋurupaiaŋ da, anaŋ patun

ab lo ka yen dop, tan na ta idup imat na tap, man iñsen kisaek mi yen a. Ak man, tan na idup imat tap, iñ nuñon wei mi ifu wa. ²⁵Talpein iñsen tinin mi tan na kumaen imado wo imat dop man, iñanen kumaen mok an ibisei a. Gug tamol ta iñanen kumaen tan en lo yabi idu dop man, murnap iñanen kumaen mok iñanep, pempem mi ago yen yau a. ²⁶Talpein enti iñ ñaisag urat igane wo ilon yen dop man, ñai ñjeg aban iri wa. Ago dop urat aben a ante ñai ñumado dan, ante mi ñaisag urat tamol dam ñai da mumado wa. Agod talpein enti ñaisag urat yabi dan, Bai Anut yanjak tubun ak iñ ipani wa.”

Jesus iñsan mateñ niñen o kuai tem ibol a

²⁷Jesus fon mi igo ibol, “Gamu ñai ilog tubun mi muruan da. Man niñen o, ñai dugo ñabol ak i? Bai, muruan e gamu ñai lo ilasa wo den oñ ka wabituani wak i? Tia geig a, ñai muruan emaiak ñisini wo ñupalu ya. ²⁸Bai, gidad oñsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “Ñai yanag ñiganeg tubun la ya. Gug fon ñiganep, tubun geig a.” ²⁹Tamolpein sumeikan dutur an, ru an duloñ, agog aenta “weil ifu dak” dubol, ago dugo aenta man “eñel ta Jesus irupeï dak” ago dubol a.

³⁰Jesus ibol, “Ru e ibol ipalu den ñai ibinawag san tia, añ ibinawañ o ipalu ya. ³¹Gamu Anut tan en san tamolpein kot ipidinai dop, iñ tan en san gurman Satan an ikudip kuai te ilasa wa. ³²Gug ñai man, murna gup dibiagsap dusuñanag a. Nal an lo man ñai tamolpein fidian ñiraup, ñaisag na dupalu wa.” ³³Ru amaiak ibol an lo, iñsen dugo woñ imat o dak kuai te ibol ilasa ya.

³⁴Ago dugo tamolpein awan diabig dubol, “Mañ kubiaeñ ilon lo girek igo musuti a, Kristus man iñ pempem imado wa. An lo, ata wo oñ Tamol Nanun diabisap dusuñani wak ubol di? Tamol Nanun emaiak enti mok i?”

³⁵Agog Jesus igo irupidai, “Saen katukan mi añ ilalañ da amado wa. Ago yak niñen o añ ilalañ en lo mi ator a. Kabelan tidom tubun ituanañ banau. Tamol tidom lo itor dak man, iñ aben dugon te yau dak iñaon a. ³⁶Gamu man añ ilalañ am da ya. Ago yak niñen o, ilalañ en añ da amado dugo, añanem tini ganei iñ lo agane. Agop añ ilalañ san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

Juda adi Jesus niñen o ilod lo ta rumok na ya

³⁷Jesus kulob girager an fidian Juda adi naod na igane dugo dile ya, ak gug iñ niñen o ilod ta rumok na ya. ³⁸An niñen o profet Aisaia san ru nuñon ilasa ya. Aisaia iñ gubak mi geig igo ibol,

“Tubun en, ensauta idsad ru ilod lo rumok ak i?

Tubun en, ensauta oñ tuo kubiai pidinai dugo dile yak i?”

³⁹Iḷ Jesus niḷen o ilod rumok o dumoi, an san fun igo ya. Aisaia ru ta igo igire,

⁴⁰“Anut idiraig malad itau an dilasa ya,
iḷaned ilod dam iganeg dabai geig a.
An lo iḷ maladi nam abaḷ dile san tia ya,
ago dugo ilodi nam maḷau diḷane san dam tia ya,
taida mi, iḷ didaḷsa san tia ya,
tia dop, iḷ ilod ibilisa tap didaḷsa dop ḷai ḷukubuniaia a.”

⁴¹Aisaia ago ibol an san fun igo ya. Iḷ Kristus san girager tubun geig ak ile dugo, iḷ niḷen o ibol ilasa na ya.

⁴²Ak man gurman aenkadi iḷ o ilod rumok a. Ak gug Farisi niḷedi wo direr go iḷaned ilo rumok dimiani dugo, kuai te ta diḷane ilasa na ya. Juda adi dukudaip iḷsad ubou ab patun fo dilasa wak niḷen o direr a.

⁴³Man dugo, iḷ tamol dipitianai o dumat geig da, gug Anut ipitianai o man dumoi da.

⁴⁴Agog Jesus isasai go awan tubun mi iwagiḷ, “Tamol ta ḷai o ilon rumok dan, ḷai niḷeg o mi ilon ta rumok na da. Tia, Bai a ḷai idinag go ḷupalu yan dam niḷen o ilon rumok da. ⁴⁵Nek ago mi, ta ḷai iliaḷ dan, iḷ ḷai mi ta iliaḷ na da. Tia, iḷ Bai a ḷai idinag go ḷupalu yan dam ile da.

⁴⁶Iḷai tan ente sul igo woḷ ḷupalu ya. Man niḷen o tamolpein ensauta ḷai o ilod rumok an, tidom tubun lo ta dumado na wa.

⁴⁷“Ak man, ta ḷaisag ru ilonḷ gug ta iri ipani na man, ḷai tamol an bitinaek lo ta ḷigane na wa. Man dugo, ḷai ago ḷigane wo ta ḷupalu na ya. Tia, ḷai tan en san tamolpein patud ḷupasi wo ḷupalu ya. ⁴⁸Ta iḷ ḷai imoi dugo ḷaineg ru ta iḷane na dan, ru e ḷabol den man iḷsan bitinaek tamol oḷ imado wa. Man dugo, ru e ḷabol en, saen wadan lo gup, ru an mi iḷ ibitinae dop yabi idu wa. ⁴⁹Man dugo, ḷaisag ilog nam ru ta ḷabol na da. Tia, Bai ḷai idinag go ḷupalu yan iḷsen ru kagin igo ipanag a, ata ru ḷabol ilasa wak, agod dal dugon lo tamolpein naod na ḷiḷiḷen an dam irupaiag go ḷaloḷ a. ⁵⁰Iḷai ḷaloḷ ak, talpein enti Bai san ru kagin ilonḷ dop iri dan, kumaen pempem yen san iḷane wa. Amaiak niḷen o, ru dugo dugo ḷabol ilasa dan, ru nek en Bai imug mi ago ḷabol o ru kagin ipanag a.”

Jesus megeloum ḷiedi ifulani a

13 ¹Pasova ad naneḷ tumanek gamugo ilasa dugo, Jesus tan en ibiseip Taman san na yau san saen sumeik an ilonḷ a. Iḷanen tamolpein tan en lo dumado den ilon ipidinai a. An niḷen o gamu iḷsan ilo panek tubun a iḷ niḷedi wo yan ikubiaip dile san ago ilon yen da.

²Jesus megeloum dida anaḷ diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus iḷsan ager banid lo igane wo ilon ibali a. ³Aria, Jesus ilonḷ ak, Taman mel fidian iḷ

tuon lo idiri a, agod Anut sen idinig ipalu gug, fon imul Anut san na yau o an dam ilonj a. ⁴Ago tag, inj ananj gigin na igane dugo, imasag madid san kulos itabug go, yamel ta injaneg luan ate ipulau a. ⁵Agog you daeg lo ikulmaek go fun iganeg megeloum njedi ifulani a. ⁶Agog yamel ipulau an ate njedi isasi a.

⁶Aria, inj Saimon Pita san na ipalu dugo, Pita ilon weiwei dugo isumiani, “Tubun en, onj naj njieg fulani wo di?”

⁷Jesus awan yabig ibol, “Injai mel gamu njigane den onj fun ta ulonj na ya, ak gug murna gup onj ulonj fufei wa.”

⁸Gug Pita ibol, “Tia, onj naj njieg fulani san man njamoi geig a.”

Jesus ru naon irupej, “Gidad naj njufulano wa, tia dop, onj naj muroug lulužad lo mado san tia ya.”

⁹Ago tag Pita irupej, “Tubun en, mago tap, naj njieg mi ta fulani na wa, tia, banig gumurag da sisem fulanai.”

¹⁰Jesus ru naon irupej, “Tamol enti sen tinin fidian isug la yan man, tinin ikok a. An njigen o njien mi ifulani wa. Anj ilom tinim fidian naj lo ikok alasa la ya. Gug anj lulužad lo tamol kisaek imado duman ta ikokan na ya.” ¹¹Jesus tamol enti ager banid lo igane wan ilonj la ya. Fun an njigen o, “anj lulužad lo tamol kisaek imado duman ta ikokan na yan” ago ibol a.

¹²Aria, Jesus njedi ifulanig itout go, injanen kulos fon iganeg imasig, isumianai, “Kulob a anj lo njigane yan fun alonj i? ¹³Anj naj Girek Manjau, agod Tamol Tubun ak abol da. Man anj abol mok da, man dugo, naj tamol naok nek ama ya. ¹⁴Aria, naj nek anjanem Tubun ak, Girek Manjau igo dam njumado bo man, naj anj njiem njufulani a. An njigen o anj dam ansem nugnug lo njiem afulani wa. ¹⁵Injai man anjsam mitilaen igo wonj, naj njigane ago mi ansem nugnug lo ago agane wa. ¹⁶Injai rumok njurupaianj da, urat pinein ta injanen tamol tubun ak ta iriniani na wa. Nek ago mi tamol enti urat lo yau dan, injsan tamol tubun ak a idinig yau an ta iriniani na wa. ¹⁷Aria, anj gamu mel an fidian alonj a. Anj kagin naok ago yan ari dop man, Anut san bar anjane wa.

¹⁸“Ak man, ru an anj fidian mi njinem wo ta njabol na da. Tia, naj tamol ensauta a njupilianai an njalonj a. Injai ru ago njabol, an lo Anut san ru injanen buk lo yen dan nujon ilasa dop ale wa. Ru an ibol, ‘Tamol ta inj naj da sisem munuai dan, inj naj iparfunag o njien gumin yabisa ya.’ ¹⁹Gamu, saen kulob an gamugo ilasa dugo, naj anj kulob an murnap ilasa wan njurupaianj da. Man ata wo? Saen kubol an ilasa dop, njaiseg, Injai njumado Dan^f anj ilom lo rumok a. ²⁰Injai ru rumok njurupaianj da, naj urat tamol adi njidiraig diau a. Talpein enti a njaisag urat tamol injane dan, naj

^e Urat bigabeg mi urat naok ago yak digane ya. ^f Jesus ru fanan an lo inj Anut an ipitejanai da.

injiliag da. Ago dugo talpein enti naj injiliag dan, inj Bai enti a naj idinag go nupalu yan dam injane da.”

Jesus Judas san aupasek kuai te igane ya
Mat 26:20-25; Mak 14:17-21; Luk 22:21-23

²¹Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunjon mi jurupaian da. Anj luluŋam lo ta kisaek man inj naj ager tamol banid lo iginiag njiladu wa.”

²²Inj ago ibol dugo, injanen megeloum Jesus ru an lo enti isue dan dijaonj geig a, an ninjen o sed nug dile yau imul dugo awad itau dumado ya. ²³Megeloum a Jesus ninjen o tubun mi imat dan, inj giranjen na ida sisem dumado, ago dugo ²⁴Saimon Pita naon itad panig igo irupej, “Jesus sumiani dop enti ninjen o ibol dan, ibol pe taloj.”

²⁵Ago megeloum an tinin Jesus titiren fo isapek go isumiani, “Tubun en, enti ninjen o ubol di?”

²⁶Jesus ru naon irupej, “Injai bret tuor lo njisominip, njupani dop, anj alonj ak, nek tamol ama ya.” Jesus ago iganeg Judas, Saimon Iskeriot nanun, bret an ipani a. ²⁷Judas bret an injane dugo, Satan ilon lo iladu kisaek onj a.

Jesus irupej ibol, “Mel a gane wo ilo ibol dan gane kisaek onj.” ²⁸Gug megeloum aenta dida ananj diani dan, ru a ibol an san fun mok ta duloj na ya. ²⁹Judas man inj moni san badam kagin ipani na yan ninjen o, Jesus irupej soubul tubun an san melmel ta idad o boi, tia, bigabeg adi ibinawai o boi, ago ilod isou a. ³⁰Aria, Judas ananj an injaneg imasag, ririan kuai fo ilasag yau a. Saen an tidom idu la ya.

Kubiaej foun ak

³¹Judas yau la gug, Jesus igo ibol, “Gamun Tamol Nanun inj yanjak tubun ak injane san nal idu ya. An lo dop, Anut dam naj lo yanjak tubun ak injane wa. ³²Aria, Anut naj lo yanjak tubun mi injane dop man, naj injen lo yanjak tubun ak njane wa. Kulob an inj ago igane saltik onj a. ³³O nanug muroug, naj anj da saen katukan mi tumado wa. Ago gup anj naj abanj abi wak gug ta aliag na wa. Nek ibol naj Juda adi gubak mi jurupidai ak igo wonj, naj gamu anj dam jurupaianj da, aben naj naj dan ante anj au san tia ya.

³⁴“Injai gamu kubiaej foun ak njupananj da. Kubiaej foun ak igo ya: anj nug ninjen o amat mok a. Nek ibol naj anj o njamat dak ago mi ansem nug ninjen o amat mok a. ³⁵Anj ansem nug njemi wo amat dop man, an lo anj njaisag megeloum mok amado dan tamolpein fidian duloj a.”

Jesus Pita inj ninjen o itot ak o ibol a
Mat 26:31-35; Mak 14:27-31; Luk 22:31-34

³⁶Saimon Pita Jesus isumiani, “Tubun en, onj dugon te wau wo ubol di?”

Jesus ru naon irupeig ibol, “Gamu aben dugon te ηai ηau dan, ante oη palu san tia ya, gug murna dop man, oη ka palu wa.”

³⁷Pita fon isumiani, “Tubun en, ata wo ηai oη da sisem tau san tia ubol di? Gidad, ηaineη kumaen oη niηe wo ka ηubiseip, ηubinawo wa.”

³⁸Agō tag Jesus igo irupeī, “O Pita, oηane kumaen ηai o bisei wo ubol dan, an rumok i? ηai rumok ηurupaio da, oη ηai uloη an utot saen utol dop, kurek ibob a.”

Jesus iηsen mi tamolpein Bai san na diau san dal

14 ¹“Aη ilom muruan dop kankan wei mi ta agane na wa. Aη aηanem tini ganei Anut lo agane ago mi ηai dam lo ago agane wa. ²⁻³ηaineη Bai san ab lo man, galuη wei mi dien da. ηai ηaup aηanem abem ηukubune wa. Agod saen ηai aηanem abem ηukubune itout dop, ηai ηamul ηupalup ηiηiliaη pe taup ηai da sisem tumado wa. An niηen o aben dugon te ηai ηumado dan, aη dam ante amado wa. Ak mel an ago tia dop, ηai kuai tem ka ηurupaiaη aloη a. ⁴Aben ηai ηau dan san dal an aloη la ya.”

⁵Agō Tomas irupeī, “Tubun en, oη aben dugon te wau den maη ta malōη na ya. An niηen o dal an dugo man malōη ak i? Tia geig a.”

⁶Jesus awan yabig ibol, “ηai mi dal, ηai mi ru rumok san fun, agod ηai mi kumaen san fun. Dal sen ta lo Bai san na au san tia ya. Nek ηai lo mi a. ⁷Aη ηai aloη dop man, ηaisag Bai dam aloη a. Nek gamu tumado yau den lo, aη ηai Tamag o aηaoη dan ago ilom isou man amoi, man dugo, iη aloη agod ale la ya.”

⁸Filip irupeī, “Tubun en, oη Bai kubiai panama. An mi maη o idaisuda ya.”

⁹Jesus ru naon irupeī, “Filip, nal milaen mi ηai aη da tumado ya. Ak dugo, en dugo woη go ηai enti mok an ta uloη na i? Ta iη ηai iliag an iη Bai dam ile ya. An lo, enta wo ηai Bai ηukubiai panaη o ubol di? ¹⁰Nag ηai Bai lo ηumado den, ago mi Bai iη ηai lo imado da, an ilo lo ta rumok na di? Ru e ηai ηurupaiaη den ηaiseη ilog nam ta ηabol na da. Tia, Bai iη ηai lo imado den iηanen urat ηai lo igane ilasa da. An niηen o iη ηai lo urat igane dugo, iηsan ru ηai ηabol ilasa da. ¹¹Aη gidad, ηai Bai lo ηumado dugo, Bai ηai lo imado den, an ilom lo rumok a. Tia dop, ηai kulob girager a fidian ηigane na yan aleg kankan ipanaη gup, an mi aηanem ilo rumok ka igane ilasa wa. ¹²ηai rumok ηurupaiaη da, ta ηai o ilon lo rumok dop man, iη urat fidian ηai ηigane yan iη dam nek ago mi ka igane wa. Agod kulob naok iη iganed an man melmel e ηai ηigane den iriηani wa. Man dugo, ηai Bai san na ηau da. ¹³Aη mel ta niηen o ηai yaηag lo agudani tap, ηai mel an ηigane panaη a. An niηen o Nanun urat dugo dugo igane dan lo, tamolpein Bai yaηan tubun mi diabisa wa. ¹⁴Ata mel aηane wo ilom ibol dan, ηai yaηag lo ka asumiaeη a, ago dop ηai ηigane panaη a.”

Jesus Urgun ipalu san ru an ibol a

15 “Añ ñai niñeg o amat mok tap, añ ñaineg ru kagin ari apani uyanan a. 16 Agod ñai Bai ñugudani dop, iñ Binawek sen ta ipanañ pe, añ da pempem amado wa. 17 Iñ Awan Urgun, iñ ru rumok ak san mi a. Tan en san tamolpein iñ diñane san tia ya. Man ata wo? Iñ dile san tia ya, ago dugo iñ niñen o diñaon. Ak man, añ iñ alon la ya, man dugo, iñ gamu añ da amado dak, murnap añ bubem ilon lo ilasap ante pempem imado wa. 18 Ñai añ ñubisawañ pe, tinam tamam tia yak igo wonñ ta amado na wa. Tia ya, ñai añsam na ñupalup tumado wa. 19 Saen kitekan mip, tan en san tamolpein fon ñai ta diliag na wa. Gug añ ñai aliag a. Ñai kumaen ñumado dak niñen o, añ dam kumaen amado wa. 20 Nal an lo gup, ñai Bai lo ñumado dan, añ ñai lo amado dan, ñai añ lo ñumado dan alon uyanan a. 21 Talpein enti a ñai awag ilonñ dugo iri dan, nek amaiak mi ñai o imat mok da. Ta iñ ñai o imat dan man, Bai dam iñ o imat da. Ago dop ñai dam iñ o ñamat dop, ñai seg ñukubiaip ile wa.”

22 Agog Judas en turanein, Iskeriot tia yan, iñ Jesus irupeï, “Tubun en, onñ ata wo mañ lo mi kuai te lasa dop, tan en san tamolpein lo tia wo ubol di?”

23 Jesus ru naon irupeï, “Talpein a ñai niñeg o imat dan, ñaisag piteñanek fidian iri dop paed na imado wa. Ago dop Bai iñ o imat pe, ñai Bai da sisem iñ giranjen na mupalup, iñ da nal fidian mi mumado wa. 24 Gug ta ñai o ta imat na dop, iñ ñaisag ru dam iri dop paen na ta imado na wa. Ru e añ kududom alonñ den man ñaisag tia ya. Tia, Bai iñ ñai idinag go ñupalu yan iñsan ru ñabol da.

25 “Gamu ñai añ da tumado dan lo, ru an fidian ñabol ilasa dugo alonñ da. 26 Gug Urgun, iñ añsam binawek mok a, Bai iñ ñai yañag lo idinip ipalu wa. Iñ mel fidian niñedi wo mañau ipiteñanañ a, ago dop iginiañ pe ru fidian imug ñabol go alonñ na yan ilom isou a. 27 Ñai añ ñubusawañ o dak niñen o, ñaisag ilo maror ñupanañ pe ida amado wa. Ilo maror a ñupanañ dan man, tan en san tamolpein ka dupanañ ak igo tia ya, tan en san ilo maror man ririan itout yau a, gug ñaisag man yen yau san mi a. Man niñen o, añ ta ilom weiwei dop arer na wa.

28 “Ñai ru ñabol en alonñ la ya: ‘gamu ñubusawañ pe ñau gup, añsam na fon ñamul ñupalu wa.’ Añ ñai o amat ak man, ñai Bai san na ñau dak niñen o uyam isusa wa. Man dugo, Bai san yañan ñaisag yañag iriñani a. 29 Alonñ ak, ñai Bai san na ñau san saen gamugo dugo, añ ñurupaiañ la ya. Ñai ago ñigane yan san fun igo: murnap mel an ilasa dop, añ ñai o ilom rumok a. 30 Ñai ru taida milaen mi ñurupaiañ san tia ya, man dugo, tan en san gurman Satan ipalu wo itonñ da. Iñ ñai ibiag ñadu san man dabai aman tia geig a. 31 Ñai ilog man igo ya. Ñai tan en san tamolpein fidian ñukubiaip dile dop dulonñ uyanan ak igo, ñai Bai o ñamat a, ago dugo ata ru Bai irupaiañ an mi ñiri uyanan da.

Aria, amasap tau.”

Jesus ij ai wain mok

15 ¹Jesus irupudaig ibol, “Ijai man ai wain mok. Ijaineg Bai man abi wain san muroun. ²Ijai raeg aenta nuḡod tia tap, abi muroun itartitip yabi yau a. Raen nuḡon anda yan ikubunep, didilan itute yau dop, iluḡanip, ate nuḡon wei mi ifu dop yen a. ³Ago gug ru ɲai ɲurupaiaɲ la yan lo aɲ ipargalaɲ go aɲ ikok alasa ya. ⁴Ijai lo amado wa. Ijai dam aɲ lo ɲumado wa. Ai raen a luan te ta isatuani na yak man, nuḡon ifu san tia ya. Nek ago mi, aɲ dam ɲai lo amado wa, tia dop man, nuḡom ifu san tia geig a.

⁵“Ijai man ai wain. Aɲ man ai wain raen. Ta ɲai lo imado tap, ɲai ij lo ɲumado dop, ate nuḡon ifu fufei wa. Aɲ ɲai lo tia yak man, aɲsem mel ta agane ilasa san dam tia geig a. ⁶Talpein ta ij ɲai lo ta imado na dan, ij ai raenibun ak igo ya. Ai raen ago man ditartitip, yai lo diabi yaup inani fufari yau a. ⁷Gug aɲ ɲai lo amado dop, ɲaisag ru aɲ lo yen dop man, aɲanem ilom ibol ak ago mi mel niɲen o asumianag dop, ɲai ɲupanaɲ a. ⁸Aria, aɲ nuḡom wei mi afu yak man, aɲsem ibilaɲ kuai tem alasag ɲaisag megeloum mok amado da, nek an lo Bai yaɲan tubun geig ilasa wa.

⁹“Bai ij ɲai ilon ipanag dak, ago mi ɲai aɲ ilog ɲupanaɲ da. Aɲ ɲaisag ilo panek lo mi amado wo ilog yen da. ¹⁰Ijai Bai san ru kagin ɲuri ɲupani ak niɲen o, iɲsan ilo panek lo ɲumado da. Nek ago mi aɲ ɲaisag ru kagin an ari apani dop man, aɲ ɲaisag ilo panek lo mi amado wa. ¹¹Ru ago ɲurupaiaɲ dan aɲ aloɲ dop, ɲaisag uyasusai aɲ ilom lo yen o ɲabol da. Agop aɲsam uyasusai an ilom lo anuap ida amado wa. ¹²Ijaisag ru kubiaɲ man igo ya, ɲai ilog ɲupanaɲ ak ago mi aɲ nug ilon apani wa. ¹³Talpein enti a ij turan niɲen o iɲsan kumaen imoi ibiseig imat tap, ij kagin fidian nug niɲen o tamat san iriɲani a. Kagin an ilo panek san nuḡon mok a. ¹⁴Aria, aɲ ɲai ru kagin ɲurupaiaɲ an ari apani dop man, aɲ ɲaisag turag muroug mok a. ¹⁵Urat pinein man ij iɲanen tamol tubun ak mel igane dan man ij ta iloɲ na da. Ago yak niɲen o ɲai fon aɲ urat pinein igo ɲabol san tia ya. Man ata wo? Ijai ru fidian Bai awan lo ɲaloɲ en aɲ ɲabol aloɲ pasik la ya, an lo aɲ ɲai fug fidian aloɲ a. Ago yak niɲen o aɲ ɲai turag muroug ɲabol da. ¹⁶Aɲ imug ɲai ta apilianag na ya. Man tia. Ijai aɲ ɲipilianag go ɲaisag ak ɲabol la ya. Ago yan lo aup urat nuḡon agane ilasa san ago kob ɲupanaɲ a. Ago dop aɲanem urat an nuḡon yen yau a. An lo mel ta wo ɲai yaɲag lo Bai asumiani dop man, ij ka ipanaɲ a. ¹⁷Ijaisag kubiaɲ ɲurupaiaɲ duman nek en, aɲ nug niɲen o amat mok a.

Tan san tamolpein Jesus san megeloum lo ager dumado da

¹⁸“Tan san tamolpein aɲ o ager dumado dop man, ɲai o ilom isou. Ijai niɲeg o imug mi ago digane ya. ¹⁹Aɲ tan en san tamolpein sad muroudi

dop man, aŋ niŋemi wo dumat pe, aŋ iŋsadi ak dubol a. Ak man aŋ tan en san tamolpein mok tia ya, tia, ŋai aŋ ŋipiliananŋ go aŋ ŋaisag a. Fun amaiak niŋen o tan en san tamolpein aŋ lo siai digane wa. ²⁰Aŋ gidad ŋaisag ru imug ŋurupaianŋ en ilom isou, urat pinein ta iŋanen tamol tubun ak ta iriŋani na wa. Iŋ ŋai diginiag saian tap, nek ago mi aŋ lo dam ago digane wa. Ak dugo, iŋ ŋaisag piteŋanek diri ak i? Tia geig a. Nek ago mi, piteŋanek a aŋ apidinaŋ an dam ta diri na wa. ²¹Ŋai niŋeg o aŋ dilianŋ saian pe kagin naok ago yak aŋ lo digane wa. Man ata wo? Bai ŋai idinag go ŋupalu yan, iŋ ta dulonŋ na ya. ²²Ŋai ŋupalug, ŋurupidaig, iŋsad aupasek kuai ŋupani dugo dile ya. Ŋai ta ŋupalu na yak man, iŋ aupasek amad da yan dulonŋ san tia ya. Gug ŋai ŋupalug, iŋaned saian kuai te ŋurupidaig dulonŋ ak niŋen o, gamu sad aupasek an dimiani san tia geig a. ²³Ta iŋ ŋai lo siai igane dan man, iŋ Bai lo dam siai igane da. ²⁴Iŋ luluŋad lo ŋai kulob girager tubun geig ak ŋigane na ya. Tamol sen ta gubak mi ilasag kulob naok ago yan ta igane man tia ya. Ŋai ago ta ŋigane na yak man, Anut malan lo iŋ aupasek amad tia wa. Ak gug, gamu iŋ kulob girager an fidian dile la gug, ŋai lo, agod ŋai Tamag lo dam, siai digane dugo sama ager dumado da. ²⁵Iŋsad kagin, ru ta iŋsad kubiaenŋ lo digireg yen an iŋaneg nuŋon ilasa ya. Ru an igo ya, 'Iŋ sen kawan mok ŋai lo siai digane ya.'

²⁶"Gug ŋai Binawek Tamol ŋiganep idu wa. Iŋ Awan Urgan, ago dugo iŋ dam ru rumok ak san fun. Iŋ Bai san na ilasap, aŋsam na ipalu wa. Agop iŋ ŋai fug kuai te ibol dop alonŋ a. ²⁷Gug aŋ dam ŋai fug tamolpein naod na afulalep dulonŋ a. Man dugo, saen ŋai urat fun ŋiganeg ipalug gamu en, aŋ ŋai da sisem tumado na ya.

16 ¹"Muruan ipalu dop, aŋanem ilo rumok an abisei banau o ru en ŋurupaianŋ da. ²Murnap Juda adi sad midaenŋ lo au dop, aŋ dukudanŋ a. Rumok, nal idu dop, aŋ dufunanŋ amat a, nek dal an lo iŋ Anut san urat dibinawi mok dak ago dubol a. ³Gug iŋ man ŋai Bai da ta dulonŋ na yak niŋen o ago digane wa. ⁴Ŋai ager niŋedi wo ru kagin en ŋurupaianŋ alonŋ a, an niŋen o murnap aŋ lo dugo digane dop, ru en ilom isou wa. Inug man ŋai ru en ta ŋabol go alonŋ na ya, man dugo, ŋai aŋ da tumado na ya.

Urgan san urat

⁵"Ak man gamu gup ŋai ŋubisawaŋ pe, Bai idinag go ŋupalu yan san na ŋamul ŋau a. Gug aŋsam ta kisaek ŋai dugo te ŋau o dan niŋen o ta isumianag na da. ⁶Gug gamu 'ŋai ŋubisawaŋ pe ŋau o' ŋurupaianŋ den niŋen o aŋ ilom isasau idu da. ⁷Ŋai rumok ŋurupaianŋ da, ŋai aŋ ŋubisawaŋ pe ŋau o dan, aŋ o uyanan a. Ŋai gidad ŋau a. Ta ŋau na tap, aŋ Ur Binawek San an ta aŋane na wa. Ak man ŋai ŋau dop man, Ur Binawek San an ŋiganep, aŋsam na ipalup, ida amado wa. ⁸Urgan ipalu

dop, tamolpein ilod isafulalep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam inşsed ilod lo dukubiani wa. ⁹Inşaned kagin saiak san fun man inş ńai lo ilod ta rumok na ya. ¹⁰ńai Bai san na ńau dop, afon ńai ta aliag na wa. An lo tan en san tamolpein dulonş ak ńai Bai san geig a. Dal an lo Urgun inş ńaisag kagin itaot an fidian ikubiai pidinaip, dulonş uyanan a. ¹¹Tan en san tamolpein sad ilo sou lo dubol, Anut ńai bitinaek lo iginiag pe ifunag ńamat ak ago dubol da. Ak man an ta rumok na yan Urgun ikubiai dile wa. Anut ńai bitinaek lo ta iginiag na wa, tia, ńaisag materş lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

¹²“ńai ru wei mi amag da ya, ak man anş ilom itau dak ninen o, gamu ńurupaianş pe alonş san tia ya. ¹³Gug murnap Urgun ru rumok ak san ipalu dop man, kagin rumok ak mi fidian ikubiai panań a. Inş sen ilon nam ru ta ibol na wa. Tia, Anut ibol go ilonş an mi irupaianş pe alonş a. Mel murnap ilasa san dam ibol ilasa dop alonş a. ¹⁴Inş ńai yanşag yabisa wa, man dugo, inş ńaisag mel inşane dan anşsam na ibol ilasa dop alonş a. ¹⁵Bai san mel fidian an dam ńaisag a. Man ninen o ńai imug ńurupaianş, Urgun mi ńaisag mel an inşanep ibol dop alonş a.”

Muruan ibilisap, ilo uyan ilasa wa

¹⁶“Saen katukan anş ńai ta aliag na wa. Agop fon saen katukan mi gup, ńai aliag da wa.” ¹⁷Inşsan megeloum aenta inşsed mi dińinşen go igo dubol, “Ru e ‘saen katukan anş ńai ta aliag na wa, agop fon saen katukan mi gup, ńai aliag da wan’ fun dugo yak i?” ¹⁸Inşsed nug dusumiani onş go igo dubol, “ ‘saen katukan’, ru en fun talonş uyan san tia ya.”

¹⁹Jesus ilonş ak, inş ru an ninen o dusumiani wo ilod ibol dan, ninen o irupudaig ibol, “Anş nag ńai ru a ńabol an ninen o ilom weiwei di? ²⁰Rumok geig, anş ńurupaianş da, mitep anş tinań aru agane wa. Gup tamolpein tan en san man inş uya susai digane wa. Rumok, anş ilo muruan tubun kasik da amado da, ak man anşsam ilo muruan an ibilisap ilo uyan ipanań dop, uyam isusa wa. ²¹Pein inş nanuk igansi wo tinin lo ikubiani dop, inş ilon muruan tubun kasik aman da imado da. Agop nanuk igansip uyan dop, inşsan madai an ninen o ilon ta isou na wa. Man dugo, nanuk tan en lo ilasa yak ninen o ilon isou dop, uyan isusa geig a. ²²Nek ago mi, gamu anş ilom muruan da. Gug ńai fon ńamul ńupalup aliag dop, afon ilom uyan da wa. Ta anşsam uyasusai an ipasip isini yau san tia ya. ²³Nal an lo dop, anş fon ńai mel ta wo asumianag san man tia wa. ńai rumok ńurupaianş da, anş mel ta ninen o ńai yanşag lo Bai asumiani dop, man inş ka ipanań a. ²⁴Gug anş gubak mi ipalug gamu en dam anş mel ta wo ńai yanşag lo Bai asumiani man tia ya. Gamu gup anş ńai yanşag lo asumiani wa. Ago agane dop man, inş mel an ka ipanań a. An lo anş ilom uyanan pe, uyasusai lo mi amado wa.”

Jesus tan en san dabai yabi idu ya

²⁵“Ŋai ru faɲan mi ɲabol dugo aloŋ na ya. Gug murna dop man, fon ta ɲimianip ɲurupaiaŋ na wa. Tia, ɲai Bai niɲen o kuai te ɲabol dop aloŋ a. ²⁶Ago dop nal an lo, ɲai yaŋag lo Bai asumiani wa. Aɲanem awam aban an aɲ niɲemi wo Bai ɲusumiani wa, ago ɲai ta ɲurupaiaŋ na da. ²⁷Tia, Bai iɲsen aɲ niɲemi wo imat da. Amaiak niɲen o iɲsen aɲ awam ilon a. Man dugo, aɲ ɲai o amat go Bai san na ɲumadog ɲupalu yan, ilom lo rumok a. ²⁸Gubak mi ɲai Bai da sisem mumado ya. Gug ɲai iɲ ɲubuseig, tan na ɲadu ya. Gamu fon tan en ɲubuseip, Bai san na ɲamul ɲusuda ɲau a.”

²⁹Agog iɲanen megeloum igo dubol, “Gamu en oŋ ru faɲan ta ubol na da, tia, kuai te mi ubol ilasa da. ³⁰Gamu en maɲ malon fufei ak, oŋ mel fidian ulon pasik a. An niɲen o ta iɲ oŋ isumiano wo mala igane san tia ya. An lo oŋ Anut san nag palu yan maɲ iloma lo rumok a.”

³¹Jesus awad yabig ibol, “Gamu en aɲ ilom rumok geig ak abol di? ³²Aloŋ ak, nal ta sumeik la ya, nal an lo aɲ fidian abisawag pe, aɲsiganem na afufurak au dop ɲaiseg kisaek ɲumado wa. Gug ɲaiseg kisaek tia ya, tia, Bai iɲ ɲai da mumado da. ³³Aɲ ɲai lo amado dop, ɲaisag ilo maror aɲ da amado san niɲen o ru an ɲurupaiaŋ a. Tan en san tamolpein aɲ muruan dupanaŋ ak gug, aɲ ta arut arer na wa. Tia, aɲ ilom abisa, man dugo, ɲai yu ɲigane itout go, an lo tan en san tamolpein fidian sad dabai ɲabi idu la ya.”

Jesus iɲsen niɲen o Bai igudani a

17 ¹Jesus ru an ibol itout dugo malan lak na isidag, ibol, “Bai, ɲaisag nal idu la ya. Oŋ nanu yaŋak tubun ak panip, iɲanen bunun kuai te gane ilasa wa, an lo Nanu dam oŋ yaŋak tubun ak ipanop, oŋane bunu kuai te igane ilasa wa. ²Man dugo, ɲai dabai panag la yen ate tamolpein fidian ɲai tuog paen na dumado wa. Tamolpein a oŋ ɲai panag an, iɲ kumaen pempem yen yau san ɲupidinai a. ³Kumaen pempem yen yau san man nek en. Iɲ oŋ Anut kisaek o lian dulon a, agod iɲ ɲai Jesus Kristus oŋ dinag go ɲupalu yan dam dulon a. ⁴Ŋai urat fidian oŋ panag go ɲigane wo ubol en ɲigane itout a. An lo oŋ yaɲa tan en lo ɲabisa ya. ⁵O Bai, wagam oŋ tan ta gane na dugo, oŋ ɲai da girager ilalaŋ aman an lo tumado ya. Ŋai oŋsa na ɲamul ɲupalu gup, girager an fon panag da wa.

Jesus megeloum niɲedi wo igudani

⁶“Ŋai oŋsa fu mok, tamolpein a tan en lo sikatai go ɲai panag en ɲukubiaig dile ya. Iɲ oŋsa la ya, an niɲen o ɲai panag a. Agog oŋsa ru an dam kagin dupani da. ⁷Gamu iɲ dulon uyanan ak, mel fidian oŋ ɲai

panag an oŋsa na ipalu ya. ⁸Ru fidian ŋai panag an iŋ ŋupidinaig, diŋane ya. An lo iŋ duloŋ fufei mok, ŋai oŋsa nag ŋupalu ya, ago dugo oŋ ŋai dinag go ŋupalu yan dam ilod lo rumok a. ⁹Tamolpein nek an niŋedi wo gadiŋ ŋigane da. Tan en san tamolpein fidian niŋedi wo ta ŋusumiano na da. Tia, tamolpein ensauta a oŋ ŋai panag an mi niŋedi wo ŋumosiai da. Man dugo, iŋ oŋane mok a. ¹⁰Tamolpein a fidian ŋaisag man oŋsa ya, agod oŋsa man ŋaisag a. Iŋ lo ŋai yaŋak tubun ak ŋiŋane ya. ¹¹Ŋai tan en ŋibiseip, oŋsa na ŋupalu wo da. Gug iŋ ete tan na dumado wa. O Bai, oŋ gun ak, oŋane yaŋa dabai, nek ŋai panag en, an lo idaned tamolpein kaginad gane dop, iŋ kisaek mi dumado wa, nek ŋai oŋ da tumado dak ago mi a. ¹²Saen ŋai dida mumado se man, oŋsa dabai panag an lo mi kaginad ŋigane na ya. Dumui igo woŋ ŋai iŋ ŋibalgiranaŋ na yan lo, ta kisaek ideg yau man tia ya. Gug tamol a pitininek san iŋ mi ideg yau a. Iŋ ru ta oŋane buk lo yen dan nuŋon ilasa wo ideg yau a.

¹³“Gamu ŋai oŋsa na ŋupalu wo da. Ŋai tan na ŋumado dugo, ru en fidian ŋabol duloŋ dop, ŋaisag uyasusai iŋ ilod anuai a. ¹⁴Ŋai oŋane ru ŋupidinaig diŋane ya. Ago dugo tan en san tamolpein iŋ lo siai digane da. Man dugo, iŋ tan en san tia ya, nek ibol ŋai dam tan en san tia ago mi a. ¹⁵Ŋai iŋ tan en lo pasai diau o ta ŋusumiano na da. Tia, ago dumado wa. Gug ŋai igo ŋugudano da, saen iŋ ente dumado dop oŋ bargiranaŋ a. An lo Satan ipalu dop man, daoŋ ipidinaŋ san tia wa. ¹⁶Ŋai tan en san tia ya, nek ago mi, iŋ dam tan en san tia ya. ¹⁷Oŋsa ru mi ru rumok. Oŋsa ru lo diraip gun dilasa. ¹⁸Nek ibol oŋ ŋai dinag go tan en lo ŋilasa yan ago mi, ŋai dam iŋ ŋidiraig tan en san tamolpein luluŋad lo diau a. ¹⁹Ŋai iŋ ŋibinawai o seg tiniŋ ŋipiranig, an lo gun ŋumado dop oŋane ilobol mi ŋiri wa. Agop iŋ dam gun dilasap, sed tinid dipirani dop oŋane ilobol diri mok a.

Jesus ilo rumok adi aenta niŋedi wo igudani a

²⁰“Ŋai megeloum en niŋedi wo mi ta ŋugudano na da. Tia, mitep ŋidinaip, ŋaisag ru dufulelep tamolpein aenta duloŋ pe, ilod lo ŋai o rumok a. Tamolpein an niŋedi wo dam ŋugudano da. ²¹Ŋai ilog man, iŋ fidian ilod kisaek mi dumado wa. Oŋ ŋai lo mado dak, agod ŋai dam oŋ lo ŋumado da, nek ago mi iŋ dam id da sisem tumado wo ŋugudano da. Ago tap, tamolpein tan en san oŋ ŋai dinag go ŋupalu yan ilod lo rumok a. ²²Oŋsa yaŋa dabai da ŋai panag an iŋ ŋupidinaŋ la ya. Agop iŋ ilod kisaek dumado wak, nek ibol oŋ ŋai da tumado dak ago mi iŋ dam dumado wa. ²³Ŋai iŋ lo ŋumado dop, oŋ ŋai lo mado wa. An lo nek ibol id ilod kisaek mi ak igo woŋ, iŋ dam ilod kisaek mok o ŋamat da. Agop tamolpein tan en san oŋ ŋai dinag go ŋupalu yan duloŋ a. Ago dop oŋ ŋaisag tamolpein niŋedi wo umat dan, ŋai o umat dak ago mi gane yan, an dam tan en san tamolpein duloŋ a.

24 “O Bai, ηai ilog man igo ya, aben a ante ηai ηumado wan, ante dam tamolpein a oη murnap panag an ηai dida mumado wa. Ago dop ante iη ηaineg girager dam dile wo ηusumiano da. Tan en tia lo oη ηai o umat go girager en panag a. Girager an iη fidian dile wo ilog tubun mi ibol da.

25 “O Bai, oη itaota mok, gidad tan en san tamolpein oη duloη man tia ya, ago gug ηai oη ηaloη a. Ago dugo ηaisag adi oη ηai dinag go ηupalu yan duloη a. 26 ηai oηane fu kuai te iη lo ηigane ilasa la yan, nek ago mi ηigane yau oη a. An lo dop oηsa ilo panek ηai panag an iη bused lo dirip yen a, agod ηai dam iη lo ηumado wa.”

Ager adi Jesus diabi a

Mat 26:47-56; Mak 14:43-50; Luk 22:47-53

18 1 Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

2 Aria, Judas, palaη niganag tamol an, iη sasau ante dumado se yan iloη a. Man dugo, Jesus iηanen megeloum dida pempem sasau an ate dutumani da. 3 Judas imug mi pris gurman adi agod Farisi adi sad na yaug, tempel titianek aenkadi agod yu tamol adi dam iηal o yau a. Agog iη malan imug dugo fidian ηien aban dirig yu, dumui, agod sul ago duburoug dida diau a. Agog aben a ate Jesus iηanen megeloum dida dumado dan te dilasa ya.

4 Jesus mel fidian iη lo ilasa wo dan iloη an lo, naod na isuk siηired na ilag irupudai, “Aη enti abajan abi di?”

5 Iη dubol, “Maη Jesus, Nasaret tamol amaiak abajan mabi da.” Agog Jesus ibol, “ηai nek ebe.”

Judas iη ager adi Jesus ikubiai pidinai an dida ditur a. 6 Saen Jesus “ηai nek ebe” ago ibol an, iη dusuk dumul go tan na diau dudu ya.

7 Agog Jesus fon isumianai, “Aη enti abajan abi dak i?”

Iη ru naon durupe, “Jesus, Nasaret tamol ama ya.”

8 Agog Jesus irupudai, “ηai ηurupaianη la ya, ηai nek ebo. ηai abanag abi wo tap, ηaineg megeloum en abisawaip diau.” 9 Ru gubak mi ago ibol, “Tamolpein a oη ηai panag an luluηad lo talpein kisaek ideg yau man tia ya.” Aria, gamu ru an nuηon kuai te ilasa ya.

10 Agog Saimon Pita abanη ago ileg, tiηaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yaηan Malkus. 11 Gug Jesus ru dabai nam Pita irupe, “Oηane sabiri aben lo usoudu. Ak dugo, ηai gab lo ηaluk o Bai ipanag en lo ηaluk san tia ubol di?”

Jesus diabig pris malan te yaηan Anas an san na diau a

12 Agog yu tamol adi, iηsad gurman, tempel san titianek dida Jesus diabig, rasau nam dubahanig, 13 dida Anas san na diau a. Anas man

Kaiafas niterj. Kaiafas ij anajar en san pris malan te yak imado ya. ¹⁴Kaiafas injen ij Juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan dijanane san tia ya, ago man uyanan a.”

Pita ij Jesus ta ilon na ibol a

Mat 26:69-70; Mak 14:66-68; Luk 22:55-57

¹⁵Jesus dijaneg diau dugo Saimon Pita ij Jesus san megeloum taida Jesus patun fo diau a. Pris malan te yan megeloum an nug duloj ak nijen o megeloum an Jesus ida sisem ar ilon lo diladu ya. ¹⁶Gug Pita ij kitek asau mi ar awan te itur dugo malan igane se ya. Ago dugo megeloum a pris gurman ilonj uyan an imul go ar awan te yaug, ar awan titianek pein an irupeip Saimon Pita ijane iladu wo ago isumiani a. Ago tag pein an yaug Pita idinig, ar ilon lo iladu ya. ¹⁷Ago gug pein an Pita irupei, “Oj man dag tamol emaiak san megeloum ta i?”

Ago dugo Pita ibol, “Ijai man tia ya.”

¹⁸Abarj madid tubun tinan ak nijen o pris malan te yak san urat pinein adi ij tempel titianek adi dida, yai dutuni ak san midiger an tinid isue dugo, Pita dam yai an fun na tinin isue dugo dida dumado se ya.

Pris malan te yan Jesus isumiani a

Mat 26:59-66; Mak 14:55-64; Luk 22:66-71

¹⁹Ago dugo pris malan te yan Jesus san megeloum nijedi wo isumiani dugo, ru pitejanek tamolpein ipidinai na yan dam nijen o isumiani se ya. ²⁰Agog Jesus ru naon igo ibol, “Ijai ru fidian tamolpein kuai te mi jurupidaig duloj na ya. Nal wei mi Juda sad tumanek aben lo, tempel lo dam, ante manau rupitejanai se ya. Ru ta mianuk lo njabol man tia ya. ²¹Fun an nijen o ata wo naji sumianag dak i? Tamolpein ensauta a naji awag duloj an sumianai gup, naji awag aban dubol dugup uloj a.”

²²Jesus ago ibol dugo, tempel titianek ta giranjen na itur an Jesus kudanan igufuteg ipei, “Dugo, oj pris gurman malan te yan ru naon ago rupei an uyan ak i?” ²³Jesus awan yabig ibol, “Dugo, naji ru saian njabol ak i? Ago tap, tamolpein en fidian rupidaip duloj. Gug naji ru rumok ak mi jurupeik ak man, ata wo oj naji funag ak i?” ²⁴Agog Jesus banin dusubanig, dijaneg pris malan te yak neinta, Kaiafas dubol dan san na diau a.

Pita fon Jesus ta ilon na yak ago ibol a

Mat 26:71-75; Mak 14:69-72; Luk 22:58-62

²⁵Saimon Pita yai tinin isued itur dugo, talpein ta dusumiani, “Oj dam tamol emaiak san megeloum ta boi i?” Pita itot go igo ibol, “Ijai man tia ya.” ²⁶Pris malan te yak san urat pinein ta ijanen turan Pita kududon

isubari an imasag, Pita irupeï, “Dugo, oŋ nek emaiak iŋ da ai oliv abi lo amado dugo ŋilian ak i?” ²⁷Agog Pita fon itot an, kurek ibob kisaek oŋ.

Jesus diŋaneg, Pailat san na diau a
Mat 27:1-2,11-14; Mak 15:1-5; Luk 23:1-5

²⁸Tidom lom mikinik anda Jesus diŋaneg Kaiafas san ab dubuseig, dida gabman gurman malan te yak, yaŋan Pailat dubol dan, iŋsan gabman san ab lo diau a. Pailat man iŋ Juda tia, iŋ Rom tamol. An niŋen o Juda adi ago dubol, “Kabelan iŋsan ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anaŋ tani san tia banau.” ²⁹Ago tag iŋ ab patun fo dutur dugo, Pailat kuai fo ilasag, isumianai, “Aŋ ata wo tamol an ru lo agane di?”

³⁰Agog iŋ ru naon igo dubol, “Tamol en kulob saian ak ta, ta igane na yak man, maŋ oŋsa na miŋane mupalu san tia ya.”

³¹Agog Pailat irupudaig ibol, “Aŋ aŋane aup, aŋsiganem kubiaeŋ lo asumianip ale.”

Gug Juda adi iŋ durupeï, “Aŋsam kubiaeŋ lo man, maŋ tamol mafu dumat san niŋen o geg apanama da.” ³²Mel e ilasa yen, wagam Jesus iŋsen dal dugo woŋ lo imat ak niŋen o ibol an, gamu nuŋon kuai te ilasa ya.

³³Aria, Pailat fon iŋsan ab lo iladug, Jesus iwagig isumiani, “Ak dugo, oŋ Juda sad kiŋ ak i?”

³⁴Agog Jesus ru naon irupeig ibol, “An dag oŋsigane ilo sou lo ubol di? Tia, tamol ta ibol uloŋ go ate ubol di?”

³⁵Pailat awan yabig ibol, “Oŋ ŋai Juda ubol di? Oŋsigane warou adi iŋ pris gurman adi dida dibiog, ŋai banig lo diginio ya. Oŋ muruan naon dugo gane yak i?”

³⁶Jesus ru naon irupeï, “Rumok, ŋai kiŋ ŋumado da, ago gug ŋai tan en san tia ya. ŋai tan en san kiŋ dop man, gamu ŋaisag turag muroug dumasap, ager diganep, Juda adi ŋai dibiag san tia wa.”

³⁷Ago tag Pailat irupeï, “Dugo, oŋse oŋ kiŋ ta ago ubol di?”

Jesus ru naon irupeï, “Oŋse nek a ubol da. ŋai kiŋ ta, ŋai tan en lo ru rumok ak ŋabol ilasa wo ŋupalu ya. An lo ta iŋ ru rumok san man, iŋ ŋaisag ru iloŋ dop ru an iganuri wa.”

Pailat Jesus aigim fo dubali wo ibol a
Mat 27:15-31; Mak 15:6-20; Luk 23:13-25

³⁸Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “ŋai iŋ lo saian ta ŋile man tia ya, an lo aŋ ru apani san man fun an tia ya. ³⁹Gug Pasova tumanek san nal lo, aŋsiganem kagin anaŋar kisaek lo agane dan, tamol kisaek subanek lo ŋupasip ŋupanaŋ a. Ago yak niŋen o aŋ Juda sam kiŋ en ŋupasip ŋupanaŋ o abol di?”

40 Iŋ fon disasaig igo duwagiŋ, “Iŋ tia ya, gidad Barabas mi pasi panama!” Barabas iŋ ager san tamol, imug Juda adi aenta Rom gabman diabi idu wo yu diabisa ya, ago dugo iŋ luluŋad lo Barabas imado ya.

19 ¹ Ago man Pailat ibol dugo, iŋsan yu tamol adi Jesus diŋaneg lubum nam dufuni a. ² Yu tamol adi mel bukorkor igo dudurun anda yak ditiladeg, kabuŋan fo disisi idu dugo, yamel daran ak nam tinin dubuluwi a. ³ Agog Jesus siŋiren na diau dumul dugo, kukokan diganeg naon dufuteg dupeig dubol, “Per o, Juda sad kiŋ!” Iŋ ago dubol dugo iŋ naon dufuni se ya.

⁴ Ago gug Pailat fon naod na kuai te ilasag, ibol irupudai, “Ale, ŋai iŋsan saian ta lo muruan isini san ŋile man tia geig a. An niŋen o naom na kuai te ŋigane ilasa da.” ⁵ Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Ago Pailat ibol, “Ale, tamol en nek ebo ya!”

⁶ Ago gug pris gurman adi iŋ tempel san titianek adi da Jesus dileg duwagiŋ go dubol, “Aigim fo abali mok abali!”

Gug Pailat ru naon irupidai, “ŋai iŋ lo saian ta ŋile man tia geig a. Ago yak niŋen o aŋsem aŋane aup, aigim fo abali.”

⁷ Ago tag Juda adi igo dubol, “Maŋsama kubiaeŋ ta yen dan lo man, iŋ imat mok a. Man dugo, iŋ Anut Nanun mok ago ibol a.”

⁸ Pailat ru ago ilonŋ go, ilon tubun mi irer se ya. ⁹ Ago tag Pailat iŋ fon Jesus ida ab lo diladug isumiani, “Oŋ sauta mok a? Oŋse fu ubol pe ŋalonŋ.” Gug Jesus ru naon ta irupeŋ man tia ya. ¹⁰ Agog Pailat ibol, “Oŋ ata wo ŋai awag ta wabi na dak i? Ulonŋ, ŋai dabai ag da ya. ŋupaso wo ŋabol tap, ŋupaso wa. Tia, aigim fo ŋie bani ŋubali wo ŋabol tap, ŋubali wa. Oŋ ŋaisag fug ta ulonŋ na yak i?”

¹¹ Jesus ru naon igo ibol, “Anut dabai ipanog lo oŋ ka ŋai bilag ŋadu san. Tia dop, oŋ mel ta saian ak giniag san dabai ama tia ya. Fun amaiak niŋen o, tamol a ŋai oŋ tuo lo iginiag an, iŋsan aupasek oŋsa aupasek en iriŋani a.”

¹² Pailat ru an ago ilonŋ tag, irut irer saian geig go, Jesus ipasi wo dal an abaŋ yabi se ya. Gug Juda adi disasai duwagiŋ dugo dubol, “Oŋ tamol en pasip yau tap man, oŋ Kaisa turan tia geig a. Tamol ta iŋsen kiŋ ak ibol dan man, Kaisa naon dal ifou da.” ¹³ Pailat siseiŋ tubun mi ago ilonŋ tag, iladug, Jesus kuai te iganeg ilasa. Iŋ ru tulek tamol^g san badim fo imasi a. Aben an yaŋan Pat Aten dubol da, Hibru ru lo Gabata dubol da. ¹⁴ Gamu man tumanek tubun san anaŋ kubunek nal idu wo da.

Ad titiŋaem mi dugo Pailat Juda adi igo ibol irupidai, “Ale, aŋanem kiŋ nek ebo ya!”

¹⁵ Gug Juda adi igo dubol duwagiŋ, “Ganep ideg yau! Ganep ideg yau! Aigim fo bali!”

^g Jas

Ago tag Pailat isumianai, “Anj ñai ananem kiñ aigim fo ñibali wo abol di?”

Agog pris gurman adi ru naon igo dubol, “Mañ kiñ taida man tia geig a. Kaisa sen kisaek o lian mi a!” ¹⁶Pailat ru ago ilonj tag, Jesus aigim fo dubali wo ipidinai a.

Jesus aigim fo dubali a

Mat 27:32-44; Mak 15:21-32; Luk 23:26-43

¹⁷Agog Pailat san yu gurman adi Jesus dijaneg, iñsinanen aigim isinig, dida Jerusalem dibiseig diaug, aen ate tan biñaboñ ta, yañan “kabuñan kapen san aben” dubol dan ate dilasa. Hibru ru lo yañan Golgota dubol da. ¹⁸Aben ante Jesus aigim fo dubali a. Nal an lo tamol uraru an dam iñ Jesus ida sisem dubalai a. Uraru an giranjen ananaem dubalai idu dugo, Jesus iñ titiñae mi dubali a.

¹⁹Aria, Pailat ai lapan fo girek ta ago ibol igire, “Jesus Nasaret tamol, iñ Juda sad kiñ.” Girek an aigim gumuran fo dubali a. ²⁰Iñ Hibru, Latin, Grik ru lo igire ya. Aben a Jesus ate dubali an man Jerusalem giranjen na ya, an niñen o Juda wei mi girek an dusuti se ya. ²¹Man niñen o Juda sad pris gurmadi Pailat igo durupeï, “Oñ Juda sad kiñ ago ubol gire umoi. Tia, ‘tamol en iñsen ñai Juda sad kiñ ibol’ ago mi gire.” ²²Gug Pailat ru naon igo ibol, “Mel ñai ñigire yan ñai ñigire ya. Nek ago mi yen a.”

²³Yu tamol Jesus aigim fo dubali la gug, tinin fugo iñanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya, ²⁴an niñen o ago dubol, “Id en ta tisire na wa. Tia, en yen dop, id ate satu takok dop, ta iñ isiñani tap iñane wa.” Yu tamol kulob a digane yan gubak mi ru girek lo yen amaiak nuñon digane ilasa ya. Girek ago ibol,

“Iñ ñaisag kulos duwaeg disini gug,
kulos ta awan fidian man ate satu dukok a.”

An lo yu tamol adi ago digane ya.

²⁵Jesus tinan, iñanen tein, Maria Klopas iwon, Maria Magdala san pein, pein iwoiwo yan iñ Jesus san aigim fun na sumeik mi dutur a. ²⁶Aria, Jesus tinan ile, megeloum a iñ o imat dan tinan da sisem dutur dugo yil tag, tinan irupeï, “Nei, oñane nanuk ule!” ²⁷Agog fon megeloum an irupeï, “Ule, an oñane tina.” Ago tag nek nal antem megeloum an tinan Maria iñaneg ida sen nuab lo diaug, kaginan igane se ya.

Jesus imat a

Mat 27:45-56; Mak 15:33-41; Luk 23:44-49

²⁸Aria, Jesus iñsan urat fidian iganeg itout an ilonj go, Anut anen ru girek ta wagam yen an nuñon ilasa wo igo ibol, “Iñai you o ñamat da.” ²⁹You kapen ta wain gigen aman da yak lo yen a. Ago tag mel ta beig

san titalij ago yak dijaneg, wain gigen an lo disominig, ai ate dufoug, duwate isidag, Jesus awan lo diganeg, isupupi. ³⁰Ij an itunali gug igo ibol, “Itout a.” Ago ibol go gumuran imagor paon fo idu dugo njutun ibiseig ilasa ya.

³¹Nal a Jesus imat o man, soubul dukubune san melmel digane se ya. Sabat nal idu wo sumeik dan ij nal tubun mok a. Ago tag Juda adi tamol utol an susanudi aigim fo dien san dumoi. Man niĵen o diaug, Pailat igo dusumiani, “Oj ubol pe yu tamol aenta dinaip, njied dubalsisinip, ririan dumat dop, susanudi ka dupasai idu wa.” ³²Ij awok ibol tag, diaug, tamol uraru Jesus giranĵen na dubalai an mi njied dubalsisinig dumat a. ³³Ago gug Jesus dile yak man, ij imat la yan niĵen o dumoiĵ, njien ta dubalsisini na ya. ³⁴Gug yu tamol kisaek yu iĵaneg, yaug, isou isidag, Jesus giranĵen isowae dugo, you dar da sisem dudu kisaek oĵ a. ³⁵Talpein enti, iĵsan leil lo melmel e ilasa yen fidian niĵedi wo kuai te ibol ilasa yen, iĵsan ru an rumok geig a. Ij ru rumok mi iĵiĵeĵ da, ago dugo ij ru rumok ak mi iĵiĵeĵ dan iloĵ da. Ru e igire den, aĵ Jesus o ilom lo rumok san niĵen o igire da. ³⁶Mel e gamu ilasa den man wagam Anut girek lo ibol ak ago mi nuĵon igane ya. Ru an igo ya, “Iĵsan tatu ta kisaek dubalsini man tia ya.” ³⁷Agod ru taidam igo ya, “Tamol a yu nam disowae an leil dupani wa.”

Jesus san sisanun pat gubaran lo digane a
Mat 27:57-61; Mak 15:42-47; Luk 23:50-56

³⁸Gurai idu dugo Josef, Arimatea panu san tamol an Pailat san na yaug, Jesus san sisanun iĵane wo isumiani. Josef dam ij Jesus ilon lo rumok a. Ak man Juda niĵedi wo irer an niĵen o ilon lo mi imianuk oĵ itor se ya. Pailat awok ibol tag, Josef imul yaug sisanun an iĵane ya. ³⁹Nikodemus, ij wagam tidom ta lo Jesus san na yau amaiak, gamu gureĵ mumalun uyanan ak isinig ipalu ya. An san muruan kitek 30 kilogrem igo woĵ a. ⁴⁰Juda sad kagin lo Jesus tinin gureĵ nam diamisig, yamel dam gureĵ diabig, ate sisanun dubuluwig, dufoug, disare wo disini diau a. ⁴¹Aben a Jesus aigim fo dubali an, giranĵen na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya. ⁴²Nal an Juda adi sad tumanek tubun ak melmel dukubune san nal sumeik a. An niĵen o tamol uraru an Jesus sisanun aben ante digane ya, man dugo, mutou an sumeikan yen a.

Jesus fon kumaen imasa da ya
Mat 28:1-8; Mak 16:1-8; Luk 24:1-12

20 ¹Sabat nal^h itout go urat nal malan te an loⁱ Maria, Magdala pein an abaĵ mikinik anda mutou fun na yau. Ij yaug pat gib awan

^h Sarere ⁱ Sande

ate dubalfutani an, itubuluk gigin na yaug yen dugo ile ya. ²Ago tag ij imaspalug, megeloum uraru, ta Saimon Pita, ta a Jesus niŋen o imat an, sad na yaug irupudai, “Idsad Tubun en diŋaneg diau a. Dugon te digane man maŋ ta malon na ya, mutou an kawan yen da.”

³Ago tag Pita ij megeloum an da aben an dubuseig, dumaspalug, mutou fun na diau a. ⁴Uraru an sisem dumaspalug, diau ak gug, megeloum an ij Pita naon yabi iriŋanig, ij inug mutou fun na ilasag, ⁵gib lo iyep ak man yamel kilaken linen nam diwei an mi yen dugo ile ya. Gug ij mutou ilon lo ta iladu na ya. ⁶Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya. ⁷Ago dugo yamel milaen ate kabuŋan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya. ⁸Agog megeloum a imug yaug ilasa yan, ij dam pat gubaran ilon lo iladug, abaŋ nek ago mi ileg, ilon lo rumok a. ⁹Nal an lo man iŋsinan megeloum Jesus materj lo imasa san ru Anut san buk lo yen an gamugo dulon a.

Jesus Maria Magdala pein an naon na ilasa ya

Mat 28:9-10; Mak 16:9-11

¹⁰Agog megeloum uraru an dumul go aben dumado dan ante diau a. ¹¹Maria fon imul go mutou awan te itatad itur gug, itakoksig gib lo iyep go, ¹²eŋel uraru kulos milkouk geig ak amad da sisanun yen ak aben na dumado dugo yil. Neinta ŋien na imado dugo, neinta gumuran na imado dugo ile.

¹³Uraru en Maria durupej, “Nei, oŋ ata wo tata di?”

Ij irupidaig ibol, “Ŋaisag Tubun en digam go dugon te digane yak man ŋai ta ŋaloŋ na ya.” ¹⁴Ij ago ibol go idaŋsa man, Jesus itur dugo ile. Gug ij Jesus sen itur dan ta ilon na ya.

¹⁵Jesus irupej, “Nei, oŋ ata wo tata di? Enti abaŋan wabi di?”

Maria ilon lo tamol en sasau an san titianek tamol ta ibol go isumiani, “Tubun en, oŋ ŋaneg dugon te sini wau an, rupaiag pe, ŋaup ŋiŋane wa.”

¹⁶Jesus awan yabig ibol, “Maria.”

Maria idaŋsag, Hibru ru lo iwagiŋ go ibol, “Rabboni!” (Ru an fun man: girek maŋau.)

¹⁷Maria Jesus yabi wo igane dugo ij imoig ibol, “Oŋ ŋai biag umoi, man dugo, ŋai Bai san na gamugo ŋau da. Ak man oŋ waup, teig taog ŋai ago ŋabol ak ubol rupudai, ‘Ŋai lak na Bai san na ŋamul ŋau o da. Ŋaineg Tamag en aŋsam Tamami, ŋaineg Anut en, aŋ dam sam Anut, amaiak san na ŋamul ŋau o da.’ ”

¹⁸Man niŋen o Maria Magdala pein an yaug, megeloum irupudai, “Tubun en ŋile la ya!” Agog Jesus san awan aban an dam irupudaig dulon a.

Jesus megeloum naod na ilasa ya

Mat 28:16-20; Mak 16:14-18; Luk 24:36-49

¹⁹Nal nek a ubou guraian megeloum inj Juda nijedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus luluḡad lo ilasag, itur dugo igo ibol irupudai, “Aḡ maror am da amado wa.” ²⁰Inj ago ibol dugo, banin giranḡen dam ikubiai pidina i a. Agog megeloum inḡaned Tubun en dile yak niḡen o uyasusai tubun mi digane ya.

²¹Jesus fon irupudai, “Aḡ maror am da amado! Bai ḡai idinag go tan na ḡupalu ya, nek ago mi ḡai aḡ ḡidiranḡ pe, urat lo au a.” ²²Inj ago ibol dugo, ur iwi pidinaig, igo ibol, “Injai Urgun ḡupanaḡ da. ²³Aḡ tamolpein inḡaned aupasek apare idu dop man, Anut dam aupasek an ipare idu wa. Ak gug aḡ inḡaned aupasek ta apare idu na dop man, Anut dam ta ipare idu na wa.”

Tomas Jesus ile ya

²⁴Aria, nal a Jesus megeloum sad na ipalu yan Tomas, inj yaḡan neinta Didimas, inj dida ta dumado na ya. ²⁵Murna gug Tomas ipalu dugo megeloum aenta durupei, “Maḡ Tubun en mile la ya.” Gug Tomas igo ibol irupudai, “Injai ilog lo ta rumok na ya. Injaiseḡ banin bitaten ḡilep, banig yaup, giranḡen dam yu aben ḡusuep ḡile gup man, ḡai ilog lo rumok a.”

²⁶Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, luluḡad lo itur go ibol, “Aḡ maror am da amado wa.” ²⁷Agog inj Tomas irupei, “Onḡane bani wate ipalup, banig aten wabi ule. Ago dop bani wate ipalup giranḡeg dam suep ule. Onḡ ilo uraru mado umoi. Ilo kisaek ḡai o mi ilo lo rumok a.”

²⁸Ago man Tomas ru naon igo ibol, “Onḡ ḡaineg Tubun en, ḡaineg Anut mok a!”

²⁹Agog Jesus irupei, “Onḡ ḡai liag an niḡen o ilo lo rumok a. Gug ta inj ḡai ta diliag na gug, ḡai o ilod lo rumok an, bar inḡaneg imado da.”

Girek en san fun

³⁰Jesus inj kulob girager aenta wei mi megeloum naod na igane idu se yan, girek en lo ta yen na da. ³¹Ago gug girek e yen la yen aḡ ale dop, an lo Jesus inj Kristus, Anut Nanun, an mi aḡ ilom lo rumok o ḡigire ya. Agop aḡ inj o ilom rumok an lo, inj yaḡan lo kumaen pempem yen san aḡane wa.

Jesus megeloum 7 naod na ilasa ya

21 ¹Kitek murnag Jesus fon inḡanen megeloum adi aenta naod na kuai isi dugo dile ya. Mel an igo ilasa ya. ²Jesus san megeloum

aenta, sed naod na Galili distrik lo dumul diau a. Inj yaŋjadi en: Saimon Pita, Tomas, yaŋjan neinta Didimas, Nataniel inj distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san loŋ ante dumado ya. ³Loŋ na dumado dugo Pita irupidai, “Injai iy o ŋau wo da.” Ago tag aenta durupei, “Id sisem tau a.” Inj diaug, wog lo dusuda gug, tidom an lo iy ta kisaek diŋane man tia geig a.

⁴Salso idug ad isida wo itor dugo, megeloum adi wog lo urat digane se yan, tamol ta loŋ na itur dugo dile. Ago gug tamol an Jesus boi, an ta ilod isou na ya.

⁵Agog Jesus igiai, “O turag muroug, aŋ iy amam da i?”

Inj awan diabig dubol, “Maŋ iy tia ya.”

⁶Inj fon igiaig ibol, “Aŋ iy dob an wog giranen won ak lo abili idup, iy aŋane wa.” Ago tag inj ibol ak atem ago digane ya. Agog dob an iy awan isag, muruan kasik, diraep isuda san tia ya.

⁷Agog megeloum kisaek a Jesus niŋen o imat dan, inj Pita irupei, “An idsad Tubun ak inŋsen.” Ago dugo Pita ru a “idsad Tubun ak” ago ilon tag, urat kulos igali idug yen an fon kulos uyan ak idirig, you lo isokalik idug, Jesus san na yau. ⁸Gug megeloum aenta inj wog lo dumado yan dufulanig, dob iy aman da yan diraeg loŋ na dupalu se ya. Inj loŋ na asau mi dumado man tia ya, tia, inj kitek 100 mita igo ya. ⁹Inj dupalug, loŋ na dusuda man, inj iy anaŋ bret da yai fo dien dugo dil a.

¹⁰Agog Jesus irupudaig ibol, “Iy gamu aŋane yen ta igo asini apalu.”

¹¹Ago tag Saimon Pita wog lo isudag, iy dob iraeŋ ibili loŋ na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya. ¹²Agog Jesus irupudai, “Apalup anaŋ ani.” Megeloum ta “oŋ enti?” ago ibol isumiani wak man niŋen o direr a. Man dugo, inj fidian tamol an Jesus inŋsen an duloŋ uyan a. ¹³Agog Jesus ipalug, anaŋ bret inaneŋ, iwaeg ipidinai dugo iy dam ago mi igane ya.

¹⁴Aria, Jesus mutou lo imasag inanen megeloum dile man saen uraru ya, ago mi gamu en saen taidam fon loŋ na dile ya.

Jesus san sipsip Pita ifutuwai o ibol a

¹⁵Dunuai itout gug Jesus Saimon Pita irupei, “Saimon, Jon nanun, oŋ ŋai niŋeg o umat den, melmel aenta e niŋedi wo umat den iriŋanai geig i?”

Agog Pita ibol, “Tubun en, oŋ uloŋ ak, ŋai oŋ o ŋamat mok a.”

Agog Jesus ibol, “Oŋ ŋaineŋ sipsip nanudi futuwai panag.”

¹⁶Agog Jesus fon ibol, “Saimon, Jon nanun, oŋ ŋai niŋeg o umat mok di?”

Pita ibol, “Tubun en, oŋ uloŋ ak, ŋai oŋ o ŋamat da.”

Agog Jesus fon ibol, “Oŋ ŋaineŋ sipsip kaginad gane.”

¹⁷Agog Jesus fon irupeig ibol, “Saimon, Jon nanun, oŋ ŋai niŋeg o umat di?”

Pita Jesus isumiani utol ak ninjen o ilon tubun mi muruan go igo irupe, “Tubun en, oŋ mel fidian ulonŋ pasi a, an lo oŋ ulonŋ uyan ak, ŋai oŋ o ŋamat da.”

Agog Jesus irupe, “Oŋ ŋaineg sipsip futuwai. ¹⁸Ŋai ru rumok ŋurupaio da. Imug oŋ utor na man, let oŋse lua te fou ya. Agog dugon te wau o ilo ibol an ante mi wau da. Ak man murnap oŋ tamol saiak gane gup, bani wate dop, tamol sen ak ta oŋ lua te let ifou panop, aben oŋ ate wau o ilo imoi an, ante diŋilio wau a.” ¹⁹Jesus ru a Pita irupe an man, murnap Pita dal dugo woŋ lo imat pe Anut yaŋan yabisa san, ikubiai pani amaiak ninjen o ibol a. Ru ibol itout go fon irupe, “Oŋ palup, ŋieg aban uri wa!”

²⁰Agog Pita idaŋsag, megeloum a Jesus ninjen o imat dan, patun fo ipalu dugo ile. Megeloum nek emaiak gubak mi Pasova tumanek san anaŋ diani san nal lo, Jesus ida sisem dunuai dan, iŋ Jesus titiren fo isapek go isumianig ibol, “Tubun en, enti mok oŋ ager banid lo ibilo lasa wak i?” ²¹Pita ile dugo Jesus irupe, “Tubun en, tamol en ninjen o dugudo wak i?”

²²Jesus awan yabig irupe, “Isop iŋ imado yaup saen ŋai fon ŋupalu wak ago ilog yen tap, an oŋsa mel ak i? Oŋ masap ŋai ganurag a!” ²³Ago tag ru an ifurak go megeloum fidian lo yaug, dulonŋ gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. Iŋ nek igo ibol, “Isop iŋ imado yaup saen ŋai fon ŋupalu wak ago ilog yen tap, an oŋsa mel ak i?”

²⁴Megeloum nek emaiak mel an fidian ile ilonŋ go, gamu ru en igire da. Agod id talonŋ uyan ak ru e igireg ifulale yen ru rumok a.

Ru wadan

²⁵Aria, Jesus kulob aenta wei mi igane idu ya, ago gug fidian girek en lo tia ya. Man dugo, ŋaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

Aposel

Jesus Urgun igane ipalu wo ibol a

1 ¹O Tiofilas, ñaisag buk malmalan ñigire man, memel fidian Jesus fun igane dugo tamolpein ipiterjanai na yan niñen o ñigireg yaug, ²saen ibisawamag Anut giranjen na yau an san ñiñeñ itout a. Gamugo imat dugo Urgun san dabai lo aposel ipilianai an ru kagin irupidaig duloñ a. ³Agog inñsen materj lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo inñ kumaen imado amaiak dal wei mi lo kuai te ikubiai dile ya, an lo inñ ilod lo rumok a. Ago dugo Anut san kagin panek^a niñen o dam irupidaig duloñ a. ⁴Nal ta inñ inñanen megeloum dida dutumanig anañ diani dugo, ru kagin en irupidai, “Jerusalem ta abisei na wa, tia, lou panek a ñaineg Bai añ añane wan inñsan promis ipanañ an ilasa wo malam agane gup añane wa. Añ gubak mi ru promis an niñen o ñai ñabol ilasa se yan aloñ la ya. ⁵Jon you nam fulanek ipidinai se ya. Gug nal wei tia dop, añ Awan Urgun nam fulanek añane wa. Agop Urgun san dabai añ da wa.”

Anut Jesus inñaneg, lak na yau a

Mak 16:19-20; Luk 24:50-53

⁶Nal ta saen inñ Jesus dida dutumani man, aposel adi dusumianig dubol, “Tubun en, dugo, oñ gamu en mañ Isrel tamolpein fon tumanama wak i? Ago dop mañsiganema kiñ kagin ipanama wak boi, nek ibol wagam Dawid san saen lo igane yak igo woñ a.”

⁷Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai inñsen ilon nam igansi la ya, ak gug añsem mel an san saen aloñ san niñen o ilon ta yen na da. ⁸Gug saen Urgun añ tinim fo idu dan, añ dabai añane dop Jerusalem, Judea, Sameria na, agod tan titin wadan fidian lo dam añanem mañau ñai niñeg o an tamolpein naod na abol ilasa wa.”

⁹Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

^a Kingdom

¹⁰ Jesus ibisawai dugo malad ti ibol go isudag keit lo abanj dile man, tamol uraru biouŋ milkouk didiri ak dilasa kisaek oŋ go, giraned na dutur dugo dil a. ¹¹ Agog dubol, “Aŋ Galili tamol, ata wo ente atur dugo malam keit lo isida dak i? Aŋ Jesus ibisawaŋ go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

Mataias Judas aben iŋane wo dupiliani a

¹² Agog aposel adi Did Oliv dibiseig, dumul Jerusalem na diau. Dal an kilomita kisaek igo woŋ. ¹³ Jerusalem na dilasag, ab a lo dumado dan san galuŋ ta lak na yak lo disida ya. Tamol saen an lo ante dumado se yak yaŋadi:

Pita, Jon, Jems iŋ Andru da, Filip iŋ Tomas da, Bartolomiu iŋ Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun. ¹⁴ Tamol an pempem dugudani wo dutumani se ya. Jesus tinan Maria, iŋ pein aenkadi, agod Jesus tein muroun dam dida dutumani a.

¹⁵ Nal ta saen an lo ilo rumok adi dutumanig, nuŋod 120 igo woŋ dugo, Pita imasag ¹⁶ ibol, “Teig muroug, ru en aloŋ, wagam Urgun Dawid awan lo Judas niŋen o ibol ak nuŋon ilasa ya. Judas Jesus san ager iŋal go, dal ikubiai dileg dida diaug Jesus diabi a. ¹⁷ Judas dam iŋ aposel urat igane wo Jesus ipiliani a, iŋ dam nek id igo mi a.”

¹⁸ (Iŋsiganen sewak naon moni dupani an nam tan kilaken ta idad iŋane ya. Atna yau idug, luan ipuk go tiŋaen igulani idu ya. ¹⁹ Agog ru en Jerusalem ilon lo tamolpein fidian duloŋ tag, iŋ tan an muroud ru lo Akeldama dubol da. Yaŋak an fun: dar san tan.)

²⁰ “Isrel sad bar san buk lo ru igo digireg yen da,
‘Iŋsan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben iŋanep, iŋsan urat awan igane wa.’

²¹ “Ago yak niŋen o tamol ta tipilianip Judas aben iŋane wa. Tamol a saen fidian id Jesus da tator dugo iŋ dam dida tator na yan mi titarpasaip luluŋad lo tamol kisaek tipiliani wa. ²² Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

²³ Agog tamolpein a dutumanig dumado dan iŋ tamol uraru yaŋad dupate ya. Ta Josef, tamol an Barsabas dubol da. Ago dugo yaŋan neinta Jastas. Agod ta man yaŋan Mataias. ²⁴⁻²⁵ Uraru an niŋedi wo gadiŋ lo Jesus igo dusumiani, “Tubun en, oŋ tamolpein fidian ilod uloŋ. Ago yak

niĵen o tamol uraru en dugon Judas aben iĵanep aposel urat igane wo pilianip kubiai panama. Man dugo, Judas aben a iĵsan mok an lo yau wo iĵsan aposel urat ibisei a, agog gamu iĵsan urat an awan kawan yen da.”²⁶ Dugudani itout, agog pat kittitik fo Mataias Josef da yaĵadi digire ya. Pat an disinig gab lo didiri. Ago gug gab an dukudumsig, pat fo Mataias yaĵan yen an inug idu ya. Ago tag Mataias aposel 11 an luad te diganeg, dida urat digane ya.

Urgun idu ya

2¹ Pentikos nal idu, agog ilo rumok adi fidian dupalug, kisaek mi dutumanig dumado dugo, ² liliĵan ta nek ibol tim tubun geig ifure dak igo woĵ ab lo dumado dan ilon lo isaldug ilon igane itau. ³ Agog mel ta yai balen wei mi igo woĵ dufurak diaug tamol a dumado yan gurmada fo ided ided yau dugo dile ya. ⁴ Tamolpein fidian Urgun ilod iĵanefuteg an lo Urgun dabai ipidinai an fom iĵ anen anen tamolpein sen ak sad muroud ru funfun lo diĵiĵeĵ se ya.

⁵ Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anaĵ diani wo Jerusalem na diaug dilasag dumado se ya. ⁶ Saen liliĵan an duloĵ man, Juda tamolpein wei mi dususag dutumani a. Fidian dupalu yan anen anen iĵsiganed muroud ru lo aposel adi diĵiĵeĵ dugo duloĵ se ya, ago man iĵ fidian durut saian geig a. ⁷⁻⁸ Ago dugo dumasa saian go sed nug dusumiani, “Tamol diĵiĵeĵ dan fidian Galili tamol ak gug, en dugo woĵ dugo id fidian idsad muroud ru anen anen taloĵ dak i? ⁹⁻¹¹ Id fidian tan asau ak sensen lo tupalu ya. Gug Anut mel tutubun igane yak id anen anen idsiganed muroud ru lo dubol dugo taloĵ da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giraĵen na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen taloĵ da.” ¹² Iĵ fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

¹³ Gug aenkadi aposel adi kukok ad diganeg dubol, “Tamol en nag wain tubun mi duluk boi.”

Pita tamolpein malan tubun ak ru irupidai a

¹⁴ Ago dugo Pita aposel 11 dida dumado yak imasag, awan tubun mi awad yabig ibol, “Aĵ Juda tamolpein, agod aĵ fidian Jerusalem na amado dan, kudom agure uyanan pe, mel en fun ĵufulale dop aloĵ a. ¹⁵ Tamol emaiak wain duluk abol den ta duluk na ya. Tia, gamu man 9 klok tidom

lo mi a. ¹⁶Ak niŋen o kankan agane. Abaŋ e ale den wagam profet Joel igo ibol:

¹⁷“Anut ibol, ‘Saen wadan ipalu wo sumeik dop,
ŋai ŋaineŋ Urgun tamolpein fidian sad tinid fo ŋuwali idup diŋane
wa.

Nanuk tamol ak, iŋ nanuk pein ak dam profet ru dubol ilasa wa.

Aŋanem pinein foudi ak malad ŋutun dile wa.

Aŋanem tamol busumadi ak ŋioŋ lo ŋioŋamin diŋane wa.

¹⁸Saen an lo dop ŋaisag urat pein, urat tamol dam, tinid fo
ŋaineŋ Ur ŋuwali idup diŋane wa.

An lo dop iŋ dam profet ru dubol ilasa wa.

¹⁹ŋai keit lo kulob girager naon sensen ŋigane wan ŋukubiai ale wa.

Ago dop tan na dam kulob tutubun sensen ak kob igo woŋ ŋigane
dop ale wa.

An man dar, yai, agod yaikas malan bilkas nuŋon ak ilasa wa.

²⁰Ad iŋsan naon ibilisap tidom oŋ ilasa dop,

kalam dam malan ibilisap, daran pe dar oŋ ilasa dugup,

Tubun en san nal tubun ak girager anda idu wa.

²¹Ago dop tamolpein ensauta a gadiŋ lo Tubun en ibinawai o duwagiŋ
dan,

iŋ tamolpein an fidian patud ipasi wa.’

²²“O Isrel tamolpein, kudom agure! Anut aŋ naom na ikubiaig ale yak,
iŋ Nasaret tamol Jesus an uyan ipani a. An dugo woŋ i? Anut sen kulob
girager agod urat dababai funfun kob igo woŋ tamol an lo idiri dugo ale
na ya. Melmel an aŋ luluŋam lo tamol an tuon lo dilasa dugo aŋ an fidian
aloŋ a. ²³Wagam mok Anut ilonŋ uyanan ak, Jesus aŋ banim lo yau a.

Aŋsem tamol saiadi ak dida atumanaig aŋ iŋsad binawek da Jesus aigim
fo abali a. An aŋ mitep ago agane wo yan Anut wagam mi ilonŋ uyanan a,
man dugo, iŋ ilon nek ago yen a. ²⁴Gug materŋ Jesus yabituani san tia tag
Anut iŋ ifufunig, fon kumaen imasag materŋ san madai tuon lo ipasi a.

²⁵Wagam mi Dawid sen dam Jesus niŋen o igo ibol,

‘Tubun ak pempem mi ŋai naog na itur da, an ŋai ŋile da.

Iŋ ŋai siŋireg na imado dugo dabai ipanag dan lo,

tamolpein ŋai dimiriranag san tia ya.

²⁶Ak niŋen o ŋai ilog tubun mi uyan dugo ŋai awag, ru ilo uyan san
ibol ilasa da.

ŋai tinig dam oŋ binawag an mala nouk lo mi ititiano imado da.

²⁷Man dugo, oŋ ŋaisag ŋutug Ades lo biseip ante ta yen na wa.

Oŋ oŋane Tamol Gun ak ulefuni dop ta igan na wa.

²⁸Oŋ ŋai kumaen san dal kubiai panag a.

Oŋ ŋai da tumado wak lo ŋai uyasusai dam panag pe tinig
iŋanefute wa.’ ”

²⁹“O teig muroug, aŋ aloŋ ak ru e ŋurupaiaŋ den ru rumok, id tubud baged Dawid imat go disare ya. Agod iŋsan mutou yen dan pempem tile da. ³⁰Gug Dawid man profet ta. An niŋen o iŋ ilon ak, Anut ru lak na geig nam promis ipani an lo, mitep iŋsan malan kubulan ta kiŋ iganep, iŋsan aben iŋane wa. ³¹Anut mitep dugo igane wan Dawid ilon tag, Kristus mitep fon kumaen imasa wak niŋen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya. ³²Anut Tubun ak Jesus nek amaiak materŋ lo ifufunig, kumaen imasa da ya. Agod mel an maŋ fidian sema malama lo mile ya. ³³Anut Jesus iŋaneg yaŋan tubun geig anda giranjen won ak lo imado da. Anut gubak mi iŋanen Awan Urgun Jesus ipani wo promis ru ipani a. Aria, gamu promis an nuŋon ilasag Urgun iŋane ya. Ago dugo Jesus sen Urgun an maŋ tinima fo iwali idu ya, ago dugo aŋ mel en ale dugo kududom ilon a. ³⁴Aŋ aloŋ ak Dawid iŋsen kumaen panu na ta isuda na ya. Ago bo man iŋ igo ibol,

“Tubud ŋaisag Tubun en irupei:

giranjen won ak lo masip, mado dugup,

³⁵ oŋsa ager adi oŋ ŋie paen na ŋidirai a.”

³⁶“Ago yak niŋen o tamolpein fidian Isrel ilon lo yak kuai tem ŋurupaiaŋ da, ru rumok e ŋurupaiaŋ den aŋ ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig iŋ Kristus agod Tubun ak dam igane ilasa ya.”

³⁷Saen tamolpein ago dulon dugo, ru an bused isue saian geig a, ago tag Pita aposel aenkadi dida dusumianaig dubol, “O teim taoma, maŋ dugo mok migane wak i?”

³⁸Agog Pita awad yabig ibol, “Fidian aŋanem aupasek anen anen patum apanip, apalup Jesus Kristus yaŋan lo suguek aŋane wa. Ago tap Anut aŋanem aupasek fidian ipare idup Awan Urgun ipanaŋ a. Urgun man iŋsan lou panek, an kawan naon an tia aŋane wa. ³⁹Promis e Urgun niŋen o yan man aŋsami, aŋanem malam kubulam sadi, agod tamolpein asau asau fidian iŋsad dam mi a. Awo, tamolpein a fidian idsad Tubud Anut igiai an promis an san nuŋon diŋane wa.”

⁴⁰Pita ru tubun mok ibol go ru kagin wei mi irupidai se ya. Iŋ ilod dibilisa wo dabai geig iganeg ibol, “Aŋ sem patum apasi. Kabelan tamol saiadi Jesus dufuni ak sad naon panek ipalu dan aŋ dam aŋane banau.”

⁴¹Agog tamolpein wei mi Pita san ru ilod lo rumok go suguek diŋane se ya. Nal an lo tamolpein 3 tausen igo woŋ ilo rumok adi luad disa ya.

Kris sad naok naok

⁴²Kris foudi an aposel adi sad ru dulon o diau se ya. Jesus ilod isou san niŋen o kisaek mi dutumanig, dumado dugo, anaŋ dam kisaek mi diani dop dugudani se ya. ⁴³Aposel adi Anut san dabai lo kulob girager funfun

digane se ya. Ago dugo tamolpein fidian durut saian geig a. ⁴⁴Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya. ⁴⁵Aenta ijaned tan kilaken, melmel aenta dam didaen lo didirig, san moni dijaneg, tamolpein melmel lo katuk adi an dipidinaig sed ibinawai a. ⁴⁶Inj fidian ilod kisaek mi nal fidian gudanek digane wo tempel lo dutumani se ya. Insignaned ab ate tet mi dutumanig yousai lo agod ilod kisaek lo dam anaŋ diani se ya. ⁴⁷Anut yaŋan diabisa dugo tamolpein ilo rumok adi sad kagin dileg yaŋad diabisa se ya. Agog Tubun en nal pempem tamolpein a patu pasek ipidinaŋ dan ilo rumok adi luad te idirai se ya.

Pita tamol ŋien itubabun ak ikubune ya

3 ¹Nal ta Pita Jon da 3 klok guraian gudanek san saen niŋen o tempel lo diau a. ²Tempel sumeik dupani dugo tamol ta tinan tiŋaen lo mi ŋien saian ak disini diaug, tempel dalawan yaŋan “Dalawan Siŋaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da. ³Tamol an Pita inŋ Jon da diladu wo dugo yil tag moni ta amad da tap dupani wo igudanai a. ⁴Ago tag urarum malad ti ibol go dile dugo Pita irupeŋ, “Mala ipalup, liama!” ⁵Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

⁶Agog Pita ibol, “Ŋai pat silva gol da amag tia ya. Gug mel a ŋai amag da yan gamu ŋupano wa. Jesus Kristus Nasaret tamol an yaŋan lo masap wau.”

⁷Agog Pita tamol an banin won ak lo yabig, imasa itur o ibinawi a. Saen inŋ ago igane yan tamol an ŋien aten, ŋien ŋudun an fidian dabai kisaek oŋ a. ⁸Agog tamol an isokalik go, fun iganeg itor ila iso se ya. Agog itor dugo isokalik oŋ go, Anut yaŋan yabisag Pita Jon da dida tempel ilon lo diladu ya.

⁹Agog tamolpein fidian tempel lo dumado yan inŋ itor dugo Anut yaŋan yabisa dugo dile ya. ¹⁰Inŋ dile duloŋ ak, tamol an imug tempel san dalawan siŋaokan ante imado na yan nek ama ya. Inŋ itor uyanan an niŋen o dirut saian a.

Pita tempel lo tamolpein ru irupidaŋ a

¹¹Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan niŋen o dumasa saian go inŋsad na dumaspalug diau a. ¹²Saen Pita ago yil tag irupidaig ibol, “O Isrel tamol adi, aŋ ata wo kulob en aleg amasa saian i? Ata wo ago aliama dak i? Nag aŋ ilom lo maŋsiganema dabai lo, tia, maŋsiganema Anut kagin lo tamol en ŋien mukubune abol dak i? ¹³Tia, Abraham, Aisak, Jakob inŋsad Anut, id baged muroud sad

Anut, ijanen urat tamol Jesus yanjak tubun geig ak ipani a. Gug an tamol an gurman adi banid lo dufuni imat o agane ya. Pailat ipasi wo ibol gug an amoig Pailat naon na patum apani a. ¹⁴In bo tamol gun agod itaot ak gug an in amoi a. An tamol ta talpein ifuni imat ak Pailat ipasip ipana an asumiani a. ¹⁵An tamol a id kumaed tumado san fun amaiak afunig imat a. Ak gug Anut mater an lo ifufunig, afon kumaen imasa da ya. Agog kulob an man malama nam mile ya. ¹⁶Ilo rumok Jesus yanjan lo yan mi tamol e alon uyanan dugo leil apani den njen dabai ilasa ya. Jesus yanjan lo, agod ilo rumok a in id ilod lo igane ilasa dan lo dam, kubunek en ijane ya, ago dugo njen gamu dabai pasik an an fidian ale a.”

¹⁷“O teig muroug naj nalon ak, kulob a an ansam gurman adi dida Jesus lo agane yan, an fidian anaon an lo ago agane ya. ¹⁸Anut profet adi awad lo wagam ibol, ijanen Kristus muruan isini wo ibol. Ak njen o dal an lo ijanen ru ibol ak nunon ilasa ya. ¹⁹Ago yak njen o ananem kagin saiak saiak patum apanip, ilom ibileksap, Anut naom apani. Ago tap ananem aupasek fidian ipare idu wa, an lo dop ilo maror agod yaes bilabal san saen Tubun en iganep an o ilasa wa. ²⁰An mi tia ya, Anut Kristus e an o ipiliani en idinip ipalu wa, nek Jesus ema ya. ²¹In kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok ijanen profet gun adi awad lo ibol a. ²²Man dugo, Moses igo ibol, ‘Anut ananem Tubun en, nek naj idinag go nupalu yak ago mi profet ta ansiganem dar lo yak igane ilasap idinip ipalu wa. Ru fidian irupaian dan kagin apani wa. ²³Talpein ta in profet an awan ilon o imoi dan, Anut talpein an insan tamolpein lo ikudip pitininek saian geig ak ipani wa.’

²⁴“Rumok, Samuel sen dam agod profet aenkadi njen aban duri an fidian ru gamu saen en san dubol ilasa na ya. ²⁵An man profet adi an sad malad kubuladi, an lo promis a Anut profet an sad awad lo ibol an, agod kontrak a ananem tubum bagem ipidinai an san nunon dam ananemi a. Anut ru en wagam Abraham irupeig ibol, ‘Onane mala kubulan lo tan en san tamolpein fidian bar dinane wa.’ ²⁶Saen Anut ijanen urat tamol tan en lo igane ilasa man, imug mi ansam na igane ipalu ya. In bar ipana an o ipalu ya, ago dugo bar an igo ya, in idiran pe an anen anen sem adansap ananem kagin saiak saiak patum apani wa.”

Pita in Jon da Kaunsil naod na dutur a

4 ¹Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya. ²In tijaed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulon se ya. In manau ago dupitejanai dan lo tamolpein dulon ak, Jesus lo tamol dumat dak, fon ka dumasa wa. ³Ago

tag duburou gug abanj tidom idu la yak niŋen o subanek ab lo didirai a. Inj ilod lo man aposel adi ante dien pe tidom lom mi gup kot dupidina i. ⁴Gug tamolpein a inŋsad ru duloŋ an luluŋad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo woŋ a.

⁵Tidomig Juda sad tirnek tamol adi, matu gurman adi, agod kubiaen san girek maŋau adi dam Jerusalem na dutumani a. ⁶Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a. ⁷Agog aposel adi digiaig dupalug, naod na dutur dugug dusumianai, “Anj dabai dugomaiak lo, tia, yaŋak dugomaiak lo anjaneg, tamol en akubuneg uyan ak i?”

⁸Ago dugo Urgun Pita ilon injanefuteg awad yabi, ⁹“Anj gurman, anj ilo muŋanek san kulob ta lo tamol nien itubabun ak uyan ilasa yan niŋen sumiaek lo adirama tap, agod en dugo woŋ dugo kubunek injane yan dam maŋ asumianama tap, ¹⁰aria, ru en aloŋ uyanan. Kulob en Nasaret tamol Jesus Kristus injanen yaŋan san dabai lo ilasa ya. Tamol amaiak anj aigim fo abalig afuni imat ak gug, Anut mateŋ lo ifufunig fon kumaen imasa da ya. Inj lo mi tamol e anj naom na itur den kubunek injane dugo kulob an san nuŋon ale ya. ¹¹Jesus nek amaiak niŋen o Anut ru igo ibol,

‘Pat nek a ab bek tamol adi dumoi dan,
nek amaiak ab tinin fidian yabi sakar da.’

¹²Inj mi lo patu pasek ale wa. Man dugo, tan en fidian lo man Anut yaŋak sen ak ta lo id tamolpein fidian patu pasek ka tiŋane wan ta ipanad na ya, tia, nek Jesus yaŋan lo mi a.”

¹³Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, inj skul ta digane na ya. An ago dile man durut saian geig a. Agog an kankan ipidina i ak, tamol uraru an gubak mi Jesus da dumado dutor an dile duloŋ a. ¹⁴Ak man ru ta dubol san tia ya. Man dugo, Pita Jon da tamol dukubune yan siŋired na mi itur dugo leil dupani da. ¹⁵Ago tag kaunsil adi tamol utol an didinaig, tumanek aben dubiseig patun fo dilasa gug inŋsed mi pasak nam diŋiŋeŋ se ya. ¹⁶Inŋsed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen duloŋ la ya. Id tatot san tia ya. ¹⁷Id mel en tabituani wa, kabelan ru en yaup tubun banau. Ago yak niŋen o tamol uraru en kudod tabi uyanan a. Inj afon talpein ta naon na Jesus yaŋan ta dupate na wak niŋen o ru kagin turupidai a.”

¹⁸Agog Pita Jon da digiaig, diladug ru dabai nam durupidai, “Anj afon Jesus yaŋan lo tamolpein ru ta arupidai na wak, agod yaŋan an lo dam maŋau ta mok apitejanai na wa.”

¹⁹Gug Pita Jon da awad diabig dubol, “Ansem mi mel en abitinaep ale wa. Dugon Anut malan lo uyan ak i? Dugo, anjanem awam kagin mupani

wak i? Tia, Anut awan kagin mupani wak i? ²⁰Man dugo, maŋ mel sema malama lo mile yak kudoma lo malon ak niŋen o awama itau san tia ya.”

²¹⁻²²Tamol niŋen imat gug Pita Jon da dukubune yan iŋsan anaŋar 40 iriŋani tag tamolpein fidian melmel ilasa yan niŋen Anut yaŋan diabisa se ya. An lo Juda sad kaunsil dal ta dilep lo bu dupidinaŋ san tia ya. Ago tag ru kagin dabai geig mi dupidinaig, dubusawaig diau a.

Ilo rumok adi dabai diŋane wo dugudani a

²³Saen dubusawaig dilasa yan Pita Jon da dumul turad muroud sad na diau a. Agog pris gurman, iŋ gurman aenta, ru dubol an awad aban durupidaig duloŋ a. ²⁴Ru an duloŋ tag fidian Anut igo dugudani, “Tubun en, oŋ mi tan, you, beig, keit, agod mel mel fidian lo dien dan san Taman. ²⁵Urgun lo oŋse maŋ tubum bagem Dawid oŋane urat pinein awan lo ubol dugo gamu nuŋon mile da.

‘Ata wo tan fidian sad tamolpein tiŋaed saian di?

Ata wo tamolpein an palaŋ dumari gug nuŋon tia yak i?

²⁶Tan en san kiŋ fidian yu digane wo tawaŋ dumado da, ago dugo tirnek tamol fidian dutumanig,

Tubun en iŋanen Pilianek Tamol da ager digane wo digane da.’

²⁷Rumok, ru amaiak ente Jerusalem na nuŋon ilasa ya. Herod iŋ Pontius Pailat da, tamolpein Juda tia yan agod Juda tamolpein aben ente dumado dan dida dutumanig, oŋane urat tamol gun ak Jesus oŋse piliani an, palaŋ an dumari se ya. ²⁸Tamol adi an oŋse wagam mi oŋane ilobol iŋ dabai da lo ilasa wo ubol an, ago mi digane ya. ²⁹Aria, Tubun en, gamu ru saiak tinid dumisilani san dupaiama an oŋane kududo iloŋ la ya. An ilo sou gane dop oŋane urat tamol adi dabai panamap maŋ rurek tia yan lo oŋane ru mabol ilasa wa. ³⁰Oŋ oŋane tuo watep oŋane urat tamol gun ak Jesus yaŋan lo, tamolpein subam ad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa.”

³¹Gudanek itout go ab a lo dutumani an ibuk ila iso ya. Ago dugo Urgun fidian bubed ilon awan isag, Anut san ru tamolpein naod na dubol ilasa wo tinid ta irer na ya.

Ilo rumok adi melmel fidian lo nug dubunawi se ya

³²Ilo rumok adi fidian iŋsad kankan agod iŋsad ilod dam kisaek mi a. Ta iŋsan biouŋ biouŋ an iŋsiganen mi ago ibol man tia ya. Tia, fidian melmel nug duwae dupani se ya. ³³Ago dugo ru dabai tubun anda yak lo, aposel adi Tubun ak Jesus kumaen imasa yak san bilaluŋ dubal ilasa se ya. Agod Anut san ilo panek tubun mi an iŋ fidian tinid fo iwali idu ya. ³⁴Iŋ luluŋad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta,

an didaen lo diganeg san moni dijaneg, disini dupalu ya. ³⁵Agog moni an aposel adi njed fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

³⁶Saen an lo in lulunad lo tamol ta yanjan Josef imado da. In Livai san gugoi lo ilasa ya, gug inanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.) ³⁷Aria, inisan tan kilaken idad go moni an injaneg isini yaug aposel adi njed fun na igansi a.

Ananaias in Safaira da

5 ¹⁻²Tamol ta yanjan Ananaias, iwon yanjan Safaira. In tan kilaken idad yau dugo san moni aenta inisen yabi a. Pein in tamol da awad kisaek. Agog aposel adi njed fun na moni aenta idirsi dugo irawaig igo ibol, “Moni fidian nek ebo ya.” ³Ago tag Pita Ananaias irupeig ibol, “Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da. ⁴Saen tan gamugo udad yau man on muroun mado ya. San moni nane yan man onse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? On tamol adi ta rawai na ya. Tia, on Anut rawi wo gane ya.”

⁵Saen Ananaias ru an ilon man gamu nam yau idug imat a. Tamolpein fidian ru an dulon go tubun mi durut direr a. ⁶Agog pinein dupalug, inisan sisanun yamel nam dubuluwig dijaneg kuai te dilasag diaug disare ya.

⁷Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilon na ya. ⁸Agog Pita isumianig ibol, “Ak dugo, on onane iwo da tan adad yau ak naon emaiak anane yak i?”

Agog dugo awan yabig ibol, “Awo, moni minane yak nek ago mi ipanan a.”

⁹Pita imasag Safaira irupe, “On iwo da ilom kisaek go Tubun en san Ur naon akubianig ale wo agane ya. Dugo, an ilom isou ak ago ka aganep muruan ta ale na wak abol i? Ulon, pinein a on iwo disare yak sad njed awan dalawan te ilasa da, gamu on dam dijiliop kuai te alasap au a.”

¹⁰Agog gamu nam pein an dam Pita naon na yau idug imat a. Ago dugo pinein diladug inisan sisanun dile tag dijaneg diaug iwon tamol ak giranen na disare ya. ¹¹Ilo rumok adi fidian, tamolpein aenkadi dam, ru an dulon go tubun kasik direr a.

Aposel adi tamolpein wei mi dukubuniaia

¹²Aposel adi kulob girager wei kasik tamolpein lulunad lo digane se ya. Ago dugo ilo rumok adi Solomon san Madok Aben ilon lo dutumani na ya. ¹³Tamolpein patun fo yak ilo rumok adi yanjadi diabisa yak gug,

diaup dida dutumanai san niĵen o fidian direr pasik a. ¹⁴Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya. ¹⁵Aposel adi kulob girager dabai anda digane se yan lo, tamolpein muroud muroud subam ad da yan dal gigin te diĵal dususap dien se ya. Aenkadi kapal fo, aenkadi gadab fo dien se ya. Agop saen Pita ipalup iriĵanai dop san tirarou ituanaĵi dop lo uyadi wo dubol. ¹⁶Jerusalem gigin na panu dien dan san tamolpein wei kasik dilasa ya. Iĵaned samun subam adi da yan, ur saian amad da yan diĵal dupalug, an fidian uyadi.

Gurman adi aposel muruan dupidinai a

¹⁷Juda sad pris malan te ak, Sadyusi a girarĵen na dumado dan dida, an fidian aposel adi sad urat dile tag, turak susai tiĵaed iĵanefute ya. ¹⁸An lo iĵ aposel adi duburoug, subanek ab lo didirai a. ¹⁹Ak man tidom lo Tubun en san eĵel ipalug subanek ab san dalawan ipasig, aposel adi iĵal go patun fo dilasa ya. ²⁰Agog irupidaig ibol, “Aup, tempel san tumanek aben lo atur dop, kagin foun emaiak san ru fidian tamolpein arupidaip duloĵ a.”

²¹Agog aposel adi eĵel awan durig, salsog iĵ tempel lo diladug fun diganeg tamolpein ru durupidaĵi duloĵ se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi diĵal pe dupalu wo tempel san titianek tamol didinaig diau a. ²²Gug saen subanek ab lo dilasa man, aposel adi naod tia tag dumul diaug, kaunsil adi durupidaĵi, ²³“Saen subanek ab lo milasa man dalawan fidian itau. Titianek tamol tawaĵ dutur ak gug, saen dalawan mupasi man tamol an ta meil na ya.”

²⁴Pris gurman adi, iĵ tempel titianek tamol adi sad gurman dida ru an duloĵ go dumasa saian. Mel an kankan ipidinaig ilod weiwei se ya, so muruan ilasa wo dak niĵen o ilod isou se ya.

²⁵Agog tamol ta ipalug irupidaĵi, “Aĵ tamol a subanek ab lo adirai an tempel san tumanek aben lo dutur dugo tamolpein maĵau dipiteĵanai da.”

²⁶Ago tag tempel titianek tamol sad gurman iĵanen tempel san aikatuk adi dida diaug, aposel adi diĵal go Juda sad Kaunsil sad na diau a. Saen aposel adi diĵal man pasak nam diĵal a. Kabelan silei nam mi dop, tamolpein tiĵaed saian pe pat nam dufu banau.

²⁷Aposel adi diĵal go dupalug kaunsil naod na dugunaig dutur a. Ago dugug pris malan te yak sumianek ipidinai, ²⁸“Maĵ geg sakar geig mupanaĵ a. Aĵ afon tamol an yaĵan lo ru ta abol ilasa na wo mabol a. Gug gamu aĵ Jerusalem ilon lo aĵsam piteĵanek an mi abisa aguni da. Agop tamol a imat an iĵanen mateĵ san ai wadan maĵ buroma fo agane wo agane da.”

²⁹Ago tag Pita aposel aenkadi dida pris malan te yan awan diabig dubol, “Maŋ tamol awad kagin mupani san tia ya, tia, Anut awan mi muri mupani wa. ³⁰Aŋ Jesus aigim fo abalig afuni imat ak gug, id tubud baged sad Anut mateŋ lo ifufunig kumaen imasa da ya. ³¹Anut iŋaneg giranŋen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a. ³²Maŋ iŋsan mateŋ, imasa yan malama lo mile ya. Ago yak niŋen ru an tamolpein naod na mabol da. Urgun dam iŋanen urat lo melmel en fidian niŋen o ibol da. Ago dugo Anut Urgun nek an tamolpein a fidian iŋsan awan kagin dupani dan ipidinai a.”

³³Juda Kaunsil adi ru an duloŋ go tiŋaed tubun mi saian tag, aposel adi dufu dumat o ilod tubun mi ibol a. ³⁴Gug Farisi ta yaŋan Gameliel, iŋ kubiaenŋ san girek maŋau ta, agod tamolpein fidian iŋ yaŋan diabisa yan, iŋ imasag itur dugo aposel adi tumanek dibiseip patun fo dilasa wo ibol a.

³⁵Ago kaunsil irupidaig igo ibol, “O Isrel tamol, aŋ tamol en afu dumat o agane dan kagin agane. ³⁶Wari na geig tamol ta Teudas iŋsen tubun o igane. Agog sawar kitek 4 handet igo woŋ niŋen fo dutor. Gug dufuni imat dugo iŋsan sawar an dititalaig dufurak diau dugo, ager yabisa yan nuŋon tia ya. ³⁷An tinin te, yaŋa kubunek san saen lo, Galili tamol ta yaŋan Judas, tamol aenkadi iŋal go urat pinein oŋ niŋen fo dutor. Gug iŋ dam dufuni imat. Agog iŋsan sawar an dititalaig dufurak diau a. ³⁸Ago yak niŋen o ŋurupaianŋ da, tamol en abusawaip ka diau a. Kubol a digane dan tamol sad kankan lo tap man, milaen tiap itout a. ³⁹Ak gug an Anut san man, aŋ tamol emaiak abituanai san ta idaisuda na wa. An lo dop abituanai o agane tap, aŋ Anut da nug abi dak ago sem ilianŋ a!”

⁴⁰Kaunsil adi iŋsan ru duloŋ go ilod iŋane ya. Ago tag aposel adi digiaig diladug bu mi dupidinai a. Agog Jesus yaŋan fon ta dupate na wo geg sakar geig digane ya. Ago gug dubusawaig diau a. ⁴¹Aposel adi ilod uyan dugo kaunsil sad tumanek ab dibiseig dilasa ya. Ata wo, iŋ Jesus yaŋan o tamolpein naod na muruan disini wo Anut ipilianai a. ⁴²Nal pempem tempel san tumanek aben lo, ab ab lo dam, bilaluŋ uyan ak tamolpein dupitejanai se ya. Bilaluŋ uyan ak lo Jesus mi iŋ Kristus an tamolpein durupidaig duloŋ a.

Tamol 7 aposel dubunawai o dipilianai a

6 ¹Murnag ilo rumok adi wei mi dilasa se yan, luluŋad lo tamolpein malan uraru dumado ya. Saen an lo, Juda tamolpein a Grik ru dubol dan, iŋ Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru diŋiŋeŋ dan igo dubol, nal anek anek lo aposel adi anaŋ ditarpaleg duwae dak gug iŋsiganed pein suos ilod ta isou na da. ²Ago tag

apospel 12 an ilo rumok adi fidian digiaig dutumanaig durupidai, “Maŋ ananŋ waek san urat migane dop lo Anut san ru mifulale wan mibisei dop, an uyan tia ya. ³Ago yak niŋen o teid taod, tamol 7 luluŋam lo Urgun amad da yak, kankan milaen ak, agod yaŋad uyan ak mi apilianaip urat an banid lo tigane wa. ⁴Gug maŋ gudanek mi, agod ru fulalek san urat dam mi leil mupani wa.”

⁵Tamolpein fidian ru an duloŋ go aposel sad kankan niŋen o ilod uyanan a. An lo tamol ta yaŋan Stiven dipiliani a. Iŋ ilon rumok dabai, agod Awan Urgun ilon iŋanefute ya. Ta yaŋan Filip, ta Prokoras, ta Naikena, ta Taimon, ta Parmenas, agod Antiok tamol ta yaŋan Nikolas, iŋ Juda tia yak gug Juda ubou lo yau da. ⁶Ilo rumok adi tamol 7 an aposel naod na didirai ilasa ya. Agog aposel adi iŋ o Anut dugudanig banid gurmada fo digane ya.

⁷Agog Anut san ru ifurak go, tamolpein wei mi duloŋ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

Juda sad gurman Stiven diabi a

⁸Aria, Stiven man Anut san ilo panek, iŋsan dabai dam iŋ lo yen a. An lo iŋ tamolpein luluŋad lo kulob girager funfun agod mel tutubun durut saian san dam wei mi igane ilasa se ya. ⁹Gug Juda tamol aenkadi Stiven lo siai digane. Tamol an ubou ab yaŋan “Tamol kawan dumado dak” dubol dan sad tamol. Tamol an iŋsad panu Sairini, iŋ Aleksandria da. Agod Silisia iŋ Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya. ¹⁰Gug Stiven san kankan milaen geig dugo Urgun san dabai lo dam iŋiŋeŋ a, an lo iŋanen ru niŋen o iŋ dutur dabai san ta idaisuda na ya.

¹¹Ago tag tamol aenkadi pasak nam diŋal go, ru sewak igo dubol ilasa wo durupidai a. “Stiven iŋ Moses Anut da lo misilaneŋ ru ibol dugo maŋ awan maloŋ a,” ago dubol o durupidai a.

¹²Agog tamol an diaug ru sewak an lo tamolpein, matu gurman adi, agod kubiaeŋ san girek maŋau dam ilod dusueg an lo tiŋaed saian geig a. Agog tamolpein an dupalug Stiven diabig, Kaunsil sad na diŋane diau a. ¹³Kaunsil malah lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en idsad tempel gun an, Moses san kubiaeŋ da niŋedi wo ru saian pempem ibol da. ¹⁴Maŋ maloŋ dugo ibol, Nasaret tamol a Jesus dubol dan tempel iratitale dop, Moses san kubiaeŋ id ipanad an dam ibileksa dop idirad pe tamol kagin senamo ak turi wa.”

¹⁵Ru an dubol dugo Kaunsil dumado yan malah ti ibol go Stiven leil dupani dugo, iŋanen naon eŋel ta naon igo woŋ dile ya.

Stiven Kaunsil ru irupidai a

7 ¹Juda Kaunsil ru an fidian duloŋ go itout gug pris malan te an Stiven isumiani, “Dugo, ru a dupano dan fidian rumok ak i?”

²Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia na imado dugo, saen an lo iŋ gamugo Haran na yau dugo, Anut lilaman anda yan naon na ilasa ya. ³Agog irupeï, ‘Tan en biseip, oŋane murou murou dam busawaip tan ŋukubiai pano wan lo wau.’ ⁴Agog Kaldia tan ibiseig yaug taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a. ⁵Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham iŋ malan kubulan dida ipidinaip sed niŋedi wo ibol a. Gug Abraham saen an lo nanuk tia imado dugo Anut promis an ipani a. ⁶Anut igo ibol, ‘Oŋ mala kubulan mitep tan sen ak lo tamolpein gol ak igo woŋ ante dumado wa. Ante dam iŋ urat bigabeg adi dilasa wa. Agop anaŋar 4 handet lo tan an san tamolpein saian dupidinaip muruan wei mi disini wa. ⁷Gug ŋai tamolpein a muruan ago dupidinaï dan naon muruan geig ak ŋupidinaï a. Ago dugup oŋane mala kubulan tan an dibiseip, tan en lo ŋai ubou ag dile wa.’ ⁸Agog Anut Abraham kontrak ipani a, kontrak an san kob man, nanuk tamol ak tinid suŋulon dutute wa. Murnag Abraham iwon iŋ Aisak igansig ubou kisaek yau dugo Abraham tinin suŋulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. Iŋ idsad tubud baged.”

⁹“Josef tein muroun Josef niŋen o turak dususa ya. Iŋ dile saian an lo Igipta na urat bigabeg imado wo diŋaneg didaenŋ lo digane yau a. Ak man Anut Josef da dumado na ya. ¹⁰Iŋsan muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kiŋ Josef ipitianig ilon ipani a. Agog Farou Josef tamol tubun iganeg Igipta tan, iŋsan ab lo melmel fidian dam kagin ipani na ya.

¹¹“Murnag Igipta tan yaug Kenan na geg an kadag tubun ak idug, tamolpein fidian muruan disini se ya. Id baged muroud anaŋ dile wo abaŋ diabi se ak gug anaŋ tia ya. ¹²Gug saen Jakob Igipta na anaŋ yen dan san ru tim ilonŋ man, nanun muroun, id baged muroud, idinaig malmalan geig iŋ atna diau a. ¹³Murna anaŋ itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun niŋedi wo ru ilonŋ a. ¹⁴Agog Josef taman san na ru igane yaug, iŋanen samun fidian iŋal pe dupalup Igipta na dumado wo ibol. Fidian dupalu yak sad sutek 75. ¹⁵Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a. ¹⁶Iŋsad sisanun disini diaug Sekem na tan kilaken ta wagam Abraham Hamor sad gugoi banid lo idad iŋane yan lo disiriaï a.

¹⁷“Anut Abraham promis a gubak mi ipani an nuŋon ilasa wo sumeik dugo, idsad tamolpein Igipta na dumado yan igileg wei kasik a. ¹⁸Saen an lo kiŋ foun ta ilasag imado dugo Igipta kagin ipani na ya. Ak gug kiŋ an Josef niŋen iŋaonŋ geig a. ¹⁹Idsad tubud baged irawai ifu dugo, muruan

tubun mi ipidinai se ya. Inj isodudunaig an lo injaned nanuk foudi ak kuai tem didiraig, dumat a.

²⁰“Saen an lo Moses ilasa ya. Anut malan lo nanuk an sirjaokan mok a. Kalam utol tinan taman dida dumado dugo kagin dupani a. ²¹Gug saen kuai te digane man, Farou nanun pein njalaŋ an injaneg, injsinan nanuk oŋ kagin ipani na ya. ²²Moses Igipta sad maŋau fidian mi injaneg, tamol tubun ak ilasa ya. Injsan ru bilabol dabai dugo, urat dugon igane yan dam dabai anda ya.

²³“Moses san anaŋar 40 dugo, nal ta ilon man tein taon Isrel tamolpein yil o ibol go yau. ²⁴Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a. ²⁵Injsan ilon man, Isrel tamolpein Anut inj ibinawai o idinig ipalu yan duloŋ ak ibol, ak gug tamolpein an ta duloŋ na ya. ²⁶Nal tinin te man, Isrel tamol uraru nug dufuni dugo yil tag, maror igansi wo yaug irupidai, ‘Aloŋ, aŋ nug tein taon, en ata wo nug tinin malan asue wo agane dak i?’

²⁷“Gug neinta wagai fun igane yan, Moses isopasig gigin na yaug ipei, ‘Enti oŋ maŋ kagin panama dop ru tulek tamol mado wo ibol i?’ ²⁸Ak dugo, nor Igipta tamol funi imat ago mi ŋai dam funag ŋamat o gane dak i?’ ²⁹Moses ru an ilon tag isol go yaug Midian tan lo tamol gol ak oŋ imado na ya. Atna imado dugo nanuk tamol ak uraru dilasa ya.

³⁰“Afon anaŋar 40 yaug itout gug, Anut san eŋel Moses naon na ilasa ya. Did Sinai giraŋen na tan kawan ak lo ai nanunan ta yai ided go inani dak oŋ ile ya. ³¹Moses abaŋ ago ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilon, ³²‘Ūjai oŋ bage murou Abraham, Aisak, Jakob sad Anut.’ Moses ru an ilon man irer dugo tubun mi isuruwor se ya. Irut irer an niŋen o abaŋ ile man imoig, malan ikilakil a. ³³Agog Anut ibol, ‘Oŋsa sendal pasi. Man dugo, tan fo utur dan gun a. ³⁴Ūjai abaŋ njile yak ŋaisag tamolpein Igipta na muruan saian geig ak disini da. Injsad ilo tinaŋ dam njaloŋ go njubunawai o njupalu ya. Ak niŋen o ŋai oŋ njidinop afon Igipta na umul wau da wa.’”

³⁵Stiven injineŋ dag ibol, “Moses nek amaiak Isrel tamolpein gubak mi niŋen o dumoi go dubol, ‘Enti oŋ maŋsam gurman iginio yak i? Enti oŋ maŋsama tulek tamol iginio yak i?’ Anut sen mok Moses injsad gurman, agod injsad patu pasek tamol dam idinig yau a. Anut eŋel yai balen lo yan awan lo ago igane ya. ³⁶Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anaŋar 40 tan kawan ak lo dam ago igane se ya. ³⁷Moses injsen geig Isrel tamolpein irupidai, ‘Anut ŋai idinag go njupalu yak ago mi profet ta idinip ipalu wa. Tamol an mitep anjsiganem dar lo ilasa wa.’ ³⁸Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses

did Sinai fo isidag, enjel da diñiñeñ a. Agog Anut ru kumaen san an ipani a, agog Moses afon ru an id ipanad a.

³⁹“Gug idsad baged muroud Moses awan dumoig, iñ Igipta na dumul diau wo ilod tubun mi ibol a. ⁴⁰Ago tag Aron durupeï, ‘Oñ mañ tubud diri panamap, dumug dop muraep mau a. Tamol Moses dubol dan iñiliad go Igipta tibiseig tupalu yan, ata iñane dugo ta ipalu na da, an ta talon na ya.’ ⁴¹Iñ atna makau mitilaen diganeg yai digane pani dugo, mel a sed banid nam digane yak niñen muguruñ tubun ak digane ya. ⁴²Ago tag Anut patun ipidinaig, an lo iñaned ilod ibol ago patui keit lo yan yañad diabisa se ya. Kulob digane an profet sad girek lo wagam profet ta ru naon kisaek gire a:

‘O Isrel tamolpein, dugo, anañar 40 tan kawan ak lo, añsam lou panek apanag,

agod makau afup ñai yai agane panag se yak i? Tia geig a.

⁴³ Ab sel asini ator se yan añsam tubud Molok san asini se ya.

Ago dugo añsam tubud Refan san mitilaen patui an asini ator se ya.

Mitilaen an yañad lo ubou ale wo asuwi idu ya.

Ago yak niñen o ñai ñukudañ pe aup, asau mi Babilon aen ate geig amado wa.’

⁴⁴“Id baged muroud Anut san ab sel a iñ dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a. ⁴⁵Murnag ab sel an id baged muroud iñ tamad banid lo diñaneg, Josua dida diaug yu diabisag tamolpein sen ak sad tan lo dukudaig diau a. Agog iñsad tan banid na diñane ya. Ab sel an ago yen dugo yang Dawid san saen idu ya. ⁴⁶Dawid iganeg Anut iñ o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a. ⁴⁷Gug Dawid ab an ta yabi na ya. Solomon iñ ab an yabi a.

⁴⁸“Gug Anut a lak na geig an, iñ ab a tamol banid nam diabi ak lo ta imado na da. Wagam mi profet adi sad girek lo ta igo ibol,

⁴⁹‘Tubun en ibol, keit man ñaisag kalik kiñ san a,

agod tan man ñai ñieg aten yen san aben.

Enso ab abi panag ak i?

Aben dugon lo yaes ñabal ak i?

⁵⁰ Ak dugo, mel an fidian ñai banig nam ñigane ya, an ta rumok na i?’ ”

⁵¹Agog Stiven Juda Kaunsil ipidai, “Añ gurmam sakar geig. Ilom gob. Anut san ru ibol dan kududom itau geig a. Añ nek ibol añanem tubum bagem igo woñ a, man dugo, iñ dam Awan Urgun pempem diabiani na ya. ⁵²Arupaiaig, dugo, gubak mi profet ta imado dugo añanem tubum

bagem profet an tinin ta dumisilani na yak i? Inj profet adi ensauta a malad milaedi go Tamol Itaotan injsan palu yan niŋen profet ru dubol ilasa yan dufu dumat a. Agod aŋ gamu tamol amaiak inj bo aŋanem turam mok ak gug ager banid lo aganeg sisem afuni imat a. ⁵³Aŋ nek en, Anut san kubiaeŋ eŋel sad banid lo aŋane yak gug kagin ta apani na ya.”

Stiven pat nam dufuni imat a

⁵⁴Saen kaunsil adi ru an duloŋ man, tiŋaed tubun mi imumari dugo Stiven gamad dirati pani se ya. ⁵⁵Gug Stiven tinin Urgun injanefuteg malan keit lo isidag, Anut san girager ile ya. Ago dugo Jesus Anut giranen won ak lo itur dugo ileg ibol, ⁵⁶“Ale. Injai keit awan ipasig Tamol Nanun Anut giranen won ak lo itur dugo njele da.”

⁵⁷Fidian disasaitout go kududod diafutani a. Agog fidian mi dumaspalug, ⁵⁸Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san inj biouŋ dupasig pinein ta Sol dubol dak kagin ipidinai o nien fun na didirsi a. ⁵⁹Pat nam dufuni dugo, Stiven Tubun en igudani, “O Tubun en Jesus, njaneg njutug njan!” ⁶⁰Agog yau idug fon igudanig igo iwagiŋ, “Tubun en, injaned aupasek en san pani naon aŋ lo fuli san man umoi.” Ago ibol go imat a.

Sol ilo rumok adi misilanek ipidinai a

8 ¹⁻²Sol ante imado dugo Stiven san mateŋ ileg, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yaŋan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya. ³Gug Sol man midaeŋ ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

Filip Sameria na Anut san ru ifulale ya

⁴Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya. ⁵Filip Sameria na yaug, taun tubun ak ta ilon lo iladug ante sad naod na ru Kristus niŋen o ibol ilasa se ya. ⁶Saen tamolpein doup tubun injsan ru duloŋ dugo, kulob girager igane yan dile man, injsan ru fidian duloŋ uyan o kududod dugure ya. ⁷Ur saian awad tubun mi disasai dugo, tamol tinid lo yak dubiseig dilasa ya. Tamolpein njed itubabun, agod a dutor saian saian dan wei mi uyad isusa ya. ⁸Ago man taun an ilon lo yousai yen go tubun kasik.

⁹Aria, taun an lo kiai tamol ta yaŋan Saimon imado ya. Injsan sewak an lo nal kitek milaen mi Sameria tamolpein iginiaig dumasa saian. Injsen mi inj tamol tubun ak se pitianoŋ san ru ago ibol. ¹⁰Agod taun an sad

tamolpein fidian, a yaŋad ad da yan, agod a yaŋad tia yan dam, kududod dugure ya. Ago dugo dubol, “Tamol en man, tubud san dabai a yaŋan Dabai Tubun Ak dubol dan, tamol emaiak iŋsen.” ¹¹ Nal milaen mok iŋsan nawir an lo irawaig, tamolpein fidian iŋ awan paen na dumado dugo durut saian geig a. ¹² Gug saen pein, tamol dam Filip awan lo bilaluŋ uyan ak san ru Anut san kagin panek niŋen o, agod Jesus Kristus yaŋan niŋen o dam duloŋ man, iŋ ilod lo rumok a. Agog suguek diŋane ya, tamol iŋ pein da mi a. ¹³ Saimon sen dam ilon lo rumok go suguek iŋane ya. Agog Filip niŋen fo itor dugo kulob girager funfun Filip igane dugo ileg niŋen o irut saian geig a.

¹⁴ Saen aposel adi Jerusalem na dumado yan Sameria tamolpein Anut san ru diŋane yak duloŋ tag, Pita Jon da didinaig, iŋsad na diau a. ¹⁵ Sameria na dilasag, tamolpein Urgan diŋane san niŋen Anut dugudani a. ¹⁶ Man dugo, Urgan fufod na gamugo idu ya, tia, Tubun en Jesus yaŋan lo suguek diŋane yan mi a. ¹⁷ Agog Pita Jon da tamolpein gurnad fo banid digane dugug, Urgan diŋane ya.

¹⁸ Agog Saimon tamolpein Urgan aposel adi banid lo diŋane dugo ile tag, moni iŋaneg, Pita Jon da sad na yaug ibol, ¹⁹ “Dabai an ŋai dam apanag. Agop tamol dugon banig gurman fo ŋigane dan Urgan iŋane wa.”

²⁰ Ak man Pita ru naon igo ibol go irupe, “Oŋane moni an ŋanep, ida udeg wau. Ata wo? Oŋ ilo lo man lou panek e Anut ipanad den moni nam udad ŋane wak ubol da. ²¹ Oŋ maŋsama urat boi en lo oŋ yaŋa tia ya. Man dugo, oŋ ilo man Anut malan lo ta itaot na ya. ²² Ago yak niŋen oŋsa kankan saian an umoi kisaek oŋ. Ago dop Tubun en oŋsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi. ²³ Man dugo, ŋai ŋilio dak, mala sek agod turak susai dam mi oŋ tini iŋanefute dugo, aupasek san subanek tamol mado da.”

²⁴ An lo Saimon iŋ Pita Jon da ru naon igo irupidai, “Gidad, aŋ ŋai niŋeg o Tubun en agudani. Agop an lo muruan abol dan ŋai fo na ta ilasa na wa.”

²⁵ Aria, Pita Jon da Tubun en dugo woŋ ibinawai an tamolpein durupidai duloŋ go iŋsan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

Filip Itiopia tamol ta isugui a.

²⁶ Tubun en san eŋel ta Filip irupe, “Masap dal Jerusalem nag Gasa na idu yau an ŋanep wau.” (Dal an tan kawan ak lo yen da.) ²⁷ Ago tag Filip eŋel ibol ago mi igane. Dal na yau dugo Itiopia sad tamol gurman ta ile, tamol an iŋanen nabun dusukali a. Tamol an Itiopia Kwin yaŋan Kandesi

san moni kagin ipani da. Inj Jerusalem na ubou ile wo yau ak ²⁸fon imul sen fun panu lo yau da. Karis fo profet Aisaia san ru isuti dugo yau.

²⁹Agog Urgun Filip irupeï, “Waup karis an sumeik ida au.”

³⁰Ago tag Filip imaspalu oŋ yaug sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

³¹Inj ibol, “En dugop ŋai ru en fun ŋalon ak i? Rumok talpein ta fun ifulale ak man nap ka ŋalon a.” Agog Filip iwagig isidag siŋiren na imasi a. ³²Ru girek boi emaiak isuti,

“Inj man sipsip dufuni wo diŋane diau dak igo woŋ.

Inj nek ibol sipsip nanun fufulun dutute dop awan itau itur dak igo woŋ.

An lo awan kitek ipuk man tia ya.

³³Inj miai tubun mok dupanig, inj o ru itaot dubol man tia ya. Kot aen kisaek mi digane.

Enti tamol an san malan kubulan niŋedi wo ru ta ka inŋeŋ ak i?

Talpein ta kisaek tia ya.

Man dugo, inŋsan madok tan en lo digane itout go lak na yau a.”

³⁴Itiopia tamol gurman an Filip isumiani, “Profet inj enti niŋen o ibol dan, gidad ubol pe ŋalon. Inŋsen niŋen o ibol, tia, talpein sen ta niŋen o ibol i?” ³⁵Ago dugug Filip girek nek en lo fun iganeg bilaluŋ uyan ak Jesus niŋen o yan ibol idug ilon a.

³⁶Ru ifulale dugo dupalug you ta fun na dilasag, tamol gurman Filip irupeï, “You ebe ya. Dugo, mel ta isubanag pe suguek ŋiŋane wan tia i?” ³⁷(-) ³⁸Ago man gurman an ibol dugo inŋsan urat pinein karis yabituani a. Agog inj Filip da you lo dudug Filip tamol an isugui a. ³⁹Saen you dibiseig dilasa yan Tubun en san Ur Filip inŋane yau. Tamol gurman an Filip ta ile na gug ilon youn isag inŋsiganen na yau a. ⁴⁰Agog Filip Asdod^c na kuai isi a. Agog tureŋ yabig panu panu lo Jesus san bilaluŋ uyan ak ibol ilasa dugo itor nag Sisaria na ilasa ya.

Sol ilon ibileksag Jesus niŋen o ilon lo rumok a

Apo 22:3-16; 26:9-18

9 ¹⁻²Saen an lo Sol inj Tubun en san tamolpein ifu dumat o urer ipidinaï dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinaï dop, tamol ta boi, tia pein ta boi, ilo rumok kagin a “Dal En” dubol^d dugo diri dan abaŋad ile tap, ibiap isubanaip, dida Jerusalem na diau a.

^b Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, Oŋ ilo lo rumok mok tap, oŋ ka suguek ŋane wa. Agog tamol gurman an ibol, “Injai Jesus Kristus inj Anut nanun an ilog lo rumok.” ^c Grik ru lo taun an yaŋan Asotus ^d Imug tamolpein man ilo rumok adi sad kagin an niŋen o yaŋan Dal En dubol se ya; murna gug yaŋak an Kris dubol da.

³Damaskus na yau wo dal iñaneg yaug sumeik dugo gamu nam keit lo lilaman ta irakilawig, abañ isapudadeg Sol ibuluwi a. ⁴Agog yau idug tan na yen dugo awan ta iwagin dugo ilon, “O Sol! Sol! Ata wo ñai malag sue dak i?”

⁵Ago tag Sol isumiani, “Tubun en oñ enti?”

Ago dugo awan an ibol, “Ñai Jesus nek a malag sued ama ya. ⁶Aria, masap waup Damaskus na ladu. Ago gup dugo gane wan dubol ulon a.”

⁷Tamol adi a Sol dida turen diabi dan dupartuanig ru ta dubol san tia ya. Awan iñin se yan bo dulon gug talpein nuñon dile man tia ya. ⁸Sol imasag malan ipuk gug abañ ile san tia ya. Ago tag banin diabig diñaneg Damaskus na diau a. ⁹Nal utol abañ ile san tia ya. Agog anañ dam, you dam tia imado ya.

¹⁰Ilo rumok tamol ta yañan Ananias Damaskus na imado se yan, malan ñutun lo Tubun ak irupeï, “Ananias.” Agog Ananias ibol, “Tubun en, ñai ebo ya.”

¹¹⁻¹²Agog Tubun en irupeï, “Masap, waup, ‘Dal itaot’ dubol dan ate Judas san ab lo Tarsus tamol ta yañan Sol dubol dak niñen o sumiai. In man igudani dugo malan ñutun lo mel ta igo ile ya, tamol ta yañan Ananias ipalug gurman fo banin igane dugo abañ fon ile da yak ago ñion lo ile ya.”

¹³Ananias ru naon irupeï, “O Tubun en, tamolpein wei mi tamol an niñen o dubol dugo ñalon a. Kagin saiak saiak funfun oñane tamolpein Jerusalem na yan lo igane yak san ru durupaig dugo ñalon a. ¹⁴Gamu pris gurman adi awok dubol go ete Damaskus na ipalug, talpein enti oñ yaña lo ubou dile dan ibiap ñal diau o ipalu ya.”

¹⁵Gug Tubun en Ananias irupeï, “Wau! Man dugo, ñai tamol an urat ag igane wo ñipiliani a. In tinin lo tamolpein Juda tia yan, iñaned kiñ dida, Isrel tamolpein dam naod na ñai yañag kuai te irupidaip ru ñai niñeg o dulon a. ¹⁶Agod in ñai yañag o muruan tubun mi isini wan ñai ñukubiai pani wa.”

¹⁷Agog Ananias yaug ab lo iladug, Sol gurman fo banin iganeg ibol, “O teig Sol, Tubun ak sen idinag go ñupalu ya. Jesus sen nek ete Damaskus na palu dugo dal na naon na ilasa amaiak, oñ afon abañ ule dop Urgun oñ tini iñanefute wo idinag go ñupalu ya.” ¹⁸Ago ibol ak gamu nam mel ta nek ibol iy tubulan igo won Sol malan lo yak ditapas tan na dudu ya. Agog malan ipuk go abañ fon ile ya. Ago man imasa itur go suguek iñane ya. ¹⁹Agog anañ yanig tinin fon dabai da ya.

Sol Damaskus na Anut san ru ifulale da

Sol nal aenta Kris tamolpein dida Damaskus na dumado se ya. ²⁰Agog imasag itaot Juda sad ubou ab fidian lo yaug, Jesus san ru ifulale dugo ibol, “Jesus in Anut Nanun.” ²¹Tamolpein fidian a in awan dulon se yan

durut saian geig go sed nug dusumiani dugo igo dubol se, “Dugo, tamol an iñsen Jerusalem na tamolpein Jesus yañan dupate dugo ifu dumat na yak nek emaiak i? Go iñ e ipalu yan tamolpein iburoup, iñal pris gurman adi sad na diau wo ipalu yak i?” ²²Gug Sol san ru fulalek dabai geig ak niñen o, Jesus iñ Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

²³Murnag saen kitek milaen mi yau dugo, Juda adi Damaskus na yan Sol dufuni wo dutumanig palañ an dumari. ²⁴Ak man tamol ta pasak nam irupei ilonj a. Tidom ad panu san dalawan te ager adi tawañ digane se ya. Sol ipalu dop diabip dufuni imat san mi a. ²⁵Gug nal ta tidom lo Sol san megeloum adi diñaneg, diaug sep fog udou lo duyuweg, patun fo idu ya.

Sol Jerusalem na imul yau a

²⁶Sol Jerusalem na yaug ilo rumok adi luad isa wo igane yak gug, iñ Sol gamu Tubun en san megeloum mok an ilod ta rumok na yan lo ilod weiwei a. Iñ fidian iñ niñen o tubun mi direr a. ²⁷Ak man Barnabas Sol iñaneg aposel adi sad na diau a. Agog Sol Tubun en Damaskus dal na ile yan, Tubun en ru irupei an dam irupidai dulonj a. Agog Damaskus na Anut ru ifulale wo ta isuksuk na yan dam ibol idug dulonj a. ²⁸Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya. ²⁹Sol iñ Juda tamolpein Grik ru dubol dan dida diñiñeñ dugo nug aen ditog na ya. An niñen o dufuni imat o dal abañ dile se ya. ³⁰Agog saen ilo rumok adi ru an dulonj tag, Sol diñaneg Sisaria na diaug Tarsus na didinig yau a.

³¹Saen an lo Kris midaeñ Judea na, Sameria na, agod Galili na yan an fidian maror lo mi dumado na ya. Awan Urgun midaeñ dabai ipidinai dugo ilod yabisa se ya. Iñsan dabai lo midaeñ ilasag, tubun kasik. Agod Tubun en niñen direr dugo iñsan ilobol lo mi dumado dutor se ya.

Ainias iñ Dorkas da

³²Pita panu panu itor nag, nal ta Lida na Tubun en san tamolpein ate dumado dan yil o yau. ³³Aben an ate yau nag tamol ta ñien banin dumat ak ile ya. Tamol an yañan Ainias. Iñ anañar 8 ñionj aben ta ibisei na ya. ³⁴Pita tamol an irupei, “Ainias, Jesus Kristus onj ikubunio wo da. Masap, onjane ñionj aben kubune.” Ainias ru an ilonj go gamu nam imasag itur a. ³⁵Saen tamolpein Lida na, Saron na dumado dan Ainias dileg Tubun en niñen o ilod lo rumok a.

³⁶Jopa na pein ta yañan Tabita, iñ Kris pein ta. (Grik ru lo yañan Dorkas). Iñsan saen tubun mi man binawek urat mi igane da. Agod tamolpein filiad tia yak ibinawai se ya. ³⁷Saen an lo subam iñaneg imat,

agog tinin dufulanig galuŋ lak na yak lo diganeg yen. ³⁸Jopa nap Lida na wau man asau tia ya. Ago yak niŋen o saen ilo rumok adi Jopa na yan Pita Lida na imado dak dulonŋ tag, tamol uraru ru en disinig Pita san na diaug ilon diŋane dugo durupeï, “Gidad maŋsama na ririan palu.”

³⁹Ago tag Pita tamol uraru an dida diau a. Saen dilasa yan Pita diŋaneg galuŋ lak na yan lo diau a. Ante man pein suos Pita dutur dulubanig ditata dugo, Tabita gamugo imat dugo biouŋ iwei na yan dukubiai pani a.

⁴⁰Agog Pita fidian idinaig patun fo dilasa dugug turun isaluwig igudani gug, idanŋsag naon Dorkas san sisanun ipani dugo irupeï, “Tabita, masal!” Ago ibol dugo Tabita malan ipuk go Pita ileg imasa ya. ⁴¹Pita banin iwate dugo yabig imasa itur a. Agog Kris tamolpein iŋ Kris suos dida igiaig, Tabita kumaen imado yan ikubiai dugo dile ya. ⁴²Ru an Jopa na ifurak go, tamolpein wei kasik Tubun en niŋen o ilod lo rumok a. ⁴³Agog Pita Jopa na saen milaen mi tamol ta yaŋan Saimon ida dumado se ya. Tamol an makau suŋulon, melmel funfun suŋulod ikubune dop igane igos da.

Konilias Pita iwagi a

10 ¹Sisaria na tamol ta yaŋan Konilias, iŋ Rom sad yu gurman tubun a.^e Iŋsan doup ititianai dan yaŋad “Italian Sawar”. ²Iŋ, iŋanen samun fidian dida Anut yaŋan lo ubou dile da. Juda tamolpein filiad tia yan ibunawai siŋaokan dop, pempem Anut igudani se ya. ³Nal ta 3 klok guraian gudanek san saen lo malan ŋutun ta ile ya. Malan ŋutun an lo Anut san eŋel ta ipalug irupeï, “Konilias!”

⁴Konilias irer an lo malan ti ibol go eŋel an leil ipani dugo isumiani, “Tubun en. En dugo ya?”

Agog eŋel awan yabig ibol, “Anut oŋane gudanek ilonŋ a. Agod oŋane binawek urat gane dan ileg, oŋ o ilon isou da. ⁵Ago yak niŋen o tamol ta dinaip Jopa na diaup, tamol ta yaŋan Saimon Pita diŋanep dida dupalu wa. ⁶Iŋ tamol ta yaŋan Saimon ida loŋ aen te dumado da. Tamol an melmel funfun suŋulod ikubune dop igane igos da.”

⁷Eŋel Konilias ibisei yau dugo, Konilias yu tamol kisaek, agod iŋsan ab san urat pinein uraru dida igiaig dupalu ya. Yu tamol an dam Anut yaŋan isini san tamol, agod iŋ Konilias san biabi ŋilaŋal. ⁸Agog melmel ilasa yan naod na ibol idug, idinaig Jopa na diau a.

⁹Salsog dal na diau dugo, ad titiŋaem itur an Pita igudani wo ab san fuŋ ilabakan an fo isida ya.^f ¹⁰Imatigen saian go anaŋ yani wo ilon tinin fidian ibol. Anaŋ dineid dumado dugo Pita malan ŋutun ta ile ya.

^e Iŋ keptan, 600 yu tamol ititianai a ^f Iŋsad ab fidian sad fuŋ man ilabakan. Iŋ pempem ate disida da.

¹¹ Malan isidag keit awan ipasig mel ta yamel oŋ ak gigin iwoiwo atem diabi dugo duyuweg tan na idu dugo ile ya. ¹² Yamel an fo bor, anakanak, mot, mudan naon funfun yil a. ¹³ Agog awan ta iwagiŋ go ibol, “Pita, masap mel an ufu idup wani.”

¹⁴ Ak man Pita ibol, “Tubun en, tia geig. Juda kagin lo mel ta nun dubol dan ŋai gubak mi ŋani man tia geig a.”

¹⁵ Ago tag awan an fon ibol, “Mel dugon Anut ikokan ibol ak, oŋ waliŋ ganep, nun ta ubol na wa.”

¹⁶ Mel naon kisaek an mi ilasa utol gug, fon melmel an yamel anda imul keit lo yau a.

¹⁷ Pita malan ŋutun ile amaiak san fun kankan an igane dugo, Konilias tamol idinaig diau an Pita ab lo imado dan duloŋ tag dupalug ab awan te dutur a. ¹⁸ Ab muroun duwagiŋ go dubol, “Tamol ta etna yaŋan Saimon Pita imado di?”

¹⁹ Pita malan ŋutun amaiak kankan an iganed imado dugo Urgun irupeï, “Uloŋ, tamol utol oŋ abaŋa diabi da. ²⁰ An lo udup, dida au. Ilo weiwei umoi. Man dugo, ŋaiseg ŋidinaig, oŋsa na dupalu ya.”

²¹ Ago tag Pita idug irupidai, “Tamol abaŋale dan ŋai nek en. Aŋ ata wo apalu yak i?”

²² Ago tag ru naon durupeï, “Yu gurman tubun ak Konilias idinamag mupalu ya. Inŋ tamol itaot mok, Anut yaŋan lo ubou ile da. Juda tamolpein dam tamol an yaŋan disini da. Anut san eŋel gun ak ta ipalug oŋ igiop iŋsan ab lo waup ŋiŋe dop ilonŋ o ago eŋel an irupeï a.” ²³ Ago tag Pita tamol utol an igiaig diladug atna dida dien a.

Anut ilo rumok san dalawan Juda tia yak ate diladu wo ipasi a

Tidom lom mi, Jopa na ilo rumok adi aenta Pita luan disag, tamol utol an dida diau a. ²⁴ Tidom kisaek dal na dien gug Sisaria na dilasa ya. Konilias iŋanen samun, turan muroun dam igiaig dupalu yan fidian Pita malan diganed dumado se ya. ²⁵ Pita ab lo iladu wo dugo Konilias yang Pita naon na tubud igo woŋ turun isaluwi pani a. ²⁶ Gug Pita banin idug yabisag irupeï, “Masa, ŋai man tamol nek oŋ igo ya.”

²⁷ Pita Konilias ru irupeï dugo ida ab lo diladug, tamolpein wei mi dumado dugo yil a. ²⁸ Agog Pita irupidai, “Aŋ aloŋ ak. Juda sad kubiaeŋ ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, ŋai tamol ta nun ak ta ŋabol na wa. Ikok tia yak dam ta ŋabol na wa. ²⁹ Ago yak niŋen o saen ŋai niŋeg o ru gane man ta ŋamoi na ya. Ata wo mok ŋai niŋeg o ru gane yak i?”

³⁰ Ago dugo Konilias ibol, “Nal utol yau la ya. Gamu saen nek igo 3 klok guraian ŋaisiganeg ab lo ŋugudani dugo, gamu nam tamol kulos malan milkouk geig ak idirig naog na itur a. ³¹ Agog irupaiag, ‘Konilias,

Anut oņane gudanek ilonj a. Agod binawek urat gane dan ile dugo oņ ilon isou da. ³²Talpein ta dinaip Jopa na diaup, tamol ta yaņan Saimon Pita niņen o dusumiai. Iņ Saimon sen ak san ab lo imado da. Saimon an melmel suņulod ikubunep igane igos da. Iņ loņ aen te imado da.’ ³³Ago yak niņen o gamu nam oņ palu wo ru nņigane ya. Agog oņ gane fufeig palu ya. Gamu maņ fidian Anut malan lo mumado da. Ak niņen o Tubun en ru dugon rupaiama malonj o ibol man, ubol dop malonj o tinima migane da.”

Pita Konilias san ab samun ru irupidai a

³⁴Agog Pita iņsan nņineņ fun iganeg ibol, “Gamu gug nņalonj la ya. Rumok, Anut san kagin panek tamol fidian lo man naon kisaek mi a. ³⁵Enti a Anut niņen o imat dugo, iņsan ilobol fom imado itor dak, gidad naon tinin sen ak an fidian iņal a. ³⁶Bilaluņ uyan ak Anut maņ Isrel tamolpein ipanama yan alonj la ya. Bilaluņ an man iņ Jesus Kristus ipilianig, tinin log id Anut da maror tumado da. Ago dugo Jesus iņ tamolpein fidian sad Tubun a. ³⁷Aņ kulob Isrel tan lo ilasa yan alonj a. Jon suguek iganeg itout go, Galili na mel an fun ilasa ya. ³⁸Jesus Nasaret tamol Anut ipilianig, iņ fo Urgun dabai da iganeg idu yan aņ alonj a. Iņ panu panu itor dugo binawek igane dugo, talpein enti ta ur saian sad gurman paen na dumado dan ikubunia se ya. Man dugo, Anut iņ da dumado na ya.

³⁹“Iņ binawek urat Juda sad tan lo, agod Jerusalem na dam igane se yan maņ malama lo mile ya. Agog aigim fo dibalig dufuni imat a. ⁴⁰Gug nal utol itout an, Anut mateņ lo ifufunig kumaen imasag, maņ malama lo ilasag mile ya. ⁴¹Tamolpein fidian ta dile na ya. Anut maņ mitep fun mufulale san ipilianama yan mi mile ya. Maņ nek kumaen imasa yan iņ da mani maluk na ya. ⁴²Agog Jesus sen ru dabai nam irupaiamag iņsan ru tamolpein naod na mufulale wa, ago gug idinamag mau a. Maņ tamolpein murupidaip, iņsen man tamol a tamolpein dumat la yan, agod a dumado dan dam, iņsad bitinaek tamol imado dak ago murupidaip dulonj an ru kagin irupaiama ya. ⁴³Profet fidian iņ niņen o igo dubol ilasa, ‘Tamolpein a fidian iņ o ilod rumok dan, iņanen yaņan lo Anut iņsad aupasek ipare idu pidinai a.’ ”

Tamolpein Juda tia yan Urgun diņane ya

⁴⁴Saen Pita iņineņ dugo, awan fom tamolpein a ru dulonj dan Anut iņanen Urgun iwali idug fidian diņane ya. ⁴⁵Ilo rumok adi a tini suņulon tutek san muluņ lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak oņ Anut iņanen Awan Urgun tamolpein Juda tia yan dam ipidinai a. ⁴⁶Ata wo? Muroun ru funfun lo Anut yaņan diabisa dugo dulonj se ya. Ago dugug Pita imasag ibol,

⁴⁷“Tamolpein en id Urgun tiņane ago mi iņ dam diņane ya. An niņen o, dugo, suguek diņane an niņen o talpein ta yabitanai san niņen ka ru ibol ak i?” ⁴⁸Agog Pita tamolpein an Jesus Kristus yaņan lo suguek diņane wo ru dabai nam irupidai a. Agog nal aenta iņ dida dumado wo dusumiani tag atna dida dumado ya.

**Pita melmel fidian ilasa yak san ru, a tini suņulon
tutek diņane yan irupidai duloņ a**

11 ¹Tamolpein Juda tia yan Anut san ru diņane yan san ru, aposel adi iņ ilo rumok adi Judea na dumado yan dam irupidai duloņ a. ²Ago yak niņen o saen Pita Jerusalem na ipalu man, Juda ilo rumok adi tinid suņulon dutute an Pita ai dupanig ³dupei, “Oņ tamolpein tinid suņulon ta dutute na yan dida atumanig, anaņ dam ani a.”

⁴Ago tag Pita malan ŋtun ile yak san ru ibol idu, ⁵“Nal ta Jopa na ŋugudani dugo, malag ŋtun en ŋile ya. Keit lo mel ta yamel oņ gigin iwoiwo ate mi diabi dugug, duyuweg, naog na mok idu ya. ⁶Yamel an fo man mudan naon funfun. Bor, mot, agod anakanak naon funfun dien a. ⁷Agog awan ta irupaiağ go ibol, ‘Pita, masap, melmel an ufu idup wani.’”

⁸“Ago tag ŋai ŋabol, ‘Tubun en, tia geig. Mel dugon Juda sad kagin lo nun man ŋai gubak mi ta mok ŋani na ya.’”

⁹“Ago dugo awan keit lo yan fon ibol, ‘Mel dugon Anut ikok ibol dak, oņ waliņ ganep, nun ta ubol na wa.’ ¹⁰Mel naon kisaek an mi ilasa utol gug, fidian mi imul keit lo isida yau a.”

¹¹“Ago ibol gug tamol utol Sisaria nag Konilias ŋaisag na idinaig dupalu yan ab ŋai lo ŋumado yan san awan te dutur a. ¹²Urgun ŋai ilog weiwei ŋamoip, ririan iņ dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya. ¹³Agog Konilias irupaiağ anut san eņel iņsiganen ab lo ilasag iņ da durupeı an san ru ibol dugo maloņ a. Eņel an irupeig igo ibol, ‘Talpein ta dinaip Jopa na diaup, tamol yaņan Saimon Pita niņen o dusumiai. ¹⁴Tamol a bilaluņ irupaio wan lo oņ agod oņane samun fidian dam patu pasek diņane wa.’

¹⁵“Ŋai fun ŋiganeg ru ŋurupidai man, nek ibol fun mok lo Awan Urgun id tinid fo idug tiņane yak igo woņ, ago mi iņ tinid fo dam idug diņane ya. ¹⁶Ago dugug Tubun en ru ibol ak ilog isou, ‘Jon you nam suguek ipanaņ a, gug aņ Urgun nam suguek aņane wa.’ ¹⁷Agod an kuai tem taloņ, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. Ŋai tamol naok dugo yak pe, Anut ata ilon ibol an ŋtute wak i?”

¹⁸Saen ru an duloņ man, iņ ru taidam ad tia ya, tia, Anut yaņan diabisa dugo dubol, “An rumok tap, Anut ilon yen man tamolpein Juda tia yan ilod ibileksap, kumaen pempem yen san diņane wan san dal iņ o dam ikasap yen da.”

Antiok na midaeņ foun ak ilasa ya

¹⁹Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo iņ Juda tamolpein mi Jesus san ru durupidai se ya. ²⁰Ak man Saipras iņ Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo dulonj se ya. ²¹Tubun en san dabai iņ lo yen ak niņen o tamolpein wei kasik ilod dibilisag, Tubun en ilod lo rumok a.

²²Ru an yaug Jerusalem na midaeņ dulonj tag Barnabas didinig, Antiok na yau a. ²³Saen Antiok na ilasag Anut san ilo panek kulob funfun midaeņ an lo igane dan ileg, ilon tubun mi uyanan a. Ago tag tan suek ru irupidai, “Pempem Tubun en awan kagin apani dop, ta mok abisei na wa. Gidad, muruan saian ak gup ilom tinim fidian iņ apani wa.” ²⁴Barnabas iņ tamol uyanan mok. Iņ ilon Urgun agod ilo rumok iņanefuteg an lo iņsan urat lo tamolpein wei mi ilod ibileksag Tubun en san na diaug iņanen tamolpein dilasa ya.

²⁵Agog Barnabas Tarsus na Sol abañan yabi wo yau a. ²⁶Saen iņ Sol ile man, iņaneg ida Antiok na dumul a. Anaņar kisaek midaeņ an lo tamolpein doup tubun dida dutumani dugo maņau dipiteņanai se ya. Antiok na ilo rumok adi yaņak Kris an malmalan mok diņane ya.

²⁷Saen an lo Tubun en san profet aenkadi Jerusalem dibiseig Antiok na diau a. ²⁸Profet ta yaņan Agabas luluņad lo imasag, mitep tan fidian lo kadag tubun idu wak niņen Urgun ikubiai pani dugo ibol a. (Murnag Klodias Rom sad Kaisa imado dugo Agabas awan aban an nuņon ilasa ya.) ²⁹An lo man ilo rumok adi iņaned turad Judea na yan dubunawai o dubol a. ³⁰Agog iņaned filiad iri panim moni diganeg Barnabas Sol da moni dupidinaig disini diaug Jerusalem na ubou san gurman banid lo digane ya.

Herod Jems ifuni imat dugo Pita subanek lo igane ya

12 ¹Saen nek an lo mi Herod fun iņaneg midaeņ ilon lo tamolpein malad isue. ²Iņ ibol dugo Jon tein Jems sabiri nam dufuni imat a. ³Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.) ⁴Pita diabig, subanek ab lo diganeg, yu tamol adi tawaņ an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawaņ an dumado nap, diau dop, fon malan ta dupalu se ya. Herod iņ Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a. ⁵Pita subanek ab lo imado dugo, Kris midaeņ Anut Pita ibinawi wo gadiņ dabai kasik digane se ya.

Anut Pita subanek lo ipasi a

⁶Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man dijaneg sein nam yu tamol neinta dususe ago mi digane ya. Ago dugo inſen man titiſaem yen. Yu tamol aenkadi man subanek ab san dalawan te tawaſ dutur go dumado se ya. ⁷Aria tidom lak geig Tubun en san eſel ante itur dugo, san lilaman subanek ab an ilon igane ilalaſ a. Agog eſel Pita giraſen ifunig malan ipuk gug irupeſ, “Masa kisaek oſ!” Eſel ago ibol dugo, Pita banin ſudun te sein dien an sed ditapas dudu ya.

⁸Ago dugo eſel Pita irupeſ, “Oſsa kulos sendal dam diri.” Pita nek ago mi igane dugo eſel ibol, “Oſane madid san kulos ſanep se ibuluwo gup, ſjeg aban uri.” ⁹Agog Pita eſel an ſien aban irig subanek ab san galuſ dibiseig kuai te dilasa ya. Mel e ilasa den Pita san ilo sou lo man mel nuſon tia ya, iſ malan ſtun mi ile dak ago ibol a. ¹⁰Ago dugo Pita eſel da dupalug, yu gurman tawaſ aben malan te itur dan diriſani a. Agog tinin te itur an san aben dam diriſani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an san dal an dirig kitek taida dilag asau gug eſel Pita ibisei a.

¹¹Ago dugo Pita ilon ipaſti gug kankan ijaneg ibol. “Gamug gug ſalorſ ak, mel ſai lo ilasa man rumok a. Tubun en inſan eſel idinig, ipalug ſai ibinawag go Herod tuon lo, agod Juda sad daoſ panek ilod isou dan lo ipasag a.”

¹²Mel ilasa yan kankan an kitek igane gug, Jon yaſan neinta Mak dubol dan tinan Maria san ab lo yau a. Ab an lo Kris tamolpein wei kasik dususag dugudani dugo dumado se ya. ¹³Pita dalawan ititi dugo, urat pein ta yaſan Roda, talpein dalawan ititi dak naon ile wo ipalu ya. ¹⁴Saen Pita kulagun ilorſ go ilon tubun mok uyanan. Agog dalawan ipaſi san ilon ijaorſ. Pein an imaspalu yaug, tamolpein dugudanid dumado dan naod na Pita ab patun fo itur dan niſen o ibol a. ¹⁵Ak man iſ ilod lo ta rumok na tag dupei, “Oſ nag ſiſeo ifuno boi.” Ago bo man pein an kawan iſiſeſ orſ tag dubol, “An man Pita san mitilaen boi.”

¹⁶Saen diſiſeſ se yan Pita dalawan nek ago mi ititi se ya. Ago yau na gug dalawan dupaſi. Agog saen Pita dile man durut saian geig a. ¹⁷Agog leiſ tubun mi digane tag, awad itau wo banin nam toutou igane ya. Awad itau dugug, Tubun en iſ subanek ab lo ijaneg ilasa yan fun ifulale dugo duloſ a. Agog irupidai, “Ru en Jems iſ ilo rumok adi dida arupidai duloſ.” Ago ibol go itout an ibisawaig, aben sen ta lo yau a.

¹⁸Salso idug yu gurman a tawaſ dutur an luluſad lo leiſ tubun geig ak ilasa ya. Pita dugo yau an ta duloſ na ya. ¹⁹Herod ibol dugo abaſan diabi

ak gug tinin kitek diletu man tia geig a. Ago tag in yu tamol adi tawan dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yang, atna kitek imado ya.

Herod san matej

²⁰Herod Taia Saidon da sad tamolpein niñedi wo tiñaen saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok in Blastus, Herod san ab san titianek, ilon diñane wo diau a. Agop in naod inañep Herod isumiani san a. Ago diganeg, in dida ilod kisaek. An lo diaug, Herod in dida maror dumado wo dusumiani a. Man dugo, in Herod san tan lo anañ diñane yan lo inñan binawek o tinid digane ya.

²¹Blastas Herod san na yang, nal igane wak niñen isumiani. Agog Herod nal igane yak fom inñiganen kiñ kulos iganeg, kiñ san kalik fufo imasig, tamolpein ru irupidai a. ²²Tamolpein inñan ru duloñ dugo disasaig dubol, “En tamol san kulagun tia ya. Tia, en tubud ta inñin da.” ²³Agog gamu nam Tubun en san eñel ta Herod ifunig ibili idu ya. Man dugo, in tamol mi ibol ak imoi. Tia, awan itaug Anut yanñan yabisa san imoi a. Agog kulilid inñan tiñaen dianig imat a.

²⁴Gug Anut san ru italbisi, ifurak go aben fidian lo yau a.

²⁵Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yanñan neinta Mak dubol dan diñaneg dida diau a.

Urgun Barnabas in Sol da ipilianaig idinaig diau a

13 ¹Antiok na midaen ilon lo profet adi, agod girek manau adi dumado dan yanñadi igo ya: Barnabas, Simion a yanñan neinta Niger[§] dubol da. Lusias in Sairini tamol. Manain man in Herod da dilasag ditalbusi kisaek. Agod Sol sen dam mi a. ²Saen Tubun en yanñan lo anañ geg diganeg dugudani dugo Urgun irupidai, “Inai urat ta amag da yak niñen Sol Barnabas da apilianai apanag.” ³Anañ geg diganeg dugudani na yan itout gug Barnabas in Sol da gurnad fo banid diganeg bilaluñ urat banid lo digane gug didinaig diau a.

Barnabas Sol da Saipras na diau a

⁴Barnabas in Sol da Urgun idinaig Selusia na diaug wog diñaneg Saipras nui lo diau a. ⁵Atna taun ta yanñan Salamis dubol dak lo Juda sad ubou ab fidian lo Anut san ru dufulale se ya. Jon yanñan neinta Mak, inñsad urat an lo ibinawai se ya.

[§] Niger san fun man bilkas.

⁶Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yaŋan Bar-Jisas, iŋ yaŋan neinta Grik lo Elimas dubol dan, imado se ya. Iŋ kiai tamol, agod profet sewak dam mi a. ⁷Tamol an iŋ nui an san kiap da nug turan. Kiap an yaŋan Segius Polas, iŋ tamol kankan anda ya. Tamol gurman an Barnabas iŋ Sol da Anut san ru dufulale pani dop ilon o imat tag igiaig iŋsan na diau a. ⁸Ak man kiai tamol Elimas iŋ an imoi. (Iŋ yaŋan fun man: kiai tamol.) Iŋ tamol gurman Barnabas iŋ Sol da sad ru ilon san imoi o igane dugo, Jesus o ilon ta rumok na yan ilon iŋane wo maeg igane ya. ⁹Agog Sol yaŋan neinta Pol, Urgun buben iŋanefuteg malan ti ibol go Elimas ileg, irupe, ¹⁰“Oŋ Satan san nanun, agod melmel dugon uyanan ak sad ager! Oŋ tini man ru sewak agod sewak kagin naon fidian iŋanefute ya. Oŋ pempem Tubun en san ru rumok an bilisap sewak oŋ gane da. ¹¹Gamu Tubun en san tuon oŋ tini fo iganep ule wa. Oŋ mala itaup ad san lilaman ta ule na wa. Agop oŋ ago mado dop saen ipano yak fo gup abaŋ fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya. ¹²Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

Pisidia provins san taun tubun Antiok ante diau a

¹³Pol turan dida Pafos nag diyawaig, Pamfilia distrik na taun ta yaŋan Pega ante dilasa ya. Nek ate gug Jon Mak ibisawaig imul Jerusalem na yau a. ¹⁴Pega dubuseig Pisidia na taun ta yaŋan Antiok na diau a. Agog saen Sabat nal idug Juda sad ubou ab ta lo diladu ya. ¹⁵Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol iŋ Barnabas da sad na ru digane yaug dubol, “Aŋ teik adi, aŋ ru amam da dop man, tamolpein tan suek ru kitek arupidai o iloma ibol da.”

¹⁶Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod aŋ aenkadi da Anut yaŋan abisa dan, kududom apanag! ¹⁷Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diŋane ya. Anut iŋsiganen dabai tutubun ak lo iŋal go Igipta dibiseig dilasag diau a. ¹⁸Agog anaŋar 40 tan kawan ak lo diau dugo, iŋsad kagin sisaiak ile yak bo man sen yabituani dugo bu ta ipidinai na ya. ¹⁹Kenan tan lo tamolpein malan 7 dumado yan iratitalaig tan an iŋaneg iŋanen tamolpein ipidinaig an taman dumado ya.

²⁰“Agog anaŋar 450 itout dugo tamol tulek gurman^h ipidinai a. Tulek tamol adi an paed na mi dumado dugo, yaug, profet Samuel san saen lo

^h Jas

ilasa ya. ²¹Agog Samuel iŋ kiŋ ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yaŋan Sol dubol dan, ipidinai a. Agog anaŋar 40 iŋaned kiŋ imado ya. ²²Agog Anut Sol ipasi yau dugo iŋanen aben lo Dawid kiŋ igane ya. Anut Dawid niŋen o igo ibol, ‘Ŋai Dawid, Jesi nanun iŋanen nao lalek ŋukubiani uyanan a, iŋanen buben nek ibol ŋaisag oŋ, an lo ŋai ilog ibol dak ago mi igane wa.’

²³“Wagam mi mok Anut idsad tubud baged promis ipidinai ak iŋaned malad kubuladi lo patu pasek tamol ta ilasa wa. An lo gamu iŋanen promis ru an nuŋon ilasa ya, Anut Jesus idinig Isrel sad patu pasek tamol ilasa wo ipalu ya. ²⁴Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Aŋanem aupasek patum apanip, ilom abileksap, apalup suguek aŋane.’ ²⁵Saen Jon iŋanen urat wadan ifutani wo sumeik dugo isumianai, ‘Aŋ ŋai enti abol dak i? Ŋai man tamol a malan agane dan tia ya. Tia, tamol an ŋai ŋieg aban fo ipalu da. Ŋai iŋsan sendal san kam ŋupasi san ta idaisuda na ya.’

²⁶“O teig muroug, Abraham malan kubulan, agod aŋ tamolpein aenta Anut yaŋan abisa dan kudom agure. Patu pasek san ru man Anut idsad na iganeg ipalu ya. ²⁷Tamolpein Jerusalem na dumado dan, iŋaned gurman dida Jesus iŋ patu pasek tamol an ta dile duloŋ na ya. An bo saen Jesus daoŋ dupani wo dubol man, iŋ profet sad awad aban Sabat nal fidian lo dusuti dan nuŋon diganeg ilasa ya. ²⁸Iŋ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a. ²⁹Agog saen ru Anut san buk lo melmel a iŋ niŋen o ibol an fidian digane itout man, aigim fo yak dupasig gib lo digane ya. ³⁰Ak gug Anut Jesus mateŋ lo ifufunig afon kumaen imasa da ya. ³¹Agog nal wei kasik Jesus tamolpein Galili nag ŋien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan niŋen dubol ilasa dugo iŋsan ru durupidai duloŋ da.

³²“Promis a Anut idsad tubud baged ipidinai an nuŋon ilasa ya, an niŋen o maŋ gamu bilaluŋ an misini mupalug murupaiaŋ dugo aloŋ da. ³³Promis an san nuŋon ta dile na ya, tia, Anut iganeg Jesus mateŋ lo imasag kumaen imado dan lo mi, id iŋaned malad kubuladi an niŋed o mi promis ru an nuŋon ilasa dugo tile ya. Ru ta Isrel sad bar yabek namba uraru lo yan igo ibol,

‘Oŋ ŋaineg Nanug mok;

Gamu saen en ŋai oŋ Tama ŋumado wa.’

³⁴Agog Anut mateŋ lo ifufunip, fon kumaen imasap, fon imat pe igan san tia yak niŋen ru en ibol,

‘Ŋai aŋ bar gun ak ŋupanaŋ a. Nek imug ŋai Dawid promis ru ŋupani ak ago mi ŋupano mok a.’

³⁵Agog man bar yabek sen ak san boi ta lo dam igo ibol,

‘Oŋ oŋane Tamol Gun ak ulefuni dop gib lo igan san tia ya.’

³⁶“Dawid iñsan saen san tamolpein lulujad lo Anut ilon yen ak fom urat igane se ya, agog saen iñsan urat igane itout man, imat a. Agog iñanen bagen muroun siñired na disareg, iñsan sisanun igan a. ³⁷Ak gug tamol a Anut materj lo ifufunig kumaen imasa yan, tan ilon lo igan man tia ya.

³⁸“Teig taog, ñai ilog ibol dak añ fidian mel en alon uyanan a. Jesus nek emaiak lo Anut ka aņanem aupasek fidian ipare idu wa, ru amaiak gamu murupaiāñ dugo alon da. ³⁹Añ Moses san kubiaēñ lo itaot alasa san tia ya. Gug Jesus lo man, talpein iñ o ilon lo rumok dan Anut malan lo itaot ilasa wa. Melmel a kubiaēñ mi igane san ta idaisuda na yan, an fidian Jesus mi ka igane wa. ⁴⁰Ago yak niñen o kagin agane. Profet adi ru dubol an añ lo ilasa banau. Iñ igo dubol,

⁴¹ ‘Añ ru kukok agane dan, ale.

Ilom weiwei dop arut pe adeg au.

Ata wo? Ñai kulob ta aņsam saen lo ñigane wan niñen, gidad enti ta mel an niñen durupaiāñ an bo man, añ pempem ilom lo ta rumok na wa.’ ”

⁴²Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop duloñ o dusumianai a. ⁴³Agog gurman adi tamolpein tumanek dibiseip diau o dubol dugo, Juda tamolpein, iñ a ta Juda na yak gug Juda sad ubou lo diau dan dam, Pol iñ Barnabas da ñjed fo diau a. Ago dugo uraru an tamolpein tan suek ru durupidaig dubol, “Añ Anut san ilo muñanek ipanañ dan lo atutou yau oñ a.”

⁴⁴Ubou kisaek yang Sabat nal idu yan lo tamolpein kitek wei mi geig taun an lo dumado dan, Tubun en san ru duloñ o dususag dutumani an malan tubun geig a. ⁴⁵Agog saen Juda adi abañ ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

⁴⁶Ago man Pol iñ Barnabas da ta dusuksuk nag ru naon igo durupidai, “Anut iñsan ru malmalan añ murupaiāñ alon o ru kagin irupaiama ya, gug aņsam leil lo man añ ibol tamolpein kumaen pempem yen dan diñane san ta idaisuda na yak igo woñ a. Añ Anut san ru amoi an niñen o, mañ gamu miriñanañ pe Juda tia yak sad na mau a. ⁴⁷Man dugo, Tubun en sen ru kagin irupaiamag ru en ipanama,

‘Ñai ñiginiog oñ Juda tia yan sad sul mado wa.

An lo dop ñaisag patu pasek sini waup,

tamolpein a tan titin wadan fidian lo dumado dan diñane wa.’ ”

⁴⁸Saen tamolpein Juda tia yan ru an duloñ man, ilod tubun mi uyanan go, iñ bused lo Anut san ru lak na geig disini a. Agod tamolpein a Anut gubak mi kumaen pempem san diñane wo ipilianai amaiak fidian ilod lo rumok a.

⁴⁹Tubun en san ru taun an san panu susumeik an lo ifufurak go yau a. ⁵⁰Ak man Juda tamolpein dumasag, taun an san tamol gurman ated dusue ya. In pein yanad anda yak Anut ubou an dile dan dam ated dusue ya. An lo Pol in Barnabas da muruan in madai da dupidinaig dukudaig, aben an dibisei a. ⁵¹Tamolpein an Anut san kagin panek ru duloŋ o dumoi an niŋen o, aposel adi nŋied fo gufgaf an dipilti idug, Aikoniam na diau a. ⁵²Antiok na ilo rumok adi yousai agod Urgun da tinid inaneŋefuteŋ dumado ya.

Pol in Barnabas da Aikonium na ru dufulale ya

14 ¹Kagin naon kisaek an ago mi Aikoniam na ilasa ya. Pol in Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a. ²Gug Juda aenta Anut san ru duloŋ o dumoi, agog tamolpein Juda tia yan ated dusueg, inŋsad kankan dukubulig an lo Pol in Barnabas da dil saiadi. ³Gug Pol in Barnabas da atna saen kitek milaen mi dumado ya. In ta direr na ya, tia, Tubun en san ru inanen ilo panek san an dubol ilasa dugo, Tubun en inŋsen dabai a ipidinai an lo tamolpein ikubiai dileg inanen ru an rumok a. Man dugo, aposel uraru an inŋsan dabai nek amaiak lo kulob girager funfun digane se ya. ⁴Taun an san tamolpein ditarpaleg malan uraru. Aenkadi Juda dida dutur, go aenkadi man Pol in Barnabas dida dutur a. ⁵Tamolpein Juda tia an inaneŋed gurman dida, agod a Juda yan inaneŋed gurman dam dida Pol in Barnabas da daoŋ dipidinaip pat nam dufup dumat o palaŋ ad dumari se ya. ⁶Saen aposel ru an duloŋ tag, dusol go distrik Likonia na taun uraru Listra in Derbe da, agod panu susumeik an lo dam diau a. ⁷Ante Jesus san bilaluŋ uyan an san fun dufulale se ya.

Pol taun Listra Derbe da lo imado ya

⁸Listra na tamol ta imado. In tinaŋ niŋaen lo mi niŋen imat, agod itor san tia ya. ⁹Saen Pol ru ifulale dan in dam doup luluŋad lo imado dugo kududon igure se ya. Pol tamol an malan ti ibol go, ilon lo rumok ile yak niŋen o ilon ak, Anut tamol an ka ibinawi wa. ¹⁰Ago tag Pol awan tubun mi irupeŋi, “Masap! Itaot utur!” Agog tamol an gamu nam imasag itur go itor ila iso se ya.

¹¹Saen tamolpein Pol ago igane yan dile man, inŋsiganed Likonia muroun ru lo duwagiŋ go dubol, “Tubud adi dibilisag, tamol on go idsad na dupalu ya.” ¹²Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya. ¹³Seus san tempel taun an san ar patun fo yen da. Seus san pris makau tamol ak injal go mor dam

¹ Grik inŋsad tubud sewak wei mi. Tubud an sad gurman yan an Seus. Agod inŋsan awan niŋalaŋ man Hemis.

isinig, tan san dalawan in tamolpein dida aposel yai digane pidinai o ante dupalu ya.

¹⁴ Saen Pol in Barnabas da tamolpein kulob dugdugo digane dan dulong ak man, in kagin an dumoi tag in sed tinid fo biou in an dirasisire idug, dumaspalug, doup lulu ad lo diladug disasaig dubol, ¹⁵ “An ata wo igo agane dak i? Man dam tamol nek an igo mi a. Man bilalu in uyan ak ta Jesus ni in o misini mupalu da. Mansama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a. ¹⁶ Imug mi man in tamolpein yilfu dugo in aned ilobol mi digane na ya. ¹⁷ Gug in pempem mel sisi aok igane ilasa na yan lo in sen fun ikubiai ale se ya. In ui iganep, keit lop idu da. Nal fom an an in iganep ilasa da. An an ipan an dugo ilo uyan dam ipan an da.” ¹⁸ Pol in Barnabas da ru ago dubol gug tamolpein man yai digane mok o yaes ifu da, an ni in o diabituanai o muruan geig a.

¹⁹ Agog Juda aenkadi Antiok Pisidia provins atna yan, Aikoniam na yan dam dupalug, doup ilod di aneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a. ²⁰ Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

Pol Barnabas da taun Antiok a Siria na yan ante dumul a

²¹ Pol in Barnabas da Derbe na Jesus san bilalu in uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam nag, Antiok o Pisidia na yan lo dilasa ya. ²² Atna ilo rumok adi in aned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.” ²³ Mida in kisaek kisaek lo, tamol a Tubun en ni in o ilodi rumok dan lulu ad lo Pol in Barnabas da matu aenkadi dipilianai pidinai a. Agog ni in dugudani wo an an geg diganeg, dugudanig, Tubun en banin lo didirai diau a. ²⁴ Agog dibisawaig Pisidia provins na ditilianig itout go Pamfilia provins na diau a. ²⁵ Taun Perga na Anut san ru dufulale itout go lon na diaug taun Atalia na dilasa ya. ²⁶ Murnag wog di aneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo in san ilo panek paen na urat digane wo idiraig dutor nag, gamu wadan dufutani a.

²⁷ Antiok na dilasag ilo rumok adi dutumanaig, Anut urat in lo igane na yan san ru durupidaig dulong a. Agog Anut tamolpein Juda tia yan ilod lo rumok san dal ipasi an dam dubol dulong a. ²⁸ Agog saen milaen mi ante ilo rumok adi dida dumado se ya.

Aposel gurman dida Jerusalem na dutumani a

15 ¹Tamol aenkadi Judea na yak Antiok na diaug, fun diganeg ilo rumok adi dipitejanai dugo dubol, “An Moses san kubiaej ibol dak fo mi tinim sunjolon atute wa. Tia dop, Anut an patum ta ipasi na wa.” ²Pol in Barnabas da ru an ninen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an ninen o dukubiai a.”

³Ago midaej didinaig, Jerusalem na diau. Fonia in Sameria da sad dal im turej diabi dugo, tamolpein Juda tia yan ilod lo rumok go ilod dibilisa yan san sae dusue se ya. Ilo rumok adi fidian ru dulong an ilod tubun mi uyanan a. ⁴Saen Jerusalem na dilasa yan aposel adi, matu adi, agod midaej fidian dupalug duyujanai se ya. Ago Anut in lo dugo igane na yan naod na dubol ilasa dugo dulong a.

⁵Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi lulujad lo malan kisaek dumado na ya. Tamol emaiak dumasag igo dubol, “Arupidai dulong pe, tinid sunjolon dutute dop Moses san kubiaej ibol dan ago mi duri dupani. Kagin an ta dirijani na wa.”

⁶Ago tag aposel adi in matu dida dutumanig muruan an ninen o dinijej a. ⁷Inijej diganeg yang milaen dugo Pita imasag ibol, “Teig muroug, an alon a. Malan malan mok Anut an lulujam lo naj ipilianag a. Agop tamolpein Juda tia yan naj awag lo Jesus san bilalun uyanan an dulong pe, ilod dibilisap, ilod lo rumok a. ⁸Ago dugo Anut a idsad bubed ilon dan inisan rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a. ⁹Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a. ¹⁰Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaej burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya. ¹¹Ak man id igo ilod lo rumok, nek ibol Tubun en san ilo panek an lo patud ipasi wak igo wonj, in dam ago mi patu pasek dinjane wa.”

¹²Doup tumanek lo yan fidian awad itaug dumado dugo Pol in Barnabas da tamolpein Juda tia yan lulujad lo Anut in lo kulob girager dugo igane na yan ninen durupidaig dulong a. ¹³Injaned ru dubol itout man Jems imasag ibol, “Teig taog, kududom agure! ¹⁴Anut imug mi Juda tia yan sad na ilasag lulujad lo tamolpein aenta injal pe injanen yajan disini wo sad na yau a, an san ru Saimon irupaiad la ya. ¹⁵Agod ru a Saimon ibol an profet adi sad awad aban da awad dutumani kisaek a. Insad ru igo ya,

16 ‘Tubun en ibol, mel en itout gup ŋai ŋamul da wa.

Agop Dawid san ab yau idu yan fon ŋabisa da wa.

Ab saian an ŋabisap, afon ŋususep uyan ilasa da wa.

17 Ago yak niŋen o tamolpein aenta fidian Tubun en abanjaŋ diabi wa.

Agod Juda tia yan fidian a ŋai yaŋaŋ tinid fo yen dan dam ago digane wa.’

18 Tubun en mel an fidian, fun log ipalug gamu kuai tem tamolpein duloŋ san ak idirig, ago ibol ilasa ya.”

19 Agog Jems fon ibol, “Ŋaisiganeg kankan lo yak ŋabol da. Id tamolpein Juda tia yan dibilisap naod Anut dupani dop muruan ta tupidinai na wa. 20 Tia, girek ta tigirep ru igo turupidai a. Iŋ mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa. 21 Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaeŋ Sabat nal anen anen Juda sad ubou ab fidian lo dusuti da. Ago dugo iŋsan ru panu fidian lo dufulale da.”

Iŋsad girek digire yan san ru

22 Agog aposel, agod matu adi dida midaeŋ fidian dutumanaig, awad kisaek gug tamol ta dipilianaip Pol iŋ Barnabas da dida Antiok na diau wo dubol a. Agog Sailas, iŋ Judas yaŋaŋ neinta Basabas dubol dan dipilianai a. Tamol uraru an ilo rumok adi luluŋad lo yaŋad ad da ya.

23 Girek a digireg disini diau o dupidinai an san ru igo ibol:

“Aŋ ilo rumok Juda tia yan, Antiok na Siria na agod Silisia na amado dan, maŋ aŋanem teim taom, aposel agod matu adi dam maŋanema ilo uyan aŋsam na migane ipalu da.

24 Maŋ malonŋ ak maŋsama tamol aenkadi aŋsam na diaug ru dubol an lo aŋ ilo wei dupanaŋ dugo aŋanem kankan dukubuli a. Maŋ iŋ ago digane wo ru kagin ta murupidai na ya.

25 Ago tag maŋ fidian mutumanig iloma kisaek go tamol aenkadi mipilianaig midinaig aŋsam na dupalu da. Idaned turad mok Barnabas iŋ Pol da dida dupalu da.

26 Tamol uraru an idsad Tubun ak Jesus Kristus yaŋaŋ disini wo saen wei mi sed tinid dibisei se ya.

27 Aria, maŋ Judas iŋ Sailas da mipilianaig dida dupalu wa. Tamol uraru en ru a migire yan sed awad nam durupaiŋ dop aloŋ a.

28 Maŋsama ilo sou lo, agod Urgun san ilo sou lo dam, mel en mi uyanan a. Maŋ iŋ da sisem murupaiŋ dak, aŋ muruan ta fon kubiaeŋ en subuŋaŋ tinim fo ta migane isuda na wa. Kagin nek en mi agane wa.

²⁹ Anaj tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta agane na wa. Kagin naok ago yan lo tinim apirani tap, nek an agane uyanan a. Nek a.”

³⁰ Midaeŋ girek an banid lo diganeŋ didinaig Antiok na diau a. Antiok na dilasa gug ilo rumok adi fidian dutumanai gug girek an dupidinaŋ a. ³¹ Agog an san ru dusuti a. Dusuti man, san tan suek ru dulonj dugo yousai tubun mi digane ya. ³² Judas iŋ Sailas da sisem sad teid taodi ru wei mi nam tan suek ru dupidinaig dabai dupidinaŋ a. Man dugo, tamol uraru en dam Anut san profet mi a. ³³ Antiok na kitek dumado gug ilo rumok adi maror lo mi didinaig dumul go, siganed na diau a. ³⁴ (-) ³⁵ Ak man Pol iŋ Barnabas da Antiok na dumado dugo, ante tamol aenkadi wei mi dida Tubun en san ru dufulele dugo tamolpein maŋau dipiteŋanaŋ se ya.

Pol iŋ Barnabas da ilod ta kisaek na yan lo sensen diau a

³⁶ Murnag Pol Barnabas irupeŋ, “Id taup, teid taod Kris a panu panu imug taug Tubun en san ru turupidai se yan ate tau a. Iŋ dugo dumado dan teil a.” ³⁷ Barnabas awok ibol ak gug Jon a yaŋan neinta Mak dubol dan dida diau o ilon ibol a. ³⁸ Ak man Pol Jon diŋaneŋ ida diau san an ta uyan na yak ago ilo sou igane ya. Man dugo, gubak mi iŋ Pamfilia na urat digane dugo, Jon dida urat digane yau o imoig ibisawaig imul yau a. ³⁹ Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yaŋan neinta Mak iŋaneŋ ida wog diŋaneŋ Saipras nui na diau a. ⁴⁰ Gug Pol Sailas iŋaneŋ, ilo rumok adi dutumanig Tubun en san ilo panek lo kagin ipidinaŋ o dugudani gug, urarum didinaig diau a. ⁴¹ Agog iŋ Siria nag Silisia na midaeŋ fidian dabai dupidinaŋ dugo diau se ya.

Timoti, Pol iŋ Sailas da luad isag dida diau a

16 ¹ Pol tureŋ ibateg Derbi na agod Listra na yau a. Atna ilo rumok pinein ta yaŋan Timoti imado se ya. Iŋ tinan Juda. Agod iŋ dam ilo rumok pein ta. Gug taman man iŋ Grik tamol. ² Listra iŋ Aikoniam da sad ilo rumok adi fidian Timoti dupitiani da. ³ Pol iŋ Timoti iŋaneŋ ida diau o ilon yen tag ibol dugo Timoti tinin sunulun dutute ya. Man dugo, Juda panu fidian lo dumado dan dulonj, Timoti taman man iŋ Grik tamol. ⁴ Saen panu fidian lo diau se yan kubiaeŋ aposel adi iŋ matu dida Jerusalem na digane yan ilo rumok adi dupidinaig, kubiaeŋ an mi duri dupani wo dubol a. ⁵ Ago yan lo midaeŋ iŋaneŋ ilo rumok dabai dupanig, midaeŋ fidian nal ate mi tubun ilasa se ya.

^j Boi 34 an Grik lo tia ya. v 34 Ak man Sailas gidad iŋsan ilo sou lo aben an ta ibisei na man uyanan a.

Pol malan ɲutun lo Masedonia tamol ta ile ya

⁶Urgun iɲ Esia san tan fidian lo Anut san ru dubol ilasa wo man geg ipidinai a. Ago tag iɲ Frisia na, agod Galesia na mi tureɲ diabi na ya. ⁷Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya. ⁸Ago tag Misia na diau oɲ go, Troas na dilasa ya. ⁹Atna tidom lo Pol malan ɲutun lo Masedonia tamol ta itur dugo iwagi dan ileg igo irupei, “Ete Masedonia na palup maɲ binawama.” ¹⁰Saen Pol mitilaen an ago ile man, gamu nam maɲ ru kagin irupaiamag Masedonia na mau san aban mukubune ya.^k Man dugo, mitilaen an maɲ kankan ipanama yak, Anut maɲ atna maup bilalunɲ uyanan an tamolpein sad na mufulale wo igiama ya.

Filipai na pein ta yaɲan Lidia iɲ ilon lo rumok a

¹¹Troas na wog miɲaneg tim idudunamag itaot geig Samotres na mau a. Agog maen, mumasag, Niapolis na mau. ¹²Atnag ɲiema nam maug, Filipai na milasa ya. Masedonia distrik lo Filipai iɲ taun malan te ya. Taun an Rom gabman iɲane ya. Maɲ atna kitek dam mumado ya.

¹³Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya. ¹⁴Pein a ru duloɲ na yan luluɲad lo kisaek ta yaɲan Lidia. Iɲ Taiataira pein. Iɲ yamel daran naon lak na geig ak iɲsan na didad da. Pein an iɲ Juda tia yak gug iɲ Anut o ubou ile da. Saen Pol ru ibol dugo Tubun en iganeg buben isofulale dugo iɲanen ru iɲane uyanan go ilon lo rumok a. ¹⁵Agog Lidia iɲanen ab samun dida fidian suguek diɲane gug isumianama, “Aɲanem ilom lo ɲai akubianag ak Tubun en san ru ɲiganuri dan ilom ago isou tap, apalup ɲaisag ab lo tumado wa.” Ago dugo Lidia dabai igane oɲ tag ida mau a.

Pol iɲ Sailas da dusubanai a

¹⁶Nal ta maɲ gudanek aben lo mau dugo, dal na urat bigabeg pein ta ipalug iliama ya. Iɲ ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi iɲanen tirnek tamol adi iɲane pidinai da. ¹⁷Pein an maɲ Pol da ɲiema aban irig isasai dugo, igo ibol se, “Tamol en iɲ Anut lak na geig ak san urat tamol. Iɲ dal dugo lo patu pasek aɲane san ak dubol ilasa da.” ¹⁸Nal wei kasik ago iginiamag, Pol tiɲaen saian tag nal ta idanɲag, ur saian an ipei, “ɲai oɲ ɲurupaio da, Jesus Kristus yaɲan lo pein an biseip lasa wau.” Ago dugo gamu nam ur saiak pein an ibiseig ilasa kisaek oɲ a.

¹⁹Urat bigabeg pein an san tirnek tamol adi moni diɲane san dal itau an dile tag, Pol iɲ Sailas da duburouɲ, diriaig didaen aben lo kot

^k Ete Troas na Luk iɲsen luad isag dida diau a.

dupidinai o diau a. Ante gurman adi naod na dugunai a. ²⁰Agog iŋ Rom san tulek tamol an naod na ru dupidinaig dubol, “Tamol en Juda tamol. Iŋ idsad taun lo muruan digane da. ²¹Iŋ kagin idsad kubiaen lo geg an tamolpein dipitejanai da. Id Rom tamolpein iŋsad kagin dubol dan tiŋane dop tiri san tia ya.”

²²Agog doup tubun an dumasag, Pol iŋ Sailas da dufu wo fun digane. Tulek tamol an Pol iŋ Sailas da tinid fo kulos disire idug, bu dupidinai o dubol. ²³⁻²⁴Agog dufu saian go subanek ab lo didirai a. Tamol a subanek ab ititiani dan isubanai sakar o durupe i tag, ibilai galuŋ ilon lo geig ak lo diladug, ai lapan uraru muruadi ak nam ŋiedi ipini a.

²⁵Tidom luak igo woŋ Pol iŋ Sailas da Anut dugudani dugo bar diabi se ya. Ago dugo subanek tamol fidian awad duloŋ se ya. ²⁶Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog ŋied banid lo sein a ate dusubanai an sed itapas diau a. ²⁷Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, iŋsiganen sabiri igursig, nam sen ifuni imat o sumeik a. ²⁸Ago dugo Pol awan tubun mi iwagiŋ go ibol, “Se ifuno umoi. Maŋ tet mi mumado da.”

²⁹Subanek ab san titianek lam disini dupalu wo iwagiŋ. Agog isuruwor oŋ imaspalug iladug, Pol Sailas da ŋied fun na turun isaluwig idu ya. ³⁰Agog iŋal go patun fo dilasag isumianai, “Iŋai dugo ŋiganep lo patu pasek ŋiŋane wak i?”

³¹Agog ru naon durupe i, “Oŋ Tubun en Jesus niŋen o ilo rumok tap patu ipasi wa. Oŋane ab samun dam patud ipasi wa.” ³²Agog Tubun en san ru iŋanen ab samun dida naod na dufulale ya. ³³Tidom an lo mi subanek ab san titianek Pol iŋ Sailas da dufunai na yan sad baob ifulanig ifou pidinai. Iŋanen samun fidian dida ilod lo rumok go suguek diŋane ya. ³⁴Agog Pol iŋ Sailas da iŋal go ab lo disidag anaŋ ipidinaig diani. Titianek an iŋanen samun dida ilod tubun mi uyan a. Man dugo, iŋ gamu Anut ilod lo rumok.

³⁵Tidom lom mi tulek tamol adi iŋsad aikatuk adi didinaig diaug subanek ab san titianek igo durupe i, “Tamol uraru an pasaip diau a.”

³⁶Agog tag titianek tamol an Pol irupe i, “Gurman adi oŋ Sailas da ŋubusawaŋ pe alasa wo uyan dubol a. Ago yak niŋen o aŋ maror lo mi au a.”

³⁷Gug Pol aikatuk an irupidai, “Maŋ mel ta migane saian man tia ya. Agod mel an fun niŋen o ta dusumianama na ya. Maŋ bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Maŋ ta mok mau na wa! Gurman adi iŋsed mok dupalup, dupasamap milasa gup mau a.”

³⁸Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da iŋ Rom tamol an duloŋ man direr

saian geig a. Man dugo, kabelan iŋ dam naon diŋane banau. ³⁹Ago tag diaug, Pol iŋ Sailas da naod na iŋ digane saian ak niŋen o iŋaned muruan ilod iŋaonj o dugudani a. Agog diŋal go subanek aben dubuseig dilasag, panu dubuseip diau o dusumianai da. ⁴⁰Ago tag Pol iŋ Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

Pol Tesalonaika na Anut san ru ifulale ya

17 ¹Pol iŋsan urat kisaek ak dida turenj diabig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da. ²Pol iŋsan kagin mi irig ubou ab an lo iladug Sabat nal utol tet mi tamolpein dida ru Kristus niŋen o Anut san buk lo yen dan niŋen o ru dabai lo dida diŋiŋeŋ se ya. ³Iŋ mel en ifulale pidinai a, Kristus muruan madaŋ da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-riŋani san tia geig ak niŋen o kuai te ikubiai pidinai o maeg igane se ya. Ago dugo igo irupidai, “Jesus nek e niŋen o ŋabol ilasa den iŋsen mi Kristus.” ⁴Juda aenkadi ru a Pol ibol ilasa se yan rumok dupanig Pol iŋ Sailas da luad disa ya. Ago dugo Grik tamol aenkadi Anut o ubou dile dan, agod pein yaŋad anda yak aenkadi dam nek ago mi digane na ya.

⁵Ak man Juda aenkadi Pol san urat dileg, turak dususa se ya. Ago tag tamol saiadi a taun san tumanek aben lo kawan dumado dan diŋal go dutumanai a. Agog iŋ tamolpein taun a lo dumado dan fidian bubed diabisag, Jeson san ab digileg, Pol iŋ Sailas da abanad diabi se ya. Iŋsad ilo sou lo man dilaip duburoup, tamolpein malan tubun an sad na diŋal diau o digane. ⁶Ak man ta dil na tag Jeson iŋ ilo rumok aenkadi dida diŋal go taun an san gurman adi sad na diau. Agog duwagiŋ go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya. ⁷Agog Jeson tamol an iŋal go iŋsan ab lo dida dumado da. Iŋ fidian Kaisa san kubiaen igane yan dipilali dugo, kiŋ neinta imado dak ago dubol a. Kiŋ an yaŋan Jesus dubol da.” ⁸Saen ru an dubol man tamolpein malan tubun an, iŋ taun san gurman dam fidian tiŋaed saian dugo ta dumado wo uyan se na ya. ⁹Ago tag gurman adi moni sapita Jeson ipidinai dop diŋane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta iŋane da na wa. Agog Jeson moni an iŋaneg ipidinai gug, ka diau ak ago dubol tag, Jeson tein taon Kris an iŋal go dida diau a.

Beria na tamolpein wei mi Jesus o ilod rumok a

¹⁰Saen tidom idu dugo, ilo rumok adi Pol iŋ Sailas da didinaig, Beria na diau. Diaug dilasa man Juda sad ubou ab ta lo diladu ya. ¹¹Juda adi ete dumado den a Tesalonaika na dumado dan ago tia ya, tia, iŋ kankan

uynan ad da ya. Ago yan lo Pol san ru diñane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya. ¹²Amiaik niñen o Juda wei kasik ilod lo rumok a. Grik pein kitek wei mi yañad ad da yak, iñ Grik tamol dida ilod lo rumok a.

¹³Saen Juda adi Tesalonaika na yan Pol Beria na Anut san ru ifulale dan duloñ tag dupalug, tamolpein ated dusue dugo tiñaed saian se ya. ¹⁴Ago tag gamu nam ilo rumok adi Pol didinig, loñ na yau a. Gug Sailas iñ Timoti da man Beria na dumado se ya. ¹⁵Tamol a Pol diñaneg ida diau man diaug, Atens na geg gug tamol an afon idinaig Sailas iñ Timoti da ririan iñ luan disa wo ru iganeg sad na yau a. Agog saen ru diñane man Beria dibisei kisaek oñ go iñsan na dupalu ya.

Pol Atens na ru ifulale ya

¹⁶Saen Pol Atens na Sailas iñ Timoti da malad igane dugo, taun an ilon lo tubud sewak an mitilaedi wei mi yil dugo, ilon imasag ilon muruan geig a. ¹⁷Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diñiñeñ ila iso se ya. Nal pempem ensauta dadeñ aben lo dumado tap, tamolpein an dam ru irupidai dop dida diñiñeñ se ya. ¹⁸Ago dugo mañau tamol malan uraru dida diñiñeñ dugo nug aen ditog. Malan ta yañad Epikurian, malan neinta yañad Stoik. Malan uraru an luluñad lo aenkadi igo dubol, “Ak dugo, awa you mañau an tia amiaik dugo ibol o maeg igane dak i?” Ago dugo aenta dubol, “Iñ tag tubud gol ak niñedi wo ru ifulale dak boi a.” Iñ ago dubol dan fun man, Pol iñ Jesus agod iñsan mateñ lo kumaen imasa amiaik san ru ifulale se ya. ¹⁹Aria, Atens ilon lo bubun ta yañan Ariopagus dubol da. Aben ante taun an sad kaunsil dutumani da. Agog diñaneg Ariopagus tumanek aben ate diñaneg diaug durupe, “Oñsa piteñanek foun an naoma na ubol ilasa dop ka maloñ ak i? ²⁰Oñsa piteñanek senamo geig ak kududoma lo ililañan da. Ago yak niñen o melmel an sad fun maloñ mok o iloma yen da.” ²¹Atens tamolpein, agod gol tamolpein aenkadi dupalug dumado dan iñ melmel foun ilasa dan niñen o mi nug naon na dubol dop duloñ o dumat da. Iñaned saen tubun mi ago digane da.

²²Ariopagas gurman a dutumani an naod na Pol imasa itur go ibol, “Añ Atens tamol kududom agure. Iñaisag leil lo man, añañem kagin fidian lo tubud adi ubou ad ale wo yaes isofutanañ da. ²³Man dugo, saen ñai añañsam taun ilon lo ñitiliani ñator se man, malag yaug melmel a lo ubou amad ale dan ñeil a. Ago dugo alta ta fufo girek ta igo digire yak ñile ya. Girek an igo ya, ‘Alta en tubud enti id ta taloñ na yak san a.’ Aria, gamu tubud a ta aloñ nag ubou an ale dan, gamu añañsam na ñabol ilasa wo da. ²⁴Anut a tan iñ keit da iganeg mel fidian ilon lo dam idiri an, iñsen keit

agod tan da sad Tubun ak imado da. Agod in tempel tamolpein banid nam dufou yak lo ta imado na da. ²⁵Agod in mel o katukan dop tamol banid nam ta dibinawi na da. Man dugo, in sen amaiak tamolpein fidian kumaen di ur, agod mel fidian dam ipidina da. ²⁶Tamol kisaek mi igane gug lo tamol naok funfun ilasag, tan fidian lo dumado da. Gamugo iginia dugo, in sen mi tamolpein warou anen anen saen dumado wak ibalsi pidina a. Agog tan geg ak anen anen ate mi itarpale pidina a. ²⁷In ago igane yan lo, tamolpein fidian Anut abajan diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da. ²⁸Man dugo, talpein ta igo ibol,

‘In lo man, id kumaen tumado dugo tala taso da,
 agod in lo dam idsad madok san fun yen da.’ Taida mi, ananem
 profet aenkadi dam igo dubol,
 ‘Rumok, id man inanen malan kubulan.’

²⁹Id Anut malan kubulan, ago yak ninen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manau lo mel an banid nam didirai ilasa ya. ³⁰Id fidian tinjon dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap inaned kagin saiak an patud dupani wa. ³¹Man ata wo? Nal ta lo in kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan san dal man nek igo ya, tamol a matej lo ifufunig afon kumaen imasa da ama ya.”

³²Saen tamol adi a Ariopagus na yan Pol tamol ta matej lo kumaen imasa da yak san ru ibol dugo dulong man, aenkadi kukok an digane se ya, ak man aenkadi dubol, “Man ru e mel an ninen o ubol den afon nal tap malon a.” ³³Agog Pol tumanek an ibiseig yau a. ³⁴Gug tamol aenkadi inanen ru ilod lo rumok an lo luan disa ya. Lulunad lo tamol ta yanjan Daionisias in Ariopagus kaunsil ta. Agod pein ta yanjan Damaris, ago dugo tamolpein aenta dida ilod lo rumok a.

Pol Korint na Anut san ru ifulale ya

18 ¹Pol Atens ibiseig Korint na yau a. ²Atna Juda tamol ta yanjan Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yanjan Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a. ³Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel

diweig didaen lo didiri dugo moni diñane se ya. ⁴Ago dugo Pol iñ Sabat nal anen anen ate mi Juda sad ubou ab lo tamolpein a ate dumado dan dida diñiñeñ dugo nug aen ditog se ya. An lo Juda aenkadi agod Grik tamolpein dam ilod iñaneg Jesus o ilod rumok a.

⁵Saen Sailas iñ Timoti da Masedonia na dupalug Korint na dilasa man, Pol iñsan ab sel iwei se yan ibiseig saen tubun mi Tubun en san ru ifulale se ya. Iñ Juda tamolpein mi naod na Kristus man iñsen Jesus an irupidai duloñ se ya. ⁶Gug saen iñ Pol san naon diabi dugo nao futek ru dupani se man, ilon imoi ak niñen o iñsan kulos fo gufgaf dien an igigiani idu ya. Agog patun ipidinaí ak san ru en igo irupidai, “Añ adeg au tap, an añanem mel mi a, ñaisag wadan tia ya. Ak niñen o gamu saen e yau den, ñai tamolpein Juda tia yan sad na ñau a.”

⁷Agog ibisawaig, tamol ta yañan Titius Jastus san ab lo yaug ida dumado na ya. Iñ Juda tia gug Anut ubou an ile da. Iñsan ab Juda sad ubou ab giranen na itur da. ⁸Aria, ubou ab an san gurman yañan Krispas dubol dan Tubun en niñen o ilon rumok a, agod iñanen samun fidian dam ilod lo rumok a. Korint tamolpein wei mi Pol awan duloñ go ilod lo rumok gug suguek diñane ya.

⁹Nal ta tidom lo Pol malan ñutun ile dugo Tubun en irupei, “Oñ ta urer na wa. Tia, ubol ilasa dop awa ta mok itau na wa. ¹⁰Man dugo, ñai oñ da tumado da. Talpein ta oñ ifunop saian ipano san tia ya. Ete mado, man dugo, tamolpein wei mi taun en lo dumado dan ñaisag tamolpein.” ¹¹Ago tag Pol atna anañar kisaek wadan da imado dugo, taun an san tamolpein ilod lo Anut san ru ipiteñanai se ya.

¹²Ak man saen Rom gurman ta yañan Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak lo, Pol kot dupani wo diabig, diñane diaug gabman san kot naon na dugunig ¹³dubol, “Tamol en kubiaen iriñani da. Ata wo? Iñ tamolpein dal senamo yak lo Anut niñen o ubou digane wo ilod iñane wo maeg igane da. Gug dal an kubiaen ta iri na da.”

¹⁴Pol awan ipuk go iñiñeñ o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, añ Juda awam ñaloñ san an dal ag da wa. ¹⁵Ak man gamu añ asumianag dak, ñai ru ta, yañak, agod añanem kubiaen dam mel naok an mi ñibitinae wo abol da. Ñai ru naok ago yak ta ñibitinaep ñukubune na wa. Ago yak niñen o añsem muroum mi ale gup akubune wa.” ¹⁶Ago ibol dugo ikudaig kot aben dubiseig, patun fo dilasa ya. ¹⁷Juda tamolpein an fidian iñ ubou ab san gurman ta yañan Sostenis dubol dan diabig, kot malan lo malak malak dufuni se ya. Ak man Galio ka yilfu oñ a.

Pol Korint ibiseig Antiok na yau a

¹⁸Pol nal wei mi ilo rumok adi dida Korint na dumado gug wog iñaneg Akwila iwon Prisila da dida Siria na diau a. Wog gamugo iñane dugo

Senkria na gurman roun ibol dugo dutute ya. Man dugo, inug mi Anut malan lo promis ru ibol an nuñon igane yak niñen o iñsan promis an igane itout a. ¹⁹Diaug, Efesus na dilasag, atna Pol Akwila iñ Prisila da ibisawaig, ubou ab lo iladug, Juda dida Kristus niñen o ru lo nug aen ditog se ya. ²⁰Atna saen milaen mi dida dumado wo dusumiani ak man iñ imoi. ²¹Gug saen yau o dugo irupidai, “Anut ñamul o ibol tap, ñai añsam na ñamul da wa.” Agog Efesus ibiseig iyawai a.

²²Agog Sisaria na ilasag, Jerusalem na isida yau. Atna midaeñ ilo uyan ru irupidai gug Antiok na yau. ²³Antiok na kitek imado gug yaug Galesia ilon lo iladug, Frisia na ðam ilo rumok adi fidian dabai ipidinai dugo yau oñ se ya.

Juda tamol yañan Apolos Anut san ru ifulale ya

²⁴Saen Pol yau imul dugo Juda tamol ta yañan Apolos, tinan Aleksandria na igansi ak iñ Efesus na ipalu ya. Iñ ru bilabal nimañau man uyanan geig. Agod Anut san ru girek lo yen dan ilonñ siñaokan. ²⁵Iñ Tubun en san ru dupiteñani siñaokan. Agog buben imasag, Jesus san ru itaot mi ifulale dugo tamolpein ipiteñanai. Gug iñ Jon san suguek an mi ilonñ. ²⁶Aria, saen Efesus na ilasa man, Juda sad ubou ab lo ru dabai anda ifulale dugo Akwila iñ Prisila da dulonñ a. Ago tag diñaneg, iñsiganed ab lo diaug, Anut san dal taidam itaot dukubiai panig ilonñ a. ²⁷Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en añsam na ipalu tap, ayuñani wa.” Saen Akaia na ilasa man, tamolpein a Anut san ilo muñanek log Jesus o ilod rumok an ibinawai siñaokan a. ²⁸Man dugo, iñsan ru dabai anda ibol se yan lo malak malak ru lo nug aen ditog dugo iñ Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man iñsen Kristus.

Pol Efesus na Anut san ru ifulale ya

19 ¹Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag ²isumianai, “Saen añ ilom lo rumok an Urgun añane yak i?”

Ago dugo iñ dubol, “Mañ ru ta Urgun niñen o kitek malonñ man tia ya.”

³Agog fon isumianai, “Ak dugo, añ suguek naon dugo yak añane yak i?”

Agog awan diabig, dubol “Mañ Jon san suguek miñane ya.”

⁴Ago tag Pol irupidai, “Jon san suguek man tamolpein iñaned aupasek patud dupani ak san a. Iñ Isrel tamolpein irupidai, “Tamol a ñai ñjeg aban fo ipalu dan ilom lo rumok a. Tamol an Jesus.”

⁵Ru an dulonñ go Tubun en Jesus yañan lo suguek diñane ya. ⁶Agog saen Pol banin gurmada fo igane man, Urgun iñ tinid fufo idu ya, ago

dugo muroun ru sensen ak lo dijinjeŋ dugo, profet ru dam dubol ilasa se ya. ⁷Tamol an nuŋod 12 igo woŋ.

⁸Kalam utol Pol Juda sad ubou ab lo yau imul dugo Juda tamolpein Anut san ru dabai anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulonj pe ilod lo rumok o ago igane se ya. ⁹Ak man aenkadi kabuŋad sakar kasik an lo ru an ilod lo ta rumok na ya. Taida mi iŋ midaeŋ malad lo Kris adi sad ilo rumok yaŋan “Dal En” dubol dan niŋen o ru saian dubol ilasa da. Ago tag Pol megeloum foun ak iŋjal go, nal pempem Tiranans san galuŋ tubun ak lo dutumani dugo, a Juda tia yan dam dida Jesus niŋen o dijinjeŋ ila iso se ya. ¹⁰Anaŋar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulonj a.

¹¹Anut kulob girager funfun Pol banin lo iganeg ilasa ya. ¹²Iŋsan silali isuas san yamel boi, urat san yamel an tamolpein subam amad da yan sad na diŋane diaup tinid fo digane dop subam ibisawai se ya. Ur sisaik amad da yan dam nek ago mi digane se ya.

¹³Juda aenkadi a ur saiak dukudai diau dugo dutor dan, Jesus yaŋan lo ur sisaik an dicitinaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yaŋan a Pol ifulale dan lo alasap au kisaek oŋ o maŋ murupaiŋ da.” ¹⁴Juda pris gurman ta yaŋan Skeva iŋ nanun 7 kubol an digane dugo dutor a. ¹⁵Gug saen ta tamol ta ur saian anda yak durupeji dugo, ur saian awad yabig ibol, “Ijai Jesus ŋaloŋ. Agod Pol dam ŋaloŋ. Gug aŋ en sauta yak i?”

¹⁶Ago ibol ak tamol ur saian aman da yan imasag, maeg iganeg ifu saian. Tinid daonj ipanig sad kulos irasisare idu ya. Agog Skeva nanun 7 an dar ad da nuŋod kawan ab lo dilasag dumaspalu oŋ go dusol diau a.

¹⁷Agog Efesus na Juda tamolpein, agod Juda tia yan fidian ru an dulonj go tubun kasik direr. Agog Jesus Tubun en yaŋan man lak na geig diabisa. ¹⁸Ilo rumok adi wei kasik dupalug, malak malak mel digane saian man kuai tem dufulale se ya. ¹⁹Wei tinan buk lo nawir san maŋau diŋane yan iŋsad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya. ²⁰Kulob funfun dabai anda dilasa yan lo, Tubun en san ru nek ago mi ilasag yaug tubun geig dugo, ifufurak go aben fidian lo yau a.

Efesus tamolpein tiŋae saiak diabisa ya

²¹Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgun kankan ipanig ibol, “Aben an fidian ate ŋau itout gup, Rom na dam ŋau a.” ²²Ago tag iŋsan binawek uraru Timoti iŋ Irastas da idinaig, Masedonia na diau. Agog iŋsen man saen kitek milaen mi Esia provins lo imado ya.

²³Saen nek an lo mi muruan tubun ak “Dal En” niŋen o Efesus na ilasa ya. ²⁴Tamol ta, yaŋan Demitrias, iŋ silva nam melmel igane da. Iŋ silva nam tubud pein ta yaŋan Atemis san tempel mitilaen wei mi igane idu ya. Agod iŋsan bisnis an lo moni tubun mi irae dugo, iŋanen urat tamol dam urat an lo moni tim an tubun mi diŋane da. ²⁵Ago tag iŋanen urat pinein agod aenkadi iŋsad urat naon kisaek an dam igiaig itumanaig irupidai, “Aŋ tamol gamu atumani an aloŋ ak, idsad moni man urat nek en lo tile da. ²⁶Agod gamu tamol a Pol dubol dan kulob igane dak aŋsem dam ale aloŋ a. Iŋ ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitiŋ ilod ibilisa ya. Tamolpein fidian Efesus na, agod wei mi Esia provins ilon lo dam, ru an duloŋ la ya. ²⁷Agod muruan tubun ak yen da. Idsad bisnis yen yaŋak saian ak iŋane wa. Muruan an mi tia. Taidam tubud pein Atemis san tempel mel kawan dubol dop iŋsan yaŋan tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

²⁸Doup tubun ru an duloŋ man tiŋaed tubun mi saian tag disasai dugo dubol, “Efesus san Atemis iŋ tubun a.” ²⁹Siseiŋ an taun ilon iŋane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias iŋ Aristakus da. ³⁰Pol iŋsen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan i a. ³¹Provins san tamol gurman aenta, iŋ Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

³²Agog saen an tumanek lo doup leiŋ tubun kasik digane se ya. Ago dugo tamolpein ŋiŋeo lo ru naon sensen disasai ilasa se ya. Man dugo, tamolpein wei kasik tumanek an fun ta duloŋ na ya. ³³Juda adi tamol ta yaŋan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiranek ru ibol ilasa wo durupe i se ya. Agog iŋ targiranek ru tamolpein irupidai o banin nam touad touad igane se ya. ³⁴Ak man saen iŋ Juda tamol ago dile tag, 2 auwa igo woŋ ru naon kisaek an mi disasai dugo dubol se, “Efesus san Atemis iŋ tubun a!”

³⁵Ago digane yau nag panu san pepa kubunek tamol ta tamolpein sad siseiŋ yabi idug irupidai, “Efesus tamolpein aloŋ! Tamolpein fidian duloŋ ak, aŋ tubud e Artemis dubol den san tempel, agod pat a gun ak keit log idu yan dam kagin apidina i da. ³⁶Agod talpein ta iŋ an ta iloŋ na yak ago ibol san tia ya. Ago yak niŋen o kute abol. Burau kagin ta mok agane na wa. ³⁷Aŋ tamol en kawan geig aŋal go apalu ya. Iŋ mel ta tempel ilon lo yak ta digam na ya. Agod idsad tubud Atemis niŋen o ru saian dam ta dubol na ya. ³⁸Ago yak niŋen o Demitrias iŋanen urat pinein dida talpein

enti ta niĵen o ru amad da tap, gurman dumado da. Agod kot dam iĵanen saen fom pempem ilasa da. Kot lo gup iĵ ka nug dupei ila iso wa. ³⁹Aria, aĵ ru taida mi amam da tap, idsad tamolpein sad tumanek tubun ak lo aup, kubiaeĵ san dal itaot ak fo mi muruan an akubune wa. ⁴⁰Man dugo, leiĵ en agane itout a, tia dop Rom gabman ilonĵ pe, id abaĵ daonĵ tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.” ⁴¹Ru an ibol itout go idinaig dufurak diau a.

Pol Masedonia nag Gris na imul a

20 ¹Murnag leiĵ an fidian itout go Pol ilo rumok adi igiaig, tan suek ru irupidai gug ibisawaiĵ, Masedonia na yau. ²Iĵ gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya. ³Atna kalam utol imado se ya. Agog iyawai Siria na yau o abaĵ ikubune yak man, Juda dufuni imat o palaĵ an dumari an ilonĵ tag, imul go Masedonia na yau. ⁴Tamol a Pol ida tureĵ diabi dan sad yaĵadi igo ya: Beria tamol ta yaĵan Sopater iĵ Pirus nanun. Tesalonaika tamol uraru Aristakus iĵ Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas iĵ Trofimas da ago fidian mi diau a. ⁵Tamol an fidian imug diaug, Troas na malama digane se ya. ⁶Bret yis an tia yak san soubul itout gug maĵ wog miĵaneg, Filipai mubusei a. Nal 5 itout gug Troas na luad masag, ubou kisaek atna mumado ya. ⁷Maĵ Sande¹ guraian Tubun en san anaĵ mani wo mutumani a. Pol iĵ salso salso yau ak niĵen o tamolpein ru irupidai onĵ go yaug tidom luak. ⁸Galun lak na geig ak lo mumado yan te man lam wei mi dusulanai idug galun ilon lo dided se ya. ⁹Pinein ta yaĵan Yutikas iĵ ab san gigin fo imasi a. Ago dugo Pol saen milaen kasik iĵiĵeĵ se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya. ¹⁰Ak man Pol idug, tinin fo ibilani idug, yabig ibol, “Arer amoi. En nĵutun ta ibisei na ya.” ¹¹Agog Pol imul ab lo isidag bret yafuteg diani a. Pol nek ago mi iĵiĵeĵ dugo yaug salso idu gug ibisawai a. ¹²Pinein an kumaen imado dugo diĵaneg iĵsiganen ab lo diaug ilod tubun mi uyanan a.

Pol Efesus ibisawai o dugo iĵsan ru wadan irupidai a

¹³Maĵ Pol mibiseig imug wog lo misidag miyawaig Asos na mau. Man dugo, Pol iĵ maĵ da ru mufuni an lo, iĵ nĵien nam yau dop Asos na gup miĵane wo ibol a. ¹⁴Saen Asos na milasag mile man miĵaneg Mitilini na mau a. ¹⁵Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag

¹ Nal an man ubou san nal malmalan.

Mailitas san loŋ na miladu ya. ¹⁶Pol Esia Provins lo saen ibidani man imoi tag, Efesus mirijani wo ilon yen a. Man dugo, idaisuda tap, iŋ ririan Jerusalem na Pentikos saen fo mok ilasa wo ilon ago yen a.

¹⁷Pol Mailitas na imado dugo Efesus na ru iganeg, midaeŋ san matu adi dupalup dutumani wo ibol a. ¹⁸Dilasag dutumani gug irupidai, “Aŋ aloŋ ak, saen malmalan ŋai Esia provins lo ŋilasag, ŋaisag madok saen fidian ŋai aŋ da tumado na yan ale aloŋ. ¹⁹Aŋ aloŋ ak, ŋaiseg ibiag ŋadu dugo, Tubun en san urat malag turon ag da, muruan ag da urat an ŋigane se ya. Juda adi dam dutumanig ŋai malag dusue wo diŋijeŋ se ya, an lo muruan iŋ madai da dupanag an dam ŋisini se ya. An dam aloŋ uyanan a. ²⁰Agod aloŋ ak, ŋai mel ta idunaŋ san ak ŋabol ilasa san niŋen o ta ŋusuksuk na ya. Tia, ŋai malak malak lo, agod aŋsiganem ab lo ru ŋufulale dugo ŋipiteŋanaŋ se ya. ²¹Juda igom Juda tia yan ru dabai anda ŋurupidai se ya. Ilod dibilisap, naod Anut dupanip, idsad Tubun en Jesus niŋen o ilod rumok o ŋabol dugo duloŋ a.

²²“Aria, Urgun ŋai isubanag go Jerusalem na ŋau o ibol a. Gug ante ata ŋai o ilasa wan ta ŋaloŋ na ya. ²³Mel kisaek en ŋaloŋ la ya, taun fidian ate ŋilasa dan te Urgun irupaiaŋ ak Jerusalem na madai agod muruan wei mi malag igane da. ²⁴ŋaisag ilo sou lo ŋaisiganeg madok an mel tubun tia ya, agod ŋaiseg tinig o kankan ta ŋigane na da. Tia, ŋai Jesus Tubun en urat ipanag an ŋigane itout o yaes ifunag da. Urat an man, ŋai Anut san ilo panek tubun mi tamolpein fidian niŋedi wo yen dan ŋufulale san ama ya.

²⁵“ŋai aŋ fidian luluŋam lo ŋator dugo Anut san kagin panek san ru ŋufulale na ya. Gug ŋai ŋaloŋ ak, mitep aŋ fon ŋai naog ta ale na wa. ²⁶Ago yak niŋen o ŋai gamu ŋurupaiaŋ da. Aŋ en ta adeg au tap an ŋaisag ai wadan tia ya. ²⁷Man dugo, Anut san ilon fidian ŋai irupaiaŋ go ŋaloŋ an fidian ŋurupaiaŋ o an niŋen o ta ŋusuksuk na ya. ²⁸Sem kagin ipanaŋ dop Urgun sipsip malan tubun banim lo igane yan dam kagin apidinai uyanan a. Sipsip an Anut ijanen Nanun san dar lo iŋal a. Aŋ Tubun en san midaeŋ sad titianek adi ak niŋen o afutai o uyanan a. ²⁹ŋai ŋaloŋ ak, saen ŋai ŋubusawaŋ dop tamolpein goun kasik igo woŋ ak dupalup, sipsip an ilod ta isou na wa. ³⁰Agod aŋ luluŋam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop ŋied abad diri wa. ³¹Ago yak niŋen o kagin agane dop ilom isou. Anaŋar utol malag turon anda tidom ad aŋ kagin agane san ru kagin ŋurupaiaŋ na ya.

³²“Gamu Anut banin lo ŋidiraj da. Agod iŋsan ilo muŋanek san ru aloŋ an ibunawaŋ pe, aŋanem ilo rumok dabai ipani wa. Ru an dam iganep aŋ tamolpein a Anut idiraig gun dilasa yan dida Anut san wasar an sisem mi aŋane san idaisuda geig a. ³³ŋai talpein ta san silva boi, tia gol boi, tia tinin san biouŋ boi, banin na ŋiŋane wo malag ta isi na ya. ³⁴Aŋ fidian

alonj ak, naiseg banig en nam urat njigane dugo, mel lo naj turag dida katuk amama yak sema ibunawama se ya. ³⁵Mel fidian naj njigane se yan lo njukubiai panañ, ago mi añ urat wagai agane dop lo talpein ta inj dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man onse mel njane dak san ilo uyan irinani a.’”

³⁶Saen Pol ru ibol itout man, turun isaluwig fidian dida dugudani a. ³⁷Tamolpein fidian ditatag, tinin diamisi dugo musuk dupani se ya. ³⁸Inj afon naon dile san tia ibol ak ninjen o ru an ilo sou man diganeg, ilod tubun mi saian. Agog fidian dijaneg, wog lo diaug, iyawai yau a.

Pol Jerusalem na yau a

21 ¹Mañ Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a. ²Patara na wog ta Fonisia na yau o igane dugo mile tag fo misidag miyawaig mau a. ³⁻⁴Maug malama yang Saipras mile dugug wog naon njas lo dibilisag, Siria na mau a. Agog Taia sad lonj na misasau a. Atna wog biouñ kadi ipasi wo tag ilo rumok adi abañad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai ak ninjen o Pol Jerusalem na ta yau na wo durupeï a. ⁵Gug mau san saen idu ya. Agog inj fidian injaned pein nanuk dida dijiliamag Taia mubiseig lonj na madug, mañ fidian lul fo turuma misaluwig mugudani. ⁶Agog mañ banid mabig wog lo misida dugo inj fon dumul siganed ab lo diau a.

⁷Mañ fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya. ⁸Salsog Tolemes mibiseig, Sisaria na mau a. Atna Anut san ru bilabal tamol ta yanjan Filip dubol dak san ab lo maug ida mumado ya. Tamol 7 a Jerusalem na dipilianai an Filip dam luluñad lo imado ya. ⁹Inj nanun pein iwoiwo iwod tia dumado dan profet ru dubol ilasa da. ¹⁰Mañ nal aenta atna mumado dugo, Judea na profet ta Agabus dubol dan ipalu ya. ¹¹Inj mañsama na ipalug, Pol san let injaneg sen njen banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’”

¹²Mañ ru an malonj go ilo rumok adi ate dumado dan dida Pol Jerusalem na ta yau na wan ilon miñane wo maeg migane ya. ¹³Gug Pol awama yabig ibol, “Añ ata wo anjam tinañ en lo naj ilo muruan apanag dak i? Naj dibiag pe dusubanag ak ninjen o ta njarer na da. An mi tia ya. Naj Tubun en Jesus yanjan lo ka dufunag njamat a.”

¹⁴Mañ ilon miñane sisi tia tag mabol, “Gidad, Tubun en ilon ibol dak ago mi igane.”

¹⁵Atna kitek mumado gug abañ mukubuneg Jerusalem na mau a. ¹⁶Sisaria na ilo rumok adi aenkadi dam dida maug, tamol ida mumado

wak san ab lo dijiliama ya. Tamol an yaŋan Nason. Inj Saipras tamol, agod Kris tamolpein imug mi ilod lo rumok ak luluŋad lo inj tamol kisaek ta.

Pol Jems ile wo yau a

¹⁷Saen maŋ Jerusalem na milasa man ilo rumok adi ilo uyan lo dijiliama ya. ¹⁸Agog maen go tidomi Pol da Jems mile wo mau a. Jerusalem midaeŋ san matu fidian saen an malama digane se ya. ¹⁹Agog Pol ilo uyan ru irupidai, ago gug Anut inj lo tamolpein Juda tia yan luluŋad lo urat igane na yan ibol dugo duloŋ se ya.

²⁰Matu adi ru an duloŋ go Anut yaŋan diabisa ya. Ago gug Pol durupe, “Oŋ uloŋ ak, Juda wei kasik ilod lo rumok a. Agod inj fidian Moses san kubiaeŋ bubed ŋtudi fidian lo duri dupani da. ²¹Gug talpein ta ru en oŋ niŋe wo durupidai dugo duloŋ a. Oŋ Juda tamolpein gigin aenkadi lo dumado dan Moses san kubiaeŋ dumoi o piteŋanai da. Ago dugo iŋaned nanuk tamol ak dam tinid suŋulon dutute dumoi o ubol da, agod Juda sad tamol kagin dam ta digane na wo ubol da. ²²Ak niŋen o dugo tigane wak i? Oŋ palu yan san ru ifufurak yau dan lo milaen tiap ru an duloŋ mok a. ²³Maŋsama ru en uloŋ pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da. ²⁴Inj promis an digane itout san saen gamu ya. Ago yak niŋen o dida aup, promis digane itout dan san midaeŋ lo aladup, malak malak lo dida gun alasa wa. Ago dop iŋsad promis itout san naon sapta dubol dop udad pidinai a. Ago dop inj ka gurnad didawi yau a.^m An lo dop tamolpein oŋsa ru fidian duloŋ na yan rumok tia yak dubol a. Man dugo, oŋse dam oŋ Moses san kubiaeŋ kagin pani da. ²⁵Gug ilo rumok tamolpein adi inj a Juda tia an, maŋ ru kagin igo migireg murupidai a. Inj anaŋ a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

²⁶Ago tag dien dumasag Pol tamol an iŋal go Anut malan lo sed idiraig gun dilasa ya. Murnag Pol tempel lo iladug, iŋsad midaeŋ an itout san nal kob ipani wo pris ta irupe a. Nal 7 itout gup, inj anen anen Anut yai digane pani o dam irupe a.

Juda adi Pol dusubani a

²⁷Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig, ²⁸awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipiteŋanai se ya.

^m Gurma dawek man promis itout amaiak san kob a.

Ago dugo Moses san kubiaen nujon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.” ²⁹Man dugo, Efasas tamol Trofimas inj Pol da Jerusalem ilon lo dutor dugo dil an ninjen o ilod lo Pol tamol an injaneg ida tempel lo diladu yak, ago ilo sou digane se ya.

³⁰Agog unjaon tubun kasik Jerusalem ilon lo ilasag tamolpein dumaspalug, Pol tempel san tumanek aben lo imado dugo diraeg, patun fo dilasa ibol ak tempel san dalawan dufutanai a. ³¹Doup tubun an Pol dufuni imat o digane dugo, Rom san yu tamol adi sad gurman tubun an ru injane, “Jerusalem ilon lo tamolpein fidian silei digane da.” ³²Gamu nam gurman tubun an yu gurman inj paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a. ³³Yu tamol sad gurman tubun an Pol san na yang yabig ibol dugo sein uraru nam dusbani a. Agog tamolpein isumianai, “En so tamol ta i? Agod inj dugo igane ak i?” ³⁴Ago dugo tamolpein ru naon gidigidad dubol dugo unjaon tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad njon ab sakar ak lo digane wo ibol. ³⁵⁻³⁶Agog yu tamol adi Pol dijane diaug, tet fun te gug diabisag, lak na disini a. Man dugo, tamolpein malan tubun Pol adi njed fo dupalu dan dufuni imat o dutur. Ago dugo disasaig dubol, “Afuni imat!”

Pol doup malad lo sen ipirani a

³⁷Pol ab an lo dijane diladu wo digane dugo, yu tamol sad gurman irupei, “Dugo, naj ka on ru ta nurupaio wak i?”

Agog yu tamol sad gurman Pol irupei, “On Grik ru ulon ak i? ³⁸Njai njabol on Igipta tamol ta imug doup tubun injal go gabman ida ager dumado wo igane amaiak njabol a. Agog tamol foa tausen banid yu dumui anda injal go tan kawan ak lo diau a.”

³⁹Ago dugo Pol awan yabig ibol, “Njai man Juda tamol, Silisia na taun yanjan Tarsus dubol dak lo njilasa ya. Njai taun yanjan anda yak san tamol. Ak dugo, naj tamolpein ru ka nurupidai ak i?”

⁴⁰Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Aban fidian yang malin idu dugo Pol Hibru lo tamolpein ru irupidai.

22 ¹“Njaisag teig muroug, tamag muroug, kududom agurep, njaisag ru itargiranag san naom na njinej dop alon.”

²Saen Pol Hibru lo ru irupidai dugo dulong man, aban fidian kute ibol a. Agog Pol ibol, ³“Njai man Juda tamol, Silisia na taun yanjan Tarsus dubol dak lo njilasa ya. Gug etna Jerusalem na tamol njigane ya. Gamaliel inj njaisag girek manjau. Njai idsad tubud baged sad kubiaen njuri njupani san ru dabai geig

ηαλοη se ya. Anη Anut awan ari apani dak ago mi ηai dam awan ηuri ηupani da. ⁴ηai ηabol dugo, tamol Jesus o ilod rumok an mala suek ηupidinai dugo, aenkadi duburoug subanek ab lo didirai a. Agod aenta dufu dumat na ya. ⁵Pris malan te yak, iη kaunsil fidian dida ru rumok ηabol dan duloη a. Ak niηen o ka dubol dop aloη a. Iη ηai girek dupanag go idsad Juda tamolpein Damaskus na dumado dan sad na ηisini ηau. Girek an tamolpein ηuburoup sein nam dusubanaip, ηanjal pe, Jerusalem na mupalup muruan disini san ibol a.”

Pol Kris ilasa yak niηen o ibol a

Apo 9:1-18; 26:9-18

⁶“Gug nal ta ad titiηae Damaskus sumeik ηupani dugo, lilaman ta malan geig ak irakilawi. ⁷Agog tan na ηau ηadug, awan ta iwagiη go ibol, ‘Sol, Sol! Ata wo ηai malag sue dak i?’

⁸“Agog ηai ηsumiaeη, ‘Tubun en, oη enti?’ ”

“Agog awag yabig ibol, ‘ηai Jesus, Nasaret tamol amaiak malag sue da.’ ⁹Tamol ηai dida mau an lilaman dile gug awak a ηai da miηiηeη an awan ta duloη na ya.”

¹⁰“Agog ηsumiani, ‘Tubun en, dugo ηigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon oη lo dugo isou dan fidian durupaio uloη a.’ ¹¹Lilaman an malan kasik an lo ηai malag tidom tubun, agog abaη ηile san tia ya. Ago tag turag muroug dida mau an banig te diabig dida Damaskus na mau a.”

¹²“Agog tamol ta yaηan Ananias, iη pempem Anut san ubou ile da. Iη idsad kubiaeη kagin ipani da. Juda tamolpein Damaskus na dumado dan iη Ananias yaηan diabisa da. ¹³Iη ηaisag na ipalug, siηireg na itur dugug ibol, ‘O teig Sol, mala ipuk pe abaη ule.’ Ago ibol ak nek saen an lo mi malag ipuk go iη ηile ya. ¹⁴Agog irupaiag, ‘Id tubud baged sad Anut oη iηsan ilon uloη o ipiliano ya. Ago dugo iηanen Tamol Itaotan an ule san, agod iηanen awan uloη o dam ipiliano ya. ¹⁵Man dugo, melmel a ule uloη na yan, iη patun fo utur dop tamolpein fidian ta duloη na yan rupidai duloη a. ¹⁶Ago yak niηen ata wo mala gane dak i? Masap, suguek ηanep, iηanen yaηan lo gudani dop, oηane aupasek ipasi yau a.’ ”

¹⁷“Agog ηai ηamul Jerusalem na ηaug, tempel lo ηugudani dugo, malag ηutun ηile ya. ¹⁸Malag ηutun lo Tubun en ηaisag na iηiηeη dugo ηile ya. Agog ibol, ‘Ririan Jerusalem bisei. Man dugo, tamolpein etna ηai niηeg o ubol ilasa dan uyan ta dupani na wa.’ ”

¹⁹“Ago tag ηai awan ηabig ηabol, ‘Tubun en, iη duloη ak, ηai ubou ab fidian ilon lo ηiladu ηilasa dugo, tamolpein oη o ilod rumok se yan ηibiaig ηafu idu na ya. ²⁰Agod saen Stiven pat nam dufuni imat man, ηai iη siηired na ηatur dugo uyan ηupidinai a, ago dugo a dufuni se yan sad kulos kagin ηupani se ya.’ ²¹Gug Tubun en irupaiag, ‘Wau. ηai ηidinop, asau geig tamolpein a Juda tia yan sad na wau a.’ ”

Pol Rom tamol ta

²²Tamolpein fidian Pol san ru an duloŋ yau nag, ru ta a tamolpein Juda tia yan niŋedi wo ibol an duloŋ go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.” ²³⁻²⁴Tamolpein fidian disasaig, iŋsad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol dijaneg, yu tamol sad ŋioŋ ab ilon lo diladu ya. Yu gurman an iŋsan yu tamol irupidaig, Pol rasau nam dufuni dop ata mel niŋen o doup disasai se yan fun ibol ilasa dop ilon o ago igane ya. ²⁵Gug dirae didarig bu dupani wo digane dugo, Pol yu gurman ta siŋiren na itur dan isumiani, “Dugo, kubiaen dugo ibol dak i? Rom tamol ta kot lo sumianek gamugo pani dop ka funi wak i?”

²⁶Yu gurman ru an ilon tag Rom san yu gurman tubun an san na yaug isumiani, “On dugo gane wo dak i? Tamol an in Rom tamol.”

²⁷Ago tag yu gurman tubun an Pol san na yaug isumiani, “Rupaiaŋ ŋaloŋ. On Rom tamol ak i?”

Agog Pol ibol, “Awo.”

²⁸Rom san yu gurman tubun an irupe, “Moni naon lak na yak nam Rom gabman ŋupani dugo ate Rom tamol igo ŋilasa ya.”

Agog Pol ibol, “ŋai tinag tamag in Rom tamolpein, ago yak niŋen o ŋai dam mi Rom tamol.”

²⁹Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusbani an ilo sou man inane ya.

Pol Juda sad kaunsil malad lo itur a

³⁰Yu gurman tubun an ata mel niŋen o Juda tamolpein Pol dufuni imat o disasai na yan fun abaŋ ile wo igane. Ago tag tidom lom mi ibol dugo pris gurman adi in kaunsil dida dutumani a. Agog Pol banin na sein digane yan dupasig, dijanane diaug naod na dugunig itur a.

23 ¹Agog Pol Juda kaunsil yil dugo ibol, “Teig taog, ŋaisag madok ipalug gamu saen en, Anut malan lo malak malak ka ŋabol a, ŋaineg kankan mel saian ak ta ŋigane yak niŋen o ilog ta isue na dugo miai dam ta ifunag na da.” ²Pris malan te yak, yaŋan Ananaias, ru an ilon go tamol a Pol siŋiren na dutur an kudaŋan dugufute wo irupidai a. ³Ago dugo Pol ibol, “Anut dam on ifuno wa. Ata wo? On nek ibol mutou pen milkouk ak nam bala dupani dugo ilon man saianan ak igo woŋ. On ete masi dugo ŋai kubiaen iri panim kot panag o igo gug onse dam kubiaen pilalig, ŋai kudaŋag dugufute wo ubol dak i?”

⁴Agog tamol Pol siŋiren na dutur an durupe, “On Anut san pris malan te yak ru saian ak nam pei dak i?”

⁵Ago tag Pol ibol, “Teig taog, ηai iη pris malan te yan ta ηaloη na ya. Anut san ru girek lo yan ago ibol, ‘Oηane gurman adi niηedi wo ru saian ak ta ubol na wa.’”

⁶Pol tamol dutumani an aenkadi Farisi dugo aenkadi Sadyusi ilonη tag, awan tubun mi kaunsil irupidai, “Teig taog! Iηai Farisi, agod ηai tamag iη dam Farisi. Iηai gamu kot lo ηatur den san fun man, ηai tamol dumat ak kumaen dumasada da wan niηen o ilog lo rumok go, mel an ilasa wak o mala nouk ηumado da.”

⁷Saen iη ru an ibol go dulonη an Farisi iη Sadyusi dida nug diabi se ya. Agog iη nug ditarpaleg malan uraru dilasa ya. ⁸Man dugo, Sadyusi iη dubol, tamol dumat ak kumaen dumasada san tia ya. Agod id fidian ηitud tia yak dubol da. Agod eηel dam ta dumado dak dubol da. Gug Farisi adi man iη mel utol an rumok ak dubol da. ⁹Agog nug tubun mi dububuηani dugo kubiaeη san girek maηau aenkadi Farisi patud fo dutur dan dumasaga, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia eηel ta boi, awan lo ilonη go ago iηiηeη da!”

¹⁰Iηiηeη yaug dabai dugo Rom san gurman tubun an ago ileg ilon idu ya. Kabelan Pol daonη dupani banau. Ago tag iηsan yu tamol idinaig, doup lulunad lo dudug, afon Pol diηane diaug iηsad ηionη ab lo digane iladu ya.

¹¹Tidom an lo Tubun en Pol giranηen na itur dugo irupeī, “Dabai ηane! Oη Jerusalem na ηai niηeη o ubol ago mi Rom na dam nek ago mi ubol a.”

Pol dufuni imat o palaη an dumari a

¹²Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. Iη anaη you da lo sed geg ipidinai dumado dop, saen Pol dufuni imat mok gup, anaη diani wa. An lo subanek ru an paen na sed idirai a. ¹³Tamol kitek 40 iriηani ago kulob an digane ya. ¹⁴Agog pris gurman adi iη matu dida sad na diaug durupidai, “Maηsema anaη you da lo geg ipinama dugo Anut yaηan mupateg lo maηanema ru dabai mupani a. Maη Pol mufuni imat mok gup anaη mani dop you maluk a. ¹⁵Ago yak niηen o aη kaunsil dida ru aganep Rom san gurman tubun an san na yau. Aη imug irawip, Pol igane ipalu dop aη kitek taidam asumianip ru ibol an san fun alonη o uyan ak ago arupeī. Gug maη man dal te tawaη mumado wa. Pol ente ta ilasa na dop dal na mufuni imat a.”

¹⁶Ak man Pol nigainab iηsad ru an ilonη tag yaug, yu tamol sad ηionη ab an ilon lo iladug, Pol ηiηeη an irupeī ilonη. ¹⁷Ago tag Pol iηsad yu gurman ta iwagig irupeī, “Pinein en ηanep ida aηsam tubun en san na au. Iη ru aman da yak ibol ilonη o da.”

¹⁸Ago tag yu tamol sad gurman pinein an iηaneg iηsad tubun en san na diaug ibol, “Subanek tamol Pol amaiak igiag go pinein en oηsa na ηiηane ηupalu ya. Man dugo, iη ru aman da yak ibol ulonη o da.”

¹⁹Ago tag yu tamol sad gurman tubun en pinein an iñaneg gigin na diaug isumiani, “Oñ so ru ta ama da i?”

²⁰Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulonj uyan o dupalup dusumiano wa. ²¹Gup awad wabi umoi. Man dugo, tamol 40 dimianuk ak dumado da. Inj geg dabai ak lo dumado da. Sad geg san fun man igo ya, Pol dufuni imat mok gup inj ananj diani dop you duluk a. Inj fidian abanj dukubune yak tawanj dumado da. Oñ mi dugo ubol ak o mala digane da.”

²²Agog yu gurman tubun en pinein an irupei, “Waup, ru ñai naog na ubol an gidigheid ta mok ubol na wa.” Agog pinein an idinig yau.

Pol dupasig Sisaria na yu tamol dida diau a

²³Agog yu tamol sad gurman tubun en yu gurman uraru inj paen na yan igiaig dupalug irupidai, “Yu tamol 200 sabiri ad da yak añal pe, 70 taidam hos san, agod 200 yu amad da yak dam añal pe, 9 kilok tidom Sisaria na Pol da au. ²⁴Pol niñen o hos taida akubuniaip, añal pe, provins san gurman Filiks san na au. Pol kagin apani uyanan dop añane au a.”

²⁵Agog yu gurman sad tubun en Filiks san na girek igo igire,

²⁶“O tamol tubun, Filiks. Adian. Ñai Klodias Lisias oñsa na girek en ñigire da. ²⁷Juda adi tamol en diabig dufuni imat o digane se ya. Ak man saen ñai inj Rom tamol ago ñile ñalonj tag, ñaisag yu tamol dida maug patu pasek mupani a. ²⁸Ñai ata mel niñen o inj ru dupani se yan fun mok ñalonj o ilog ibol tag, ñiñaneg, Juda sad kaunsil sad na mau. ²⁹Ago gug ru fun ñile yak man, inj mel ta igane saian pe niñen o dufuni imat san ñile man tia ya. Mel ta niñen o subanek lo migane san dam ta ñile na ya. Mel niñen o ru dupani se man iñsiganed kubiaenj niñen o mi ru dupani se ya. ³⁰Agog saen Juda aenkadi dufuni imat o palanj an dumari dan san ru ñiñane tag, oñsa na ñidinig ipalu da. Tamol a inj kot an digane dan, dupalup oñ nao na gup, kot digane wo ñabol ñurupidai a.”

³¹Yu tamol iñaned tubun en ibol ago mi digane ya. Tidom nek an lo mi Pol diñaneg diaug, Antipatris na dilasa ya. ³²Tidom lom mi yu tamol ñjed nam mi an dumul abed na dupalu dugo, yu tamol adi hos fo yan Pol diñaneg diau a. ³³Pol diñaneg Sisaria na dilasag, Rom san gurman tubun an girek dupani dugo, Pol dam banin lo digane ya. ³⁴Gurman tubun en girek an isutig, Pol so distrik ta lo ipalu amaiak ilonj o isumiani a. Agog Pol Silisia distrik lo ipalu yan ilonj tag ibol, ³⁵“Saen tamol oñ kot a digane yan dupalup dilasa dop, oñsa kot ñalonj a.” Agog Pol gabman Herod san ab san galunj lo bitinaek diganed amaiak lo imado dop tawanj an dumado wo Filiks ibol a.

Filiks Pol san kot ilonj a

24 ¹Murnag nal 5 itout go pris malan te yanjan Ananias, inj matu aenkadi dida, agod tamol ta Tertulus dubol dak ida Sisaria na

diaug, Filiks naon na Pol kot an digane ya. Tertulus iŋ nŋeŋ san kamaŋ tamol, ago yan lo Juda awad iŋaneŋ kot lo iŋiŋeŋ o dipiliani a. ²Agog Filiks Pol iwagig ipalu gug, Tertulus fun iganeŋ Pol nŋeŋ ipanig ibol, “O Filiks, tamol tubun en! Oŋsa kankan milaen an lo saen milaen mok maŋ maror lo mi mumado da. Agod kagin foudi a panaŋ an lo gamu maŋsama tan lo melmel wei mi kubuneg dilasa uyanan a. ³Maŋ aben fidian lo mel an niŋen o mamat da. Agod niŋe wo iloma tubun kasik uyan dugo oŋane binawek miŋane dan dam niŋen o iloma uyanan da. ⁴Ŋai oŋane saen ta ŋibidani na wa. Ago yak niŋen o ŋusumiano da, gidad, ilo panamap tamol en sad awad nŋiŋane la ya, ago yak niŋen o sad ru katukan en ŋabol dop uloŋ. ⁵Maŋ tamol en mile yak iŋ fun saian. Juda tamolpein aben fidian dumado dan silei digane wo ated isue da. Agod iŋ biatitek ta yaŋad Nasarin dubol dan iŋsad gurman ta. ⁶Iŋ dam tempel lo iladug Anut malan lo nun ipani wo igane dugo ante mabi a. Agog maŋsiganema kubiaeŋ iri panim muruan en mukubune wo migane se ya. ⁷Ak man yu tamol sad gurman tubun ak Lisias dubol dan ipalug silei nam banima na iŋane ya. ⁸Agog Lisias irupaiaama, tamol en oŋ nao na kot an migane wo ibol. Oŋse tamol en sumiani gup, mel fidian niŋen o mabol dan uloŋ a.”

⁹Agog Juda fidian awad dutumanig, Tertulus san ru dabai dupani se ya.

Pol Filiks naon na sen ipirani a.

¹⁰Agog Rom gurman Pol iŋiŋeŋ o tuad ipani tag Pol ru fun iganeŋ ibol, “Ŋai ŋaloŋ ak, oŋ saen milaen mok tamolpein en sad ru tulek mado yak niŋen o ŋai oŋ nao na ŋatur dop seg ipiranag o ilog uyan da. ¹¹Isop oŋ sumianai gup ka uloŋ a, nal 12 gamugo yau dugo, ŋai Jerusalem na Anut yai nŋigane pani wo ŋisida ŋau a. ¹²Juda adi ŋai tempel lo tamolpein dida nug aen matog dugo ta diliag na ya. Iŋsad ubou ab fidian lo, agod Jerusalem na dam tamolpein ated ŋusueg uŋaon ilasa wo ago nŋigane ta dubol na wa. ¹³Agod gamu ru e oŋ nao na ŋai dupanag den dabai dupani san iŋ dal ad tia ya. ¹⁴Gug mel en niŋen o ŋai malak malak ŋabol ilasa san an niŋen o miai ta ifunag na da. Ŋaisiganeg ubou leil Anut ŋupani duman, ilo rumok san dal e ‘Dal En’ dubol demaiak iri panim, tubum bage ma sad Anut ubou an mi ŋile da. Juda adi ilo rumok san ‘Dal En’ iŋ biatitek dubol da. Gug ŋaisag ilo sou lo man an biatitek tia ya. Ŋai ru kagin fidian Moses san kubiaeŋ lo, agod ru fidian profet adi digire yan dam fidian niŋen o ilog rumok da. ¹⁵Ŋai Anut niŋen o mala nouk ŋumado dak ago mi Juda adi e dutur den iŋsad mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian mateŋ lo dumasa da wa. ¹⁶Ago yan lo ŋai pempem igo maeg nŋigane da, mel ta Anut iŋ tamol dida nŋigane pidinai an niŋen o ŋaisag kankan muruan ta ipanag na da.

17“Ŋai wagam mi Jerusalem ŋubiseig ŋator se ya. Anaŋar kitek wei mi ibisawag gug, afon ŋamul o dugo, moni a Juda tia yan dutumanig dupanag go ŋisinin ŋupalu ya. Moni an lo Juda adi mel ta lo katukadi dop lo ŋibinawai san an ŋisinin Jerusalem na ŋupalu ya. 18Saen an lo, ŋai midaeŋ lo ikok ŋilasa la gug tempel lo ŋator dugo diliag a. Ago dugo ŋai atna doup ta dida mumado man tia, agod leiŋ dam tia ya. 19Gug Juda aenkadi Esia provins lo yan saen an dumado dugo ŋai niŋeg o ilod saian a. Ak niŋen o ŋaisag muruan ta dile tap iŋsed dupalup oŋ nao na kot digane wa. 20Tia tap, tamol amaiak sumianai dop, saen ŋai Juda kaunsil naod na ŋatur dugo ŋaisag muruan dile tap, dubol dop uloŋ. 21Nek mel kisaek en mi kaunsil naod na ŋatur dugo ŋabol, ‘Ŋai gamu kot lo ŋatur den san fun man, ŋai tamol dumat ak kumaen dumasa da wan niŋen o ilog lo rumok a.’ Ŋaisag muruan tag nek an mi a.”

22Ago ibol ak, Filiks iŋ Kris sad ilo rumok san dal an iloŋ ak niŋen o kot an ituteg, irupidai, “Yu tamol sad gurman tubun Lisias ipalu gup, aŋsam kot en san nuŋon ŋabol aloŋ a.”

23Agog Filiks yu gurman irupeig tamol dititianig dumado dan diŋane diaup, aben nam digane wo ibol. Subanek kadi diginia i dak ago ta digane na ya. Iŋ turan muroun man ka dupalup dile dop mel niŋen o katukan dop lo ka dubinawi wak ago ibol irupidai a.

Pol Filiks iwon Drusila da naod na iŋiŋeŋ a

24Nal milaen tiag Filiks iwon Drusila da dupalu ya. Iŋ Juda pein. Agog ru igane dugo Pol diŋane dupalug ilo rumok Jesus lo yan niŋen o iŋiŋeŋ se ya. 25Pol iŋ Filiks agod Drusila ago ŋiŋeŋ en igo diŋiŋeŋ se ya, kagin itaot, tinid ditirni san kagin, agod Anut san bitinaek murna ipalu wan, fidian niŋen o dukubiai ila iso se ya. Pol mel an niŋen o iŋiŋeŋ dugo, Filiks irer tag Pol irupe i, “Ŋiŋeŋ gamu san nek gane ya. Ka wau a. Ŋai saen kawan ak ta da dop ŋigio da wa.” 26Saen an lo Filiks iŋsan ilo sou lo Pol iŋ moni ta ipani wak ibol. Ago yan lo pempem iwagi dop ida diŋiŋeŋ se ya.

27Anaŋar uraru itout gug Pokias Festus, Filiks aben iŋane ya. Filiks Juda tamolpein ilod uyan san niŋen o Pol ipasi an imoig, subanek lo mi imado se ya.

Pol Festus naon na itur a

25 1Festus Filiks aben iŋaneg nal utol yau, agog Sisaria ibiseig Jerusalem na yau. 2-3Atna pris gurman adi, iŋ gurman aenkadi dida Festus nao na Pol kot an digane. Iŋ Festus ilon diŋane, agop iŋaned ilod ibol dak ago iganep Pol Sisaria ibiseip Jerusalem na yau o dubol. Man dugo, iŋ gubak tam palaŋ an dumari la ya. Dal na dop dufuni imat o dubol. 4Agog Festus awad yabig ibol, “Pol iŋ Sisaria na subanek lo

imado da. Agod ñai dam nek atna ñau o sumeik da. ⁵Agod yak niñen o aňanem gurman ñai dida maup, tamol an mel ta igane saian tap, dubol dop ñaloñ.”

⁶Festus nal 8 boi tia 10 boi, atna imado gug imul Sisaria na yau a. Yen imasag tidomi kot duloñ dak aben lo imasi gug, Pol diñane dupalu wo ibol. ⁷Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug iñsad ru an dabai dupani san dal tia ya.

⁸Agod dugo Pol sen ipiranig ibol, “Ñai Juda sad kubiaeñ, tempel san kubiaeñ ta ñupilali man tia ya. Kaisa dam lo ñigane saian man tia ya.”

⁹Festus iñ Juda adi binawek kitek ipidinaí o imat an lo Pol isumianig ibol, “Oñ Jerusalem na waup, ru dubol na yan iri panim oñsa kot ñaloñ o umat di?”

¹⁰Agod dugo Pol ibol, “Ñai Kaisa san kot lo ñatur da. Ete mi ñaisag kot uloñ a. Ñai Juda dugo ta ñiginiai saian man tia yan oñse uloñ la ya. ¹¹An lo ñai mel ta ñigane saian agop ñamat o kubiaeñ ibol tap, ñai ñasol o dal ta abañ ñabi na da. Ak man iñsad ru ñai niñeg o dubol dan, fidian sewak tap, talpein ta ñai iñ banid lo iginiag san tia ya. Ñai Kaisa ñuwagip ñaisag kot iloñ a.”

¹²Agog Festus iñanen kaunsil adi dida diñiñeñ gug Pol ru naon irupeig ibol, “Oñ Kaisa oñsa kot iloñ o wagi ak niñen o iñsan na wau a.”

Festus Pol niñen o kiñ Agripa naon na iñiñeñ a

¹³Murnag Kiñ Agripa iñ Bernaisi da Sisaria na Festus duyurani wo dupalu ya. ¹⁴Atna kitek dumado yak niñen o Festus Pol niñen o Kiñ Agripa naon na ibol, “Filiiks tamol ta etna subanek lo igane yak imado da. ¹⁵Agog saen ñai Jerusalem na ñaug, Juda sad pris gurman adi, agod gurman aenta dida dupalug, ñai tamol an igane saian ak san fun ñabol pe ñabi idu kisaek oñ o dusumianag a. ¹⁶Gug ñai ru naon igo ñurupidai. Mañ Rom sama kagin man, subanek tamol ta iñ tamol a kot lo diabi an da nug naon dupanip ta diñiñeñ na dan daoñ mupani san an mañsam kagin tia ya. Mañ saen mupani dop, iñsan muruan an niñen o ru dupani dan iloñ pe, sen ipirani na gup, dal dugo kot iri dan ate mi mupani wa. ¹⁷Amaiak niñen o saen etna dupalu man, ñai saen ta ñibidani na ya. Maen mumasag kot duloñ dak aben lo ñumasig, tamol an diñane dupalu wo ñurupidai a. ¹⁸Tamol a iñ kot an digane yan dumasa dutur ak man, ñai muruan tubun geig ak niñen kot an digane wak ñabol gug ago ta digane na ya. ¹⁹Iñsiganed ubou niñen o, agod tamol ta yanñan Jesus dubol dak mi niñen o nug diabi se ya. Tamol an imat gug Pol man iñ imasag kumaen imado dak ago ibol da. ²⁰Ñai muruan naok ago yak ñukubune san dal ta ñile man tia tag, Pol Jerusalem na diñane diaup ru dubol an fom kot dupani wo ago ñusumiani a. ²¹Ak man Pol Kaisa iñsen san kot

ilon o subanek lo mi imado yau o ago isumianag a. Ago tag ditiiani dumado yau nap ñai dal ta ñile gup ñidinip Kaisa san na yau ak ñabol a.”

²²Agog Agripa Festus irupeï, “Ñaiseg mok tamol an inijen dop ñalon o ilog ibol da.”

Agog Festus awan yabig ibol, “Gabulo gup awan ulon a.”

Pol kiñ Agripa naon na itur a

²³Dien dumasag Agripa in Bernaisi da yousai lo muguruñ mi dupalug, yu gurman, in taun san tamol tutubun an dida tumanek ab lo diladu ya. Agog Festus tamol idinaig Pol diñaneg diladu ya. ²⁴Agog Festus imasag ibol, “Kiñ Agripa, agod an fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en niñen o ñai naog na kot digane ya. In disasaig dubol, “Tamol en fon ta imado na wa.’ ²⁵Gug in mel ta igane saian pe niñen o imat san ñile man tia ya. Agod inñen dam Kaisa inñan kot ilon o ibol ak niñen o ñai ñiganep yau o ñabol a. ²⁶Ak man ñai ru ta inñan muruan niñen o itaot ñigirep Kaisa ñupani san tia ya. Ago yak niñen o ñai on Bernaisi da naom na ñigane ipalu ya. On kiñ Agripa nao na itur dop on ñai da sisem tusalemianip, inñen niñen o inijen dop talon a. An lo inñan muruan dugo yan tile talon gup, ñai an ñigirep Kaisa san na ñigane yau a. ²⁷Man dugo, ñai ata wo kawan geig subanek tamol ta mel igane saian an fun ta ñifulale uyan na gup ñidinip yau ak i? Ñai an ñukubiani dak man uyan tia ya.”

Pol Agripa naon na sen ipiranig ru ibol a

Apo 9:1-18; 22:3-16

26 ¹Agog Agripa Pol irupeï, “Gamu onse niñe wo ru ka ubol a.” Ago tag Pol banin yabisag, ru en ibol, ²“O Kiñ Agripa, ñai ilog tubun mi uyan da. Man dugo, ñai gamu on nao na ru fidian Juda ñai niñeg o dubol na yan niñen seg ipiranag a. ³On dam Juda adi sad kagin, agod sad ae tutog dam fidian ulon siñaokan a. Ago yak niñen o kagin panag dop, ñaisag ru ulon.

⁴“Juda fidian ñai pineinag lo ñumado ñator na yan dulon. Fun lo Isrel ilon lo, agod Jerusalem na ñumado ñator na yan, saen milaen ñai fug dulon uyanan a. ⁵Saen milaen mok in dulon uyanan ak, mañsama midaen Farisi dubol dan san geggeg wei kasik an ilon lo ñumado dugo sad kagin fidian an ñiri na ya. Tag an dubol ilasa wo dumoi boi. ⁶Agog gamu etna sumianek lo ñatur dan fun man, ñai Anut mañsama tubum bagema promis ipidinaï amaiak ilog lo rumok go san nuñon ñile wo mala nouk ñumado dak niñen o ete ñatur da. ⁷Isrel san gugoi 12 an promis nek amaiak nuñon ilasap dile wo tidom ad Anut o ubou dile da. O tamol tubun en, ñai promis an san nuñon ñile wo mala nouk ñumado dak, Juda adi dam nek ago mi digane da, ak gug kagin nek amaiak niñen o ñai

ɲigane saian dak ago dubol da! ⁸Arɲ fidian, ata wo Anut tamol materɲ lo ifufunaip kumaen dumasa da wan, ida ta isuda na yak ago ilom isou dak i?

⁹“ɲaiseɲ dam ilog lo dal fidian lo ɲiganep Jesus Nasaret tamol an yaɲan ɲabi idu wak ɲabol a. ¹⁰ɲai Jerusalem na ago ɲigane se ya. ɲai pris gurman adi awok dupanag go Tubun en san tamolpein wei kasik subanek ab lo ɲidirai se ya. Dufu dumat o dubol dop, ɲai dam awok ɲupidinai se ya. ¹¹Nal wei kasik ubou ab fidian lo ɲabol dop bu dupidinai se ya. Ago dugo ɲai iɲ Jesus yaɲan malan dusue wo maeg ɲigane dugo ɲududuwai se ya. An mi tia, tiɲaeg tubun kasik wananan anda, ɲibiaip daoɲ ɲupidinai wo abaɲad ɲile se ya, Isrel ilon lo agod taun gol ak lo dam mi a.

¹²“ɲai nek urat an niɲen o Damaskus na pris gurman adi awok dupanag go ɲau a. ¹³O tamol tubun en, dal na ad titiɲaem itur dugo ɲai lilaman ta tubun geig ad san mididaɲ iriɲani ak tamol dida mau an tinima fo isapudade ya. ¹⁴Maɲ fidian mau madug, ɲai awan ta Hibuɲ lo irupaiag, ‘Sol! Sol! Ata wo ɲai malag sue dak i? Mel en ilo isou. Makau titianek yu luon geig ak nam makau imaspalu wo isue dop, makau an madaɲ ikubianip ɲien ipar imul da, ago dop yu an ɲien isue ilon lo yaup madaɲ tubun geig ak ikubiani da. Oɲ nek ibol makau amaiak oɲ a. Saen oɲ ɲaisag tamolpein malad sue dugo, kagin saiak a gane dan san miai isio gug, oɲ pare imul san oɲ o muruan geig a.’

¹⁵“Ago dugo ɲai ɲusumiani, ‘Tubun en, oɲ enti?’ ”

“Ago tag Tubun en awag yabig ibol, ‘ɲai Jesus nek e malag sued ama ya. ¹⁶Oɲ masap utur. ɲai oɲsa na ɲilasa yan oɲ ɲaisag urat tamol mado wo ɲipiliano ya. Oɲ mel gamu ule yan, agod a mitep ɲukubiai pano wan dam aenta naod na ubol dop duloɲ a. ¹⁷Saen oɲsigane tamolpein daoɲ dupano wo digane dop, ɲai banidi lo ɲupaso wa. ɲai Juda tia yak sad na ɲidinop wau o da, an niɲen o iɲ banid lo dam ɲibinawo wa. ¹⁸Oɲ iɲ malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop iɲsad ilo rumok ɲai lo iɲaned aupasek isasi pidinai a, agod tamolpein a Anut itaot idirai dilasa yan luluɲad lo aben ta diɲane wa.’ ”

Pol iɲsan urat san sae isue ya

¹⁹“Ago yan lo, Kiɲ Agripa, tamol awan a mala ɲutun leil an lo ɲaloɲ amaiak ta ɲuparsisali na ya. ²⁰Malmalan mok Damaskus na ru ɲufulale se ya. Murnag Jerusalem nag, Judea sad gigin fidian log, Juda tia yak lo dam ɲaug, ru ɲufulale se ya. Iɲ bubed dibilisap, iɲaned saian patud dupanip, naodi Anut dupanip kagin saiak patud dupani an nuɲon kuai te digane ilasa wak san ru ɲufulale se ya. ²¹Fun amaiak niɲen o ɲai tempel lo ɲumado dugo Juda adi dibiag go dufunag ɲamat o digane ya. ²²Fun

lo ipalug gamu en, binawek a Anut san na ipalu yan naj da yen da. Ago yak ninjen o gamu gidad an yanjam tubun ak boi, yanjam tia yak boi, naj ete naom na najabol najatur dugo, Moses inj profet dida mel ilasa wak ninjen o dubol na yan mi gamu najabol da: ²³Kristus inj muruan isinip imat mok a. Agop inj tamol malmalan mok materj lo kumaen imasa da wa. An lo dop inj Juda adi agod Juda tia yak dida dal dugon lo Anut san patu pasek dijnane wan ikubiaip dile wa. An injasad leil lo man nek ibol sul san lilaman ak on a.”

²⁴Pol sen ipirani san ru ago ibol dugo, Festus awan tubun mi isasaig ibol, “Pol! Burau ifuno da. Onsa ulon an tubun kasik an lo yang burau ipano ya.”

²⁵Agog Pol awan yabig ibol, “O tubun en Festus, naj burau ta ifunag na da. Ru a najabol ilasa dan, an rumok agod kankan milaen ak san a. ²⁶Kinj Agripa, inj mel amaiak fidian ilonj sijaokan ak ninjen o naj najalonj ak inj naon na seg ipiranag dop ninjinjen o ta najarer na wa. Naj ilog isou ak, dugo ilasa yan fidian lulunjad lo mel ta kisaek man, kinj Agripa mel an ninjen o ta injaonj na ya. Man dugo, mel an fidian mianuk lo dilasa man tia ya. ²⁷O Kinj Agripa, onj profet adi sad girek ilo lo rumok ak i? Naj najalonj ak, onj ilo lo rumok a.”

²⁸Agog Agripa Pol irupej, “Dugo, onj gamu saen katukan en lo mi naj giniag pe Kris njilasa wak ubol di?”

²⁹Agog Pol ru naon irupej, “Nal katukan boi, tia, milaen mi boi, onj agod aenta gamu ru alonj dan an fidian Jesus ilom lo rumok o njugudani da. An naj igo njumado dan igo wonj an dam amado wo ilog ibol da. Gug mel kisaek sein nam naj dusebanag pe an lo yen man najamoi.”

³⁰Agog kinj, inj gurman tubun Festus da, Bernaisi, agod tamolpein fidian dumado yan dumasag, dilasa ya. ³¹Agog nug naon na dubol, “Tamol en mel ta igane saian pe ninjen o imat san tia ya, subanek ab lo imado san dam ta igane na da.”

³²Agog Agripa Festus irupej, “Tamol en injsan kot Kaisa ilonj o ibol a. Ago ta ibol na yak man subanek lo tupasi wa.”

Pol wog fo dijnane Rom na diau a

27 ¹Inj awad kisaek go manj Itali na mau o dubol tag, Pol inj subanek aenkadi dida Rom yu gurman ta doup “Kaisar san sawar” dubol dak san gurman, yanjan Julius, banin lo didirai a. ²Agog manj Adramitium na wog ta fo misida ya. Wog an Esia provins lo panu lonj na dien dan lo idu dop yau san. Agog miyawai a. Masedonia na taun ta yanjan Tesalonaika dubol dan san tamol, yanjan Aristakus, dam ida mau a. ³Nal tinin te Saidon na misasau a. Julius inj Pol lo uyan, ago yak ninjen o Pol yang turan yil dugo mel lo katukan ak dupani a. ⁴Agog milasag mau dugo tim imasa tag Saipras nui giranjen na tim an tia yak lo mi mau a,

man dugo, tim naoma yabi se ya. ⁵Silisia iŋ Pamfilia da sad loŋ mubiseig Lisia na taun yaŋan Maira dubol dak lo milasag misasau a. ⁶Agog atna yu gurman an wog sen ak abaŋan yabi a. Agog wog ta Aleksandria na yak Itali na yau dak ile tag, iginiamag wog an lo musuda ya.

⁷Tim naoma yabi a, ago yak niŋen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giraŋen malin ak lo maug Salmone damon miriŋani a. ⁸Maeg miganeg loŋ im mau nag taun ta Lasia dubol dak giraŋen na ilon ta yaŋan Ilon Malin dubol dan lo miladu ya.

⁹Maŋ atna saen milaen mok mumado yaug weiŋ mabi san muruan. Man dugo, Juda sad anaŋ waliŋ san nal itout la ya, agod saen an lo beig saian da. Ago tag Pol tamol ru kagin en irupidai, ¹⁰“Tamol aloŋ, idsad tureŋ etnap tau dan man muruan geig a. Ŋaisag ilog lo ŋukubiani ŋile yak, id tau oŋ dop man, muruan wei mi ilasa wa, wog san biouŋ dideg diau a, wog daoŋ iŋanep tamol aenta dam dumat a.” ¹¹Ak man yu gurman iŋ keptan agod wog muroun da sad ru ilon lo rumok a. Agod Pol san ru man niŋen o kankan ta igane na ya. ¹²Madid saen dop ilon lo mumado san madok ta uyan na yak niŋen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

Dal na beig tubun kasik ifu ya

¹³Agog karag ifure gug dabai an tia tag iŋ ilod lo ilon a ilod isou an lo ka mau ak dubol. Ago tag anŋa dirae isidag Krit san loŋ aen mi murig mau se ya. ¹⁴Saen milaen tiag tim dabai yarti dubol dan nui log mayau itor pani a. ¹⁵Tim ipalu yan wog iŋaneg, wog dutuli san ta isida na tag, tim naon mi dirig diau se ya. ¹⁶Maŋ nui nanun Koda dubol dan giraŋen aen ate muri dugo, diŋgi mabisa wo wagai miganeg, mirae isidag miyati a. ¹⁷Agog wog rasau nam tinin dufou sakar. Kabelan Libia san loŋ na gugor atna yak fo wog isida banau o, lai dupasi dugo tim mi wog iduduniŋ mau a. ¹⁸Beig saian geig an nek ago mi yen tag, salsog wog tinin san biouŋ aenkadi diabi beig lo idu ya. ¹⁹Maen mumasag nek ago mi tag, wog san biouŋ biouŋ aenkadi iŋsed banid nam dupasig diabiau a. ²⁰Nal kitek wei mi, ad, patui ta meil na ya. Agog tim nek yen ago mi yen dugo, maŋ binawek mile san ilo isou migane yan fon iloma iŋaoŋ a. Iŋ dideg diau o ilod isou se ya.

²¹Tamol dida mau an nal wei mok anaŋ tia dumado tag, Pol imasag naod na itur dugo ibol, “Aŋ ŋai awag amoi ak niŋen o Krit tibiseig, tiyawai tupalug, biouŋ biouŋ tititale da. Ago tia ak man, biouŋ tititale yan tia wa. ²²Ak man ŋai aŋ ilom kisaek mi wo ŋusumianaŋ da. Sem

dabai ipanaŋ. Man dugo, id en kisaek ta imat san tia wa. Wog mi gup man saian a. ²³Tidom na ŋaisag Anut niŋen o iŋ ubou ŋile dan san eŋel ta ŋaisag na ipalug ibol, ²⁴‘Pol, oŋ urer umoi! Oŋ Kaisar naon na utur o Anut ilon ago yen. Inŋsan ilo muŋanek lo tamol dida au dan kisaek ta ideg yau san tia ya.’ ²⁵Ago yak niŋen o sem dabai panaŋ. Man dugo, ŋai Anut o ilog lo rumok, agod ŋai ru ŋalouŋ an ago mi iri panim ilasa wa. ²⁶Gug id man taup nui ta fo tisida wa.”

²⁷Agog ubou uraru itout go tidom an lo beig tubun, yaŋan Edria, an lo tim inŋiliamag mau. Tidom luak igo woŋ wein tamol adi tan sumeik mupani dak dubol a. ²⁸Ago tag mel muruan ak kam fo dususeg beig lo diganeg idu yaug, beig san kuror 35 mita igo woŋ dile ya. Kitekan maug, fon ago mi digane man beig san kuror 25 mita. ²⁹Kabelan wog pat fo isidap ipuk banau aŋga iwoiwo patun na dubal agog salso idu wo dumosiai dop inŋsad tubud ilouŋ o dubol. ³⁰Agog wog san wein tamol adi wog dubiseip dusol o digane yak niŋen o iŋ wog san diŋgi beig lo digane idu ya. Inŋ diraek go wog ŋudun fo aŋgaⁿ ta dususe wo digane da. ³¹Ak man Pol yu gurman an irupeŋi, “Wog san wein tamol adi wog fo dumado wa. Tia tap, aŋ adeg au a.” ³²Ago tag yu tamol adi diŋgi san kam dututeg ifot yau a.

³³Salso idu wo sumeik dugo, Pol tamol anaŋ diani wo isumianai, “Aŋ nal 14 malam aganeg anaŋ ta ani man tia ya. ³⁴Ago yak niŋen o anaŋ ani wo ŋurupaian da. An tinim dabai ipani wa. Man dugo, aŋ luluŋam lo tamol ta kisaek inŋsan gumuran san roun kitek ta mok ideg yau na wa.” ³⁵Pol inŋ ru an ibol itout gug bret kisaek inŋaneg fidian malad lo Anut ilo uyan ipanig yafuteg inŋsen fun iganeg yani a. ³⁶Fidian ago dile tag sed dabai ipidinaig bret diŋaneg diani a. ³⁷Maŋ wog fo mau an nuŋoma 276. ³⁸Saen tamol fidian anaŋ dianig, luad ipuk go, wog pasauman o diganeg, wit diabi beig lo idiau a.

Wog gurgor fo isida ya

³⁹Salso idu an wein tamol adi louŋ ta dileg diŋaouŋ. Gug ilon ta lul anda yak dile tag wog diŋane diaup lul an fo isasau wo dubol. ⁴⁰Ago tag aŋga san kam dututeg, aŋga nuŋon beig lo yen. Agog ulum san fei andam san kam dupasi a. Agog wog ŋudun fo lai an diraeg, tim wog idudunip, louŋ na yau wo digane se ya. ⁴¹Ak man wog gurgor fo isidag iririd yen se ya. Agog ŋudun man isasau dugo wadan man tamun ipalug igile ifurak idiri yau se ya.

⁴²Ago dugo yu tamol adi subanek an fidian dufu dumat o dubol. Kabelan dulog louŋ na diaup dusol banau. ⁴³Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol

ⁿ Pitiau

dulog san idaisuda man imug dusukalik beig lo dudup, dulog loŋ na disila diau o ibol a. ⁴⁴Gug aenta dulog san tia man, wog san abau an disinip fo dulog disila diau o ibol a. Ago miganeg fidian loŋ na itaot misida ya.

Nui yaŋan Molta dubol dak fo misida ya

28 ¹Maŋ fidian itaot loŋ na misida gug nui an yaŋan Molta dubol go malonj. ²Nui an san tamolpein maŋ lo uyanan mok a. Ui idug abarj madid tag yai dutuni panamag, tinima isue ya. ³Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulŋani a. ⁴Nui an san tamolpein Pol banin te mot iyuk dugo dileg, sed nug durupe, “Tag tamol en tamol ifu dumat da. Inj beig lo ta imat na gug, naon panek san tubud gamu naon ipani da.” ⁵Gug Pol mot an ikupari yaug yai lo idu ya. Mot an Pol tinin ta igane saian man tia ya. ⁶Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

⁷Aben mumado yan giranjen na man tamol ta yaŋan Pablius inj nui an san gurman ak inŋsan tan atna yen. Inj maŋ lo uyanan a. Agog injiliamag nal utol atna kagin ipanamag ida mumado se ya. ⁸Pablius taman man ifuruk da, agod tinin wananan tubun kasik go yen da. Ago tag Pol inŋsan galuŋ lo iladug Anut igudanig, banin tinin fo igane yan subam ibisei a. ⁹Tamolpein fidian mel ilasa yan duloŋ tag, subam adi nui lo yan fidian dupalug iginiaig uyadi. ¹⁰Inj melmel wei kasik maŋ dupanama ya. Agog miyawai san saen dugo weinj mabi san biabi wog lo didiri a.

Molta mubiseig Rom na mau a

¹¹Kalam utol atna mumado dugo Aleksandria sad wog ta ŋudun fo tubud urarum nug tein, ta yaŋan Kastor, neinta yaŋan Poluks dubol dak sad mitilaed yen dak fo misidag mau a. Wog an madid saen lo nui an lo yen. ¹²Agog maug, taun yaŋan Sairakyus na milasag, nal utol mumado se ya. ¹³Taun an mubiseig miyawaig, panu ta yaŋan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaŋan Putioli dubol dak lo milasa ya. ¹⁴Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a. ¹⁵Ilo rumok adi Rom na yan yaŋama duloŋ go Apias Didaerj Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, inŋsen dam sen dabai ipani a. ¹⁶Saen maŋ Rom na milasa man, Pol inŋsen kisaek mi, yu tamol kisaek ititianip ida dumado wo dubol a.

Pol Juda adi Rom na yan itumanai a

¹⁷Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O

teig taog, ɳai bo idsad tamolpein, tamol kagin id tubud baged dupanad an kisaek ta ɳigane saian man tia ak gug, Jerusalem na dibiag go subanek diginiag a. Agog Rom banid lo diginiag a. ¹⁸Iɳ ɳai dusumianag ak man mel ta ɳigane saian ak ɳinen o ɳamat san dile man tia ya. Ago yak ɳinen o dupasag o dubol a. ¹⁹Ak man Juda adi iɳ an dumoi tag, ɳai dabai nam Kaisa ɳaisag kot iloɳ o ɳabol. Gug ɳai Juda tamolpein mel digane saian ak ɳinen o Kaisa naon na ɳabol san ta amag da man tia ya. ²⁰Ago yak ɳinen o ɳai aɳ da tiɳineɳ o ɳigiaɳ a. ɳai tamol a Isrel tamolpein ɳinen o tinid digane dan ilog lo rumok an lo gamu ɳai sein ag da ɳumado da.”

²¹Agog iɳ durupeɳ, “Maɳ Judea na oɳ ɳine wo girek ta miɳane man tia ya. Agod Juda taidam dupalup oɳ ɳine wo ru ta dubol saian dop malon man tia ya. ²²Ak man biatitek en ɳinen o oɳane ilo sou miɳane malon o iloma tubun mi ibol da. Man dugo, maɳ malon ak, tamolpein aben fidian lo dumado dan biatitek emaiak ɳinen o ru saian mi dubol da.”

²³Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. Iɳ Moses san kubiaen, agod profet sad girek lo dam ru boi sensen ak iɳal go, Jesus ilod lo rumok anen ru irupidai se ya. ²⁴Aenta iɳsan ru an duloɳ go ilod lo rumok a, ago dugo aenta man ilod ta rumok na ya. ²⁵Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig aɳ tubum bagem ibol igo irupidai,

²⁶ ‘Waup, tamolpein en igo rupidai:

Saen aɳ ru aloɳ man, ka aloɳ oɳ se ya, ak man san fun ta aɳane na ya,

agod saen abaɳ ale man, malami ka yau oɳ se ya, ak man ilom ta itarpasi na ya.

²⁷ Man dugo, tamolpein en sad bubedi dabai geig dilasa ya,

iɳ kududodi ta duloɳ uyan na ya,

agod maladi ikilakil pasi a.

Tia tap, maladi nam iɳ ka abaɳ dile wak,

kududodi nam ka duloɳ ak,

agod ilodi nam maɳau ka diɳane wa.

Ago dop an lo ilod ibilisa dop didaɳsap ɳaisag na dupalu dop ɳukubuniaɳ a.’ ”

²⁸ “Ago yak ɳinen o aɳ aloɳ. Anut iɳsan patu pasek san ru iganeg tamolpein Juda tia yan sad na yau da. Iɳ ru an duloɳ pe ɳinen o kududod dugure wa!” ²⁹ [Saen Pol ru an ibol go itout an Juda iɳsed iɳsed mi nug dupeig dufurak go diau a.]°

° Boi 29 Grik lo tia ya.

³⁰Anaŋar uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo iŋal dugo imado se ya. ³¹Iŋ Anut san kagin panek niŋen o ru ifulale dugo, Tubun en Jesus niŋen o tamolpein maŋau ipiteŋanai se ya. Ru fidian ta yabituani man tia ya. Agod Rom gabman an niŋen o ta ipadau na ya.

Rom

1 ¹Ŋai Pol, Jesus Kristus san urat tamol, aŋsam na girek en ŋiganeg ipalu ya. Anut sen ŋai ipilianag a, an lo iŋsan aposel ŋilasa ya. Ago dop an lo ŋai Anut san bilaluŋ uyanan an ŋabol ilasa wa. ²Inŋ gubak mi iŋsan profet awad lo promis id ipanad ak igo, murnap bilaluŋ uyanan en ilasa wa, agod profet an bilaluŋ en niŋen o iŋaned girek gun ak lo digire ya. ³Bilaluŋ uyanan en man iŋanen Nanun idsad Tubun ak ilasa wan niŋen o ibol. Nanun emaiak tinin lo man bagen Dawid san dar lo ilasa ya. ⁴Gug Awan Urgan inŋ tamol an san dabai tutubu yan ikubiai panad a, man dugo, materŋ lo imasag kumaen imado yan tile ya. Ago man Urgan kulob an lo inŋ niŋen o igo ibol, tamol en Anut Nanun mok a. Inŋ Jesus Kristus, idsad Tubun a. ⁵Inŋ lo mi Anut maŋ ilon imuŋanama ya, agod maŋ yanŋak aposel an ipanama ya. Maŋ urat migane yan lo, tamolpein Juda tia yak fidian luluŋad lo tamolpein aenta migiaip, an lo Jesus niŋen o ilod rumok pe iŋanen awan paen na dumado wa. Maŋ ago migane wo ipilianama ya. ⁶Agod aŋ dam tamolpein ensauta a Anut igiaig iŋanen tamolpein dilasa yan luluŋad lo amado ya.

⁷Aria, ŋai aŋ Rom tamolpein sam na girek en ŋigane ipalu da. Anut aŋ niŋemi wo tubun mi imat da, agog iŋsan tamolpein gun ak amado wo igiaŋ a. Anut idsad Tamad, agod Jesus Kristus idsad Tubun en, inŋ mi iŋsad ilo panek agod iŋsad maror aŋ lo pempem yen a.

Pol Rom tamolpein yil o imat a

⁸Mel malmalan ŋurupaiaŋ man igo ya. Saen aŋ fidian niŋemi wo ilog isou dop man ŋai Jesus Kristus lo Anut ilo uyan ŋupani da. Man dugo, tan fufulek fidian en san tamolpein inŋ aŋsam ilo rumok Jesus lo yan niŋen o diŋiŋeŋ da. ⁹Man dugo, Anut e ŋai ilog fidian lo iŋanen Nanun san bilaluŋ uyan ak lo biabi ŋigane den, patug fo itur dugo ŋaisag ŋiŋeŋ isatuani da, ŋaisag gudanek lo pempem aŋ ilog isou dop niŋemi wo ŋugudani da. ¹⁰Aria, ŋai gamu igo ŋusumiani dak, inŋ dalawan ta ipasi panag dop aŋsam na ŋupalu wa. Saen wei mi ŋai ago ŋusumiani se ya, gug dal ta ikubiai panag man tia ya. Nap inŋ ilon ibol tap, gamu ŋai ka aŋsam na ŋupalu wa.

¹¹Ŋai ŋilianj o ilog tubun mi ibol da. Man ata wo? Ŋai ilog lo Urgan san bar uyan ak ta ka ŋupanaŋ pe lo aŋanem ilo rumok iganep dabai a. ¹²An mi tia ya, tia, nug san ilo rumok lo nug ilon tabisa wa. Anŋsam lo ŋai dabai ŋiŋane dop, ŋaisag lo aŋ dam dabai aŋane wa. ¹³Teig taog, aŋ mel en niŋen o aŋaonj banau. Saen wei mi ŋai aŋsam na ŋupalu wo ŋigane se ya, ak man mel ta pempem ŋaisag dal ifutani dugo ipalu na ya. Ŋaisag urat nuŋon an dam luluŋam lo ifu o ilog ibol da, nek ibol ŋaisag urat nuŋon Juda tia yak aenta luluŋad lo ifu la yak ago mi a.

¹⁴Tamolpein wei mi sad gubun ŋai tinig lo yen da, an niŋen o gubun an ŋusupasip itout a. Grik adi, tamolpein asau adi, tamolpein maŋau ad da yak, tamolpein maŋau ad tia yak lo ago ŋigane wa. ¹⁵Fun an lo na ŋaisag ilog tinig fidian aŋ tamolpein Rom na amado dan dam bilaluŋ uyanan en ŋfulalep aloŋ o ilog ibol da.

¹⁶Ŋai bilaluŋ uyanan e ŋabol ilasa den niŋen o miai ta ifunag na da. Man dugo, Anut san dabai an lo yen da, an lo tamolpein fidian ilod lo rumok dan patud ipasi wa. Malmalan Juda adi, ago gup murna gob adi wa. ¹⁷An niŋen bilaluŋ uyanan en lo, Anut iŋsen dal foun ak ta tamolpein iŋ malan lo itaot dumado wak san igane ilasa ya. Dal an san fun, agod dal an san wadan man ilo rumok lo mi a. Nek ibol ru ta Anut san buk lo digire yan ibol, “Talpein enti iŋ Anut malan lo itaot ak, iŋanen ilo rumok lo mi kumaen imado wa.”

Tan en san tamolpein fidian Anut san tiŋae mumarek paen na dumado da

¹⁸Anut iŋsan tiŋae mumarek id kuai te ikubiai tile da. Anut iŋanen tiŋae mumarek an lo tamolpein iŋ patud dupanig kagin saiak saiak digane dan naon ipidinai da. Man dugo, iŋaned kagin saiak saiak digane dan lo ru rumok ak diabi idu da. ¹⁹Anut iŋ enso Anut ta, iŋsen fun tan en san tamolpein malad lo ta imiani na ya, tia, iŋsen mi iŋanen bunun aenta kuai tem iganeg dile duloŋ a. ²⁰Fun lo mok Anut tan en iganeg yen ipalug gamu saen en lo man, iŋsan bunun imianuk yen an walal te igane ilasa ya. An igo ya, iŋ Anut mok a, agod iŋsan dabai pempem yen yau da. Mel uraru en kuai te tamolpein ka dile duloŋ a, iŋsan dabai, agod iŋsan mel idiri an lo banin mitilaen ka dile wa. Ago bo man iŋ Anut dumoi a. Fun amaiak niŋen o iŋ Anut malan lo sed idiraip itaot dilasa wo digane san dal ta yen na da.

²¹Iŋ Anut duloŋ uyanan ak bo man yaŋan diabisa man dumoi da, agod iŋ ilo uyan dupani man dam dumoi da. Ago man iŋsad ilo sou an nuŋon an tia ya, ago dugo iŋsad kankan kawan ilasa ya, an lo tinid ilon lo tidom tubun an iŋsad ilo burau ituani a. ²²Ago dugo tamolpein an igo dubol, “Maŋ kankan milaen amama da ya.” Ago digane dugo, sed ilod ibali dugo sed buraurau ipidinai se ya. ²³Man ata wo? Iŋ Anut kumaen pempem

imado dan san girager dijane dugo, aben lo tan en san ai mitilaedi digane idu ya. Melmel nek ibol tamol, anakanak, mel mudan, agod mel mot igo yak, sad mitilaedi dusuwig ubou ad dile na ya.

²⁴Fun an niĵen o Anut yabianai a. Ago man tamolpein an nun kagin funfun a digane wo bubedi tubun mi imasa se yan, nek ago mi digane na ya. Iĵ ilod imasag jeit digane dugo nug tinin lo kagin miai ak digane se ya. ²⁵Iĵ ru rumok Anut niĵen o yan diĵaneg patud na digane ya, ago dugo aben lo iĵsiganed ru sewak an diganeg duri dupani na ya. An lo Anut iĵsen mok mi yaĵan diabisa wak dumoi, melmel tan san Anut sen banin nam idiri amaiak ubou amad dile dugo yaĵad diabisa na ya. Ak man Anut mi iĵ mel niganag tamol, amaiak niĵen o iĵanen yaĵan mi id pempem tabisa wa. Rumok.

²⁶Aria, Anut iĵaned kagin sisaiak ile yan niĵen o, afon yabianai da ya. Ago man tamolpein an ilo masai senamo geig ak miai san an duri dupani na ya. Pein tamol da nug iwon igo dien dan tia, iĵ kulob Anut imoi amaiak mi diganeg iĵsed pein pein mi nug iwon igo digane na ya. ²⁷Agod an mi tia ya. Tia, tamol dam iĵ iwod pein dadi dien man dumoi, agog iĵ bubed imasag tamol tamol mi nug iwon igo dien dugo, kagin miai tubun ak mi digane na ya. An niĵen o Anut nun kagin an san naon atem itaot ipidinai a, ago dop iĵsed tinid lo mi ai wadan an dukubiani wa.

²⁸Taida mi, iĵsad ilo sou lo, iĵ Anut duloĵ man mel kawan ak dubol a, an lo iĵsad maĵau Anut niĵen o yan diabi sakar o dumoi dugo, banid lo ilasag ideg yau a. Fun an niĵen o Anut afon yabianai da ya. Ago man iĵsad ilo sou saian geig an digane ilasag, an lo fun diganeg kagin sisaiak ak sensen an mi digane se ya. ²⁹Tamolpein an iĵsad ilod tinid lo kagin saiak saiak en awan isa ya. Mala sek kagin, kagin saian geig ak, tura susak kagin, tamol dufuni imat ak san kagin, nug paek kagin, sewak kagin, siai kagin, ĵurĵur kagin, ³⁰uf kagin, Anut dile saian san kagin, silei kagin, ĵai-ĵai kagin agod se pitianoĵ kagin. Iĵ kulob saiak digane wo dal abaĵ dile da, iĵ tinad tamad awad kagin ta dupani na da. ³¹Iĵ ĵiĵeo kagin digane dak, iĵsiganed ru ta diganuri na dak, iĵ iĵaned muroud niĵedi wo ta dumat na dak, agod ilo muĵanek amad tia ya. ³²Tamolpein an Anut san kubiaeĵ igane yan duloĵ uyanan a, kubiaeĵ an lo ibol ak talpein kulob ago igane dan mateĵ ile wa. Rumok, iĵ kubiaeĵ an duloĵ gug dumoi, kagin uyan tia yan mi digane yau da. Agod an mi tia, tamolpein kagin ago digane dan dile dugo dupitianai da.

Anut san bitinaek man itaot a

2 ¹Oĵ enti talpein sen ak kagin sisaiak igane dan bitinaek lo ganeg iĵ lo ru sue dan, dugo, oĵ Anut malan lo kagin a gane dan fun an tia ya. Tia geig a, man dugo, oĵ talpein sen ak ta lo ru sue yak gug, kagin sisaiak a talpein a igane dan oĵ dam kagin naon kisaek ago gane

da. Amaiak niŋen o oŋse bitinaek lo iginio dugo se ibio udu wau da. ²Id taloŋ ak Anut iŋ tamolpein kagin saiak saiak digane dan sad aupasek naon ipidinai a. Ago dop iŋ bitinaek ago igane dan itaot fom igane da. ³Ago man oŋ Anut san bitinaek an lo usol ak i? Man tia ya. Oŋ tamol kawan ak mi a, ago gug tamol aenta bitinaek lo dirai da. Ago dugo oŋse mi iŋsad kagin sisaiak tutuŋani da. Fun an lo, oŋ ilo isou dak Anut san bitinaek oŋ iriŋano wak i? An tia geig a! ⁴Anut oŋ ilon imuŋano dugo saen milaen mi oŋ kagin uyan uyan ak gane wo mala igane da, agod iŋsen yabituani dop muruan ririan ta ipano na da. Dugo, oŋ ilo lo mel an nuŋon tia yak ubol dugo ule saian di? Anut oŋ ilon imuŋano san fun man, iŋanen ilo muŋanek kagin an lo iduduwo dop ilo bileksa wan ta uloŋ na i?

⁵Ak man oŋ bube sakar tina a, agod oŋane aupasek an lo ilo bileksa man umoi da. Kagin an naon man, oŋse Anut san tiŋae mumarek an se itumani pano da. Agod nal idu dan te dop Anut san bitinaek itaot ak malak malak ikubiaip tile wa, saen an lo dop iŋsan tiŋae mumarek an oŋ tini fo iwali idu wa. ⁶Talpein anen anen atem dugo dugo digane yan fom, Anut iŋaned urat naon atem atem ipidinai a. ⁷Tamolpein aenta iŋaned kagin naok naok uyan ak digane yau dan lo, girager tubun ak, yaŋak tubun ak, agod mateŋ dile san tia yan diŋane wo abaŋ dile da. Anut tamol naok ago yak kumaen pempem yen yau san an ipidinai a. ⁸Gug tamolpein aenta man, iŋsed titired dufuni dugo iŋsed uyan dumado wo digane da, ago dugo ru rumok an dumoi dugo kagin saiak saiak mi duri da. Anut tamolpein naok ago yan niŋedi wo tiŋaen saian geig dop, ibitiniaip iŋsan ilo mumarek tinid fo iwali idu wa. ⁹Saen an lo, tamolpein fidian kagin saiak digane dan, muruan agod ilodi tinaŋ anda dam ifu a, malmalan Juda adi lo ilasa gup, afon Juda tia yak adi lo dam ilasa wa. ¹⁰Ak gug tamolpein a fidian kagin uyan uyan ak digane dan, girager, yaŋak tubun ak, agod ilo maror dam diŋane wa, malmalan Juda adi lo ilasa gup, afon Juda tia yak adi lo dam ilasa wa. ¹¹Man dugo, gidad talpein ta Juda sad dar lo ilasa yan, tia, dar sen ak lo ilasa yan, Anut kagin kisaek mi lo iŋ fidian ibitiniaip iŋaned naon itaot atem atem ipidinai a.

¹²Tamolpein a fidian Moses san kubiaeŋ amad tia aupasek digane na yan, iŋ kubiaeŋ amad tia dideg diau a. Nek ago mi, tamolpein a fidian Moses san kubiaeŋ amad da yak gug aupasek digane dan, gidad iŋ kubiaeŋ amad da yak bo man iŋ dam dideg diau a. ¹³Man dugo, tamolpein a kududod nam kubiaeŋ san ru kagin duloŋ ak gug awan ta diabi na dan, Anut malan lo iŋ ta itaot na ya. Tia, tamolpein a kubiaeŋ awan diabi dan mi niŋedi wo Anut ibol ak, iŋ itaotan a. ¹⁴Saen tamolpein Moses san kubiaeŋ ta diŋane na dugo, iŋsiganed ilo sou lo mi, kubiaeŋ an kagin itaot ak niŋen ibol ago digane tap, gidad kubiaeŋ ta diŋane na yak

gug, kubiaej ibol ago digane da. Rumok, ij Moses san kubiaej amad tia ya, ago bo man iñsed kubiaej amad da ya, ago dugo iñsiganed kubiaej an diri da. ¹⁵Iñsad kagin naok naok lo taloñ ak, Moses san kubiaej iñanen ru kagin funfun an bubed lo digire yak yen da. An lo iñsiganed ilo sou naon sensen an lo ru kagin irupidai da, saen ta muruan ipidinaï dak, saen ta isatuanai da. ¹⁶Awo, nal ta ilasa dop tamolpein a kubiaej duloñ gug patud dupani dan, agod tamolpein a kubiaej diganuri dan, ij sisem Anut naon na bitinaek lo ditur a. Bilaluñ uyan ak a ñai ñabol ilasa dan lo ibol ak igo, nal an lo dop Anut tamolpein sad kankan mianuk an fidian Jesus Kristus lo kuai te idiri ilasap ibitinae a.

Juda adi ij kubiaej ad da yak gug dupilali na ya

¹⁷Gug oñ, oñ Juda tamol ubol tap, agod kubiaej mi uri pani tap, agod oñ Anut uloñ ubol go se ipitiano tap, ¹⁸oñ iñsan ilobol uloñ ubol tap, mel uyan uyan kubiaej ipiteñano dan niñen awok pidinaï tap, ¹⁹oñ oñse isisiñanop oñ mala tiaï adi titianaï dak ubol tap, agod oñ tamolpein tidom tubun dumado dan lilaman pidinaï dak ubol tap, ²⁰oñ tamol burau ak sad ulumbek tamol ubol, agod oñ nanuk sad girek mañau mado dak ubol tap, agod oñ kubiaej ilon lo mi mañau mok ak ij ru rumok da yen dugo ule uloñ ak ubol tap, ²¹aria, oñ aenta piteñanaï da, gug oñ se ipiteñano di? Oñ gumagam kagin dumoi o ubol da, ak dugo, oñse ta ugam na di? ²²Oñ aenta jeit kagin digane dumoi o rupidai da, ak dugo, oñse jeit ta gane na di? Oñ tubud sewak ai mitilaen man umoi da, ak dugo, oñ gob sad ubou ab lo mel uyan uyan ak ta ugam na di? ²³Oñ Anut san kubiaej niñen o ru tubun mi ubol da. Gug oñ kubiaej an pilalig an lo Anut miaï pani da. Dugo, an ta rumok na i? ²⁴Nek ru girek lo ibol ago, “Añsam kagin sisaïak niñen o gob adi luluñad lo tamolpein Anut yañan niñen o nao futek ru diñinej da.”

²⁵Saen oñ kubiaej kagin pani yau dan, oñ tini suñulon dutute san kagin an nuñon anda ya. Gug saen oñ kubiaej pilali man, oñsa tini suñulon tutek an mel kawan igo ilasa ya. ²⁶Nek ago mi, talpein ta gidad tinin suñulon ta dutute na bo man kubiaej ibol ago igane dan man, en dugo, ij tinin suñulon dutute yak ago Anut ilon ta isou na wak i? Rumok geig, Anut san leil lo talpein an man nek ibol tamol tinin suñulon dutute yak igo woñ a. ²⁷Amaïak niñen o tamol a tinin suñulon ta dutute na bo man kubiaej kagin ipani dan, ij oñ kot ipano dop ibio udu wa. Ata wo? Oñ kubiaej muroun mado dugo, tini suñulon tutek san kagin iñsan muroun dam mado da, ak gug kubiaej nek an pilali da.

²⁸Kagin an ipalug wadan lo enti ij Juda tamol mok tabol ak i? Tamol a tini suñulon tutek san muluñ yabi dan, kagin an lo mi ij Juda tamol mok ilasa san ta idaisuda na ya. Agod tini suñulon tutek mok man, mel ta tamol banid nam digane san dam tia ya. ²⁹Tia, tamol ta Juda mok imado

man an ŋutun san, agod tini suŋulon tutek mok man, an bubed ilon san mel, an dam ur san mel, gug an kubiaen san mel tia ya. Tamol naok ago yak in Anut san na yaŋak tubun ak inane wo ilon ibol da, tamol sad na man tia ya.

Anut san bitinaek an itaot a

3 ¹Aria, dal dugon lo Juda in tamolpein aenta dirinani i? En ata mel uyan tini suŋulon tutek diŋane dan lo ilasa i? ²Awo, in Juda dilasa yan lo man in sad binawek wei mi a. Mel malan malan man igo ya, Anut inanen awan aban an kagin dupani uyan o banid lo igane ya.

³Gug Juda adi aenta ilod ta rumok na yak niŋen o dugo yak i? Dugo, in ilod ta rumok na yan lo Anut in sinanen ru iganuri dan nuŋon tia yak igane ilasa wak i? ⁴Man tia mok a. Gidad tamol adi fidian sewak bo man Anut man ago tia ya, tia, in pempem rumok a. Ru ta Anut san buk lo igo ibol,

“Saen on ru ubol ilasa dop, tamolpein fidian kuai tem dile wak onane ru an itaot a,
ago dop on bitinaek lo udu bo man, bitinaek an on riŋani wa.”

⁵An niŋen o idsad kagin a ta itaot na yan lo, Anut inanen kagin itaot ak kuai te igane ilasa da. An lo dop, id dugo tabol ak i? Dugo, Anut inanen tiŋae mumarek id tinid fo igane dan ta itaot na i? (Ru e ŋabol den niŋen o, tan en san tamol adi sad ilo sou niŋirig sumiaek ago niŋane da.) ⁶Man tia geig a! Ulon. Anut in sen ta itaot na tap, en dugo won pe in tan en san tamolpein fidian bitinaek lo idirai san idaisuda wak i? ⁷Gug talpein ta ru naon en ka irupaiag, “Inaisag kagin sewak lo Anut san kagin rumok ak igane kuai te ilasap an lo in san girager an awana da. An rumok tap, ata wo Anut kot ipanag dop inaisag aupasek an niŋen o ni ibiag niadu wak i?” ⁸Id talpein naok an san ru ta tiganuri na wa, kabelan in afon ru igo ibol banau, “Id kagin saian ak tiganep, an lo nuŋon uyan ak ka ilasa wa.” Man ru naok ago yan mabol ilasa dak ago tamolpein aenta dubol da. Ago yan lo man niŋema wo uf digane dugo, yaŋama dipitini da. Anut tamolpein a man niŋema wo ago dubol dan, kot ipidinaip ibiai idu saian geig a, man dugo, in ago diŋane san idaisuda geig a.

Talpein ta itaot man tia ya

⁹En dugo, id Juda adi tamolpein aenta a Juda tia yan tirinani ak i? Man tia geig a. Inai gubak mi ni kubiaig ale la ya, Juda tamolpein agod a Juda tia yan dam aupasek san dabai paen na tumado da. ¹⁰Ru ta Anut san buk lo igo ibol,

“Tamolpein fidian ta itaot na ya, ta kisaek dam tia ya.

¹¹Talpein ta kankan milaen aman da man tia ya,
agod talpein ta Anut aban ta yabi na da.

- 12 Tamol fidian mi Anut patud dupanig,
 ij fidian sisem tamol mok tia ago dilasa ya.
 Ij lulujad lo tamol ta kisaek kagin uyan ak ta igane na da.
 Rumok, ta kisaek tia ya.”
- 13 “Ijnsad awadi man mater san,
 agod ij baled fo ru raek saian geig ak iikirir da.”
 “Ijaned awad aban farid lo ilasa dan nek ibol mot wagai ak san
 awan uran igo woŋ a.”
- 14 “Ijaned awad man misilaneŋ ru ij ru saiak siai lo ilasa dan da awan
 isa ya.”
- 15 “Ij bani malak kagin lo, tamolpein tinid dipitiŋini dak, dufu dumat
 da.
- 16 Ij dutor dugo ijsad njiek aban fo man, madok pitiŋineŋ, agod ilo
 tinaŋ madai da ago ilasa yau dop diau da.
- 17 Ij maror san dal, kagin an ta duloŋ na ya.”
- 18 “Agod Anut niŋen o durut direr san tinid ta iloŋ na ya.”
- 19 Aria, id taloŋ ak, Moses san kubiaen dugo ibol dan, ru kagin an
 tamolpein a kubiaen an paen na dumado dan mi irupidai duloŋ a. Awo,
 Juda adi ij Juda tia yak adi da aupasek paen na dumado da. An lo dop
 saen Anut ru ipidinaŋ dop sed ibargiranai san ta idaisuda na ya, tia, tan
 en san tamolpein fidian Anut san bitinaek lo dutur dop ru naon durupeŋ
 a. ²⁰Amaiak niŋen o talpein ta kubiaen an iri pani dan lo Anut malan lo
 itaot ta ilasa na wa. Tia, id kubiaen an lo mi dop idsiganed aupasek tile
 taloŋ a.

Ilo rumok lo id itaot tilasa wa

²¹Ak gug, gamu Anut ij malan lo itaot idirad san dal foun ak iganeg
 walal te ilasag yen da, ago dugo id an tile taloŋ a. Id itaot tilasa san
 dal an kubiaen san dabai lo ilasa man tia ya. Gug Moses san kubiaen
 ij profet adi da awad kisaek go mel an niŋen dubol ilasa ya. ²²Id itaot
 tilasa man Anut idsad ilo rumok Jesus Kristus lo ipanad a. Id fidian Jesus
 Kristus ilod lo rumok dan, an tiŋane wa. Id fidian, Juda adi, agod Juda
 tia yak dam naon kisaek mi a, ²³man dugo, id fidian aupasek tigane na
 ya. Ago dugo idsad nao lalek man Anut anen nao lalek ago tia ya, tia, id
 fidian ta idaisuda na ya. ²⁴Ak gug Anut ijanen ilo panek lo sen kawan
 naon tia idirad go itaot tilasa ya. Ij Jesus Kristus idinig id idad iŋiliad
 o ipalu ya. ²⁵Anut, Jesus Kristus nek ibol mel ta ijsan tiŋae saiak igane
 itout san igo woŋ, id naod na ikubiaig tile ya. Id ij niŋen o ilod rumok
 dan lo, Anut san tiŋae saiak Kristus san dar lo ikubune itout an, san
 nuŋon id tiŋane wa. Ij ago igane yak lo kagin itaot an ikubiaig id fidian
 tile ya. Man dugo, Anut sen itaot ago mi ipiranig tamolpein gubak mi
 dumado dan sad aupasek ile bo man naon ta ipidinaŋ se na ya. ²⁶Fun ij

ago igane man, saen gamu en lo iñsen bitinaek lo kagin itaot ak mi igane dan id ikubiaip tile wa, agod iñ talpein a Jesus o ilon rumok dan itaot igane ilasa wa.

²⁷Dugo, id an lo ka sed ipitianad ak i? Kagin naok ago man fun tia ya. Ata wo? Id Moses san kubiaen kagin tupani dak lo yak i? Tia geig a. Id Jesus niñen o ilod lo rumok da, nek fun an mi a. ²⁸Man dugo, id igo tabol, tamol ta iñsan ilo rumok an lo mi Anut iganep itaot ilasa wa, kubiaen san nouk nouk ago kagin igane dan lo tia ya. ²⁹Dugo, Anut iñ Juda mi sad Anut i? Ago dugo, Juda tia yak sad Anut tia i? Tia, iñ Juda tia yak sad Anut dam mi a. ³⁰Man ata wo? Anut iñsen kisaek mi a, fun an niñen o iñsen tamolpein fidian sad Anut. Amaiak niñen o dal kisaek lo mi iñ tamolpein itaot idirai dilasa da, gidad iñ tini suñulon tutek amad da yan, tia, tini suñulon tutek amad tia yan, Anut iñ fidian anen anen atem iñaned ilo rumok Jesus lo yan itaot idirai dilasa wa. ³¹Ago man id ilo rumok san dal an mi turi wo tabol da. An fun man dugo? Moses san kubiaen tabianip nuñon tia ilasa wak ago tabol di? Man tia geig a! Tia, idsad niñen en lo kubiaen an tibalsiñani da.

Abraham iñ ilon lo rumok an lo itaot ilasa ya

4 ¹Amaiak niñen o Abraham man iñ mañ Juda sama tubum bagem, tamol amaiak niñen o id dugo tabol ak i? Iñ mel a niñen o imug mabol ilasa se yan dugon kuai ipani ak i? ²Abraham kubiaen ibol ago mi iganeg an lo Anut malan lo itaot ilasa yan rumok tap, iñ ka sen ipitiani wa, gug Anut naon na man ago igane san tia ya. ³Ru Anut san buk lo dugo ibol i? “Abraham Anut san ru niñen o ilon rumok a, fun an lo Anut Abraham iñ tamol itaot ak ago ibol a.”

⁴Saen talpein urat igane dugo iñsan urat naon dupani an niñen lou kawan ak ago ta tabol na da. Tia, iñsan gubun^a urat muroun tinid lo amaiak mi dukubune wa. ⁵Ago gug tamol enti iñ urat ta igane na dan iñ Anut san ru mi ilon lo rumok tap, Anut iñsan ilo rumok ilep malan lo itaot ak ibol a. Man dugo, Anut sen tamol saiadi ak idiraip itaot dilasa wak san Anut. ⁶Kiñ Dawid dam iñ mel naon kisaek an mi niñen o ibol a. Dawid iñ tamol a iñsan urat naon Anut ipani man tia yak gug, Anut iganeg itaot ilasa yan niñen o bar igire ya. Iñ tamol an san ilo uyan niñen o igo ibol,

⁷“Tamolpein ensauta a Anut iñsad aupasek ipare idu dugo, iñsad muruan ituani an, ilod uyanan a.

⁸Talpein enti Anut iñsan aupasek ilon ta isou na dan, iñ bar uyanan iñane ya.”

⁹Dugo, ilo uyan san bar uyanan an tamol tinid suñulon dutute yan iñsad mi ak i? Tia, tamol tinid suñulon ta dutute na yan dam sadi a.

^a Pani

Man dugo, maŋ Anut iŋsen Abraham itaotan ibol an niŋen o mabol da. Anut ago igane man lou kawan ak oŋ pani a. ¹⁰Saen dugon lo iŋ ago igane i? Iŋ tinin suŋulon dutute gug ago igane i? Tia, tinin suŋulon gamugo dutute dugo ago igane yak i? Kulob an tinin suŋulon dutute gug lo ta ilasa na ya, tia, kulob an o gubak mi yen la ya. ¹¹Iŋ tinin suŋulon gamugo dutute bo man, iŋ ilon lo rumok ak lo iŋ tamol itaotan ak imado ya. Amaiak lo iŋ tinin suŋulon dutute yan san kob iŋane ya, Anut iŋ tamol itaotan ibol an lo kob an kuai isi a. Dal an lo tamolpein fidian a ilod lo rumok gug tinid suŋulon ta dutute na yan gidad, Abraham Anut iŋ idiraig itaot dilasa yan, iŋsad tamad imado ya. ¹²Nek ago mi, iŋ dam tamol a tinid suŋulon dutute yan tamad imado da. Gug iŋ tini suŋulon tutek mi ta diŋane na da, tia, iŋ Abraham san ilo rumok naok igo yan dam diganuri da. Abraham gamugo tinin suŋulon dutute dugo, Anut san ru iŋ ilon lo rumok a, ilo rumok naon kisaek an mi iŋ dam da ya.

¹³Kubiaeŋ lo Abraham iŋanen malan kubulan dadi Anut san promis ta diŋane na ya. Promis an Anut tan en, agod fidian tan ilon lo dien dan dam, ipidinai ak ibol a. Ak gug Abraham san saen lo kubiaeŋ an ta yen na ya, ago yan lo iŋ kubiaeŋ an iganuri san tia ya, amaiak niŋen o dal an lo promis iŋane san tia ya. Tia, iŋ ilo rumok anda yak lo itaot ilasa ya, kagin an niŋen o mi Anut promis an ipani a. ¹⁴Man dugo, tamolpein a kubiaeŋ diganuri dan mi melmel an diŋane dop man, ilo rumok an dabai an tia ya, agod promis an nuŋon tia wa. ¹⁵Man ata wo? Kubiaeŋ iŋ Anut san tiŋae mumarek isini ipalu da. Ak gug, kubiaeŋ tia dop man tamol kubiaeŋ ipilali ak niŋen o tabol san tia ya.

¹⁶Fun an niŋen o promis an ilo rumok lo mi ipalu ya. Ilo panek iŋ promis an san fun, man dugo, Anut sinan ilo panek lo mi Abraham promis an irupei a. Fun an lo promis an san nuŋon ilasag Abraham san malan kubulan fidian diŋane ya. An tamolpein a kubiaeŋ duganuri dan mi tia ya, tia, a iŋ Abraham san ilo rumok lo dutor dan dam promis an diŋane ya. Ata wo? Abraham iŋ id tamolpein naok naok fidian sad ilo rumok tamad a. ¹⁷Nek ru ta Anut san buk lo yen dan ago ibol, “Iŋai oŋ tan titin wei mi san tamolpein iŋsad tamadi ŋipiliano ya.” Ago man iŋ Anut malan lo idsad tamad imado da. Man dugo, iŋ Anut ilon lo rumok a. Anut an enti mok ak i? Enti a tamol imat ak kumaen ipidinai dan, agod melmel ta dilasa na yan yaŋad ipate dugo ago dilasa yan, nek Anut an mi niŋen o Abraham ilon rumok a.

¹⁸Abraham iŋ ilon lo rumok a, gidad malan iganeg mel an nuŋon tia yak igo bo man, iŋ mala nouk imado se ya. An niŋen o iŋ tan titin wei mi sad tamad ilasa ya, iŋ o ago ilasa wan niŋen o Anut gubak mi igo irupei, “Oŋane mala kubulan sad sutek man loŋ na lul igo woŋ dilasap ago dumado yau a.” ¹⁹Iŋ muruan en ileg ikubiani a, iŋsan tinin san dabai itout o sumeik da, ago bo man iŋsan ilo rumok ibisei san tia ya. Iŋsan

anajar 100 sumeik da, agod Sara san nanuk tañen dam ikukuik a. ²⁰ Ago bo man iñ Anut san promis ta ibisei nag ilon dam weiwei man tia ya. Tia, iñsan ilo rumok isudag dabai geig an lo dabai ipani dugo Anut yajan yabisa se ya. ²¹ Man dugo, iñsan ilo rumok tubun an lo iñ ilon ta weiwei na ya, tia, Anut iñ dabai anda an lo mel ibol an ago ka igane wak, nek ago ilon isou se ya. ²² Fun an lo “Anut Abraham iñ tamol itaotan ak ibol a.” ²³ Ru e, “Anut Abraham iñ tamol itaotan ak ibol an” Abraham niñen o mi ta digire na ya. ²⁴ Tia, id dam niñed o digire ya. Man dugo, id dam Anut binawek kawan an ipanad pe lo id tamolpein itaotan ak ibol a. Id Anut e idsad Tubun ak Jesus matej lo ifufunig kumaen imasa yen niñen o ilod rumok a, fun an lo iñ binawek kawan ak ipanad pe itaot tumado wa. ²⁵ Anut iñ Jesus ibiseig idsad aupasek isuas o matej lo igane yau a, agod id iginiad itaot tilasa wo Jesus matej lo ifufuni yabisag afon kumaen imado da.

Kristus id patud ipasig gamu youd isa da

5 ¹ Fun an niñen o, Anut idsad ilo rumok amaiak lo itaot idirad tilasa ya. Amaiak niñen o id idsad Tubun ak Jesus Kristus lo id Anut da ilo maror lo tumado da. ² Jesus iñsen mi idsad dal an lo, id Anut anen ilo panek san ar ilon lo tiladu ya, agod dugo ilo panek an lo tatur da. Agod id Anut da sisem iñsan girager an lo tumado wak niñen o mala nouk tumado dugo uyasusai tigane da. ³ Agod an mi tia, muruan tinid fo ipalu bo man uyasusai tigane da. An lo id taloñ ak, muruan tisini den iñsan wadan man, id dabai ipanad pe tatur sakar a. ⁴ Aria, tatur sakar san kagin san wadan man, id ilod lo bunud uyanan igane ilasa wa. Agod bunud uyanan san wadan man, mala nouk tumado san kagin igane ilasa da. ⁵ Agod id mala nouk tumado dan san kagin an nuñon da ya, kagin an niñen o id ilod ta muruan na da. Tia geig a. Man dugo, Anut Awan Urgan id ipanad an lo iñanen ilo panek id bubed lo ikulmaek la ya.

⁶ Saen id dabai amad tiag, sed ibinawad san tia yan lo Anut ibinawad a. Nal nek an lo Kristus tamolpein Anut awan duparsisali an ibinawai san niñedi wo matej ile ya. ⁷ Talpein ta iñ tamol itaot ak aben iñanep imat san niñen o irer mok a. Saen wei mi tamol ta ago igane dop tile man tia ya. Ak gug, nap talpein ta tamol uyan mok ak mi aben iñanep ka imat san niñen o irer san tia yak boi. ⁸ Ak man Anut anen ilo panek tubun ak dal en lo ikubiai tile da. Saen id aupasek san dal turi dugo Kristus id niñed o matej ile ya.

⁹ Gamu iñsan dar lo id itaot idirad tilasa ya. Amaiak niñen o rumok, murnap Kristus iñsen id patud ipasi dop, Anut tiñae mumarek an lo ta ifunad na wa. ¹⁰ Saen id Anut san ager tumado dugo iñanen Nanun san matej lo id Anut san turan muroun tilasa ya. An rumok tap, sapita taida dop iñ gamu kumaen imado dan lo id ibinawad pe patud ipasi wa. ¹¹ An

mi tia ya, idsad Tubun ak Jesus Kristus lo, id Anut da tutumani an niŋen o yousai tigane da. Man dugo, gamu Kristus lo id Anut da titiŋae mi siai yen an ipasi panad go Anut san turan muroun tilasag tumado da.

Id Adam lo tamat ak gug Kristus lo kumaen tiŋane ya

¹²Aria, ru en aloŋ uyan. Tamol kisaek lo aupasek tan ente isadu ya. Agod iŋsan aupasek an mateŋ dam isinig ipalu ya. Dal an lo mateŋ an tamolpein fidian lo yau a. Man dugo, tamolpein fidian tamol kisaek an dututuŋanig au dupas a. ¹³Rumok, Anut san kubiaeŋ Moses gamugo ipani dugo, saen an lo tamolpein au dupas na ya. Ak man saen kubiaeŋ tia dop, aupasek niŋen o Anut talpein ta tinin ta isupale na wa. ¹⁴Ak gug gidad, Adam san saen lo yaug Moses san saen lo man mateŋ mi ititianad na ya. Nek ago mi, tamolpein a iŋsad aupasek Adam san aupasek igo mi tia yan, mateŋ dam ititianai na ya. Aria, aloŋ uyan, Adam man iŋ Tamol a murnap ilasa wan san mitilaen igo woŋ a.

¹⁵Ak man, Adam san aupasek, Anut san ilo muŋanek da sad nuŋon naon kisaek tia ya. Tia, tamol kisaek an san aupasek amaiak lo tamolpein wei mi dumat na ya. Gug Anut san ilo muŋanek man tubun di tubun geig a. Anut san ilo muŋanek an lo mi binawek kawan ipanad man, nek tamol kisaek Jesus Kristus mi a. Binawek an san nuŋon man Anut san ilo muŋanek tamolpein wei mi diŋane se ya. ¹⁶Agod ŋai fon igo ŋabol, Anut san binawek kawan an, tamol kisaek san aupasek an da, nuŋon naon kisaek ta digane ilasa na ya. Tia, tamol kisaek an san aupasek an lo Anut anen bitinaek ilasag, tamolpein fidian ibiai dudu ya. Ak gug, gidad aupasek wei mi ilasa bo man, ilo muŋanek kawan an id Anut malan lo itaot idirad a, an niŋen o id aupasek san naon muruan ipanad san tia ya. ¹⁷Aria, tamol kisaek an san aupasek lo, mateŋ tamolpein fidian sad gurman imado tap, rumok geig, tamol kisaek nek Jesus Kristus lo mi, tamolpein a Anut san ilo muŋanek tubun ak diŋane, agod binawek kawan a Anut malan lo itaot idirai san diŋane yan dam lo, kumaen panu na Kristus paen na gurman dumado wa.

¹⁸Aria, aupasek kisaek an naon Anut tamolpein fidian bitinaek lo ibiai dudu ya. Nek ago mi, tamol kisaek san kulob itaot an san nuŋon igo ya, Anut malan lo itaot idirai san dal iŋ lo ilasa da. Amaiak lo tamolpein fidian mi kumaen dumado san ka diŋane wa. ¹⁹Ago mi, tamol kisaek awa parsisalek igane yan lo, tamolpein fidian aupasek digane yau oŋ se ya. Nek ago mi, tamol kisaek awa biek uyanan igane an naon, tamolpein wei mi ibinawaip, murnap Anut malan lo itaot idirai dilasa wa.

²⁰Anut kubiaeŋ Moses ipani an dugo wak i? Iŋ kubiaeŋ a ipani man fun, aupasek naok wei mi kuai te ilasa wa. Ak gug, saen aupasek tubun ilasa dugo, nek saen an lo mi ilo muŋanek dam ilasag tubun geig go aupasek san dabai iriŋani a. ²¹Ago man, nek ibol aupasek itirnad go

matej igane ilasa yak igo woŋ, gamu id Anut malan lo itaot tumado dan lo, iŋsan ilo muŋanek ibuluwad pe itirnad dop kumaen yen yau san an idsad Tubun ak Jesus Kristus lo tiŋane wa.

Aŋ aupasek patum apani dop afon ta itirnaŋ na wa

6 ¹Ago yak niŋen o id dugo ilod isou dak i? Dugo, id kagin saian an fon mi tigane yau dop lo Anut iŋanen ilo muŋanek an nal pempem mi ka ikubiai panad ak i? ²Ago tia mok! Dugo, id Kristus da matej lo aupasek san dabai tiriŋani dop man, aupasek ka tigane yau oŋ ak i? Man tia ya. ³Dugo, oŋ en ilo iŋaon i? Id fidian Jesus Kristus yaŋan lo suguek tiŋane yan, nek suguek an lo mi id iŋ da sisem tamat a. ⁴Fun amaiak niŋen o idsad suguek an lo id iŋ da matej san gib lo disiriad a. Amaiak lo nek ibol Kristus Taman san girager tuon lo yabisag imasa yak igo woŋ, nek ago mi id dam kumaen foun amad da tator a.

⁵Man dugo, iŋsan matej naon kisaek an lo id iŋ da tutumani tap, iŋsan kumaen naok a foun iŋane yan lo id iŋ da tutumani mok a. ⁶Agod id en dam taloŋ a. Saen Kristus aigim fo iyuk an idsad bunud wagam an aigim fo da dutumanig dubali a. Dal an lo idsad tinid aupasek aman da yan ipitiŋinig, an lo aupasek san urat pinein tumado yau san tia ya. ⁷Man ata wo? Talpein enti imat la yan aupasek san dabai iŋ yabitanip yen yau san tia ya.

⁸Aria, id Kristus da tamat tap, id ilod lo rumok pe iŋ da sisem kumaen tumado wa. ⁹Man ata wo? Id taloŋ ak saen Kristus mutou lo imasa yan, fon imat san man tia ya. Matej fon iŋ tinin itirni san dam tia ya. ¹⁰Matej a ile yan niŋen o ŋabol da. Id fidian aupasek tigane na yan niŋen o matej an ile ya. An niŋen o iŋ imat kisaek o lian an lo aupasek san dabai igane itout a. An lo tamolpein fidian ibinawai o ago igane ya. Gug gamu iŋ kumaen imado da, agod Anut san ilobol lo mi iri wo ago imado da.

¹¹Nek ago mi, aŋsem niŋemi wo ilo sou igo agane wa. Aupasek fon aŋ ilom ta iŋane na wa, man dugo, aŋ nek ibol tamol imat la yak igo woŋ a. Ak gug Anut niŋen o, aŋsem nek igo iliaŋ a, Jesus Kristus lo Anut san ilobol ari wo kumaen amado dak abol a. ¹²Amaiak niŋen o, aupasek abiani ilasa yau dop aŋanem tinim apirani wa. Ago tap, saen aŋ tinim imasa bo man, aŋ tinimi san ilobol awan abi san tia ya. ¹³Aŋanem ŋiem banim nek ibol kagin saiak digane dak san biouŋ igo woŋ, aupasek igane wo ta apani na wa. Tia, aŋsem tamol mutou lo dumasag kumaen dumado dak igo woŋ, aŋanem tinim fidian mi kagin uyan digane dak san biouŋ igo woŋ, Anut apani wa. ¹⁴Aŋ kubiaeŋ paen na ta amado na da, tia, aŋ ilo muŋanek paen na amado da. An lo afon aupasek aŋsam titianek tamol ta imado na wa.

Id kagin itaot ak san urat bigabeg tilasa wa

¹⁵An ago tap, en dugo wak i? Rumok, id man kubiaeŋ paen na ta tumado na da, ago gug Anut san ilo muŋanek paen na tumado da.

Amaiak niŋen o dugo, id aupasek an nek ago mi ka tigane yau ak i? Man tia geig a! ¹⁶Ansem talpein ta tuon lo sem iŋiliaŋ pe aup bigabeg igo iŋsan awan ari tap, tamol e iŋsan awan aloŋ den iŋsan bigabeg igo mok amado wa. Amaiak niŋen o, ansem aupasek tuon lo idiraŋ au tap, an nuŋon man mateŋ mi a. Aria, ansem iŋiliaŋ pe awa biek kagin san tuon lo au tap, an nuŋon man Anut malan lo itaot idiraŋ a. ¹⁷Gug Anut ilo uyan tupani da. Man dugo, aŋ wagam aupasek san bigabeg amado ya, gug gamu piteŋanek a imug aloŋ an bubem ŋutum fidian lo aŋaneg ari dugo paen na amado yau oŋ a. ¹⁸Agod aŋ aupasek lo Kristus iŋiliaŋ go kuai te idiraŋ a. An lo aŋ kagin itaot agane san bigabeg adi alasa ya.

¹⁹Ijai ŋaisag ru lo, aŋ ilom tia yak niŋen o tamol kagin ŋurig ŋabol da. Aŋ wagam aŋanem tinim san biabi anen anen, aupasek san bigabeg igo aganeg dilasa ya. Ago yan lo aŋ kagin sisaik nun anda yak agane se ya. Nek ago mi gamu aŋanem tinim san biabi anen anen aganep, kagin itaot ak san urat bigabeg alasa dop gun amado wa. ²⁰Saen aŋ aupasek san bigabeg ago ator se man, kagin itaot an aŋ ibiatuanaŋ san tia ya. ²¹Gug aŋ melmel a niŋedi wo gamu miai ifunaŋ dan nuŋon dugo aŋane yak i? Mel an san wadan man mateŋ mi a. ²²Gug gamu Kristus aŋ aupasek lo ipasaŋ go Anut san bigabeg alasa ya. An san nuŋon man iŋ aŋ gun idiraŋ alasa ya. Agod an san nuŋon man kumaen pempem yen san mi a. ²³Aupasek san ai wadan man mateŋ mi a. Gug Anut san binawek kawan ipanad dan man id Jesus Kristus idsad Tubun ak da tutumanip, iŋ lo kumaen pempem tumado wa.

Moses san kubiaeŋ san ru faŋan

7 ¹O ŋai teig taog, kududom agure. Gamu aŋ tamolpein a Moses san kubiaeŋ aloŋ an, ŋai ru en ŋurupaiaŋ dop aloŋ a. Aŋ mel en ta aloŋ na yak i? Talpein ta Moses san kubiaeŋ paen na imado dan, kubiaeŋ an isubani da, ak man saen iŋ tan en lo imado den lo mi a. ²Pein iwon anda yak lo ilom isou, saen iwon tamol ak ta imat na dop man, iŋ sisem kubiaeŋ itumanaig dumado da. Gug tamol an imat dop, an lo kubiaeŋ a pein isubanig iwon da dumado yan itufulak a. ³An lo, iwon tamol an malan kumaen imado dugo, tamol sen ak ta ida ditor tap man, iŋ jeit pein ak ago dubol a. Gug iwon tamol an imat pasik dop, kubiaeŋ a lo iŋ imado yan itufulak a. Saen an lo tamol ta iŋane dop man, iŋ jeit san pein tia ya.

⁴Amaiak lo aŋ dugo wak i? Ijai teig taog, Jesus Kristus tinin lo, aŋ dam Moses san kubiaeŋ paen na amado yan atufulak pe mel sen ta san muroun amado wa. Anut tamol ta mateŋ lo ifufunig yabisa ya, an lo id Anut damon lo ai patun igo ilo rumok tamolpein foun ak igo woŋ tidirai dilasap nuŋod ifu wa. Aria, id tamol an muroun mi tumado wa. ⁵Saen id tamolpein tan en san igo tumado yan, aupasek san subam saiak id tinid

ilon lo imado ya. Moses san kubiaen subam an igane ilasag dabai ipani a. Subam an id tinid san samun luluḡad lo dabai igane da, an lo nuḡon a iganeg ilasa yan man materḡ san mel mi a. ⁶Ak gug gamu kubiaen an lo id isubanad san tia ya. Kubiaen a gubak mi isubanad na yan gamu ta ibiatuanad na da, man dugo, id tamol dumat la yak igo woḡ tumado da. Ata wo, id taloḡ ak tamol a imat la yan kubiaen kagin ipani san tia ya. Ago dop an lo id ru girek wagam ak paen na Anut san urat ta tigane na wa, tia, Awan Urgan san kumaen foun ak lo urat tigane wa.

Id aupasek da nug tabi tidiri da

⁷An niḡen o id dugo tabol a, Moses san kubiaen an aupasek ak i? Tia geig a! Kubiaen tia yak man, ḡai aupasek ta ḡaloḡ na wa. Kubiaen ago ibol, “Oḡ mala ta isi na wa.” Kubiaen ago ta ibol na tap, en dugo woḡ ḡai mala isek fun ḡaloḡ ak i? ⁸Aloḡ ak, saen kubiaen tia yak man, aupasek an susanun igo dabai itaot pe kawan yen a. Ak dugo, aupasek malan kumaen imado tap, aupasek an kubiaen lo dal ileg, ḡai ilog lo mala isek san kagin wei mi ifufunaig dumasa da. ⁹Saen ḡai nanuk oḡ ḡator na man, ḡai kubiaen amag tia yak igo kumaeg ḡator a. Gug saen kubiaen ipalu yan lo man, aupasek an kumaen imasag, an lo ḡai ḡamat a. ¹⁰Kubiaen a ḡai kumaen ipanag ago ilog isou se yan, ḡai mel en kuai ḡupani ak, kubiaen nek an materḡ ipanag a. ¹¹Man dugo, aupasek iḡ kubiaen an lo dal ileg lo ḡai irawag a, ago dugo kubiaen nek an ḡai ifunag ḡamat a. ¹²An niḡen o Moses san kubiaen gun mok a. Agod an san piteḡanek funfun an dam gun, itaot, agod uyanan mok a.

¹³Rumok, kubiaen uyanan a. An niḡen o kubiaen uyanan an lo ḡaisag materḡ igane ilasa wak i? Tia geig a. Rumok, kubiaen man mel uyanan mi a, ak man aupasek iḡ mi kubiaen an lo materḡ ḡai tinig lo igane ilasa da. Amaiak lo ḡai ḡile ḡaloḡ ak aupasek man aupasek mi a. Agod kubiaen lo aupasek ḡai malag lo man saian di saian geig a.

Aupasek idsad madok itirni da

¹⁴Aria, id fidian taloḡ ak kubiaen man iḡ Anut san a. Gug ḡai man tinig tan en san mi a. An lo aupasek ḡai ilog tinig bigabeg igo woḡ idad a, agog aupasek san bigabeg igo ḡumado ḡator da. ¹⁵ḡai dugo ḡigane duman, fun ta ḡaloḡ uyan na ya. Kagin aenta ḡai ḡamoi dan, gidad, an fidian ḡigane da. ḡai aupasek san ager ḡumado bo man ḡai aupasek ḡigane yau oḡ da. ¹⁶Aria, mel a ḡamoi an ḡai ḡigane tap, ḡai ilog lo mel dugo uyan ak niḡen o ḡabol dan, agod mel dugo kubiaen ibol dan, an mel kisaek mi a. Amaiak niḡen o ḡai ḡaloḡ ak kubiaen man uyan a. ¹⁷An lo gug, ḡaiseḡ mi fon ta ḡigane na da, tia, aupasek ḡai bubeg lo amaiak isubanag go ilon dugo ibol an mi ḡuri da. ¹⁸Agod ḡai ḡaloḡ ak, ḡai ilog lo mel uyan ak ta yen man tia ya. (Nek ḡaisag tan en san tinig niḡen o

mi njabol da.) Njai mel uyan ak njigane wo ilog ibol dan njasag ilo sou lo yen da, ago gug dugo woŋ mel an njigane san dal njile man tia ya. ¹⁹Njai mel uyan ak njigane wo ilog ibol dan njai ta njigane na da. Tia, kagin saiak njigane wo ilog ta ibol na dan mi njigane yau da. ²⁰Amaiak niŋen o njai mel njamoi ak njigane tap, njasag ilog nam ta njigane na da, tia, aupasek a ilog lo yen dan, njai ilog iduduwi dan lo, njai aupasek ago njigane yau dop na wa.

²¹An lo njai tinig ilon lo kubiaen en njile njaloŋ da, saen njai mel uyan ak ta njigane wo ilog ibol dop, kagin saiak dam njai isaurag da. ²²Rumok, njai bubeg ilon lo man, Anut san kubiaen o ilog bulbal da. ²³Ak gug, njai kubiaen naon sen ak tinig ilon lo dabai igane dan njile njaloŋ da. Kubiaen an iŋ njasag ilobol san kubiaen da nug dufuni da. An lo dop aupasek san kubiaen e tinig ilon lo dabai igane den njai isubanag da. ²⁴O kabel, njai muruan sinek tamol mi a! Enti tinig mateŋ san en lo njai patug ipasi wak i? ²⁵Jesus Kristus idsad Tubun ak lo njai Anut ilo uyan njupani da, man dugo, Anut iŋsen njai patug ipasi wa. Aria, njai njasag ilobol lo Anut san kubiaen niŋen o dabai njigane da, ago gug njasag tinig lo man aupasek san kubiaen niŋen o mi dabai njigane da.

Awan Urgun lo id kumaen tumado da

8 ¹Amaiak niŋen o gamu tamolpein Jesus Kristus lo dumado den, Anut aupasek san naon muruan ta ipidinai na da. ²Man dugo, id tamolpein Jesus Kristus da tumado den kubiaen foun en paen na tumado da. Kubiaen en man kumaen san Ur igane ya. Aria, kubiaen en id aupasek mateŋ da sad kubiaen lo isubanad an kuai fo idirad tilasa ya. ³Mel a Moses san kubiaen igane san ta idaisuda na yan, Anut iŋsen mi igane ya. Man dugo, id tinid aupasek aman da yan lo kubiaen an dabai aman tia ya. Amaiak niŋen o, Anut iŋanen Nanun idinig ipalu yan lo, tan en san aupasek a tinid lo yen an ipare idu ya. Fun an niŋen o, iŋsan tinin man nek ibol idsad tinid tan en san igo mi a, agod iŋsen tinin nek ibol mel mudan ak Anut o dufuni imat pe an lo aupasek dusuas ak igo woŋ ilasa ya. ⁴Anut ago igane yan lo kubiaen san pitejanek itaot an fidian id lo awan isag yen da. Man dugo, id tinid san ilobol lo ta tator na da, tia, Ur san ilobol lo mi tator da.

⁵En sauta iŋaned ilod ibol dak lo dumado dan, iŋ iŋaned tinidi san biouŋ o ilo sou digane da. Gug en sauta Ur san ilobol duri dan, Ur san biouŋ o mi ilo sou digane da. ⁶Talpein ta sen tinin o mi ilon isou dan, iŋ mateŋ lo idu wa. Gug talpein ta Ur san ilo sou iri dan, iŋ kumaen ilo maror da iŋane wa. ⁷Man dugo, ta san kankan iŋ tinin o mi ilon isou dan man Anut o ager imado da. Agod kankan naok an sen yabi idup Anut san kubiaen paen na imado san man tia ya. Rumok, iŋ ago igane san man ta idaisuda na ya. ⁸Agod en sauta iŋsad bunud wagam ak lo dutor dan Anut ilo uyan dupani san ta idaisuda na ya.

⁹Ak man Anut san Ur oꝝ tini ilon lo imado mok tap, oꝝane bunu wagam ak ta ititiano na da, tia, Ur mi ititiano da. Agod talpein ta iꝝ Kristus san Ur aman tia tap, iꝝ Kristus san tia ya. ¹⁰Ak gug, Kristus oꝝ lo imado tap, gidad aupasek lo oꝝ tini imat la bo man, oꝝ itaot lasa yan lo oꝝane ur kumaen imado da. ¹¹Agod enti iꝝ Jesus mutou lo ifufunig imasa yan san Ur oꝝ lo yen tap, iꝝsan Ur oꝝ lo imado dan lo oꝝ tini mateꝝ san mi an dam iꝝ kumaen ipani wa.

Urgun iganeg id Anut nanun muroun tilasa ya

¹²Amaiak niꝝen o, ꝓai teig taog, rumok, id gubun^b ad da ya. Gug id gubun an tukubune wo tap, id bunud wagam an san kagin ta tiri na wa. ¹³Man dugo, oꝝ bunu wagam ak san kagin lo mado tap man, oꝝ umat a. Ak man Ur san dabai lo oꝝ bunu wagam ak san kagin funi imat tap, oꝝ kumaen mado wa. ¹⁴Man ata wo, tamolpein ensauta Anut san Ur ititianai dan, iꝝ Anut nanun muroun mok a. ¹⁵Ur e oꝝ ꝓane yen man oꝝ bigabeg igo lasa san ur tia ya. An lo oꝝ rurek ta ipano dop usuk umul na wa. Tia, oꝝ Anut nanun lasa san Ur ꝓane ya. Agod Ur oꝝ ilo iduduwi dugo igo ubol da, “O Bai, ꝓaineg Bai.” ¹⁶Amaiak lo Anut san Ur iꝝsen mi idsad ur da ibateg, ru an awad kisaek lo id Anut nanun muroun tabol da. ¹⁷Aria, id Anut nanun muroun tumado tap, filian tiꝝane san tamolpein tumado wa. Awo, id Kristus da madai tisini tap, id iꝝ da Anut san filian tiꝝane wa. Man dugo, id Kristus da madai tisini dan lo Anut mi id Kristus da girager ipanad a.

Anut nanun muroun iꝝanen girager murnai san diꝝane wa

¹⁸Iꝝaisag ilo sou lo, ꝓai girager a murnap Anut igane kuai te ilasa panad an, iꝝ saen en san madai tisini dan da, ꝓutumanaip ꝓukubianai tap, madai tisini dan mel kabelan igo woꝝ a. ¹⁹Man dugo, melmel fidian Anut igane yan Anut iꝝsan nanun muroun kuai te idiraip dilasa dop dile wo malad diganeg diyep di dumado da. ²⁰Anut melmel fidian idirai an iꝝsad tureꝝ lo dal e nuꝝon tia yen mi duri wo ipidinai a. An man iꝝsad ilobol san mel tia ya. Tia, Anut iꝝsen ilon ibol ak igo ya, iꝝsad tureꝝ man nuꝝon tia yak ilasa wa. An lo ago igane ilasa ya. Ak gug kulob a igane yan mala nouk lo mi iꝝ ago igane ya. ²¹Ata wo, Anut san ilo girek lo, melmel fidian igane yan digan o isubanaig dumado da. Ak gug saen isuda wan lo dop, iꝝsen mi subanek an igane itout dop melmel fidian an patun fo idiraip foun dilasa wa, agod iꝝanen nanun muroun sad tureꝝ girager aman da diꝝane wa.

²²Id taloꝝ ak, saen gubak mi Anut melmel fidian idirai man yaes isofutanaig madai amad da ya. Nek ibol pein nanuk igansi wo dop madai ile

^b Pani

dak igo woŋ ipalug gamu da mi a. ²³Gug melmel fidian en mi tia ya, tia, id dam Awan Urgun san urat nuŋon malan te ya. Id dam an lo madai tile dugo tumado da. An lo Anut iŋsen id iŋanen nanun muroun idirad tilasa wo mala nouk tumado da. Saen an lo dop Anut idsad tinid en ibilisap naon sen geig tilasa wa. ²⁴Man dugo, Anut id patud ipasi san fun man, id mel a niŋen o ilod yen dan mi lo ago tumado yau a. Id mel a niŋen o ilod yen dan tile yak tap, ata wo mel an niŋen o ilod isou dak i? Dugo, talpein ta mel a ile la yan niŋen o ka ilon yen ak i? Man tia geig a. ²⁵Gug id mel a ta tile na dan niŋen o ilod yen dop man, sed isatuanad pe, id mel an niŋen o mala nouk tumado wa.

²⁶Nek ago mi, id dabai amad tia yan niŋen o, Awan Urgun ibinawad da. Id dugo woŋ Anut o tugudani san ta taloŋ uyan na ya, an lo id gudanek san dal tabiriŋani da. Gug Awan Urgun iŋsen mi id bubed ilon lo mosiai dabai ak amad da yan waged lo Anut isumiani da. ²⁷Enti iŋ tamolpein bubedi lo abaŋ ile dan iŋ Awan Urgun san ilo girek dam ilon a. Ata wo, Awan Urgun dam iŋanen tamolpein gun ak niŋedi wo Anut isumiani da, man dugo, iŋ ago igane dan lo Anut san ilobol anua da.

Murnap id Anut Nanun igo tilasa wa

²⁸Id taloŋ ak, tamolpein ensauta a Anut niŋen o dumat dan, ensauta a Anut yaŋad ipateg, igiaig iŋsan ilo girek san dal duri wo dan niŋedi wo gidad, mel dugo ilasa bo man, urat igane pidinai uyanan da. ²⁹Id gamugo tilasa dugo Anut gubak mi id ilon go ipilianad a, an lo id bunud nek ibol iŋsan Nanun san bunun igo mi tilasa wa. Ago dop an lo iŋ tein muroun wei mi lulunad lo iŋaned teid matu ak igo imado wa. ³⁰Amaiak niŋen o talpein ensauta a Anut ipilianai an yaŋad ipateg igiai da. An lo ensauta a yaŋad ipateg igiai an dam iŋ itaot idirai da. An lo ensauta a itaot idirai an dam iŋ iŋanen bunun girager aman da yan ipidinai a.

³¹Amaiak niŋen o id mel an niŋen o dugo tabol ak i? Anut id turad igo imado tap, enti id iliad saian ak i? ³²Anut iŋanen Nanun ta ipirani na ya, tia, id fidian niŋed o ibiseig imat a. An niŋen o iŋanen Nanun lo binawek kawan ak igo woŋ melmel fidian dien dan id ipanad an rumok ak i? ³³Enti Anut naon na itur pe, ensauta a Anut ipilianai an niŋedi wo, iŋsad muruan isini ipalup ibol ilasa wak i? Talpein ta ago igane san tia ya, man dugo, Anut iŋsen mi ensauta iŋanen an itaot idirai la ya. ³⁴Enti imisilanad ak i? Jesus Kristus imat pasik a, iŋ mutou lo imasag Anut tuon won ak ate itur go id niŋed o igudani da. An lo id imisilanad ak i? Tia geig a! ³⁵Enti Kristus iŋanen ilo panek lo ibiatad ak i? Ata mel Kristus san ilo panek an lo ka ipasad ak i? Muruan boi, tia, ilo madai lo boi, kudi dak lo boi, kadag^c lo boi, nuŋon kawan imado dak lo boi, saian sumeik ipani dan lo agod sabiri lo boi i? Tia ya. ³⁶Girek igo yen da,

^c Futol

“Oŋse niŋe wo nal fidian dufunamag go mamat da.

Maŋ bilelek dufu dumat o dufutanai ak igo woŋ diliama da.”

³⁷Tia, iŋsen lo iŋanen ilon id ipanad a, an lo melmel en fidian lo id nek ibol enti yu lo isiŋani ak san tamol igo woŋ tilasag malan te agod malan te geig a. ³⁸Amaiak niŋen o ilog lo rumok a, materŋ tia, kumaed tumado dan tia, eŋel adi tia, ur dabai amad da yak tia, mel gamu ilasa den tia, mel murnap ilasa dan tia, ur saiadi ak tia, ³⁹mel lak na yak tia, mel tan ilon lo geig ak tia, melmel fidian a Anut idirai an luluŋad lo mel ta dam tia, amaiak lo, Anut san ilo panek Jesus Kristus idsad Tubun ak lo, ipanad dan ibiatad san tia ya.

Anut kiŋ igo woŋ sen ilon nam pilianek igane da

9 ¹Aria, Kristus malan lo ŋai ru rumok ŋabol da, ŋai ta ŋiraek na da. Agod Awan Urgun lo ŋaineg kankan dam ŋai ibalsiŋanag go ŋaloŋ ak, ŋai ru e ŋurupaiaŋ den rumok a. ²⁻³Ŋai ilo muruan tubun mi ifunag da, agod madai tubun mi ilog lo yen dan itout san tia ya. Man dugo, ŋai teig muroug Isrel adi, ŋaisag dar kisaek an iŋ Kristus patud dupani a, agod iŋ Anut Kristus iganeg ipalu yan ilod lo ta rumok na ya. An niŋen iŋ niŋedi wo Anut ŋai Kristus siŋire na yabianag pe daoŋ ipanag a, ago dop an lo ibinawaip ilod lo rumok tap, Anut ŋai lo ka ago igane wa. Ŋai ilog nek ago ibol da. ⁴Iŋ Isrel tamolpein, fun an niŋen bar tutubun ak wei mi man iŋsadi a. Iŋ Anut iŋsan nanuk ŋilajaŋ igo iŋal a, agod iŋsan girager ipidinai a. Kontrak fidian an iŋsadi a, agod Anut Moses kubiaen ipani an dam iŋsadi a. Iŋ Anut ubou an dile san dal duloŋ ak, agod Anut san promis an fidian iŋsadi a. ⁵Iŋsad dar igileg lo tamol yaŋad tutubun ak dilasa ya, agod Kristus dam iŋsad dar igileg ipalu yan lo ilasa ya. (An rumok, iŋ tinin tan emaiak san niŋen ŋabol da.) Ak man Kristus san mel taidam igo ya, iŋsen Anut. Ago yak niŋen o iŋ mel fidian fufo na ya, an lo tamolpein iŋ pempem yaŋan lak na diabisa isuda yau da. Rumok.

⁶Ak dugo, Anut iŋ Abraham ru a irupe i an nuŋon ta ilasa na yak i? Tia ya, man dugo, Anut Isrel niŋedi wo ilo sou igane dan id tamol ilo sou tiganed ago tia ya. An fun igo ya, tamol ta iŋ Isrel gugoi lo ipalu tap, an dugo, an iŋ Anut malan lo Isrel tamol mok i? Tia ya. ⁷Ago dugo tamolpein an igo dubol, “Maŋ Abraham nanun muroun mok a,” dugo, an fidian Anut malan lo Abraham nanun muroun dumado di? Tia ya. Aloŋ, Anut san buk lo ru igo tusuti da, Anut Abraham irupeig ibol, “Aisak nanun muroun amaiak tamolpein dil pe oŋsa nanu murou ago dubol a.” ⁸Anut ru mianuk a ibol irupe i an fun igo ya. Anut nanun muroun mok man Abraham san dar lo ta dilasa na ya, tia, Anut san nanun muroun mok man, nanuk a ru promis iŋ Abraham irupe i an iri panim dilasa dak ama ya. ⁹Man dugo, iŋsan nanun niŋen o Anut Abraham promis ipani man igo ya, “Anaŋar naod na yan te dop ŋai ŋamul oŋsa na ŋupalu wa, ante gup Sara nanuk igansi wa.”

¹⁰Agod an mi tia ya, tia, Esau iŋ Jakob da sad am ipiterjanad ak Anut san pilianek mel tubun mok a, ak man tamol sad ilo girek man mel kawan ak oŋ a. Aria, saen maŋ tubuma Aisak iwon Rebeka da dien an Rebeka nanuk babagaru idirsi a. ¹¹⁻¹²Nanuk babagaru an dilasag iŋaned kagin naok naok gamugo dile dugo Anut Rebeka irupeig ibol, “Nanuk matu ak san dar dilasa dan mitep nanuk bakan ak san dar dilasa dan paed na dumado wa.” Anut ago igane yan lo iŋanen ilo sou nuŋon igane ilasa ya. An Anut sen pilianek igane ya, an tamol iŋsad naok naok lo tia ya. Man dugo, iŋsen mi tamolpein a iŋsan wagin duloŋ an, amaiak ipilianai o ilon ibol a. ¹³Fun an niŋen Anut profet awan lo ago ibol, “Ŋai Jakob ilog ipani do Esau man ŋamoi geig a.”

¹⁴Aria, id an niŋen dugo ilod isou wak i? Dugo, Anut sen ilon nam tamolpein ipilianai dan igane saian di? Tia geig a. ¹⁵Man dugo, Anut Moses igo irupeig ibol,

“Ŋai seg ilog nam talpein ilog ŋupani wak,
agod ŋai seg ilog nam talpein ilog imuŋani wa.”

¹⁶An niŋen gamu id mel en lo na Anut san dal taloŋ a. Ak talpein ta ilon ago ibol, “Ŋai seg ipilianag ak Anut iŋiliag pe iŋanen urat ŋigane wa.” Anut iŋ pilianek ago ta igane na da. Tia, talpein ta ilon ibol, “Ŋai Anut san a, man dugo, ŋai urat wagai ŋigane da.” Iŋ dam Anut ta ipiliani na ya. Ak man Anut iŋ talpein ipiliani da, an iŋsinan ilo muŋanek lo mi ago igane da. ¹⁷Agod Anut iŋsen ilon ibol ak fom tamol ipitiŋinai an ipilianai da. An id taloŋ a, man dugo, Anut ru girek lo na Igipta sad kiŋ Farou niŋen igo ibol, “Oŋ bube sakar go silei gane an niŋen ŋai oŋ ŋipilianog kiŋ lasa ya. Ŋai ago ŋiginio yan lo oŋ ŋaisag ager mado wa. An san fun igo ya, ŋai oŋ muruan ŋupano dop lo tamolpein malad ipalup ŋaisag tuog dabai tubun an dile wa. Ago dop ŋaisag yaŋag an tamolpein e sumeik dumado den, agod a asau mi dumado dan diŋiŋeŋ ila isop yau a.” ¹⁸An niŋen o id taloŋ ak, Anut iŋsen ilon nam tamolpein aenta iŋsan ilo muŋanek ikubiai dile wak, agod tamolpein aenta bube sakar ipidinai dop silei digane da.

¹⁹Gug oŋ dap igo rupaiag ak boi, “Enti Anut iŋsen ilon ibol ak iri panim mel dugon igane wo dan yabiani san idaisuda yak i? Ago tap, ata wo iŋ ru lo id isiad di?” ²⁰Aria, ŋaisag ru naon igo ŋurupaio. Oŋ enti, oŋ Anut ru naon ka rupei ak i? Oŋ man Anut sen iginio ya. Dugo, oŋ Anut riŋanig lak na yak niŋen o ka igo ubol, “Oi, oŋ ata wo ŋai tamol naok igo yak giniag ak i?” Oŋ ru ago ka ubol rupei ak i? ²¹Uloŋ uyan, saen talpein ta katik^d lo bod urat igane tap, iŋ iŋsinanen maŋau lo mi mel idiri ilasa da. Katik malan kisaek itumani an lo, bod sensen idiri wa. Bod kisaek san leil lo man girager uyanan mok a. Ago dugo bod neinta man nek ibol bod

^d Foi

gidad oŋ a. An niŋen dugo, bod an imasap ibol, “Oi, oŋ ago giniag umoi,” ago ka ibol ak i?

²² Saen tamol bod idiri dop, aenta a saiadi man imoip yabi yau a. Ago dop aenta uyadi an mi kagin ipidinai a. Ilo sou an man mitilaen Anut Isrel tamolpein lo ago igane da. Saen milaen mok Anut Isrel tamolpein ilod ibileksa wo malan igane ya, ak man iŋsan ilo muŋanek san nuŋon tia ya. An niŋen o gamu iŋ ipitiŋinai o ilo sou igane da. Iŋ Isrel tamolpein niŋedi wo tiŋae saian an tamolpein aenta ikubiai dile wak, agop iŋsan tuon dabai an kuai tem ikubiai dile wa. ²³⁻²⁴ Ak man bod aenta iŋ Anut san ilo muŋanek an dukubiani wak, agod iŋ mel uyanan Anut ipidinai an duloŋ uyan a. Bod naok an man id tamolpein a Anut sen igiad ama ya, agod wagam mi iŋanen girager uyanan amaiak tiŋane wo ipilianad a. Aenta Juda dugo aenta Juda tia ya. ²⁵ Nek ibol Anut profet Hosea san ru girek lo na ago ibol,

“Tamolpein a gubak mi ‘ŋaisag tia yak’ ŋabol na yan, gamu ‘ŋaisag tamolpein’ ago ŋurupidai a,
agod tamolpein gubak mi niŋedi wo ta ŋamat na yan, gamu ‘aŋ tamolpein niŋemi wo ŋamat dak’ ago ŋurupidai a.”

²⁶ Agod fon ru girek lo,

“Anut tamolpein ta igo irupidai ‘aŋ ŋaisag tamolpein tia ya,’
ago gug aben kisaek nek atna mi fon irupidai
‘aŋ Anut kumaen imado damaiak nanun muroun a’ iŋ awan ago
duloŋ a.

Mitep mel an ago ilasa wa.”

²⁷ Ak man profet Aisaia Isrel tamolpein niŋedi wo iwagiŋ go ibol,

“Gidad Isrel tamolpein igilep loŋ na lul igo wei mi wak,
gug man Anut san pitiŋinek saen lo wei an tia dumado yan mi
patud ipasi wa.

²⁸ Man dugo, Tubun en iŋsen ibol ago igane wa, iŋ tan en san

tamolpein fidian ipitiŋinai a,
agod iŋ ririan, itaot mi atem ago igane wa.”

²⁹ Agod Aisaia fon saen murna ipalu dan niŋen o igo ibol,

“Isop Tubun en did panu san yu gurman nanuk tata ibisawaip ta
dumado na yak man,
id fidian taun Sodom iŋ Gomora da sad tamolpein igo mi wa.”

Isrel adi kubiaeŋ lo itaot dilasa man tia ya

³⁰ Aria, an niŋen dugo ilod isou wak i? Id taloŋ ak gob adi iŋ gidad Anut malan lo ikok dumado wo urat ta digane na ya, ago bo man iŋ dal an dile ya. Man dugo, iŋ ilod lo rumok an niŋen o Anut iŋ itaot iginiiai a.

³¹ Ak man Isrel tamolpein kubiaeŋ diganuri wo urat wagai mok digane na ya. Man dugo, iŋ ilod lo dal uyan man kubiaeŋ lo mi yen dak ago dubol

a. Inj urat wagai digane bo man inj itaot ta dilasa na ya. ³²An ata wo ago i? Fun man inj Anut malan lo itaot dilasa san dal an ilo rumok san dal tia yak dubol. Tia, inj ilod lo urat wagai kubiaenj diganuri dan lo, Anut injiliaip itaot dumado wak ago dubol. An ninjen o pat ta insad dal te yen an njed isueg diau dudu ya. ³³Aisaia san girek igo yen da,

“Ale, naj Saion lo pat njed isuep, diau dudu san njigansi wa.

Ak man talpein enti pat en ilon lo rumok dop man miai ta ifuni na wa.”

Isrel adi Anut san kagin ninjen o ta duloj uyan na ya

10 ¹O naj teig taog, rumok njabol da, naj Anut Juda adi daonj ipidinai o man njamoi geig da. Agod saen naj Anut san na njugudani dan inj patud ipasi wo njusumiani da. ²Inj insad kagin njile uyan a, an lo inj ninjedi wo kuai te ago njabol ilasa da, inj Anut ninjen o man urat wagai digane na ya. Ak man melmel a digane yau dan, inj ata mel Anut ilon ibol dan ago mi ta digane na da. Man dugo, insad duloj anen man katuk aman a. ³Inj Anut san buben itaot ak id ilod lo igane yan ta duloj na ya. Injsiganed duloj san mi duri wo ilod yen da, amaiak lo insed mi itaot dilasa wo dabai digane se ya. Ago gug inj Anut san buben itaot ak ipidinai o dumoi na ya. ⁴Moses san kubiaenj fidian san wadan futanek man Kristus mi a, an inj ta duloj na ya. Man dugo, talpein enti Anut o ilon lo rumok, an mi inj Anut malan lo itaot ilasa wa.

⁵Kubiaenj a tamol ilon lo kagin itaot ak igane ilasa dan ninjen o Moses ago ibol, “Talpein kubiaenj an iri dop inj kumaen imado wa.” ⁶Gug ilo rumok a kagin itaot id ilod lo igane ilasa dan ninjen o girek ago ibol, “Onj bube lo igo ta ubol na wa. Enti did panu lo yau ak i?” (an lo inj Kristus tan na igane idu wa), ⁷“tia, enti gib fun tia yak lo idu wak i?” (an lo tamolpein dumat ak sad na Kristus injanep kuai te sisem dilasa wa). ⁸Gug girek an dugo ibol i? “Ru en onj sinjire na yen da, nek onj awa lo, bube lo dam mi a.” Ru nek an onj ilo lo rumok san amaiak mi manj mufulale da. ⁹Ru en igo ya. Jesus inj Tubun a, isop onjse malak malak lo ago ubol ilasa dop, Anut Jesus matej lo ifufunig fon imasa yan ilo lo rumok tap, onj patu ipasi wa. ¹⁰Man dugo, onj bube lo inj ninjen o ilo lo rumok, ago dop Anut malan lo onj tamol itaot ago iginio wa. Agod onj awa lo Jesus inj Tubun ak malak malak ubol ilasa wa, an lo inj onj patu ipasi a. ¹¹Ru girek ago ibol, “Ta inj ninjen o ilon lo rumok dop miai ta dupani na wa.” ¹²Juda adi Juda tia yak da lulunjad lo biatitek tia ya. Tubun ak kisaek mi inj fidian sad Tubun a. An fidian mi inj duwaginj dan bar uyan ak wei mi ipidinai dan itout san tia ya. ¹³Man dugo, ru girek ago ibol, “Enti Tamol Tubun ak yanjan lo igudani dan, Anut patun ipasi wa.”

¹⁴Ago man, tamolpein a Tamol Tubun ak ta duloj na dugo inj o ilod ta rumok na yan, en dugo wonj pe inj lo gudanek ka digane wak i? Ago

man, Tamol a niŋen o ru ta duloŋ na yan, en dugo woŋ pe iŋ o ka ilod rumok ak i? Ago man, talpein ta ipalug Kristus niŋen o ta irupidai na yak ago tap, en dugo woŋ pe iŋ Kristus niŋen o ru duloŋ ak i? ¹⁵Agod taida mi, talpein ta, aenta ta didinaig diau na yak ago tap, en dugo woŋ pe tamolpein an naod na Kristus san ru dufufale pidinai ak i? Nek ibol ru e digire en ibol ago, “Tamolpein a bilaluŋ uyan ak disini dupalu dan, iŋaned ŋjedi tureŋ diabi dan siŋaokan mok a.”

Isrel adi wei mi bilaluŋ uyan ak duloŋ o dumoi a

¹⁶Gug Isrel aenta Kristus san bilaluŋ uyan an ta duri dupani na ya. Aisaia ago ibol, “O Tubun en, enti ru e murupeig ilon en ilon lo rumok ak i?” ¹⁷An lo ilo rumok man, Anut san ru a taloŋ amaiak lo ilasa da. Agod ru a taloŋ dan tamolpein Kristus niŋen o dubol dan awad lo ilasa da. ¹⁸Gug ŋai ago ŋabol a. Dugog iŋ ta duloŋ na i? Man tia ya. Ru e girek lo yen,

“Iŋaned ru dubol dan, aben fidian lo yau a.

Iŋaned ru an tan yaug titin itout ak lo ilasa ya.”

¹⁹Iŋai afon ago ŋusumianaŋ, dugo, Isrel tamolpein ta duloŋ uyan na i? Man tia ya. Man dugo, malan malan Moses Anut san awak aban ago ibol,

“Iŋai aŋ ŋidiranŋ pe tamolpein a dar ta kisaek nag tan gidigidad lo dumado dan eil saiadi dop niŋedi wo turak asusa wa.

Iŋai warou kisaek san tamolpein kankan tia yak niŋedi wo aŋ tiŋae saiak ŋupanaŋ a.”

²⁰Agog tinin te Aisaia ago ibol san niŋen o ta irer na ya,

“Tamolpein a ŋai abanaŋ ta diabi na yak man diliag a.

A ŋai niŋeg o ta dusumiaenŋ na yan naod na ŋaiseg kuai te ibilag ŋilasa ya.”

²¹Ak man iŋ Isrel tamolpein niŋedi wo ago ibol,

“Iŋai nal fidian ŋumasa ŋatur go banig ŋuwateg iŋ ŋuyunaŋai wo malag ŋigane da.

Gug tamolpein an silei tinadi a, ŋai awag ta diabi na ya. Ad milaen ŋatur dugo, ru kagin a ŋurupidai se yan niŋen o piringek ru dupanag na ya.”

Isrel adi luluŋad lo warou kitekan mi iŋsan binawek diŋane ya

11 ¹Aria, en dugo, Anut iŋanen tamolpein yabianai geig di? Tia ya. Iŋai dam Isrel tamol a, ak man iŋ ŋai ta yabianag na ya. Iŋai Abraham san dar lo ŋilasa ya, agod ŋai Benjamin san gugoi lo ŋumado da. ²Anut iŋanen tamolpein iŋ gamugo dilasa dugo ipilianai la yan yabianai san tia ya. Ru girek e Elaija niŋen o ibol den ta aloŋ na yak i? Iŋ Anut Isrel yabianai san niŋedi wo dugo woŋ imosiai dan aŋ ta aloŋ na yak i? ³“O Tubun en, oŋane profet adi dufu dumat a, oŋane alta fidian

durube idu ya. Gamu ŋaiseg mi ŋumado da, ago yan lo ŋai dam dufunag ŋamat o digane dugo dutor da.”⁴ Ak man Anut ru naon dugo woŋ irupeig ibol ak i? “Tamol seven tausen dumado da, iŋ tubud sewak a Baal dubol dan naon na ditakoksi man tia ya. Tamol an ŋai ŋaŋal go ŋaineg ak dumado da.”⁵ Gamu nek ago mi gugoi wadan tusan a Anut iŋsan ilo muŋanek lo ipilianai an gamu dumado da.⁶ Anut iŋanen ilo muŋanek lo san pilianek igane ilasag yen da, kubiaeŋ turi tupani san urat lo igane ilasa man tia ya. Gug an tia tap, iŋsan ilo muŋanek an nuŋon tia wa.

⁷An niŋen dugo? Isrel tamolpein mel a wagai diganeg dile yan ta diŋane na ya. Gug tamolpein a Anut ipilianai an mi mel an diŋane ya. Gug wadan a dumado yan fidian iŋaned bubed pat igo sakar kasik ilasa ya.⁸ Nek ago mi ru girek lo ibol,

“Anut iŋ diŋaon san ur ipidina i a.

Iŋ malad ipidina i bo man mel ta dile san tia ya.

Iŋ kududod ipidina i bo man dulon san an dam tia ya.

Iŋ ago digane ipalug gamu dam nek ago mi digane da.”

⁹Agod Dawid ibol,

“O Anut, on iŋ niŋedi wo igo gane wa.

Iŋsad kubiaeŋ san soubul an ibol dob igo woŋ,

agod ibol suwanok igo woŋ on gane ilasa wa.

An nek ibol mel ta ŋied isubanip diau dudu san igo woŋ gane ilasa, agod nek ibol naon muruan tubun ak dile igo woŋ, ago gane wa.

¹⁰Malad tidom tubun yafutanip iŋ abaŋ ta dile na wa.

Saen fidian iŋ uyud tuon iluwi dop dutor a.

On muruan naok an ago pidina i a.”

Anut Juda tia yak iŋal imul a

¹¹Dugo, iŋ ŋied dusueg diau dudu yan fon dumasa san tia i? Man tia geig a. Tia, iŋ aupasek digane yan lo Anut gob adi patud ipasi san dal igane ilasa ya. Anut gob adi lo ago igane yan Isrel tamolpein tiŋae fufaik ipidina i a.¹² Amaiak niŋen o, iŋsad aupasek an man tan en san tamolpein sad filian, agod iŋsad kagin naok an man gob adi sad bar uyanan a. An ago tap, en dugo, saen iŋ Anut san ar lo diladu san an man uyanan geig a.

¹³Aria, gamu ŋai aŋ tamolpein Juda tia yan ŋurupaiaŋ da. Anut ŋai aposel ipilianag a, agog idinag go aŋ gob adi sam na ŋupalu ya. An niŋen o saen ŋai ru ŋufulale dan, ŋaisag urat san nuŋon ilasa yan niŋen o ŋabol ilasa ya.¹⁴ ŋai ago ŋigane dop lo ŋaisag dar kisaek san tamolpein adi tiŋae fufaik digane wa. Dal an lo dop nap aenta patud ŋupasi wa.¹⁵ Juda adi, Anut yabianai ak san nuŋon man Anut tan en san tamolpein sad turad ilasa ya. An ago tap, saen Anut Juda adi niŋedi wo ilon ipidina i da wa, en dugo? An san fun igo ya, tamolpein mateŋ lo fon dumasap kumaen dutor

a. ¹⁶Aria, anaj malan malan an gun dop man anaj wadan yen dan fidian gun a. Nek ago mi, ai dabin an gun dop man, ai raen an fidian dam gun a.

¹⁷Ai a panu san an man ru mitilaen Isrel tamolpein lo yau a, ago dugo oliv ai garañ san an man aj tamolpein Isrel tia amaiak san ru mitilaen igo ya. Anut igo igane ya. Inj ai oliv panu san an raed aenta ituteg yabi yau a. Ago dugo yaug garañ san ai oliv didilad ituteg injane ipalug oliv panu san raed itute yau amaiak abed lo ibate idu ya. Agog an lo ai panu san an san toub bulbal uyan ak ai garañ san raed an diñane dugo disa uyanan a. ¹⁸Ak man aj tamolpein Juda tia yan Anut ai raen a itute yau an niñen o sem yañam ta abisa na wa. Aj ai raen ansem niñemi wo ru tutubun mi abol tap en ilom isou. Aj ai dabin ta asini na da, tia, ai dabin an aj isinañ da. ¹⁹Ago man onj ta ñai igo rupaiağ, “Anut ai raen aenta itute diau dop ñai abed na isatuanag a.” ²⁰Awo, an rumok a. Gug inj ilod lo ta rumok na yan niñen o ai raen an isalsuni a. Agod aj ilom lo rumok an lo mi dabai am da atur da. Fun an niñen o aj sesunoi kagin ta agane na wa, tia, Anut niñen o arer dop amado wa. ²¹Man dugo, Anut inj ai oliv panu san an raen isalsuni san ta geg igane na tap, nek ago mi aj garañ san ai raen inj o ilom lo ta rumok na dop man, inj aj dam isalsunañ a.

²²Amaiak lo aj Anut san ilo muñanek, ilo wananan da ilom isou. Tamolpein a diau dudu yan Anut san ilo wananan dukubiani a, ak man aj man inñsan ilo panek an mi akubiani wa. Aj inñsan ilo muñanek san dal mi ari au a, ago ta agane na tap, aj dam ago itartitañ pe ibiañ au a. ²³Agod aenta ilod lo ta rumok na yak san dal lo pempem dumado san tia tap, inj fon injal pe inñsinan raen fo isatuanai da wa. Man dugo, Anut fon ai raen an abek nam isatuanai san idaisida ya. ²⁴Ale. Ai oliv garañ san an raen inñnep, ai oliv panu san raen aben na pasauman igane san man tia ya, ago bo man an da ka isatuani a. Mago tap, Anut pasauman mok inj ai oliv panu san raed an inñsed abed nam isatuanai da wo igane wa.

Saen ipalu dan ate Anut Isrel adi fidian patud ipasi wa

²⁵O teig taog, ñai ilog igo ya, aj Anut anen ilo girek mianuk yen en niñen ajaonj san tia ya, kabelan ansem yañam asini banau. Aenta Isrel luluñad lo bubedi sakar ilasa ya. Ago mi dumado yaup murna gup gob adi a Anut ipilianai an fidian inñsan ar lo diladu wa. ²⁶Ago dop nal an lo Anut Isrel adi fidian patud ipasi wa. Ru girek lo en igo ya,

“Patun pasek tamol panu tubun ak Saion lo ilasa wa.

Inj Anut patud dupani san kagin Jakob san dar ilod lo yen dan ipasi yau a.

²⁷Saen an lo ñai inñsad aupasek ñusuas yau dop kontrak an ñupidinai a.”

²⁸Anut inj Juda tamolpein niñedi wo dal uraru en ilon isou da. Ru uyanan e mufulale den niñen o, inj Anut o ager dumado da, ago mi inj

niñedi wo ilon isou da. Agod an lo iñsan bar uyanan añsam na ipalu ya. Gug Anut talpein ipilianai ak niñen o, iñ Juda adi ilon ipidinai da, ago mi iñ niñedi wo dam ilon isou da. Man ata wo? Iñ wagam mi mok tamadi niñedi wo imat a. ²⁹Man dugo, Anut san wagin agod iñsan lou kawan ipanad an ipasi san tia ya. ³⁰Wagam añ Anut awan aparsisali na ya, ago gug Juda adi sad awa parsisalek an nuñon gamu Anut iñanen ilo muñanek añ ipanañ da. ³¹Nek ago mi Juda adi dam awa parsisalek dumado dan ilasa ya. Agod gamu añ Anut san ilo muñanek añane yan niñen o iñ dam iñsan ilo muñanek diñane wa. ³²Man dugo, Anut iñ tamolpein fidian awa parsisalek kagin paen na dumado yan ago igane ilasa ya, ago dop an lo iñ tamolpein fidian ilo muñanek ka ipidinai a.

Pol Anut yañan yabisa da

- ³³ O rumok nuñon, Anut san filian, mañau, ilo safulelek an tubun geig a.
 Iñanen bitinaek id abañan tilep taloñ san tia ya.
 Agod iñsan kagin naok naok id tile taloñ san ta idaisuda na ya.
- ³⁴ “Enti Anut san ilo girek igane dan ilon i?”
 Enti iñ mañau ka ipiteñani wak i?”
- ³⁵ “Dugo, enti imug mi mel ta Anut ipanip, an lo Anut iñsan gubun^e an ka ikubune wak i?”
- ³⁶ Man dugo, iñsan na dupalu dan, iñ tuon lo, iñsen niñen o dam mi mel en fidian dilasag dien da.
 Iñ saen pempem mi girager aman da imado wa.
 Rumok.

Oñ Anut urat ipano wo tap banin lo se iginio wau

12 ¹Fun an niñen o ñai teig taog, Anut anen ilo muñanek tubun an niñen o ñai igo ñurupaiañ da. Añanem tinim kumaem anda yak añanep, lou panek igo woñ, Anut iñsan urat ipanañ san niñen banin lo sem idirañ a. Iñ malan lo kagin naok an gun a, agod kagin an iñ uyan ipani da. Man ata wo? Kagin nek an, añ iñanen biabi ñilañal agane wo ago ilon yen da. Añ ago agane tap, iñsan ubou leil mok agane da. ²Agod añ tan en san tamolpein sad ilo sou man ta atutuñani na wa. Tia, ilom bubem awan apasip, Anut añ ilom ibilisa dop añanem ilo sou foun ak ka ilasa wa. Amaiak niñen o Anut dugo ilon ibol dan añ aloñ uyanan a. Anut san ilobol an mel uyanan a, an dam itaot geig, agod iñsan ilobol an añ ilo uyan ipanañ da.

³Aria, Anut san ilo muñanek ipanag an lo ñai añ fidian kisaek kisaek niñemi wo igo ñabol. Oñse mel aenta uyan ak gane amaiak niñen o se

^e Pani

ta ibiosa na wa. Tia, oꝛane nouk nouk niꝛen o ilo isou uyanan a. Man dugo, Anut ilo rumok an yabitig id ilo rumok adi anek anek iwae ipanad a, aenta tubun mi ipidinai a, aenta tubun an tia ipidinai a. Amaiak niꝛen o oꝛse mi bitinaek lo gane wa, kabelan oꝛ kawan se ibiosa banau. ⁴Aloꝛ uyan. Idsad tinid kisaek gug, ilon lo man tinid boi wei mi dien da. Tinid boi an iꝛsad urat kisaek tia ya. Tia, iꝛsad urat naon sensen dien da. ⁵Nek ago mi, id ilo rumok adi man wei mi bo man Kristus tinin lo tutumanig tinik kisaek tilasa ya. Agod id kisaek kisaek idsad tinid man aenta sad tinid san boi tumado da. ⁶Anut iꝛsan ilo muꝛanek naon sensen ipanad a, amaiak niꝛen o bar uyanan ak urat tigane san dam sensen ipanad da. Talpein aenta profet urat san dabai diꝛane ya, amaiak lo Anut ilo rumok ipidinai ak diri dan lo, iꝛsan ru dubol ilasa wa. ⁷Tamolpein aenta binawek uyanan digane san dabai diꝛane ya. An niꝛen o tamolpein aenta dubinawai mok a. Aenta girek maꝛau urat digane wo igiai a. An lo man iꝛ girek maꝛau urat mi digane wa. ⁸Ta iꝛ ru kagin ibol ilasa san urat ipani tap, iꝛ nek ago mi igane wa. Ta iꝛ tamolpein aenta ibalsiꝛanai san dabai iꝛane tap, ilon kisaek mi urat an igane wa. Ta iꝛ urat ititiani san tap, maeg igane wa. Ta iꝛ ilo muꝛanek san iꝛane tap, iꝛ ilo uyan lo ago igane wa.

Aꝛ Kris adi aꝛanem tureꝛ kagin apani

⁹Aria, oꝛ tamolpein aenta binawaip ilo pidinai ak tap, nek ago mi ilo pidinai mok a. Kagin saiak saiak patu pani dop, kagin uyan ak mi gane wa. ¹⁰Aꝛsem nug teim taom igo woꝛ nug niꝛen amat a. Aꝛsem nugnug lo teim taom yaꝛad asini san kagin niꝛen o oꝛ maeg ganep tei riꝛani wa. ¹¹Urat lo dabai gane, yalis umoi. Oꝛane ilo lo Awan Urgun awan isag mado da, an lo oꝛ tini fidian ilalaꝛ anda yak ided oꝛ da. Tubun en san urat gane wo ilo pani wa. ¹²Oꝛane mala nouk mado dan lo utur dop you isa wa. Muruan lo dop utur sakar a. Pempem Anut gudani dop mado wa. ¹³Oꝛ tei tao aenta ilod lo rumok ak iꝛ mel ta o dumat tap, oꝛ aenta dida melmel lo ibinawai san atumanip apidinai a. Oꝛ talpein asau mi ipalu yak kagin pani uyan san dal mi urip, kaginan gane wa.

¹⁴Saen tamolpein dufunop muruan dupano wo dukudo tap, oꝛ Anut naon muruan ipidinai o ta sumiani na wa, tia, iꝛ bar uyan ak ipidinai o mi sumiani wa. ¹⁵Tamolpein ilod uyan tap, oꝛ dam iꝛ dadi sisem yousai agane wa. Agod tamolpein ilod saian pe tinaꝛ digane tap, oꝛ dam dadi sisem tinaꝛ gane wa. ¹⁶Aꝛ nugnug lo ilom kisaek mi amado wa. Aꝛsem yaꝛam lak na abisa amoi. Tia, aꝛ tamol kawan, yaꝛad tia yak dam turad mok amado wa. Aꝛsem maꝛau tutubu amam da yak ta abol na wa.

¹⁷Talpein muruan ipano tap, naon muruan pani umoi. Tia, oꝛ tamolpein sad leil lo kagin a uyanan mok ilo isou dan mi gane wa. ¹⁸Dal yen tap, oꝛ tamolpein fidian dadi ilo maror lo mi amado wa. Iꝛ oꝛ o ager dumado yau

tap, gidad mel an iñsad mi a. ¹⁹Turag muroug, saen tamolpein dibiari adu tap, aŋ pani naon afuli wo ago ta agane na wa. Tia, Anut anen tiŋae saiak an mi aben apani dop iñsen mi pani an naon ka ifuli wa. Man dugo, ru girek lo ago ibol, “Tubun ak igo ibol, talpein enti igane saian ak naon panek man, ŋai mi a, ŋaiseg mi iñsan pani an naon ŋufuli wa.” ²⁰Ak gug,

“Oñsa ager an imatigen tap, anaŋ panip yani wa.

Iŋ you o imat tap, you panip iluk a.

Kagin amaiak lo man nek ibol oŋ yai midiger gumuran fo kulmaek igo woŋ gane da.”^f

²¹Kagin saian an oŋ ta ibio sakar na wa, tia, kagin uyan ak lo kagin saian an san dabai wabi idu wa.

Aŋ gabman gurman fidian paed na amado wa

13 ¹Aŋ fidian aŋanem gabman san gurman aŋ ditirnaŋ dan awad paen na amado wa. Man dugo, Anut mi iŋ titianek tamolpein fidian idirai san fun mok a, agod gurman a id ditirnad dan man Anut sen ipilianai a. ²Amaiak lo, talpein iŋ titianek tamol awad iparsisali tap, iŋ tamolpein a Anut ipilianai an awad iparsisali da. Agod tamolpein fidian kagin a duri dan Anut iñsad muruan an naon ipidinai a. ³Gurman adi iŋ tamolpein kagin uyan ak mi digane dan rurek ta dupidinai na wa. Tia, tamolpein a kagin saian ak digane dan mi rurek dupidinai a. Oŋ tan gurman niŋen o urer umoi ak i? Ago tap, kagin uyan ak mi gane dop, an lo tan gurman an oŋ ilio uyan a. ⁴Man dugo, iŋ man Anut san urat pinein, oŋ mado uyan san kagin ipano da. Ak man oŋ kagin saian ak gane tap, urut dop urer saian geig a. Kabelan iŋ sabiri kawan yabi dak ago ilo isou banau. Iŋ Anut san urat pinein, amaiak tuon lo talpein ta kagin saian ak igane dan, Anut san tiŋae saiak ile wa. ⁵Fun an niŋen o, oŋane gurman adi awad paen na mado wa. Dal an lo Anut tiŋaen saian san kagin riŋani wa. Fun an niŋen o mi tia, tia, oŋane kankan uyan ak a ru kagin ipano dan niŋen o awa parsisalek ta gane na wa.

⁶Nek fun an lo aŋ gabman san takis dam abal a. Man dugo, gabman san urat pinein adi man dam Anut san urat pinein mi a, agod iŋ pempem tamolpein sad madok uyan dumado san kagin digane da. ⁷Amaiak niŋen o aŋ aŋanem gubun^g naok ago yak fidian akubune wa. Saen gabman takis abal o ibol tap, ago agane wa. Takis naon sen ak abal o dubol tap, an dam abal a. Tamolpein awad ari apani wo dubol tap, aŋ nek ago agane wa. Tamolpein dititianaŋ dan yaŋad asini wo dubol tap, an dam nek ago mi agane wa.

Kristus san nal sumeik an niŋen o aenta niŋedi wo amat a

⁸Oŋ talpein ta san gubun tini lo ta yen na wa, tia, nug niŋen o amat san gubun mi tini lo yen a. Man dugo, talpein ta iŋ turan ilon ipani dan,

^f Dal an lo oŋ iŋanen tiŋae saiak wabi idug, ilon ibileksa dan pani da. ^g Pani

kagin an lo kubiaej an fidian ituanai idu da. ⁹Moses kubiaej igo ibol, “Oŋ jeit ta gane na wak, oŋ tamol ta funip imat na wak, oŋ aenta sad melmel ta ugam na wak, oŋ tamolpein aenta sad melmel niŋen o mala ta isi na wa,” agod kubiaej aenta dam ru girek en lo yen da. Gug kubiaej kisaek en kubiaej an fidian ituanai idu ya, nek “Oŋ se ilo ipano dak ago mi tura ilo pani wa.” ¹⁰Talpein ta iŋ tamol ta ilon ipani dan, iŋ lo kagin saian ak ta igane na da. Amaiak niŋen o ilo panek san nuŋon man nek ibol kubiaej an fidian iganuri dak igo woŋ a.

¹¹Agod taida mi aŋ en alon ak, saen iparsikawad ak niŋen o ŋion abiseip amasa wa. Man dugo, gamu en patud ipasi san id sumeik ipanad la ya. ¹²Tidom tubun ibisawad dugo ilalaŋ sumeik ipanad a. Id tidom san kagin ta tigane na wa. An niŋen o lilaman san yu mi tuburoup tawaŋ tigane wa. ¹³Aŋ ad aman ator dak ago tureŋ uyanan ator a. Ayu aluk pe abaŋ daon ta agane na wa. Jeit lo, melmel saian ak lo bubem imasa san lo, wagai lo dabai agane san lo mi tia. ¹⁴Tia, aŋ Jesus Kristus aŋanep kulos igo agane wa. Agod mel ta aŋanep aŋsinam tinim san ilobol afutip idaisuda wo ago ta agane na wa.

Oŋane tei san ilo rumok dabai tia yan ta pitiŋini na wa

14 ¹Aria, saen talpein ta san ilo rumok dabai tia yan aŋsam tumanek lo ipalu tap, aŋ ilo uyan lo mi aŋane. Ak man aŋ iŋsinan ilo sou an niŋen iŋ da nug apei wo agane man amoi a. ²Ijai ago ŋabol dan fun igo ya. Ilo rumok adi aenta mel an uyan dubol da, ago dugo aenta mel an saian dubol da. Talpein ta iŋ ilon lo anaŋ nuaej mudan nuaej an mel uyan ak ago ibol da. Ago dugo talpein san ilo rumok dabai tia yan, iŋ Juda sad kubiaej ilon isou dan lo mudan yani san lo muruan ifuni da. Fun an niŋen iŋ pinapaŋ mi yani wak ago ilon isou da. ³Talpein a mel mudan yani dan iŋ talpein mel mudan ta yani na dan niŋen o ta imisilani na wa. Nek ago mi talpein a mel mudan ta yani na dan iŋ talpein mel mudan yani dan ta ile saian na wa. Man dugo, Anut talpein an iŋane la ya. ⁴Oŋ enti, go oŋ talpein sen ak san urat pinein wabi idu wo gane di? Iŋsen mi iŋanen tubun ak naon na itur boi, tia, yau idu boi. Gug en rumok geig a, iŋ man itur mok a. Man dugo, iŋanen tamol tubun ak lo itur san dabai idaisida ya.

⁵Aria, talpein ta iŋ nal aenta gun mok ak ago ilon isou da, ago yan lo iŋ Juda sad nal gun an sad kubiaej iganuri san kagin ipani da. Gug talpein sen ak iŋ nal an fidian naon kisaek ak ago ilon isou da. Tamol an iŋsed anen anen atem kagin ago digane dan dibitinaep dile wa. ⁶Talpein ta iŋ nal gun an san kubiaej iganuri dan, iŋ Tubun ak yaŋan yabisa wo ago igane da. Nek ago mi talpein a mudan fidian ka yani wo ibol dan, iŋ dam Tubun ak yaŋan yabisa wo ago igane da. Man dugo, iŋ mudan a yani dan niŋen o Anut ilo uyan ru irupej da. Ago dugo talpein a mudan

imoi dan, iŋ dam Tubun ak yaŋan yabisa wo ilon isou da. Agod iŋ dam Anut ilo uyan ru irupeï da. ⁷Talpein ta iŋsen kisaek imado san tia ya. Agod iŋsen kisaek imat san tia ya. ⁸Tia, id kumaen tumado tap, Anut o kumaen tumado wa. Agod id tamat tap, Anut o dam tamat a. Amaiak niŋen o, id kumaen tumado boi, tia tamat boi, id Anut san mi a.

⁹Fun nek amaiak niŋen Kristus imat go fon kumaen imasa da ya. Iŋ ago igane yan lo iŋ tamolpein dumat ak, agod tamolpein kumaen dumado dak dam sad Tubun ak imado da. ¹⁰Oŋ ata wo oŋane tei bitinaek lo gane dak i? Agod fon, oŋ ata wo oŋane tei misilani dak i? Aloŋ uyan, id fidian Anut anen bitinaek san kalik naon na tatur a. ¹¹Man dugo, ru igo yen da,

“Ŋai kumaeg ŋumado dan rumok tap, ŋaisag ru en nuŋon ilasa wa. Tubun en igo ibol da. Tamolpein fidian ŋai naog na ditakoksi wa. Agod tamolpein an fidian Anut naon na iŋaned muruan dubol ilasa wa.”

¹²An lo id anek anek mel dugo tigane na yan fidian Anut naon na walal te tidiri ilasa wa.

Oŋane kagin lo tei Kris ak aupasek lo yau idu wo ta gane na wa

¹³An niŋen id fon nug ta tibitinae na wa. Tia, id igo ilod isou wa, tuparsisi san mel ta teid san dal te ta tigane na wa, agod suwanok dam teid san dal te ta tigane na wa. ¹⁴Rumok ak, Anut malan lo anaŋ mudan an fidian ikok mok a. An ŋai ŋaloŋ uyan a, agod ŋai Jesus Kristus lo ŋumado da, an lo iŋ ŋai ateg isueg ŋaisag ilo sou an itaot a. Ak man talpein anaŋ ta boi, mudan ta boi iŋ yani san an ta ikok na yak ago ilon isou tap, aria iŋ niŋen o mi mel an ta mok ikok na ya. ¹⁵Oŋ oŋane tei mel ta wani dan niŋen o ilon muruan tap, an niŋen o oŋ ilo panek san dal uri san tia ya. Mel a ta wani na wan umoi tap, an uyanan a. Kabelan tamol a iŋ niŋen o Kristus imat an, oŋ mel dugo wani dan lo, oŋ tamol an daoŋ pani banau. ¹⁶Oŋ mel uyan ak ta wo ilo lo rumok a, gug tamolpein aenta mel an niŋen o ru saiak dubol tap, an lo oŋ ilo sou saian ak gane ilasa man umoi a. ¹⁷Man dugo, saen Anut iŋsen mi idsad Tubun ak imado man, tani taluk san niŋen o mi tia ya. Tia, id Urgun lo kagin itaot, ilo maror, uyasusai amad da tator a. Kagin nek an mi malan te ya. ¹⁸Fun an niŋen tamol enti kagin naok an lo Kristus san urat igane dan Anut ilo uyan ipani a. Agod tamolpein sad leil lo tamol an uyanan a.

¹⁹Amaiak niŋen o, id maror san kagin tigane ilasap, agod id nug dabai tupanip, kagin an mi turip tator a. ²⁰Oŋ anaŋ niŋen o mi, Anut san urat an, ilo rumok adi ilod lo yan ta pitinini na wa. Rumok, melmel fidian tani san a Anut malan lo yan ikok mok a, id an ka tani wa. Ak gug oŋ mel ta wani dop lo tamol sen ak aupasek lo yau idu tap, oŋ au upas da. ²¹Ago yak niŋen o, oŋ mudan wani ak lo boi, tia, you sakar uluk ak lo boi, tia,

mel dugo gane dak lo boi, kabelan oꝓane tei aupasek lo ganep yau idu banau. Tia, oꝓ kagin ago ta gane na tap, kagin naok an mi uyanan a.

²²Oꝓ melmel dugon ilo lo rumok an mi oꝓ Anut da luluꝓam lo yen da. Talpein ta san ilo rumok an man oꝓsa mel tia ya. Saen talpein iꝓanen kagin naok uyanan a ilo lo rumok an bitinaek lo igane dop, mel ta saian ak ta ile na tap, iꝓ ilon uyanan mok a. ²³Ago gug, talpein ilon uraru dugo yani tap, Anut san bitinaek lo yau idu wa. Man dugo, iꝓanen kagin an ilo rumok lo ilasa man tia ya. Mel ta iꝓanen ilo rumok an lo ta ilasa na dan, nek an mi aupasek mok a.

Kristus ilon ipanaꝓ ak igo mi aꝓ dam nug ilon apani wa

15 ¹Id a ilod lo rumok dabai an, id tamolpein a sad ilo rumok dabai tia yan tibinawaip sad muruan dida tisini wa. Idsed niꝓed o mi tamat dop aenta tabianaꝓ man kagin uyan tia ya. ²Id anen anen atem turad muroud ilo uyan tupidinai a, ago dop iꝓ dal uyan ak lo mi dutor a. An lo iꝓsad ilo rumok an dabai anda ilasa wa. ³Agod Kristus iꝓsinanen ilo ibol an ta iri na da. Tia, iꝓ muruan dam isini da. Ru girek lo na igo ibol, “O Anut, tamolpein a dupaio saian an iꝓsad tiꝓae saiak an ꝓai ꝓisini a.” ⁴Ru fidian a nal gubak mi Anut san tamolpein digire yan, an id ipiteꝓanad san niꝓen digire ya. Id muruan lo tatur sakar dan lo, agod ru girek san dabai panek ru lo, id mel a niꝓen o mala nouk tumado dan nuꝓon ago ilasa wa.

⁵Iꝓai aꝓ niꝓemi wo Anut igo ꝓugudani a. Anut iꝓ dabai panek ru san fun, agod iꝓ muruan lo tatur sakar san fun, iꝓ ka ibinawaꝓ pe aꝓsem nugnug lo ilom kisaek mi amado wa. Aꝓ Jesus Kristus atutuꝓani dan lo kagin amaiak mi ago agane yau a. ⁶Dal an lo saen aꝓ Anut ubou an ale dan, aꝓ fidian awam kisaek mi Anut, Jesus Kristus idsad Tubun en Taman, amaiak yaꝓan abisa da.

⁷Fun amaiak niꝓen o aꝓ nug niꝓen amat mok a, nek ibol Kristus sen aꝓ iꝓiliaꝓ uyanan ak igo woꝓ a. Ago dop aꝓ ago agane dan lo Anut yaꝓan abisa wa. ⁸Iꝓai ago ꝓurupaiaꝓ dan san fun igo ya. Kristus iꝓ Juda adi sad urat pinein oꝓ ilasa ya, an lo Anut ikubiai tile yak iꝓsan ru an ru rumok a. Ago dop ru a Anut Juda sad tubud bagedi ibol ipidinai an nuꝓon kuai isi wa. ⁹Iꝓ ago igane yan lo Anut san ilo muꝓanek an tamolpein Juda tia yak ipidinai, an lo iꝓ dam Anut yaꝓan diabisa wa. Nek a girek lo ibol ago,

“Fun an niꝓen ꝓai oꝓ gob adi luluꝓad lo yaꝓa ꝓabisa wak,
ꝓai bar ꝓabi dop oꝓ yaꝓa ꝓabisap lak na isida yau a.”

¹⁰Agod ru girek en fon ago ibol,

“O aꝓ Juda tia yan, aꝓ Anut san tamolpein dadi yousai agane.”

¹¹Agod fon,

“O aꝓ Juda tia yan fidian, Tubun en yaꝓan abisa,
aꝓ tan titin an fidian san tamolpein bar abi dop per apani.”

¹²Agod fon, Aisaia ago ibol,

“Tamol Jesi dubol dan dabin lo didilan ta isa wa,
agop in isap tan titin fidian sad tamolpein kagin ipidinai a.
Juda tia yan in tinid digane panip dumado wa.”

¹³Aria, hai an fidian ninemi wo Anut igo husumiani a. In mi, madok uyanan a ninen o mala nouk amado dan san fun, an ilom lo rumok an lo yousai tubun, agod ilo maror mok an an bubem lo idaisuda yak, ago ka igane ilasa wa. Ago dop an lo na an Urgun san dabai lo tubun mi mala nouk amado dan lo atur a.

Anut Pol ipilianig gob adi ibinawai o ru sinek tamol ilasa ya

¹⁴Hai teig taog, aenta an ninemi wo hai durupaiag a, nek ago mi naisag ilog dam ru kisaek an mi ago irupaiag da. Ru an igo ya. An kagin uyan ak tinim lo yen an awan isa ya. An manau amam da ya, an ninen an ansem nug ka apitenani wa, ago dop an nugnug lo ansem ilo sou katukan an akubune wa. ¹⁵Gug naisag girek en lo, hai ru kagin aenta jurupaiag an kuai te nabol ilasap alon an ninen ta narer na ya. An lo hai ananem ilo sou nabisa dop ate an mel gubak mi alon la yan ilom isou da wa. Hai Anut san ilo munanek lo yanak ipanag amaiak lo ago nigane ya. ¹⁶In hai Jesus Kristus san urat pinein ipilianag go Juda tamolpein tia amaiak nibinawai o npalua ya. Agod naisag urat en igo ya, hai pris igo won Anut san bilalun uyanan an nfulale wa, ago dop an lo hai tamolpein Juda tia yan nagan pe lou kawan igo won Anut tuon lo nidirai a. Agod Anut hai tuog lo in pe Awan Urgun san dabai lo tamolpein e gun idiraig dilasa yen Anut uyan ipidinai a.

¹⁷Amiaiak ninen o, hai Jesus Kristus lo Anut san urat uyan ak wei mi nigane ilasa ya. Amiaiak lo Anut naon na naiseg ka ipitianag a. ¹⁸Hai mel dugon Kristus naisag urat lo ta igane na yan ninen o nabol ilasa wo narer da. Tia, hai gob adi dal an nukubiai dilep Anut awan duri dupani san amaiak mi ninen o ka nabol ilasa wa. Mel ta naisag ru lo, naisag urat lo, ¹⁹naisag kulob girager in urat tutubun da nigane dan lo, agod Awan Urgun san dabai lo, amaiak mi ninen nabol ilasap alon a. Amiaiak lo hai aben fidian lo nau a, Jerusalem na fun nigane gug nau nag naisag turen wadan Ilirikam^h na nilasa ya. Hai Jesus Kristus san bilalun uyanan amaiak panu fidian san tamolpein jurupidai dulon a, mel ta hai numiani man tia ya. ²⁰Hai panu fidian a Kristus yan dulon san tia yan lo nau ate in yan nfulale wo ilog ibol da. Naiseg ilog pempem yen dan ago mi a. Hai ago nigane dan fun dugo, hai talpein sen ak san kada in iguni la yak fo na ab hususe man namoi a. ²¹Tia, nek ru girek lo ibol ago,

“Tamolpein a in ninen o ta durupidai dulon na yan in dile dulon a.

^h Albania

Agod tamolpein a iñsan ru ta duloñ na yan, iñ ilod isafulale wa.”

Pol Rom na yau o ilon yen da

²²Ñai añsam na ta ñupalu na man fun ñai panu aenta lo urat wei mi ñigane na ya, agod an ñai añsam na ñupalu san dal itute ya. ²³Gug gamu panu an fidian lo man ñai abeg tia ya, amaiak niñen ñai ante ru ñifulale na yan gamu itout a. Anañar wei kasik ñai añsam na ñupalu wo ilog yen a, ²⁴agod gamu ñupalu wo ago ñigane da. Ñai Spein na ñaup ru ñifulale wo ñigane da. An niñen saen ñai añsam gigin lo ñupalu dan, ñai saen katukan mi añ ñiliañ o ilog isou da. Ñai añ da tumado wo ilog uyanan da, murna gup añ ñai Spein na ñau an niñen asatuanag dop dabai ka apanag a. ²⁵Ak man malan malan man ñai Jerusalem na ñaup ilo rumok adi atna dumado dan ñubinawai o ilog yen da. ²⁶Midaeñ fidian a Akaia na Masedonia na dumado dan ilo sou diganeg, moni dutumanig ilo rumok adi filiad tia a Jerusalem na dumado dan sad na digane yau a. ²⁷An man iñsiganed ilo girek mi a. An uyan mok a, ago gug mel en dam rumok a, Juda adi iñ iñsad pani naon ta gob adi tinid lo yen da. Man dugo, Juda ilo rumok adi iñ mel uyanan ñutun san a Jesus Kristus lo amaiak iñ dupidinai a. Ago yak niñen tamolpein Juda tia yan memel tinid san an ate iñaned pani naon dukubune wa, an lo iñaned muruan aenta dupasi yau a. ²⁸Aria, ñai iñaned ru nuñon digane yan ñiñane ñaup banid lo ñigane gup fon añsam na ñupalu da wa, ago gup Spein na ñau a. ²⁹Taida mi, ñai ago ñaloñ ak saen ñai añsam na ñupalu dan, ñai Kristus san bar ñai lo awan isa yan añsam na ñupalu dop da ñisini ñupalu wa.

³⁰Ñai teig taog, ñai abinawag o ñusumianañ da. Añ Jesus Kristus san a, nek ñai igo mi a, agod Awan Urgun san ilo panek añ dam bubem lo igane ya. Fun an niñen, saen ñai ñugudani dan añ ñai awag abatep gudanek tubun ak tigane wa. Agod añ Anut asumiani oñ dop ñai ibinawag a.

³¹Juda ilod lo rumok tia yak a Judea na dumado dan iñ ñai dufunag o digane da. An niñen o Anut asumiani dop ñai iñ banid lo ipasag iñiliag a. Ñai iñanen tamolpein Jerusalem na yan luluñad lo urat ñigane wan dam niñen asumiani dop urat an niñen ilo uyan ipidinai a. ³²Ago dop Anut ilon ibol tap, ñai ilo uyan amag da ago añsam na ñupalu pe añ ñai da ilod kisaek sisem yaes tabal uyan a. ³³Ilo maror san Anut añ fidian da ka amado wa. Rumok.

Pol ilo uyan ru tamolpein wei mi ipidinai a

16 ¹Aria, gamu ñai ru wadan taida ñurupaiañ o da. Id lud Fibe iñ Rom na ipalu wa, ago yak niñen o añ iñ kagin apani uyanan o ñai ilog ibol da. Iñ pein gurman, agod iñ Kenkria taun san midaeñ an luluñad lo urat igane da. ²Iñ dam Tubun en san ilo rumok pein, ago yak niñen añ ilo uyan lo mi añanep kagin apani wa. Ilo rumok adi dal naon

an dirip dutor ak man uyanan a. Pein an mel ta lo katukan dop abinawi. Man dugo, inj tamolpein wei mi ibinawai na ya, agod naj dam ibinawag a.

³ Akwila iwon Prisila da ilo uyan nupidinai, inj naj dibinawag go Jesus Kristus san urat migane ya. ⁴ Agog saen Juda naj dufunag o digane yan inj naj dubalgiranag a, inj naj abeg dijaneg dumat o ta direr na ya. An ninen najneg ilo uyan inj nupidinai da, agod naj mi tia ya, tia, tamolpein Juda tia yan sad midaen inj dam inaned urat uyanan an ninen ilo uyan dupidinai a.

⁵ Agod fon ilo uyan midaen a injsad ab lo dutumani dan sad na migane yau a.

Njaineg turag Epenetus najsag ilo uyan inj apani, inj tamol malan malan Asia ilon lo inj Kristus ninen ilon lo rumok a.

⁶ Maria ilo uyan apani, inj an ninemi wo urat wagai tubun mok igane se ya.

⁷ Andronikas inj iwon Junia da ilo uyan apidinai. Inj naj turag muroug Juda, agod inj naj da sisem dusubanama ya. Inj dam yanjad aposel, agod inj Kristus malan malan dulong gug naj murna njalon a.

⁸ Ilo uyan Ampliatius apani, Tubun en san kagin lo inj najsag turag uyanan a.

⁹ Ilo uyan Urbanas apani, inj man da sisem Kristus urat an migane da, agod najneg turag Stakis dam ilo uyan apani.

¹⁰ Apeles ilo uyan apani, injsan urat uyanan an Kristus ileg ilon uyan a. Ilo uyan ilo rumok adi Aristobulas san samun lo yan apidinai.

¹¹ Herodian ilo uyan apani, inj naj turag, inj dam Juda.

Ilo rumok adi Nakisus san samun lulunad lo dumado dan ilo uyan apidinai, inj dam Tubun ak san.

¹² Trifena inj Trifosa da ilo uyan apidinai, pein uraru an Tubun en ninen o urat wagai digane da. Persis ilo uyan apani, pein an mananema luma, inj ninen tubun mi mamat da, inj dam Tubun en ninen o urat wagai igane da.

¹³ Rufus ilo uyan apani, Anut an lulunam lo yanjan tubun ak ago ipiliani a. Inj tinan dam ilo uyan apani, inj dam najsag tinag on a.

¹⁴ Asinkritas inj Flegon, agod Hemes, Patrobas, Hermas agod ilo rumok adi aenta inj dadi dutumani dan ilo uyan apidinai.

¹⁵ Filologas inj iwon Julia da ilo uyan apidinai, agod Nerias inj lun da dam, agod Olimpas inj ilo rumok adi fidian dida dumado dan an dam ilo uyan apidinai.

¹⁶ Ansem nug ilo uyan apani. Kristus san midaen aben e lo dumado den fidian anjam na ilo uyan digane ipalu ya.

Tamolpein a an lulunam lo biatitek digane ilasa dan leil apidinai o uyanan a

¹⁷ Teig taog, tawan agane wo naj jurupaian da. Tamol a an lulunam lo biatitek inj muruan da digane ilasa dan, an ninedi wo kagin agane. Injsad

ru an naon sen geig a, ibol aŋ ru rumok ak alonj ago tia ya. Fun amaiak niŋen aŋ sen alasa wo ŋurupaijaŋ da. ¹⁸Man dugo, tamolpein naok an man Kristus Tubun en san urat ta dubinawi na da, tia, iŋ iŋsed tinid dufutuwi san urat tamol dumado da. Iŋsinad ru sewak, ru bulbal an lo tamolpein ta dulonj uyan na yan dirawai da. ¹⁹Tamolpein fidian aŋsam awa yabek uyanan an dulonj a, an niŋen o ŋai aŋ niŋemi wo youg isa da. Gug ŋai ilog ibol dak aŋ kagin uyan ak mi niŋen maŋau amam da, agod kagin saian ak niŋen aŋaonj mok ak man uyan a.

²⁰Ago dop Anut, ilo maror taman an, iŋ milaen tiap Satan aŋ ŋiem paen na iganep iparfufari wa.

Jesus Kristus idsad Tubun en san ilo muŋanek aŋ da amado.

Tamol aenta ilo uyan ru diganeg Rom sad na yau a

²¹Timoti, ŋaisag urat kisaek an, ilo uyan ipanaŋ da. Nek ago mi ŋai turag muroug, Lusias iŋ Jason da agod Sosipata da dam ilo uyan dupanaŋ da.

²²Ŋai Tertias, ŋaisag banig nam Pol san girek en ŋigire ya. Ŋai dam Anut yaŋan lo aŋ ilo uyan ŋupanaŋ da.

²³⁻²⁴Gaias dam ilo uyan ipanaŋ. Iŋ maŋ da mumado ya, maŋ kagin am igane uyanan a. Agod fon midaeŋ a iŋsan ab lo dumado yan aŋsam na ilo uyan digane ipalu ya.

Erastas ilo uyan ipanaŋ. Iŋ taun Korint san moni kagin ipani da. Agod Kuatus ilo rumok tamol an dam ilo uyan ipanaŋ a.

Pol Anut yaŋan yabisa san ru wadan

²⁵Aria, gamu id Anut yaŋan tabisa dop ubou an tile wa. Iŋ ŋaisag bilaluŋ uyan ak Jesus Kristus niŋen ŋufulale dan lo, aŋ dabai ipanaŋ pe lo atur sakar san idaisida ya. O gubak mi Anut san bilaluŋ en imianig imianuk yen a, ak man id talonj an niŋen kuai te igane ilasa ya. ²⁶Agod gamu profet adi sad girek lo ru en kuai isi a. Ago dop an lo tan titin fidian san tamolpein ru e dulonj en Anut sen ago digane wo iŋ ru kagin ibol ilasa ya. Anut, kumaen pempem imado dan, ago ibol ilasa an lo tamolpein ilo rumok san dal turi tupani dan, iŋsan awa yabek tamolpein tilasa wa. ²⁷An niŋen iŋ yaŋan tabisa. Iŋ mi Anut, iŋ mi maŋau tamol a. Jesus Kristus yaŋan lo mi, iŋ mi yaŋak tubun ak pempem iŋane wa. Rumok.

1 Korint

1 ¹⁻²Anut ilon yen ak ago, ηai Pol, Jesus Kristus san aposel ηilasa wo igiag a. ηai, agod idsad teid Sostenis dam girek en an Anut san Kris midaeη a Korint na amado dan sam na miganeη ipalu ya. Anut an igiaη go Jesus Kristus da itumaneη go iηanen tamolpein gun ak alasa ya. An agod tamolpein a tan fidian lo dumado dugo, idsad Tubun ak Jesus Kristus yaηan lo dugudani dan dida, anηsam na girek en miganeη ipalu ya. Kristus man iηaned Tubun ak, agod idsad mi a.

³Anut idsad Tamad agod Tubun ak Jesus Kristus, iηaned ilo panek agod ilo maror da ka dupaneη a.

Pol Korint adi niηedi wo Anut ilo uyan ru ipani a

⁴ηai an niηemi wo nal fidian Anut ilo uyan ηupani da, fun dugo, Jesus Kristus log Anut ilon ipaneη a. ⁵Kristus lo man Anut iη dal fidian lo binawek funfun an ipaneη a, an lo binawek ru afulale san, agod binawek maηau amam da yak san dam aburoug binawek uraru an an ilom lo iηanefute ya. ⁶Man dugo, ru a maη Kristus niηen o an luluηam lo mufulale se yan nuηon igane dugo ale ya. ⁷Fun an niηen o idsad Tubun ak Jesus Kristus, fon kuai isi da wan niηen o an malam agane dugo, Urgun binawek ipanad dan lo ta katuk am da, tia geig a. ⁸Iη an dabai ipaneη pe atur sakar yaup saen wadan idu wa, an lo idsad Tubun ak Jesus Kristus san nal idu wan lo iη an mel ta niηen o ru ta ipaneη na wa. ⁹Anut pempem iηanen ru iganuri da. Iη an igiaη go iηanen Nanun, Jesus Kristus idsad Tubun ak da atumanig nug turan igo woη ator da. Amaiak niηen o iη dugo ibol dan ate mi ago igane wa.

Korint midaeη ilon lo biatitek yen da

¹⁰ηai teig taog, idsad Tubun en Jesus Kristus yaηan lo ηusumianeη da, an fidian mi ilom kisaek dop an luluηam lo biatitek ta yen na wa. ηai ilog ibol dak, an fidian mi ilom atumani, agod ananem ilo sou dam kisaek a. ¹¹Man dugo, Kloe san tamolpein ηaisag na dupalug, an luluηam lo nug paek kagin yen dan dubol go ηaloη a. ¹²ηai ago ηabol an san fun man igo ya. An luluηam lo ta ibol, “ηai Pol san,” ta ibol, “ηai Apolos san,” ta ibol, “ηai Sifas san,” agog ta ibol, “ηai Kristus san.”

¹³Ak dugo, Kristus tinin gilefutek go sensen dien di? Tia, ηai Pol, an nijemi wo aigim fo ηamat i? Tia, ηai yanag lo suguek dupanan i? ¹⁴ηai Anut ilo uyan ηupani da, man dugo, ηai tamolpein tata ηufulanai man tia ya, nek Krispas iη Gaias da mi a. ¹⁵An lo man talpein ta ηai yanag lo ηusugui ak ago ibol san tia ya. ¹⁶Rumok, ηai Stefanas san warou iηanen ab lo dumado dan ηusuguai a, ak gug an patun fo taidam ηusuguai ak ago ilog isou man tia ya. ¹⁷Man dugo, ηai tamolpein ηusuguai o Kristus idinag go ta ηupalu na ya. Tia, iη ηai bilaluη uyan ak ηabol ilasa wo idinag go ηupalu ya. Agod ru a ηabol ilasa na yan tamol sad kankan milaen ak lo ta ilasa na ya, agod kududod lo ru bulbal ak ηai dida ta miηiηeη na ya. Ata wo? Ru a Kristus san aigim niηen o tabol ilasa dan man dabai anda ya, kabelan ru sen ak ηabol ilasa dan lo aigim san dabai an nuηon igane ilasa san tia banau.

Kristus iη man Anut san dabai agod kankan milaen a

¹⁸Man dugo, tamolpein ensauta a dideg diau dan iη ilod lo man, aigim san ηiηeη an ru ηiηeo igo woη a. Ak man tamolpein ensauta a Anut patud ipasi wo urat igane dan, iηsad ilo sou lo man, aigim san ηiηeη an Anut san dabai mok. Agod id man nek tamolpein ama ya. ¹⁹Ata wo? Awak aban ta Anut san buk lo yak igo ibol,

“ηai tamol a sad kankan milaen an iηaned maηau daoη ηupani wa, agod kamaη tamol adi sad kankan uyanan an ηai sen gigin na ηigane wa.”

²⁰Tamol kankan milaen ak dugon te imado di? Kubiaeη tamol dugon te imado di? Tan en san kamaη tamol ru uyan ak iηiηeη dan dugon te imado dak i? Tamol naok amaiak iη ka dubunawad ak i? An fidian tia ya, man dugo, Anut iη tan en san tamolpein iηaned kankan milmilae an, ru burau ak igo woη iganeg ilasa ya. ²¹Man dugo, Anut iηsinan kankan milaen an lo iηanen ilo girek igo ya. Tan en san tamolpein iηsiganed kankan milmilae an lo Anut duloη san tia ya. Tia, Anut ilon igo ibol dak man, ru burau a maη mabol ilasa na yan lo mi, tamolpein ensauta a ru an ilod lo rumok an, patud ipasi a. ²²Juda adi kulob girager dile wo ilod ibol da, agod Juda tia yak adi man, kankan milaen ak abaη an diabi da. ²³Ak gug ru e maη mufulale den man, Kristus aigim fo imat ak san ru. Ru en Juda adi ilod lo rumok san dal ifutani da, agod Juda tia yak adi ilod lo man, ru an ru burau ago dubol da. ²⁴Ak man tamolpein ensauta a Anut igiai an, gidad iη Juda adi, tia, iη Juda tia yak adi, iη duloη ak, Kristus man Anut san dabai, agod kankan milaen ak dam Anut san mi a. ²⁵Man dugo, Anut san ilo sou burau man, tamolpein sad kankan milaen an iriηani a. Agod mel dabai an tia yak Anut igane dan, tamol sad dabai iriηani a.

²⁶Teig taog, aηsam wagiη Anut ipanaη an niηen o ilom isou. Tan en san tamolpein malad lo man, aη luluηam lo maηau tutubu amad da

yan wei an tia ya. Tamol tutubu yak dilasag dumado dan dam wei an tia ya. Agod tamol yaŋad an da yak sad gugoi lo iŋ nuŋod wei an tia dilasa ya. ²⁷Ak gug Anut tamolpein a aenta sad leil lo ŋiŋeo dubol dan ipilianaig, ate talpein a kankan milmilae an miai ipidinaï a. Nek ago mi, iŋ tamolpein dabai ad tia yak ipilianaig, ate tamolpein dabai ad da yan miai ipidinaï a. ²⁸Taida mi, melmel a tan en lo yaŋad tia yan, melmel a tamolpein patud dupidinaï dak, agod melmel nek a ta dien na dan dam ipilianaig, an lo melmel a iŋ dien mok dan mel kawan ak igo woŋ idiraig dilasa ya. ²⁹An lo man, talpein ta Anut naon na sen yaŋan yabisa san tia ya. ³⁰Anut iŋsen mi, aŋanem madok Jesus Kristus lo yan san fun mok a. Anut lou wei mi Kristus ipanig ate id ibinawad a. Kristus lo mi id kankan milaen ak amad da tilasag tumado da. Tamol a id idad go iŋiliad an man Kristus mi a. Iŋ lo yak niŋen o Anut malan lo id itaot, agod gun tilasag tumado da. ³¹Fun an niŋen o ru ta digire yan ago ibol da, “Talpein enti kagin ta niŋen o sen yaŋan yabisa wo igane tap, gidad imoip, iŋ Anut mi yaŋan yabisa wa.”

Pol Kristus niŋen o mi ibol ilasa ya

2 ¹Teig taog, saen ŋai aŋsam na ŋupalug Anut san ru ŋufulale panaŋ man, ŋai kudodom lo ru bulbal ak lo ta ŋiŋiŋeŋ na ya, agod ru kankan milaen ak lo ilasa na yan lo ilom ta ŋiŋane na ya. ²Man fun dugo, ŋai ilo sou igo ŋigane ya, saen ŋai luluŋam lo ŋumado man, ŋai ru an fidian patug fo ŋigane ya. Ru Kristus niŋen o, agod iŋsen aigim fo imat an dam, ru nek an mi ŋabol dugo aloŋ a. ³Ŋai aŋ luluŋam lo ŋumado dugo tinig dabai an tia ya. An mi tia, ŋai ŋarer dugo tubun mi ŋusuruwor se yan dam ale ya. ⁴Taida mi, ŋaisag ru agod bilaluŋ ŋabol panaŋ an man, ilom ŋiŋane san kankan milaen ak ate ta ŋabol go aloŋ na ya. Tia, aŋsem ale aloŋ ak, ŋaisag ŋiŋeŋ an Awan Urgun san dabai lo ilasa ya, man dugo, Awan Urgun iŋanen dabai kuai tem ikubiaig ale ya. ⁵Ŋai ago ŋigane yan fun man, aŋanem ilo rumok san fun mok an tamol adi sad kankan milaen ak lo ta yen na wa. Tia, ilo rumok an Anut san dabai lo mi yen a.

Kankan milaen a Urgun san na ipalu yan san ru

⁶Ak man tamolpein a Anut niŋen o iŋaned maŋau milaen an luluŋad lo man, rumok, ru a miŋiŋeŋ dan kankan milaen ak lo ilasa da, amaiak dile duloŋ da. Ak gug kankan an man, saen e gamu tumado den san kankan milaen ak tia geig a, agod tan en san gurman adi sad kankan milaen ak, an dam tia ya. Man dugo, Anut iŋ gurman adi saen gamu tumado den san igane itout o urat igane da. ⁷Ak man kankan milaen a maŋ kuai te migane ilasa dan man, gubak mi mianuk lo yen na ya. Kankan milaen an Anut wagam mok, saen tan en gamugo ilasa yan, iŋsinan ilo sou lo

imiani a, agog saen milaen mok ante yen na ya. Man dugo, Anut fun lo mok tan gamugo ilasa dugo ilon igo yen a, mitep kankan milaen an id ipanad dop lo girager amad da tilasap tumado wa. ⁸Kankan milaen naon en man tan en san gurman adi duloŋ san tia ya. Iŋ kankan milaen an duloŋ mok tap, kumaen panu san Tubun ak a girager anda yan, aigim fo ta dubali na wa. ⁹Ak man ru ta gubak mi digire yan igo ibol a,

“Melmel a tamol malad nam ta dile na yan,

kududod ta ilon na yan,

kitek ilo girek aman ta digane na yan,

melmel an Anut ikubune lag dien da, an lo dop tamolpein a iŋ niŋen o dumat dan ipidinai a.”

¹⁰Ak man melmel nek an Anut iŋsen Awan Urgun lo kuai te idirig tile ya.

Awan Urgun iŋ mel fidian ikubiani da, an lo iŋsad bunun mok ilon uyanan a. Iŋ Anut san ilo girek nek a ilon lo kuror geig dien dan dam ikubiani fufei da. ¹¹Ak dugo, tamolpein luluŋad lo enti iŋ talpein ta san ilo sou mok ka ilon ak i? Tia, talpein an iŋsinan ur mi a. Nek ago mi, talpein ta Anut san kankan ilon san tia ya, tia, Anut sinan Ur mi iŋsan kankan ka ilon a. ¹²Aria, ur ta tan en san id ta tiŋane na ya, tia, Ur a Anut san na ipalu yan mi id tiŋane ya. Anut Ur an ipanad a, an lo dop id ka binawek funfun a iŋ kawan ipanad amaiak talon uyanan a. ¹³Binawek wei mi amaiak niŋen o maŋ gamu miŋiŋeŋ da. Ru a tamol sad kankan milaen ak ipiteŋanama dan lo maŋ ta miŋiŋeŋ na da. Tia, ru a Awan Urgun ipiteŋanama dan lo mi miŋiŋeŋ da. An lo maŋau nuŋon a Anut kuai te igane ilasa panama yan, maŋ ru Urgun ipanama yan nam san fun mok mufulale da. ¹⁴Talpein a Urgun ilon lo tia yan, maŋau nuŋon a Anut san Ur san na ipalu dan ta iŋane na da, man dugo, iŋ ilon lo maŋau an ru burau igo woŋ ak ibol da. An lo man maŋau nuŋon an ilon san tia ya. Man ata wo? Maŋau an san fun mok niŋen o ilon itarpasi san dabai man, Awan Urgun lo mi ilasa da. ¹⁵Ak man talpein enti iŋ Anut san Urgun aman da yan, iŋ melmel fidian ikubianip, an lo iŋaned fudi mok dam ka ilon uyanan a. Ak gug tamol sen ta Urgun ilon lo tia yan, talpein naok an ikubiani san ta idaisuda na ya. ¹⁶Man dugo, profet Aisaia ago ibol,

“Ak dugo, enti Anut ilon ilon pe

an lo iŋ ka maŋau ipiteŋani wak i?”

Ak gug id Kristus anen maŋau amad da ya, an niŋen o nek ibol Kristus ilon isou dak igo woŋ id dam ago ilod isou da.

Biatitek midaeŋ ilod lo yan san ru

3 ¹Teig taog, saen ŋai malmalan aŋsam na ŋupalu yan, tamolpein Urgun san ak igo aŋ da tiŋiŋeŋ san tia ya. Tia, aŋ tan en san tamolpein igo woŋ, nek ago mi ŋai aŋ da tiŋiŋeŋ se ya. Man dugo, gidad aŋ Kristus lo amado bo man, aŋ nek ibol nanuk adi a iŋaned tinadi gamu

geig didiraisi ak igo woŋ a. ²Fun an lo ŋai gubak mi su mi ŋupanaŋ aluk se ya, anaŋ dabai ak ta ŋupanaŋ na ya. Ata wo, aŋ anaŋ dabai ak ani san saen gamugo ilasa da. Agod ŋai ŋiliaŋ ak man aŋanem saen gamugo da. ³Aŋanem kagin ta abileksa na da, tia, aŋ tan en san tamolpein dida sam kagin naon kisaek a. Man dugo, aŋ luluŋam lo turak susak kagin, agod nug paek kagin yen da. Kagin naok ago yan man tan en san mi a. Amaiak niŋen o aŋ tan en san tamolpein sad kagin naok an mi agane da. ⁴Man dugo, saen tamol ta aŋ luluŋam lo ibol, “Ŋai Pol san,” ago dop ta ibol, “Ŋai Apolos san,” an lo maŋsama leil lo man aŋ nek ibol tan en san tamolpein atutuŋanai oŋ da.

⁵Aŋ dugo ilom isou di? Apolos iŋ yaŋak anda yak i? Tia, ŋai Pol yaŋag anda yak i? Maŋ Anut san urat tamol mi a. Iŋ maŋ anen anen maŋanema urat ipanama ya, agod urat a migane yan lo aŋ Kristus o ilom rumok a. ⁶Ŋai ai patun ŋupae dugo Apolos you ipani da, ago gug Anut iŋsen mi kaginan igane dugo isag tubun a. ⁷Amaiak niŋen o talpein enti ai patun ipae dan yaŋan tia ya, agod talpein enti ai patun you ipani dan, iŋ dam yaŋan tia ya, ago gug talpein enti a ai patun kagin an iganeg isa dan, nek iŋ mi yaŋan an da ya, agod an nek Anut mi a. ⁸Tamol ai patun ipae dan, iŋ tamol ai patun you ipani dan da, ilod kisaek a. An niŋen o urat dugo dugo iŋ anen anen digane yan, atem Anut urat an naon ipidinai a. ⁹Man dugo, maŋ man Anut san urat kisaek. Aŋ man Anut san abi, agod aŋ man iŋsan ab.

Midaeŋ san urat tamol iŋ ab bek igo woŋ a

¹⁰Ilo panek e Anut ŋai ipanag en lo man, ŋai nek ibol ab bek tamol ikawil amag ak igo woŋ bag ŋugunaig dutur da. Agog tamol sen ak bag an fufo ab yabi da. Ak man ab bek tamol anek anek dugo woŋ ab a diabi dan niŋen o iŋ gidad kagin digane uyan a. ¹¹Man dugo, talpein ta bag tamol sen ta iguni san tia ya. Tia, bag tamol ŋai ŋuguni lag itur da. Bag tamol an man Jesus Kristus mi a. ¹²Talpein ta bag an fufo na gol nam, tia, silva nam, tia, pat naon lak na geig ak nam, tia, ai nam, tia, gafurfur igosan nam, tia, ai roun nam ate ab yabi tap, ¹³urat dugo man igane yan san bunun mok kuai isi wa. Man dugo, nal a ate Jesus imul ipalu wan ilasa wa, an lo dop urat naok dugo yak talpein an igane yan lilaman lo ilasa wa. Urat an san bunun mok an yai lo walal te ilasa wa. Yai an tamol anen anen sad urat ibitinae a, an uyan boi, tia, saian boi, kuai te ilasa dop tile wa. ¹⁴Aria, talpein enti iŋanen ab isuse yan yai an lo itur sakar tap, Anut talpein an iŋanen urat naon itaot mok an ipani wa. ¹⁵Ak gug talpein ta iŋanen ab yai lo inani yau tap, iŋanen urat igane yan naon ta iŋane na wa. Ago bo man, talpein an iŋsen ta ideg na wa, tia geig a. Man dugo, Anut patun ipasi wa, nek ibol tamol ta tamol sen ak yai lo ideg o dan yabip yai lo ipasi wak igo woŋ a.

Aŋ man Anut san ubou ab

¹⁶Aŋ aŋanem tinim man Anut san tempel, agod iŋanen Ur ilom lo imado dan, aŋ ta aloŋ na yak i? ¹⁷Talpein ta Anut san tempel malan isue tap, Anut talpein an malan isue wa. Man dugo, ab Anut lo imado dan man gun geig a, agod ab an nek aŋsem mi a.

Aŋ tamol niŋedi wo se pitianoŋ kagin agane amoi

¹⁸Aŋ sem ta irawaŋ na wa. Aŋ luluŋam lo tamol ta, tan en san tamolpein dugo woŋ ilod isou dak iri panim, iŋ kankan milaen ak aman da ago ilon isou tap, iŋ gidad iŋanen ilo sou ibilisa wa. Iŋ tan en san tamolpein sad leil lo tamol burau ak igo woŋ ilasa wa. An lo dop iŋ kankan milaen ak aman da ilasap imado wa. ¹⁹Man dugo, Anut san leil lo man, tan en san tamolpein sad kankan milaen an ŋiŋeo igo woŋ a. Ru ta Anut san buk lo ŋaisag ŋiŋeŋ ibalsiŋani da, ru an igo ibol, “Tamolpein iŋsiganed rawek kagin lo mi diau disasaug Anut ibiai a.” ²⁰Agod fon Anut san girek ibol, “Tubun en iloŋ da, tamolpein kankan milaen ak amad da yan sad ilo sou man, ilo sou kawan a.” ²¹Fun an niŋen o aŋ fon tamol adi niŋedi wo se pitianoŋ kagin ta agane na wa. Tia geig a. Mel fidian man aŋsami la ya. ²²An niŋen o man, Pol, Apolos agod Pita, iŋ dam nek aŋsami a. Tan en, tia, kumaen iŋ mateŋ da, an dam aŋsami a. Ago mi saen e lo gamu tumado den, agod saen a murnap ilasa wan dam aŋsami a. Rumok nuŋon, mel nek en fidian aŋsam mi a. ²³An lo aŋsem man Kristus san, agod Kristus dam Anut san.

Kristus san aposel adi

4 ¹Amaiak niŋen o aŋ maŋ igo aliama wa. Maŋ Kristus san urat tamol mi a, agod ru a gubak mi an Anut ilon lo imianuk a, gug gamu kuai te ilasa amaiak tamolpein murupidai duloŋ san urat maŋ banima lo iganeg, kaginan migane da. ²Aria, aŋ aloŋ ak, saen urat taman ta iŋanen urat tamol adi urat amaiak banid lo igane man, urat tamol an urat taman san leil lo urat an niŋen o ta diyalis na wa, tia, iŋ urat an kagin dupani uyanan a. ³Aŋ ŋaisag urat apipi ale tap, ŋai ilog ta weiwei na wa. Agod tan en san tamolpein iŋaned kot lo diginiag pe dibitiniag tap, an dam mel kawan a, agod an lo ŋai ilog ta weiwei na da. Rumok, ŋai dam seg ta ibitiniag na da. ⁴Iŋaisag urat walal te ya, agod urat ŋigane yan niŋen o ŋaineg kankan muruan ta ipanag na da. Ago bo man ŋai muruan amag tia yak ago ka ŋabol san tia ya. Tia, Tubun en mi ŋaineg urat ibitinaep ile wa. ⁵Amaiak niŋen o, saen gamugo dop aŋ imug mel ta bitinaek lo ta agane na wa. Tia, Tubun en imul ipalu san saen ilasa wan niŋen o atitiani gup a. Iŋ melmel a gamu mianuk lo dien dugo tidom tubun ituanai dan, iŋanep idiraip kuai te ilalaŋ lo dilasa wa, agod tamolpein sad ilo sou sed

ilod lo dimianig yen dan dam ijanep walal te igane wa. Saen an lo man, Anut mi tamol fidian anen anen ijsad urat dugo digane na yak atem ipitianai a.

⁶Ŋai teig taog, Ŋai melmel e niŋen o ru ŋiŋiŋen den lo Ŋai Apolos da mitilaen igo woŋ aliama wa. An lo man Ŋai Apolos da sama bunuma ale dan lo maŋau aŋanep an lo, ru e tamolpein dubol den san fun mok aloŋ a. “Gidad ru dugo digire yan amaiak aŋ ta abi-riŋani na wa.” Aŋ ago agane tap, aria, aŋ urat tamol ta yaŋan abisa wak gug urat tamol sen ak ta yaŋan abi idu wo ago agane dan amoi. ⁷Man dugo, oŋ tamol, oŋ pein, en ata wo oŋ talpein sen ak riŋani dak ago ilo isou di? Ata mel mok e gamu oŋ tuo lo yen den, emaiak oŋ gubak mi lou panek igo woŋ ta ŋane na yak i? Aria, oŋ mel an lou panek igo woŋ ŋane tap, ata wo oŋ se ipitiano da, nek ibol oŋsigane dabai nam ŋane yak igo woŋ i?

⁸Nag aŋ Korint tamolpein, aŋ mel fidian aŋal go idaisuda la yak boi! Nag binawek funfun a Urgan ipanaŋ dan ilom ijanefute la yak boi! Aŋ kiŋ adi igo woŋ alasa la ya, agod an man maŋsama binawek lo tia yak boi! Ŋai ilog ibol dak aŋ kiŋ adi igo woŋ alasa yan rumok a. Man dugo, an lo dop maŋ aŋ da sisem kiŋ adi igo woŋ ka tumado wa. ⁹Ata wo Ŋai ago ŋabol ak i? Ŋaisag leil lo man, maŋ aposel adi nek ibol yu tamol a gugurut nam mateŋ dile san kob diŋane yak ago mi mumado da. Aŋ aloŋ ak tamol iŋ yu digane itout pe dumul dop, ijsad ager diŋal pe patud na dirau oŋ dida diau dop lo tamolpein dal awan ananaem dutur dan ka dil a. Agop wagai lo nug dufuni san aben ante dilasap ijsed nug dufuni dop dumat a. Ru mitilaen an maŋ aposel dam tou amam yabi da. Maŋ nek mel ta senamo geig ak walal isip, an lo melmel fidian diliama san ago milasa ya, eŋel sad leil lo, agod tamol malad lo dam mi a. ¹⁰Maŋ aposel adi Kristus wagen lo burau tamol milasag mumado da, ak gug aŋsem mi Kristus lo amado dugo kankan milaen am da ya! Maŋ tamol dabai am tia yak, gug aŋ man dabai tinami a! Aŋ yaŋam diabisa da, ago gug maŋ yaŋama diabi idu da! ¹¹Maŋsama madok fun lo mumadog ipalug gamu mumado den man igo ya. Maŋ anaŋ o mamat dak, you o dam mamat da, agod maŋsama biouŋ dam imasisire yau a. Maŋ panu panu mator dugo saian dupanamag tinima dam dusue ditare na ya, agod aben ta ate yaes mabal san sasau ta yen man tia ya. ¹²Maŋsema banima nam urat wagai migane da. Saen tamolpein dumisilanama dan, maŋ bar uyan ak mi mupidinai se ya. Saen muruan dupanama dan, muruan an misinip matur sakar se ya. ¹³Saen maŋ niŋema wo uf digane dan, maŋ ilo panek ru lo mi ru naon murupidai da. Maŋ nek ibol tan en san nun samuk samuk igo ya, tia, ibol sas bod tinin te isuda yak igo ya. Tan en san tamolpein malad lo maŋ gubak mi ago mumado se ya, agod gamu man ijsad ilo sou kisaek mi a.

¹⁴Ŋai ru en ago ŋigire an lo aŋ miai ŋupanaŋ o tia, tia, ŋai kududom ŋabi dugo ru kagin ŋupanaŋ da, nek ibol aŋ ŋaineg nanug muroug adi

igo woŋ a. ¹⁵Gidad aŋ Kristus lo yan titianek tamol wei mi amam da ya, ago bo man, aŋ tamam wei an tia ya. Man dugo, ru uyanan a ŋurupaiaŋ go aloŋ an lo man, ŋai aŋanem tamam Kristus lo yak igo ŋilasag ŋumado da. ¹⁶Fun an niŋen o aŋ ŋududuwaŋ da, ago dop aŋ ŋai atutuŋanag pe, aŋsam tutuŋanek tamol igo woŋ asodudunag ŋilasa wa. ŋaisag kagin naok naok an anek anek atem agam agane wa. ¹⁷An niŋen o Timoti ŋidinig aŋsam na ipalu da, Kristus lo iŋ ŋaisag nanug igo woŋ niŋen o ŋamat da. Iŋ Tubun en san urat niŋen o ilon dabai mok a. Iŋ ka ibinawaŋ dop, imug ŋai luluŋam lo ŋumado dugo, kagin naok naok a Kristus lo ŋigane na yan ilom isou da wa. Kagin a ŋigane na yan, iŋ ru a aben fidian sad Kris midaeŋ kisaek kisaek atem ŋupiteŋanai na yan da, naon kisaek mi a.

¹⁸Aŋ aenta man sem isodudunaŋ alasa dugo ru kawan tubun mi aŋiŋeŋ da, man dugo, aŋ ilom lo ŋai aŋsam na ta ŋupalu na wak ago abol da. ¹⁹Ak gug Tubun en ilon ago yen tap, ŋai gugurut nam aŋsam na ŋupalu wa. Saen an lo, talpein a ŋiŋeŋ tutubun mi digane dan ŋukubianai ŋeil a. An mi tia, iŋsad dabai mok Anut san na diŋane boi an dam ŋile wa. ²⁰Man dugo Anut san kagin panek ilon lo man, ŋiŋeŋ tutubu yan iŋ mel malan te yak tia ya, tia, mel malan te man Anut san dabai, tamol tinin lo mi yen da. ²¹Dal dugon lo ŋai aŋsam na ŋupalu wo aŋ ilom ibol di? Ak dugo, bu ŋiŋanep da ŋupalu wak i? Tia, ŋai ŋupalup ilo panek kagin, agod mos kagin dam ŋukubiaip ale wo ilom abol di?

Teim a jeit igane dan aŋsam midaeŋ lo akudi

5 ¹Aŋ luluŋam lo aenta ru disinig ŋaisag na dupalug igo durupaiaŋ, jeit kagin naok saian geig ak yen da. Agod gob adi luluŋad lo jeit kagin naok igo yak ta yen man tia ya. Ru ŋabol den fun igo ya, aŋ luluŋam lo tamol ta iŋ iŋsinan taman san iwon foun amaiak iŋaneg ida dien da. ²Aŋ an aloŋ bo man, aŋ sem ipitianaŋ da! Gidad aŋ ilom tubun mi ipapaop amado wa. Ago dop tamol a kagin ago igane dan akudip midaeŋ patun fo agane ilasap imado wa. ³Gidad ŋai aŋ siŋirem na tia yak gug ŋaisag ur aŋ da amado da. Agod ŋai tamol a kagin ago yak igane yan ŋukubiani la ya, nek ibol ŋai aŋ da tumado dak igo woŋ a. ⁴ŋai ru kagin igo ŋupanaŋ da. Saen aŋ Tubun ak Jesus yaŋan lo apalu atumani dop ŋai ŋaineg ur lo aŋ da tumado dop, agod Tubun ak Jesus san dabai an aŋ luluŋam lo imado man, ⁵tamol an Satan tuon lo aganep an lo iŋanen tinin aupasek anda yak pitiŋinek iŋane wa. Ago dop an lo Tubun en imul ipalu san nal lo tamol an san ur patun ipasi wa.

Aŋ aup aupasek adi ta aganurai na wa

⁶Aŋ sesunoi kagin agane dan man ta uyan na ya. Yis kabelan iŋ flawa tubun ak da you da atumanip yis an ifurak yau san urat yaup iŋanep

anaŋ an fidian ikafut a, dugo, an ta aloŋ na i? ⁷An niŋen o aŋ gidad yis wagam ak abal yau a, an lo dop aŋ nek ibol anaŋ yis aman tia yak igo woŋ alasa wa. Aŋ nek ibol anaŋ naok ago yak igo woŋ an rumok a. Man dugo, Kristus man Anut yai digane pani an lo imat la ya, iŋsen mi idsad Pasova san sipsip nanun id tani san mi a. ⁸Amaiak niŋen o Pasova san soubul id kagin tupani wa. Ak man id yis wagam ak ta tani na wa, tia, yis an man ru mitilaen igo woŋ a, an siai kagin agod kagin saian geig ak dam mi a. Id soubul an san anaŋ yis aman tia yan tani wa, anaŋ an man, ru a ilon lo rawek ta yen na dan, agod kagin a idsad ilo rumok igane ilasa dan mi a.

⁹Ŋaisag girek imug en lo ŋai aŋ igo ŋurupaiaŋ da. Aŋ tamolpein jeit kagin tinadi ak siŋired na ta amado ator na wa. ¹⁰Ŋai tamolpein tan en lo sad madok saian ak niŋedi wo ta ŋabol na da. Tia, ŋai tamolpein naok igo amaiak niŋedi wo ilog isou da: tamolpein jeit kagin digane dak, a aenta sad melmel niŋedi wo iŋaned kankan mala sek mi awan isa dak, a tamol gol ak dufup sad melmel digam dak, agod a tubud sewak yaŋad lo ubou dile da. Aŋ tamolpein naok ago yak abisawaip asau mi aup amado tap, aŋ tan en abisei pasik a. ¹¹Ŋai gamu girek ŋigire en lo dugo ilog isou dan kuai tem ŋabol o da. Tamol ta iŋ igo ibol, iŋ ilo rumok tamol, ago gug iŋ jeit san kagin igane da, tia dop, iŋ tamol malan sakar tinan, tia dop, iŋ tamol tubud sewak niŋedi wo ubou ile dan, tia dop, iŋ lukluk san tamol, tia dop, iŋ gumagam san, aŋ tamol naok ago yak ta aganuri na wak, agod dida amasip anaŋ ta ani na wa.

¹²⁻¹³Aŋ dugo ilom isou di? Ŋaisag urat en lo tamolpein a Kris midaeŋ patun fo dumado dan kibianek lo ŋidirai ak i? Tia geig a. Anut mi tamolpein naok an ikubianaip yil a. Ak man aŋ Kris midaeŋ, aŋsam urat man tamolpein aŋsiganem midaeŋ ilon lo an mi akubianaip eil a. Aŋ Anut san girek ibol ago agane, “Tamol aŋ luluŋam lo igane saian dan, akudip yau a.”

Tein iŋanen tein kot lo igane yan niŋen Pol ipidai da

6 ¹Kagin e aŋ luluŋam lo yen den uyan tia ya. Saen aŋsam midaeŋ ilon lo talpein ta mel ta niŋen o iŋanen turan ile saian dan, iŋaneg ida diaug midaeŋ naod na muruan an ta dukubune na ya. Tia, iŋ turan an iŋaneg kot lo yaug gob adi banid lo iganeg kot dupani a. Kagin naok an saian geig a. ²Id gun adi man, murnap tan en san tamolpein bitinaek lo tidirai a, an ta aloŋ na i? Aŋ tan en san tamolpein akubianaip eil a. Fun an niŋen o, enta wo aŋ luluŋam lo mel tusan ak akubianip nek muruan an akubune san, aŋ ta idaisuda na yak i? ³Id eŋel adi dam bitinaek lo tidirai an aŋ ta aloŋ na i? An niŋen o sapta taida dop id Kris idsad maŋau idaisuda wa, an lo idsad muruan tan en san man gamu ka tukubune wak i? ⁴An niŋen o ŋai igo ŋurupaiaŋ, gidad tamol midaeŋ ilon lo yaŋad tia

yak, an̄sam muruan tan en san ka bitinaek lo diganep dukubune wa. ⁵Ŋai ago ŋabol an lo miai ka ŋupanaj a. Ak dugo, aj luluŋam lo tamol ta ijanen kankan milaen ak idaisuda yan alep, lo iŋ muruan a dugo ilasa dan ka ikubune san tia, an rumok ak i? ⁶Tamol naok ago yan an̄ane amoi a, tia, an̄sam kagin igo ya. Tein Kris ak ta ijanen tein ijaneg yaug kot lo igane da. An mi tia, ilod lo ta rumok na yan naod na aj ago agane da!

⁷Aj luluŋam lo tein ta ijanen tein kot lo igane dan niŋen o, kagin en kuai tem ikubiai ale da, Satan aj ibiaŋ adu geig a. Dugo, oŋ umoi dop oŋane tei muruan ipano tap, an saian ak i? Dugo, oŋ ule funip oŋane tei oŋsa melmel igam o irawo tap, an saian ak i? ⁸Ak gug aj ago agane man amoi da. Tia, an̄sem tamolpein aenta arawaig iŋsad melmel agam o agane da, agod dal sen ak lo dam agane saian da. An mi tia, kagin en an̄anem teim Kris ak lo dam agane da!

⁹Tamolpein kagin sisaiak digane dan Anut san kagin panek aben lo diladu san tia ya, an ta aloŋ na yak i? Mel en niŋen o aj sem ta irawaŋ na wa. Tamolpein naok igo man kumaen panu diŋane san tia ya: tamolpein jeit digane dan, tubud aenta ubou ad dile dan, a talpein sen ak iwon ida dien dan, tamol iŋ tamol mi nug iwon oŋ digane dan, ¹⁰tia, gumagam adi, gidiged adi, lukluk tamol adi, a uf digane dan, agod a rawek lo gumagam kagin digane da. Tamolpein fidian a kagin ago digane dan, Anut san kagin panek dijanep paen na dumado san tia geig a. ¹¹Agod aj aenta tamolpein naok ago yak amado se ya. Ak man aj suguek an̄aneg, Anut idiraŋ go tamolpein gun ak alasa ya. Agod idsad Tubun ak Jesus Kristus yaŋan lo, agod idsad Anut ijanen Ur lo dam, aj Anut malan lo man itaotam alasag amado da.

Jeit kagin niŋen asol au a

¹²Aj igo abol da, “Kagin dugon niŋen o ŋamat dan ago ka ŋigane wa.” An rumok, ak man kagin fidian ta dubunawaŋ na wa. Ŋai dam niŋeŋ ago ka ŋabol a, mel dugo ŋigane wo ilog ibol dan ka ŋigane wa. Ak man ŋai niŋeŋ naok en ta ŋiganuri na wa, man dugo, kagin ta a saian an ŋai itirrag man ŋamoi a. ¹³Aj abol, “Anaŋ man tiŋaed san, ago dugo tiŋaed man anaŋ san.” Gug ŋai ŋurupaiaŋ da, Anut murnap tiŋaed iŋ anaŋ da sisem daoŋ ipidinai a. Kabelan aj jeit kagin an mel tusan nek ibol anaŋ ani dak igo woŋ ilom isou banau. Man dugo, Anut idaned tinid man jeit kagin san, ilon ago ta yen na ya, tia, idaned tinid san biabi man, id Tubun ak san urat tiganeg tumado da. Ago dugo Tubun en idaned tinid kaginad iganeg imado da. ¹⁴Anut ijanen dabai lo Tubun en materŋ lo ifufunig kumaen imasag imado da. Nek ago mi id dam ifufunad pe kumaed tumasap tumado wa. ¹⁵Aj tinimi anen anen man Kristus tinin san boi kisaek kisaek a, aj an ta aloŋ na yak i? Ago tap, ŋai Kristus tinin san boi ta kisaek ŋijanep jeit pein da ŋutumani wak i? Man tia geig a! ¹⁶Tamol a jeit pein da dien dan,

inaned tinidi an dutumanig kisaek a, an ta aloŋ na yak i? Man dugo, Anut san ru lo igo ibol, “Tamol iŋ pein da dutumanip tinid kisaek ilasap dumado wa.” ¹⁷Ak man talpein a Tubun en da dutumani dan, iŋanen ŋutun ilon lo man iŋ Tubun en da bubed kisaek ilasap dumado da.

¹⁸Fun an niŋen o jeit kagin amoip asol au a. Ata wo? Aupasek naok aenta fidian a talpein igane dan man talpein an tinin patun fo dien da, an lo aupasek an iŋanen tinin ta isue na da. Ak man iŋ a jeit igane dan iŋanen tinin malan isue da. ¹⁹Aŋanem tinimi an man Awan Urgun san aben gun a, an ta aloŋ na yak i? Anut iŋanen Ur iganeg ipalug aŋ ilom lo imado da, an niŋen o aŋ tinimi an aŋsam tia ya. ²⁰Anut nanun san mater lo idad iŋiliaŋ an naon tubun mok a, an niŋen o aŋ tinimi san kagin naok naok atem, Anut yaŋan abisap lak na geig asini wa.

Nug iwon ŋanek san piteŋanek ru

7 ¹Girek ŋaisag na aganeg ipalu yan lo, ŋai aŋ mel ta lo ru kagin ŋupanaŋ o abol a. Malmalan mok ago abol, tamol iŋ pein ta iŋane nap kawan imado wa, an uyan ak i? Aria, ŋai ru naon igo ŋurupaiaŋ da. Rumok, tamol iŋ pein iŋane wo imoi dop man an uyan a. ²Ak man gamu aŋsam taun lo jeit kagin ilasap tubun a, an lo tamolpein wei mi kagin an lo diau dudu da. An niŋen o gidad tamol iŋ iwon anda wak, agod pein dam iŋ tamol anda wa. ³Tamol iŋ iwon da sisem dien dan uyan a. Tamol tinin an iŋsan pein ipani wak, nek ago mi pein tinin dam iŋsan tamol ipani wa. ⁴Man dugo, pein iŋsen tinin iŋsan mi man tia ya, tia, iŋanen tinin iwon tamol ak san. Nek ago mi tamol dam iŋanen tinin iŋsan mi tia ya, tia, iŋanen tinin iwon pein ak san. ⁵Oŋ iwo da aen o ta umoi na wa. Ak man saen oŋ gudanek gane san saen ta piliani tap, an uyan ak oŋ iwo da awam kisaek gup ago agane wa, ak man an saen katukan mi wa. Aria, saen isuda dop man fon atumani da wa. Man dugo, kabelan oŋane tini masak itirno dop lo Satan dal gane panip oŋ ilo iŋanep jeit gane banau. ⁶Oŋ pein ŋane wak ŋai ru dabai nam ago ta ŋurupaio na da. Tia, ak man oŋ ilo man, pein ŋane wo ibol, ŋai awok ŋupano wa. ⁷Iŋai iwog tia ya, ago yak niŋen o tamolpein ilod lo rumok dan, ŋai ŋumado dak agom dumado wo ŋamat da. Ak man fidian dal an lo ago dumado dan muruan mok a. Tamol kisaek kisaek, pein kisaek kisaek atem Anut dabai anen anen ipidinai da, talpein ta binawek naok ta iŋane dugo talpein sen ta binawek sen ak dam iŋane da.

⁸Aria, aŋ tamolpein a iwom tia yan, agod pein suos adi dam, sam na ru kagin en ŋurupaiaŋ da. Aŋ nek ŋai igo kawan amado dop man, an uyanan a. ⁹Ak man iŋ siganed ilodi ka ditirni san ta idaisuda na dop, gidad iwodi dusu wa. Kabelan iŋ tinid tubun mok imasa banau.

¹⁰Aŋ tamolpein iwom da yan ru kagin en ŋurupaiaŋ da. (Ru kagin en ŋaisag tia ya, tia, Tubun en ru en o wagam mi ibol ilasa la ya.) Pein

ta iwon tamol ak ta mok ibisei na wa. ¹¹Ak man pein an iwon tamol ak ibisei tap man, inj kawan imado yau a. Tia dop, fon imul yaup iwon tamol ak da dumado da wa. Ru kagin taidam igo jurupaianj da, tamol dam iwon pein ak ta mok ibisei na wa.

¹²Aria, rjai anj aenta ru kagin igo jurupaianj da. (Tubun en igo ta ibol na ya, an ninjen o naiseg igo jurupaianj da.) Tamol Kris ak ta injanen iwon ilon rumok an tia, gug inj tamol da dumado wo ilon ibol tap, gidad pein an gob imado da, tamol an pein ta ibisei na wa. ¹³Nek ago mi pein Kris ak ta tamol gob ak da dumado da, agog inj pein da sisem dumado wo imat tap, pein an tamol ta ibisei na wa. ¹⁴Man dugo, Anut malan lo pein e ilon lo rumok den gun imado da, agod an injanen iwon tamol ak ilon lo rumok tia yan ituani da, ata wo, tamol an injanen iwon pein ak ilo rumok anda yan ida dutumani a. Nek ago mi, pein a ilon lo rumok tia yan, injanen iwon tamol ak san ilo rumok an lo man, gun ilasag imado da. Ak kagin en igo tia tap, anj pein tamol naom ago yan anjanem nanuk adi inj gob sad nanuk adi igo woŋ dumado da. Ak man rumok, anjanem nanuk adi ikok dumado dugo Anut anen muroun muroun dida dutumanig gun dumado da.

¹⁵Ak man onjane iwo ilon lo rumok tia yan ibisawo tap, gidad ulefunip inj ka yau a. Saen kagin naok ago ilasa dan man, onj tamol onj pein ilo rumok a da yan ta isubano na da. Man dugo, Anut anj maror lo mi amado wo igianj a. ¹⁶Ak dugo, onj pein onjane iwon tamol ak binawip inj dam ilo rumok tamol ilasa wak boi, tia wak boi, an ulonj ak i? Agod onj tamol onjane iwon pein ak binawip lo gob sad kagin ibiseip Kristus o ilon rumok ak boi, an ulonj ak i?

¹⁷Ak man gidad, anj anen anen madok naon dugo yak a Anut ipilianig ipanaŋ an, ate nek ago amado yau a. Man dugo, Anut anj anen anen madok naok anen anen atem anjane wo igianj la ya. Ru kagin a rjai midaeŋ fidian ilod lo njgansi dan man nek an mi a. ¹⁸Ak dugo, tamol ta saen Anut iwagi dan injanen tinin suŋulon dutute la yak tap, an gidad imoip ago ka yen a. Tia, Anut tamol ta iwagi gug tinin suŋulon ta dutute na tap, inj tinin suŋulon dutute wo isumianai man imoi a. ¹⁹Tini suŋulon tutek an mel kawan a, tini suŋulon tutek tia yak dam mel kawan a. Onj Anut san ru kagin fidian uri pani san man mel malan te ya. ²⁰Aria, rjai fon jurupaianj da, saen Anut anj igianj man, anj anen anen madok naon dugo yan ate amado dan, anj anen anen nek ago amado yau a. ²¹Saen Anut igianj an anj bigabeg amado dugo igianj i? Ak man gidad, an ninjen o ilom weiwei amoi. Anj Anut dal ikubiai panaŋ dop anj tamol bigabeg tia yak igo alasa wak tap, dal an ago ka agane wa. ²²Man dugo, tamol a bigabeg urat iganeg imado dugo Tubun ak iwagi an man, inj Tubun en san tamol kawan igo imado itor da. Nek ago mi, tamol a kawan imado itor dugo Kristus iwagi an man, inj Kristus san tamol bigabeg urat igane san

a. ²³Anut aŋ idad iŋiliaŋ a, an naon man lak na geig a. An lo aŋ Kristus san mi a, an niŋen o kabelan tamol sen ak san bigabeg igo alasa banau. ²⁴Aria, oŋane madok kagin naok naok dugo woŋ lo mado utor dugo Anut igio yan, nek ago mi mado utor yau dop, Anut da nug turan igo woŋ ago ka amado ator a.

Talpein a nug iwon ŋanek tia yan ru kagin irupidai a

²⁵Ŋai gamu aŋsam sumianek tamolpein iwod tia yak lo agane dan naon ka ŋurupaiaŋ a. Tubun en ru kagin en ŋurupaiaŋ o ta ibol na ya. Tia, en ŋaiseg ilog nam ŋurupaiaŋ da. Aŋ ŋaisag ru kagin ka aŋane wa, man dugo, Tubun en iŋ ŋai ilon imuŋanag go maŋau uyanan ipanag en lo ŋubunawaŋ a. ²⁶Saen gamu lo tumado den muruan wei mi id siŋired na ipalu yan niŋen o, ŋai ilo sou igo ŋigane da, oŋ iwo tia mado tap, an uyan a. ²⁷Oŋ iwo ŋane la i? Ago tap, kudi dop iwo tia mado wo gane umoi. Tia, oŋ iwo tia mado di? Ago tap, oŋ iwo ta ŋane wo abaŋ ule umoi. ²⁸Ak man oŋ kawan madop iwo ŋane tap, an aupasek tia ya. Agod kubakan ta iwon iŋane tap, an dam aupasek tia ya. Gug tan en lo tamolpein a iwodi diŋane dan muruan wei mi dile wa, an niŋen o ŋai ilog ibol dak man, muruan naok an aŋ iriŋanaŋ a.

²⁹Teig taog, ŋai igo ilog isou da. Tan en san saen katukan mi a. An niŋen o gamu agod nal murna san fidian, tamol ensauta a iwod da yan, nek ibol tamol a iwod tiag dumado dak igo woŋ, ago dumado wa. ³⁰A tinaŋ aru digane dan, nek ibol tamolpein a tinaŋ aru ta digane na dak igo woŋ, ago dumado wa. A ilo uyan lo dumado dan, nek ibol iŋ ilod muruan dak igo woŋ ago dumado wa. A mel ta didad diŋane dan, nek ibol mel an iŋsad tia yan niŋen o iŋ diabi yau san tia yak igo woŋ, ago dumado wa. ³¹Agod a tan en san melmel urat dupidinai dan, nek ibol tamolpein a tan en san mala bulbal iŋaned bubed ta isubani na dak igo woŋ, ago dumado wa. Man ata wo? Tan e gamu tile den fidian itout o sumeik da.

³²Ŋai aŋ ilo weiwei amam da amado wo ilog ta ibol na da. Tamol a iwon tia yan iŋ Tubun ak san urat kagin ipani da, agod dal dugon lo iŋ ka Tubun en ilo uyan ipani san niŋen o mi ilon isou da. ³³Ak man tamol iwon anda man, tan en san kagin naon irae da, an niŋen o dal dugon lo iŋanen iwon ilo uyan ipani san niŋen o ilon isou da. ³⁴Fun an niŋen o iŋanen ilo sou lo gilek yen da. Pein ta a iwon an tia yak ta, tia, kubakan a Tubun ak san urat kagin ipani san saen anda yak ta boi, kob ate yau o ilon ibol dak igo ya, iŋ tinin ŋutun fidian lo iŋanen Tubun ak san ilobol iganuri wo ilon tubun mi yen da. Ak man pein a iwon anda yan iŋanen ilo sou an senamo ya, dal dugon lo iŋanen tamol ka ilo uyan ipani wo yaes ifuni da. ³⁵Ŋai aŋ ŋusubanaŋ o ilog ta yen na da, tia, ŋubunawaŋ o ru ago ŋurupaiaŋ da. Ŋai ilog man, aŋ kagin uyan ak lo amado dop, aŋanem tini ganei Tubun en lo man nek itaot yen a.

³⁶Aria, tamol enti kubakan ta njen dupani an, gamugo ijane dak gug, ijanen ilo sou lo kagin a kubakan an lo igane dan ta uyan na dugo, kubakan an ij tamol ijane wak san saen kitekan irinjani la ya, ago dugo tamol an ilon lo ikubiani ak man, kubakan an ijane wak ago ilon isou tap, aria, ilon dugo ibol dan ago ka igane wa. Ij au ta ipas na da, uraru an ka nug dijanep nug iwon dumado wa. ³⁷Ak man tamol an tamolpein sen ak ta disoduduni na dugo, ijanen ilo sou dabaig, ijanen ilo masak dam itirni fufei da, agod kubakan an ta ijane na wak gug ijanen jej panek pein igo wonj imado yau o ilon ibol tap, an dam uyanan a. ³⁸Amaiak njen o tamol enti kubakan njen dupani an ijanen iwon igo ijane dan, kagin uyanan igane da. Ak man tamol enti kubakan an iwon igo ijane wo imoi dan, ij dam kagin nen uyanan ak igane da.

³⁹Pein a tamol anda yan, Anut san kubiaej isubanig, saen ijanen tamol gamugo imat dugo, ijsan tamol ibiseip tamol foun ak ta ijane na wa. Ak man saen dumado yau nap tamol ak imat tap, pein an ij ilon yen dan ago mi tamol foun ak ka ijane wa. Ak man ij tamol enti a Kristus san an mi ka ijane wa. ⁴⁰Ago gug jej igo ilog isou da. Pein an imoi kawan imado tap man, nen ilon uyanan a. Taida mi, jej igo ilog isou da, jej dam Anut anen Awan Ur amag da ya, an njen o ij jej ulum ag yabi dugo jej ru kagin en njurupaiaj a.

Mudan a tubud sewak yai digane pidinai dan san ru

8 ¹Aria, jej gamu mudan a tamolpein tubud sewak adi yai digane pidinai dan njen o njabol aloj a. Anj igo abol da, “Id fidian manjau amad da ya.” Awo, id fidian taloj man ru an ru rumok a. Aria, talpein a manjau anda yan sen ipitiani wa. Ak man talpein a Anut anen tamolpein nijedi wo ilon ipidinai dan, ijaned ilo rumok dabai ipani wa. ²Tamol a ijanen manjau njen o ikawil an ago ibol dan, njijej naok an lo mel en kuai tem ilasag yen dugo tile da, ijanen manjau gamugo tubun a. An lo man manjau naok a tamol an yabi wo Anut ilon ibol dan, an ij ilon lo man katukan go ago yen da. ³Ak man tamol a Anut ilon ipani dan, ij tamol an ilonj fufei da.

⁴Anj gubak mi mudan a tubud sewak sad ai pat mitilaedi yai digane pidinai an ka ani san njen o asumianag a, aria, gamu ru naon njurupaiaj da. Rumok, id fidian taloj uyan ak, tubud ai pat mitilaedi man tan en lo mel nujon an tia ya. Taida mi id taloj ak, Anut kisaek o lian ij mi rumok imado da. ⁵Mel wei mi a tamolpein “tubud” dubol dan, tan na boi, tia keit lo boi dumado dak ago tan en san tamolpein ilod lo rumok da. (Rumok, tamolpein mel wei mi “tubud” dubol da, ago dugo ij mel wei mi dam “tubun ak” dubol dak ago taloj a.) ⁶Ak man gidad, id Kris adi taloj man, Anut mok imado dan ij kisaek o lian a. Ij mi id Tamad, ij mi mel fidian idiri a, agod id ilo uyan tupani wo kumaed dumado da. Taida mi,

idsad Tubun ak kisaek mi a, an man Jesus Kristus. Injanen tuon lo mel fidian dilasag dumado da, injanen dabai lo dam id tumado yau da.

⁷Ak man maŋau naok e niŋen o ŋabol den, Kris fidian ilod lo ta yen na da. Man dugo, Kris aenta ilod isou yau dak man, tubud ai pat mitilaedi iŋ mel rumok ak mi a, ata wo, gubak mi iŋ gob adi sad tamol kagin diri se ya. Amaiak niŋen o saen mudan a tubud sewak ai pat mitilaedi yai digane pidinai an diani man, “mudan en tubud aenta san,” ago ilod isou da. Ilod itarpasi man tia ya, an lo injaned kankan ilon lo kagin uyan ak, kagin saian ak dibiatai o muruan geig a, an niŋen o injaned kankan nun anda ilasag yen dan ago dukubiani da. ⁸Ak man anaŋ dugon tani dan niŋen o Anut ta ipitianad na wa. Id ta tani na tap, mel uyan ak ta irijanad man tia ya, nek ago mi, id tani tap, mel uyan ak taidam tiŋane san tia ya.

⁹Aŋ aŋsem pilianek agane san idaisuda ya, ak man kagin agane wa, kabelan pilianek agane dan, tamol a ilod itarpasi an tia yan sad ilo rumok an apitiŋini banau. ¹⁰Ak dugo, talpein ta ilon ta itarpasi na yan, oŋ a maŋau lak na geig ama da yan, tubud ai pat mitilaedi san tempel ilon lo masig mudan wani dugo ilio yak man, iŋ dugo ilon isou wak i? Kagin e oŋ gane den lo talpein an ilon yabisap, an lo iŋ dam mudan a tubud sewak yai digane dupani dan yani wa. ¹¹Agop oŋane tei e ilon ta itarpasi na yan, oŋane maŋau lak na geig ak lo oŋ tei an pitiŋini da, ak man Kristus talpein nek emaiak dam ibinawi wo imat a. ¹²Dal an lo oŋane tei ilon ta itarpasi na yan san kankan malan sue da. Saen oŋ muruan naok e pani den, aupasek gane da, agod Kristus lo dam aupasek gane da. ¹³An niŋen o anaŋ ta e ŋani den teig iganep aupasek lo yau idu tap, gidad an mudan boi, tia, anaŋ sen ak boi, ŋai anaŋ naok an ŋani ŋamoi a. Man dugo, ŋai ilog igo yen da, kagin e ŋigane den lo talpein sen ak ta yau idu na wa.

Binawek naok dugo aposel adi diŋane san iŋ idaisuda ya

9 ¹Ak dugo, ŋai seg ilog nam ŋator san tia i? Dugo, ŋai aposel tia yak i? Dugo, ŋaiseg malag nam idsad Tubun ak Jesus ta ŋile na yak i? Ak dugo, aŋ ilo rumok adi ŋaisag urat wagai Tubun en niŋen o ŋigane na yan nuŋon aŋsem mi yak, an ta ale na i? ²Aŋ aloŋ uyanan ak, mel an fidian rumok a. Gidad tamolpein sen ak sad ilo sou lo ŋai aposel tia ago dubol da, aŋ man ago abol san tia geig a. Man dugo, Tubun ak ipilianag go ŋai aposel ta ŋilasag ŋumado yan san kob man, nek aŋsem mi a.

³Tamolpein a ŋai bitinaek lo diginiag o ilod ibol dan, gamu ru naon igo lo seg itargiranag san ŋurupidai da. ⁴Maŋ aposel iloma ibol tap, aŋ maŋ pat apanamap ate madad pe mani maluk dop mumado wo malama ka migane wa. Binawek naok a miŋane san maŋ idaisuda ya. ⁵Nek ago mi, maŋ iwoma ilod lo rumok an ka maŋjal pe dadi mator dop urat migane

wa. Aposel aenta ago digane da, Pita ago igane dak, agod Jesus sen tein muroun dam ago digane da. Ak dugo, maŋ mi ago migane san ta idaisuda na i? ⁶Tia dugo, ŋai Banabas da, nek ibol aposel aenta igo woŋ tia ya, maŋsema mi banima nam urat migane wak ago abol di?

⁷Ak dugo, yu tamol ta iŋ wagai san urat igane dan, iŋsinan moni sen ipani dak i? Ak dugo, enti iŋanen abi lo ai patun ipae da, ago gup anaŋ a yani wan imoi ak i? Ak dugo, enti bilelek kagin ipidinai dan, bilelek an sad su iluk san imoi ak i? ⁸Ak dugo, dag ru milaen mi e ŋabol den, tan en san tamolpein iŋaned kankan lo ilasag ŋiŋiŋeŋ dak ago ilom isou dak i? Ak man Moses san kubiaeŋ an lo ru naok kisaek ibol da. ⁹Kubiaeŋ an lo ru emaiak e digireg yen da, “Saen makau wit fufo ila iso dop metmet ikak yau o ipartitale dop, oŋ makau awan ta wafutani na wa.” Ak dugo, Anut ru an nam makau mi niŋen o kagin ipani dak ago ilom isou di? ¹⁰Dugo, id ibinawad o iŋ ru an irupaiaid da, an rumok ak i? Awo, iŋ id niŋed o ilon isou se ya, an lo Moses kankan ipanig iŋ kubiaeŋ lo ru an igire ya. Fun ata wo Anut ago ilon isou se yak i? Talpein enti anaŋ ipae dan, agod talpein enti anaŋ nuŋon ituteg iŋane dan, iŋ sisem anaŋ naon a murnap diŋane san niŋen o malad digane da, an mi ka diŋane wa. ¹¹Maŋ aŋ luluŋam lo kumaen panu san ai patun wei mok mupae se ya, an rumok tap, dugo, aŋ kulob an naon, tan en san melmel lo abinawama wo malama migane dan niŋen muruan ifunaŋ di? ¹²Tamol aenta aŋ luluŋam lo iŋsad urat niŋen o naon diŋane san idaisuda tap, binawek naon kisaek miŋane san niŋen maŋ idaisuda geig a! Ru e ŋurupaiaŋ den, rumok i? Tia i? Aŋ akubianip ale wa.

Ak man maŋ gubak mi aŋ binawek naok an apanama wo ta musumianaŋ na ya. Rumok, binawek an apanama san dabai maŋ da ya, gug miŋane man mamoi a. Ata wo? Maŋ iloma man, maŋsema mi muruan fidian misini wa, an lo dop Kristus anen bilaluŋ uyan ak tamolpein murupidaip duloŋ san dal ta mufou na wa. ¹³Tamol ensauta a tempel ilon lo urat digane dan, iŋsad anaŋ man, anaŋ a tamolpein disinig Anut dupani wo tempel lo dupalu dan aenta diŋane da, an ta aloŋ na i? Agod a alta fo mudan dumari idu dan, iŋ mudan an aenta sed niŋedi wo ka disinip diani wa. ¹⁴Dal nek ago mi, Tubun en ru dabai anda yak nam igo irupaiaid a, tamolpein a bilaluŋ uyan ak dufulale dan, iŋaned urat naon man tamolpein a dibinawai dan dupidinai a.

¹⁵Ak man ŋaineŋ urat naon ŋiŋane man ŋamoi da. Taida mi, ŋaisag ru e ŋigire yen igo asuti dop an lo ŋaineŋ urat naon apanag o ta ŋigire na da. Tia, kagin e ŋigane den, emaiak niŋen o ŋai ka seg ipitianag a, an niŋen o talpein ta kagin an ipasi yau o man, ŋai ilog tubun geig imoi da. Man dugo, urat naon ago apanag o tap, gidad ŋai ŋamat gup. ¹⁶Ak man gidad, ŋai ru Kristus niŋen o yan tamolpein ŋurupidaip duloŋ gup, ŋai sen ka seg ipitianag san man tia geig a. Ata wo? Jesus sen ŋai ago ŋigane

wo irupaiag a. Inj awan njabi wa, tia tap, muruan tubun geig njijane wa! ¹⁷Injai seg ilog nam inanen ru njabol ilasa dak ago tap, rumok, njaisag urat naon njaisag na ipalup njijane wa. Gug seg ilog nam urat an ta njigane na da. Tia, dugo mok njigane dak i? Mala nouk a saen Kristus urat en banig lo igane dugo, tinin ilon lo yen dan mi, nujon igane wo njai ago njigane da. ¹⁸Ago yan lo njaisag urat naon ata mel i? Saen njai Kristus ninjen o tamolpein naod na njufulale dan, naon tia kawan njupidinaip inj ka dulonj a, nek an mi a. An lo dop njai ka dabai a lo njaisag urat naon njijane wan, sen gigin na njiganep ago ka yen a.

Pol man tamolpein fidian sad urat bigabeg a

¹⁹Injai tamol ta san urat bigabeg tia ya, an lo seg ilog nam njator dugo kawan njumado da. Ago bo man njai seg iginiag tamolpein fidian sad urat bigabeg njilasag njumado da. Ata wo? Idaisuda tap, tamolpein wei geig ilod njinanep njajal pe Kristus san na mau a. ²⁰Juda adi malad lo njai Juda tamol igo wonj njilasag njumado ya, ata wo, Juda aenta Kristus o ka njajal a. Injai Moses san kubiaenj paen na ta njumado na da, ago bo man tamolpein a Moses san kubiaenj paen na dumado dan njajal san ninjen o, seg iginiag go kubiaenj paen na njumado dak igo njilasa ya. ²¹Nek ago mi, saen njai gob adi dadi mumado dan, nek ibol tamol ta Moses san kubiaenj inj lo tiag imado dak igo wonj, ago njai njumado da. Ago dop an lo njai gob aenta ka njajal a. (Ak man njai Anut san kubiaenj ag tia yak ago ta njumado na da, tia, kubiaenj a njai paen na njumado dan man Kristus awan aban mi a.) ²²Agod tamolpein a inaned ilo rumok dabai an tia yan malad lo, njai tamol naok ago yak tamolpein amaiak aenta njajal o njilasag njumado ya. Tamolpein naok sen ak fidian malad lo man, njai inaned kagin anek anek njagam njijane ya. Man ata wo? Idaisuda tap, dal fidian njibitinaep an lo tamolpein an aenta patud njupasi wa. ²³Kagin en fidian bilalunj uyan ak fanjan lo njigane da, ata wo, murnap bar a fidian bilalunj uyan amaiak idiraip dilasa wan lo njututou wo ilog ago yen da.

Anj naon uyan ak anjane wo tinim afunip amaspalu wa

²⁴Aloj, kukok tubun ak idu dop lo tamol fidian dumaspalu wa, ago gup tamol kisaek mi inj imug yaup geg fo isudap naon mel injane wa. Nek ago mi anjanem madok tan na yak lo, anj fidian tinim afunip ago ka amaspalu wa, ago dop man anj anek anek atem Anut naon ipanarj a. ²⁵Saen tamolpein kukok an lo naon dijanane wo ilod yen tap, inj pitejanek wagai diganep lo tinid sakar ak, aria, an lo injsed tinid dam kagin dupani uyanan dop, tubun mi dumaspalu wa. Ago dop inj geg fo disudap naon dijanane wa. Ak man naon an man, ai rouk igo kabunjad fo dukudi wa, agod an milaen tiap ikurnjak yau a. Ak man id Kris adi idsed tinid pitejanek uyanan tupani wa, ago dop id naon ta a pempem ikurnjak yau

san tia yan tinjane wa. ²⁶Ŋai ŋaiseg tinig pitejanek uyanan ŋupani da. An lo ŋai ŋalɔŋ uyan ak, ŋai tamol imaspalug dal yapitilig yau dak igo woŋ tia ya, tia, ŋai nek ibol tamol ta nug dufuni dugo, banin kawan ifu yau na yak ago dam tia ya. ²⁷Tia, ŋai seg tinig en ŋufuni da, an lo dop tinig en dabai ka ŋupani wa. Ŋai tinig en nek ibol ŋaisag urat pinein igo woŋ, ŋai ilog ibol dan ago tinig awa yabek igane wa. Kabelan ŋai tamolpein aenta Anut san ru ŋfulalep dulɔŋ gup, kukok tubun an san taman ipaiag pe ikudag ŋau dop ŋaineŋ naon ŋinjane san tia banau.

Bitinaek funfun niŋen o kagin agane

10 ¹Teig taog, ŋai ilog ibol dak aŋ mel en ilom isou a. Saen maŋanema tubum bagem fidian wagam tan kawan ak ate dutor dila duso se man, timtaen kisaek ituanaig ibargiranai se ya, agod iŋ fidian Anut iŋal go, beig igileg awan sensen yen dugo, titiŋaem dudug diau a. ²Fun an niŋen o idsad ilo sou man, nek ibol id Kris suguek tiŋaneg Kristus da tutumanig tumado dak igo woŋ, tubum bagema timtaen an lo, agod beig lo dam, suguek diŋane dugo, Moses da dutumanig dumado na ya. ³Saen an lo iŋ fidian sisem kumaen panu san anaŋ diani dugo, ⁴kumaen panu san you dam duluk se ya. Man dugo, iŋ fidian pat tubun ak a kumaen panu lo yak ipalu yan, dida tureŋ diabi na ya. Ago dugo you a pat an lo ibanai na yan lo duluk se ya. Agod pat an man nek Kristus. ⁵Ago bo man, Anut tamolpein an wei mi niŋedi wo ta imat se na ya. Ago tag tan kawan ak ate dumat na yan, iŋaned kisedi an gidigheid dien se ya.

⁶Kulob en wagam mi mok ilasa bo man, tinanou igo Anut isurnai dilasa panad dugo, id teil pe tarer a. Anut ilon man, id nek ibol iŋ digane yak igo woŋ tia ya, id ilod imasap kagin saiak tigane san niŋen o ilod bulbal an, dal nek an lo yabitanad a. ⁷Tamolpein an aenta tubud sewak mitilaedi a ai pat nam digane yan naod na ubou dile se ya, gug aŋ ago ta agane na wa. An niŋen o ru ta Anut san buk lo igo ibol, “Tamolpein dumasig diani duluk na gug, dumasa dutur go gidigheid dukok ila iso da.” ⁸Agod jeit kagin agane amoi. Saen an lo tamolpein aenta ago diganeg, nal an lo mi Anut tamolpein 23,000 ifug dumat a. ⁹Agod dam, id Anut tusoduduni dop, iŋanen dabai nam mel ilod ibol ak ago igane panad o ta tigane na wa. Tamolpein an aenta Anut ago dibitinae dugo, mot wagai ak idirai dilasag dirataig dumat a. ¹⁰Taida mi, aŋ aŋurŋur dan amoi. Tamolpein an aenta duŋurŋur se ya, an lo dugo eŋel ta daoŋ panek san ak idug tamolpein amaiak ifug dumat a.

¹¹Mel en fidian tamolpein an fo dilasa san fun man, tinanou naok naok amaiak id tile dop kagin tigane wa. Ru kulob a fidian niŋedi wo yan buk lo wagam mi digire ya. Ata wo? Mel saiak saiak a dilasag muruan dupidinai na yan, id tusutip tile dop, kankan uyan ak dupanad a. Saen e

gamu tumado den lo man, saen a lo mel fidian diau dutout an sumeik a. An niŋen id kagin saiak ago yak tigane man Anut imoi a. ¹²Ago yan lo, oŋ utur sakar dan ago ilo isou dop man, kagin gane wa, kabelan oŋ udup udeg wau banau. ¹³Oŋ lo bitinaek fidian ilasa dan senamo geig man tia ya, tia, bitinaek naon kisaek an mi dam tamolpein fidian lo ilasa da. Anut kagin ipano wa. Oŋ bitinaek dugo oŋ lo ilasa dan ka sini san idaisuda wa. Man dugo, oŋane dabai dugo woŋ ate bitinaek naok an sayani san ilon uyanan da, an niŋen o iŋ bitinaek ta oŋane dabai an iriŋani san amaiak oŋ lo ilasa wo yabituani wa. Agod saen bitinaek ta oŋ lo ipalu tap, dal ta lo oŋ usol wau o ikubiai pano wa, an lo dop bitinaek an lo utur sakar pe mado wa.

Anut mi ubou an ale dop tubud aenta patum apidinai

¹⁴Iŋai turag muroug, fun an niŋen o aŋ tubud ai pat mitilaedi ubou ad ale amoi. ¹⁵Aŋ tamolpein kankan am da ya. An niŋen o aŋsem mi ru e ŋurupaianŋ den ka akubianip ale wa. ¹⁶Saen id pasa tiŋane dan, gab a tiŋanep niŋen o Anut ilo uyan san bar tupani gup lo taluk dan man, idsad lukluk lo Kristus san dar an lo tututou da. Agod bret a tafutep tani dan man, idsad nuaeŋ lo Kristus tinin an lo tututou da. ¹⁷Bret a tafutep tani dan kisaek a. Gidad id wei mi bo man, id tinid fidian Kristus tinin da tutumanig tinid kisaek tilasag tumado ya, man dugo, bret kisaek o lian an id fidian sisem tani da.

¹⁸Aŋ fon Isrel tamolpein sad kagin ilom isou. Iŋ Anut anaŋ yai digane pani an wadan ka diani wa. Saen iŋ ago digane dop, iŋsed tinidi an alta amaiak san Anut da dutumanip kisaek dilasa wa. Aŋ aloŋ la yak an rumok a. ¹⁹Ak dugo, anaŋ a tubud ai pat mitilaedi yai digane pidinai dan, iŋ mel tubun ak ago ŋabol dak i? Tia dugo, ai pat tubud mitilaedi man, iŋ mel rumok ak ago ŋabol di? Tia geig a. ²⁰Ak man aŋ gidad mel en aloŋ uyanan a. Saen gob adi iŋ tubud ai pat mitilaedi an yai digane pidinai dan, Anut iŋsad ubou ta iŋane na da, tia, ur saiak saiak amaiak mi ubou an diŋane da. Amaiak niŋen o tubud ai pat mitilaedi sad ubou leil niŋen o sen alasa wa. Aŋanem tinimi ur sisaiak dida atumanip kisaek mi alasa man ŋai ŋamoi geig a. ²¹Aŋ Tubun ak san gab lo, agod ur sisaiak sad gab lo dam aluk dop, muruan ta ariŋani san tia ya. Nek ago mi, aŋ Tubun ak san tebol fo, agod ur sisaiak sad tebol fo dam atutou dop, muruan ta ariŋani wak, an dam ago agane san tia ya. ²²Ak dugo, idsad kagin nam Anut tiganep ilon imasap turak susak igane wak i? Tia dugo, idaned tuod iŋanen tuon iriŋani dak i?

Kagin fidian agane dan, Anut ilo uyan apani wo ago agane wa

²³Aŋ imug igo abol, “Mel dugo niŋen o ŋamat dan ago ka ŋigane wa.” Awo, an rumok a, ak man mel a fidian ŋai ka ŋigane wan luluŋad lo mel

wei mi lou amad tia ya. Rumok, aŋ ilom ibol dak ago ka agane wa, ak man kagin an aenta aŋanem ilo rumok dabai ipani san tia ya. ²⁴An niŋen o ru en aganuri wa. Talpein iŋanen madok mi uyan ilasa wo urat ta igane na wa. Tia, tamolpein aenta ilo uyan ipidinai o urat igane wa.

²⁵Aria, mudan a didaerj aben na diganeg yen dan niŋen o igo ŋabol da, an ka adad pe ani wa. Ilom ta weiwei na dop kankan saian ak fidian mudan an niŋen o abal yau a. Gidad mudan naok an didaerj tamol dugot na diŋane yan, fun aloŋ o asumianai san urat ta ipanaŋ na wa. ²⁶Man dugo, tan en Tubun ak san, agod mel tan en lo yen den dam fidian iŋsan mi a.

²⁷An niŋen talpein ta igiop iŋsan ab lo anaŋ wani wo wau dop, awan wabi wo ilo ibol tap, oŋ gidad iŋsan anaŋ a ikubuneg nao na igansi an ka wani wa. Oŋ anaŋ an niŋen ilo ta weiwei dop, an tubud sewak adi sadi ak ubol pe, fun uloŋ o sumiaek ta gane na wa. ²⁸Ak man saen talpein ta ibol, “Mudan en tubud sewak adi yai digane pidinai a,” ago ibol tap, an wani umoi. Agop an lo oŋ talpein an binawi dop iŋanen kankan dam ta kubuli na wa. ²⁹Oŋane kankan kubuli wo ago ŋabol man tia ya. Oŋ uloŋ la yak, mudan an muruan ipano san tia ya. ŋai mudan naok en ŋani san niŋen o igo ilog isou da: ata wo tamol sen ak kankan saian anda yan, ŋai isubanag pe ilog ibol dak ago ŋigane san tia yak i? ³⁰Saen ŋai ŋunuaerj dan, bubeg lo Anut o ilo uyan ru ŋupani da, an niŋen o ŋai kankan uyan ak amag da anaŋ an ŋani da. Aria, ata wo talpein ta, mel a niŋen o ŋai Anut ilo uyan ru ŋupani dan niŋen o uf igane panag dak i? Kagin naok an fun an tia ya.

³¹Ago yak niŋen o, oŋ anaŋ wani boi, tia, you uluk boi, tia, dugo dugo gane dan, aenta malad lo Anut iŋanen girager ganep tubun mi ilasa wo kagin an fidian gane wa. ³²Gidad tamolpein ta iŋ Juda boi, tia, Juda tia boi, tia, Anut anen midaerj, oŋ mel ta ganep an lo iŋ luluŋad lo talpein kisaek ta yau idu na wa. ³³Kulob fidian a ŋigane dan lo, tamolpein fidian ilo uyan ŋupidinai o ŋibitinae da. Man dugo, ŋaineg kumaen tan en san an kagin ŋupani wo urat wagai ta ŋigane na da, tia, ŋaisag urat funfun lo wagai ŋiganep tamolpein fidian ŋibinawai o ŋibitinae da.

11 ¹An niŋen o ŋai Kristus san kagin ŋagam ŋiŋane ya. Nek ago mi aŋ dam ŋaisag kagin agam aŋane wa.

Kagin uyan ak ubou leil lo ya

²ŋai aŋ ŋipitianaŋ da, man dugo, ŋaisag kagin naok naok fidian aŋ pempem ilom isou da, agod piteŋanek funfun a gubak mi aŋ banim lo ŋidiri an aŋal go, gamu dam abiai dabai dugo, ari apani uyanan da.

³ŋai ilog ibol dak mel en aloŋ uyanan a. Tamol fidian sad gurman man Kristus, pein san gurman man iŋanen tamol, agod Kristus san gurman man Anut. ⁴An niŋen o saen tamol ta iŋ kabuŋan ituanig imado dugo

gudaneke igane dan, kagin an lo iñsan tamol gurman Kristus miai ipani da. Nek ago mi iñ kabuñan ituani g imado dugo profet ru ibol ilasa dak tap, dal an lo dam Kristus miai ipani da. ⁵Agod saen pein ta iñ kabuñan kawan^a gudaneke igane da, tia, kabuñan kawan profet ru ibol ilasa dak tap, iñ iwon tamol ak miai ipani da. Ago igane tap man pein an nek ibol gurman roun didawi yaup an lo miai dupani wak igo wonj a.^b ⁶An niñen o pein ta kabuñan ituani imoi tap, gidad iñanen gurman roun an itute yau a. Ak man pein an gurman idawi yau an miai ifuni tap, an niñen o gidad iñ kabuñan ituani wa. ⁷Tamol iñ kabuñan ta ituani na wa. Man dugo, iñ Anut san nao ñaneke tamol, agod Anut san girager ikubiai ilasa da. Ago gug pein man iwon tamol ak san girager an ikubiai ilasa da. ⁸Man dugo, Anut pein iñaneg ate tamol ta igane na ya. Tia, iñ tamol tinin iñaneg ate pein igane ya. ⁹Agod fon, iñ tamol iganeg pein san binawek imado wo ago ta igane na ya. Tia, iñ pein iganeg tamol san binawek igo imado da. ¹⁰Pein iñ iwon tamol ak paen na imado da, an niñen iñ kabuñan ituani ate ikubiai dile wak iñ iwon tamol ak paen na imado da. Kagin ago igane dop, an lo eñel adi dam ilo uyan ipidinai a.

¹¹Ak man saen id Tubun ak san dal tiri dan, pein sen kisaek mi ta itor imado na da, nek ago mi tamol dam sen kisaek mi ta itor imado na da. Tia, pein iñ tamol da sisem nug dubunawip dumado wa. ¹²Man dugo, wagam mok pein iñ tamol tinin aenta lo ilasa ya. Ak man gamu tamol iñ pein tinin lo ilasa da. Agod pein iñ tamol da sisem Anut banin lo dilasag dumado da, man dugo, iñ mel fidian idirai a. ¹³Añ añsem mel en abitinaep ale wa. Ak dugo, pein ta kabuñan kawan malak malak Anut igudani tap, an uyan ak i? ¹⁴Tamolpein aenta kagin a ilod lo uyan dubol dan, an dam ago ipiteñanad da. Man dugo, iñaned ilo sou lo, tamol ta gurman roun milaen mi tap, an iñsen miai ipani da. ¹⁵Ak man saen pein gurman roun milaen mi idu yau dop man, an mel ta siñaokan san mi a. Man dugo, iñanen gurman roun man, kabuñan ituani wo Anut iganeg ipani a. ¹⁶Ak man añ luluñam lo talpein ta ru kagin e ñurupaiañ den niñen mañ da nug mupei tap, gidad talpein an mel en iloñ uyan a, mañ kagin naon senamo ak ta mabi na da. Agod Anut san midaeñ aenta fidian dam ago mi digane da.

Tubun ak san anañ tani san ru

Mat 26:26-29; Mak 14:22-25; Luk 22:14-20

¹⁷Gamu ñai ru kagin taidam ñurupaiañ o da. Ak man añañem kagin naok naok a niñedi wo ñabol dan niñen o ñai ñupitiañañ san tia ya. Man

^a Grik sad tamol kagin lo man, pein iwod ad da yan yamel misilas san ak ate kabuñad dutuani gup, malak malak lo dutor a. ^b Grik sad tamol kagin lo man, pein iwon an da yak jeit kagin igane dan, iñ gurman roun didawi yau a, an lo dop pein an malak malak miai dupani wa.

dugo, saen aŋ atumani man aŋanem kagin saiak saiak a agane dan, kagin uyan ak agane dan iriŋani da. ¹⁸Malmalan talpein ru naok igo irupaiaŋ go ŋaloŋ a. Saen aŋ midaeŋ fidian mi apalu atumani dan, aŋ luluŋam lo gilek sensen dien da. An nag kitek rumok ago ilog rumok da. ¹⁹Mel en ŋai niŋen o ta ilog uraru na ya, pempem Anut san midaeŋ luluŋad lo gilek aenta dilasap yen a. Man dugo, kagin naok en lo kuai tem tile wak, enti aŋ luluŋam lo Anut ipitianai da, agod enti dam niŋen o ilon saian da. ²⁰Kulob a niŋen o ŋabol dan igo ya. Saen aŋ Tubun ak san anaŋ ani wo apalug atumani man, anaŋ a ani dan Tubun ak san anaŋ mok tia ya. ²¹Man dugo, tamolpein a gamugo dupalu yan aŋ aenta ta atitianai na da, tia, aŋ anen anen aŋsiganem anaŋ silei nam anig itout a. Talpein ta anaŋ tia imado yan imatigen a, ago dop aenta lukluk tinadi a. ²²Ak dugo, aŋ aŋsiganem ab lo ani aluk dop amado san tia i? Tia dugo, aŋ Anut san midaeŋ an mel kawan ak ilom isou di? Tia dugo, talpein a anaŋ ad tia yan miai apidinai o ilom ibol di? ŋai aŋsam kagin niŋen o dugo ŋabol o? Dugo, aŋ ŋupitianaŋ o? Tia geig a!

Jesus iŋ bret agod wain da iŋaneg megeloum ipidinai a

²³Dugo dugo tiganep, pasa tani taluk san dal man ŋurupaiaŋ la ya, Tubun ak sen kagin an ikubiai panag a. Tubun ak Jesus, tidom a lo ager banid lo digane yan, bret iŋane yabig, ²⁴Anut ilo uyan ru ipani la gug, yafuteg igo ibol, “Bret en ŋaineg tinig, ŋai aŋ niŋemi wo ŋiganeg idu ya. Aŋ igo agane dop ŋai ilom isou.” ²⁵Nek ago mi, anaŋ diani itout gug gab iŋane yabig igo ibol, “Gab en man kontrak foun ŋaisag dar lo ya. Saen en aluk dop ŋai ilom isou.” ²⁶Man dugo, saen dugo dugo aŋ bret en ani dop, gab en lo aluk dop, aŋ Tubun ak san mateŋ niŋen abol ilasa dop yaup saen iŋ imul ipalu wa.

²⁷An niŋen o man, talpein a kankan tia yak igo bret yani, tia, gab lo iluk dan, Tubun ak tinin, iŋanen dar an dam niŋedi wo aupasek igane da. ²⁸Fun an niŋen o talpein sen ikubiani ile la gup, murna bret yanip gab lo iluk a. ²⁹Man dugo, talpein ta imug ilon igirep Tubun ak tinin ta ile ilon na tap, yani iluk dan lo iŋsen tinin fo muruan tubun ak igane isuda wa. ³⁰An niŋen o aŋ luluŋam lo tamolpein aenta dabai amad tia ya, aenta subam ifu da, agod aenta dumat la ya. ³¹Ak man id imug sed ikubianad tile tap, Kristus bitinaek lo ta idirad na wa. ³²Gug aŋ mel en aloŋ uyan a. Rumok, idsad Tubun ak bitinaek lo idirad dugo bu ipanad da. Ak man iŋ id kududod yabi wo ago igane da, an lo dop saen iŋ tan en san tamolpein daoŋ ipidinai dan te id iŋ dida itumanad pe sisem ipitiŋinad san tia ya.

³³ŋai teig taog, fun an niŋen o kagin igo ari wa. Saen aŋ anaŋ ani wo apalup atumani man, gidad nug atitianip sisem anaŋ ani wa. ³⁴Talpein ta imatigen saian tap, gidad imug iŋsinan ab lo anaŋ yani gup ipalu wa. An lo dop aŋanem tumanek san nuŋon man, Anut ibitianaŋ pe muruan ipanaŋ san tia wa.

Aria, saen ŋai an̄sam na ŋupalu man ru kagin aenta dam ŋurupaian̄ a.

Urgun lou panek iwae panad da

12 ¹Ŋai teig taog, aŋ Awan Urgun san binawek ipanad dan niŋen o aŋaon̄ man ŋai ilog ta ibol na da. ²Aŋ alon̄ ak, saen aŋ wagam gob amado yan, aŋanem tamol kagin wagam an naom diraeg an lo tubud sewak adi a awad tia yan sad ubou ale se ya. Ago yan lo ur saian saian an aŋ diŋilian̄ go kagin uyan tia yan naon sensen dukubiai ale na ya. ³Amaiak niŋen o ŋai ŋurupaian̄ da. Talpein ta Anut anen Urgun lo Jesus imisilani san tia ya. Nek ago mi, talpein a igo ibol dan, “Jesus iŋ Tubun ak,” tamol amaiak Awan Urgun lo mi iŋiŋeŋ da. Man dugo, ur saiak ta ago ibol ilasa san tia ya.

⁴Aria, Awan Urgun tamol anen anen atem lou panek naon sensen ipidinaï da. Ak man Awan Urgun e binawek en iwae pidinaï den man kisaek a. ⁵Nek ago mi id anen anen atem dal wei mi sensen lo Tubun ak o urat ka tigane wa, ak man Tubun ak e iŋsan urat tigane den man kisaek a. ⁶Taida mi, Anut tamolpein anen anen biabi binawek naon sensen ipidinaï da, ak man Anut e tamolpein fidian ilod lo binawek en idirai dilasa den man kisaek a.

⁷Aria, Awan Urgun tuon man id tinid ilon lo walal isi dugo tile da. Ak man iŋ id anen anen atem dabai naon senamo ak ipanad da, an lo man id anen anen dabai a tiŋaneg tabi dan urat tupani wa, ago dop an lo id fidian sisem uyan tiŋane wa. ⁸Urgun san dabai log, talpein ta ru kankan milaen anda yak iŋane dugo, Urgun naon kisaek an lo mi, talpein sen ak ru maŋau anda yak iŋane da. ⁹Ta Urgun anen dabai lo ilo rumok tubun ak iŋane dugo, ta Urgun kisaek mi lo subam adi ikubuniaï san dabai iŋane da. ¹⁰Ta kulob girager naok naok igane san dabai iŋane dugo, ta profet ru ibol ilasa san dabai iŋane da. Ta ilon lo ur uyan ak ur saian ak itarpasai san dabai iŋane dugo, ta tamolpein sen ak sad muroud ru lo iŋiŋeŋ san dabai iŋane da. Agod ta iŋ muroun ru naok ago yan ilon̄ dugo fun ibol ilasa san dabai iŋane da. ¹¹Lou panek emaiak fidian man Urgun kisaek mi ipanad da, agod en iŋsen ilon ibol dak ate mi tamol kisaek kisaek iwae pidinaï da.

Tinik kisaek mi, gug tinik san boi wei mi a

¹²Tamol tinin kisaek a, ak man iŋsan ŋien, banin, tinin aenta dam fidian wei a. Agod tinin aenta an fidian dutumanig tinin kisaek mi ilasag yen da. Kristus dam nek ago ya. ¹³Man dugo, id fidian Ur kisaek mi nam suguek tiŋaneg, an lo tutumanig tinik kisaek tilasag tumado da. Gidad id aenta Juda, tia, aenta Juda tia yak, aenta urat bigabeg adi, aenta kawan tumado tator da, Anut id fidian Urgun kisaek mi lo taluk o ipanad a.

¹⁴Aria, tinid boi kisaek man tia ya, tia, tinid man boi wei mi a. ¹⁵Ak dugo, ŋai ŋieg igo ibol, “Ŋai banig tia ya, an niŋen o ŋai tinig en san boi

tia ya,” ago ibol tap, rumok, ij tinik an ijanen boi mok tia i? ¹⁶Tia dugo, kududo dam igo ibol, “Ŋjai malag tia ya, an niŋen o ŋjai tinig en san boi tia ya,” ago ibol tap, rumok, ij tinin an ijanen turan mok tia i? ¹⁷Tia, tinik an fidian malak mi tap, an niŋen o dugo woŋ ru ilon ak i? Tia, tinik an fidian kududok mi tap, dugo woŋ mumalun iwen ilon ak i? ¹⁸Ak man rumok, Anut ijanen ilon yen ak iri panim, tinid san boi anen anen atem ijaned abed kisaek kisaek ipidinaig dien yau a. ¹⁹An niŋen o tinid an gigin kisaek mi yen tap, tinid an nuŋon tia ya. ²⁰Amaiak niŋen o tinid anen boi wei mi a, ak man fidian dutumanig tinid kisaek ilasag yen da.

²¹Malad ij banid irupei, “Ŋjai on ŋamoi a,” ago ibol san tia ya. Nek ago mi kabuŋad dam ij ŋjed irupei, “Ŋjai on ŋamoi a,” ago ibol san tia ya. ²²Tia, tinid sad boi aenta a dabai an tia yak tabol dan, iŋsad urat tubun geig a, an lo tinid boi boi an ta dien na tap, tinid an imat a. ²³Tinid aenta man tile uyan san tia ya, an niŋen o tamol ij tinin an damag ipani da. Damag nam ibalfutani da, ago dop san leil man uyanan a. Agod tinid aenta man malak malak tile san tia ya, an niŋen o ij imiani uyanan da. ²⁴Ak man talpein tinin a leil lo uyanan an ij damag ta ipidina na da. Man dugo, dal an lo Anut tinid sad boi fidian itumanai a, tinid sad boi a leil lo uyan tia yan, yaŋad tisini da. ²⁵Anut kulob ago igane yan lo, gilek ta tinid lo yan ta yen na wa, an lo dop tinid sad boi fidian nug kagin dupani uyan a. ²⁶Fun an niŋen o saen tinin aenta an kisaek madai ile tap, tinin aenta dam muruan naon kisaek an disini wa. Agod fon talpein tinin ta kisaek niŋen o ilon uyan tap, tinin aenta an fidian ilod uyan a.

²⁷Aria, aŋ fidian man Kristus tinin, agod ijanen tinin san boi fidian man aŋsem mi a. ²⁸An lo man tamolpein fidian Kristus san midaeŋ ilon lo mi urat digane wa. Agod Anut urat tamol naon sensen itarpasai da. Malan te mok ij aposel adi ipilianai a, agod tinin te profet adi ipilianai a. Uraru an tinin te man girek maŋau adi, an patun fo man talpein a kulob girager urat digane dan, an patun fo talpein a subam dupasi yau san dabai ad da yan, talpein a tamolpein aenta dibinawai san dabai diŋane yan, tulek tamol adi, tia, pein tulek san dabai diŋane yan, agod murna geig man, talpein a tamolpein sen ak sad muroun ru ka diŋiŋeŋ a, ak man ru an fun ta duloŋ na wa. ²⁹Ak dugo, talpein Kris ak fidian aposel adi ak i? Tia, an fidian profet adi ak i? Tia, an fidian girek maŋau i? Tia, an fidian kulob girager ka digane wak i? ³⁰Tia dugo, an fidian subam digane itout san dabai diŋane yak i? Tia, an fidian muroun ru sensen ak fun ta duloŋ na yan lo ka diŋiŋeŋ ak i? Tia, an fidian ru naok ago yan san fun ka duloŋ pe dubol ilasa wak i? Tia geig a. ³¹Bar en fidian uyanan a, ago gug aenta uyanan geig a. An niŋen o aŋ tinim ŋutum lo bar a aenta diriŋanai dan aŋal pe urat apidina na san niŋen o yaes ifunaŋ a.

Ilo panek an mel malan te ya

Aria, ŋai gamu aŋ kagin dugon ij uyanan geig ak agane san ŋukubaiap ale wa.

13 ¹Ŋai tamol iŋ eŋel da sad balek sensen lo ŋiŋeŋ ka ŋigane wa, ak man ŋai ilo panek ag tia yak tap, ŋai nek ibol liliŋan tubun ak tamolpein kududod lo uyan tia yak, tia, dou ta a tamol isue saian dugo liliŋan kawan ilasa yau dak igo woŋ a. ²Ŋai profet ru ka ŋabol a, agod mel mianuk ak fidian fud ŋalorŋ uyan a, agod taida mi ŋai maŋau fidian amag da ya, agod ŋaisag ilo rumok lo mi ŋabol pe tan bubun ta isuk yaup asau mi itur a, ak man ŋai ilo panek amag tia yak tap, ŋai tamol kawan mi a. ³Ŋai ŋaisag filiag an ŋuwaep tamolpein a melmel amad tia yak diŋane wa, agod ŋai tinig en ager banid lo ŋiganep yai lo dimiriag a, ak man ŋai ilo panek amag tia tap, urat naon taidam ŋiŋane san tia ya.

⁴Ilo panek kagin iŋ muruan fidian isini da, agod ilo panek kagin dam tamolpein fidian ilon imuŋanai da. Ilo panek kagin iŋ malan ta isi na da, sen ta ipitiani na da, agod sen yaŋan ta yabisa na da. ⁵Ilo panek kagin iŋ kagin naok saian ak ta igane na da, iŋsen mi wo ilo sou ta igane na da, iŋ ririan ilon imasap ta tiŋaen saian na wa, iŋ muruan a tamolpein dupani an ta ilon isou na da. ⁶Ilo panek kagin san leil lo man, kagin saiak an ta bulbal na ya, tia, ru a rumok an niŋen o mi uyasuai iganep imado da. ⁷Ilo panek kagin man pempem aenta ibargiranai dugo, pempem ilon lo rumok da, agod pempem mala nouk imado dugo, pempem muruan lo itur sakar da.

⁸Ilo panek kagin pempem yen da, itout yau san tia ya. Ak man tamolpein gamu profet ru dubol ilasa bo man, murnap profet ru an itout yau a. Gamu talpein aenta tamolpein sen ak sad muroun ru lo diŋiŋeŋ dak gug fun ta duloŋ na da, ak man murnap kagin an itout yau a. Agod gamu aenta Urgun san dabai lo iŋ maŋau amad da ya, ak man murnap lou panek an itout yau a. ⁹Man dugo, gamu idsad maŋau ta idaisuda na ya, an lo id talorŋ ak man kitek uyan a. Taida mi, id profet ru mi kitek ka tabol ilasa wa. ¹⁰Ak man murna dop saen nal a lo mel fidian itaotan dilasap yen dan ipalu man, kagin a kitek itaot an fidian ditout diau a. ¹¹Saen ŋai nanuk tusag man, ŋai nanuk igo woŋ ŋiŋiŋeŋ se ya. Agod ŋai nanuk igo woŋ ilo sou ŋigane dugo ilog igire se ya. Ak man saen ŋai tamol tubug man, ŋai nanuk sad kagin ŋigane se yan fidian patug ŋupani a. ¹²Gamu man id ka abaŋ kitek tile da, nek ibol tig siŋaokan tia yak lo mitilaen kuai te ta tile na dak igo woŋ a. Ak man murna dop id Anut da nug naon tupanip nug tile wa. Gamu ŋai maŋau kititik amag da ya, ak man murna dop ŋaisag maŋau Anut niŋen o man idaisuda wa, nek ibol Anut sen ŋai ilorŋ uyanan ak igo woŋ a.

¹³Ago yak niŋen o mel utol en dien diau da, ilo rumok, mala nouk, agod ilo panek. Ak gug mel utol en luluŋad lo ilo panek mi iŋ malan te ya.

Profet ru iŋ balek sensen ak da

14 ¹Aŋ ilo panek san dal mi ari apani wa. Ak man aŋ dam urat wagai agane dop Awan Urgun san dabai lo binawek sensen

ipanaŋ an aŋane wa. Ak man mel malan te man aŋ Anut asumiani dop, profet ru abol ilasa san dabai ka ipanaŋ a. ²Man dugo, talpein ta tamolpein sen ak sad muroun ru lo iŋiŋeŋ dak gug, fun ta ilonŋ na dan, iŋ tamolpein aenta ta irupidai na da, tia, iŋ Anut mi irupeŋ da. Rumok, tamolpein ru an fun ta duloŋ na da, man dugo, iŋanen ur nam melmel a mianuk lo dien dan mi ibol ilasa da. ³Ak man, tamolpein ensauta a profet ru dubol ilasa dan, tamolpein aenta durupidai duloŋ da, an lo dop dabai dupidinaip, ilod diabisa dop didiraip bubed maror anda dumado wa. ⁴Talpein iŋ balek naon sen ak lo, ru fun ta ilonŋ na yak lo iŋiŋeŋ dan, iŋ mi sen ibinawi da. Ak man talpein a iŋsinan muroun ru lo profet ru ibol ilasa dan, iŋ midaeŋ an fidian ibinawai dugo iŋaned dabai nen igane isuda yau da. ⁵Rumok, aŋ anen anen balek ru sensen ak lo ka aŋiŋeŋ o ŋai ilog ibol da. Ak man gidad, ŋai ilog tubun geig ibol dak aŋ fidian ka profet ru abol ilasa wa. Talpein enti profet ru ibol ilasa dan, iŋ talpein a balek sensen ak ate iŋiŋeŋ dan iriŋani da. Ak man talpein balek sen ak lo iŋiŋeŋ dop fun dam ifulalep tamolpein kuai tem duloŋ tap, iŋ talpein a profet ru ibol ilasa dan da naon kisaek a, man dugo, iŋ dam midaeŋ fidian dabai ipidinai da.

⁶Aria, teig taog, ŋai aŋsam na ŋupalup balek ru sen ak lo mi ŋiŋiŋeŋ dop alonŋ tap, kagin an dugo woŋ ibinawaŋ ak i? Ak man ŋai mel ta ŋioŋamin lo Anut ikubiai panag an, tia, maŋau foun ak ta, tia, profet ru ta, tia, ru ta maŋau ipiteŋanaŋ dan ŋupanaŋ tap, kagin an mi nuŋon anda ya. ⁷Aŋ melmel e kumaed tia en, dum boi, tia, digadug boi, liliŋan digane ilasa dan niŋedi wo ilom isou wa. Talpein iŋ digadug ibali saian dop man digadug san liliŋan talonŋ uyan san tia ya, ago dop liliŋan an tamolpein ditari san uŋaon ipidinai a. ⁸Tia, talpein ta iŋ ager san dou bilaluŋ isue wa, ak man iŋ bilaluŋ isue saian tap, enti iŋ wagai yau san tawaŋ iganep imado wak i? ⁹Nek ago mi, saen oŋ balek ru fun ta ulonŋ na yak lo ŋiŋeŋ tap, en dugo woŋ tamolpein oŋane ru a ubol ilasa dan fun duloŋ ak i? Oŋane ru an nuŋon tia wa. ¹⁰Rumok, tan en lo man muroun ru wei mi dien da, ak man muroun ru fidian an luluŋad lo ta kisaek iŋ fun an tia yak ta yen na da. ¹¹Ago yan lo, gidad talpein ta muroun ru lo iŋiŋeŋ da, ak gug ru e ibol den fun ta ŋiŋane na tap, iŋsan leil lo ŋai nek ibol tamol gol ak igo ŋumado da, agod iŋ dam ŋaisag leil lo tamol gol ak igo woŋ imado da. ¹²Aŋanem tumanek lo kagin naok ago yan dam yen da. Amaiak niŋen o ŋurupaiaŋ da, aŋ fidian ilom tinim imasag, Urgun san lou panek aŋane wo ilom tubun mi ibol dan niŋen o, lou panek a aŋanem midaeŋ dibinawaip dabai ad da dumado wan mi aŋanep, tinim iŋanefute wo maeg aganep aŋane wa.

¹³Fun an niŋen o talpein iŋsan ŋiŋeŋ fun ta ilonŋ na yak lo iŋiŋeŋ tap, gidad iŋ Anut isumiani dop ru fun ilonŋ pe ibol ilasa san dabai an ipani wa. ¹⁴Man dugo, ŋai balek ru sen an fun ta ŋaloŋ na yak lo ŋugudani

tap, ɲaineg ɲutug mi igudani da, ak gug ɲaineg kankan an nuɲon an tia ya. ¹⁵An niɲen o en dugo tigane wak i? Saen ta man ɲaisinag ur san ilobol fom gudaneɲ ɲigane wa. Agod saen ta man ɲaisinag ilo sou lo mi gudaneɲ ɲigane wa. Nek ago mi, saen ta man ɲaisinag ur san ilobol fom bar ɲabi wa, agod saen ta man ɲaisinag ilo sou lo mi ru ɲaloɲ ak lo bar ɲabi wa. ¹⁶Ak dugo, oɲ balek ru sen ak fun ta uloɲ na yak lo Anut yaɲan wabisa dak tap, talpein a oɲsa midaeɲ lo gamugo iladu dan, oɲsa gudaneɲ an dugo ibinawi wak i? Iɲ oɲsa gudaneɲ iloɲ pe “rumok” ago ibol san tia ya, man dugo, gudaneɲ a gane dan fun iloɲ san tia ya. ¹⁷Rumok, dag oɲ Anut yaɲan wabisap ilo uyan pani uyan da, ak man oɲ talpein en ta binawi na da.

¹⁸ɲai Anut ilo uyan ru ɲupani da, man dugo, dabai a Anut ipanag an lo ɲai balek sen ak ate ɲiɲiɲeɲ dan, dabai a aɲ kagin kisaek an mi agane wo ipanaɲ an iriɲani da. ¹⁹Ak man gidad, saen ɲai tumanek lo ɲumado tap, ɲaisag ru en tamolpein aenta ipiteɲanai o ɲamat da. Fun an niɲen o gidad ɲai ru wei an tia tamolpein duloɲ uyan san an mi ɲufulale dop iɲ duloɲ a, kabelan balek ta lo ɲai ru wei mi ɲiɲiɲeɲ dop iɲ diɲaoɲ banau.

²⁰Teig taog, aɲ nanuk igo woɲ ilom ago isou yau dan amoi a. Aɲ nek ibol nanuk adi kagin saiak digane san ta duloɲ uyan na yak igo, aɲ dam kagin naok an lo uɲaoɲ am amado wa. Aɲanem kankan lo man, aɲ nek tamol busumak igo woɲ amado. ²¹Aisaia san girek lo tamolpein a Anut awan duparsisali se yan niɲedi wo irupaiad da. Anut igo ibol,

“Tamolpein balek sensen diɲiɲeɲ dan lo,
 agod tamolpein gol ak awad lo dam,
 ɲaineg tamolpein ru ɲurupidai a.
 Ak man gidad ɲai ago ɲigane bo man,
 iɲ ɲai awag ta diabi na wa.”

²²An niɲen o, balek sen ak tamolpein fun ta duloɲ na yan lo diɲiɲeɲ dan, Anut tuon kuai tem kob ta ilo rumok adi kulob an ta ikubiai pidinai na da, tia, kulob an man tamolpein a ilod lo ta rumok na yan iɲsad mi a. Ak man, profet ru an ilo rumok an tia yak iɲsad man tia ya, tia, profet ru an ilo rumok adi iɲsad mi a. ²³Amaiak niɲen o, saen midaeɲ dutumani man, tamolpein ilod lo rumok tia yak boi, tia, tamolpein maɲau tutubun tia yan boi, iɲ tumanek lo diladu dugo, aɲsam balek lo ru fun ta duloɲ na yak ate aɲiɲeɲ dop duloɲ tap, iɲ ilod lo aɲ ɲiɲeɲ burau agane dak ago dubol a. ²⁴Ak man saen aɲ fidian profet ru abol ilasa dugo talpein ta patun fo yak aɲsam tumanek lo ipalu tap, ru fidian e iloɲ den ilon issue dop iɲ kuai tem ile wak iɲ aupasek tamol. ²⁵Agod mel a buben ilon lo imianuk an fidian dutufulal pe walal te dien dop ile wa. An niɲen o iɲ yau idup Anut ubou an ile dop igo ibol, “Rumok, Anut aɲ da amado da!”

²⁶ɲai teig taog, gamu aɲanem tumanek lo kagin uyanan agane san niɲen igo ɲurupaiɲ da. Aɲ anek anek atem mel ka agane wa. Tamol ta

in̄ bar in̄ane ipalu wa, tamol ta pitejanek ibol ilasa wa, tamol ta in̄ Anut san na ru ilon̄ pe tamolpein irupidai dulon̄ a, tamol ta in̄ balek ru fun ta ilon̄ na yan lo in̄in̄e in̄ilasa wa, agod tamol sen ak in̄san ru an fun ibileksa da wa. An̄ kagin nek an̄ an̄sam midae in̄ dabai ipidinai o mi agane wa. 27 Saen an̄ lulun̄am lo tamolpein aenta ru fun ta dulon̄ na yak lo di in̄in̄e tap man, gidad amoip talpein uraru boi, tia, utol boi, ago ka di in̄in̄e a, subun̄an taida man tia wa. Agod in̄ sisem ta di in̄in̄e na wa, tia, ta imug in̄in̄e yaup itout gup, tinin te ta ibol ilasap, ago iri iri wa. Taida mi, talpein sen ak in̄sad ru ibileksa san dam imado wa. 28 Ak man talpein ta in̄ atna ru ibileksa san tia tap, in̄ tumanek lo ta di in̄in̄e na wa. In̄ Anut da ka di in̄in̄e ak, agod nek in̄sed ilod lo mi di in̄in̄e a.

29 Aria, saen profet adi midae in̄ durupidai dop man in̄ uraru boi, tia, utol boi ago di in̄in̄e a. Ago dop tamolpein aenta man kududod mi dugurep ru dubol ilasa dan dukubianip dile uyan a. 30 Ak man saen Anut in̄in̄e ta tamol in̄in̄e na yan ikubiai panip ibol ilasa tap, talpein a imug in̄in̄e an̄ imoip awan itau kisaek on̄ dop, tamol neinta an̄ ka in̄in̄e in̄ilasa wa. 31 Man dugo, an̄ fidian ka profet ru abol ilasa wa, ak man kisaek imug in̄in̄e itout gup, fon sen ta in̄in̄e da wa. Dal en lo an̄anem tamolpein fidian pitejanek uyanan di in̄ane dop, bused yabisap dumado wa. 32 Kabelan an̄ ilom lo tamol Anut awan ilon̄ dan ririan ru ibol ilasa dak ago abol banau, ago tia ya. Man dugo, Anut anen profet adi dabai ipidinai an̄ lo in̄sed in̄tudi ka ditirni wa. An̄ in̄in̄e o in̄ Anut awan dulon̄ an̄ ilod lo yen yaup in̄aned saen ilasa dan te gup, ru an̄ tumanek lo dubol ilasa wa. 33 Man dugo, Anut man in̄ sun̄un̄ek san Anut tia ya, tia, in̄ maror san mi a.

34 An̄sam tumanek lo pe in̄ in̄in̄e ta digane na wa. Man dugo, kagin naok ago yak panu panu midae in̄ aenta lo ago digane yau da. Man̄ in̄ tumanek lo di in̄in̄e man mamoi a. An̄ in̄in̄e o nek ibol kubiae in̄ ibol ak ago, in̄ iwod tamol ak paed na mi dumado wa. 35 Agod in̄ mel ta in̄in̄e o dumat pe dusumiai tap, in̄ dumul ab lo diau gup iwod tamol ak dusumianai dop ru an̄ fun durupidaip dulon̄ a. Man dugo, saen pe in̄ ta tumanek lo malak malak in̄in̄e tap, in̄sen miai ipani da.

36 Ak dugo, an̄anem tumanek in̄ aben a dugon te Anut san ru imug ilasa ya, an̄ rumok ak i? Tia dugo, Anut san ru panu panu aenta lo ta yau na ya, tia, an̄sam na mi yau a, an̄ rumok ak i? 37 Talpein ta in̄ ilon̄ lo in̄sen profet ak ibol, tia, in̄ ilon̄ lo Awan Urgan lo bar dabai ak in̄ane ibol tap, in̄ gidad mel en ile ilon̄ pe ilon̄ kisaek a, ru e in̄ai in̄gireg an̄sam na in̄ganep ipalu wo den man Tubun ak awan in̄gire da. 38 Ak man talpein an̄ ru e in̄gire den in̄in̄e o ikikai tap, an̄ in̄in̄e o saen in̄sen in̄in̄e man an̄ kududom ta agure na wa.

39 Aria, mel en in̄in̄e o in̄ai ru wadan in̄rupaian̄ da. An̄ ilom tinim imasap profet ru abol ilasa wan in̄in̄e o tubun mi amat a. Agod

tamolpein aenta balek ru fun ta dulon na dan lo dinjinen san an ta apadau na wa. ⁴⁰Ak man mel fidian agane dan an kagin itaot agod kagin uyanan ak lo mi agane wa.

Kristus imat go fon kumaen imasa da ya

15 ¹Ɔjai teig taog, gamu Ɔjai bilaluƆ uyan ak e imug Ɔjabol alon en ninen ilo sou Ɔnupanaj o Ɔamat da. BilaluƆ uyan en an banim afulaleg anane dugo bag an fufo ananem madok Kris ak aganeg dabai anda yen da. ²An ru a gubak mi Ɔfulale panaj an mi abi sakar tap, bilaluƆ uyan en lo Anut patum ipasip injilijan a. An ru an fidian abi yau dak i? Tia dop, ananem ilo rumok an kawan a.

³Mel fidian Ɔjai kududog ilon an Ɔnaisag leil lo malan te ya, an ninen o Ɔjai mel tutubu yan fidian an Ɔnurupaian a. Ɔjai igo Ɔjabol a. Ru ta Anut san buk lo yen dan iri panim, Kristus idsad aupasek isuas o imat a. ⁴Agog in disareg nal utol yau gug fon Anut mateƆ lo ifufuni yabisag kumaen ilasa da ya. Agod an dam ru ta Anut san buk lo yen dan iri panim nuƆon ilasa ya. ⁵Agog malmalan Pita naon na walal isi a, agog tinin te megeloum 12 an naod na dam kuai tem ilasa ya. ⁶Agog murna in fon walal isig malak malak dile ya, atna ilo rumok adi in dile yan sad sutek 500 irinani a. Tamol a in dile yan kisaek kisaek dumat la ya, ak man wei mi gamu dumado yau da. ⁷Murnag Jems san na ilasa ya, agog fon aposel fidian sad na dam ilasa ya. ⁸Agog murna geig man Ɔnaisag na ilasa ya. Ɔjai man nek ibol nanuk foun gamugo dugo tinan ririan igansi ak igo woƆ a, agog bo man Jesus sen ikubiai Ɔnile ya.

⁹Man dugo, Ɔjai Kristus san aposel aenta luluƆad lo yanag tia ya, agod Ɔjai yanag aposel dubol dan ta idaisuda na ya. Man dugo, Ɔjai Anut anen tamolpein Ɔnsubanai o Ɔkudai dugo muruan wei mi Ɔnupidinai se ya. ¹⁰Ak man Anut san ilo muƆanek log gamu Ɔjai inƆsan urat tamol mok Ɔnumado da. Agod taida mi, inƆsan ilo muƆanek Ɔjai ipanag an nuƆon ifu a, man dugo, Ɔjai urat wagai geig Ɔnigane se ya, an ninen o Ɔnaisag urat wagai Ɔnigane dan aposel aenta fidian sad urat irinani a. Ak man Ɔjai seg kisaek urat ta Ɔnigane se na ya, tia, Anut in Ɔjai da ya, inanen ilo panek an Ɔjai urat Ɔnigane wo dabai ipanag se ya. ¹¹Aria, gidad Ɔjai ru Ɔnurupaian go alon se ya, tia, aposel aenta ru dubol go alon se ya, ru a maƆ fidian murupaian go alon se yan naon kisaek mi ya, agod ru en ninen o mi an gubak mi ilom lo rumok a.

Tamolpein afon kumaed dumasa wak san ru

¹²Aria, maƆ Kristus mateƆ lo fon kumaen imasa da yan murupaian se yan rumok tap, en ata wo an luluƆam lo tamolpein aenta, tamolpein a dumat la yan in fon kumaed dumasa san tia dubol dak i? ¹³Kududom agure uyanan a. Tamolpein a dumat la yan fon kumaed dumasa san tia

yak abol man, an niĵen o Kristus dam kumaen ta imasa na ya. ¹⁴Ago yak niĵen o, Kristus fon kumaen ta imasa na yak man, maŋsama ru mufulale panaĵ se yan kawan a, agod aĵanem ilo rumok an dam kawan a. ¹⁵An lo man, taida mi ru a gubak mi Anut niĵen o mabol se yan ru sewak mi a. Fun an niĵen o Anut malan lo maĵ sewak tamol mi a, man dugo, maĵ gubak mi malak malak ru igo mabol ilasa se ya, Anut mi Kristus mateĵ lo ifufunig fon imasag gamu kumaen imado da. Gug tamolpein a dumat la yan fon kumaed dumasa san tia ya, an rumok tap, aria, Anut Kristus ta ifufunig fon kumaen imasa na ya. ¹⁶Man dugo, nek ibol ŋai gubak mi ŋurupaiaĵ ak ago, Anut tamolpein dumat la yan, fon kumaed ta idirai dilasa na dak man, iĵ Kristus dam mateĵ lo ta iĵane imul na ya. ¹⁷Aria, Kristus fon ta kumaen imasa na yan lo man, aĵanem ilo rumok an kawan a, ago tag Anut aĵanem aupasek ta ipare idu na ya. An lo murnap aĵ adeg au a. ¹⁸Taida mi, tamolpein a Kristus ilod lo rumok go dumat la yan, iĵ dam dideg diau a. ¹⁹Fun an niĵen o ŋai igo ŋurupaiaĵ da. Idsad mala nouk Kristus lo yan tan en lo mi ka ibinawad a, an rumok tap, man id buraurau geig a. An lo man tan en san tamolpein, rumok, tamolpein aenta ilod kitek imuĵanai a, ak man id niĵed o mi ilod tubun geig imuĵanad a.

²⁰Ak man Anut Kristus ifufunig yabisag fon kumaen imado dak, an ru rumok a. Kristus iĵ malmalan mateĵ lo kumaen imasa ya, kulob an lo idsad mala nouk an, tamolpein a gamu mateĵ lo ŋioĵ diabi dan murnap fon dumasap kumaed dumado wan, nuĵon ilasa wa. ²¹Nek ibol tamol kisaek mi lo mateĵ ilasa yak ago, tamol kisaek mi lo dam tamolpein a dumat la yan fon kumaed dumasa da wa. ²²Id fidian man Adam malan kubulan, an niĵen o id fidian tamat a. Nek ago mi, tamolpein a fidian Kristus lo dumado dan, Anut murnap ifufunaip fon kumaed dumasa da wa. ²³Ak man id anen anen atem idsad saen lo mi a. Kristus sen malmalan imasa la ya, agog iĵ patun fo, saen afon tan en lo imul ipalu dan, tamolpein a iĵsan an fidian fon kumaed dumasa da wa. ²⁴Murna gup saen wadan ipalu wa. Ak man saen an gamugo dop Kristus tamol gurman fidian, tamol yaĵad anda yak, agod dabai funfun an fidian iĵ ibiai dudu dop iĵ abed iĵane wa. Agod wadan geig man iĵ iĵsan tamolpein iĵal pe Taman Anut banin lo idirai a, ago dop Kristus sen iĵaned gurman imado wa. ²⁵Man dugo, Kristus mi tan en lo kiĵ imadop yaup, Anut Kristus san ager an fidian ibiai dudup Kristus ŋien paen na^c dumado wa. ²⁶Ager wadan Anut yabi idu man mateĵ. ²⁷Aria, rumok, Anut san ru igo ibol, “Anut mel fidian idiraig nanun ŋien paen na dien a.” Ak man ru an ago ibol bo man, id ilod itarpasi ak, ru an Anut

^c Wagam na saen tamol gurman wagai lo iĵanen ager tamol aenta ibiai idu dop man, saen iĵ sia kiĵ fo imasi dan te, iĵsan ager gurman an ŋien paen na imadog itokubol go ago yen a.

enti mel fidian idiraig nanun njen paen na dien an dam ituani man tia ya. ²⁸Tia, saen Anut mel fidian Kristus paen na idiri itout gup man Kristus sen Taman Anut paen na imado wa. Saen an lo Anut inſen mi malan te geig a, inſ mi mel fidian sad tamad imado wa.

²⁹Aria, tamolpein dumat la yan fon kumaen ta dumasa na wa, an rumok tap, tamolpein a talpein dumat la yan faſan lo suguek diſane dan, niſedi wo dugo tabol ak i? Tamolpein dumat la yak fon kumaen dumado san tia ya, an rumok tap, aria, ata wo tamolpein sen ak inſ faſan lo suguek diſane dak i? ³⁰Agod aſ maſ aſoſel adi niſema wo ilom isou wa. Ata wo nal fidian lo maſſema iginiama yai ided lo mau dak i? ³¹Teig taog, ſai idsad Tubun ak Jesus Kristus lo ſumado dugo aſ yaſam ſiſini da. Aria, ru an ru rumok ago tap, ru en dam ru rumok a, ſai nal fidian ſamat da. ³²ſai etna Efesas na tamol wei mi bor kaſik igo woſ dida nug mabi ſe ya. An tan en san mel mi ago tap, an dugo woſ ſai ibinawag ak i? Tamolpein dumat la yak fon kumaen ta dumasa na wa, an rumok tap, gidad ſai ka Anut ilog inſaſ pe igo ſabol a,

“Id gamu anaſ mi tani taluk dop tumado wa,
man dugo, gabulop id tamat a.”

³³Aſ ſem irawaſ amoi, saen aſ tamolpein sad madok uyan tia yak dida ator tap, inſ aſanem kaſin uyan an duſuſuſi wa. ³⁴Malam ipuk, aſanem kankan akubunep aſon aupasek ta agane na wa. ſai itaot ſurupaiaſ da, aſ aenta Anut aſaſ da, an aſanem miai.

Murnap id tinid naon dugo tiſane wak i?

³⁵Aria, tamol ta isumiaſ pe ibol, “Tamolpein dal dugo woſ kumaed fon dumasa wak i? Agod tinid naon dugo yak diſanep ate dupalu wak i?” ³⁶Oſ tamol buraſrau! Oſ uloſ ak, oſ mel patun pae dop man an ririan ta isa kiſaek oſ na wa. Tia, mel patun an imat gup a. Ago dop mel patun igo woſ yen yau san tia ya, tia, mel patun an sen tinin ibiliſa dop anaſ foun ak igo woſ isa wa. ³⁷Agod mel patun a oſ pae dan, murnap nuſon ago mi ſane san tia ya. Tia, oſ wit kubulan boi, tia, mel ta patun mi pae da. ³⁸Ago gug Anut inſinan ilon gubak mi dugo yen ak lo mi, mel an patun iſanep isa yaup tubun pe, iſaned naod ſensen atem itaot dilasa wa. Mel patun an tinid naon ſensen ipidinaſ da. ³⁹Mudan fidian tan en lo yan naon kiſaek man tia ya. Tamolpein tinid man ſenamo ya, bor goun sad tinid dam ſenamo ya, agod anakanak inſ iy da tinidi ſensen a. ⁴⁰Mel a keit fufo dien dan tinid muroun anda ya, agod melmel a tan na dumado dan dam tinid muroun anda ya. Ak man mel tan na dumado dan sad girager naon kiſaek a, agod mel lak na dien dan sad girager naon ſenamo ya. ⁴¹Ad man iſanen girager naon kiſaek a, ago gug kalam iſanen girager naon ſenamo ya, patui dam sad girager naon ſenamo ya. Agod patui anen anen sad girager an ſensen a.

⁴²Aria, saen tamolpein a dumat la yan fon kumaed dumasa wan, kulob naon nek ago yan ilasa wa. Tinid e imug tan na id tiñane emaiak tisarep igan a. Tinid foun ak a murnap tiñane wan iñ fon igan san tia ya. ⁴³Tinik tan en san iñanen leil lo man siñaokan tia ya, gug tinik murna san man siñaokan geig a. Tinik tan en san iñ dabai an tia ya, gug tinik murna san man dabai anda wa. ⁴⁴Gamu id tinid man tan en san mi a, ak man saen fon kumaen tumasa da wan, id kumaen panu anen tinik tiñane wa.

Tan en san tinik yen da, an rumok tap, kumaen panu san tinik dam yen da. ⁴⁵Fun an niñen o Anut san buk lo igo digire ya, “Tamol a imug mi ilasa yan, Adam, iñ tamol kumaen ak ago ilasag imado se ya.” Ak man Adam a murna geig amaiak, sen tinin ibileksag ur ilasag imado dugo, kumaen yen yau san ipanad da. ⁴⁶Kumaen panu san tinik imug ipalu man tia ya, tia, tinik tan en san mi malmalan ilasa ya. Ago gup tinik kumaen panu san ka tiñane wa. ⁴⁷Tamol a malan te geig ilasa yan, iñ tinin man tan gufgaf san mi a. Tamol a murna ilasa yan, iñ tamol kumaen panu san mi a. ⁴⁸Tamolpein a gamu tan na dumado dan, nek ibol tamol a imug mi tan na ilasa yak igo woñ ago dumado da. Nek ago mi, tamolpein a murnap kumaen panu na dumado wan, nek ibol tamol a kumaen panu na ipalu la yak igo woñ, dilasap dumado wa. ⁴⁹Gamu id tinid san leil man nek ibol tamol a imug mi tan na ilasa yan san leil igo woñ a. Ak man murnap, tamol a kumaen panu na ipalu wan, iñanen leil dugo yen dak ago, idaned leil foun an dam naon kisaek mi wa.

⁵⁰Teig taog, ñai ñurupaiañ da, tan en san tinid man Anut san kagin panek aben lo imado san tia ya, agod mel ta imat san, mel ta imat san tia yak iñanep yabi san ta idaisuda na ya, tia geig a. ⁵¹Kududom agurep ñai ru mianuk ta ñurupaiañ o da. Id aenta ta tamat na wa, ak man id fidian tinid ibileksa wa. ⁵²Mala ipuk ikilakil dan lo, mel en ilasa kisaek oñ a. Saen tour murna geig an ibob dop, mel an ilasa wa. Man dugo, tour ibob pe tamolpein a dumat la yan kumaen dumasa wa, agod iñaned tinidi fon imat pe igan san tia ya. Ago dop id a tan na kumaen tumado dan tinid ibileksa kisaek oñ a. ⁵³Man dugo, nek ibol id kulos foun ak tiñanep tidiri dak igo woñ, idsad tinid an ibileksap tinid foun ak imat pe igan san tia yan tiñane wa. Man dugo, mel a imat san an itout yau a, ago dop mel a itout yau san tia yan ilasap pempem yen yau a. ⁵⁴Saen idsad tinid foun ak ago ilasa dop man, awak aban Anut san buk lo yen dan nuñon ilasa wa. “Anut yu igane itout a, kulob an san dabai man mateñ ituñali pasik a.” ⁵⁵An niñen o id ka igo tabol, “O mateñ, oñ yu gane itout an san dabai dugon te yen dak i?

O mateñ, oñane buroi an dugon te yen dak i?”

⁵⁶Mateñ anen buroi man aupasek mi a, agod aupasek san dabai man Moses san kubiañ lo yen da. ⁵⁷Ak man id Anut ilo uyan ru tupani wa! Man dugo, iñ idsad Tubun ak Jesus Kristus lo idirad go yu tigane itout a, an lo man mel an fidian sad dabai tibiai dudu ya.

⁵⁸Teig taog, fun an niĵen o aĵanem ilo rumok lo atur sakar a. Mel ta idiraj pe ta asuk amul na wa. Aĵ pempem aĵsem ilom tinim fidian lo urat agane wo dan Tubun ak apani wa. Man dugo, aĵ aloĵ ak aĵanem urat wagai agane dan nuĵon ta ideg yau san tia ya.

Korint adi Jerusalem tamolpein o moni dutumani san ru

16 ¹Gamu űai aĵ moni atumanip Anut anen tamolpein Judea na dumado dan abinawai san niĵen o űurupaiaĵ da. Nek ibol űai midaeĵ Galesia tan lo dumado dan űurupidai ago mi aĵ dam ago agane wo űurupaiaĵ da. ²Ubou kisaek kisaek atem aĵsam urat naon moni an aenta sen gigin na adirip yen a. Tubun mi űane dop tubun mi pani wa, kabelan űane dop kabelan pani wa. Ago dop man saen űai űupalu dan te dop, aĵ fon moni o urat wagai ta agane na wa. ³Agod taida mi, aĵ tamol aenta fudi aloĵ uyan ak apilianai a, agod saen űai aĵsam na űupalu dan te gup, aĵsam binawek moni agane yan disinip Jerusalem na diau a. űai atna Korint na űupalu gup, tamol Jerusalem na diau an, girek banid te tiganep disini diaup, matu gurman Jerusalem na yan, aĵsam binawek agane yan fun irupidaip duloĵ a. ⁴Go űaiseg dam űau wo ilog ibol tap man tamol an űai luag disap mau a.

Pol ru kagin funfun Korint adi irupidai a

⁵űai Masedonia tan lo űaup űamul gup, afon aĵsam na űupalu wo ilog yen da. űai Masedonia na saen milaen ta űumado na wa. ⁶Agod saen űai aĵsam na űupalu dan, űai dap saen kitek milaen mi aĵ da tumado wa. űai tim tubun ipalu dan san saen lo tumado yaup tim itout ak boi. An lo saen idaisudap űai aben dugon te űau o űupiliani dan, binawek an ta űai onte űau san ka apanag a. ⁷űai gamu aĵsam na űupalup űiliaĵ o ilog ta ibol da, man dugo, űai aĵ da saen katukan mi ka tumado wa. Ak man Tubun ak ilon ibol tap, murnap űai aĵ da kitek saen milaen mi tumado wa. ⁸Gug gamu man űai igo Efesas na űumado yaup Judea lo Pentikos san tumanek nal ilasa wa. ⁹Man dugo, Anut űai dalawan ipasi panag an lo, űai iĵanen urat ka űigane uyanan mok a. Ago dugo ager tamol adi dam űaisag urat dututep itout o wagai digane da.

¹⁰Aria, saen Timoti aĵsam na ipalu tap, iĵ kagin apani uyan a, ago dop iĵ ata mel ta lo katukan dop, an niĵen ilon ta weiwei na wa. Man dugo, iĵ dam Tubun ak san urat nek űai űigane dak ago mi igane da. ¹¹An niĵen o aĵ luluĵam lo talpein ta Timoti iĵane wo ta imoi na wa. Iĵ abinawi uyan ak, agop maror lo mi aganep űaisag na ipalu da wa. Man dugo, űai iĵ malan űiganeg űumado da, agod iĵsan urat kisaek adi iĵ luan disag dida dutor dan dam malad űiganeg űumado da.

¹²Aria, űai gamu idsad teid Apolos niĵen űabol da. űai iĵ aĵsam na turan aenta luad isap dida dupalu wo űusumiani a, ak man iĵ imoi a. Murnap iĵsen nal ta kawan ak ile dugup ipalu wo ibol a.

¹³Tawan aganep amado wa. Ago dop anjanem ilo rumok Kristus lo yan mi lo atur sakar a. Ilom dabai anda amado dop dabai lo mi tamol mok amado wa. ¹⁴Urat biabi fidian agane dan ilo panek lo mi agane wa.

¹⁵Aria, an alon ak tamolpein a Stefanas san ab lo dumado dan, in distrik Akaia ilon lo malmalan ilod lo rumok a. In in sed ilod nam Anut san tamolpein dibinawaig urat digane da. ¹⁶Teig taog, fun an ninen nai nududuwan da, an tamol naok ago yan awad paen na amado wa Nek ago mi anjanem urat kisaek a fidian urat awan disini wo maeg digane dan dam awad paen na amado wa. ¹⁷Gamu saen en nai ilog uyanan da, man dugo, Stefanas in Fotunatas da agod Akaikas naisag na dupalu ya. Gidad an naom tia ya, an lo in naom dijaneg nai ilog diabisa ya. ¹⁸Tamol en nai ilo maror dupanag a, agod an dam dal nek ago mi dibinawan a. Fun an ninen o tamol naok ago yan, an yanad lak na asini san idaisuda ya.

Ru wadan

¹⁹Aria, midaen a distrik Esia ilon lo dumado dan fidian an ilo uyan dupanag da. Akwila in Prisila da Tubun ak yan an lo an dam ilo uyan dupanag da. Nek ago mi midaen a in sad ab lo dutumanig dumado dan, an ilo uyan dupanag da. ²⁰Ilo rumok adi etna Efesas na dumado den, an ilo uyan dupanag da. Saen an nug ale dop man, musuk gun ak nam nug ilo uyan apani wa.

²¹Nai Pol, gamu naiseg banig nam ilo uyan ru en nigireg an sam na niganeg ipalu ya.

²²An luluam lo talpein ta Tubun ak ninen o ta imat na tap, Tubun en talpein an tinin fo misilaneke iganep yen ak ago nabol da. O Tubun en, on palu!

²³Tubun en Jesus in anen ilo panek an da amado.

²⁴Jesus Kristus yan an lo naisag ilo panek an fidian nupanag da. Rumok.

2 Korint

1 ¹Ijai Pol, ñai Jesus Kristus san aposel, Anut ilon yen dan ago, id teid Timoti ñai da girek en migire ya. Mañ girek en añ Anut san midaeñ Korint na amado dan, agod tamolpein fidian a Anut idiraig gun dilasa yan Akaia provins ilon lo dumado dan dam, sam na girek en migane ipalu da. ²Anut a idsad Tamad an, iñ Jesus Kristus idsad Tubun en da iñaned ilo panek maror da añ ka dupanañ a.

Muruan saen lo Anut ilo maror ipanama da

³⁻⁴Mañ Anut, Jesus Kristus mañanema Tubun en Taman per mupani wa. Man ata wo, iñ gidad mañsama madai funfun an lo ilo maror ipanama da. Iñ ilo muñanek fidian san Taman, agod iñ maror fidian san Anut, an niñen o mañ muruan fidian mukubiani dan lo maror ipanama da. Nek fun amaiak niñen o ilo maror a mañ Anut lo miñane amaiak niñen o, tamolpein a madai naok funfun disini dan ilo maror naon kisaek an mupidinai o mañ idaisuda ya. ⁵Man dugo, nek ibol mañ Kristus da sisem iñsan madai tubun mi misini dan, nek ago mi mañ iñ da sisem iñsan ilo maror tubun mi miñane da. ⁶Tamolpein mañ ru añ lo mufulale dop an lo muruan dupanama tap, an ilasa san fun man, Anut ilo maror iñ patun pasek da añ ipanañ a. Agod Anut mañ dam ilo maror ipanama tap, nek ago mi mel an ilo maror añ dam ipanañ a. Saen añ madai a mañ misini dan ago mi asini dop an lo atur sakar dan lo, ilo maror amaiak ale wa. ⁷Mañ ago agane wo iloma yen da, agod mañsama kankan mel an san añ lo dabai anda yen da. Man dugo, mañ malon ak nek ibol añ mañ da sisem madai funfun tukubiani dak, nek ago mi ilo maror dam añ mañ da sisem tukubiani wa.

⁸Teig taog, añ mel en niñen ajaon o man mañ iloma ta ibol na da. Saen mañ Esia provins lo mumado dugo muruan tubun mi misini se ya. Mañ mukubiani ak ibol dibilama tan na madug duparfufaramag matur dabai san tia yak igo ya. An lo mañ iloma lo gamu en mamat dak ago mabol a. ⁹Rumok, mañ iloma lo ibol tamol kot lo itur go mateñ ile wo dubol ak igo ya. Kagin an ilasa yan fun man, mañsema wagama lo ta matur na wa, tia, Anut nek a talpein dumat ak ifufunaip dumasa den

mi tinima mupani wa. ¹⁰Inj materj saian geig ak sumeik mile wo dugo ipasama injiliama ya, agod inj nek ago mi igane yau a. Man dugo, mañ inj pempem patuma ipasi wo tinima inj mi mupani da. ¹¹An niñen añ dam añsam gudanek lo mañ abinawama wa. Añ wei mi añsam gudanek an Anut ilonj dop an lo mañ ibinawama wa. Ago dop tamolpein wei mi binawek uyanan Anut ipanama yan niñen o ilo uyan dupani wa.

Pol ilon san ilo girek ibileksa yak san fun

¹²Mañ malak malak ru en ka murupaianj a. Mañ tan en lo, agod añ malam lo dam kagin uyan ak mi migane na ya. Mañsama ru man rumok ago mi mañsama kagin naok naok dam gun a, man dugo, Anut kagin mi muri mupani se ya. Mañ tan en san mañau uyan uyan ak lo urat ta migane na ya, tia, mañ nek Anut sinan mañau a ipanama yan lo mi urat migane se ya. ¹³⁻¹⁴Girek e migireg añsam na migane ipalu den ta imianuk na ya. Tia, girek an añ asutip kuai tem ka alonj uyan a. Añ gamu mañ ta alonj uyan na ya, gug murna dop añ mañ alonj uyan ak ago iloma ibol da. Ago dop saen Jesus idsad Tubun en imul ipalu wan ante dop añ mañ yañama abisa wa, nek ibol mañ dam añ yañam mabisa wak ago ya.

¹⁵⁻¹⁶Ñjai añ niñemi wo ilog lo rumok ak añ mañ alonj uyan pe añanem tini ganei mañ lo agane wan niñen o, ñjai ilog igo yen a. Ñjai añsam na ñupalu gup murna Masedonia na ñau a, agod fon Masedonia ñjibiseip añsam na ñupalu da wa. Ago dop man mañ añ da saen uraru tumado wan niñen ilom uyan dop ñjai adinag pe Judea na ñau a. ¹⁷Dugo, saen ñjai ilog ago yen dan lo, ñjai baleg uraru i? Tia, ibol tan en san tamolpein ilo sou digane dan ago, inj awok dubol gup fon tia dubol dan ago ilo girek ñjigane di? Tia geig a. ¹⁸Añ Anut inñinanen ru iganuri dak ago alonj tap, añ ru e murupaianj den ru rumok an dam alonj a. Mañ “awok” inj “tia” da sisem ta mabol na wa. Mañ tamol naok ago yak tia ya. ¹⁹Ñjai Sailas da, agod Timoti dam, mañ añ naom na Anut Nanun Jesus Kristus niñen o mabol ilasa ya. Ak dugo, Jesus Kristus inñen nek ibol tan en san tamolpein igo woñ balen uraru lo ru ibol i? Inj tamol balen uraru san tia ya, tia, inj saen fidian mel uyan ak niñen o mi awok ibol da. ²⁰Man dugo, Anut san awak aban a ipanad an fidian Jesus Kristus lo nuñon dufug fidian idaisuda ya. An fidian niñedi wo Jesus “Awo” ibol da. Fun amaiak niñen o saen id Anut tugudani dop Jesus yañan lo “Rumok” tabol da. Agod kagin an lo id Anut yañan tabisa da. ²¹Gug Anut inñen mi Kristus lo añ mañ da sisem itumanad go ilo rumok lo kisaek tilasa ya. Agod inj id ipilianad a. ²²Inñsan Ur id ilod lo igane ya. Kulob naok en lo id inñsan mok ago kob ipanad a. Fun an niñen o saen inñsan Ur id lo yen dan talonj uyan dop man, id talonj ak id inñsan mok a.

²³Aria, ñjai Anut ñuwaginj dop ñaisag ru en ilonj pe isatuanag a. Ñjai Korint na ta ñupalu na yan san fun igo. Ñjai añsam naok naok aenta ñjile

yak ta itaot na ya, an niŋen saen ante ŋupalup aŋ muruan ŋupanaŋ man ŋamoi a. ²⁴Maŋ gurman igo milasap aŋsam ilo rumok mititiani wo man mamoi a. Tia, maŋ aŋ da sisem urat tigane dop an lo aŋsam yousai ilom lo awan isa wa. Aŋ Jesus ilom lo rumok an lo atur sakar o iloma ago ibol da.

2 ¹Ak man ŋai ilo sou igo ŋigane ya, ŋai fon aŋsam na ŋupalup an lo madai ŋupanaŋ o man ŋamoi a. ²Ŋai ilo uyan lo mi aŋsam na ŋupalu wo ilog ibol da. Ak ŋai ilo saiak ŋupanaŋ tap, ante talpein ta ŋai ilo uyan ipanag san tia ya. ³Ŋaisag girek imug mi ŋigire yan lo, aŋ aŋanem madok akubune wo ago ŋigire ya. Fun man saen ŋai aŋsam na ŋupalu wan lo, tamolpein a ŋai ilo uyan dupanag o ilog ibol dan iŋ ŋai ilo muruan an fon ta dupanag na wa. An niŋen o ŋai ilo sou igo ŋigane ya. Aŋ aŋanem madok akubunep itaot dop man, aŋ ŋai da sisem ilo uyan lo mi tumado wa. Agod ŋai ŋaloŋ ak aŋ ŋaisag ilo sou aganuri wa. ⁴Ŋai aŋ niŋemi wo ilog muruan ak, ilog saian go malag turon idu dugo girek imug an ŋigire ya. An san fun man ŋaisag girek an lo aŋ muruan ŋupanaŋ o ta ŋigire na ya. Tia, ŋaisag ilo muŋanek aŋ lo yen dan aloŋ uyan o ago ŋigane ya.

Pol midaeŋ aupasek adi ilod dupidinai o ibol a

⁵Dugo, ta aŋ luluŋam lo imug mi muruan ŋai ipanag ak i? Rumok a, ago gug ŋai o mi tia ya, tia, o kabel, ŋai ago ŋurupaiaŋ da, iŋ midaeŋ fidian o ilo muruan ipanaŋ a. ⁶Aŋ talpein an muruan apani yau o ta agane na wa, man dugo, midaeŋ iŋ muruan dupani la yan idaisuda ya. ⁷An niŋen o iŋsan aupasek aŋ apare idu dop lo ilon pasa ibol a. Kabelan ilo muruan tubun kasik lo ilon idu yaup malan isue saian geig banau. ⁸An niŋen aŋ igo agane wo ŋurupaiaŋ da, aŋ fon ilom apani mok a. ⁹Man dugo, ŋai aŋ ŋukubianaŋ go ŋiliaŋ a, aŋ mel fidian lo ŋai awag aganuri boi, tia boi, ago ŋaloŋ a. Ŋai girek a imug mi ŋigire yan san fun ago ya. ¹⁰Talpein a iŋsan aupasek apare idu yan, ŋai dam iŋsan muruan ŋupare idu wa. Agod muruan ta ŋupare idu na yak tap man, an Kristus naon na aŋ ŋibinawaŋ san o ago ŋigane ya. ¹¹Ago dop lo ŋai Satan naon dal ŋufou wa, kabelan iŋ dal ta kuai ipanip lo id irawad dop talpein an tipitiŋini banau. Man dugo, id iŋsan ilo sou saiak mianuk an taloŋ fufei a.

Kontrak foun ak san urat tamol adi

¹²Saen ŋai Troas na Kristus san bilaluŋ ŋufulale wo ŋupalu yan, atna Tubun ak iŋsan bilaluŋ ifurak pe yau san niŋen dalawan ipasi panag dugo ŋile ya. ¹³Ak man ŋai ilo maror amag tia ya. Man dugo, ŋai id teid Taitus niŋen o abanjaŋ ŋabi ak man atna ta ŋile na ya. An niŋen o ŋai Troas tamolpein an ŋubisawaig Masedonia tan lo ŋau a.

¹⁴Maŋ Anut yaŋan mabisa wa. Man dugo, pempem mi iŋ Kristus lo imug yau da, agod maŋsama ager fidian ibiai dudu yan niŋen o maŋ

yousai lo muri mupani da. Anut tamolpein maŋ lo ipitejanai dan lo, inŋsad maŋau Kristus niŋen o amaiak ibol mumalun siŋaokan ta bulbal ak igo woŋ igane ifurak pe gidigidad yau da. ¹⁵Man dugo, gidad maŋ tamolpein a Anut patud ipasi dan luluŋad lo matur boi, tia, ensauta a daoŋ lo diau dan luluŋad lo matur boi, Anut maŋ mumaluma iwen ilonŋ a, man dugo, maŋsama mumaluma man nek ibol Kristus mumalun igo woŋ a. ¹⁶Tamolpein a daoŋ lo diau dan maŋ mumaluma man ibol tamol imat la yak mumalun igo woŋ ago dubol da. Warou an mateŋ lo dudu diau a. Gug ensauta a patu pasek diŋane dan maŋ mumaluma nek ibol mel kumaen mok ak san mumalun igo woŋ ago dubol da. Warou an kumaen yen yau san an diŋane wa. Enti iŋ urat naok ago yak igane san idaisuda i? ¹⁷Maŋ man tamol aenta Anut san ru dufulale dop lo moni diŋane wo digane dan ago tia ya. Ilo sou mianuk ago yak maŋ lo tia ya. Tia, maŋ tamol nuŋon igo woŋ, Anut malan lo inŋsan ru mabol ilasa da. Urat an Kristus lo migane wo Anut ipilianama ya.

Aposel adi man kontrak foun ak san urat tamol

3 ¹Dugo, a fon maŋ fun migane gema yaŋama mabisa wo migane di? Dugo, maŋ ta idaisuda na yak i? Ago yak niŋen o aŋ girek ta maŋ Anut san urat tamol mok ago ibol dan apanama wo iloma ibol di? Tia, dag talpein sen ak girek naok ago yak ta dupanaŋ o iloma ibol di? ²Tia, aŋsem mi man, maŋanema girek ta kuai tem ibol da, an lo tamolpein aŋ diliaŋ dop duloŋ ak maŋ Anut san urat tamol mok a. Man dugo, girek an aŋ bubem ilon lo Kristus igire idu la ya, an lo tamolpein fidian dusuti dop aŋanem nao lalek dile duloŋ a. ³Aria, aŋanem kagin naok naok an tamolpein ikubiai dile ya, aŋ Kristus san girek igane ipalu yak igo ya. An gau nam igire yak igo tia ya, tia, an Anut a kumaen imado dan san Awan Urgan nam igire ya. Pat fo na ta igire na ya, tia, an aŋ ilom lo igire idu ya.

⁴Maŋ Kristus tinin log Anut tinima mupani da, an lo kagin an aŋ lo ago ilasa wa. Aŋ ago amado san iloma dabai a. ⁵Maŋsama man ta idaisuda na ya, agod mel ta maŋ tamol sama dabai lo migane ilasa yak ago ta mabol na da. Tia, Anut sen dabai ipanama yan lo ago ka migane wa. Fun amaiak niŋen o mi maŋ idaisuda ya. ⁶Inŋsen maŋ ipilianama go inŋsan urat tamol igo milasag, kontrak foun amaiak san urat migane da. Kontrak wagam an pepa roun fo digire ya. Ak gug kontrak foun an pepa roun fo ta digire idu na ya. Tia, an man Urgan san urat a. Kubiaeŋ a digire yan man iŋ tamolpein ifu dumat da. Gug Urgan man iŋ tamolpein kumaen ipidinai da.

⁷Saen Anut kubiaeŋ Moses ipani man pat fo igire gug ipani a. Kulob an girager tubun ak da ipalu yan lo, girager an san lilaman, rurek san, an Moses naon fo na yen a. Lilaman an niŋen o, gidad an kute ibol dak ago

bo man, Isrel adi Moses naon dile san dumoi. Aria, kubiaen man girager da ipalu bo man, kubiaen an tamolpein ifu dumat na ya. Kubiaen san saen ij man tamolpein dumat ak san saen mi a. ⁸Gug Awan Urgun ipalu la ya, amaiak niĵen o gamu en man Urgun san saen a, an lo kontrak foun ak san girager an lak na geig yau a. An niĵen o aĵ dugo ilom isou di? Dugo, kontrak wagam ak a tamolpein ifu dumat ak iĵsan girager an kontrak foun ak san girager iriĵani i? Man tia geig a. ⁹Man dugo, kontrak wagam an tamolpein idiraig dideg diau a. Ago bo man iĵsan saen lo girager tubun yen na ya. Amaiak niĵen o kagin itaot ak san saen e gamu yen den lo, nal en san girager amaiak nal imug ak san girager iriĵani a, agod lak na geig yau a. ¹⁰An niĵen o id tile yak, kontrak wagam ak girager aman da ya, ago gug gamu iĵsan girager an yau itout manonĵ a. Man ata wo? Kontrak foun ak san girager tubun geig an lo kontrak wagam an imiani da. ¹¹Man dugo, mel a kute ibol go itout yau amaiak girager da ipalu ya. An rumok tap, mel a pempem mi yen yau an, iĵsan girager man tubun kasik a.

¹²Amaiak niĵen o kontrak foun ak san girager pempem san niĵen o mala nouk tumado da, an niĵen o maĵ tamolpein malad lo matur dop ru mufulale wo ta marer na da. ¹³Maĵ Moses igo tia ya. Tia, ij yamel naon ibuluwig an lo dop Isrel tamolpein ij naon fo girager a kute ibol dan ta duloĵ na wa. ¹⁴Yamel an man Isrel tamolpein sad mitilaen igo ya. Gubak mi man Isrel ilod pat igo ya, an niĵen o Anut san ru diĵane wo dumoi a. Agod ij gubak mi igom gamu dam naod kisaek mi a. Saen ij kontrak wagam an san ru dusuti tap, yamel naon kisaek an nam duloĵ san kankan ibalfutani da. Ij gamugo yamel an dupasi a. Man dugo, saen ij Kristus diĵane dop yamel an Kristus ipasi yau a. ¹⁵Awo, wagam mi agog ipalug gamu en, saen ij Moses san kubiaen dusuti dop man yamel ta tareĵ igo wonĵ iĵsad uloĵ an ibalfutani da, an lo ata mel rumok an duloĵ san tia ya. ¹⁶Ak man saen talpein ibileksap Tubun en san na yau dop man, Tubun en yamel an ipasi yaup lo talpein an abaĵ ile wo uyanan a. ¹⁷Aria, Tubun en ij Ur, agod aben a Tubun en san Ur yen dan te man iĵsan tamolpein bigabeg urat tia kawan dumado da. ¹⁸Agod id ensauta a yamel malad ta ibalfutani na dan, id tig igo wonĵ Tubun en san girager id naod kapen fo yan isapudade dugo imul yau da. Ago dop girager ta san na tupalu dop girager subuĵan taidam san na tau da, nek ago Tubun en idirad pe tibileksa yau onĵ da, an lo iĵsen igo mi ago tilasa wa. Man dugo, kulob en man Tubun ak enti a Ur an, iĵsan nag ipalu ya.

Melmel siĵaokan geig ak bod saiak lo dien da

4 ¹Amaiak niĵen o maĵ urat e Anut san ilo muĵanek lo mabi den niĵen o, iloma ta idu na da. ²Maĵ kagin naok naok miai san an fidian gigin na midiri a. Maĵ raek kagin lo ta mator na da. Anut san ru

dam mukubuli wo mamoi da. Tia, maŋ Anut malan lo tamolpein naod na ru rumok ak mi mabol ilasa da. Ago dop lo tamolpein fidian iŋ maŋ tamol naok dugo yak niŋema wo ilo sou digane dop an lo dilep Kristus san urat an itaot mi migane da. ³Gug maŋsama bilaluŋ imianuk tap, an tamolpein a dideg diau dan iŋsad ilo sou lo mi imianuk a. ⁴Tamolpein an tan en san tubud Satan, iŋsad ilo sou yabi idu yan lo, tamol malad itau igo woŋ dilasa ya. An niŋen o lilaman iŋsad na ipalu dan dile san tia ya. Lilaman an man Kristus san girager, an bilaluŋ uyanan ak ilon lo yen da. Agod Kristus man naon Anut naon igo ya, ago gug an dile san tia ya. ⁵Maŋsema niŋema wo ru ta mabol na da, tia, maŋ Jesus Kristus niŋen o mi mabol ilasa da. Agod bilaluŋ e mufulale den man, Jesus Kristus iŋsen mi idsad Tubun a. Agod Jesus niŋen o maŋ man aŋanem urat tamol adi, nek an mi a. ⁶Wagam Anut igo ibol, “Tidom tubun ilon lo lilaman ta ided a.” Anut nek amaiak mi maŋ bubema ilon lo lilaman iganeg ided da. Lilaman an man, maŋ Anut san girager niŋen maŋau am da ya. Agod girager an san lilaman Kristus sen naon fo na ided dugo mile ya.

⁷Rumok, filian siŋaokan amaiak maŋ mabi da, ak man iŋ bod saiak ilon lo yen da. An Anut san ilo girek, an lo dop iŋ maŋ ikubiai panamap, dabai a tubun kasik an iŋsan mi, maŋsama tia wa. ⁸Muruan naok sensen dupanama da, gug ta duparfufarama na da. Mel saian wei mi marer san mile da, gug iloma ta idu na da. ⁹Maŋsama ager dukudama da, gug Tubun en ta ibisawama na da. Maŋ dufunama dibilama madu da, gug ta dipitiŋinama na da. ¹⁰Maŋ saen fidian Jesus san mateŋ an tinima lo misini mator da, ago dop man iŋsan kumaen an maŋ tinima lo tamolpein kuai tem dile wa. ¹¹Man dugo, saen fidian maŋsama tureŋ lo Jesus niŋen o mateŋ lo madu mau o dibilama se ya, an lo dop iŋsan kumaen an maŋ tinima tan en san lo kuai isi wa. ¹²Amaiak niŋen o, mateŋ maŋ lo urat igane dak, gug kumaen man aŋ lo urat igane da.

¹³Tamol ta Isrel sad bar lo igo ibol, “Ŋjai ilog lo rumok a. Amaiak niŋen o ŋai ru ŋabol ilasa ya.” Tamol a ŋutun lo ilo rumok yen dan ago mi maŋ dam iloma lo rumok an lo ru mabol ilasa ya. ¹⁴Maŋ malon ak Anut a iŋ Jesus Tubun en ifufuni yabisag kumaen ipani an, iŋsen mi maŋ dam ibiamasap, Jesus da sisem iŋiliamap, aŋ da sisem kumaen panu na tiladu dop, Anut naon na tatur a. ¹⁵Amaiak niŋen o muruan a fidian misini dan man aŋ ibinawaŋ o misini da. Agod saen Anut san ilo panek ifufurak yau dop tamolpein wei mi ilo panek an diŋanep per dupani dop lo iŋsan girager lak na geig isuda yau a.

**Aposel sad tinid man dabai itout, gug tinid
ilon lo dabai foun ak diŋane ya**

¹⁶Fun an niŋen maŋ iloma ta idu na da. Gidad maŋ tinima tan san en dabai itout ak, gug tinima ŋutun san man nal kisaek kisaek atem dabai

foun ak iḡane ipalu da. ¹⁷Man dugo, muruan e saen katukan mi yen san ak misini den man, girager tubun kasik bageu san ikubune panama da. Girager an pempem mi yen a, agod iḡanen tubun an tou mupani san maḡ ta idaisuda na wa. An niḡen o muruan gamu misini den an mel kawan mok a. ¹⁸Man ata wo? Maḡ melmel a kuai isi la yak meil o malama ta yau na da. Tia, melmel a meil san tia yan amaiak niḡedi wo mi iloma isou da. Man dugo, melmel e meil den man saen katukan mi dien a, ak gug melmel a meil san tia yan man pempem mi dien a.

Pol tinik foun ak san ru faḡan an ipidinai a

5 ¹Maḡ malonḡ ak tan en san ab gamu lo mumado den saian tap, maḡ ab sen ta Anut san na yak ka miḡane wa. Ab an tamol banin nam ta iḡane na ya, tia, ab an Anut sen ikubune panama ya, agod kumaen panu lo pempem yen yau a. ²Tan na maḡ tinaḡ lo mi mumado da, an niḡen maḡ tinima foun a kumaen panu lo yen dan miḡane wo yaes isofutanama da. An lo nek ibol kulos foun ak ituanama san igo woḡ, maḡsama tinik foun an miḡanep ilon lo mumado wo yaes ifunama da. ³Ago dop saen maḡ mamat dop maḡ ur tinin tia yak igo woḡ ta mator na wa. Tia, maḡ tinik foun ak kumaen panu san an mitabug pe lo mumado wa. ⁴Saen maḡ tan en san tinik lo mi mumado dop man, maḡ tinaḡ migane dop iloma isasau a. Ata wo maḡ ago migane di? Dugo, maḡ mamat pe ur tinin aman tia yak igo woḡ milasa wo iloma ibol di? Tia. Maḡ maḡsama tinik foun ak mitabug o iloma ibol da. Ago dop tan san tinik e imat san en itout yau dop lo, tinik a kumaen pempem san an, tan san en, aben iḡane wa. ⁵Mel e maḡ miḡane san man, Anut iḡsen mi kubunek lo idirama la ya. Agod iḡanen Ur an man, kumaen foun en san satuanek igo ya. Ur a ipanama yan lo maḡ rumok malonḡ ak mel en ilasa wa.

⁶An niḡen saen fidian maḡ sema iloma musatumani da. Agod maḡ malonḡ ak saen maḡ tinik en lo mumado den maḡ Tubun en san na asau mi mumado da. ⁷Man dugo, maḡ ilo rumok lo mi mator da. Maḡ mel mile malonḡ ak lo ta mator na da. ⁸ḡai ḡabol, maḡ sema iloma musatumani da, ago gug maḡsama gidad, tinima mibiseip Tubun en san panu na ida mumado tap man, an uyanan geig a. ⁹Kulob naok e maḡsama kob igo miganeḡ lo mau duman, maḡ Tubun ak ilo uyan mupani wa. Gidad maḡ tan en lo mumado boi, tia, kumaen panu lo mumado bo man, maḡ iḡ ilo uyan mupani wa. ¹⁰Man dugo, id fidian mi Kristus naon na bitinaek lo tatur a, ago dop id anen anen atem tan na tumado dugo kagin uyan saian tigane na yan atem naon tiḡane wa.

Maḡ Anut san nao ḡanek tamolpein

¹¹Amaiak niḡen o maḡ maḡsama rurek Kristus lo malonḡ uyanan an lo, tamolpein ilod miḡane da. Anut maḡ dugo yan ilonḡ uyan a, agod ḡai ilog

ibol dak aŋ dam bubem lo maŋ dugo yan aŋ aloŋ uyan a. ¹²Aŋ naom na fon sema kuai te idirama milasa wo ago ta migane na da, tia, aŋ maŋsama yaŋama asini san fun aloŋ o ru en mabol da. An lo man, aŋ ka tamol a iŋsiganed yaŋad niŋen o mi ilod isou dugo iŋaned ilodi niŋen o ilo sou ta digane na dan, ru naon uyan ak apidina i a. ¹³Ak dugo, maŋ niŋeŋ burau ak ta miŋiŋeŋ tap, an Anut o ago migane ya. Gug niŋeŋ itaot ak miŋiŋeŋ tap, an ibinawaŋ san a. ¹⁴Man dugo, Kristus san ilo panek amaiak maŋ ititianama da. Maŋsama ilo rumok man mel en rumok a, tamol kisaek mi tamolpein fidian sad abed iŋane wo imat a. Ago yan niŋen o tamolpein fidian sad madok wagam an lo dumat a. ¹⁵Ago dop tamolpein ensauta a kumaen dumado dan fon sed niŋedi wo ta dutor na wa, tia, iŋ Kristus a iŋ waged lo imat go fon kumaen imasa amaiak o mi dutor a.

¹⁶An niŋen o gamu saen e yau den, maŋ tamolpein tan en san ilo sou lo ago ta meil na da. Rumok, maŋ imug mi Kristus tan en san tamol igo woŋ mile ya, ak man gamu man fon ago ta migane na da. ¹⁷Fun an niŋen o talpein ta Kristus lo imado dak ago tap, Anut iŋ talpein an iganeg foun ilasa ya. Kagin a wagam iŋsan madok imug ak san an fidian ibisei a. Rumok nuŋon, iŋsan kagin wagam ak ibisei yau itout go iŋ foun ilasa ya. ¹⁸Kulob an fidian sad fun man Anut mi a. Iŋsen mi Kristus lo iŋsan turan muroun idirad a. Agod Anut iŋsen maŋ tamolpein maŋal dop iŋanen turan muroun midirai san urat migane wan, maŋ banima lo igane ya. ¹⁹Ijai igo ŋabol, Kristus lo Anut iŋ tamolpein a tan titin fidian lo dumado dan, iŋsan turan muroun idirai san niŋen o urat igane ya. Agod saen ago igane yan, iŋsad aupasek fidian gigin na idiri dugo an niŋen ilon ta isou na ya. Agod iŋ bilaluŋ e id ka Anut turan muroun tilasa san en maŋ ipanama ya, ago dop maŋ awama lo an mabol ilasa wa. ²⁰An niŋen o maŋ Kristus wagen lo iŋsan nao ŋanek tamol igo woŋ mumado da. Maŋ awama lo Anut tamolpein ilod iŋane wo ru ibol da. Amaiak niŋen o maŋ Kristus wagen lo mududuwaŋ dop, aŋ Anut da nug turan mok alasa wa. ²¹Kristus iŋsen aupasek ta igane na yak bo man, Anut id abed lo iganeg iŋ aupasek tamol igo woŋ ilasa ya. Ago dop id Kristus da tutumani an lo Anut san kagin itaot mok an id ŋutud lo ilasa wa.

6 ¹Amiaiak niŋen o, maŋ Anut da sisem urat migane dan niŋen o igo mududuwaŋ da, aŋ Anut san ilo panek an mel kawan igo woŋ ta aŋane na wa. ²Man dugo, Anut igo ibol,

“Saen a uyanan an lo ŋai oŋ awa ŋaloŋ a,
agod patu pasek san nal lo oŋ ŋibinawo ya.”

Aloŋ uyan, nal e gamu yen den man saen uyanan a, agod patu pasek san nal an man gamu en mi a.

Muruan funfun Pol isini se ya

³Maŋ talpein ta san dal mufou dop ŋien isuep yau idu man mamoi a, an lo aenta maŋsama urat ta dile saian na wa. ⁴Tia, maŋ Anut san urat

tamol mok an mi dal funfun en igo mukubiaig dile ya. Muruan lo iloma ta isali na yan lo, madai lo, tinima san melmel niŋen katuk ama yan lo, iloma irer dan lo, bu dupanama dan lo, ⁵subanek lo, abarŋ daorŋ digane san saen lo dufutanamag dububurŋanama yan lo, urat wagai lo, tawaŋ miganeg mumado yan lo, anaŋ o geg migane yan lo, ⁶kagin ikokan lo, maŋau lo, mos kagin lo, ilo muŋanek lo, Awan Urgun lo, ilo panek mok ak lo, ⁷ru rumok ak lo, Anut san dabai lo, kagin itaotan ibol wagai san mel banima won ak lo, ŋas ak lo dam, maŋ Anut san urat tamol mok an kuai tem mukubiaig dile se ya. ⁸Maŋ dipitianama dak, dibiama madu da. Maŋ yaŋama diabisa dak, maŋ yaŋama dipitiŋini da. Maŋ sewak tamol ago dubol da, ago gug man maŋ tamol nuŋon mi a. ⁹Maŋ ta duloŋ na dak ago dubol da, ago gug maŋ duloŋ uyanan da. Maŋ mamat manorŋ a, ago gug kumaen mumado yau orŋ da. Maŋ bu dupanama da, ago gug ta mamat na da. ¹⁰Maŋ iloma ipapao da, ago gug pempem yousai lo mi mumado da. Maŋ filiama tia ya, ago gug man tamolpein wei mi midirai filian tamol dilasa da. Maŋ mel amama tia ya, ago gug mel fidian maŋsama mi a.

¹¹O Korint tamolpein, maŋ bubema awan mupasi panaŋ go ru kuai tem murupaiaŋ da. ¹²Maŋsama ilo panek aŋ o yen dan ta mabituanina na da. Tia, aŋsem mi aŋsam ilomi maŋ niŋem o an abituani da. ¹³An niŋen o ŋai nek ibol tamol ta gamu nanuk irupidai dak igo woŋ igo ŋabol da, aŋ bubem awan apasip maŋ niŋema wo dam amat a.

Anut san ubou ab

¹⁴Aŋ tamolpein ilo rumok tia yan dida ta atumanip, urat agane na wa. En dugo, kagin uyan ak saian ak da sisem nug ka diganuri wak i? En dugo woŋ pe tidom iŋ adian da ka dutumanip nug turan igo woŋ dutor ak i? ¹⁵En dugo woŋ pe Kristus iŋ Satan da ka dutumani wak i? En dugo woŋ pe tamol ilon lo rumok ak iŋ tamol ilon lo ta rumok na yak da awad kisaek ak i? ¹⁶En dugo woŋ pe Anut san ubou ab iŋ ai pat sad mitilaedi da sisem ka dutumani wak i? Man dugo, id man Anut a kumaen imado dan san ubou ab. Anut sen igo ibol,

“Ŋai iŋ dadi mumado wak, iŋ luluŋad lo ŋator a.

Ŋai man iŋsad Anut, agod iŋ man ŋaisag tamolpein.”

¹⁷“An niŋen o aŋ tamolpein ilod rumok tia yan abisawaip sen alasa dop asau mi amado wa.

Tubun en ago ibol a. Mel nun anda yak ta abi na wa, ago dop lo ŋai ŋiŋiliaŋ pe ilog ŋupanaŋ a.

¹⁸Ŋai aŋanem Tamam ŋumado dop

aŋ ŋaineg nanug pein, nanug muroug amado wa.

Tubun en iŋ Dabai Geig ak ago ibol a.”

7 ¹O ŋai bubeg mok, id Anut san awak aban a tiŋane la yan niŋen o, id tinid lo, ŋutud lo, mel a iganep nun tilasa dan tusuas yau a. Ago

dop idsad rurek Anut lo yan idirad pe idsad kagin gun ak itaotan ilasa wa.

Korint tamolpein ilod ibileksa yan niñen o Pol uyan isusa ya

² Añ mañ niñema wo bubem awan apasi wa. Mañ talpein ta saian mupani man tia yak, mañ talpein ta malan musue man tia yak, mañ talpein ta mirawip iñsan mel magam man dam tia ya. ³ Iñai ru ago ñabol an lo, añ ta saian ñupanañ na da. Tia, ñai gubak mi añ man mañsama bubema buson ago ñabol la ya. Gidad mañ añ da sisem tamat boi, tia, añ da sisem kumaen tumado bo man, mañ añ niñemi wo tubun mi mamat yau oñ da. ⁴ Iñai añ niñem o ilog tubun mi rumok da, aenta naod na ñupitianañ na ya, ñai ilog añ niñemi wo tubun mi ipasti da. Iñai madai fidian lo añ niñemi wo yousai ilog lo iñanefute da.

⁵ Saen mañ Masedonia na mupalu yan, mañsama tinima en yaes ta ibal na ya. Aben fidian lo muruan ilasa se ya, tinima patun fo yak wagai mile se yak, agod tinima ilon lo yak rurek tubun mi yen se ya. ⁶ Ak man Anut a tamolpein ilod idu yak dabai ipidinañ dan, iñ Taitus iganeg ipalu yan lo mañ bubema dabai ipani a. ⁷ An man Taitus ipalu dak lo mi tia ya, tia, añ imug Taitus ilo maror apani an lo, iñ añ niñemi wo ilon ipasti a. Iñ ibol ak añ ñai aliag o ilom ibol da. Añanem ilo tinañ, añanem ilo panek ñai o dam niñen ibol dugo ñaloñ a. An niñen o añsam kagin an lo ñai ilog tubun mok uyanan a.

⁸ Gidad ñaisag girek ñigire yan ilo muruan ipanañ ak, gug ñai an niñen ilog ta saian na da. Rumok, ñai imug ilog saian a, gug gamu man tia ya. Man ata wo? Iñai kuai te ñile yak ñaisag girek an añ ilo papao ipanañ a, gug man an saen katukan san mi a. ⁹ Ak man gamu ñai ilog uyan da, ñai añ ilo papao ñupanañ ak o ilog ta uyan na da, tia, an fun man añ ibinawañ pe ilom abileksa wa. Anut sen ilo papao en añ lo ago igane ilasa ya, an lo mañ añ mel ta lo mala suek mupanañ man tia ya. ¹⁰ Man dugo, ilo papao a Anut talpein ta ilon lo igane ilasa dan lo talpein an iduduwp ilon ibileksa wa. Agod an man ilo muruan tia ya. Ak gug ilo papao a tan en san an tamol ta ibinawi na da, tia, iñ dal saiak lo itor yaup mateñ ile wa. ¹¹ Man dugo, añ ale uyanan a, ilo papao e Anut añ lo igane ilasa yen man kagin naok dugo yak añanem madok lo iganeg ilasa ya. Añ kagin uyanan lo atur ak, añ yañami akubune wo ilom yen dan, ru dabai lo añ “ago tia yak” abol dan, ilo urer ipanañ dan, mañ o yaes isofutanañ dan, kagin uyan ak dabai lo agane dan, añ añsem bu ipanañ da. Añ dal fidian lo mañ akubiai panama yan lo man, kagin naok naok a agane yan man uyanan mi a. ¹² An niñen o gidad ñai girek a imug ñigireg ñigane ipalu yan man, talpein a saian igane yan niñen o ta ñigire na ya, tia, talpein ta a muruan ile yan niñen o dam tia ya. Tia, girek ñigire yan lo Anut malan lo añanem kagin uyan ak mañ niñema wo dabai lo agane dan kuai te

ilasa dop ale wa. ¹³Amaiak niŋen o aŋsam kagin uyanan an lo maŋ ilo maror apanama ya.

Maŋ mi ilo maror lo ta mumado na ya, tia, saen Taitus san yousai mile yan maŋsama yousai lak na mok yau a. Man dugo, aŋ iŋsan ilo muruan a imug yen an niŋen o aganeg ilon pasauman. ¹⁴Man dugo, Taitus gamugo iliaŋ dugo ŋai iŋ naon na ŋupitiaŋaŋ a, an lo aŋ aŋanem kagin lo miai ta apanag na ya. Mel fidian a murupaiaŋ an man ru rumok a, nek ago mi maŋsama se pitianoŋ ru aŋ niŋemi wo Taitus naon na mabol an dam rumok a. ¹⁵Taida mi, saen iŋ aŋanem awa bek kagin agod arut arer san kagin lo iŋ aŋane yan niŋen ilon isou da, aŋ o tubun mi imat da. ¹⁶Ŋai yousai lo ŋumado da, man dugo, aŋ ŋai awag ari apani an ŋaloŋ fufeŋ a.

Korint adi Kris Judea na yan moni lo dubunawai a

8 ¹Teig taog, maŋ aŋ dal dugo lo Anut san ilo panek an Masedonia midaeŋ luluŋad lo kuai isi ak aloŋ o iloma ibol da. ²Man dugo, iŋ muruan tubun geig ak lo diladu yan man bubed ibitinae a. Iŋ bo filiad tia ya, ago gug iŋsad yousai bubed lo yan tubun geig go iŋ tamolpein aenta dibinawai o ilod yen a. ³Ŋai malag lo ŋile yak niŋen ŋurupaiaŋ da, iŋ iŋsed ilod nam moni sapta a urat aman tia yan dupani wo dutumani a. Agod moni nen isuk isuda geig dutumani a. Kulob an iŋsinad ilod ibol ak fo mi digane ya. ⁴Saen wei mi maŋ dalawan mupasi pidinaŋ dop lo, iŋ Jerusalem san Kris tamolpein dibinawai san urat awan ka digane wo, ilo panek lo maŋ sumiaek dupanama ya. ⁵Maŋ iŋ niŋedi wo marut a, man dugo, iŋsinad ilo sou uyanan ak maŋsama iriŋani a. An lo malan malan iŋsed tinidi Tubun en dupani a, ago gug murna Anut ilon yen dan ate iri panim maŋ banima lo dupalu ya. ⁶An niŋen o maŋ Taitus ru kagin igo murupeŋ a. Wagam iŋ ilo panek urat an aŋ luluŋam lo fun igane la yan niŋen o, gamu iŋ dam aŋ luluŋam lo ipalup urat awan an igane itout a. ⁷Aria, aŋ mel fidian lo aenta ariŋanai da, ilo rumok lo, ŋiŋeŋ lo, maŋau lo, kagin nuŋon ak lo, agod maŋ o amat dan lo dam mi a. Fun an niŋen o kagin aganep ilo panek urat en lo dam aŋ aenta ariŋanai a.

⁸Ŋai aŋ ago agane wo ru kagin ta ŋupanaŋ na da, tia, tamolpein aenta iŋ binawek naon kisaek dupani wo ilod yen da, an niŋen o ŋai aŋanem ilo panek kagin an mel mok boi, tia yak boi, ago ŋibitinae ŋile da. ⁹Man dugo, aŋ Jesus Kristus idsad Tubun en san ilo panek kagin ale aloŋ la ya. Iŋ bo filian tamol a, ago gug man iŋ aŋ niŋem o filian tia yak ago ilasa ya. Ago dop iŋ filian tia yak niŋen o man aŋ filian tamolpein alasa wa.

¹⁰Anaŋar imug ante aŋ imug fun aganeg moni atumani a. An mi tia ya, tia, saen an lo dam kulob an agane wo aŋ ilom bubem fidian imasa ya. Aria, ŋaisag ru kagin nek igo ya, gamu en urat an agane itout a. Aŋ ago agane tap, an aŋ o nek uyanan a. ¹¹Aŋ imug mi urat en fun agane san niŋen ilom tubun mi imasa ya. Amaiak niŋen o aŋanem ilo masak

imug ak iri panim, gamu nek ago mi maeg agane dop urat an agane itout a. Gidad aŋ filian tubun ak amam tia bo man, aŋsam filian a yen dan kabelan mi lo ka abinawai a. ¹²Man dugo, aŋ abinawai o tawaŋ agane tap, Anut malan lo uyanan a. Ak dugo, tamol ta iŋ ka filian a ta yabi na dan ate mel ta iŋanep ipidina ak i? Man tia ya. Filian nek a yabi dan lo mi ibinawai o Anut uyan ipani wa. ¹³Aŋ muruan tubun mi asini dop an lo tamolpein aenta aŋsam filian lo dumado uyan o ŋai ago ta ŋabol na da. ¹⁴Tia, igo ŋabol da. Gamu saen en lo aŋ mel amam da ya, an niŋen o aŋ teim taom katuk amadi an abinawai a. Ago dop man saen aŋ katuk amami dop iŋ naon dibinawaŋ a. An lo man dal naon kisaek mi id fidian o ka yen da. ¹⁵Ru e girek lo yen den igo ibol, “Talpein a anaŋ tubun mi itumani an anaŋ wadan ta yen man tia ya, ago dugo talpein a anaŋ kabelan itumani an iŋ anaŋ lo ta katukan na ya.”

Pol tamol idinaig Korint na diau a

¹⁶Ŋai Anut ilo uyan ŋupani da, man dugo, iŋsen Taitus ilon yabisa ya. Ago tag, nek ibol ŋai aŋ niŋemi wo ilo sou ŋigane dak igo woŋ, ago mi iŋ dam aŋ niŋemi wo ilo sou igane da. ¹⁷Iŋ aŋsam na ipalu da wo musumianig an uyan ibol a. Ak man iŋsen dam urat en igane wo ilon tubun mi yen a, an niŋen iŋsen ilon ibol ago mi ipalup iliaŋ a. ¹⁸Maŋ id teid ta mipiliani ak iŋ da dupalu wa. Iŋ man kamaŋ tamol, ubou ab fidian lo Anut san ru uyanan ifulale fufei da, an niŋen o yaŋan diabisa da. ¹⁹Agod an mi tia ya. Tia, iŋ midaeŋ fidian dipilianig maŋ da moni a ilo panek lo dutumani dan miŋane mitiliani da. Urat migane dan lo Tubun en yaŋan mabisa da, agod maŋanema ilo muŋanek kagin tamolpein malad lo kuai te migane ilasa da. ²⁰Maŋ tamolpein binawek tubun mi digane yak banima lo yen da. Moni an kagin mupani uyanan ak niŋen o talpein ta patuma fo uf igane man mamoi a. Fun amaiak niŋen o maŋ teima en migane Taitus ida dupalu wa. ²¹Maŋ Tubun en malan lo kagin uyan ak mi migane wa, agod Tubun en malan lo mi tia. Tia, tamolpein malad lo dam ago migane wa.

²²Agod maŋ teima taida midini ak iŋ dam dida dupalu da. Saen wei mi iŋ urat fidian lo mibitinaeg mile yak iŋ urat igane wo ilon tubun mi yen da. Iŋ binawek kagin e agane den ilon uyanan a, agod iŋsan ilo rumok aŋ o man tubun geig a. An niŋen o gamu urat en igane wo ilon tubun mi yen da. ²³Aŋ Taitus alon la ya, iŋ ŋai turag, iŋ ŋai da urat naon kisaek migane dan lo aŋ mubunawaŋ da. Maŋ teima uraru en man midaeŋ sad nao ŋilaŋal tamol, iŋsad urat awan lo dam iŋ girager Kristus dupani da. ²⁴Fun an niŋen o midaeŋ fidian naod na aŋanem ilo panek kagin an akubiaip dile wa. Taida mi, maŋ gubak mi tamol en naod na aŋ yaŋam mabisa ya. Aria, maŋsama ru aŋ niŋemi wo nuŋon ilasa yan aŋ gamu akubiaip tamol uraru en dile wa.

Korint adi Anut san tamolpein niḡedi wo binawek digane wa

9 ¹ḡai binawek e Jerusalem tamolpein o atumani den niḡen ru milaen mi ta ḡigire na wa. ²Man dugo, ḡai ḡaloḡ ak aḡ urat en agane wo tawaḡ amado da. An niḡen o ḡai Masedonia tamolpein naod na aḡ yaḡam ḡabisa da. ḡai igo ḡurupidai, “Anaḡar inug ante Akaia tamolpein binawek an digane wo tawaḡ diganeg dumado na ya.” An niḡen saen aḡ dam binawek an agane wak ago duloḡ an, Masedonia wei mi ilod yabisag iḡ dam binawek an digane wo tawaḡ dumado ya. ³Ak man ḡai teig taog ḡidinaig dupalu dan iḡ abaḡ dukubiani dile dop, an lo maḡ awama lo yaḡam mabisa dan ru kawan igo ta dile na wa. ḡai tamol amaiaḡ aḡ urat en agane wo tawaḡ aganeg amado dan ago ḡurupidai a. Aria, nek ibol ḡai ḡabol ago mi aḡ agane wa. ⁴Kabelan Masedonia aenta ḡai dadi mupalup aḡ mala nouk ta agane na yak ago diliaḡ dop, an lo maḡ miai ifunama banau. Miai tubun mi aḡ sem ipanaḡ an niḡen o, ru ta ḡabol san tia ya. ⁵An niḡen o ḡai teig muroug en ḡidinaip dunug aḡsam na dupalu wo ago ilo sou ḡigane ya. Iḡ aḡ dibinawaḡ pe binawek agane wo abol la yan, san melmel sisem atumani wa. An lo saen ḡai ḡupalu dop man tamolpein malad ipalup aḡ ilo uyan lom binawek agane yan dile wa. Kabelan tamolpein an maḡ aḡsam filiam atumani wo mududuwaḡ dak ago dubol banau.

⁶An niḡen aḡ ilo isou agane uyan. Talpein anaḡ kabelan ipae an nuḡon kabelan iḡane wa, agod talpein anaḡ tubun mi ipae an nuḡon tubun mi iḡane wa. ⁷An niḡen o aḡ fidian ilo sou agane wo uyan gup, mel dugon binawek agane man ago agane wa. Kabelan talpein ta ilon muruan anda mel iḡane banau. Tia, kabelan iḡ mel iḡane wo disisiḡanid ibol banau. Man ata wo? Anut iḡ talpein a buben ḡutun fidian lo mel ipani wo ilon yen dan niḡen o imat da. ⁸Anut iḡ aḡ mel naon dugon niḡen amat dan fidian ka ipanaḡ san idaisuda ya, an lo aḡ mel fidian idaisuda wa. An niḡen o saen fidian aḡ mel amam da amado wa, an lo urat uyan ak fidian lo binawek tubun mi aḡ ka agane wa. ⁹Anut san ru girek lo ago ibol, “Anut san talpein binawek wei mi iwae da,

iḡsan binawek dufurak go tamolpein filiad tia yan diḡane ya;
iḡsan kagin itaotan ak pempem mi kuai tem yen yau a.”

¹⁰Anut iḡ tamol anaḡ ipae dan anaḡ kubulan ipae wo ipani da, agod iḡ dam anaḡ taidam tamolpein diani wo ipidinai da. Iḡ iḡanep aḡanem kubulam wei mi igile wa. Ago dop lo aḡanem kagin itaotan an tubun geig a, nek ibol tamol anaḡ ipaeg nuḡon pempem ifu dak ago mi wa.

¹¹Anut dal fidian lo filian tubun mi ipanaḡ a, ago dop man melmel fidian lo nek ibol Anut banin ibiseid ago mi aḡ dam banim abisei wa. Ago dop tamolpein wei mi aḡsam binawek maḡ banima lo diḡane dan lo Anut ilo uyan tubun mi dupani wa.

¹²Man dugo, an̄sam binawek urat agane dan lo Anut anen tamolpein abinawai uyanan a. An mi tia ya, tia, an̄anem ilo muñanek kagin dile dan lo ilod yabisap Anut ilo uyan tubun mi dupani wa. ¹³An̄sam binawek urat Kris adi Jerusalem na dumado dan niñedi wo agane dan lo, tamolpein an̄ dukubianan̄ dilian̄ a, agop in̄ malad ipalup an̄sam kagin itaot an kuai te ilasa dop dile wa. An lo in̄ duloñ ak an̄ bilaluñ a Kristus niñen ibol dan an̄ane mok a, an lo in̄san ru an aganuri da. An̄sam binawek tubun mi in̄ lo agod tamolpein sen ak lo agane yau dan lo in̄ Anut yan̄an diabisa wa. ¹⁴An niñen in̄ ilod bubed fidian an̄ dupanan̄ dop an̄ niñemi wo Anut dugudani wa. Man dugo, in̄ duloñ ak Anut san ilo panek senamo geig ak an̄ ilom lo awan isa ya.

¹⁵Id bubed n̄tud lo Anut ilo uyan tupani wa, man dugo, in̄san lou a kawan ipanad an tubun geig a, an niñen o id tiñin̄eñ san tia ya.

Pol in̄san aposel urat niñen o targiranek ru ibol a

10 ¹Tamol aenta n̄ai ai dupanag go ago dubol, “Saen Pol id da tumado yan in̄sen yabi idu ya, gug saen id ibisawad go asau mi imado yan in̄ ru dabai nam irupaiaid da.” Ak gug n̄ai Pol, n̄ai nek ibol Kristus in̄sen yabi idug mos nam kulob igane ago woñ, n̄ai an̄ ru e mos nam n̄rupaian̄ den aloñ uyan o n̄sumianan̄ da. ²Saen n̄ai an̄sam na n̄upalu dop, aenta an̄ luluñam lo dumado dan ru dabai nam n̄upidai o ago n̄ai ilog ta yen na da. Amaiak niñen o an̄ kagin agane wa, man dugo, n̄ai tamol a in̄ n̄ai tan en san tamol sad ilo sou lo urat n̄iganed dubol dan ru dabai nam n̄rupuidai dop dudu diau a. An niñen o n̄ai igo n̄rupaian̄ da, an̄ ru naok ago n̄upan̄an̄ o n̄ai ta asodudunag na wa. ³Man dugo, mañ bo tan en lo mumado mator da, ago gug man mañ tinima tan en san bunun lo ago wagai ta migane na da. ⁴Man ata wo? Mañ yu dumui nam wagai migane dan tan en san tia ya. Tia, mañsama yu san biouñ man Anut lo mi dabai geig a, ago dop lo mañ ka ager sad abed dabai dabai ak murube wa. ⁵Mañ tamolpein sad ilo sou mibilai dudu da. Ilo sou a sed ibiaisa dop lak na isuda yau dan lo tamolpein Anut duloñ san dal dufou dan fidian murube da. Agod mañ tamolpein sad ilo sou fidian mufutanig Kristus mi awan paen na midirai diau a. ⁶Mañ an̄ malam migane da. Malan malan an̄ Kristus awan paen na amado mok tap, an̄sam awa yabek kagin an̄ an̄ idaisuda wa. Saen ante mi gup mañ tamolpein awa parsisalek digane dan muruan mipidinai o tawan̄ miganep mumado wa.

⁷An̄ mel nek a kuai te yan mi ale da. Tamol ta an̄ luluñam lo in̄ Kristus san tamol mok ibol tap, mel en niñen fon ilon isou uyan a. In̄ Kristus san ibol tap man, mañ dam nek in̄ ibol ago mi a. ⁸Tubun en sen mañ an̄ mupitiñinan̄ o yan̄ak ta ipanama na ya, tia, mañ an̄ dabai mupan̄an̄ o ago igane ya. Ago dop n̄ai se pitianoï ru an kitek tubun mi niñin̄eñ tap, ru an niñen o miai ta ifunag na wa. ⁹Dugo, n̄aisag girek e n̄gire den lo

aŋ rurek ŋupanaŋ ak ago abol di? Tia mok a. Ilo sou ago agane dan ŋai ŋamoi da. ¹⁰Man dugo, tamolpein aenta igo dubol, “Pol san girek an ru dabai funfun lo igire ya, ago gug saen iŋsen ipalup id luluŋad lo ru ifulale tap, iŋsan ru an dabai aman tia ya, agod iŋsan ŋiŋeŋ man kawan a.” ¹¹Talpein ru ago dubol dan iŋ ilo sou ta digane uyan na da. Man dugo, saen maŋ asau mi mumado dan, kagin naok a dugo migane san niŋen maŋsama girek lo mabol dan, saen maŋ aŋ da tumado wan kagin naon kisaek an mi migane wa.

¹²Tamol a aŋanem leil lo yaŋad aman da yan niŋedi wo, maŋ man tamol naok ago yak tia ya. Kabelan maŋ yaŋak ago yak miŋane banau o marer da. Iŋ dag tamol tutubu boi, man dugo, sed ipitianai dugo sed yaŋad diabisa da. Ak gug nek iŋsed yaŋad diabisa ago mi, maŋsama yaŋama mabisa san tia ya. Tamol naok ago yak dugo woŋ sed ikubianai di? Iŋ iŋsedi lo nug dukubiani dile da, iŋ iŋsedi lo dam sed tou amad diabi da. Talpein ago digane dan maŋau amad tia mok a. ¹³Ak gug maŋ tubun mi sema ipitianamap, lo tom a Anut maŋ o igane yan ta mabi-riŋani na wa. Tia, tom an ilon lo mi mumado yau a. Agod aŋsem tom a Anut igane panama yan patun fo ta amado na da, man dugo, Anut sen idiramag iŋsan urat migane wo aŋsam na mupalu ya. ¹⁴Anut urat awan ipanama yan aŋ dam ituanan a, an niŋen saen maŋ aŋ luluŋam lo ru mufulale yan tom a Anut ipanama yan ta mabi-riŋani na ya. Tia, maŋ mi malan mamug go bilaluŋ uyanan a Kristus niŋen ibol dan mufulale wo aŋsam na mupalu ya. ¹⁵Maŋ tamol aenta sad urat awan niŋen o sema ta ipitianama na da. Man ata wo? Maŋ maŋsigama ar ilon lo mi mumado dugo mator se ya. Ago gug maŋ iloma igo yen da, saen aŋsam ilo rumok italbusi dan maŋsama urat awan a aŋ luluŋam lo yen dan dam itufulak pe yau a. ¹⁶Maŋ tan titin aenta aŋ patum fo dien dan, ante dam bilaluŋ uyanan Kristus lo yan niŋen ka mabol ilasa wa. Maŋ tamol sen ak san silali naon niŋen o sema ta ipitianama na wa. Tia geig a. ¹⁷“Oŋ talpein ta yaŋan wabisa wo ilo yen tap, Tubun ak mi yaŋan wabisa wa.” ¹⁸Man dugo, talpein a sen ipitianip sen yaŋan mi yabisa dan, iŋ Anut malan lo man yaŋan tia ya. Ak gug Anut talpein ta ipitiani wo tap, aria, talpein nek an mi yaŋan aman da ya.

Pol iŋ aposel sewak dida

11 ¹Ak dugo, ŋai gidad aliafunag dop ru burau ta kitek ŋabol ak i? (Aŋ ŋai aliafunag oŋ dugo ago ŋigane la ya, ago yak niŋen o nek ago mi ŋigane yau a.) ²Anut turak isusa dan lo man, ŋai aŋ niŋemi wo dam turak ŋususa da. Man dugo, nek ibol ŋai pein baras ta iŋsan iwon ŋien ŋupani igo woŋ, ŋaiseg mi aŋ Kristus san ak alasa wo ŋipilianan a. ³ŋai ilog irer da, kabelan supalek ru lo wagam mi geig mot Ewe irawi igo woŋ, ru sewak ta aŋ ilo burau ipanay banau. Man dugo, kabelan

tamol tata an ilom dijane dop lo an ikok kagin agod rumok kagin dam a Kristus lo yen dan abiseip, ilo sou kawan ak ari apani wo man nai njamoi geig da. ⁴Man dugo, tamol ta ansam na dupalug Jesus sen ak ta san ru dufulale ya, ak gug Jesus an man Jesus e insan ru man mufulale den ago tia ya. Agod insad ru lo an ur naon senamo ak anane ya, gug ur an in Urgun a imug mi anane yan da kisaek mi tia ya. Taida mi, bilalun naon senamo ak dupanan go anane ya, gug bilalun wagam a anane yan ago tia ya. Ak dugo, saen in kagin ago digane yan, an patum apidina ak i? Man tia ya, an kududom agureg dagom lo in awad paen na sem idiran go amado ya. ⁵Aposel adi nek a “apotel malan te yak” ago abol dan, naisag leil lo man in nai ta dirinanag na da. ⁶Gidad, nai ninen lo ta uyan na ya, ago bo man, naisag manau Kristus lo man ta katukan na ya. Saen fidian mansama kagin naok naok dugo migane dan lo mansama manau an mukubiaig ale se ya.

⁷An alon ak, saen nai Anut san bilalun uyan ak an lulunam lo nufulale se yan lo, nai urat naon ta ninane na ya. Kagin an lo seg ibiag ndu dugo an nibianja ya. Ak dugo, kagin ago nigane yan lo aupasek nigane yak i? ⁸Nai dam midaen aenta sad moni ngam a. Dal dugo ngam ak i? Saen nai an lulunam lo nmado man, midaen aenta sad silali naon ninane se ya. Nai kagin an lo gumagam urat nigane se ya. An igo ya, nai midaen aenta insad moni digane ipalug ninane yan lo nai an nibinawan a. ⁹Saen nai melmel tiag an lulunam lo tumado yan, nai talpein ta an lulunam lo muruan ta npani man tia ya. Man dugo, nai teig taog Masedonia dubuseig Korint na dupalu yan in nai mel dugon lo katuk amag an lo dibinawag uyan a. Ata wo? Nai muruan npanan o ilog ta yen na ya. Gamu naisag ilo sou an naon kisaek en mi, murnap dam nek ago mi wa. ¹⁰Nai igo nabol, tan Akaia san titin fidian lo man, talpein ta nai urat naon ta ninane na dop lo, seg yanag nabisa dan ninen naisag dal ifutani san tia ya. Rumok nunon, talpein ta naisag se pitiano ru e nabol den ninen o nai awag igane itau tap man, Kristus san ru rumok an nai lo ta yen na da! ¹¹Fun ata wo nai urat naon ta ninane man tia yak i? Ata wo, an ninem o ta nmat na di? Tia geig. Anut insen ilon uyan ak, nai an ninemi wo tubun mi nmat da.

¹²Tamol a sed yanad diabisa dan, insad urat an nek ibol mansama ago dubol da. Mel an ilasa san ninen o dal aban dile da. Ak gug nai urat naon tia yak lo ago nibinawan dan, dal an lo in naod nufutani da. Agod nai nek ago mi nigane dop nmado wa. ¹³Tamol naok an man in aposel sewak adi, raek tinadi, agod urat tamol sewak a. Insad naod tinid dibileksa dibilekla dan lo tamolpein dirawai dop in Kristus san aposel mok dubol da. ¹⁴Gug an insad kagin an ninen ta arut na wa. Man dugo, Satan sen dam ago naon tinin ibileksa ibileklap in enel sijaokan ak lilaman lo ided dak igo won kuai isi da. ¹⁵An ninen Satan san urat tamol

iñsad naod tinid dibileksa dibilekla dop iñ kagin itaot ak san urat tamol ago dubol tap, an niñen id ta tumasa saian na wa. Murna dop iñaned pani naon urat dugo digane yan atem itaot diñane wa.

Pol madai isini ak niñen o se pitianoï ru ibol a

¹⁶ Ñai fon ñabol dak, añ ñai tamol burau ta abol na wa. Gug añ ñai burau tamol abol tap, gidad aliafunag dop ru burau ñabol yau a, ago dop seg yañag kitek ka ñabisa wa. ¹⁷ Ñai Tubun en san ilo sou lo ñiñeñ ta ñigane na da. Tia, ñai tamol burau ak ñiñiñeñ oñ go se pitianoï ru ñabol da. O kabel, ñai ñaloñ ak seg yañag ñabisa dan man ru ñiñeo mi a. ¹⁸ Ago gug tamolpein wei mi iñ tan san kagin mi diganurig niñen o sed yañad diabisa da, amaiak niñen o ñai dam ago ñiganep se pitianoï ru ñurupaiañ aloñ a. ¹⁹ Man dugo, añ ilo uyan lo eilafu dugo burau tamol sad ru ñiñeo dubol da. Man ata wo? Mañau man añ Korint midaeñ tinim lo yen da! ²⁰ Ak dugo, talpein ta añ isubanañ pe iñsan urat agane boi, tia, añanem filiam igane itout boi, tia, añ irawañ ifunañ boi, tia, iñsen mi yañan anda yak ibol boi, tia, kudañam igufte boi, an ago igane tap, gidad alefunip awan abol dop amado wa. ²¹ O kabel miai ifunag da. Man dugo, kagin naok an migane san mañ dabai ama tia ya.

Ak man talpein ta sen ipitianip sen fun ifulale wo igane tap, ñai dam se pitianoï kagin lo seg fug ka ñifulale wa. Ak man gidad, ñai ñaloñ ak tamol burau igo woñ ñiñiñeñ da. ²² Tamolpein an Hibru i? Aria, ñai dam Hibru tamol. Iñ Isrel i? Aria, ñai dam Isrel san tamol. Iñ Abraham san gugoi lo dupalu i? Aria, ñai dam iñsan gugoi lo ñupalu ya. ²³ Iñ Kristus san urat tamol i? Aria, ñaisag binawek urat iñsad iriñani a. (An lo, rumok, ñai tamol burau oñ ñiñiñeñ da.) Saen wei mi ñai subanek ab lo dibilag ñiladug dufunag malag dusue se ya. Saen wei kasik dufunag se yan mateñ sumeik ñupani se ya. Ñaisag muruan a ñisini se yan aposel sewak adi sad muruan naon dugo yak fidian lo ñiriñanai a. ²⁴ Juda adi saen 39 ñai rasau^a nam dufunag a, agod kagin naok an mi saen 5 ñai tinig lo digane ya. ²⁵ Saen utol ñai bu nam dufunag a. Nal kisaek pat nam dubal funag o digane se ya. Nal utol wog lo ñator an wog isarir a, agog nal kisaek tidom kisaek ñai beig aten fo ñafot ñator a. ²⁶ Saen wei mi ñai panu asau mi ñau se ya, ago dop you lo ñisarir o ñatoñ se ya. Saen aenta gumagam tamol adi banig na biouñ disini wo digane se ya. Ñaisinag turag muroug diginiag saian o digane se ya, gob adi dam diginiag saian o digane se ya. Panu tutubun ak lo ñumado dop muruan ñisini se ya, fon tan kawan ak lo ñumado dop dam muruan ago mi ñisini se ya. Beig lo ñadeg o sumeik se ya. Teig muroug sewak adi dam banid lo ñamat o sumeik a. ²⁷ Ñai urat naok funfun lo wagai mok ñigane se ya.

^a Lubum

Ɔjai saen wei mi tidom urat Ɔjigane se yan malag Ɔjionj tia ya. Ɔjai tijaeg ananj tia you o Ɔamat dop ananj ta Ɔjigane uyan se na ya. Ɔjai dog madid ate Ɔjadu dop yamel kulos ta lo tinig Ɔjtuani san dam tia ya. ²⁸Agod Ɔjai muruan taidam tinig lo igo dilasa ya. Ɔjai saen wei mi midaeƆ dugo kagin Ɔjupidinai uyan san ilo sou tubun mi Ɔjigane da, an lo dam muruan tubun mi ipanag oƆ da. ²⁹Saen Kris ta iƆsan dabai idu tap, Ɔjai dam Ɔjaisag dabai idu se ya. Talpein ta tinin lo Kris ta aupasek lo yau idu tap, talpein an niƆen o Ɔjai ilog tubun mi wananan anda Ɔjumado se ya.

³⁰Aria, anj Ɔjai asodudunag pe se pitianoĩ ru Ɔjabol tap, Ɔjai ru naok igo yak Ɔjabol a. Kagin naok naok nek a Ɔjai tamol dabai ag tia yak oƆ kuai te igane ilasa dan mi, niƆedi wo seg ipitianag a. ³¹Anut iƆ Jesus idsad Tubun en san Anut, agod iƆsan Taman, iƆ yanjan dam pempem per tupani wa. Anut en ilonj ak Ɔjai ta Ɔjiraek na da. ³²Damaskus na Ɔjumado dugo KiƆ Aretas san kiap iƆ aikatuk idinaig taun san dalawan ate idiraig dutur se ya, an lo Ɔjai diƆjiliag pe dusubanag o tawaƆ digane ya. ³³Gug saen an Ɔjai muroug adi udou lo ditiniag go, taun an san mutunuk ta lo duyuwag go ar patun fo Ɔjadug, kiap an san ager adi ƆjiriƆanaig Ɔjasol go Ɔjau a.

Anut Pol dal ikubiai pani a

12 ¹O kabel, anj Ɔjai asodudunag dugo se pitianoĩ kagin Ɔjigane yau da. Rumok, kagin naok en ibinawad san tia ya, ak gug gidad, Ɔjaisag Ɔjionjamin, agod ru mianuk Tubun en ikubiai Ɔjile yan Ɔjabol ilasa wa. ²Ɔjai tamol ta Kristus lo imado dan Ɔjalonj a. Tamol en anaƆar 14 yau la yan lo Anut iƆjaneg, did aben a malmalan an ibiseig, tinin te yan ibiseig, aben a lak na geig ante yau a. Ak dugo, tinin aman da imado di? Tia, tinin ibisei i? An ta Ɔjalonj na ya. Anut mi iƆ ilonj a. ³Agod Ɔjai Ɔjalonj ak Anut tamol en iƆjaneg kumaen panu lo yau a. IƆ tinin fidian mi yau boi, tia, Ɔjutun mi yau boi, an Ɔjai ta Ɔjalonj na ya. Anut mi iƆ ilonj a. ⁴Agod tamol an kumaen panu lo ru nek a iƆ mi kududon ilonj go iƆ mi ilon lo yen san ilonj a, ru an ibol san iƆ ta ilonj na ya. Agod melmel a niƆed ta ibol o Anut ibol an dam kududon ilonj a. ⁵Ɔjai talpein en mi niƆen o se pitianoĩ ru ka Ɔjabol ilasa wa, ak gug Ɔjaiseg niƆeg o seg ta ipitianag na wa. Tia, Ɔjai dabai amag tia yak niƆen o mi seg yanag Ɔjabisa wa. ⁶Ɔjai se pitianoĩ ru Ɔjabol o ilog yen tap, Ɔjai burau tamol tia ya, man dugo, Ɔjai ru rumok ak mi Ɔjabol da. Ak man Ɔjai ago Ɔjigane wo man Ɔjamoi a. Man ata wo? Tamolpein iƆ Ɔjaisag naok naok dile wak, Ɔjaisag ru Ɔjifulale dan dulonj ak, ago dop an lo ilo sou itaot Ɔjai lo digane wa. Kabelan iƆ Ɔjai tamol senamo geig ak ago dubol banau.

Mel ta si igo wonj Pol tinin isueg madai ipani na ya

⁷Anut Ɔjai Ɔjionjamin lo mel uyan uyan ak wei mi ikubiaig Ɔjile ya. Ago gug man Ɔjai mel en Ɔjile Ɔjalonj an niƆen seg ipitianag o man iƆ imoi a.

Amaiak niŋen o iŋ mel ta nek ibol si oŋ iganeg ipalug ŋai tinig lo yen dugo madai ipanag da. Mel an man Satan san urat pinein, an lo ŋai muruan ipanag da. Mel an ŋai ibiag ŋadu dop seg yaŋag ŋabisa ŋamoi o igane da. ⁸Saen utol Tubun en mel an ipasi yau wo ŋusumiani a. ⁹Gug iŋ ŋai igo irupaiaŋ, “Ŋaisag ilo panek man oŋ o idaisuda ya. Man dugo, ŋaisag dabai en oŋ dabai ama tia yak lo itaotan ilasa da.” Fun an niŋen o ŋai ilog uyanan dak, ŋai tamol dabai amag tia yak igo ŋumado da. Ago dop lo Kristus san dabai an mi ŋai lo ka yen a. ¹⁰Amaiak niŋen o ŋai Kristus wagen lo man, gidad ŋai dabai amag tia yak, dububaŋanag se yak, muruan dupanag ak, tinig dipitiŋini ak, saian funfun lo ŋisida yak ago tap, ŋai ilo uyan lo mi ŋumado wa. Man dugo, saen ŋai tinig dabai an tia dop, ante ŋaisag dabai tubun kasik ilasa da.

Pol iŋsan ilo muruan Korint tamolpein niŋedi wo ibol a

¹¹Ŋai tamol burau ŋiŋiŋeŋ oŋ da, man dugo, aŋsem ŋai ago ŋiŋiŋeŋ o agane da. Aŋsem mok ŋaisag naok naok uyan an abol ilasa wa, ago gug ago agane man amoi a. Fun an niŋen ŋai seg fug ŋabol ilasa ya. Rumok, ŋai tamol kawan a, ago gug aŋsam “apotel malan te yan” ta iŋ ŋai diriŋanag man tia ya. ¹²Ata mel ŋai aŋ luluŋam lo ŋumado dugo ŋigane na yan, iŋ itaot ŋai apotel rumok an ikubiai ale ya. Ŋai muruan fidian lo ŋatur sakar dugo ŋaisag urat an lo kulob girager funfun, urat dabai dabai ak aŋ luluŋam lo ŋigane ilasa na ya. An mi ŋai Anut san urat mok ŋigane dan ibol ilasa ya. ¹³Kagin naok nek a aŋ luluŋam lo ŋigane yan ago mi, midaeŋ aenta lo dam ŋigane ya. Mel kisaek mi aŋ luluŋam lo ta ŋigane na ya. Ŋai aŋ anaŋ ata mel taida lo binawek apanag o ta ŋududuwaŋ na ya. Kagin an lo ŋai au ŋupas tap, gidad ŋaisag aupasek an ilom iŋaon a!

¹⁴Gamu en ŋaisag nal utol fon aŋsam na ŋupalu da wo abaŋ ŋukubune da. An niŋen saen en dam ŋai aŋ muruan ta ŋupanaŋ na wa, man dugo, ŋai aŋsam biouŋ ŋisini wo ilog ta yen na da. Tia, ŋai aŋ mi ŋiŋiliaŋ a. Aŋ aloŋ ak nanuk iŋ anaŋ o abaŋ dilep tinad tamad ta dipidinaŋ na da, tia, tinan taman mi iŋ anaŋ o abaŋ dilep nanuk dipidinaŋ da. ¹⁵Ŋai ilo uyan lo mi ŋaisag mel fidian, ŋaiseŋ tinig dam, aŋ ŋutum ŋibinawi wo ŋupanaŋ a. En dugo, ŋai ilog bubeg fidian aŋ ŋupanaŋ tap, an niŋen o aŋ ilom bubem kitek ka ŋai apanag ak i? ¹⁶Gug aŋsam tamolpein aenta ŋai niŋeg igo dubol da, “Rumok, iŋ mel kuai te iŋane san tia ya, ago gug man id irawad dop mianuk lo mi mel iŋane san man ilonŋ uyanan a.” ¹⁷Ak dugo, ŋai tamol a ŋidinaig aŋsam na dupalug dirawaŋ dugo aŋsam mel disinig ŋaisag na dupalu yak i? Tia geig a. ¹⁸Ŋai Taitus ilo sou ŋupanig aŋsam na ipalu ya, ago dugo teima Kris ak ta ŋipilianig ida dupalu ya. Ak dugo, Taitus irawaŋ dugo aŋanem melmel igam abol di? Man tia geig a, man dugo, iŋ ŋai da Ur kisaek lo mator dak, maŋsama tureŋ naon kisaek ak, maŋ sisem nug ŋien aban muri mau da.

¹⁹Ak dugo, aŋ ilom lo maŋ ru fidian e migire yen lo sema itargiranama wo migane dak ago abol di? Maŋ ago ta migane na da. Tia, maŋ Kristus san ak mumado da, agod maŋ Anut malan lo ru fidian nek e mabol den man ibinawaŋ pe atur sakar o mabol da. Aŋ maŋsama bubema mok. ²⁰Ŋai ilog irer da. Kabelan ŋai aŋsam na ŋupalu dop, ŋaisag ilo sou lo aŋ dugo amado dop ŋiliaŋ o ilog ibol dan, ago ta ŋiliaŋ banau. Agod fon, kabelan aŋ dam ŋai tamol naog dugo aliag o ilom ibol dan ago ta aliag banau. Kabelan kagin naok igo yak aŋ luluŋam lo yen banau. Nug paek kagin, turak susak kagin, tiŋae saiak kagin, oŋse mi wo ilo sou gane san kagin, pilapil ru kagin, uf kagin, kabuŋa sakar kagin agod urat kubulek kagin. ²¹Saen ŋai aŋsam na ŋupalu dop Anut ŋai aŋ naom na miai ipanag an niŋen ilog irer da. Kabelan tamolpein a gubak mi au dupas gug ilod ta dibileksa na yan, kagin saiak saiak lo, jeit kagin lo, kagin nun aman da yak lo, ditor yau na yan niŋen patud ta dupani banau. Ŋai kagin naok ago yak ŋile tap man, ŋai miai ifunag dop tinaŋ ŋigane wa.

Pol Korint adi ru kagin irupidai a

13 ¹Gamu ŋaisag tureŋ saen utol aŋsam na ŋupalu da wa. Saen aŋ talpein ta ru apani wo dan, aŋ imug mi tamol uraru boi, tia, tamol utol boi, iŋsed malad lo talpein a muruan igane dugo dile yan aŋal pe, balsiŋanek ru dubol ilasap aloŋ a. ²Nek ibol ŋai ŋaisag tureŋ saen uraru tinin te yan lo aŋsam na ŋupalu ante ru kagin ŋurupaiaŋ an igo woŋ, gamu ŋai fon aŋsam na ŋupalu da wo ru naon kisaek en fon ŋabol da. Saen ŋai ŋamul dan, tamolpein a gubak mi aupasek digane na yan, fon gamu ago mi digane yau dan, patud ŋupasi san tia ya. Tia, bitinaek lo ŋidiraip muruan tubun ak ŋupidinai a. ³Ŋai ago ŋigane yan lo man, Kristus ŋai ilog lo irupaiaŋ dugo dal ikubiai panag dan ale aloŋ uyan mok a, man dugo, mel ta ŋai yaŋag anda yak ago ikubiai panaŋ san ilom ibol da. Aria, kagin agane wa, saen ŋai aŋsam na ŋupalu wan kulob dabai anda yak ŋigane wan kuai tem ale wa. Kristus aŋ luluŋam lo dabai an ta tia na ya. Tia. Aŋ luluŋam lo man iŋ dabai geig a. ⁴Rumok, wagam iŋ dabai aman tia an lo iŋ aigim fo dubali a, ago gug iŋ mateŋ lo imasag gamu Anut san dabai lo mi kumaen imado da. Nek ago mi maŋ Kristus da tinima tan en san an dabai amam tia ya, ago gug man Anut san dabai lo maŋ iŋ da sisem dabai amama da ya, an lo maŋ iŋ da mumado dop aŋ mibinawaŋ a.

⁵Aŋ aŋanem ilo rumok lo sem ibitiniaŋ dop aloŋ a, aŋ ilo rumok san dal ari uyanan boi, tia boi, an aloŋ uyan a. Aŋ sem ikubianaŋ dop ale wa. Jesus Kristus iŋ aŋ lo imado da, dugo, an ta aloŋ na i? Kabelan saen aŋ sem ibitiniaŋ dop man, aŋ ta Kris mok na yan ale banau. An fun man Jesus aŋ lo ta imado na da! ⁶Ŋai ilog yen dak man, saen maŋsama kulob bitinaek lo adiri dop, aŋsam leil lo maŋsama urat aŋ luluŋam lo

nujon anda, an kuai te ale wa. ⁷Maņ Anut mugudani da, ago dop man aņ ibinawaņ dop kagin saiak ta lo au adu san tia ya. Aņ maņ Kristus san urat tamol igo aliama wo ru igo ta mabol na da. Tia. Gidad maņ urat tamol sewak ak abol a, ago gug man maņsama ilo sou tubun man aņ aņanem kagin itaot ak mi agane wo mamat da. ⁸Man dugo, maņ kagin ta lo ru rumok ak malan musue wo migane san tia ya. Tia, kagin a ru rumok ak ibalsiņani san an mi maņ ka migane wa. ⁹An niņen o aņ dabai amam da amado dop maņ dabai amam tia tap, an uyan a. An niņen o aņ aņanem Kris kagin akubunep dabai ilasa san niņen o pempem Anut mugudani da. ¹⁰Ijai ru dabai en saen ļai aņ giraņem na ta ņumado na dugo ņigire ya. Man dugo, saen ļai aņsam na ņupalu dop, ru dabai nam ņurupaiaņ dop aņanem kagin ņukubune wo ilog ta yen na da. Tubun en sen mi ļai aņanem ilo rumok dabai ņupani san urat awan en ipanag a, iņ ļai aņ ņibiaņ adu wo urat en ta ipanag na ya.

Pol san ilo uyan ru

¹¹Teig taog, gamu ļai ru wadan ņufutani dugo ilo uyan ru ņurupaiaņ da. Aņanem kagin naok naok akubune wa. Aņ ņaisag ru kagin aloņ uyan a. Aņ ilom atumanip bubem kisaek amado, maror lo amado wa. Ago dop Anut a iņ ilo panek san, maror san dam, iņ aņ da amado wa. ¹²Aņ nugnug lo nug musuk gun ak apani dop nug ilo uyan apani wa. ¹³Anut san tamolpein fidian etna dumado den aņ ilo uyan ru durupaiaņ da. ¹⁴Jesus Kristus idsad Tubun en san ilo maror, Anut san ilo panek, agod ilo tumanek e Awan Urgan lo yen den aņ da amado. Rumok.

Galesia

1 ¹Ɔjai aposel Pol. Ɔjai tamol adi ta didinag go Ɔjator na ya. Tamol ta Ɔjai bilaluƆ urat lo ta iginiag na ya. Tia, urat en man Jesus Kristus, Bai Tubud enti a mutou lo ifufunig yabisa yan da, iƆsed Ɔjai banig lo digane ya. ²Ɔjai teig muroug Kris ak dadi fidian mumado dugo, Ɔjai girek en aƆ tamolpein Galesia distrik san midaeƆ fidian sam na Ɔjiganeg ipalu da.

³Iɔsad Bai Anut, idaned Tubun ak Jesus Kristus da, iƆsad ilo panek agod ilo maror aƆ lo yen o Ɔjugudani da. ⁴Kristus iɔsad Tubun ak, iɔsad aupasek ipasi san niƆnen o, iƆnanen kumaen an ibisei a. Kagin saiak saiak gamu tan en lo yen den, iƆsan mateƆ an lo id iƆjiliad go patud ipasi a. Saen iƆ ago igane man, iƆ Bai Anut san ilobol an iri pani a. ⁵Ak niƆnen o id nal fidian lo Anut iƆnanen yaƆan mi pempem tabisap yau a. Rumok.

BilaluƆ uyan ak man iƆ kisaek mi a

⁶Ɔjai Ɔjarut saian da, man dugo, aƆ Anut enti a Kristus san ilo panek lo igiaƆ an patum apani kisaek oƆ a. Agog aƆ abileksag malam yaug bilaluƆ senamo geig an ale dugo an mi ari apani da. ⁷BilaluƆ naon sen ak taida mi ak i? Tia geig a. Ak gug aenta e dumado den maeg diganep aƆ ilom muruan dupanaƆ a. Kristus iƆnanen bilaluƆ uyanan en naon sensen iƆ dubulisa dibilila wo ilod ibol da. ⁸AloƆ uyan a. MaƆ boi, tia, eƆel adi kumaen panu lo yak ta boi, bilaluƆ wagam maƆ imug murupaiaƆ an miriƆanip, bilaluƆ sen ak ta murupaiaƆ tap, aria, maƆ mi misilanek ru lo madup Ades lo mumado wa. ⁹Aria, maƆ ru a wagam murupaiaƆ an Ɔjai gamu fon ƆrupaiaƆ da. Talpein ta bilaluƆ naon sen ak ibol ilasag, bilaluƆ a aƆ aƆane la yan ida naon kisaek tia tap, Anut iƆ imisilanip Ades lo yau a.

¹⁰Ru e gamu Ɔjai Ɔjabol den lo man, tamol adi Ɔjai niƆgeg o ilod uyan panag dak niƆnen o ilod Ɔjigane di? Man tia ya, Anut mi Ɔjai ilo uyan ipanag o ilog ibol da. Gug aƆ dag Ɔjai tamolpein ilod uyan o mi urat Ɔjigane dan ago ilom isou di? AloƆ uyanan. Ɔjai kagin an ago mi Ɔjigane yau tap man, Ɔjai Kristus iƆnanen urat tamol mok tia ya.

Pol san bilaluƆ man Kristus awan lo mi ilasa ya

¹¹O teig adi, aƆ mel en aloƆ uyan o ilog yen da. BilaluƆ uyanan a Ɔjai imug mi ƆjupiteƆanaƆ se yan man, tamol adi sad bilaluƆ tia ya. ¹²Ɔjai

bilaluŋ en tamol sen ak lo ta ŋiŋane na ya. Tamol ensauta adi dam ŋai ta dukubiai dupanag na ya. Tia, saen Jesus Kristus iŋsen tinin walal te ilasa dugo ŋile yan lo, bilaluŋ ru en ŋai ikubiai ipanag a.

¹³Aria, Juda sad kagin a ŋai imug mi ŋiri pani se yan niŋen o man aŋ aloŋ la ya. ŋai man Anut san midaeŋ fidian sad tamolpein ŋuparfufai dudu san kagin lo ŋatur sakar na ya. Ilo rumok tamolpein wei mok ŋai ŋipitiŋinai se ya, an lo iŋanen midaeŋ fidian daoŋ ŋupidinai o wagai ŋigane se ya. ¹⁴ŋaisag tamolpein luluŋad lo Juda adi sad ubou leil kagin lo ŋai imug mi ŋau a, agod ŋai tamol wei mi iŋaned anaŋar ŋaisag da naon kisaek mi an ŋiriŋanai a. Man dugo, ŋaisag malag kubulan sad tamol kagin ŋiri wo tubun mi ilog ŋupani na ya.

¹⁵Ak man, ŋai tinag gamugo iginiagsi dugo Anut ŋai kob ipanag la ya, agog murnag iŋsan ilo panek lo dam ŋai igiag a. ¹⁶Saen an lo Anut ilo uyan lom, iŋanen Nanun ŋai naog na kuai tem ikubiai panag a. Ago dop lo tamolpein Juda tia yan luluŋad lo Kristus niŋen o mi ru ŋufulale wa. Ak gug saen an lo ŋai tamol aenta tan en san dadi ta mukubiai na ya. ¹⁷Agod ŋai gamugo dugo aposel adi a iŋ imug dumado yan, ŋeil san niŋen o Jerusalem na ta ŋau na ya. Tia, ŋai Arabia adi sad tan an lo ŋaug ante ŋumado ya. Ago gug murnag Damaskus na afon ŋamul ŋau a.

¹⁸Anteg anaŋar utol yau gug, Jerusalem na Pita da mukubiai o ŋau a. Ante nal 15 mi iŋ da mumado ya. ¹⁹Saen an lo ŋai aposel aenta ŋeil man tia ya. Jems, Tubun ak san tein, nek iŋ mi ŋile ya. ²⁰(An lo gamu ru e aŋ o ŋigire den, rumok mi, Anut naon na igo ŋabol da, ŋai aŋ ru sewak ta ŋupanaŋ na da.) ²¹Aria, ŋai Siria distrik lo ŋadug, Silisia distrik lo dam ŋau a. ²²Saen an lo Kristus san midaeŋ adi Juda na dumado dan iŋ ŋai naog ta dile na ya. ²³Iŋ ŋaisag ru tim mi duloŋ se ya, “Tamol a imug id ifunad tamat o igane se yan, gamu en ilo rumok san ru ibol ilasa da. An lo ilo rumok a imug malan isue san niŋen o wagai igane na yan, gamu nek amaiak mi dabai ipani da.” ²⁴Fun an niŋen o iŋ ŋai niŋeg o Anut yaŋan diabisa ya.

Aposel aenta Pol dadi ilod kisaek a

2 ¹Murnag anaŋar 14 yaug, Barnabas ŋiŋaneg fon Jerusalem na mamul a. Taitus dam ida mau a. ²Man dugo, Anut iŋsen ŋai Jerusalem na ŋau o ikubiai panag a, an niŋen o ŋai ŋaug atna ŋumado ya. Ante ŋai ubou leil san tamol adi dadi mukubiai dugo, bilaluŋ uyanan a gob adi luluŋad lo ŋabol ilasa se yan naod na ŋufulaleg duloŋ a. (Gug mianuk lo mi tamol adi a yaŋad tubun ak amad da yan dida bilaluŋ awan an san fun dam ŋufulaleg duloŋ a.) Kabelan ŋaisag piteŋanek dibitinae dop ŋai naok naok aenta lo kawan ŋumaspalu se yak ago dubol banau. ³Aria, Taitus iŋ ŋai da mumado ya, iŋ Grik dar bo man, gurman adi Juda sad muluŋ lo idu san niŋen o ŋai ta disadudunag na ya.

⁴Gug rumok, teid sewak adi iñ dimianuk oñ go, mañsama tumanek lo disadu ya. Id wagam kubiaerj san subanek lo tumado na ya, gug gamu patun fo tilasag tumado da. Fun man id Kristus da tutumani an lo mi a. Tamol sewak adi mianuk lo disadu yan san fun man, idsad madok foun ak lo tator dan niñen o abañ dikibiani wa. Injsad ilobol igo ya, id afon injsad subanek an lo tiladu san niñen o disadudunad a. ⁵Ak man mañ añ niñemi wo, iñ awad paen na ta mumado na ya. Man tia geig a. Amaiak lo bilaluñ san ru rumok añ luluñam lo itaot mok pempem yen a.

⁶Tamol adi a midaerj san leil lo yañad anda yan, iñ ñaisag ru en awan ta dibate na ya, man dugo, ñaisag pitejanek fidian itaot a. (Ñaisag ilog lo man, rumok iñ yañad da i? Tia i? An man mel tusan a. Anut iñ tamol yañad amad da yak niñedi wo mi ilon ta isou na da.) Aria, tamol a yañad amad da yan injsad ru ta ñaisag ru ta fo dubate man tia ya. ⁷Tia geig a. Iñ Anut inñsen bilaluñ uyanan ñufulale san urat banig lo igane yan dile uyanan a. Nek ibol Anut imug Pita ipilianig Juda tamolpein naod na bilaluñ uyanan ibol ilasa yak igo woñ, ñai itarpasag go tamolpein Juda tia yan ru ñabol duloñ san an dam duloñ uyanan a. ⁸(Man dugo, Anut a Pita lo Juda tamolpein bilaluñ uyanan duloñ o urat igane se amaiak ñai lo dam gob adi niñedi wo urat kisaek nek an igane se ya.) ⁹Aria, saen Jems, Pita, Jon da ñai awag duloñ an, ilod isafulale man Anut ñai lo inñsan ilo panek iganeg inñsan urat ñigane wo ipanag a. (Tamolpein aenta tamol utol an “midaerj san bag tamol” igo dubol da.) An niñen o ñai Barnabas da iñ banid won ak duwate dugo banid mabi a. Iñ mañ da nug tein taon igo woñ diñiliama ya, mañ iñ dida iloma kisaek go awama mutumanig igo mabol, mañ uraru gob luluñad lo bilaluñ urat migane wa. Gug iñ man Juda tamolpein luluñad lo bilaluñ urat digane wak ago dubol a. ¹⁰Ru kisaek mi igo durupaiamag dubol, mañ tamolpein moni amad tia yan iloma isou wa. Ñai kagin nek amaiak mi niñen o ilog tubun mi yen na ya.

Pol Pita ibubuñani a

¹¹Ak man murnag saen Pita Antiok na ipalug ilasa man, ñai Kris midaerj naod na malak malak ñububuñani a. Man ata wo? Kagin a Antiok na igane se yan ta uyan na ya. ¹²Man dugo, tamol aenta Jems san na yak gamugo dupalu dugo, Pita iñ Kris tamolpein a Juda tia ak dida anañ diani se ya. Ak gug saen tamol an dilasa yan lo man, isuk imul go asau mi yau a, iñ ibol dida nug turan tia yak ago igane ya. Man dugo, muluñ lo dudu yak san tamol niñedi wo irer a. ¹³Agod Juda aenta a Kris dilasag Antiok na dumado dan iñ Pita dida sewak kagin digane ya. An lo Barnabas dam injsad kagin sewak an iri panig balek uraru san kagin lo idu ya.

¹⁴Gug saen ñai ñeil ak man iñ bilaluñ san ru rumok ta diganuri itaot na ya, amaiak niñen o ñai fidian naod na Pita igo ñurupeig ñabol a. “Oñ

Juda dar lo lasa bo man Juda sad kagin ta uri pani na da. Tia, oŋ gob adi sad kagin lo ago utor da. Ago tap, ata wo oŋ gob adi Juda sad kagin an diri dupani wo susujanai dak i? ¹⁵Oŋ ŋai da Juda sad dar lo tilasa ya, id ‘aupasek san’, nek ibol gob adi igo woŋ, id ago tia ya. ¹⁶Id igo taloŋ la ya. Talpein ta Moses san kubiaeŋ iri ipani dan lo itaotan ilasa san tia ya, tia, Jesus Kristus lo ilon rumok dan iŋ itaotan ilasa wa. Aria, oŋ ŋai da Anut malan lo itaotan tilasa san niŋen o Jesus Kristus o ilod rumok a. An man kubiaeŋ san kagin naok naok a tigane dan lo man tia ya, man dugo, dal amaiak lo talpein itaotan ilasa san tia geig a.”

¹⁷“Aria, saen id Kristus lo itaot tilasa wo maeg tigane dugo, id aupasek san dal lo tator tau dan ago tile taloŋ man, oŋ dugo ilo isou di? An fun man dugo, Kristus iŋsen id iduduwad go aupasek lo tiladu yak i? Man tia geig a! ¹⁸Man dugo, ŋai Moses san kubiaeŋ tiri tupani san kagin naok naok amaiak ŋurube la ya. Aria, mel a ŋurube la yak, an afon ŋususe tap man, ŋai kubiaeŋ pilalek tamol igo woŋ ŋilasa da wa. ¹⁹Man dugo, kubiaeŋ an ifunag ŋamat a, an lo na ŋai afon kubiaeŋ paen na ta ŋumado na wa. Tia, gamu kubiaeŋ an san ar patun fo ŋilasa yan niŋen o, ŋai Anut mi paen na ŋumado da. ²⁰Ŋai aigim fo ŋayuk go Kristus iŋ ŋai da sisem mamat ak igo woŋ a. Ago bo man, ŋai kumaen ŋumado da. Ak gug kumaen an ŋaisag tia ya. Tia, Kristus iŋ ŋai lo kumaen imado da. Ago yak niŋen o madok e tan en lo yen den niŋen o, Anut Nanun o ilog rumok san dal an lo mi ŋiri ŋupani da. Iŋ ilo panek ipanag a, agod sen tinin ibisei panag a. ²¹Man niŋen o, ŋai Anut san ilo panek an mel kawan ak igo woŋ ŋigane ilasa man tia ya. Man dugo, Moses san kubiaeŋ an lo mi id itaotan tilasa tap man, Kristus imat an nuŋon tia ya.”

Ru kubiaeŋ uri panek san kagin, tia, ilo rumok san kagin?

3 ¹O Galesia, bururau ami enti niŋeo ipanaŋ ak i? Maŋ Jesus Kristus nek mukubiai panaŋ la ya. Aŋsem malam mok lo aigim fo iyuk dugo ale yak igo woŋ a. Enti iganeg aŋ ilom ibilisa yak i? ²Mel kisaek en niŋen o mi ŋusumianaŋ da. Dal dugo yak lo aŋ Awan Urgun aŋane yak i? Ru kubiaeŋ san dal lo i? Tia, bilaluŋ uyanan iŋsan ru o aŋ ilom lo rumok ak san dal lo i? ³Ak dugo, aŋ dag bururau igo yak i? Agog Urgun da fun agane gug tinik san kagin lo mi wadan afutani dak i? ⁴Dag muruan imug mi aŋ lo ilasa yan, an aŋ sen ka asini ak i? Ŋai ilog ibol dak man, an sen ka ta asini na ya! ⁵Anut iŋ Awan Urgun aŋ ipanaŋ dugo kulob girager funfun dam aŋ luluŋam lo igane ya. Ata wo iŋ ago igane yak i? Dag iŋsan ilo sou lo man aŋ ru kubiaeŋ ari apanid amaiak niŋen o i? Tia, nag aŋ bilaluŋ uyanan en iŋsan ru aloŋ go ilom lo rumok ak lo ago igane i?

⁶Ru e girek lo yen igo ibol a. “Abraham iŋ Anut san ru niŋen o ilon rumok a. Ago yak niŋen o Anut sen iŋ niŋen o tamol itaotan ak ago ibol a.” ⁷Man niŋen o aŋ igo aloŋ uyanan a, tamolpein a ilo rumok amad da

yan mi iŋ Abraham nanun muroun mok a. ⁸Ru e wagam mok Anut san girek ilon lo yen en igo ibol, “Oŋ tini lo gup tamolpein tan titin fidian lo dumado dan bar uyanan ak diŋane wa.” Ru an Anut sen Abraham ipani a. Aŋ aloŋ ak, bilaluŋ uyanan a gamu tabi dan san fun man, ru a Anut Abraham ipani an ilon lo yen a. An niŋen o id igo taloŋ ak, ru an mel e murnap ilasa san niŋen o ibol man, Anut malan lo gob adi iŋaned ilo rumok lo idiraip itaotan dilasa wa. ⁹Amaiak niŋen o ensauta a ilo rumok amad da yan iŋ Abraham da sisem bar diŋane wa, man dugo, Abraham iŋ ilo rumok tamol a.

¹⁰Fidian a kubiaej mi duri dupani dugo, an lo Anut patud ipasi wak o tini ganei digane dan, iŋ misilaneŋ ru paen na dumado da. Man dugo, ru e girek lo yen den ibol, “Talpein ta mel fidian a kubiaej san buk lo yen dan lo ta itur sakar na tap, iŋ misilaneŋ paen na imado wa.” ¹¹Aria, girek lo ru e yen den igo ibol, “Talpein itaotan man sinanen ilo rumok lo kumaen imado wa.” Amaiak niŋen o id kuai tem tile taloŋ ak, talpein ta Moses san kubiaej iri ipani dan lo, Anut malan lo iŋ itaotan ilasa san tia ya. ¹²Gug Kubiaej man ilo rumok san mel tia ya. Man ata wo? Anut san ru igo ibol a. “Talpein enti a kubiaej san kagin naok naok fidian igane mok dan, dal amaiak lo mi kumaen iŋane wa.” ¹³Id fidian kubiaej san misilaneŋ paen na tumado dan, Kristus iŋiliad go misilaneŋ an patun fo tilasa ya. Dugo woŋ i? Inŋen man id niŋed o misilaneŋ paen na idug imado ya. Man dugo, ru e kubiaej ilon lo yen den igo ibol a. “Talpein a ai fo iyuk dan Anut san misilaneŋ paen na imado da.” ¹⁴Amaiak niŋen o Kristus iŋ Anut san misilaneŋ lo ipasad go patud ipasi a. An lo dop Jesus Kristus lo mi bar a Anut Abraham ipani an iŋanep gob adi diŋane wa. Ago dop man id fidian, ilo rumok lo mi, nek ibol Anut san promis irupaiad ago woŋ, id Awan Urgun tiŋane wa.

Moses san kubiaej, agod Anut promis ru ipanad an da

¹⁵O teig adi, ŋai gamu tou niganag lo piteŋaneŋ a ŋurupaiaŋ dan san awan ŋubate wa. Tamol ta iŋ mitep imat ak niŋen o ilon isou tap, iŋ melmel nanun muroun lo itarpasip ipidinai san niŋen o, roun fo igire da. Aria, girek an igane itout gup girek an dabai anda yen da. Saen an lo gup, talpein ta girek an nuŋon tia yak ago igane ilasa san man tia ya. Agod iŋ ru kitek ta girek an awan ibatep ipani san dam tia ya. ¹⁶Aria, Anut iŋsan promis ru an Abraham mi ipani wo man tia ya, tia, Abraham iŋanen kubulan da mi promis an ipidinai a. Aloŋ uyan a. Anut Abraham iŋanen malan kubulan dadi promis an ipidinai o ago ta ibol na ya. Man dugo, Anut tamolpein wei mi niŋedi wo ilon ta isou na da, tia, tamol kisaek murnap ilasa wan niŋen o mi ilon isou da. Tamol an nek Kristus. ¹⁷Iŋaisag ru en san fun man igo ya. Anut iŋsan promis Abraham ipani an lo, kontrak igane ya. An lo Kristus, gidad iŋ gamugo ilasa bo man, kontrak an iŋ dam iŋaneg yabi

a. Aria, Abraham imat la gug, anajar 430 yang Moses san kubiaen ilasa ya. Ak dugo, kubiaen a murna geig gug ilasa yan, promis a Anut wagam mi Abraham ipani an ipasig, itout go, an lo promis an nujon ta ilasa na wak i? Man tia geig a. ¹⁸ Ak dugo, melmel a promis an lo mitep tijane wan, kubiaen tiganuri dan lom tijane wak i? Ago tap man, promis a Anut Abraham ipani an nujon tia ya. Gug id talon ak, Abraham in Anut san promis an lo mi kontrak an injane ya. Ak dugo, Anut san promis a igane yan nujon tia yak i? Man tia geig a. Amaiak ninjen o id talon ak, id melmel uyanan a mitep tijane wan, kubiaen tiri tupani dan lo mi tijane san tia ya.

¹⁹ Ak ninjen o ago tap, aria, ata wo Moses san kubiaen ilasa yak i? Anut kubiaen Moses ipani an fun man, tamolpein in sinaned aupasek san kagin naok naok an dile dulon a. Anut kubiaen igansig yen yang saen idaisuda amaiak lo, Abraham san kubulan a ninjen o Anut promis ibol pani an nujon ilasa ya. Taida mi, kubiaen enjel adi lo ipalu yan, agod Moses, Anut san titijae tamol, amaiak san banin lo dam ipalu ya. ²⁰ Aria, naj titijae tamol ta ninjen o najol da, amaiak ninjen o ru fanan en najisag ru ilon lo yen da. Moses san kubiaen man Anut san promis a Abraham ipani an idaisuda san tia ya, man dugo, tamol ta banin, enjel adi sad banid da kubiaen an diabig, aria, kubiaen an urat isini a. Ak gug Anut in sen kisaek mi promis igane ya, an ninjen o mel a Anut in sen kisaek mi iganei dan, mel an titijae tamol dadi dutumanig diganei dan irinani a. Fun amaiak ninjen o Anut san promis man mel malan te ya.

²¹ Ak dugo, Moses san kubiaen man Anut san promis in anen ager i? Man tia ya. Man dugo, Anut in kubiaen naon senamo geig ak ta ipanad pe, an lo kubiaen an idirad pe kumaen tumado tap man, rumok nujon, kubiaen lo mi Anut malan lo id itaotan tilasa wa. Gug ru kubiaen naok ago yak ta yen man tia ya. ²² Amaiak ninjen o Moses san kubiaen ta ibinawad na da. Tia, Anut san ru girek igo ibol, tamolpein fidian in aupasek san subanek lo mi dumado na ya. Anut mel an ile funi dugo ilasa ya. Ago pe tamolpein a Jesus Kristus o ilod rumok dan nek amaiak mi, mel a Anut san promis ru ilo rumok adi ipidinai an, mel an dinjane mok a.

²³ Aria, saen ilo rumok san dal gamugo ilasa yan lo, kubiaen man id subanek lo idirad go tumado ya. Subanek an ilon lo mi tumado yang Anut ilo rumok san dal iganeg kuai isi san saen ilasa ya. ²⁴ Kubiaen man idsad titianek tamol igo won a, kubiaen an kagin ipanad yang saen Kristus tan na ipalu yan lo itout a. Gamu saen pempem mi id Anut malan lo itaotan tilasa san dal man igo ya, idsad ilo rumok man Kristus lo mi a. ²⁵ Amaiak ninjen o Kristus ipalu yan lo, id afon kubiaen a titianek igo won an paen na ta tumado na wa.

Aj Anut san nanun muroun

²⁶ Man dugo, aj Jesus Kristus da atumani an lo aj fidian Anut san nanun muroun mok a. Anjanem ilo rumok in lo yan ninjen o mi mel an

ilasa ya. ²⁷Man ata wo? Anj ensauta a Kris adi sad fulanek lo Kristus da atumani an man, Kristus atabub ak igo ya. Nek ibol yamel ta anjanem tinim abuluwi igo woŋ a. ²⁸Fun amaiak niŋen o gamu gup ta iŋ Juda tamol, ta iŋ Juda tia yak, enti iŋ bigabeg urat san subanek lo imado dan, enti iŋanen ilobol lo mi itor dan, enti iŋ tamol, enti iŋ pein, yaŋak an ago ta tipate na wa. Yaŋak naok ago yan man mel kawan a. Man dugo, gamu an fidian mi man Jesus Kristus lo kisaek a. ²⁹Amaiak niŋen o anj Kristus san tap, anj dam Abraham san malan kubulan mok a. An niŋen o anj Abraham san malan kubulan tap, Anut san promis ru a Abraham ipani an dam anŋsam mi a, ago dop iŋanen bar anj dam anjane mok a.

4 ¹Iŋaisag ru naok man igo ya. Tamol ta nanuk lo mi taman aben iŋanep san melmel kagin ta ipani na da. Tia, iŋ nanuk lo man nek ibol taman san urat pinein igo woŋ a. Gidad melmel an fidian iŋ muroun, ago bo man imado yaup iŋanen saen idaisuda gup, melmel an fidian iŋ yaŋan paen na dien a. ²Nal a taman ipate pani an gamugo ilasa dop, iŋ tamolpein paed na imado wa, nanuk an taman iŋ tamolpein ipilianaig an lo iŋ nek ibol titianek tamol adi igo woŋ nanuk an kagin dupani wa. Taman iŋ titianek adi dida iŋaned waged lo mi nanuk an imado se ya.

³Id dam wagam ago ya. Saen id nanuk oŋ man, id tan, ai, pat, did san tubud adi dabai amad tia yak paed na iŋaned urat pinein igo woŋ tumado na ya. ⁴Ak man nal a Anut ipateg ilasa yan ate iŋanen Nanun igane idu ya. Iŋ pein ta tiŋaen lo ilasa ya, Juda adi sad kubiaen an paen na dam imado wo ago ilasa ya. ⁵Anut ago igane amaiak lo tamolpein a Moses san kubiaen paen na dumado dan iŋiliaip ipasai imul a. Anut iŋanen Nanun igane idu yan niŋen o id fidian Anut san nanuk ŋilaŋal ka tilasa wa. ⁶Anj Anut iŋanen nanun igo woŋ amado da. Man niŋen o Anut iŋ Nanun san Awan Ur idinig ipalug, id bubed ilon lo iladu ya. Ago yan lo Awan Ur id ilod yabisa dop, Anut tiwagiŋ pe, “O Bai,” ago tabol a. ⁷Amaiak niŋen o oŋ urat pinein kawan igo tia ya, tia, oŋ Anut san nanun mok a. Aria, oŋ iŋsan nanun mok tap, Kristus lo gup melmel a fidian Anut iŋanen nanun muroun mok ipidinai an, oŋ dam ipano wa.

Pol Galesia niŋedi wo ilon muruan a

⁸Wagam anj Anut mok ak ta aloŋ na ya, saen an lo anj ai, pat, tan sad tubud tusadi a anut mok tia yan mi paed na amado dugo, iŋaned urat pinein igo woŋ biabi ad agane se ya. ⁹Ak gug gamu anj Anut aloŋ a, tia gidad ŋai ka igo ŋabol a, gamu gug Anut anj ilon a. An niŋen o ata wo fon amul pe tamol kagin an paed na sem idiraŋ au o di? An anj dibinawaŋ san tia ya, fun dugo, iŋ nuŋon tia ya, agod dabai amad dam tia ya. Ak dugo, anj afon iŋaned subanek ilon lo amado wan niŋen o ilom ibol di? ¹⁰Iŋai ŋile yak man, anj nal fidian anŋsam ilo sou igo yen da. Anj nal tubun tubun ak mi niŋen o mala nouk amado da. Kalam foun ak san nal, ubou tubun

ak san nal, ananjar foun ak san ubou idu yak san nal, nek an mi ari apani da. ¹¹Ɔjai ananem kagin naok an niŋen o ilog saian da, kabelan ŋaineg urat aŋ lulunjam lo ŋigane yan kawan banau.

¹²O teig taog, saen ŋai aŋ lulunjam lo ŋumado se yan, muruan ta apanag man tia ya. Tia, nek ibol aŋ Juda sad kubiaen patun fo amado se yan ago won, ŋai dam, kubiaen patun fo ŋumado se ya. Amaiak niŋen o, ŋai mel en niŋen o ŋuguduanan da. Kubiaen a ŋaisag madok wagam ak itirni na yan ŋibisei la ya, aŋ dam nek ago amado wo ilog ibol da.

¹³Aŋ ilom isou dak i? Ɔjai turen ŋabi wo dugo subam ta ifunag a, fun an niŋen o ŋai imug mi anŋsam na ŋupalug bilalun uyanan san ru an naom na ŋufulale ya. ¹⁴Agod subam a ŋai tinig lo ilasa yan muruan tubun geig aŋ ipanan a. Ago bo man aŋ naom sakar go aliag saian dop abianag man tia ya. Tia, aŋ ŋai anjiliag ak nek ibol Anut san eŋel igo won a, tia, nek ibol Jesus Kristus inŋen mi ak ago anjiliag go kagin ag agane ya. ¹⁵Ilo uyan an wagam aŋ ŋai da nug lo tigane na yan dugot na you ak i? An dag ideg you boi. Rumok, ŋai aŋ niŋemi wo ru en ka ŋabol a. Nal an lo mi dal ta yen tap, aŋ ilo uyan tubun geig lo ŋai abinawag o siŋanem malami apasip apanag a. ¹⁶Ɔjai ru rumok ak mi ŋabol a. Nek amaiak lo, dugo, ŋai anŋsam ager igo won ŋilasa yak i?

¹⁷Teid sewak adi a wagam niŋedi wo ŋurupaian an in aŋ tubun mi dipitianan na ya. Ak gug in ilo sou uyan ak lo ago digane man tia ya. Tia, in maŋsama na aŋ naom diabiani wo ilod ibol da. In ilod igo igire ya, aŋ inaned ar lo asadu dop lo aŋ in mi apitianai a. ¹⁸Rumok, aŋ ŋai apitianag o tap, kagin an saen fidian yen o man uyanan a, ak gug ilo sou uyan mok ak lo mi ago agane wa. Agod saen ŋai aŋ da tumado dan mi ago agane boi tia, saen ŋai asau mi ŋumado dan dam ago agane wo ilog yen da. ¹⁹O ŋaineg nanug adi, ŋai fon madai ŋukubiani dak, nek ibol pein nanuk igansi wak san madai igo won, maeg ŋigane you dop Kristus aŋ bubem ilon lo fon ilasa wa. ²⁰O kabel, ŋai gamu aŋ da tumado dop ru mos nam ŋurupaian o ilog ibol da. Ak gug tia ya, ru dabai mi ŋupanan da. Man ata wo? Ɔjai aŋ niŋemi wo ilog tinar anda ŋumado da.

Hagar in Sara da sad ru fanan

²¹Aria, aŋ ensauta a Moses san kubiaen paen na amado wo ilom ibol dan, ŋai awag alon o kududom agure. Ak dugo, aŋ kubiaen an san fun mok alon uyan i? ²²Man dugo, kubiaen ilon lo id tusutig talon ak, Abraham in nanun tamol ak uraru a. Nanun a imug mi ilasa yan inŋsan urat pein tiŋaen lo ilasa ya, agog nanun a murnag ilasa yan inŋsinanen iwon mok tiŋaen lo ilasa ya. Iwon Sara an inŋsan urat pein tia ya, tia, in kawan imado itor a. ²³Abraham inŋsinanen ilo sou mi irig an lo urat pein an nanuk igansi. Ak man iwon mok man nanuk ago ta igansi na ya. Tia, in Anut san promis Abraham ipani an lo nanuk igansi a.

²⁴Aria, pein uraru en sad am san tou igo ya. Pein uraru en man kontrak uraru Anut igane ilasa amaiak sad mitilaen. Kontrak malan malan an did Sinai san a. Nanuk fidian a kontrak an paen na dilasa yan man bigabeg urat san subanek lo dumado dutor da. Pein Hagar dubol dan kontrak an ate tou ipani a. ²⁵Aria, did Sinai an tan Arabia ilon lo yen da. Hagar ij did an ate tou ipani a, agod ij dam Jerusalem e gamu yen den ate tou ipani a. Man dugo, Jerusalem ij nanun muroun dadi bigabeg urat san subanek lo dumado da. ²⁶Ak man Jerusalem lak na san man ago tia ya. Tia, tamolpein ate man bigabeg urat tia kawan dumado da. Id aben an san a. Sara aben an naon ijane dan niijen o idsad tinad man Sara, Abraham iwon. Agod pein an kubiaej san subanek ilon lo ta imado na ya. ²⁷Girek lo igo ibol,

“O niganig pein enti nanuk ta gansi san tia yan, oŋ uya isusa wa.

Oŋ enti nanuk gansek san madai ta kubiani na dan, masap ilo uyan lo sasai a.

Man dugo, oŋ niganig pein bo man, oŋsa nanuk dusuti tap, oŋsa nanuk san sutek man, pein a iwon da yan ijanen nanuk san sutek irijani geig a.”

²⁸Aria, ŋai teig taog, aŋ man ibol Abraham nanun Aisak igo woŋ Anut san promis ru lo alasa ya. ²⁹Ak gug Abraham san saen lo, nanuk a Abraham sinanen ilo sou lo ilasa yan, muruan tubun mok nanuk a Awan Urgan san dabai lo ilasa yan ipani a. Agog kagin an dam nek gamu ago mi yen da.

³⁰Ak man girek lo ru ta muruan an niijen o dugo ibol ak i? An igo ibol, “Oŋ gidad urat pein ij nanun da sisem kudai a. Man ata wo? Urat pein san nanuk taman san filian ta ijane na wa, tia, iwon mok mi san nanun taman san filian an ijane wa.” ³¹Ak niijen o teig taog, id man urat pein an san nanun muroun tia ya, tia, id pein a bigabeg urat tia kawan imado dan san nanun muroun mok a.

Kristus lo dop idsiganed aupasek isubanad san tia ya

5 ¹Kristus id a Juda sad kubiaej paen na tumado dan ipasad an lo, kubiaej an san subanek fon ta ibiad sakar na wa. Amaiak niijen o aŋ aŋanem madok foun ak lo atur sakar a. Aŋ sem idiraŋ pe fon kubiaej san subanek lo aladu wo ago ta agane na wa.

²Aria, ŋai Pol ru en itaot ŋurupaiaŋ da. Aŋ muluŋ lo adu tap, aŋ Kristus nuŋon tia yak ago agane ilasa wa. ³Ijai fon ŋabol da wo da, talpein a muluŋ lo idu yan, ru kubiaej a Moses san kubiaej ilon lo dien dan, gidad wei geig bo man, an fidian iri ipani wa. Ij ru kubiaej tusan mok ak ta gigin na igane san tia geig a. ⁴Oŋ enti Kubiaej lo itaotan lasa wo maeg gane dan, oŋ Kristus san na se ipaso ya. Agod oŋ Anut san ilo panek bisei pasik a. ⁵Ak man id a Urgan lo tator dan, id itaot ad tilasa

wo ilod yen da. Agod Kristus lo ilod rumok an lo, id itaot ad tilasa san an niŋen o mala nouk tumado dan, nuŋon tile wa. ⁶Man dugo, saen talpein ta iŋ Kristus da dutumani dan, gidad muluŋ lo idu boi, tia, muluŋ lo ta idu bo man an mel kawan a. Mel kisaek nek en mi iŋ tubun a, id ilo rumok amad da yan lo tamolpein aenta ilod tipidinaŋ da.

⁷Teig taog, aŋ imug mi man amaspalu uyanan se ya. Enti naom ifutanig, an lo gamu aŋ fon ru rumok an ta ari na di? ⁸Ilo ŋanek naok ago yan Anut a aŋ igiaŋ an san na ipalu man tia ya. ⁹Ilom isou, “Yis kitekan an flawa tubun ak da dukubulip, ifurak yaup iganep flawa fidian ikafut isuda wa.” ¹⁰Aŋ ŋai da Tubun ak lo tutumani an lo man, aŋanem ilo sou mel an niŋen o, nek ibol ŋaisag ago woŋ yen yau ak ago ŋabol da. Gug talpein a iganeg aŋ ilom ibalkaluk dan, gidad iŋ tamol naok dugo yak, Anut bitinaek lo iganep ai wadan dugo igane amaiak naon ka isini wa.

¹¹Teig taog, ŋai tamol tinid suŋulon dutute niŋen o ŋabol yau dop bunun an ŋai dabai ŋupani tap, fun ata wo ŋai dumisilanag dak i? An ago tap man, aigim san muruan a Juda dukubiani dugo malad lo saian geig dan itout yau a. ¹²Gidad, tamol ensauta a aŋanem ilo sou dukubuli dan, iŋsiŋaned nabud dutartip dibiliau tap, an uyanan mok a. ŋaisag ilo sou nek ago ya.

¹³Teig taog, Anut aŋ Kubiaeŋ san subanek patun fo alasap amado wak o igiaŋ a. Ago dop aŋ kawan amado ator a. Ak gug aŋ kawan amado dan niŋen o, aŋanem tinim san kagin saiak saiak an mi ari apani wo ago ta agane na wa. Tia, aŋ ilo panek lo mi nug abinawi wa, aŋ nek ibol urat pinein ago woŋ ilo sou ago agane wa. ¹⁴Man dugo, kubiaeŋ san ru fidian man itumanig ru kisaek en lo mi ilasa ya. “Oŋ siŋane tini niŋen o umat ago mi, tamolpein aenta dam niŋedi wo umat a.” ¹⁵Ak man aŋ goun kasik igo woŋ alasap, aenta afunai dop aniai tap, kagin agane wa. Man dugo, aŋ murnap nug afini dop nug daoŋ apani dop ago amado wa.

Awan Urgan san ilobol lo mi ator a

¹⁶ŋai igo ŋurupaiaŋ da, Awan Urgan san ilobol lo mi ator a. Aŋ ago agane tap, tinim san ilo masai an ta ari apani na wa. ¹⁷Man dugo, aŋsam tinim san ilo masai man Urgan san ilobol iŋsan ager a, agod Urgan san ilobol dam tinim san ilo masai san ager a. Uraru an nug dufuni woŋ da. Awan Urgan ago igane yan fun man, oŋane tini san ilo masai an ilasa wo igane dop san dal ifutani pani wa. ¹⁸Gug aŋ Awan Urgan paen na amado tap, Moses san kubiaeŋ ka iriŋanaŋ a.

¹⁹Aria, kagin naok naok a tinik san ilobol lo dilasa yan kuai isi a. Jeit kagin, kagin ikokan tia yak, kagin funfun nun anda yak, ²⁰oŋ tubud ai pat sad mitilaed ubou ad ule dak, nawir ganek, siai, nug funek, turak susai, tiŋae saiak, oŋse mi wo ilo sou gane dak, ilo kisaek kagin umoi, ru

rumok oŋsa doup lo mi yen dugo aenta sad na tia ubol dak, ²¹aenta sad filian o mala isi dak, you sakar ak uluk dugo kukok nun anda yak funfun gane dak, agod kagin naok ago yak aenta dam fidian ago mi a. Ŋai ru dabai anda wagam ŋupanaŋ la ya, agog gamu fon ŋupanaŋ da, tamolpein kagin naok ago yak diri tap, iŋ Anut san kagin panek ilon lo diladu san tia geig a.

²²Ak man Awan Urgan san nuŋon man, ilo panek, yousai, maror, mos ganek, ilo muŋanek, kagin uyanan ak gane dak, oŋane ru ganuri dak, ²³maror lo mado dak agod se tini titiani uyanan da. Kubiaen ta lo kagin naok niŋen o geg ta igane na ya. ²⁴Agod tamolpein a Jesus Kristus san amaiak iŋsad kagin wagam ak fidian aigim fufo dubalig, an lo tinik san ilobol agod tinik san ilo masa an da sisem dumat a.

²⁵Teig taog, id Awan Urgan lo tator tap man, iŋanen ilobol mi tiganuri wa. ²⁶Talpein ta id luluŋad lo se pitiano i kagin ta igane na wa. Ansem lo nug ilo saian apani dop nug ta afuni na wa. Agod aŋ nug san melmel o malam ta isi na wa.

Nug san muruan asini

6 ¹Teig taog, saen tamol ta aŋsam midaen ilon lo aupasek igane dop aŋ mel an kuai apani tap, talpein a pempem Awan Urgan da ditor dan mos nam dibinawip Anut san dal iri da wa. Ansem dam kagin agane wa, kabelan mel an ilom iŋanep, aŋ dam aupasek naok an lo adu banau. ²Nug san muruan asini wa, ago dop man aŋ Kristus san kubiaen ibol ago aganuri wa.

³Talpein a iŋsen yaŋan anda ibol, gug Anut malan lo iŋ yaŋan tia ya, an lo iŋsen irawi da. ⁴Ago gug oŋsigane urat bitinaek lo gane dop urat an naok dugo yak ka kubiani wa. Fun dugo, oŋse ipitiano wo ilo ibol tap, se pitiano i kagin an san fun iŋ tamol sen ak san silali naon lo se yaŋa ta wabisa na wa. ⁵Man dugo, id anen anen atem idsiganed muruan tisini wa.

⁶Talpein a maŋau iŋane dan, iŋsinanen mel uyan an fidian iwaep, girek maŋau a maŋau ipiteŋani dan da sisem mel an diŋane wa.

⁷Ak dugo, oŋ Anut awan patu pani dop iŋ naon muruan ta ipano na wak ago ubol di? Mel an niŋen o se ta irawo na wa. Man dugo, talpein ta ai patun naok dugo yak ipae tap, iŋ murnap ai patun naok an mi nuŋon mok iŋane wa. ⁸Saen talpein ta ai patun a sen tinin mi kagin ipani san an ipae tap, nuŋon man iŋsinanen tinin ŋutun da malan issue wa. Gug iŋ ai patun a Urgan ilo uyan ipani san an ipae tap, nuŋon man Urgan iŋ kumaen pempem yen yau san an ipani wa. ⁹Amiaiak niŋen o id kulob uyan uyan an mi tigane san kagin lo tatur sakar a. An ago tigane wo ilod ta isali na wa. Man dugo, murnap idaned naon tiŋane san saen gamugo idu dop, id ilod ta idu yau na tap, idaned naon siŋaok aman an tiŋane wa.

¹⁰An niŋen o saen id mel uyan ak ta lo tamolpein aenta tibinawai o dal ta tile tap, ka ago tiganē pidinai a. Rumok, tamolpein fidian tibinawai a, ago gug Kris adi tibinawai san man malan te ya.

Oŋ talpein foun ak lasa wa.

¹¹Ŋaisag girek en tintinan mi ŋigire da, ante dop aŋ alon ak girek en ŋai sinag banig mok nam ŋigireg aŋsam na ipalu ya. ¹²Tamol ensauta a aŋ muluŋ lo adu wo disadudunaŋ dan man iŋsed mi wo ilo sou digane da. Iŋ aŋ niŋemi wo ilod ta isou na da. Fun dugo, iŋ Juda aenta muruan dupidinai o dumoi da. Kagin nek an iŋsad kulob san fun mok. Man ata wo? Juda wei mi Kristus san aigim iŋsan ager ago dumado dan lo, Juda a muluŋ kagin dabai ta dupani na dan muruan dupidinai da. ¹³Ago bo man, tamol a muluŋ lo dudu yan iŋsed mi Kubiaeŋ san ru an fidian ta diri dupani na da. Iŋ disadudunaŋ dop muluŋ lo adu san fun man, aŋ iŋsad megeloum igo woŋ alasa wa, ago dop Juda aenta malad lo sed ipitianai a.

¹⁴Ak man ŋai seg ipitianag dop, nek ibol iŋ sed ipitianai dak, ago ŋigane man ŋamoi da. Tia geig a. Kristus san aigim amaiak ŋai niŋen o mi seg ipitianag da. Man dugo, iŋsan aigim fo ŋai ŋamat la ya, ago dop tan en san mala bulbal ŋai ilog iŋane san tia ya. Agod iŋsan aigim niŋen o ŋai ilo sou igo ŋigane da, tan en san dal fidian an nek ibol mel ta imat la yak igo woŋ a, agod ŋai ŋuri ŋupani wo ŋamoi da. ¹⁵Gidad oŋ muluŋ lo udu boi, tia muluŋ lo ta udu na boi, an mel kabel mi a. Mel kisaek nek en mi tubun a, Anut mi titiani dop, iŋsen mi iganep oŋ talpein foun ak lasa wa. ¹⁶Tamolpein ensauta a iŋsad tureŋ lo ŋaisag piteŋanek duri dupani dop lo dutor dan, Anut iŋsan maror agod iŋsan ilo muŋanek dam, ipidinaip lo ago dumado wa. Tamolpein amaiak mi iŋ Anut san Isrel mok.

¹⁷Saen gamu tumado yau den lo talpein ta ŋai muruan ta ipanag na wa. Man dugo, ŋai Jesus niŋen o tini madai dupanag an san teb ŋisinig ŋumado da.

¹⁸Teig taog, ŋai Anut ŋusumiani dop Jesus Kristus idsad Tubun en iŋsan ilo panek aŋ ŋutumi ilon lo ka yen a. Rumok.

Efesus

1 ¹Ŋai Pol, Anut ilon yen ak lo, iŋ Jesus Kristus san aposel ago isikatag a. Ŋai aŋ Kristus san tamolpein gun a Efesus taun lo amado dugo Kristus mi awan ari apani dan, aŋsam na girek en ŋigane ipalu da. ²Bai Anut mi idsad Tamad, Tubun ak Jesus Kristus lo ilo panek aŋ lo yen dop, ilo maror amam da ka amado wa.

Urgun san na bar uyan uyan ipalu ya

³Idsad Tubun ak Jesus Kristus iŋanen Taman, Anut mi iŋ yaŋan tabisa wa. Man dugo, id Kristus da tutumani kisaek ak niŋen o, Awan Urgun san bar uyan uyan ak fidian a lak na yen dan ipanad go tuburou ya. ⁴Saen Anut tan ta igane ilasa na dugo, id Kristus ida itumanad o kob ipanad a. An lo saen id iŋ naon na tatur dan, id gun tumado dop, iŋ malan lo man id ai wadan amad tiap itaot mi ago ka tumado wa. ⁵Wagam mi mok, id niŋed o imat an lo, kob ipanad go ŋilajaŋ iŋiliad pe iŋsan nanun muroun mok tilasa san man Jesus Kristus lo mi a. Iŋanen ilon yen ak lo mi, id siŋiren na tau san ilo uyan lo ago igane ya.

⁶Ago dop id iŋsan ilo panek siŋaokan geig an niŋen o per tupani wa. Anut san Nanun man iŋsan buben mok a. Aria, Nanun an lo ilo panek a ipanad an sen kawan naon tia ipanad a. ⁷Kristus id da tutumani kisaek an niŋen o, iŋanen dar lo iŋ idad iŋiliad dugo idaned aupasek fidian ipare idu ya. An iŋsan ilo panek tubun geig ak iri pani a. ⁸Anut iŋanen ilo panek id niŋed o tubun geig ipanad a. An lo maŋau funfun agod ilo safulalek uyan uyan dam ipanad a.

⁹Mel an wagam mi Anut san ilo sou lo mi yen a. Ak man milaen mok iŋanen ilo sou an imianuk yen a. Aria, gamu gug iŋanen ilo sou imianuk an kuai tem igane ilasag id ilod isafulale ya. Kristus lo gup urat an yen a. ¹⁰Iŋsan ilo sou igo ya, iŋ mel fidian un ad yabip yau gup, nal a kob ipani antep, mel an fidian Kristus lo mi itumani wa. Melmel lak na, agod tan na dam, Kristus paen na mi dien a, agod iŋ mel an fidian sad tamad imado wa.

¹¹Iŋ lo dam Anut id ipilianad go id Kristus san mi a. Man dugo, Anut iŋ mel dugo ilasa san niŋen o ilo sou igane dan ago mok mi igane ilasa

da. An niŋen o Anut mel a id niŋed o ilasa wan wagam mi ilon yen ago mi igane ilasa ya. ¹²Maŋ Juda adi malmalan mi Kristus o iloma rumok a. Aria, Anut kob a ipanama yan san fun man, iŋsan girager tubun geig an per mupani dop lo mator a. ¹³Iŋ lo aŋ dam, ru rumok a patum ipasi san bilaluŋ uyanan aloŋ dugo iŋ o ilom rumok a, an lo iŋanen kob aŋane ya. Kob an man iŋsan Awan Urgun nek a id ipanad o promis ru ibol a. ¹⁴Awan Urgun man mel imug Anut ipanad a, amaiak lo id taloŋ ak, murnap id dam mel aenta fidian uyanan ak Anut bageu iganeg yen dan tiŋane wa. An nek ago mi yen yau dop Anut mi melmel an ipanad a. Fun an niŋen o iŋsan girager an tubun mok per tupani geig a.

Pol Efesus niŋedi wo Anut igudani da

¹⁵⁻¹⁶Fun nek an niŋen o ŋai Anut naon na aŋ niŋemi wo ilo uyan ru ŋupani dan, ta ŋiyalis na da. An nek saen ŋai aŋ Tubun ak Jesus Kristus lo ilom rumok an ŋaloŋ ak, agod aŋanem ilo panek a Anut san tamolpein gun ak fidian lo agane dan dam niŋen o ŋaloŋ an, saen antem ŋai fun ŋigane ya. An lo ŋai pempem aŋ niŋemi wo dam ilog isou dugo Anut ŋugudani woŋ da. ¹⁷Idsad Tubun ak Jesus Kristus san Anut, iŋ nek a girager san Taman amaiak ŋai igo ŋugudani da. Aŋanem maŋau iŋ lo yan iganep, kankan milaen ak san ur, agod melmel imianuk yen dan kuai ipani san ur dam aŋ ipanaŋ a. ¹⁸Ŋaisag gadiŋ lo Anut ŋusumianip aŋ lilaman ipanaŋ dop ilom isafulale wa. Agod melmel a aŋane wo igiaŋ go mala nouk amado dan san fun mok aloŋ uyan a. Agod Kristus san filian a girager aman da yan iŋsan tamolpein gun ak ipidinaŋ o promis ru ibol an dam aloŋ uyan a. ¹⁹Taida mi, iŋsan dabai tubun geig ak id ilo rumok tamolpein ilod lo urat igane dan, an dam aloŋ uyanan o ŋai ilog ago yen da. Dabai an san tubun man tubun kasik id tou tigane san tia ya. Dabai a id lo yen dan nek dabai amaiak mi Kristus mateŋ lo ifufuni imasa yan da naon kisaek a. ²⁰Dabai nek an mi Kristus iŋane isudag, kumaen panu lo kalik malan te yak ate, Anut giranen won ak lo iganeg imasi a. ²¹Kristus iŋsen man kiŋ adi, gabman san nao ŋanek tamol adi, gurman fidian, ur fidian dabai amad da yan, tamol fidian a tamolpein malad lo iŋ yaŋad amad da yan dam, an fidian iriŋanai a. An saen gamu mi san tia ya, an saen murnap san dam mi a. ²²Anut iŋ mel fidian Kristus paen na iganeg dien da. Agod ipilianig Kris midaeŋ fidian tan en lo sad gurman igane ya. Ago yan lo binawek uyan uyan ak ipidinaŋ a. ²³Kris tamolpein man Kristus iŋsen tinin. Ago yan lo Kristus iŋsan bunun iŋsen lo awan isag yen dan, Kris midaeŋ fidian ilod lo kuai isip, an lo dop tamolpein fidian dile wa. Man dugo, Kristus iŋsen man mel fidian e tan en lo dumado den tinid iŋanefuteŋ imado da.

Kristus lo id kumaen tumado da

2 ¹Gubak mi aŋ aupasek agane dugo kubiaeŋ dam ariŋani se ya. Agog an lo ŋutum dam imat ak, ago mi amado na ya. Gug saen

anj aupasek lo ator se yan lo inj iganeg anj kumaen amado ya. ²Nal an lo man anj tan en san kagin saiak lo amado se yak, ago mi ator na ya. Anj ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en inj tamolpein ensauta a awa parsisalek tinadi an, tinidi lo urat saian ak igane da. Man dugo, inj Anut awan ta diri na da. ³Wagam id fidian dam nek inj dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo tumado na yan, an niŋen o idsad madok tan en lo man id Anut san tiŋae saiak paen na tumado da. An nek ibol tamolpein fidian tan en lo ditor dak, ago mi a. ⁴⁻⁵Ak gug, Anut id Kristus da itumanad go kumaen pempem san ipanad a. Man dugo, Anut inj ilo muŋanek tinin lo man awan isa geig a, an lo inj id o tubun mok imat an niŋen o, gidad, idsad aupasek lo ŋtutud imat yau bo man, kumaen ipanad go ŋtutud kumaen dilasa ya. (Anut san ilo panek lo mi anj patum ipasi a.) ⁶Agog Anut id enti a Kristus da tutumani an inj da materj lo ifufunad go kumaen tilasa ya. Ago dugo inj da sisem mi kumaen panu lo taug iŋanen badim fo tumasi a. ⁷Inj ago igane yan san fun man, saen murna murna ilasa san an lo gup iŋsan ilo panek tubun geig an id naod na kuai tem igane ilasa dop pempem tile wa. ⁸Man dugo, Anut san ilo panek lo mi patum ipasi san man anŋsam ilo rumok lo mi a. Mel an anŋsem ta agane na ya. Tia, Anut sen kawan geig anj ipanaj a. ⁹An man anj urat agane yak san naon tia ya. Kabelan tamol ta an lo na sen yanjan yabisa banau. ¹⁰Man dugo, id man Anut san banin aban a. Inj id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

Id Kristus lo kisaek tilasa ya

¹¹⁻¹²Amaiak niŋen o anj imug mi Kristus lo asau mi amado se yan ilom isou wa. Tamol a muluŋ san kulob diŋane yan, inj anj niŋemi wo tamol muluŋ san tia yak ago dubol da. Gidad ago durupaijan bo man, kagin an tamol sad kagin sed tinid lo digane da, an man banid san mel mi a. Saen an lo man anj Isrel sad tumanek lo naom tarej dufou se ya, agod Anut san promis ru Isrel adi ipidinai an niŋen o anjaonj a. Rumok, anj mel uyan ak ta niŋen o mala naok aganeg ta amado na ya, tia, anŋsam madok tan en lo man, Anut tia yak igo woŋ amado se ya, an niŋen o dam ilom isou wa. ¹³Rumok, imug mi anj asau mi amado se ya. Ago gug gamu man Kristus san dar lo anj inŋilijan go apalu ya. Anj Jesus Kristus ida atumanig, lo gamu en anj Anut sumeikan mok siŋiren na amado da. ¹⁴Man dugo, Kristus iŋsen man idsad ilo maror. Anj aloŋ ak, tempel ilon lo tarej ta yen an lo gilek yen a, tarej an Juda adi senamo idirai dugo Juda tia yan dam senamo idirai a, an lo turej an san siai tumanek malan uraru an ilod lo yen a. Aria, gamu id ilod kisaek tilasa wo Kristus inj siai an san

tarenj irube yang itout a, ago yan lo tumanek uraru an iganeg afon kisaek tilasa ya. ¹⁵Insan materj lo Moses san ru kubiaenj fidian agod ru kagin fidian ilon lo yen an dam ifini imat pasik a. An lo na Kristus injsen Juda tamol inj Juda tia yak da injal go itumanaig, an lo tamol foun ak kisaek mi ilasa ya. Dal an lo maror igansi a. ¹⁶Kristus tinin kisaek amaiak lo, tamol wagam an uraru mi itumanaig, Anut san turan mok onj dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a. ¹⁷Inj bilaluj injaneg anj a asau mi amado dan sam na ipalu ya, agod manj Juda e sumsumeik mumado den dam mi a. Bilaluj maror san an id fidian naod na ifulale ya. ¹⁸Gamu inj lo, id fidian geig Awan Urgun kisaek an lo mi dalawan ipasi panad dop Bai sijiren na tilasa wa.

Id Anut san ab gun ak igo woŋ tumado da

¹⁹Gamu en anj tamolpein naom foun ak igo woŋ ta amado na ya. Tia, anj Anut san tamolpein gun ak dida naom kisaek mi a, agod anj injsan warou mok ilon lo dam amado da. ²⁰Anj Anut injanen ab igo woŋ isuse da. Manj aposel, profet dida man, Anut ab an san bag igo woŋ igunama ya. Jesus Kristus injsen man ab an san bag tamol. ²¹Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa. ²²Kristus lo dam, inj injilianj go anj ab gun an da ibateg kisaek mi anj ab an tinin aenta igo woŋ amado da. Amaiak ninjen o gamu Awan Urgun injsen Anut naon injaneg ab ante imado da.

Anut san ilo sou imianuk yen an kuai te ifulale ilasa ya

3 ¹Fun an ninjen o, naj Pol, anj tamolpein a Juda tia yan ninjemi wo Kristus san subanek tamol numado da. Aria, Anut nugudani wo da, ak gug ru ta jurupaianj o da. ²Anj dag ru en alonj boi. Anut injsen injanen ilo panek naj banig lo iganeg nuwae panaŋ o urat njigane da. ³Injai imug girek en njigireg lo jurupaianj a, Anut sen injsan ilo sou mianuk an, an naj irupaiaŋ a. ⁴Saen anj ru en asuti dop, igo ale gup, Kristus san ru mianuk ak an naj njalonj fufeŋ a. ⁵Saen imug imug ipalu se yan lo man, Anut inj ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak ninjen, inj manj aposel injanen profet adi dam, injsen ru imianuk an fun ifulaleg kuai tem ilasa dugo dulong uyanan a. ⁶Ru mianuk an man igo ya, anj gob adi Juda tamolpein dida sisemi Anut san bar uyan uyan ak anjane wa. Anj inj dida atumani an lo tinim kisaek alasa ya. Agod melmel a Anut san promis lo tinjane wo ibol an, id sisem tinjane mok a. An bilaluj uyanan Anut Kristus lo ipanad an lo ilasa ya.

⁷Bilaluj uyanan en ninjen, Anut ipilianag go injsan bilaluj tamol njilasa ya. An injsan ilo panek a sen kawan naon tia njigane yan iri pani a.

Rumok, ijanen dabai tubun geig ak lo ηai iginiag go tamol naok ago yak ηilasa ya. ⁸Gidad, ηai Anut san tamolpein luluηad lo, tamol kawan ak igo won ηumado bo man, iη ηai ilon ipanag go urat emaiak ipanag a. Urat en man, Kristus san bunun uyanan a talon san id ta idaisuda na yan niηen o, gob adi naod na kuai te ηabol ilasa dop duloη a. ⁹Anut san ilo sou saen milaen mok imianuk yen se ya. Ak gug Anut a mel fidian igane yan, ijanen ilo sou an kuai tem ilasa wo ago ilon yen da. Ago dop tamolpein fidian iηsan ilo sou imianuk an dile duloη a. Agod iη urat an dam ηai ipanag a. ¹⁰Rumok geig, Anut iη kulob a iηsan tamolpein luluηad lo igane ilasa yan lo, ijanen maηau funfun naon senamo geig an iganeg kuai isi a. Ago igane yan lo, ur sad gurman iη ur fidian a dabai amad da yan dida lak na ditilani dutor dan, Anut san maηau tubun geig ak an ikubiai pidinai dop dile wa. ¹¹En man iηsan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nuηon ilasa ya. ¹²Id Kristus o ilod rumok dop, id tarer san tia ya. Id an lo talon uyanan ak Kristus iη mi idsad dal. Iη lo gup id Bai siriηen na tilasa wa. ¹³Ago yak niηen ηai gamu en ηurupaianη da, madai e aη niηemi wo ηisini den niηen o ilom muruan amoi. Man ata wo? Madai en man aηanem girager tubun a.

Pol Efesus tamolpein dutur sakar san niηedi wo igudani da

¹⁴Fun an niηen o ηai Bai naon na turug ηusaluwi a. ¹⁵Iη warou fidian lak na yak iη tan na yak dida dumado dan sad Tamadi a. Man niηen mel fidian an iηsen mi yaηad ipidinai a. ¹⁶ηai turug ηusaluwig igo ηugudani da, Anut iηsan girager san binawek wei mi an aη ηutumi ilon lo ka igane wa. Ago dop an lo iηsan Urgun idiranη pe tamolpein ηutum dabai tubun mi ak amam da ago amado wa. ¹⁷Ago dop Kristus sen aηanem ilo rumok an lo ηutum ilon lo ka imado wa. ηai igo dam ηugudani da, ilo panek kagin an man aηanem kagin naok naok fidian san fun mok a. ¹⁸An lo aη Anut san tamolpein fidian dida sisem, Kristus ijanen ilo panek an alon uyanan san, aη ikawilami wa. Ago dop man aη ka alon uyanan ak, Kristus ilon ipanag san kagin man tubun mok, yaug milaen geig, isida yaug lak na kasik, idu yau geig a. ¹⁹Rumok, id ijanen ilo panek an talon pasik anen ta idaisuda na ya. Gug gidad, ηai niηemi wo Bai ηugudani onη da, aη iηsan ilo panek an alon uyanan a, ago dop man Anut san bunun uyanan fidian ilon lo awa na geig an, aη lo dam ka awan isa wa.

²⁰Anut iη mel dugo onηsa ilo sou lo yen dan, agod mel dugo niηen o sumiani dan dam, iriηanip, suguan dam ka ipano wa. Iηsen mi ijanen dabai id ilod lo urat igane dan lo, urat an fidian igane wo idaisuda geig a. ²¹Ago yak niηen o, iηsan tamolpein luluηad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

Id Kris fidian ilod kisaek a

4 ¹Ŋjai Pol, Tubun ak san subanek tamol, ŋai igo ŋurupaiŋ da. Madok a Anut niŋen o igiaŋ an ari apani wa. Ago dop kagin a iŋsen niŋen o ilon yen dan lo mi itaot ator o ago ilom ŋabisa da. ²An sem ibiaŋ adu dop tamolpein maror amami ak igo woŋ amado wa. Saen aŋ ilo muruan dupanaŋ dop niŋedi wo aŋ ilom wananan amoi. Aŋ anen anen nug ilon apani wa, ago dop muruan a nugnug lo akubiani dan, gidad asini wa. ³Aŋanem ilo kisaek Awan Urgun lo yan, maror nek a ituanan iso yan lo mi maeg aganep kagin apani wa. ⁴Id Kris adi tinid kisaek, agod Awan Urgun dam kisaek a. Nek ago mi, mala nouk kisaek nek a Anut niŋen o igiaŋ ago mi a. ⁵Tubun en man kisaek a. Ilo rumok san kagin dam kisaek a, Kris filanek dam kisaek a. ⁶Anut dam kisaek mi a, id ilo rumok tamolpein fidian idsad Tamad a. Iŋ id fidian fufo lak na ya, agod id fidian anen anen ilod lo urat igane da. Agod iŋ id fidian tinid lo imado da.

⁷Ak man Kristus ilo panek lo mi id anen anen iŋsan ilon yen ak iri panim, iŋsan lou funfun id ipanad a. ⁸Amaiak niŋen o Anut san ru buk lo yak igo ibol,

“Saen iŋ lak na isuda yau man,
tamolpein a wei mi ŋied banid subanek lo yen se yan iŋiliai go
dida diau a.

Ago dugo iŋsan lou panek funfun an tan san tamolpein ipidinai
a.”

⁹(“Iŋ lak na isuda yau” ru an fun dugo yak i? An fun man iŋ imug mi tan en lo ipalu idu ya. ¹⁰Enti iŋ a tan na idu yau amaiak, iŋ mi did aben fidian dam iriŋanaig isuda yau an lo, iŋsen mi mel fidian ilodi tinidi lo iŋ mi awan isa wa.) ¹¹Iŋsan lou panek man igo ya. Ta aposel urat, ta profet urat, ta bilaluŋ urat, ta matu urat, aenta girek maŋau urat lo iginiaig dumado da. ¹²Anut san tamolpein man Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An lo man, iŋ anen anen Kristus san urat biabi ka digane wak, agod iŋ Kristus san tinin dabai dupani wa. ¹³Urat en ka yau woŋ dop id fidian sad ilo rumok lo, agod idsad maŋau a Anut Nanun niŋen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tiŋanep tumado wa. Aria, busumak adi sad bunun a tiŋane wo maeg tigane dan san tou man, bunun an fidian Kristus lo mi yen da.

¹⁴Wagam id nanuk oŋ tumado na ya, id wog igo woŋ beig san bururuk gidigidad iriad ila iso se ya. Gug id Kristus oŋ tilasa wo dop, id afon nanuk oŋ ta tumado na wa. Man dugo, imug mi kagin en id Kris tamolpein luluŋad lo yen a. Tamol ta supalek ru nam pitejanek foun foun ak dupanad a. Pitejanek an Kris tamolpein iduduwai dugo ilo sou uyan

ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon ago ta tilasa na wa. ¹⁵Tia, id ilo panek san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo woŋ titalbusi uyanan a. An lo dop kagin fidian lo titalbusip, id Kristus igo mi tilasa wa. Inŋsen mi idsad gurman. ¹⁶Id Kris tamolpein man Kristus san tinin. Kristus itirnad dugo inŋanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen inŋinaned urat kisaek kisaek atem digane da, an lo tinin fidian italbusip ilo panek lo dabai inŋane da.

Aŋanem madok san dal

¹⁷Tubun en lo ŋai ru kagin e ŋurupaian den aŋ ari apani wo tubun mok ŋududuwan da. Aŋ afon gob adi sad dal lo ta ator na wa. Man dugo, inŋsad ilo sou an kawan mok a. ¹⁸Inŋsad duloŋ man tidom tubun yafutani a, agod Anut san madok niŋen o man inŋ ibol tamol asau ak igo woŋ a. Man dugo, diŋaon go dumado da. Inŋsad ilod pat igo woŋ dabai geig an lo Anut ta duloŋ na ya. ¹⁹Kagin itaot ak niŋen o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san niŋen o mi yaes isofutanai da. ²⁰Ak man aŋ dal an lo Kristus niŋen o ta aloŋ na ya! ²¹Aŋ dag Jesus niŋen o dupiteŋan aŋ dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, ŋai gamu ŋurupaian da, ²²aŋ ilom wagam ak san tureŋ an abisei wa. An aŋanem madok wagam ak san mel mi a. Ilo masai san kagin an ilom inŋane dop, sem ŋudum asue dop lo mel fidian a saian ak an mi agane wa. Amaiak niŋen o gamu en aŋ kagin wagam an akudip yau a. ²³Ago dop an lo aŋ ŋutum inŋ aŋanem ilo sou fidian da ka foun dilasa wa. ²⁴Aŋanem ilom foun a Anut sen igane ilasa panaŋ an mi aŋanep aŋ tinim ilon lo agane wa. Ago dop ilom foun ak san bunun inŋ Anut san bunun da naon kisaek a, an lo aŋ ilom ilon lo kagin itaot ak inŋ kagin gun ak da awan isa wa.

²⁵Amaiak niŋen o aŋ rawek kagin an amoi. Aŋ fidian ru rumok ak mi Kris aenta naod na arupidai dop duloŋ a. Man ata wo, id fidian tinik san boi anen anen amaiak san tinik kisaek ago tumado da. ²⁶Aŋ ka talpein ta niŋen o ilom saian a. Ak gug kagin an ale funi dop aupasek lo ta idiraŋ au na wa. Tia, kagin agane wa, saen ad gamugo idiau dop, aŋanem ilo saian nug niŋen o an akubunep itout a. ²⁷Agod aŋ dal ta Satan ilom inŋane wo ta apani na wa. ²⁸Ta inŋ gumagam tamol man fon ta igam na wa, tia, inŋ urat igane wa. Inŋ urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidinai a. ²⁹Aŋ ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein duloŋ dop lo dabai ipidinai a. Gidad muruan

dugo dugu tamolpein dile dan, ru a ibinawai san an mi abol ilasa wa. Ago dop tamolpein a ru an dulonj dan, anj Anut san nao njanek igo wonj injsan ilo panek apidinai a. ³⁰Anj Anut san Awan Ur ilo muruan apani amoi. Awan Urgun inj man Anut san kob anj ilom ilon lo igane ya, amaiak lo Anut injanen tamolpein injiliai san nal an lo anj dam sisem injilianj a. ³¹Anj ilom lo siai kagin, tinjæ saian san kagin, nug abubuñani adiri san kagin, uf ru san kagin, agod dumadam kagin dam, an fidian akudaip diau itout a. ³²Anj nug niñen o bubem kisaek ak lo, tini misek san kagin lo dam atur sakar a. Nek ibol Anut inj Kristus log anjanem aupasek ipare idu yak ago mi, ansem dam nug niñen o ago agane dop ator a.

Lilaman lo tator da

5 ¹Ago yak niñen anj gidad kagin a Anut injsen igane yan mi ari apani wa, man dugu, anj injsinanen nanun muroun mok amado da, agod inj tubun mi ilon ipanañ da. ²Anj aenta ilom apidinai san tureñ lo mi ator a, nek ago mi Kristus ilon ipanad an lo injsen tinin ibisei panad a. Inj man nek ibol bilelek a Anut dupani wo yai digane dop injsan mumalun iwen siñaokan pe lak na yaup Anut ilo uyan ipani san igo wonj a.

³Aria, anj jeit kagin lo, kagin nun anda yak fidian an lo dam aladu amoi. Agod aenta sad melmel niñedi wo malam isi amoi. Aupasek naok ago yak man Anut san tamolpein luluñad lo yen san man aben tia ya. ⁴Anj ru nun, ru niñeo, ru kukok a ilo saian igane ilasa yan dam awam lo ta ilasa na wa, man dugu, kagin naok an uyan tia ya. Tia, anj gidad Anut per apani wa. ⁵Anj mel en alonj uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel niñedi wo yaes ifug ditor dan dam, Anut inj Kristus da sad kumaen panu lo ta mok diladu na wa. (Talpein a tan en san melmel niñedi wo yaes ifuni dan, inj talpein a tubud sewak sad ubou ad ile dan da naon kisaek mi a.) ⁶Kagin agane wa, kabelan talpein ta ru kawan ak lo njudum dusue dop lo anj kagin saiak agane banau. Kagin naok nek an lo dop Anut tinjæn saian pe inj ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa. ⁷Ago yak niñen anj tamol naok ago yan dadi nug turan onj ta ator na wa. ⁸Man ata wo? Imug mi anj tidom tubun lo amado se ya. Gug gamu en Tubun ak anj lilaman lo iginiañ a, an niñen o anj lilaman san tamolpein igo mok ator a. ⁹Man dugu, lilaman inj nuñon uyanan ak mi igane ilasa da, kagin uyan ak, kagin itaot ak, ru rumok ak mi tabol san kagin dam, an mi id tigane wa.

¹⁰Kagin uyan nek a anj agane san niñen o Anut ilon uyan dan mi ale wo maeg agane wa. ¹¹Tidom tubun san kagin funfun lo sem ta iginiañ aladu na wa. Kagin naok an man inj nuñon ifu uyan san tia ya. Tia, saen tamolpein kagin saiak digane dugu anj ale tap, kuai tem abubuñanai a.

¹²Man dugo, kagin nek a mianuk lo digane dan man saian geig a. Rumok, talpein ta kagin an niŋen o malak malak ibol tap, miai tubun mi ifuni wa. Ago bo man, iŋ gidad malak malak ibol ilasa wa. ¹³Sul man aban isapudade dop mel ta iŋ sul san lilaman lo ilasa dan tamolpein dile wa. Amaiak niŋen o mel saian ta lilaman lo kuai isip tamolpein dile dulon pe “an saian ak” ago dubol a. ¹⁴Fun an niŋen o ru e ilo rumok adi dubol den talon a,

“Onj tamol a wen dan, masa.

Onj mutou lo wen dan masa dop,

Kristus iŋ lilaman ipano wa.”

¹⁵Kagin agane dop ananem tureŋ bitinaek lo aganep ale wa. Anj tamolpein kankan amad tia yak igo wonj tureŋ abi amoi, tia, tamolpein kankan amad da yak igo wonj ago mi ator a. ¹⁶Saen abidani amoi. Saen gamu e Anut ipanaŋ dak lo, kagin uyan uyan ak mi agane wa, man dugo, saen gamu e id lo tumado den man saen saian a. ¹⁷Fun an niŋen o anj niŋeo kagin lo atur dan amoi. Tia, akubianip ale, Tubun ak san ilobol an man ata mel ak i? An ale alonj dop ari apani wa. ¹⁸Agod anj tubun mi aluk dop, aburaurau banau, man dugo, kagin naon nek an anj muruan ipanaŋ a. Tia, Awan Urgun an mi anj tinimi ilon lo awan isa wa. ¹⁹Ago dop anj ru girek Isrel bar san buk lo yen dan lo, ubou san bar lo, Urgun san bar lo dam nug lo anjineŋ a. Ananem tinim njutum fidian lo Anut ilo uyan apani wo bar abi wa. ²⁰Agod nal fidian lo, mel fidian niŋedi wo dam, anj idaned Tubun ak Jesus Kristus yanjan lo, Bai Anut per apani dop ilo uyan apani wa.

Pein iwon tamol da

²¹Anj anen anen nug awan paen na amado wa. Anj kagin ago agane san fun man, Kristus yanjan lak na mok asini wo ago ilom yen a. ²²Onj pein, onjane tamol paen na mado wa, nek ibol onj dam Tubun ak paen na mado dak igo wonj a. ²³Man ata wo? Iwon pein iŋsan gurman man iwon tamol a, nek ibol Kristus iŋ man iŋanen tamolpein fidian sad gurman igo wonj a. Iŋsan tamolpein man iŋsan tinin, agod iŋ man iŋanen tamolpein sad patu pasek tamol. ²⁴Amaiak niŋen o, nek ibol Anut san tamolpein iŋ Kristus awan paen na dumado dak ago wonj, onj pein mel fidian lo onjsigane tamol san awan paen na mi mado wa. ²⁵Aria onj tamol, onjane pein ilo pani wa, nek ibol Kristus iŋsan tamolpein ilon ipidinaidugo sen tinin ibisei pidinaig mateŋ lo idu yak ago ya. ²⁶Ago yan lo iŋanen ru nam, nek ibol you igo wonj, iŋsan tamolpein ifulanaig an lo gun idirai dilasa ya. ²⁷Iŋ ago igane yan lo dop iŋanen tamolpein sijiren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa. ²⁸Ak niŋen o anj tamol dam, nek ibol

sem tinimi kagin apani dak igo woŋ, aŋsijanem iwom ilom apidinai a. Ta iŋsan iwon pein ilon ipani dan, iŋ sen tinin ilon ipani da. ²⁹Id taloŋ ak, tamol ta iŋsen tinin lo ager ta igane na da. Tia, iŋ sen tinin anaŋ ipani dugo kagin ipani uyanan da, nek ibol Kristus iŋsen iŋanen tamolpein kagin ad igane dak ago woŋ a. ³⁰Man ata wo, id anen anen man Kristus san ŋien banin malan, mel ago yak iŋsan a. ³¹Anut san ru girek lo yan igo ibol. “Tamol iŋ tinan taman ibisawaip iwon dam nug dipinip dutor a. An lo uraru an tinid kisaek ak igo woŋ dilasa wa.” ³²Ru an ilon lo ru faŋan tubun mi yen dak taloŋ san ta pasauman na ya. Gug ŋaisag ilo sou lo, ru an Kristus iŋ sinanen tamolpein da niŋedi wo ibol a. ³³Gug gidad, aŋ tamol anen anen aŋanem iwomi niŋedi wo amat a, nek ibol aŋsem niŋemi wo amat dak ago woŋ a. Pein dam aŋanem tamol kagin ad agane dop paed na amado wa.

Nanuk tinan taman da

6 ¹Nanuk, aŋ aŋanem tinam tamami awad mi ari apani wa. Aŋ Tubun ak san a, an niŋen o kagin an ago agane wa. Man ata wo? Kagin an uyanan mok a. ²⁻³Ru kubiaeŋ ta promis aman da yak Moses san girek lo yen da. Ru kubiaeŋ an man, kubiaeŋ a malan te amaiak ilon lo promis yen da. Ru kubiaeŋ an igo ibol a, “Oŋ oŋane tina tama sad yaŋadi lak na mok sini wa. Ago gane tap man, oŋ madok uyan ak ŋanep, saen milaen tan en lo mado wa.” ⁴Bai adi, aŋ aŋanem nanuk abiai dudu saian geig san kagin lo, ilo saian apidinai man amoi. Tia, aŋ gidad piteŋanek uyanan a Tubun ak san dal iri pani dan mi apidinai a, agod iŋ sed tinid diabi idu dop lo Tubun ak san awan paen na dumado san, an dam akubiai pidinai dop duloŋ a.

Urat bigabeg iŋaned tirnek tamol dadi sad ru

⁵Urat bigabeg adi aŋ aŋanem titianek tamol tan en san awad mi ari apani wa. Aŋ niŋedi wo dam arer a. Aŋ pempem aŋanem urat niŋen o ilo sou kisaek a maeg apani dan lo urat ago mi agane wa, nek ibol aŋ Kristus niŋen o mi urat agane dan igo woŋ a. ⁶Aŋ saen iŋsad leil lo amado dan lo mi, ilod aŋane wo sad awad ari apani man amoi. Tia, aŋ Kristus san urat tamol igo woŋ urat a dupanaŋ an agane wa, man dugo, Anut niŋemi wo ilon ibol man aŋ tinim bubem fidian lo ago agane wa. ⁷Aŋ ilo uyan lo urat agane pidinai a, urat a agane dan tamol gidad san tia ya, urat an man Kristus san a. ⁸Man dugo aŋ aloŋ uyan ak, talpein ta iŋ mel ta uyanan ak igane tap, iŋsan urat naon man mel ta uyanan ak naon kisaek Anut banin lo ipalu dan an mi iŋane wa. Gidad iŋ bigabeg boi, tia, iŋsinanen ilobol lo itor san tamol boi, uraru an sad urat naon man kisaek a. ⁹Aŋ titianek tamol, aŋanem bigabeg adi kagin uyan ak mi iŋ lo agane wa. Ilo rer san kagin iŋ lo agane amoi. Tubun ak iŋ

lak na imado da, in̄ an̄sam Tubun a, agod in̄ dam in̄sad Tubun a. Agod in̄san leil lo man, id fidian tou kisaek mi a.

Kris adi in̄ yu tamol igo woŋ dumado wa

¹⁰Aria, ŋai gamu ru wadan ŋurupaian̄ da. An̄ Tubun ak san dabai sakar geig ak lo atur sakar a. ¹¹Biouŋ a yu tigane san an fidian Anut id ipanad la ya. An mi an̄ tinim lo asisi isap Satan san rawek kagin fidian abiani dop wagai aganep atur sakar a. ¹²Man dugo, id tamolpein niŋedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak niŋedi wo ager tigane da. ¹³Ago yak niŋen o Anut an̄ yu agane san biouŋ fidian ipan̄an̄ an aburou, saen saian ipalu dop, an̄ nek an lo dabai pe atur dop yu agane wa. Saen yu itout dop, nek ago an̄ dabai amam da atur a. ¹⁴An̄ kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo woŋ a. ¹⁵Ŋiemi te sendal agane wa. Sendal uraru an san fun, an̄ ilom tinim imasap maror san bilaluŋ uyanan an asini ator san ak igo ya. ¹⁶Kagin fidian an, sad malan te man ilo rumok mi a. Nek an mi dumui igo woŋ, abi sakar pe Satan in̄san yu malan yai balen anda yak isou ipan̄an̄ dop atartitanip asoufunip imat a. ¹⁷Taidam, patu pasek a Anut ipan̄an̄ an kitikat sakar ak igo woŋ an̄anep kabuŋam fufo agane wa. Agod sabiri a Awan Urgun san an dam abi wa. An man Anut san ru. ¹⁸An̄ saen fidian lo, gidad mel dugo ilasa yan, Awan Urgun san dabai lo agudani wa. Man niŋen o nal fidian malam ipuk pe ta ayalis na wa, ago dop Anut san tamolpein fidian niŋedi wo agudani wa.

¹⁹An̄ gudanek lo mi Anut asumiani dop ŋai binawek ipanag a. Ŋai ilog igo yen da, an̄ agudani dop, Anut in̄anen ru ŋai awag lo igansi wa. Ago dop ŋai ŋarer se yan ŋibiseip, an lo Anut san bilaluŋ uyanan a imug mi imianuk go in̄ lo yen gug gamu kuai isi an mi ŋabol ilasa wa. ²⁰In̄san bilaluŋ niŋen o ŋai man Anut san nao ŋanek tamol, funatek lo ŋumado da. An̄ gudanek lo Anut asumiani dop in̄ dabai ipanag dop tamolpein naod na ru dabai mok ŋabol a, man dugo, kagin an ŋigane wan Anut malan lo man uyanan a.

Ru wadan

²¹Tikikus urat e ŋigane den, agod muruan dugo ifunag den niŋen o an̄ irupaian̄ dop alon̄ a. In̄ Anut san urat lo man ŋaisag urat kisaek a, agod ŋaisag bubeg mok a. ²²Amiaiak niŋen o maŋ mel dugo dugo mile dan niŋen o alon̄ uyan o ŋai Tikikus ŋigane sinjirem na ipalu da. An lo an̄ ilom dabai ipani wa.

²³O teig taog, ŋai nek e Anut ŋugudani den, in̄san maror ipan̄an̄ a, agod ilo panek in̄ ilo rumok da sisem, Bai Anut san na ipalug, Jesus Kristus san na dam ipalu yan dupan̄an̄ a. ²⁴Anut ka in̄san ilo panek an iwali idu dop, tamolpein ensauta a in̄sad ilo panek imat san tia yak Jesus Kristus dupani dan ituanai dop in̄ lo yen a. Rumok.

Filipai

1 ¹Ŋai Pol, Timoti da, maŋ Jesus Kristus san urat tamol. Anŋ tamolpein gun ak Jesus Kristus lo yan Filipai na amado dan, agod anŋ matu pastor inŋ diken dam maŋ anŋsam na girek en migane ipalu da. ²Bai Anut inŋ Jesus Kristus idsad Tubun en da, anŋ ka ilod ipanaŋ pe ilo maror dupanaŋ a.

Ilo panek ru inŋ gudanek da

³Saen fidian ŋai anŋ ilog isou dop ŋaisag Anut ilo uyan ru ŋupani da. ⁴Ŋaisag gudanek fidian ŋigane dan lo Anut anŋ fidian ibinawaŋ o ŋusumiani da, agod anŋ ŋai uyasusai lo mi ago ŋigane da. ⁵Ŋai anŋ ilog uyan panaŋ da. Man dugo, nal malan te maŋ anŋ luluŋam lo urat fun migane ipalug gamu en, anŋ maŋ da sisem urat kisaek, bilaluŋ uyan ak Jesus Kristus niŋen o tabol ilasa dugo tamolpein duloŋ da. ⁶Agod ŋai mel en ŋaloŋ uyan ak, Enti a anŋ lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

⁷Ŋai anŋ niŋemi wo ago ilog isou dan uyan a. Man dugo, anŋ man ŋaisag bubeg buson mok a. Gidad ŋai subanek lo ŋumado boi, tia, ŋai bilaluŋ uyan ak dabai ŋupani boi, tia, ŋai kulob dabai ate bilaluŋ uyan ak ŋabol ilasa dan, an ru rumok ago ŋukubiai dile boi, anŋ fidian dam Anut san ilo panek e ŋai ipanag den lo atutoug amado da. ⁸Anut inŋ ŋai anŋ ŋiliaŋ o ilog tubun mi ibol dan ilonŋ a. Ilo panek a Jesus Kristus anŋ lo igane dan, an ŋai ilog lo iganege ate ŋai anŋ fidian niŋemi wo tubun geig ŋamat da.

⁹Agod ŋai igo ŋugudani da, anŋ anŋsem nug ilon apanip an lo dop anŋanem ilo panek isudap tubun a. An lo dop anŋ anŋanem maŋau lo, agod anŋanem ilo tarpasek lo dam, amug alasap mel an uraru mi ilom lo awan isa wa. ¹⁰An lo anŋ kagin naok naok a Anut malan lo uyanan mok an niŋedi wo ilom itarpasi san anŋ idaisuda geig a. An mi tia, anŋ bubem itaot, aenta anŋ niŋemi wo ru tia, ago amado yaup Kristus san nal ilasa wa. ¹¹Agod kagin itaotan san nuŋon wei mi Jesus Kristus lo ilasa dan, anŋ tinim lo idaisuda wa. An lo tamolpein inŋ Anut yaŋan girager aman da yak diabisa dop ilo uyan dupani wa.

¹²Teig taog, anŋ aloŋ uyan o ŋai ilog ibol da, muruan ta ŋai tinig fo digane ya, ago bo man muruan nek an bilaluŋ uyan en ifufurak yau

san dal ipasi a. ¹³Rumok, inj naj subanek lo diginiag a, gug kagin an lo tamolpein fidian Rom na dumado dan inj duloŋ ak naj Kristus san urat njigane damaiak naon njisini da. Agod tamol adi Kaisa san ab ditiiani dan, an dam fidian duloŋ a. ¹⁴Agod an mi tia ya. Tia, naj teig taog Tubun en lo dumado dan wei mi dam, naj sein nam dsubanag go ŋumado dan lo, iŋaned ilo rumok dabai ipanig direr san tia ya, an lo Anut anen ru dabai nam dufulale da.

¹⁵Rumok, aenta inj Kristus san ru dufulale dan fun man, inj naj niŋeŋ o turak dususa da, agod sed yaŋad disini da. Gug aenta man inj ilo sou uyan ak lo mi ago digane da. ¹⁶Tamolpein e ilo panek lo digane den naj niŋeŋ o duloŋ a, naj subanek lo ŋumado man fun, naj bilaluŋ uyan an dabai ka ŋupani wa. ¹⁷Gug aenta a Kristus san ru dufulale dan man iŋsed yaŋad diabisa san urat mi digane da. Iŋsad ilo sou itaot tia ya. Naj subanek lo ŋumado dan niŋen o iŋsad ru fulalek an lo naj tinig te muruan taida digane isuda san kulob mi digane da. ¹⁸Amaiak niŋen o dugo wak i? En mi, gidad inj ilod lo ilo sou mianuk ak yen boi, tia, ilo sou uyan mok an lo mi dubol ilasa boi, naj ilog tubun mi igo ibol da, dal fidian lo Kristus san fun dufulalep tamolpein ka duloŋ a. Kulob nek en ilasa se yan niŋen o naj youg isa da.

Awo, yousai pempem ago yen a. ¹⁹Man dugo, naj ŋaloŋ ak, aŋsam gudanek lo, agod binawek a Jesus Kristus anen Ur ipanag dan lo dam, mel saian en naj lo ilasa yen daonŋ ta ipanag na wa, tia, naj patu pasek njigane wa. ²⁰Naj tini ganei tubun mi njigane da, agod naj ilog lo igo yen da, dal fidian lo naj miai ta njigane na wa. Tia, naj ilog dabai go pempem ago njigane se yak ago mi, gamu en dam Kristus iŋanen yaŋan ŋaisag tinig lo imasap yau dop tamolpein fidian ka dile wa, kumaen lo boi, tia, mateŋ lo boi. ²¹Man dugo, ŋaineg ilo sou lo man, naj kumaeg ŋumado tap, Kristus inj malan te ya, ak man naj ŋamat tap, an naj tan en lo kumaeg ŋumado dan iriŋani geig a. ²²Naj tinig lo kumaeg ŋumado wo tap, naj Anut iŋanen urat nuŋon anda yak njigane wa. Ata mel mok ŋupiliani wo yan naj ta ŋaloŋ na ya. ²³Mel uraru an naj dupinag go ŋumado da. Naj bubeg ibol, naj tan ŋubiseip Kristus da mumado wa. An ilasa tap, an mel aenta fidian iriŋanaip uyanan mok a. ²⁴Gug naj tinig lo tan na ŋumado dop man, naj aŋ ka ŋubinawaŋ a, agod ŋaisag ilo sou lo an aŋ o uyanan a. ²⁵Fun an niŋen o naj ta ŋamat na wan ilog lo rumok da. An lo igo ŋaloŋ ak, naj ŋumado dop, aŋ ŋubinawaŋ pe, ilom lo rumok amam da uyasusai san dal ari dop na wa, an lo mel ta aŋ ibiatuanaŋ san tia ya. ²⁶Agop naj fon mi aŋ siŋirem na ŋau dop an lo, aŋ naj aliag pe aŋanem yousai Jesus Kristus lo yan isudap aŋ lo awan isa wa.

²⁷Muruan dugo ilasa tap, aŋ aŋanem tureŋ kagin apani uyanan a, kagin naok a bilaluŋ uyan ak Kristus niŋen o yaŋan tubun ak ipani san idaisuda yan, kagin amaiak mi agane wa. An lo dop gidad, naj aŋsam na ŋupalup

ñilian ak boi, tia, ñai naog tia dop awam ñalorj bo man, añ niñemi wo ñai ñalorj ak, añ ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalorj uyan ak igane ilasa dan tamolpein bubed lo ilasap yen a. ²⁸Agod dal ta lo ager adi urer ta dupanañ na wa. Kagin a agane dan lo mel en kuai te ilasa ya: Anut murnap ipitiñinañ ak ago ikubiai dile da, gug añañem kagin añ niñemi wo ago ta ibol na da, tia, Anut añ patum ipasi wan ago ibol go alorj da. ²⁹Man dugo, Anut bar uyan ak ta ipanañ a. An man añ Kristus o ilom lo rumok a. An mi tia, añ dam iñ damon lo madai asini wa, bar an dam ipanañ a. ³⁰Fun an niñen o, ager a gubak mi ñai lo ilasa dugo ale ya, agod ager an gamugo itout an san ru dam alorj a, aria, ager naon kisaek an mi añ lo dam ilasap yen da.

Kristus sen yabi idu yak ago mi sem ibianj adu

2 ¹Dugo, Kristus añ lo imado dan dabai ipanañ i? Dugo, iñsan ilo panek añ maror ipanañ i? Dugo, Awan Urgun añ lo yen dan akubiani dop iñ da sisem ator di? Dugo, añ tamol aenta niñedi wo amat dop ilom imuñanañ di? ²Mel an niñedi wo añ awok abol tap, ñai mel taida agane wo ñamat da. Añ ilom kisaek dop, nug niñen o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. Añ ago agane dop lo ñaisag yousai an aganep tubun geig ilasa wa. ³Añ yañak tubun ak añañe wo ñai-ñai kagin ta agane na wa, agod taida mi, añ kulob fun tia yak lo sem yañam ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, añ sem ibianj adup aenta añ dirinañan a ago eil a. ⁴Añ añañanem madok mi kagin apani wo ago ta agane na wa. Tia, añ aenta dam sad madok kagin apani wa.

⁵Añ igo agane wa. Jesus Kristus ilo sou dugo igane dak, añ dam nek ago mi ilo sou agane wa.

⁶Iñsen man Anut mok igo imado dugo, iñ Anut da tou kisaek dumado na ya. Ago bo man yañan lak na geig an yabi sakar o kankan ta igane na ya. ⁷Tia, iñsen yabi idug biabi ñilañal tamol igo ilasa ya. Iñ tamol kawan tan en san igo ipalu ya. ⁸Iñ tan san tamol mok imado ya, an lo iñsen yabi idu geig a. Iñ Anut awan iri panig mel fidian ibol ago mi igane ya, iñ ago igane yaug aigim fo dubalig materj ile ya. ⁹Fun an niñen o Anut iñ yabisag lak na geig isuda ya, agog yañak tubun geig an yañak aenta fidian irinañanai an ipani a. ¹⁰An niñen o saen yañak Jesus dupate dop man, mel fidian turud disaluwi wa, did lo, tan na agod tan paen na dam ago digane wa. ¹¹Ago dop awak fidian kuai tem Jesus Kristus iñ Tubun ak ago dubol ilasa wa. An lo man kulob en Bai Anut yañak tubun ak ipani wa.

Añ patui ago abañ isapudade wa

¹²Ñai turag muroug, fun an niñen o, añ man ñai malag lo ñaineg awag pempem aganuri da. Nek ago mi gamu dam gidad ñai naog tia bo man,

kagin naok naok a Anut aŋ lo iganeg dilasa yan, nen maeg mi lo ari yau o ago agane wa. Arut bubuli dan lo ago agane, man dugo, kagin naok an man, patu pasek a Anut ipanaŋ dan san nuŋon mok a. ¹³Man dugo, Anut iŋsen mi aŋ bubem lo urat igane da, ago dop an lo mel dugon iŋ ilon ibol dan ago aŋ dam ilom ibol a, an lo dop iŋ ilon dugo yen dan aganurip kagin an mi agane wa.

¹⁴Aŋsam madok ilon lo urat biabi fidian agane dop aŋsem nugnug lo aŋurŋur dop nug apei amoi. ¹⁵Ago agane tap man aenta aŋanem kagin dile yan lo iŋ ru amad tia wa, agod aŋ ilom lo suŋuŋek tia, ago ka amado wa. Aŋ Anut nanun muroun teb amam tia yak igo, tamolpein a iŋsad tureŋ gidigidad dutor dugo sad ilod ikubili an luluŋad lo atur da. Aŋ man ibol patui igo tan en lo abaŋ asapudade dak igo woŋ amado da, ¹⁶ago dugo aŋ tamolpein naod na, ru a kumaen ka ipidinai an diŋanep diabi wo abal ilasa dugo dile da. An lo dop Kristus san nal idu dan te ŋai se pitianoŋ ru igo ka ŋabol a, ŋaisag maspalu yan, agod ŋaisag urat dam nuŋon igane ya. ¹⁷Urat e aŋanem ilo rumok lo ilasag Anut agane pani dan ibol alta igo woŋ a. Agod ŋaisag dar man ibol wain alta fo duwatik ak igo ya.^a Iŋ ŋaisag dar an alta fo duwatik idu tap, gidad, ŋai an niŋen o ilog uyan a, agod ŋai aŋ da sisem uyasusai lo mi tumado wa. ¹⁸Agod ŋai ilog ibol dak aŋ dam ilo uyan lo mi ŋai da sisem uyasusai lo mi tumado wa.

Timoti iŋ Epafrodaitas da ŋaisag urat kisaek

¹⁹Jesus Tubun en ilon ibol tap, ŋai Timoti aŋsam na ririan ŋigane ipalu wa. Iŋ aŋsam awam aban an iŋane imul a, ago dop an lo ŋai ilog yabisa wa. ²⁰Etna talpein ta iŋ igo mi ak ŋile man tia ya. Iŋ sen kisaek kagin nuŋon ak lo aŋ niŋemi wo ilo sou igane da. ²¹Tamol aenta man sed ibinawai o mi dumat da, agod iŋ Jesus Kristus dibinawi man iŋ dumoi da. ²²Gug aŋ aloŋ ak Timoti iŋsen ikubiai tile yak iŋ tamol uyan a. Man dugo, iŋ nek ibol awa yabek nanuk ta taman da urat digane dak igo woŋ, ŋai siŋireg na bilaluŋ uyan ak san urat an migane se ya. ²³Fun an niŋen o milaen tiap aŋsam na ŋigane ipalu wa. Ak man gamu ŋai dugo diginiag ak boi, an malag ŋiganep ŋile gup a. ²⁴ŋai ilog ibol dak, Tubun en sen ŋai ilog lo kankan igo ipanag dak, milaen tiap ŋaiseg aŋsam na ŋupalu wa.

²⁵Ak man gidad ŋai teig Epafrodaitas, aŋsam na ririan ŋigane imul ak man uyan a. Iŋ ŋaisag urat kisaek, agod iŋ ŋai da sisem yu tamol. Iŋ dam aŋsam urat pinein igo adinig ŋai ibinawag o ipalu ya. ²⁶Iŋ aŋ fidian iliaŋ o ilon tubun mi yen da. Agod iŋ subam ifuni an san ru aloŋ a, an lo aŋ niŋemi wo ilon saian a. ²⁷Rumok, iŋ subam dabai ak iŋaneg imat sikalik

^a An iŋanen mateŋ san mitilaen mi a.

a. Ak man Anut ilon imujanig ibinawi a. Anut naj dam ilon ipanag a, man dugo, inj ta dugo imat mok ak man naj ilo muruan gubak mi an da itumanip muruan tubun mok nisini wa. ²⁸Fun an ninjen o, naj njidnip anjam na ipalu wo ilog tubun mi yen da. An ninjen o saen inj ale dop an ilom uyan a, ago dop man naj an ninjen o ilog tubun mi ta muruan na wa. ²⁹Ak ninjen o saen inj anjam na ipalu dop, an yousai lo mi anjanep ayujani. Tamol naok ago yak yanjan abisa wa. ³⁰Man dugo, inj Kristus san urat igane an lo imat sikalik a. Inj an naomi injaneg naj ibinawag o igane yau an lo injan kumaen ibisei sikalik a.

Tinid sujulon dutute yak san kagin ibinawad san tia ya

3 ¹Naj teig taog, naisag ru wadan igo ya. Tubun ak lo uyam isusa wa. Ru nek en mi ilo sou ipanaj san njigire wo ilog ta isali na da. Agod nek an dag ibunawan a. ²Tamol gown kasik on kagin saiak digane dugo tinid sujulon dutute dan, ninjedi wo kagin agane wa. ³Man dugo, tamol a tinidi sujulon tutek mok san, an man Juda adi tia ya, tia, an id ilo rumok adi idsed mi a. Id man Awan Urgun lo Anut san ubou tile da, agod Jesus Kristus ninjen o sed ipitianad da. Ago dugo id idsad tini ganei an mel ta idsed tinid san lo ta tigane na da. ⁴Naj naisag tini ganei an tinig sujulon dutute yan san kagin fo ta njigane na da. Ak man naj tinig san mel ibinawag a, ilog ago ka isou wa, man dugo, fun wei kasik dien da. Amaiak ninjen o, tamol sen ak ta injanen tinin san mel ninjen o sen yanjan yabisa tap, naj dam nek ago mi ka njigane wa, agod naj inj njirijani geig a. Man dugo, kududom agure: ⁵Naj tinag iginiagsig nal eit (8) numadog tinig sujulon dutute ya. Naj Isrel tamolpein sad dar lo njilasa ya, Benjamin san gugoi lo, agod naj Hibru tamol mok Hibru sad dar lo njilasa ya. Kubiaen ninjen o naj Farisi numado da. ⁶Naj ilog dabai aman da yak ninjen o, naj ilo rumok adi sad midaen lo muruan tubun ak njupidinai se ya. Agod kagin itaot ak kubiaen lo ilasa dan ninjen o, aenta naj ninjen o ru amad tia ya.

⁷Ak man naj Kristus njalon uyan san ninjen o gamu njaineg urat naon dugo njijane yan igo njile dak man, mel an kawan ak igo naj ilog isou da. ⁸Rumok, naj malag lo urat naon an fidian man mel ideg ak igo won njabol da. Man dugo, naj Jesus Kristus njaineg Tubun en njalon uyanan mok ak, an san nunjon man mel a fidian nunjod tia yan irinjanai pasik a. Inj o naj mel fidian dideg diau an nejil a, agod mel an metmet igo njabol da, ago dop an lo naj Kristus njinanep nabi wa. ⁹An lo naj inj lo numado dak ago dile wa. Naj naisag fug itaot man kubiaen wagen lo tia ya, tia, naj Kristus ilog lo rumok an wagen lo mi a. Anut injen mi idsad ilo rumok an lo ilod itaot igane ilasa da. ¹⁰Naj melmel an nunjod tia yak metmet igo njabol da, ago dop an lo naj inj ka njalon uyan a, agod injanen imasa san dabai dam ka njalon a. Agod inj muruan isini ak ago naj dam nisnip, an lo inj imat ak

ago ηai dam mi wa. ¹¹An lo dop, ηai idaisuda tap, ηai dam in da mamat a. An lo dop idaisuda tap, ηai tamolpein a materη lo dumasap fon kumaen dumado da wan dida mumasa da wa.

Pol dabai nam imaspalug kob fo itaot yau da

¹²ηai mel an fidian ta ηijane na ya, agod ηai tinig bubeg da gamugo itaot ilasa da. Ago gug kagin an ηabi sakar o dabai ηigane se ya, man dugo, fun amaiak niηen o Jesus Kristus ηai ibiag sakar da. ¹³ηai teig taog, ηai mel en ηigane itout ak ago ta ηabol da. Ak man ηai mel kisaek gamu ηigane den man igo ya, ηaineg madok wagam a patug na yan ilog inηaon pe mel a naog na yan mi leil ηupani dop dabai ηiganep ηijane wo ηau da. ¹⁴ηai maeg ηiganep Anut in ηesus Kristus lo igiag pe lak na ηaup ηaisag ilo uyan san kob an ηijane wo ηumaspalu da.

¹⁵Tamolpein a id luluηad lo ilod lo rumok dabai an ilo sou ago digane wa. An aenta mel ta niηen o kankan sensen amam da ator tap, Anut inηanen ilon yen dan kuai te igane ilasap ikubiai panaη a. ¹⁶Gug gidad, mel malan te yak man igo ya, id fidian mi kagin uyanan gubak mi tileg tiηane yak, nek an mi tabi sakar pe tumado yau a.

Aigim san ager

¹⁷Teig taog, an ηaisag tureη atutuηanip amado wa. Tamol a nek maη igo dutor dan leil apidinai a, man dugo, in aigim san ager ta dumado na da. ¹⁸ηai imug mi ηurupaianη ago mi fon gamu dam malag turon idu dugo ηurupaianη da. Tamolpein wei mi in ilod lo rumok ak dubol dan inηaned kagin naok naok lo man Kristus anen aigim san ager dumado da. ¹⁹Inηaned wadan man daonη mi a. Inηaned tubud man tiηaed mi a. Kagin a niηen sed yanηad diabisa san nek an inηaned miai mi a. Inηaned kankan lo tan en san melmel niηen o mi ilo sou digane da. ²⁰Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da. ²¹In ηiganep idsad tinid tan en san dabai an tia yan ibileksap, inηinan tinin kumaen panu san girager aman da ago mi ak ipanad a. In idaisuda dop mel fidian idiraig in paen na dumado yan, an san dabai lo id tinid ibileksap girager panu san tinik tiηane wa.

4 ¹An niηen o, ηai teig taog, dal amaiak lo anη gamu Tubun en lo atur sakar a. Anη ηaisag turag muroug, ηai anη niηemi wo ηamat da, ηilianη o ilog yen da, anη ηaisag yousai san fun, agod ηaineg urat naon san nuηon.

Ru kagin

²ηai Yuodia inη Sintaki da nug asued amaiak amoi o ηusumianη da. Anη ilom kisaek mi wa, man dugo, anη Tubun ak lo amado da. ³Awo, onη dam, ηaisag turag uyanan urat sisem tigane da, ηai igo ηusumiano, onη

pein uraru an binawai a. Man dugo, ɲai ru uyanan ɲufulale na yan lo, in ɲai dida nug mupinig urat migane se ya. Agod Klement in ɲaisag urat kisaek aenta dida yaɲad kumaen san buk lo yen la yan, urat nek ago mi nug mupinig migane se ya.

⁴Aɲ Tubun ak lo pempem uyam isusa wa. ɲai fon mi ɲabol da, uyam isusa! ⁵Aɲ kagin mos na mi agane dan agane kuai te ilasap, tamol fidian ka dile wa. Tubun en in sumeik ipanad la ya. ⁶Aɲ melmel o ilom ta gidigheid na wa, tia, mel fidian niɲen o Anut mi asumiani wa. Mel fidian niɲen gudanek agane dan, aɲanem ru an Anut arupeip ilon a, agod ilo uyan ru dam arupep wa. ⁷Agod Anut san maror a idsad maɲau fidian irinani geig dan, aɲanem bubem kankan da Jesus Kristus lo dumui igo ibalgiranaɲ a.

⁸Teig taog, ru wadan igo ɲurupaiaɲ da. En ata mel rumok, uyanan, itaot ak, ikok, siɲaokan, kududod lo uyanan, kagin uyan ak aenta, mel aenta yaɲad tabisa san, an niɲen o mi aɲ ilom igire wa. ⁹Aɲ ɲaisag na maɲau aɲane da, aɲ ɲaisag na mel asini da, aɲ ɲaisag ru alon da, aɲ ɲaisag turen dugo ɲator dan ale da. Aria, aɲ dam nek ago agane wa, ago tap maror san Anut aɲ da amado wa.

Pol Filipai tamolpein ilo uyan ipidinai da

¹⁰Aɲ saen milaen mi yau itout dugug, gamu fon ɲai o ilom isou da. An niɲen o ɲai Anut ilog tubun mi uyan ɲupani da. Rumok, aɲ pempem ɲai abinawag o ilom yen da, gug saen milaen mok aɲ dal ta ale man tia ya. ¹¹ɲai mel ta lo katukag ak niɲen o mel apanag o ta ɲaɲurɲur na da. Tia, ɲaisag abeg dugon lo ɲumado dan, ɲai ilo uyan lo ɲumado da. ¹²ɲai mel tia kawan ɲumadog tinig ilon a, agod ɲai mel amag da ɲumado yak dam tinig ilon a. Awo, ɲai anaɲ amag da wak, tia, anaɲ amag tia wak, ɲai ɲumatigen ak, tia, luag ipuk ak, melmel fidian lo ɲai an kagin ɲupanig, ɲalon uyan a. ¹³Enti in ɲai dabai ipanag dan lo ɲai mel fidian ka ɲigane san idaisuda ya.

¹⁴Gug, aɲ ɲai da sisem ɲaisag muruan e tisini en lo, aɲ ilom apanag an uyanan a. ¹⁵Agod aɲ Filipai tamolpein aɲsem alon ak, saen ɲai fun ɲiganeg Tubud ru ɲufulaleg Masedonia ɲubiseig ɲau an midaeɲ taida ɲai moni lo dibinawag man tia ya, tia, aɲsem mi ɲai abinawag a. ¹⁶Agod saen ɲai Tesalonaika na ɲumado yan, aɲ moni ɲaisag na agane ipalu se ya. ¹⁷ɲai ru igo ɲabol dop lo aɲ moni taida apanag o ta ɲidalel na da. Tia, ɲai ru e ɲabol den lo aɲanem kagin uyanan a nuɲon ifu an lo, aɲsam gubun ɲai tinig lo yen den ilasap tubun dop Anut ikubune wa. ¹⁸Mel an agane ipalug Epafrodaitas inaneg ɲai ipanag a, an lo gamu ɲai mel ta lo katuk amag san tia ya. Aɲ lou kawan ak da aganeg ipalu yan lo ɲai idaisudag ɲumado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo woɲ da. ¹⁹Agod ɲaineg

Anut inj aŋ mel ta lo katukam mi dop injen mi idaisudap ipanaŋ a. Inŋsan filian girager panu lo yen dan Jesus Kristus banin lo binawek an aŋane wa. ²⁰Id pempem idsad Tamad Anut mi yaŋan tabisap lak na yau a. Rumok.

Ru wadan

²¹Aŋ man gun adi fidian Jesus Kristus lo dumado dan ilo uyan apidinai a. Ŋai teig taog, ŋai dida mumado den aŋsam na ilo uyan ru en digane ipalu da. ²²Anut anen tamolpein gun ak etna Rom na dumado den aŋsam na ilo uyan ru dupanaŋ a, agod aenta a Kaisa san ab lo urat digane dan inj dam malmalan mi ilo uyan ru dupanaŋ da. ²³Tubun ak Jesus Kristus injanen ilo panek aŋanem ur da itumanip kisaek mi amado wa.

Kolosi

1 ¹⁻²Ijai Pol, Anut sen ηai ipilianag go, Jesus Kristus san aposel ηilasa ya. Ijai aη, Anut anen tamolpein a Kolosi na amado dan, sam na girek en ηigane ipalu da. Id teid Timoti iη ηai da girek en migire da. Aη Kristus da atumanig lo gun alasa ya. Agod gamu Kristus mi awan ari apanig amado da. Ijai igo ηugudani dak, Anut idaned Tamad san ilo panek, agod ilo maror dam, aηsam na ilasa dop yen a.

Madok uyan an lo Anut ilo uyan tupani wa

³Saen fidian maη Anut idsad Tubun ak Jesus Kristus san Taman mugudani dan, gadiη an lo aη niηemi wo musumiani da, agod ilo uyan ru mupani da. ⁴Man dugo, maη gubak mi ru en malonη a, aη Jesus Kristus o ilom rumok da, agod iηanen tamolpein fidian ilom apidinai da. ⁵Aηanem ilo rumok san naon, Anut ikibine la ya, agog kumaen panu lo iganeg yen da. Aη naon an aηane wo mala nouk amado da. Mala nouk an lo, aη tinim ilon lo aηanem ilo rumok, agod tamolpein fidian niηedi wo amat san kagin dilasag tubun a. Gubak mi ru rumok ak aηsam na ipalug alonη a. Ru rumok en man bilaluη uyan ak a Anut san tamolpein dufulale da. Bilaluη uyan an lo, ru mel uyan uyan ak a aη o kumaen panu lo yen dan niηen o alonη a. ⁶Tan fidian lo bilaluη uyan en iganeg nuηon ifu da, agod ru en ifufurak go panu panu lo yau da. Nek ago mi, aη luluηam lo kagin naon kisaek an mi yen da, saen imug mi aη ru an alonη go, Anut san ilo panek an alonη fufeig ipalug gamu en, ru an ifufurak go tamolpein wei mi sad na yau dugo nuηon ifu da. ⁷Epafras ru an alonη uyanan san maηau ipiteηanaη a. Iη man maηsama urat kisaek, agod iη niηen o tubun mi mamat da. Iη maη naoma iηaneg Kristus san urat kagin ipani uyanan da. ⁸Iηsen aη, Awan Urgan bubem yabisa dugo, lo tamolpein aenta niηedi wo amat dan, ibol go malonη a.

⁹Fun an niηen o, saen maη ru aη niηemi wo malonη go ipalug gamu en, maη aη niηemi wo Anut mugudani panaη da. Maηsama gadiη lo Anut musumiani panaη dak igo ya. Aη Anut ilon dugo ibol dan alonη fufei wa, agod Awan Urgan lo, aη kankan milaen ak, agod maηau dam aη fidian tinim iηanefute wa. ¹⁰Iη aη ibinawaη pe, kagin uyan ak lo ator amado

wa, an lo dop tamolpein aņanem kagin dile dop igo dubol, “tamolpein an iņaned Tubun ak san tamolpein dilasa san idaisuda mok a.” Taida mi, dal fidian lo, Anut san ilo uyan aņ o tubun mi yen o, urat wagai agane wa. Urat uyan ak fidian lo nuņon agane wa, agod nal fidian aņanem maņau Anut niņen o yan isap tubun a. ¹¹Anut san dabai tubun geig a, an niņen o maņ dam, iņ mugudani dop iņsan dabai tubun an fidian ipanaņ a, ago dop, an lo aņ dabai mok a. An lo dop muruan dugo yak fidian aņ lo dilasa bo man, aņ atur dabai pe, yaes ta ifunaņ na wa, agod yousai amam da, ilo uyan ru idaned Tamad apani wa. ¹²Iņ aņ idaisuda mi ipanaņ an lo man, aņ dam naon a iņanen tamolpein gun ak murnap diņane wan lo atutou wa. Naon an gamu iņanen kagin panek aben lilaman anda yak, ante yen da. Agod iņanen patu pasek aņane yan lo, naon an aņane san aņ idaisuda mok a. ¹³Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig iņjiliag go taug Nanun a niņen o imat dan, iņanen kagin panek aben lo tiladu ya. ¹⁴Nanun an lo idad iņjiliad go, idsad aupasek fidian isuas panad a.

Kristus iņ Anut anen tutuņanek tamol mok a

¹⁵Anut Nanun man Anut a id malad nam tile san tia yan san mitilaen imado da, iņanen mitilaen nuņon mok a. Iņ Anut anen nanun matu, agod mel fidian a Anut idiri an taman imado da. ¹⁶Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a malad nam teil san, agod mel a malad nam tile san tia yan dam fidian idiri a. Mel a malad nam tile san tia man, eņel adi, tubud adi, tan keit tuon adi, agod ur naon funfun dabai amad da ya. Awo, rumok, Anut iņ Nanun banin lo mel fidian idiri a, agod iņ niņen o mel an idiri a. ¹⁷Mel fidian gamugo dilasa dugo, iņ imug mi imado ya. Iņ lo mel fidian iņaned abek abek atem dumado dugo, nug lo dututou da. ¹⁸Iņ mi midaeņ gurman, agod midaeņ man iņsan tinin. Iņ mi mel fidian Anut idiraig dilasa yan sad malan te ya, iņ imug mi mateņ lo kumaen imasa ya, an lo man iņ mel fidian iriņanai geig go, lak na isuda yang imasi a. An lo gamu iņ mi mel fidian sad malan te ya. ¹⁹Man dugo, Anut sen iņanen bunun an fidian, Nanun aman da wo ilon yen a. ²⁰Nanun lo mi Anut mel a tan na dumado dan, agod a kumaen panu lo yan dam, fidian iņjiliaip iņanen muroun muroun igo woņ siņiren na dumul pe dupalu wa. An fidian iņsan ager oņ ago mi dumado san tia ya, man dugo, iņanen Nanun san dar aigim fo iwatik an lo maror iganeg ilasa ya.

²¹Aņ imug Anut lo siai aganeg ator se ya, aņ tamol asau ak igo woņ, Anut malan patun fo amado ator se ya. Aņanem kankan lo man, Anut san ager amado se ya, man dugo, aņanem kagin naok naok a agane se yan saian geig a. ²²Ak man Kristus tinin tan en san an imat a. An lo gamu

Anut aŋ naom yabig iŋsan turan mok alasa ya. An lo dop iŋ iŋlian pe iŋ naon na igunaŋ dop, aŋ iŋ malan lo gun ak, nun amam tia yak, agod talpein kot ipanaŋ san tia yak, ago atur a. ²³Ak man aŋ kulob ago ilasa wo urat amam da ya. Aŋ aŋanem ilo rumok abituanip yau a. Nek ibol kadaŋ duguni dabai go ibuk ila iso san tia yak igo atur dabai a. Agod tamol ta aŋ naom yabip, aŋanem mala nouk a bilaluŋ uyan ak igane ilasa dan, ante asuk amul amoi. Bilaluŋ uyan en gubak mi alonŋ dugo, ru nek emaiak Anut san urat tamol adi aben fidian lo dubol ilasa se ya. Agod ŋai Pol, bilaluŋ uyan emaiak san urat tamol ŋilasag ŋumado da.

Urat a Pol Kristus san midaeŋ niŋedi wo igane se ya

²⁴Ŋai madai, agod muruan a aŋ niŋemi wo ŋisini se yan niŋen o uyag isusa da, agod ŋai tinig madai dupani dan lo, Kristus tinin madai dupani amaiak san wadan ŋigane itout a. Kristus tinin man iŋanen midaeŋ, agod midaeŋ an ŋibinawai wo, ilo uyan lo muruan an fidian ŋisini da. ²⁵Anut ŋai ipilianag go, iŋanen midaeŋ en san urat tamol ŋilasa ya. Ŋaisag urat man, Anut san ru an fidian aŋ ŋurupaiaŋ pe alonŋ a, ru ta kisaek ŋabituanip san tia ya. ²⁶Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en iŋanen tamolpein gun ak kuai tem irupidaig duloŋ a. ²⁷Ru mianuk en girager andag awan isa. Agod Anut ilon yen ak igo, ru mianuk en kuai ipanig iŋanen tamolpein gun ak banid lo igane ya, an lo tamolpein tan fidian lo dumado dan, duloŋ uyan dop, ru en san girager tubun ak ka dile wa. Ru mianuk girager anda yak man nek en: Kristus aŋ tinim ilon lo imado da. Agod kulob an nuŋon man, murnap aŋ kumaen a girager anda yan aŋane wa. An aŋ o ilasa wak niŋen o mala nouk amado da.

²⁸Maŋ ru Kristus niŋen o yan tamolpein murupidai duloŋ da. Maŋ tamolpein fidian ru kagin murupidai dugo, kankan milaen ak lo maŋau mupiteŋanai da. Maŋ iloma man, tamolpein fidian miŋiliaip, dida Anut naon na maup, itaot adi Kristus lo yak igo mugunaip dutur a. ²⁹Ŋai mel an ilasa san niŋen o urat wagai ŋigane da. Dabai tubun geig ak a Kristus ŋai ilog lo igane ilasa dugo, ilog lo urat tubun mi isini dan, an nuŋon igane wo maeg ŋigane da.

Pol ilon man midaeŋ Kristus duloŋ uyanan mok a

2 ¹Ŋai aŋ niŋemi wo, tamolpein a taun Laodosia na dumado dan dam niŋedi wo, agod a fidian naog ta dile na yan dam niŋedi wo, ŋubunawaŋ o maeg ŋigane dan, alonŋ uyanan ak ago ilog ibol da. ²Ŋai ilog man, ŋai aŋ iŋ dida ilom ŋabisap, ilom dabai amam da amado wa, agod ilo panek lo atumanip kisaek a. Ago dop an lo aŋ iŋ dida maŋau milaen mok an ilom lo ilasap yen a. An lo dop Anut san ru mianuk an alonŋ pasik a. Ru mianuk a talonŋ san uyanan man Kristus iŋsen. ³Iŋ tinin

ilon lo, Anut gubak mi mel fidian naod lak na geig ak manjau san, agod kankan milaeen ak san dam, imianaig dimianuk go dien da. ⁴Ijai ru ago jurupaianj dan lo, talpein ta ilo njane ru nam irawanj san tia ya. ⁵Man dugo, gidad anj lulujam lo njai naog tia ya, ago bo man njaineg ur lo mi njai anj da tumado da. Ago dugo anjanem ilo rumok Kristus lo yan, anj nug aganuri dugo atur dabai da, an njai njile dugo ilog bulbal da.

**Id Kristus tiganuri dan lo id afon kubiaen
san urat tamol tilasa san tia ya**

⁶Fun an nijen o, an Jesus Kristus anjaneg anjanem Tubun ak ilasa yan nijen o, inj aganurip sisem ator a. ⁷Anj aganep anjanem dabim Kristus lo dudu diau geig a. Agod nek ibol ab ta diabig dabai anda itur dak ago wonj, anj dam Kristus lo dabai amam da atur a. Nek ibol imug Epafras ipitenjananj ak ago, anjanem ilo rumok an dabai apani wa. Taida mi, anj Anut ilo uyan ru apani san kagin an ilom lo awan isa wa.

⁸Kagin agane, kabelan talpein ta tamol sad manjau lo injinej, ago dop ru bulbal injinej dan lo, ilom injane dop ru sewak an san subanek tamol alasa banau. Talpein kulob ago digane dan, inj tubud baged sad na kagin dugo dijaneyan, agod tan en san tan tubud adi sad kagin digam an diri na ya. Ilo sou naok ago yan Kristus san tia ya.

⁹Man dugo, Anut san bunun fidian an Kristus tinin injanefute ya.

¹⁰Agod injanen kumaen anjaneg, anj ilom injanefute ya. Kristus mi malan te ya, inj mi mel fidian sad gurman imado da, agod tubud sewak adi a tamolpein sad madok ditirni dan irijanai geig a. ¹¹Nek ibol Juda adi tinid sujulon tutek san muluj lo dudu dak igo wonj, anj Kristus da atumanig kisaek alasa yan lo, anjanem bunum wagam ak aupasek san an atuteg abibol yau a. Tinik sujulon tutek naok emaiak tamol banid nam ta digane na ya, tia, kulob an Kristus tuon lo mi ilasa da. ¹²Saen anj Kris lo suguek anjane yan, anj Kristus da sisem amat go tan lo disirianj a. Agog Anut anj Kristus da sisem ibiansag fon kumaem amasag amado da. An anj Anut san dabai urat isini dan nijen ilom rumok an lo ago ilasa ya, man dugo, Anut Kristus matej lo yabisag inj fon kumaem imasa da yan alonj la ya.

¹³Gubak mi anj gob mi a, anj aupasek kagin lo ator dugo, Juda sad muluj lo adu man tia ya. An nijen o anj njutumi imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipananj go an lo anjanem njutumi dam kumaen dilasa ya. Agod idaned aupasek fidian isuas yau a. ¹⁴Gubak mi Moses san kubiaen an, ager igane panad go ibiad tadu se ya. Kubiaen an san ru kagin wei mi a, inj nek ibol pepa roun ta an fufo gubun fidian a tinid lo dien dan digire yak igo wonj a, agod id gubun an fidian tukubune wo ta idaisuda na ya. Ak man Kristus gubun an fidian itute ya, inj pepa roun an injaneg isini

yaug, iñsan aigim fo ibali a. ¹⁵Iñanen materñ aigim fo yan lo, tubud adi tuon anda yak, agod ur saiak fidian a tamolpein ditirnai dan, iñaned dabai igane itout a. Nek ibol yu gurman ta yu igane itout go, iñsan ager ta dumat na yan banid ifoug, iñ patun fo malak malak iraug diau dak igo woñ, Kristus iñsan materñ lo yu iganeg itout go, mel fidian a dabai ad da yan ibiai dudu go, malak malak miai ipidinaí a.

¹⁶Fun an niñen o talpein ta añ kulob igo yak agane wo ibol da: añ mel dugo ani aluk dan, soubul agane dan, kalam foun ilasa yak san mugururñ agane dan, tia, Sabat nal niñen o yaes abal dan, ago ibol tap, añ awan ta abi na wa. Talpein ta melmel naok an niñedi wo añ bitinaek lo idirañ dop, añ amoi a. ¹⁷Kagin naok ago yak man, melmel rumok a murnap dupalu an sad mitilaedi mi a, ak man mel a rumok an igo yen la ya, an Kristus sen. ¹⁸Talpein enti sewak kagin lo sen yabi idu dugo, eñel adi sad ubou leil igane dan niñen o kagin agane wa. Talpein naok an patum apani wa, kabelan añanem naon uyanan an iriñanañ banau. Iñ njoñamin lo mañau senamo geig ak iñane dak ago ibol da, an niñen o sen ipitiani da. Iñ añ naom iguri wo ru dabai anda ru kagin irupaiañ da, ak man niñeñ an fun an tia ya. Man dugo, iñsan se pitianoí kagin an lo mi niñeñ da, agod iñanen kankan an tan en san tamolpein dugo ilod isou dak ago mi iri da. ¹⁹Talpein naok ago yan idaned gurman Kristus an yabipitili a. An niñen o iñ Kristus tinin ibiseig yaug patun fo ilasa ya. Kristus mi iñsinanen tinin san gurman, agod tinin anen boi an fidian itirnai da. Iñ lo, tinin san im, tinin san boi aenta fidian disatuaanaig nug diabi dan lo italbusi da, ago dop Anut ilon yen dak ago mi tinin fidian isap dabai a.

²⁰Añ Kristus da sisem amat a, an lo man añ ka tan en san tubud kititik abisawaip kawan ator a. Fun an niñen o, ata wo añ tan en san tamol amado dak oñ, sem idirañ go tan en san tamol kagin wei mok an paed na amado dak i? ²¹Tamol kagin an igo dubol, “Añ mel an ta abi na wa.” Tia dubol, “Añ anañ an ta ani ale na wa.” Tia dubol, “Añ mel en ta asupuri na wa.” ²²Melmel e niñedi wo ñabol den, ata mel tani taluk o boi, an id ka saen kisaek mi urat tipidinaí wa, ago gup dideg diau a. Mel geg niganag an nuñon an tia ya, man dugo, ru kagin naok ago yak san fun mok man, ru kagin sensen ak agod piteñanek funfun a tan en san tamol mi durupaiaid se ya. ²³Rumok, ru kagin naok ago yan tamolpein aenta sad leil lo kankan milaen ak anda yak manonñ a. Man dugo, ru kagin an diri dupani dan lo kagin naok igo dilasa da: iñ ubou leil digane wo sed isodudunai da, iñ sed ibiai dudu da, (ak man kagin an sewak a,) agod iñsed tinid dufu da. Ak man kagin naok ago yan iñaned tini masai diabituaní san iñ dabai ad tia ya.

Idsad madok gun ak san kagin

3 ¹Añ Kristus da sisem Anut ibiañsa ya. An niñen o añ añanem mala nouk an melmel a lak na dien dan fo agane wa. Aben an ate Kristus

inj Anut banin won ak lo imado da. ²Nal fidian pe an tan en san melmel an mi niñedi wo ilo sou ta agane na wa, tia, kumaen panu san melmel amaiak mi ilo sou an agane wa. ³Man dugo, onj umat la ya, agod gamu onjane madok mok ak imianuk Kristus da dumado da, agod onj an ule san tia ya, man dugo, Anut mi kagin an igane da. ⁴Kristus injen mi man onjane madok mok a. Amaiak niñen o saen inj fon tan na walal isi dan, onj dam inj da sisem girager amam da walal asi wa.

⁵An niñen o tan en san kulob saian saian agane dan asare. Anj jeit kagin ta agane na wak, ilo isou saian saian dam ta agane na wa. Anj pein niñedi wo malam ta isi na wak, anj ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an man nek ibol anj tubud sewak adi ubou ad ale dak igo wonj a. ⁶Tamolpein kagin naok naok ago yan digane dan lo man, Anut san tiñae mumarek ipalu da. ⁷Gubak mi anj dam, kagin naok naok ago yan lo ator dugo, ilo sou sisaiak ananem ulum yabi se ya. ⁸Ak man kagin naok igo yak patum apani: wagai kagin, tiñae saiak kagin, nug ule saian san kagin, agod uf ru. Anj ru nun ak awam lo ta ilasa na wa. ⁹Anj nug ta arawi na wa, man dugo, anj ananem bunum wagam ak, agod kagin a bunum wagam ak igane se yan fidian apasi la ya, ¹⁰agod ananem bunum foun ak anjane ya. Anut gamu urat igane dan lo ilom ibileksap manjau foun ak anjane da. An lo Enti a anj foun idiranj alasa yan, anj lo igo igane da, nek ibol injen imado dak, anj dam ago mi alasa da. ¹¹Fun an lo na id foud tilasa yan lulunjad lo tarpalek man tia ya. Grik inj Juda dadi, tamol a tinid sujulon dutute yan, a tinid sujulon ta dutute na yan, tamol asau ak, tia, tamol kasik yu gidigheid digane dak, tamol urat bigabeg ak, tia, tamol kawan imado dan, an fidian kisaek a. Gamu Kristus mi malan te ya, man dugo, inj tamol naok an fidian ilod lo imado da.

¹²Fun an niñen o, anj gamu Anut anen pilianek tamolpein a, anj gun amado dugo inj niñemi wo tubun mi imat da. An niñen o nek ibol tamol ta kulos injal go tinin fo idiri dak igo wonj, kagin en aburoup kulos onj nam tinim abuluwi wa: ilo muñanek, ilo panek, sem ibianj adu san kagin, mos kagin, agod muruan asini san kagin. ¹³Nug ale saian amoi dop, muruan dugo yak anj nugnug lo yen dan, anj anen anen apare idu dop, nek ibol Tubun en ananem aupasek isuas panañ ak igo wonj, anj dam nug san aupasek asuas a. ¹⁴Agod kagin a kagin aenta fidian iriñanai dan man, anj nug niñen o amat a, nek an mi a. Nek ibol let ta, anjam kulos aenta ibiai sakar dak igo wonj, nug niñen o amat ak san kagin an, inj kagin aenta fidian ifou dop an lo sisem urat disini uyanan a.

¹⁵Kristus san maror an anj ulum am yabi wa, ago dop anj pilianek agane wo uyan a. Man dugo, Anut anj igianj go tinik kisaek mi ak alasa ya, an niñen o Anut anj fidian maror lo amado wo irupaianj a. ¹⁶Ru a Kristus niñen o alonj an anjanep bubem ilon lo aganep idaisuda wa. Anj bubem

lo ru an urat isini wa. Kankan milaen ak nam nug apiterjani dop nug ru kagin arupei wa. Isrel kanam bar an abi, kanam bar aenta dam abi, Awan Urgun bar ikubiai panaŋ an dam abi; ilom bubem tinim fidian lo Anut niŋen bar abi wa. Aŋ ago agane dop Anut ilo uyan apani wa. ¹⁷Aŋ ru dugo abol dan, kagin dugo agane dan dam, an fidian Tubun en Jesus yaŋan lo mi agane wa. Iŋ yaŋan lo mi Bai Anut ilo uyan ru arupei.

Nug muroun sad ru kagin sensen ak

¹⁸Pein, aŋanem tamol awad paen na amado wa, man dugo, kagin an mi Anut malan lo itaot a. ¹⁹Tamol, aŋanem pein niŋedi wo amat a, agod ru saian nam ta apidai na wa. ²⁰Nanuk, aŋanem tinam tamam mel dugo agane wo dubol tap, iŋ awad kagin apani. Man dugo, kagin naok ago yan, agane dop lo Anut ilo uyan apani wa. ²¹Tinan taman, aŋ nanuk pempem muruan ta apidinai na wa, kabelan iŋ ilod saian panaŋ pe, kagin uyan ak digane wan dumoi banau. ²²Urat bigabeg adi, aŋanem tamam a kagin dupanaŋ dan, mel ta dugo agane wo dubol tap, aŋ pempem awad ari apani wa. Iŋ diliaŋ o, tia, iŋ ilod aŋanep dipitianaŋ o ago agane amoi. Tia, iŋ malad patun fo bo man, Anut o mi arer dop, tamol nuŋom ago woŋ, iŋsad urat itaot aganep ilasa wa. ²³Aŋ mel dugo agane dan, ilom ŋutum nuŋon amam da agane wa. Man dugo, aŋ tamol sad urat ta agane na da, tia, aŋ Tubun en san urat agane da. ²⁴Fun an niŋen o, aŋ mel en aloŋ uyan ak, Tubun en aŋ dam mel uyanan a Anut san tamolpein ipidinai o iganeg yen dan, aŋanem urat naon igo woŋ ipanaŋ a. Tamol nek a iŋsan urat agane dan man Tubun ak Kristus iŋsen mi. ²⁵Aloŋ uyan ak, talpein enti igane saian dan, iŋsinan kagin saian an naon ka iŋane wa. Gidad oŋ urat bigabeg, oŋ urat bigabeg taman, naon panek kagin a Anut igane dan kisaek a, man dugo, iŋsan leil lo man, id fidian tou kisaek mi a.

4 ¹Oŋ urat bigabeg taman, aŋ kagin itaot ak lo, agod kagin uyan ak lo dam, aŋanem urat bigabeg adi kagin apidinai a. Man dugo, aŋ aloŋ ak, aŋ dam tamam am da ya, iŋ kumaen panu na imado da.

Ru kagin aenta

²Aŋ saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa. ³Agod saen aŋ Anut agudani dop, maŋ o dam ilom isou panama wa. Anut asumiani dop, iŋanen ru mianuk Kristus niŋen o yan mabol ilasa san iŋ ka dalawan ipasi panama wa. Iŋai gubak mi ru mianuk an tamolpein ŋufulale pidinai se ya. Fun an niŋen o ŋai dsubanag go sein nam ŋieg banig dufoug subanek ab lo ŋumado da. ⁴Anut asumiani dop ŋai ibinawag pe iŋanen ru en fun kuai tem ŋabol ilasap, tamolpein dulon uyan a. Ago ŋigane dop man uyan a. ⁵Saen aŋ tamolpein ensauta a aŋsam midaeŋ patun fo dumado dan

luluḡad lo amado man, aḡ ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta aḡanem ilo rumok ka afulale pidinai dop man, aḡanem ilo rumok afulale pidinai a. ⁶Saen fidian aḡ ilo uyan san ru, agod ru kududod bulbal san an mi aḡiḡeḡ a. Ago dop lo talpein ta sumiaek igane tap, aḡ ilo sou uyan ak lo mi sumiaek awan abi dop, lo tamolpein fidian dulonḡ uyanan a.

Pol turan muroun ilo uyan ru digane ipalu ya

⁷Tikikas iḡ ḡai kulob dugo ḡigane na yan ka ibol alonḡ a. Iḡ maḡ teima Kristus lo yan niḡen o mamat da, Tubun en san urat lo iḡ ḡaisag urat kisaek, agod maḡ ka iḡ Tubun en san urat igane uyanan o tinima migane pani wa. ⁸ḡai iḡ aḡsam na ḡigane yau da. An fun man, iḡ maḡ dugo mumado den san fun fidian ibol alonḡ a, ago dop aḡ ilom pasai ibol a. ⁹Onesimus iḡ da aḡsam na sisem diau da. Iḡ tamol Kris ak ilasa ya, agod maḡ niḡen o tubun mi mamat da. Gamu iḡ dam aḡanem midaeḡ san tamol kisaek a. Iḡ urarum mel fidian etna ilasa dan ka dubol alonḡ a.

¹⁰Aristakas, iḡ dam subanek ab lo da mumado yan aḡsam na ilo uyan ru igane ipalu da. Mak dam aḡ ilo uyan ru irupaiaḡ da, iḡ Barnabas nukol. Aḡ Mak niḡen o ru kagin aḡane la ya. Iḡ aḡsam na ipalu tap, aḡanep kagin apani wa. ¹¹Agod Jesus, iḡ yaḡan aenta Jastas dubol dan dam aḡsam na ilo uyan ru igane ipalu da. ḡaisag urat kisaek adi a Anut san kagin panek o urat digane dan, luluḡad lo tamol utol en mi Juda tamol a. Iḡ ḡai dubunawag go ilog pasai ibol a. ¹²Epafras, iḡ dam aḡsam tamol kisaek a, agod ilo uyan ru irupaiaḡ da. Iḡ Jesus Kristus san urat tamol mok a. Iḡsan gadiḡ lo aḡ niḡemi wo urat wagai igane dugo, Anut igo isumiani da: Anut ilon dugo ibol dak alonḡ uyan pe, tinim ḡutum fidian lo ari apani wa, agod aḡ mel ta niḡen o, ta katuk amam na wa, an lo dop aḡanem ilo rumok Kristus lo yan dabai a. ¹³ḡai ḡaiseḡ ḡurupaiaḡ da, iḡ aḡ ibinawaḡ o urat wagai igane da, agod ilo rumok adi Laodosia na yan, Hirapolis na yan dam niḡedi wo urat wagai igane da. ¹⁴Maḡsam turama mok, Luk, iḡ a dokta tamol amaiak, Dimas da aḡsam na ilo uyan ru digane ipalu da. ¹⁵ḡai naog aḡanep ilo uyan ru, ilo rumok adi Laodosia na dumado dan arupidai. Nimfa, agod midaeḡ a iḡsan ab lo dutumani dan dam, ḡaisag ilo uyan ru arupidai.

¹⁶Girek en asutip ale gup murna Laodosia midaeḡ sad na agane yaup, iḡ dam dusuti dop dulonḡ a. Nek ago mi aḡ dam girek taida an Laodosia midaeḡ sad nag ipalu yan asutip ale wa.

¹⁷Akipas arupeḡ, “Tubun ak iḡanen urat gane wo dipiliano yan urat wagai ganep, gane yau itout a.”

¹⁸ḡai Pol, ḡaiseḡ banig mok nam ru wadan en ḡigire da. ḡai ilo uyan ru ḡurupaiaḡ da. Aḡ ḡai subanek lo ḡumado dan, ilom ta iḡaonḡ na wa. ḡai ḡugudani da, Anut iḡanen ilo panek aḡ da ka amado wa.

1 Tesalonaika

1 ¹Pol, Sailas agod Timoti ago girek migire yen aŋ Kris midaeŋ Tesalonaika na yan sam na yau da. Aŋ id Tamad Anut iŋ Tubun ak Jesus da sisem amado da. Anut san ilo uyan maror da ka aŋ lo yen yau a.

Tesalonaika tamolpein sad ilo rumok aenta dabai ipidinai da

²Pempem maŋ aŋ niŋemi wo Anut ilo uyan mupani dak, saen fidian ibinawaŋ o mugudani da. ³Aŋsam ilo rumok an kagin uyan ak aŋ lo igane ilasa da. Aŋ nug niŋen o amat agog urat dabai mok nug abinawi san agane da. Aŋ dam aŋanem tini ganei idsad Tubun ak Jesus Kristus lo yan niŋen o kagin an iginiaŋ go muruan naok fidian lo atur dabai da. Ago tag maŋ aŋsam kagin an niŋen o id Tamad Anut ru murupeŋ wo iloma ta isali na da.

⁴Teig muroug, maŋ malon ak, Anut buben ipanaŋ go ipilianaŋ a. ⁵Man dugo, saen maŋ aŋsam na mupalug malama mok nam abaŋ mile ya, ru uyanan mufulale man ru kawan ago tia ya. Tia geig, maŋ Anut san dabai aŋ lo mile agog Awan Urgun dam aŋ luluŋam log iŋsan ru ilom tubun mi isue ya. Maŋ tamol dugo yak, agod aŋ niŋemi wo maŋsama kagin aŋ luluŋam lo migane se yan aŋ alon uyanan a. ⁶Aŋ maŋsama kagin agod Tubun ak san kagin da agam go ari a. Gidad muruan tubun mok aŋsam na ilasa se yak man Awan Urgun aŋ ibiaŋsag aŋ ilo uyan da isuda geig a. Kagin ago yan lo maŋsama bilaluŋ aŋane ya. ⁷Fidian aŋsam kagin duloŋ a. An lo ilo rumok tamolpein Masedonia nag Akaia na dam, gamu aŋanem kagin dututuŋani da. ⁸Aŋ ru afulale yan lo, bilaluŋ a Tubun ak niŋen o yan, nek ibol dou san liliŋan yau dak igo won ifufurak yau a. Ru an Masedonia nag Akaia na mi ta yau na ya, tia, aben fidian iŋane ya. Aŋ Anut niŋen o ilom rumok dan fidian duloŋ pasik a. An niŋen o maŋsema ru ta aŋ niŋemi wo mabol san urat amama tia ya. ⁹Tia, iŋsed mi aŋsam mala parek naok dugo yak apanama yan niŋen diŋiŋeŋ ilasa da. Aŋ bui adi sad tubudi lo adaŋsag, Anut mi ilom apani a. An lo gamu Anut e rumok di kisaek o lian en paen na amado dugo, iŋsan urat tamolpein mok alasa yak, an niŋen o diŋiŋeŋ da. ¹⁰Ago dugo aŋ, Anut san Nanun Jesus, kumaen panu ibiseip imul o dan niŋen o malam aganeg amado

den, an niġen o dam diġiġen da. Iġ gubak mi imat go Anut mateġ aben lo ipasi iġane ya. Anut san tiġae mumarek murna ilasap lo tamolpein daoġ ipidinai a, ak man Jesus mateġ log imasa yan lo, id ilo rumok tamolpein daoġ an lo patud ipasi wa.

Pol san urat Tesalonaika na ya

2 ¹Teig muroug, aġsem aloġ a, wagam aġsam na mupalu man maġsama urat kawan ta yau na ya. ²Inug mi Filipai na man, maġ tinima malan dusueg ilo madai miġane man aġ aloġ a. Ak man idsad Anut maġ bubema dabai ipani an lo, maġ dabai miġaneg iġsan bilaluġ uyan an aġsam na mufulale se ya. Maġ ager tamol adi dida nug mabi midiri se yak man niġedi wo ta marer se na ya. ³Maġ aġsam na ru miġiġen den, maġ mufurfig ru mabol an ta muri na da. Taida mi, maġ kankan saian ak mianuk lo yen dan lo ta mabol na da, ago dugo aġ mirawaġ o ta migane na da. ⁴Tia, nek ibol tamol a Anut iġsan bilaluġ uyan ak banid lo igane wo awok ipidinai ak igo woġ, maġ tamol naok ago mi iġsan ru miġiġen ilasa da. Maġ tamol ilod miġane wo ta migane na da, tia, Anut ilo uyan mupani wo urat migane da. Iġ maġsama bubema ibitinae da, ago yak niġen o iġ iloġ uyan ak maġ sewak ru ta mabol na ya. ⁵Aġ aloġ ak, saen maġ aġ luluġam lo mumado se yan, maġsama ru lo aġ ilom ta miġane na ya, tia geig a. Agod Anut dam iloġ ak, maġ mala bulbal san kagin miġaneg, maġsama kagin uyan uyan ak paen na mumiani wo ago ta migane na ya. ⁶Ago dugo, maġ tamol yaġak tubun miġane san urat ta migane na ya. Aġ malam lo, agod aenta malad lo dam tia ya.

Rumok, maġ Kristus san bilaluġ tamol mumado da. Ago yan lo maġ iloma ibol ak man, aġ maġsama yaġama asini wo musumianaġ dop sema ilobol lo muruan mupanaġ san niġen o maġ idaisuda ya. ⁷Ak man saen maġ aġ da tumado se yan, maġ kagin mos anda migane se ya, nek ibol pein iġanen nanuk kagin ipani dak igo woġ a. ⁸Maġ aġ niġemi o mamat saian a, an niġen o maġ Anut san bilaluġ uyan ak mupanaġ o an iloma lo tubun mi bulbal a, an mi tia ya, tia, maġsema tinima aġ lo mabituanu san tia ya. Man ata wo? Aġ maġsama turama mok alasa ya. ⁹Teig muroug, saen maġ Anut san bilaluġ uyan ak aġ luluġam lo mufulale se man, maġ urat dabai mok migane yan aġ ilom isou. Tidom ad urat migane se yan lo maġ muruan ta kisaek mupanaġ man tia ya. Man dugo, tamol ta maġ kagin ipanama san urat mupani san niġen o iloma ta ibol na ya.

¹⁰Saen maġ aġ ilo rumok adi luluġam lo mator dan maġsama kagin gun, agod itaot, aupasek aman tia yak, an aġ ale ya. Anut dam ago mi a. ¹¹Aġ aloġ a, maġ kagin dugo aġ kisaek kisaek lo migane dan, nek ibol nanuk adi tamad kagin ipidinai dak ago mi a. ¹²Maġ tan suek ru mupanaġ dugo, ilo maror san ru murupaiaġ se ya. Ago dugo aġanem

madok tan en lo man, Anut enti aŋ igiaŋ go iŋanen girager alep iŋsan kagin panek aben lo aladup fom idaisuda san niŋen o musurnaŋ se ya.

¹³Taida mi, maŋ nal fidian Anut an niŋemi wo ilo uyan ru mupani da. Ata wo? Gubak mi saen aŋ Anut san ru maŋ awama lo aŋane yan, ibol tamol sad ru oŋ ta aŋane na ya, tia, ibol Anut sen awan igo woŋ aŋane ya. Rumok, ru an Anut san, an lo aŋ Anut san ru igo woŋ ru an aŋane ya. Ago dugo gamu ru an aŋ ilo rumok adi bubem ilon lo urat igane da. ¹⁴Teig muroug, aŋ nek ibol Kris midaeŋ Judea na dumado dak oŋ alasa ya. Iŋ Kristus Jesus niŋen o ilod rumok dugo iŋ lo dumado da. Aria, nek ibol iŋ Juda banid lo madai diŋane na yak ago mi, aŋ dam siŋanem Tesalonaika tamolpein gob ak banid lo ago aŋane ya. ¹⁵Juda tamolpein iŋ wagam mi profet adi dufu dumat se ya, agog Tubun ak Jesus dam dufuni imat a, agog gamu maŋ dam dukudamag mau a. Iŋ Anut tiŋae saiak dupani oŋ se ya, ago dugo iŋ tamolpein fidian dil saian da. ¹⁶Man dugo, iŋ maŋsama dal dufutani wo maeg digane da, an lo maŋ tamolpein Juda adi tia yak sad na ru mufulale san tia ya. Iŋ Anut gob adi patud ipasip iŋiliai san dumoi da. Dal an lo iŋ pempem aupasek digane dugo sad aupasek tubun geig ilasa ya. Ak man gamu Anut sen yabituani san tiag an lo iŋsan tiŋae mumarek iŋsad na igane ilasa ya.

Pol fon Tesalonaika tamolpein yil o da

¹⁷Teig muroug, saen katukan mi maŋ aŋsam na dukudama, agog maŋ nanuk tinan taman an tia yak mumado woŋ se ya. Rumok maŋ aŋ naomi ta mile na ya, ak man bubema aŋ lo yen da. An lo maŋ urat dabai mok naom mile wo dal abaŋ mabi da, ago dugo bubema tubun mok naom mile wo itata da. ¹⁸Ago yan lo maŋ aŋsam na mupalu wo migane se ya, ŋai Pol nal wei mok ŋibitinae se ya. Ak man Satan maŋ naoma dal ifou se ya. ¹⁹Murna gup, saen idsad Tubun ak Jesus tan na imul dop id naon na tatur an, maŋsama mala nouk dugo i? Ago dop maŋ ata mel niŋen o yousai migane wak i? Ago dop maŋsama urat naon miŋane wan dugo i? An nek aŋsem mi a. ²⁰Rumok nuŋon, aŋsem mi maŋsama girager, agod maŋsama yousai dam mi a.

3 ¹An niŋen o maŋ malama taida migane san tia ya. An lo maŋ uraru mi Atens na mumado wo iloma isou a. ²Agog maŋ id teid Timoti mi midinig aŋsam na ipalu ya. Iŋ bilaluŋ uyan ak Kristus niŋen o yan ibol ilasa san urat lo, iŋ Anut san urat kisaek a. Ago yan lo maŋ miganeg, aŋanem ilo rumok lo dabai ipanaŋ o aŋsam na ipalu ya. ³Maŋ iloma igo yen, iŋsan tan suek ru lo, talpein ta aŋ luluŋam lo muruan madai da asini dan niŋen o ilon idu dop ta isuk imul na wa. Aŋ aloŋ uyanan la yak, Anut id muruan nek an tisini wo wagam mi ipilianad a. ⁴Rumok gubak mi saen maŋ aŋ da tumado man, ru en murupaiŋ se ya, murna gup tan en san tamolpein id tinid dusue dutare wa. Agog aŋsem malam

nam ale dugo kagin an nek ago an̄sam na ilasa se ya. ⁵Ŋai an̄ niŋemi wo ilo weiwei ag da ŋumado se ya. Kitek milaen go ŋai ilo maror amag tia ya, an lo Timoti ŋidinig an̄sam ilo rumok niŋen o yen dabai boi, tia boi, an kuai ipani wo an̄sam na ipalu ya. Ŋaisag rirek man, ur saiak ilo ŋanek san ta ilom iŋaneg maŋsama urat an kawan a.

Timoti san urat Pol Sailas da dabai ipidinai a

⁶Aria Timoti, an̄ ibisawaŋ go gamu geig maŋsama na ilasag, agog ru uyanan ak irupaiama ya. An̄anem ilom rumok, agod an̄ tamolpein niŋedi wo amat dan niŋen o ru irupaiamag malon̄ a. Agog fon ibol, an̄ pempem maŋ niŋema wo ilom isou dak, niŋema wo bubem uyan da. Agog irupaiamag an̄ maŋ aliama wo amat da, nek ibol maŋ an̄ miliaŋ o mamat dak ago mi a. ⁷Fun an lo, teig muroug, gidad maŋ muruan naok wei mi misini dan bo, saen an̄sam ilo rumok niŋen o ru malon̄ man, bubema imasa, agog iloma maror anda mumado ya. ⁸Amaiak niŋen o gamu maŋ ilo maror da ka mumado wa, man dugo, an̄ Tubun ak lo atur sakar da. ⁹Maŋ an̄ niŋemi wo idsad Anut malan lo iloma uyan mok da. An niŋen o maŋ dugo migane wak i? Ilo uyan dugo mok miganep Anut naon mupani wak i? Maŋ ta idaisuda geig na ya. ¹⁰Tidom ad maŋ urat dabai mok naom mile wo mumosiai on̄ da. Ago dop an̄anem ilo rumok an mel ta lo katukan dop man, maŋ mel an ka mupanaŋ pe an̄anem ilo rumok idaisuda mi geig ilasa wa.

¹¹Gamu ŋai idsad Bai Anut, idsad Tubun ak Jesus ida igo ŋusumianai da, dalawan dupasi gup an̄sam na mupalu wa. ¹²Tubud en ilo muŋanek san kagin anua geig ak iganep, an̄sam na isuda wa. Ago dop an̄ ka nug niŋen o amat dop teim taomi ilom apidinai ak, tamol fidian dam mi, nek ibol maŋ iloma mupanaŋ dak ago mi a. ¹³Ŋai Anut ŋusumiani da, an̄ bubem ŋutum ka dabai iŋane wa. An lo dop, saen idsad Tubun ak Jesus, iŋanen gun adi dida dumul dupalup, an̄ idsad Bai Anut naon na atur an, an̄ gun amado dop iŋ an̄ niŋemi wo ru aman tia wa. Mel an fidian Bai ŋugudani dak iganep dilasa panaŋ a.

Kagin a Anut malan lo uyanan a

4 ¹Teig muroug, gubak mi maŋ an̄ kagin dugo aganep lo Anut ilo uyan apani wan niŋen o ru kagin murupaiamag la ya. Ago dugo an̄ maŋ awama abig gamu kagin an lo mi amado da. Gamu Tubun ak Jesus lo, maŋ an̄ musumianaŋ dugo mususunaŋan̄ da, an̄ aganep kagin nek an an̄ luluŋam lo dabai apanip tubun ilasa wa. ²An̄ ru kagin an fidian Tubun ak Jesus wagen lo mupanaŋ an aloŋ pasik a.

³Anut san ilon man igo ya, iŋ iginiaŋ pe gun amado wak, an̄ jeit kagin patum apani wak, ⁴an̄ kisaek kisaek dam aloŋ uyan pe tinimi atirni wa. Ago dop saen pein an̄al dop kagin gun ak mi ari wak, agod kagin naok

a tamolpein uyan dubol dan dam ari wa. ⁵Añ nek ibol gob adi bubed gidigheid imasa dop jeit digane wo ilod irae dak ago ta agane na wa. Tamolpein an Anut ta dulon na ya. ⁶Jeit kagin niñen o ñabol da, onj tei tao lo aupasek ta gane na wa. Nug ñanek lo, agod dam onj tei san iwon ta ugam na wa. Ago dugo onjane tei tinik san kagin lo dabai an tia yan ule dop man, gidad inñsan madok pitiñini wo ta gane na wa. Mañ kagin naok ago yan fidian niñedi wo ru kagin igo murupaiañ la ya, Tubun en inñsen tamolpein ensauta a aupasek naok ago yan digane dan naon muruan geig ak ipidinai a. Ago yan lo afon murupaiañ da, kagin agane. ⁷Man dugo, Anut id kagin dugo dugo nun ipanad dan tiri wo ta igiad na ya, tia, madok gun ak lo mi tumado tator o igiad a. ⁸Ak niñen o tamol ta ru en patun ipani ak man, inj tamol mi patun ta ipani na da. Tia, inj Anut enti a Awan Urgan ipanañ dan patun ipani da.

⁹Añ teim muroumi ilom apidinai san kagin niñen o man, ñai anñsam na ru ta ñigire san tia, man dugo, Anut kagin an niñen o ipiteñanañ la ya. ¹⁰Rumok, añ teim muroumi aben fidian Masedonia na yan ilom apidinai da. Ak man teig muroug, mañ ru dabai murupaiañ da, kagin ago agane dan niñen ilom ta isali na wa, tia, kagin an dabai apanip tubun geig a.

¹¹Ilo isou dabai mok agane dop ate na pasak nam amado wa. Aenta sad niñeñ o kabuñam ta aduduni ator na wa. Siñanem banimi mok lo urat agane dop amado wa, nek gubak mi murupaiañ ago mi a. Urat tia kawan amado dop Tubun en imul san atitiani man kagin saian a. ¹²Dal an lo tamolpein Kris tia yan anñsam kagin uyan an dilep yañam diabisa wa. Agod dam, añ tamolpein aenta mel ta lo dibinawañ o tinim apidinai san urat amam tia wa.

Tubun en imul da wa

¹³Aria teig muroug, añ añaonj man mañ mamoi a. Ilo rumok tamolpein dumat la yan, niñedi wo tamolpein ilo rumok ad tia yak igo wonj ilomi ta itata na wa. Inj tubun mok ditata da, man dugo, saen inñsiganed mok ta imat den afon naon ta dile na wak ago ilod isou da. Tamolpein an Tubun ak lo mala nouk amad tia ya. ¹⁴Ak man id Jesus imat go imasa da yan niñen o ilod rumok a, ago yak niñen o id talonj a, Anut san dabai lo gup Kris tamolpein dumat la yan injal pe Jesus da dumul da wa. ¹⁵Mañ itaot Tubun ak awan lo malonj agog gamu añ murupaiañ da. Saen Tubun ak tan en lo imul dop id tamolpein kumaen tumado den, dumat la yan naod na id ta tamug na wa. ¹⁶Tia, Tubun ak awan tubun mi ru kagin isasaip, eñel gurman dam iwagiñ dop, Anut san barag diwip tubun mi ibob gup, Tubun ak inñsen kumaen panu ibiseip idu wa. Ago dop tamolpein ensauta a Jesus lo ilod rumok go dumat la yan imug dimasa wa. ¹⁷Saen an lo id inñsan tamolpein kumaen tumado dan, Tubun en inñliad pe keit lo tamolpein imug dumat la yan dida tusudap, lak na Tubun en da timtaen

titiŋaem tutumani wa. An lo id Tubun en da pempem tumado wa. ¹⁸Ak niŋen o aŋ teim muroumi ru en lo ilod dabai apani a.

Tubun ak imul ipalu wak o kagin tigane dop tumado wa

5 ¹Teig muroug, saen dugo boi, nal dugo boi, mel en ilasa san, maŋ girek ta migirep murupaiaŋ san tia ya. ²Aŋsem aloŋ la yak, Tubun ak san nal man id taloŋ san tia ya, nek ibol gumagam tamol tidom ilasa dak ago mi nal an ilasa wa. ³Saen ilasa dop tamolpein igu dubol a, “Gamu en maror san saen a. Id ka tumado uyan a. Ager ta tarer san tile dak tia geig a.” Ak man saen an lo dop mel ta daoŋ ipidinai san an iŋsad na ilasa kisaek oŋ a. Nek ibol pein nanuk digansi wo madai diŋane dak ago mi woŋ a. An lo tamolpein iŋ nal an san muruan diriŋani san tia wa.

⁴Ak man teig muroug aŋ tidom lo ta amado na da, an lo nal en aŋsam na gumagam oŋ ta ilasa na wa, tia geig a. ⁵Aŋ fidian tamol ilalaŋ san agod ad san, id tidom, tidom tubun da san tia ya. ⁶An niŋen o kabelan taen banau, ibol tamol aenta woŋ. Gidad malad ipuk pe ilo isou amad da kagin tigane dop tumado wa. ⁷Id taloŋ a, tamol ŋioŋ san tidom lo dien da, agod lukluk san tamol, iŋ tidom lo mi diluk da. ⁸Ak man id tamol ago tia ya. Tia, id ad san tamolpein tumado da. Ak niŋen o idsad madok an kagin tupani wa. Id ilo rumok tiŋanep ilo muŋanek da dumui oŋ tigane wa. Idsad titianek man, mala nouk a Anut iŋiliad san an yu san katkat kabuŋad lo tukudi wak ago mi a. ⁹Anut iŋsan tiŋae mumarek tiŋane wo ta ipilianad na ya. Tia, id ipilianad man, id idsad Tubun ak Jesus Kristus lo mi patu pasek tiŋane wo ipilianad a. ¹⁰Gubak mi iŋ imat go ate id ibinawad san. Ago yak niŋen o id kumaen tumado boi, tia tamat la tap, id iŋ da kumaen tumado wa. ¹¹Ago yak niŋen o aŋ kisaek kisaek an ru uyanan lo teim muroumi ru arupidai dop, nug buben dabai apani wa. Nek gamu agane dak ago mi a.

Ru wadan

¹²Teig muroug, maŋ ru en murupaiaŋ da. Aŋ tamol luluŋam lo urat digane den paed na amado wa. Ru kagin dupanaŋ an niŋen yaŋad abisa wak kududom dam agure wa. Man dugo, Tubun ak iŋ ipilianaig aŋsam gurman dilasa ya. ¹³Ago yak niŋen o ilom apidinai a, yaŋad dam lak na mok abisa wa, fun dugo, urat a digane dan niŋen o ago agane wa. Aŋ dam anek anek atem maror nug lo apanip amado wa. ¹⁴Teig muroug, saen tamol ta urat igane wo ilon isali tap, dal an saian ak ago ru kagin arupeŋ wa. Tamol a buben irer dan dabai apani wa, agod tamol a iŋsan ilo rumok dabai amad tia yan abiai sakar a, kabelan dideg diau banau. Nug kagin apani wo ilom ta isali na wa. Maŋ kagin ago agane wo mususuŋanaŋ da. ¹⁵Nug ale wo uyanan a, saen tamol ta aenta lo muruan igane tap tamol muruan isini an naon ta igane na wa. Nug kagin apani

wak niŋen o maeg agane wa, agod tamolpein a ta Kris na yan dam kagin apidinai a.

¹⁶⁻¹⁷Aŋ pempem ilom uyan dop, pempem aguduani wa. ¹⁸Aŋ ata mel uyan boi, saian boi, ilasa dop pempem Anut ilo uyan apani wa. Man dugo, aŋ Jesus Kristus san tamolpein tap ago agane wo Anut ilon ago ibol da.

¹⁹Aŋ Urgan san yai tinimi ilon lo ta agane imat na wa. ²⁰Profet ta iŋ Anut san awan iŋanep ŋiŋeŋ an ibol ilasa dop man, aŋ ru an ru kawan ak ago ilom ta isou na wa. ²¹Tia, aŋ mel fidian abitinae gup, mel uyan ak mi abituanani wa. ²²Agod kagin dugo dugo saian ak agane san man amoi a.

²³Anut sen mi iŋ maror san fun. Inŋen mi iŋanep aŋ ka gun alasa pasik a. Agod iŋ ka aŋsam ur, ŋutumi agod tinimi tan en san kagin ipidinai a. An lo saen Tubun en Jesus Kristus imul ipalu wak aŋ uyanan geig amado wak tinim aupasek an tia ya. ²⁴Anut aŋ igiaŋ a, inŋen pempem mi siganen ru iŋanuri da, ago yan lo ru dugo ibol ak ago mi, mel an igane ilasa wa.

²⁵Teig muroug aŋ Anut san na aguduani dop iŋ maŋ ibinawama wa. ²⁶Aŋ teim taom Kris ak fidian musuk gun ak apidinai a. ²⁷Ijai ru dabai en Tubun en yaŋan lo ŋabol da, girek en tumanek lo fidian naod na asuti ilasap duloŋ a.

²⁸Tubun en Jesus Kristus san ilo maror ka aŋ da amado wa.

2 Tesalonaika

1 ¹Ɔai Pol, Sailas agod Timoti, girek e migire yen aƚ Kris midaeƚ a Tesalonaika na yan aƚsam na migane ipalu da. Aƚ Anut idsad Tamad iƚ Tubun ak Jesus Kristus da, sisem amado da. ² Anut idsad Tamad agod Tubun ak Jesus Kristus da iƚsad ilo panek agod ilo maror da dupanaƚ a.

Jesus Kristus imul ipalu san ru

³Ɔai teig taog, maƚ pempem aƚ niƚemi wo Anut ilo uyan mupani da. Ago migane dan man uyan a, man dugo, aƚsam ilo rumok Anut lo man tubun mok ilasa da. Agog nug niƚen o amat dan dam tubun geig ilasa oƚ da. ⁴ An niƚen o saen maƚ Anut san Kris midaeƚ luluƚad lo mitililani an, aƚ yaƚam mabisa se ya. Ata wo? Fun aƚsam ilo rumok tubun geig, agod aƚ Tubud san dal lo atur sakar oƚ da. Aenta madai iƚ misilanek da dupanaƚ pe lo au adu o da, ak man mel an aƚ patum apani da.

⁵ Kulob a kuai tem ikibiai panad dan man, Anut san bitinaek itaot mok a. Ru e ƚabol en fun man, muruan wei mi aleg, an lo Anut malan lo iƚ awok ipanaƚ dop, aben a Anut kagin ipanad san an lo aladu wa. Aƚ aben an san a, aben an lo au ak niƚen o aƚ madai gamu akubiani da. ⁶ Kagin a Anut aƚ o igane yan nek itaot a. Man dugo, iƚsan ilo sou lo tamolpein a gamu muruan dupanaƚ dan mite gup naon muruan ipidinaip, an lo madai tubun ak dile wan itaot geig a. ⁷ Mel en dam iƚ malan lo itaotan a. Iƚ aƚ muruan a ale dan yaes ipanaƚ a, ago dop aƚ maƚ da sisem yaes bilabal lo tiladu wa. Saƚeptap saen an ilasa wak i? Saen Jesus iƚsen yai balen tubun ak aman da did panu ibisei dan lo, tinin walal te iganep ilasa wa, agod iƚanen eƚel adi dabdabai ak dida dumul dupalu wa. ⁸ Saen an lo, iƚ iƚanen pani naon iƚsen lo inawai geig ak da imul a. Ago dop tamolpein ensauta a Anut ta duloƚ na, agod tamolpein ensauta a bilaluƚ Tubun ak Jesus niƚen o ilo rumok adi dufulaleg duloƚ gug ta duri na yan dam, naon saian geig ak ifuli ipidinai a. ⁹ Muruan mitep dile wan man, daoƚ pempem yen yau san, amaiak lo dudu diau a. Naod dam ifutanip an lo Anut san madok an patun fo dilasa dop, iƚsan dabai girager anda yan ta dile na wa. ¹⁰ Nal an lo, iƚ imul ipalup iƚsan tamolpein gun ak luluƚad lo ilasa dop, yaƚak tubun a girager anda yan iƚane wa. An lo dop,

tamolpein ensauta a ilod lo rumok an malad bulbal pe malad ti ibol pe dile wa. Agod aŋ dam luluŋad lo amado wa. Man dugo, saen maŋ iŋsan ru mabol ilasa se yan aŋ ilom lo rumok a.

¹¹Maŋ mel an niŋen o pempem aŋ niŋemi wo maŋsama gudanek igo migane da. Anut iŋsen, aŋ iŋanen wagin aŋane wo idaisuda an niŋen o idiraŋ alasa wa. Ago dop iŋsan dabai lo, ilo isou dugo yak agane dan, agod urat a ilo rumok lo ilasa dan dam, an fidian aganep itout a. ¹²Maŋ ago mugudani dan lo tamolpein aenta aŋ niŋemi wo idsad Tubun ak Jesus yaŋan diabisa wa, agod iŋ lo yak niŋen aŋ dam yaŋam diabisa wa. An lo ilasa san dal an man ilo panek a idsad Anut agod Tubun ak Jesus Kristus da dupanaŋ dan, nek an mi a.

Kubiaeŋ riŋanek tamol

2 ¹⁻²Teig taog, idsad Tubun ak Jesus Kristus imul ipalu san, agod id iŋ da sisem tutumani san dam niŋen o kudodom agure wa. Aenkadi Tubun ak san Nal ilasa la yan niŋen ago dubol da. Profet ru ta boi, tia, maŋsama girek ta boi, tia, ru tim maŋ awama lo ilasa ago dubol boi, gidad, ru naok ago yan aloŋ tap, ilom lo ta rumok na wa. Gidad, maŋ ru dabai ak lo igo murupaiŋ den aloŋ a, ririan arut dop aŋanem kankan ta yau imul na wa. ³Mel an niŋen o tamol ta ale funi dop dal ta lo ta irawan na wa. Tia, nal an ta ilasa na dop, awa bitek san nal imug mi ilasa wa, ago dop kubiaeŋ riŋanek tamol dam iŋ walal te ilasa wa. Tamol an man daoŋ san gib lo idu san mi a. ⁴Tamol an tamolpein sad anut gidigidad adi fidian sad ager, agod melmel fidian a tubud igo woŋ ubou ad dile dan sad ager tamol dam imado da. An lo iŋsen yaŋan yabisa dop, iŋanen madok aben a Anut san ubou ab lo yan iŋanep, an fo imasip igo ibol a, “ŋai mi Anut.” ⁵Aŋ ilom iŋaoŋ boi, saen ŋai imug aŋ da tumado na yan, ŋai mel a niŋen o ŋurupaiŋ se yan dag ilom iŋaoŋ i? ⁶Agod gamu en, mel a tamol an yabituani imul pe walal te ta ilasa na wan aŋ aloŋ uyan a. Iŋ ago imado yaup iŋsan saen fo gup kuai te ilasa wa. ⁷Man dugo, kubiaeŋ pilalek san dabai en mianuk lo mi tan en lo urat igane la ya. Ak gug, enti iŋ an yabituani imul o ago igane yau dop man, Anut iŋ talpein a dabai saian ak yabituani dan gigin na iganep, an lo dabai saian an ibisei yau a. ⁸Saen an lo mi kubiaeŋ riŋanek tamol an walal te ilasa wa. Ak gug, Tubun ak Jesus iŋsan Awan Ur nam tamol an mitep ibili idu wa, kumaen panu lo imul ipalu san lilaman girager an nam, daoŋ ipani wa. ⁹Kubiaeŋ riŋanek san tamol an Jesus gamugo imul ipalu dop ilasa wa. Tamol an Satan san tuon lo ipalu wa. Satan tamol an patun fo itur pe ibinawip, an lo dabai awan isa yan lo kulob girager sewak ak, agod kulob tini urer san dam tamolpein naod na idiri ilasa wa. Melmel an Satan san Ru Sewak ak san mi a. ¹⁰Agod kagin itaot tia yan san rawek naok sensen ak lo, tamolpein a daoŋ panek san dal diri dan irawai mok a. Iŋ daoŋ panek

dile mok a, man ata wo, ru rumok an niŋen o dumat pe an lo Anut patud ipasi wak diŋane san o dumoi da. ¹¹Nek fun an niŋen o Anut iŋ tubun mi ilod iduduŋanip an lo iŋsad ilo sou an gidigidad dop Ru Sewak an niŋen o ilod lo rumok a. ¹²Agop an lo fidian a ru rumok ak ilod lo ta rumok nag, kagin saiak an dile dugo ilod siŋaokan go youd isa dan, bitinaek an lo dutur pe dudu diau geig a.

Atur sakar a

¹³Teim taoma, maŋ nal fidian aŋ e Anut ilon ipanaŋ den niŋemi wo iŋ ilo uyan mupani man uyanan a. Man dugo, fun lo mok Anut ipilianaŋ a, ago tag Awan Urgun idiraŋ go gun alasa dan lo, agod ru rumok a ilom lo rumok dan lo dam, patu pasek ale wa. ¹⁴Kristus san ru aŋsam na mufulale amaiak lo, Anut aŋ igiaŋ an lo patu pasek ipanaŋ a. An lo idsad Tubun ak Jesus Kristus iŋsan girager amaiak aŋ dam aŋanep amado wa. ¹⁵Teim taoma, fun an niŋen o atur sakar a. Agod Kris kagin mipiteŋanaŋ an, awama lo aloŋ se yan, agod a maŋsama girek lo asuti an dam mi abi sakar pe ari uyanan a.

¹⁶Anut idsad Bai niŋed o imat dugo, iŋsan ilo panek lo maror bubed lo pempem yen yau san, agod mala nouk mel siŋaokan san da ipanad a. Anut nek an idsad Tubun en Jesus Kristus iŋsen ida ¹⁷maror bubem lo digane dop, dabai dupanaŋ dan lo urat fidian uyan ak agane wak, agod niŋeŋ uyan uyan ak abol ilasa wan dam, aŋ idaisuda geig a.

Agudani dop Anut ibinawama wa

3 ¹Ru wadan, ŋai teig taog, maŋ niŋema wo agudani wa. Ago dop Anut maŋ ibinawamap iŋsan ru imaspalup aben fidian lo yau kisaek oŋ a. Anut asumiani dop panu panu asau ak san tamolpein, luluŋad lo iŋanen ru tubun mi iŋsad leil lo ilasa wa, nek ibol aŋsem luluŋam lo ilasa na yak ago mi a. ²Agod taida mi, aŋ agudani dop tamol saiadi, agod tamol a iŋsad kagin naok senamo geig ak dida, iŋsad tuod lo maŋ patuma ipasi wa. Man dugo, tamol fidian iŋ ilo rumok amad tia ya. ³Aloŋ ak, Tubun en iŋ awa yabek tamol mi a. Amaiak niŋen o iŋ aŋ isatuaŋaŋ a. Agod iŋsen mi dumui igo, Satan muruan ipanaŋ o igane dop, naon dal ifutani wa. ⁴Agod Tubun en aŋ niŋemi wo mel e rumok en maŋ ikubiai panama ya. Ru kagin dugo gubak mi mupanaŋ an aŋ agane da, agod murna dop nek ago mi agane yau a. ⁵ŋai Anut ŋugudani dop Tubun en aŋ dal ikubiai panaŋ a, an lo Anut san ilo panek ka bubem lo yen a, agod nek Kristus itur sakar na yak igo, aŋ dam ka ago agane wa.

Ayalis dan niŋen o kagin agane wa

⁶Maŋ teim taom, Tubun ak Jesus Kristus yaŋan lo maŋ ru kagin en mupanaŋ da. Teid taod Kris adi ensauta a urat digane wo dumoi go,

iñsad madok an san pitejanek mañ awama lo aņane yan ta diri dupani na dan, aņ sijired na ta au na wa. Tamol naok ago yak dam dadi ta ator na wa. ⁷Man dugo, aņ aņsem maņsama kagin naok dugo woņ ari apani san alon uyanan a. Aņ ilom isou, saen maņ aņ luluņam lo tumado se yan miyalis man tia ya. ⁸Maņ aenta sad anaņ mani se yan, pempem madad na ya. Rumok geig, maņ nal fidian tidom ad urat migane da. Fun dugo, maņ tamolpein aenta aņ luluņam lo dumado dan maņ kagin dupanama se yan lo muruan mupidinai man mamoi a. ⁹Rumok geig, maņ tamol yaņama tubun ak mi a. Amaiak niņen o iloma ibol tap man, maņ ka aņ musumianaņ dop kagin apanama wa. Gug ago migane wan mamoi a. Man dugo, maņ aņsam tinanou igo woņ mumado da, an lo aņsem ale dop maņsama madok en mi ari wa. ¹⁰Agod saen imug mi maņ aņ da tumado se yan maņ ru e dabai en mupanaņ a. “Tamol ta urat igane wo imoi tap, aenta sad anaņ ta yani na wa.”

¹¹An niņen o maņ durupaiama ya, tamolpein kadi urat digane wo dumoig urat ta digane na da. Kawan dutor dop tamolpein aenta sad muruan lo kabuņad mi disoduduni da. ¹²Tubun ak Jesus Kristus yaņan lo, maņ tamolpein naok ago yan dutokubol pe urat digane wo mususuņanaı dop ru dabai mupidinai da. An lo iņ moni diņanep ate iņaned anaņ ka didad a. ¹³Agod aņ fidian niņemi wo man maņ igo mabol da. Aņ kagin uyan ak agane wo ilom ta isali na wa.

¹⁴Aria, talpein ta ru kubiaeņ girek en lo migire idu yen ta ilon na tap, talpein an aņ ale wo uyan dop ida ta ator na wa. Man dugo, aņ ago agane dop man, iņ miai ifuni wa. ¹⁵Ak man aņsam ager tamol igo woņ ta agane na wa. Tia, ru dabai ak arupeı dop ru kagin dam apani wa. Nek ibol aņanem teim mok lo agane dak ago mi agane wa.

Ru wadan

¹⁶Tubun ak iņsen maror san fun. Iņ nal fidian ka bubem lo maror ipanaņ ak, dal funfun lo dam mi a. Anut ka aņ fidian da amado wa. ¹⁷İai Pol ru wadan ŋaiseg banig mok nam ŋigire ya. İai girek fidian ŋigire den lo ago ŋigane da. Ata wo, ŋai banig mok nam girek e ŋigire den lo, tamolpein fidian duloņ man, girek en ŋaisag na mok ipalu ya.

¹⁸İsad Tubun ak Jesus Kristus san ilo panek aņ fidian da amado.

1 Timoti

1 ¹Ŋai Pol, girek en ŋigire da. Anut sen idsad patud pasek, agod Jesus Kristus in niŋen o mala nouk tumado da. In ŋai ru kagin dupanag go aposel ŋilasa ya. ²O Timoti, oŋsa ilo rumok lo oŋ ŋaisag nanuk mok a. Girek en oŋsa na ŋigane ipalu da. Ak niŋen o Anut idsad Tamad, in Jesus Kristus da sad ilo panek, ilo muŋanek, agod ilo maror an lo ka mado wa.

Piteŋanek sewak ak niŋen o kagin gane wa

³Saen ŋai Masedonia na ŋau o ilog yen an, ŋai oŋ ŋurupaioŋ Efesus na mado wo ilog yan a. Man dugo, tamolpein aenta piteŋanek sewak digane dan ru dabai nam padau dop dumoi a. ⁴Rupidaip am wagam ak, agod tubud tamad yaŋad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi taloŋ a. ⁵Kubiaeŋ ru an san fun man aŋ ilom imasap ilo panek aŋ lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nuŋon ak lo ilasa dan niŋen o ŋabol da. ⁶Tamolpein aenta kagin uyan an patud dupani an lo kubiaek nuŋon tia yak digane dugo dal dufurfi da. ⁷In Anut san ru kubiaeŋ lo girek maŋau dumado wo ilod ibol da, gug iŋsiganed ru dubol dan fun ta duloŋ na ya. Agod mel a tamolpein dupiteŋanai dan sakar diganeg rumok ak dubol da, agod gug iŋsed man ru an san fun ta duloŋ na ya.

⁸Aria, id ago taloŋ ak, kubiaeŋ in man uyan a. Ago yak niŋen o id kagin tupani tap, an uyanan a. ⁹Id ilod iŋaon banau, kubiaeŋ niganag an tamolpein uyadi ak sadi tia ya. Tia, an man in tamolpein a kubiaeŋ paen na tia yan, in a iŋaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a mateŋ digane ilasa dan, ¹⁰a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo piteŋanek uyan ak san ager yen da. ¹¹Piteŋanek uyanan e niŋen o ŋabol man, ru a ŋaisag bilaluŋ uyan ak lo ibol an san dal iri a. Anut per panek san in bilaluŋ girager anda yan ŋai kagin ŋupani wo banig lo igane ya.

Anut iñsan ilo panek Pol ipani a

¹²Ŋai Jesus Kristus idsad Tubun ak iñ mi per ŋupani da. Man dugo, iñ ŋai ikubianag go ŋaisag nao lalek an uyanan ile tag iñsan urat biabi ipanag a. ¹³Inug mi man ŋai Jesus niñen o naon ŋufute na yak, ŋai iñsan tamolpein sad ager tamol ŋumadog ŋuparfutanai na yak, agod ru saian saian nam ŋupeig ŋumisilani na ya. Ak man Anut ŋai ilon imuñanag a. Man dugo, saen an lo ŋai ta ŋaloñ na dugo ilo rumok amag tia yan lo ŋai kagin ago ŋigane se ya. ¹⁴Ago dugo idsad Tubun ak Jesus Kristus iñsan ilo muñanek ŋai ipanag a. Aria, ilo rumok agod ilo panek a Jesus Kristus iñsen ilon lo yen dan ipanag go ŋai idaisuda geig a. ¹⁵Ŋiñeñ en rumok a, an lo tiñane dop ilod lo rumok a. Jesus Kristus aupasek tamolpein patud ipasi wo tan en lo idu ya. Ŋaiseg man fidian ŋiriñanaig saiag geig a. ¹⁶Ak man ŋai iñsan ilo muñanek ŋiñane san fun man igo ya. Jesus Kristus iñ iliad funad oñ dan san kagin iñ lo man tubun geig a. An niñen o ŋai lo imug iñsan ilo muñanek kuai tem ikubiai panag a, an lo tamolpein a ilodi rumok dan lo kumaen pempem san diñane wan, ŋai iñsad tinanou igo woñ ŋilasa ya. ¹⁷Iñ man Kiñ pempem san. Iñ man malad lo tile san tia yak, agod dam dimirirani san tia ya. Iñsen Anut rumok ak mi imado da. Ago yak niñen o pempem iñ yañan tabisa dop tipitiani wa. Rumok.

¹⁸⁻¹⁹O nanug Timoti, gamu kubiaeñ ŋai ŋupano wo da. Kubiaeñ e ŋupano den ru a gubak mi profet adi oñse niñe wo dubol ilasa yan iri pani a. Wagai uyan ak gane wa, oñane ilo rumok an wabi sakar a, agod kagin miai an tia yak mi gane wa, fun dugo, oñane ilo sou mel ta niñen o bube ta isue na wa. Tamolpein aenta man saen iñaned ilo sou bubedi isue dop, patud dupani da. Kagin an san nuñon man igo ya, iñaned ilo rumok nek ibol wog gurgor fo dibili isuda yak igo woñ a. ²⁰Luluñad lo Himeneus iñ Aleksanda da kagin ago digane tag ŋusubanaig Satan banin lo ŋidirai diau a. An ago dop afon Anut o ta dubol saian na wa.

Ubou leil san kagin

2 ¹Ago yak niñen o malmalan ŋai añ ŋususujananañ o da, añ tamolpein fidian niñedi wo amosiai, gudanek, kagin panek aenta wo sumiaek, agod per panek an agane wa. ²Gurman adi agod tamol malan te yak niñedi wo dam Anut agudani wa. An lo tamol naok an diliad funad oñ dop, idsad madok igo ilasa wa. Id tamol nuñon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa. ³Kagin an man uyanan a, an lo Anut idaned patud pasek iñ malan lo man uyanan agod bulbal mok a. ⁴Ilon yen an lo iñ tamolpein fidian patud ipasi wa, agod ru rumok ak san mañau diñanep iñ idaisuda wa. ⁵Man dugo, Anut man iñsen kisaek mi a, agod tamol kisaek mi iñ Anut da, agod tamolpein da, sad tamol titiñae yak

igo imado da. Tamol an ij Jesus Kristus mi a. ⁶Ijnsen tamolpein fidian o ij tinin nam naon iganeg id idad an san ru Anut lo yen da, agod ijanen saen fom ilasa ya. ⁷Man niĵen o ĵai bilaluĵ tamol agod aposel iginiag a. An niĵen o ĵai gob adi ij ilo rumok nuĵon mi diĵane san niĵen o iĵsad girek maĵau ĵilasa ya. Ĵai ru rumok ak mi ĵabol da, ĵai seg tinig nam ta ĵusupale na da. ⁸Amaiak niĵen o ubou leil san saen lo tamol a aben fidian lo dumado dan dumosiai o ilog ibol da. Ij nug lo tiĵae saiak tia wak, agod nug paek dam ta digane na wa. Kagin naok an digane itout gup, ij Anut naon na banid gun ak diabisap dumosiai o ago digane wa. ⁹Aria, ĵai igo ĵabol da, pein man biouĵ nuĵon mok ak mi didiri wa. Biouĵ mala sek san ta didiri na wa. Damag a se pitianoĵ san, kululoi, ariy, biouĵ naod lak tinan an fidian iĵaned ilo sou lo an mel tubun ak ago dubol a. ¹⁰Man dugo, biouĵ dugon a pein adi Anut nanun igo woĵ dutor o dubol dan iri panim, an mi didiri wa. ¹¹Pein man ij saen maĵau diĵane dop dutokubol pe tamol fidian paed na dumado wa. ¹²Ĵai pein ĵeil fu dop tamol ta dipiteĵanai na wa. Anut wagen lo tamol naod ta diriĵani na wa, tia, ij dutokubol pe dumado wa. ¹³Man dugo, Anut ij Adam imug iwei a. Murna gug Ewa iwei a. ¹⁴Adam man ij imug rawek lo ta idu na ya. Tia, mot ij pein irawig aupasek lo idu ya. ¹⁵Gug pein ij Jesus Kristus niĵen o ilon lo rumok nuĵon dop, nal fidian ilo panek lo, madok gun ak lo, agod kagin uyan ak lo imado tap, iĵsan nigij lo Anut ibinawi wa.

Midaeĵ sad gurman adi

3 ¹Ru e dubol den rumok a. Ta ij midaeĵ gurman urat niĵen o yaes ifuni tap, ij urat uyanan ak mi igane wo imat da. ²Midaeĵ gurman man ij tamol naok igo ya: aenta ij niĵen o ru dubol san tia ya, ij iwon kisaek mi wak, ij lukluk san tamol tia wak, iĵsan kankan milaen mi wak, iĵsan urat lo mel fidian ikubune wak, ij kagin panek san tamol, agod girek maĵau uyanan a. ³Ij you sakar ak niĵen o tubun mi ta imat na wak, ij banin wagai an tia wak, ij mos kagin mi igane wak, ij tamol maror, agod moni o yaes ta ifuni na wa. ⁴Ij iĵsinanen samun an iĵiliai dop itirnai uyanan a, agod nanun muroun iĵal pe awan paen na dumado dop dal fidian lo ij mi awan diri wa. ⁵Man dugo, tamol a ijanen samun iĵal pe itirnai uyanan an ta ilonĵ na tap, ij Anut san midaeĵ dugo kagin ipani wak i? ⁶Tamol an man ij Kris foun ak tia ya. Kabelan ij se pitianoĵ san kagin lo idu banau, ago tap, mitep naon a Satan iĵane wan ago mi ij dam iĵane wa. ⁷Agod ta dam, tamolpein a idsad ar patun fo dumado dan ij tamol uyanan ak ago dubol a. An tia tap, ij niĵen o dubol saian dop Satan san dob lo idu wa.

Midaeĵ sad binawek adi

⁸Tamol a ubou san binawek digane dan niĵedi wo dikon tabol dan man, tamol nuĵon ak mi wa, awad ta raru na wak, lukluk tubun mi ta

digane na wak, agod moni niŋen o tubun mi ta dumat na wa. ⁹In ilod lo iŋaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id taloŋ uyan san ta pasauman na yan, an fidian diabi sakar dop kagin dupani wa. ¹⁰In inug mi dibitiniai pe bitinaek an lo disasau tap, an mi urat an ka digane wa. ¹¹Binawek pein adi in dam pein nuŋon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa. ¹²Midaeŋ sad binawek tamol man in iwod kisaek o lian a, ago dop iŋaned pein nanuk, ditirnai uyanan a. ¹³Binawek tamol ensauta a urat digane uyan dan, in midaeŋ malah lo iŋaned yaŋad tubun yen da. Agod in Jesus Kristus ilod lo rumok an niŋen dubol o man ta direr na da, kagin an lo in ta katukadi na ya.

¹⁴In ai oŋsa na kitek an tap nupalu wo ilog isou dugo girek en niŋire da. ¹⁵Ak gug nai nupalup niŋilo san nal ta ibalsini kisaek na tap, girek en lo dop oŋ id Anut anen midaeŋ ilon lo kagin dugo woŋ lo taŋal an san, oŋ uloŋ a. Midaeŋ an man in Anut a kumaen imado dak san, agod ru rumok ak san bag tamol igo woŋ a. ¹⁶Id mel en niŋen o ilod kisaek ak, idsad ilo rumok ilon lo mel tubun ak pasauman taloŋ san tia yak yen da:

In tamol mok igo ilasag,
 Urgun in sen mi walal te tamol itaot ak ibol ilasag,
 eŋel adi dile duloŋ go,
 tan titin fidian lo dubol go yau,
 tan tilianek lo in o ilod lo rumok go,
 Anut in aneŋ in girager anda isida yau a.

Piteŋanek sewak

4 ¹Urgun in kuai tem ibol dak man mitep tamolpein aenta in sad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad piteŋanek an niŋen o mi kududod dugure wa. ²Tamol naok ago yak in bale uraru san kagin lo ru sewak dubol da, man dugo, iŋaned kankan uyan ak malan dusue ya, nek ibol mumaŋed yai inanig ipitiŋini igo woŋ a. ³In nug ŋanek san kagin man geg sakar digane da, agod anaŋ naon aenta dam diani dumoi o durupidai da. Ak man Anut anaŋ an fidian tani wo igane ya. Agod tamolpein a ilod lo rumok dop ru rumok duloŋ uyan dan, in Anut o ilo uyan san gudanek digane yan lo anaŋ an ka diani wa. ⁴Man dugo, melmel a fidian Anut igane yan man in uyanan a. Ago yak niŋen o mel a fidian tiŋane dan niŋen ilod uyan dop Anut naon na tugudani tap, dugo yak ta tamoi san man tia ya. ⁵Man dugo, Anut san ru in gudanek da lo man anaŋ an gun igane ya.

⁶Ak niŋen o oŋ mel an tei tao fidian naod na kubunep fulale dop man, oŋ Jesus Kristus san urat tamol uyanan a. Amaiak lo ilo rumok san ru,

agod pitejanek uyan a uri pani dan lo, nek ibol ananj uyan ak igo woŋ oŋse ŋutu futuwi da. ⁷Ak gug am burau, nuŋon tia yak a pein busumak adi dupas dan umoi. Agod Anut kagin mi niŋen o maeg gane. ⁸Fidian taloŋ ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin niŋen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa. ⁹Ru en rumok an lo anj anjanep abi sakar o uyanan a. ¹⁰Id Anut tinid tigane pani dan lo tau tisasau a. Iŋ man tamolpein fidian sad patun pasek a. Agod ensauta a ilod lo rumok nek an mi a. Kagin nek an niŋen o urat wagai mok tigane dan man fun nek a.

¹¹Melmel an pitejanai dop ru dabai lo kubiai pidinai. ¹²Oŋ pinein damag ak niŋen o, oŋ talpein ta ule funi dop ta ibio udu na wa. Tia, ru lo, oŋsa turenj lo, ilo panek lo, ilo rumok lo, agod kagin ikok ak lo dam oŋ ijaned tinanou igo woŋ mado wa. ¹³Oŋ Anut san ru malak malak suti dan, agod ru fulale dan, girek maŋau urat an dam kagin panip yau dop ŋai oŋ siŋire na ŋupalu wa. ¹⁴Saen profet adi ru a dubol an, agod midaeŋ sad gurman adi banid oŋ tini fo digane yan lo, urat san dabai Anut ipano yan oŋ ilo lo yen da. An lo oŋ ta yalis na wa. ¹⁵Mel an kagin pani, an lo tini ŋutu fidian pani wa. Dal an lo oŋsa urat nuŋon ilasa yau oŋ dan tamolpein fidian dile duloŋ a. ¹⁶Oŋ se itirno dop oŋane pitejanek dam kagin pani wa. Mel uraru en wabi sakar a, man dugo, oŋ ago gane tap, ensauta a oŋane ru duloŋ dan, oŋse dam dida patu pasek anjane wa.

Pein suos iŋ gurman adi da sad ru kagin

5 ¹Oŋ tamol a oŋsa busumak adi an ta pidai na wa, tia, iŋ oŋ tama igo woŋ dabai panek ru lo tan suek ru rupidai a. Agod tamol a oŋsa bakan ak oŋ an, oŋ tei murou igo woŋ kaginad gane wa. ²Agod pein busumadi man oŋ tina igo woŋ a. Agod pein baras adi man kagin uyan ak fidian lo mi lu murou igo woŋ kaginad gane wa. ³Pein suos a iŋsad muroudi tia yan oŋ kagin pidinai uyanan a, man dugo, iŋ suos pein mok a. ⁴Gug pein suos ta iŋ nanun boi, tia, tubun muroun boi, aman da tap, iŋ muroun an inug mi kagin dupani wa. Ago tap, ijaned tinad tamad tubudi an ijaned kagin dupidinai an naon igo woŋ a, man dugo, kagin an iŋ Anut malan lo uyanan a. ⁵Pein suos a suos mok imado dan iŋ sen kisaek mok a. Suos naok an Anut lo ijanen ilo rumok yau itutou da. Iŋ pempem imosiai dop imado da, tidom ad ago Anut san na mi igudani da. ⁶Ak gug, pein suos a iŋsen niŋen o mi ilon isou dop imado dan, kumaen imado bo man imat la ya. ⁷Ru kagin ago rupidai a. An lo tamolpein aenta iŋsad kagin niŋen o ru ta dupidinai wa. ⁸Gug enti a iŋ muroun kagin ta ipidinai na dan, iŋ ilo rumok san dal ibisei a. Talpein naok an man saian mok a. Iŋsan kagin man gob adi sad kagin saian an iriŋani geig a.

⁹En man pein suos sad tom. Pein suos a iŋ anaŋar 60 iriŋani an, agod iŋ tamol kisaek san iwon an, niŋen o oŋ suos naok nek an mi iŋ yaŋad

gire wa. ¹⁰Pein suos an ij midaeŋ malad lo yaŋak igo yak da wa. Wagam ij urat uyan uyan ak igane se ya. Ij nanun muroun adi itirnai dugo, anaŋ melmel tamol gol ak ipidinaŋ na ya. Ij Kris adi ŋied ifulani dugo, tamolpein muruan amad da yak ibinawai se ya. Oŋ pein naok ago yak mi yaŋan gire wa.

¹¹Gug pein suos tinid foun an gidad busawai. Man dugo, saen ij Kristus patud dupani man, tamol foun ak dusu wo ilod imasa da. ¹²Iŋsad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da. ¹³Kagin taidam igo digane da. Ij yalis san kagin amad da ya, an lo ab ab dudu disida oŋ da. An mi tia, tia, tamolpein aenta iŋsiganed mel digane wo dubol dan, ij niŋedi wo patud fo paek ru dubol saian da, agod ru a dubol san tia yan dam dubol da. ¹⁴Amiaik niŋen o ŋai ilog ibol dak man, suos tinid foun ak ij tamol ka diŋane wa, nanuk digansi dop, iŋaned ab, iŋaned abed ditirni wa. Agop idsad ager Satan dal ta lo ru saian ipidinaŋ san ta ile na wa. ¹⁵Ule, aenta dal uyan ak diapiltig, Satan san dal duri da. ¹⁶Ilo rumok pein ta iŋanen muroun adi luluŋad lo pein suos aenta dumado tap, iŋsen mi ibinawai a. An lo midaeŋ ij muruan ta ipani na wa. An lo dop pein suos adi mok, a muroudi tia yan mi kagin ipidinaŋ a.

¹⁷Midaeŋ gurman ensauta a midaeŋ tirnek san urat digane uyanan dan, teil dop iŋaned naon bugagaru diŋane wo man uyan a. Tamol adi nek a ij ru dufulale dan, agod girek maŋau urat digane dan mi niŋedi wo ŋabol da. ¹⁸Anut ru buk lo yen dak ago ibol, “Saen makau kon nuŋon irni dop, awan fou umoi.” Nek ago mi, “Urat tamol man, iŋanen urat naon iŋane mok a.” ¹⁹Tamol ta gurman a kagin saian igane yak ago ibol dan, niŋen o kudo ta gure na wa. Ak gug talpein uraru, tia, tamol utol, nug dususuŋani tap, iŋsad ru an oŋ ka uloŋ a. ²⁰Matu gurman adi au dupas dan, fidian malad lo kuai te rupidai a. An lo dop gurman aenta ij dam direr dop aupasek niŋen o sen dilasa wa. ²¹Uloŋ, Anut, Jesus Kristus, agod eŋel pilianek adi naod na ŋai kubiaeŋ en oŋ ŋupano da. Oŋ kubiaeŋ an fidian uri pani wa. Saen oŋ kubiaeŋ an uri dop, talpein enti niŋen ilo ta isou na wa, tia, kagin kisaek mi tamolpein fidian pidinaŋ a. ²²Oŋ ririan mi tamol ta Anut urat igane wo bani tinin fo ta gane na wa. Moi dop iŋsan madok bitinae ule gup a. Oŋ talpein sen ak san aupasek ta lo ladu na wa. Oŋse tini kagin panip, gun mado wa. ²³Taida mi, you kawan mi ta uluk na wa. Tia, wain kitek dam uluk dop, an lo oŋsa tiŋae ibinawi dop subam wei mi ifuno dan kute ibol a.

²⁴Tamolpein aenta sad aupasek walal te yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa. ²⁵Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

Urut bigabeg sad ru kagin

6 ¹Ensauta a urat bigabeg dumado dan ijaned urat gurman awan kagin dupani uyanan a. An lo talpein ta Anut yaŋan, agod idsad pitejanek an niŋen o ta ibol saian na wa. ²Urut bigabeg adi a ijaned gurman ilo rumok amad da yan, iŋ teid taod igo yak niŋen o awad duparsisali san tia wa. Tia, urat lak na mok digane wa. Man dugo, gurman a iŋsad urat san nuŋon diŋane dan iŋ ilo rumok adi mok a, ago dop bigabeg adi an ijaned gurman o dumat a. Oŋ kubiaej an pitejanai dop iŋ an lo duri dupani wo duduwai a. ³Talpein ta pitejanek sen ak tamolpein irupidai dop, ru uyan ak a idsad Tubun ak Jesus Kristus irupaiad an niŋen o, agod pitejanek a Anut kagin iri pani dan niŋen o dam, ilon ta kisaek na tap, ⁴tamol an iŋ se pitiano i san kagin tinin ijanefute ya. Iŋ mel ta iloŋ na ya. Iŋsan kankan subam anda ya, sumiaek naon sensen ak, agod ru lo nug funek san kagin an niŋen o tubun mi imat geig da. Kagin naok ago yak lo mala sek, nug funek, uf ru, turan niŋen o ilo saiak san kagin an dilasa ya. ⁵Iŋsad ru bilabol an nuŋon tia yak lo, tamol a iŋ ilod iburkaruk idu dan, agod iŋ lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian diŋane san dal man nek amaiak ago dubol. ⁶Gug id melmel a idsad madok san niŋedi wo katuk ad tia yak, agod Anut kagin an tiri tupani dak ago tap, an nuŋon uyanan ak tubun mi idsad madok lo igane ilasa wa. ⁷Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta tisinip tau san tia wa. ⁸Ak niŋen o, id anaŋ biouŋ amad da tap, man igo tabol, an id o nek idaisuda ya. ⁹Ak man talpein tan en san filian diŋane wo ilod ibol dan, ilo ŋanek san kagin, dob igo woŋ, lo disidag diau dudu da. Iŋ ilod imasap kagin burau wei mi an digane da, an lo iŋsed tini madai sensen ak dupani da. Kagin an lo iŋsed malad dusuep daoŋ panek lo diau dudu wa. ¹⁰Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni niŋen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo woŋ, ijaned bubed madai wei mi nam malan dusue da.

Pol Timoti kubiaej san ru wadan ipani a

¹¹Ago gug, oŋ man Anut san tamol mok a. An lo dop kagin an fidian oŋ patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man oŋsa bube san kob uyanan a. ¹²Idsad ilo rumok san wagai uyan ak gane wo uyanan. Oŋ kumaen pempem san ŋane wo Anut igio ya, agod saen ilo rumok adi wei mi naod na oŋsa ilo rumok an ubol ilasa dugo duloŋ an san saen lo, oŋ kumaen an ŋane ya. Aria, kumaen an wabi sakar a. ¹³Anut a mel fidian

kumaen ipidinai dan naon na, agod Jesus Kristus a Pontius Pailat naon na itur dugo inſen niſen o ru rumok ibol ilasa yan naon na dam, ¹⁴ŋai ru dabai nam oŋ kubiaeŋ an kagin pani uyan mok o ŋabol a. Kabelan mel ta nun anda yak ilasap an lo tamolpein malah lo kubiaeŋ an saian dubol banau. Oŋ ago ganep yau dop idsad Tubun ak Jesus Kristus imul ipalu wa. ¹⁵Kulob an man inſanen saen fo mok Anut kuai tem iganep ilasa wa. Inſen mi uyanan mok, idsad Gurman kisaek o lian a. In mi kiŋ sad Kiŋ, agod tamol tutubu yak sad Tubun a. ¹⁶Inſen mi ta imat na wa, lilaman a siŋiren na id tau san tia yan lo imado da, agod tamol ta in ile man tia ya, ta in ile san dam tia ya. Awo, yaŋak tubun ak in tupanip, tuon dabai ak pempem san dam in lo imado wa. Rumok

¹⁷Oŋ tamolpein a tan en san filian wei mi amad da yan ru kagin igo rupidai a, in aenta diriŋanai ak ago dubol dan san kagin lo dumado dutor man tia wa. In tan en san filian niſen o dam tini ganai ta digane na wak ubol a, man ata wo, inſad filian an pasauman mok ka dideg diau a. Tia, in Anut mi tinid digane pani wak ubol. Man dugo, Anut melmel id malah lo bulbal mok an fidian ilo uyan san wei mi ipanad a, agod an id o idaisuda mi a. ¹⁸In urat digane uyan ak ubol a. Inſaned filian mok man, tan en san biouŋ tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawaŋ digane wa. ¹⁹Dal an lo inſaned filiadi bageu san fod lo dutumanig yen da. An man nek ibol saen a sumeik ipani dan san kadaŋ dimirirani san tia yak igo duguni a. Ago dop lo kumaen a kumaen nuŋon mok an ka diabi wa.

²⁰O Timoti, mel a gubak mi oŋ bani lo ŋigane yan kagin pani. Inŋeŋ a Anut kagin san ager imado dan, agod ilo sou a piteŋanek itaot ak niſen o ipirgini dan man, yaŋan “maŋau” ago dubol dan niſen o oŋ sen lasa wa, man dugo, inſad ru an sewak mi a. ²¹Aenta in maŋau sewak a lo leil dupani an lo ilod lo rumok san dal diabpilti a.

Anut san ilo panek aŋ fidian da ka amado wa.

2 Timoti

1 ¹Ɔjai Pol, Anut san ilobol lo Jesus Kristus san aposel Ɔilasa ya. Anut iƆ ru dabai anda ibol panad an man, kumaen a Jesus Kristus banin lo yen dan ipanad a. Agod kumaen an san ru iƆanen bilaluƆ tamol igo ipilianag a. ²Girek en oƆ Timoti, ƆaineƆ nanug niƆe wo Ɔamat geig dan, oƆsa na Ɔigane ipalu da. Ilo panek, ilo muƆanek, agod ilo maror a Anut idsad Tamad, agod idsad Tubun ak Jesus Kristus da sad na ipalu yan oƆ lo yen a.

Timoti itur sakar san tan suek ru

³ƆaineƆ ilo sou muruan aman tia yan lo Anut ubou aman Ɔile da, agod dal kisaek ago mi Ɔai tubug muroug dam digane na ya. Ago dugo Ɔai Anut ilo uyan Ɔupani da, tidom ad pempem oƆ o ilog isou dop Anut san na Ɔugudani da. ⁴Saen oƆsa mala turon idu yan o afon ilog isou dop Ɔilio wo Ɔamat da, an lo Ɔai tubun mi youg isa wa. ⁵OƆane ilo rumok man rumok geig a, an niƆen o fon ilog isou da. Ilo rumok an imug oƆane tubu pein Lois iƆ lo yen a, agod tina Yunis da mi, agod Ɔai ilog lo rumok ak, ago mi oƆ lo dam gamu yen da. ⁶Fun an niƆen o, Ɔai ilo Ɔisafulale da. Nek ibol talpein yai iwip balen tubun mi ilasa dak igo woƆ, lou panek a Ɔai banig kabuƆa fo Ɔidiri an lo Anut ipano yan mi dabai pani wa. ⁷Man dugo, Anut id tarer kisaek oƆ san ur ta ipanad na ya. Tia, dabai, ilo panek, agod sed ulum ad tabi uyanan san ur ipanad a.

⁸AmiaiƆ niƆen o, idsad Tubun ak san ru ubol ilasa wo miai ta ifuno na wa. Ɔai niƆeg o dam miai ta ifuno na wa, man dugo, Ɔai subanek ab lo iƆsan subanek tamol oƆ Ɔumado da. Gug oƆ luag usap bilaluƆ ru san madai an tisini wa, an Anut san dabai lo ago tigane wa. ⁹IƆsen patud ipasig madok gun ak lo tumado wo igiad a. An man id kagin uyanan tigane yan niƆen o mi ta igiad na ya, tia, iƆanen ilo sou agod iƆanen ilo panek mi irig ate igane ya. Ilo panek an id Jesus Kristus da tumado dan tiƆane san o wagem geig kob an ipanad a, saen nal malan malan gamugo ilasa yan lo iƆ ago igane ya. ¹⁰Ak gug gamu idsad patu pasek Jesus Kristus iƆ kuai isi an lo ilo panek an ikubiai panad a. IƆsen amiaiƆ mateƆ ipitiƆinig igane itout a. An lo bilaluƆ ru lo kumaen a yen oƆ dugo

ta imat na dan walal te igane ilasa dugo tile ya. ¹¹Agod bilaluŋ ru ŋabol ilasa san bilaluŋ tamol, aposel, agod girek maŋau ago ipilianag a. ¹²Fun amaiak niŋen o ŋai gamu muruan igo ŋisini dak gug an o miai ta ifunag na da. Man dugo, Talpein a niŋen o ŋai ilog rumok dan ŋaloŋ a. Agod ŋai dam ŋaloŋ uyan en man, mel e ŋai iŋ banin lo ŋigane yen, iŋ ititiani uyanan san idaisuda ya. An lo ŋai ilog itarpasi siŋaokan a, an ta ideg yau na wa. Tia, an ago iŋ lo yen dop imul san saen ilasa wa.

¹³Mel a ŋai awag lo uloŋ na yan, an piteŋanek uyanan ak san mitilaen igo woŋ kagin pani dop lo piteŋanai a. Ilo rumok agod ilo panek a Kristus lo yen dan lo ago gane wa. ¹⁴Awan Urgan id ilod lo imado dan san dabai lo, mel a oŋ ilo lo igane yan kagin pani uyanan a.

¹⁵Oŋ uloŋ ak, talpein provins Esia lo yan patud dupanag go diau pasik a, Figelus iŋ Hermogenes da dam luluŋad lo ŋai dubusawag a.

¹⁶Ŋai Onesiforus iŋanen samun dida Anut ilon imuŋanai o ilog yen da. Man dugo, saen wei mi lo iŋ ŋai bubeg pasai ibol san ipanag da, iŋ ŋai sein nam duŋabanag an ile gug, an niŋen o miai ta ifuni na ya. ¹⁷Tia, iŋ Rom na imado se yan, ŋai iliag o urat dabai geig igane ya. Ago iganeg yaug ŋai iliag a. ¹⁸Amiai niŋen o, Tubun en imul ipalu san nal lo dop ilo muŋanek ipani wo ŋai ilog ibol da. Oŋ uloŋ siŋaokan ak saen ŋai Efesus na ŋumado se yan, dal wei geig lo ŋai ibinawag na ya.

2 ¹O Timoti, ŋai nanug, ilo panek e Jesus Kristus ipanad en lo utur sakar a. ²Piteŋanek funfun a tamolpein wei mi naod na ŋabol ilasa dugo, oŋ dida aloŋ na yan, sinip awa bek tamolpein banid lo diri dop, an lo aenta ate dipiteŋanai a. ³Nek ibol Jesus Kristus iŋanen yu tamol siŋaokan ak igo woŋ, oŋ luama usap sisem madai a dupanad na yan tisini wa. ⁴Yu tamol ta tamol gidad sad madok lo ta iladu na wa, man dugo, iŋ iŋanen urat mok igane dop lo iŋanen gurman ilo uyan ipani wo ilon yen da. ⁵Talpein imaspalu san tap, iŋ masapalu san kubiaeŋ an iri ipani wa. Gug iŋ kubiaeŋ an ipitiŋini tap, gidad iŋ imug yau bo man kob an san naon iŋane san tia ya. ⁶Abi urat san tamol a anaŋ ipae o wagai igane dan iŋ mi malan malan urat an san nuŋon iŋane wa. ⁷Ru mitilaen utol a ŋai ŋurupaio an ilo isou uyanan a. Man dugo, melmel an san fun mok fidian man, Tubun en ibinawo dop lo ilo isofulale wa.

⁸Jesus Kristus iŋ Kiŋ Dawid san dar lo ilasa ya, agod mateŋ lo imasa yan, ilo ta iŋaonŋ na wa. Ŋaineg bilaluŋ ŋabol ilasa dan lo melmel an ŋufulale da. ⁹Nek fun an niŋen o gamu ŋai sein nam tamol saiaŋ ak igo duŋabanag a. Rumok, ŋai sein nam duŋabanag a, gug Anut san ru sein nam duŋabani san tia ya. ¹⁰Amiai niŋen o, muruan naok fidian an lo ŋeil funai oŋ dugo ŋumado se ya. Anut san tamolpein pilianek ak ŋibinawai o ago ŋigane da, an lo patu pasek a Jesus Kristus lo ipalu dan diŋane dop, girager pempem yen san an dam diŋane wa.

¹¹Ŋiŋeŋ en uyanan a, agod ka tinid tigane wa.

“Id iŋ da tamat tap,

id dam iŋ da tumado wa.

¹² Id muruan lo tatur sakar tap,

id dam iŋ da gurman igo woŋ tamolpein titirnai a.

Id iŋ ta taloŋ na yak tabol tap,

iŋ dam id ta iloŋ na yak ibol a.

¹³ Isop idsad ilo rumok ta turi na tap,

iŋsan ilo rumok id o man yen oŋ da.

Man dugo, iŋsan bunun mok an yabiani san tia ya.”

Urat tamol mok Anut uyan ipani a

¹⁴ Saen fidian lo oŋane Kris midaeŋ melmel en niŋen o ilo sou pidinai a. Anut malan lo ru dabai geig ubol dop, iŋ ru naon sensen lo nug ta dufuni na wa. Kagin en talpein ta ibinawai san tia ya. Tia, ru lo nug diabi dan lo iŋaned ilo rumok malan dusue da. ¹⁵ Oŋ Anut naon na utur pe tamol enti a uyan ipani dak igo woŋ maeg gane wa. Oŋsigane urat niŋen o miai ta ifuno na da, agod Anut san ru rumok a itaot piteŋanai dan, oŋ urat tamol naok ago yak lasa wa. ¹⁶ Ŋiŋeŋ e Anut san kagin ta iri na den niŋen o sen lasa wa. Man dugo, tamolpein kagin a lo diladu dan ate naod iraep, Anut san kagin uyan an dubuseip asau mi diau a. ¹⁷ Piteŋanek ago yan, nek ibol baob geŋgeŋ igo ilasap midaeŋ luluaŋad lo mudadi yani yau a. Tamol uraru mel naok a dupiteŋanai dan Himeneus iŋ Filetus da ya. ¹⁸ Iŋ ru rumok ak san dal dibiseig asau mi diau a. An lo tamolpein aenta, Jesus imul ipalu san saen ilasa la yak ago dubol se yan lo, iŋsad ilo rumok an malan dusue ya. ¹⁹ Ago bo man, Anut bag iguni an yau imul san tia ya. Agog fufo girek en igire ya, “Anut enti iŋsan an iloŋ siŋaokan a.” Agod fon, “Enti iŋ Tubun ak muroun ago ibol tap, kagin saiak saiak fidian patun ipani wa.”

²⁰ Tamol tubun ak san ab ilon lo, bod naon sensen ak daeg dida dien da. Aenta siŋaokan geig a, gol silva da nam digane ya; gug aenta ta siŋaok adi na ya, tan katik agod ai lapan nam digane ya. Siŋaokan an tamolpein ate urat tubun ak digane wa. Aenta ta siŋaokan na yan man metmet disini san mi a. ²¹ Aria, an niŋen o talpein ta kagin saiak saiak a niŋen o ŋai imug ŋabol an ibiseip ikok ilasa tap, iŋ urat tubun ak san daeg itaot igo imado wa. Iŋ iŋanen Tubun ak san urat tamol mok, an lo binawek uyan mok ak ipani da, agod urat fidian uyanan an lo kagin ipani wo tawaŋ iganeg imado da.

²² Amaiak niŋen o pinein damag ak sad ilo masa yan fidian patu pani wa. En man oŋane kob nao na yen da: kagin itaot, ilo rumok, ilo panek, agod maror mi uri wa. Oŋ Kris aenta a ilod ikok dop lo Anut dugudani dan, dida atumani dop, aŋ sisem kagin an mi ari wa. ²³ Gug oŋ tamolpein aenta sad kubiaek burau a ŋiŋeo lo ilasa dan bisei wa. Oŋ uloŋ uyanan

ak kubiaek naok an man tamolpein nug dupei san kagin an mi igane ilasa da. ²⁴Tubun ak san urat tamol man tamolpein aenta dida nug ta dupei na da. Tia, in tamolpein fidian ilon ipidinau da, tamolpein aenta ipitejanai san ilon uyanan ak, agod a muruan dupani dan dam ta yabianai na wa. ²⁵Tamolpein ta in awan lo piringek ru^a dubol dan mos lo mi in kududod yabi wa. In ago igane yan ninen o nag Anut ibinawai dop lo ilod ibileksap, ru rumok ak san manjau an ilod lo tubun geig ilasa dop dulon fufe wa. ²⁶An lo dam ilod ipastip kankan itaot ak dinane gup Satan san dob lo dusol pe dilasa wa. Man dugo, Satan in san ilobol diri wo isubanaig dumado na ya, kabelan in pempem ago dumado banau.

Anut patud dupani an san kagin saen wadan lo ilasa wa

3 ¹Ru en ulon o uyan a. Saen wadan lo nal saian geig ak ilasa wa. ²Tamolpein sed ninedi wo, agod moni o dam dumat dan, sed ipitianai dan, sed yanad mi disini dan, aenta dimisilanai dan, tinad tamad awad ta diri na dan, aenta sad binawek lo ilo uyan ta dupidinau na dan, gun tia yan, ³ilo panek amad tia yan, aenta sad aupasek ta dupare idu na dan, uf tinadi an, sed ulum ad diabi san tia yan, madai panek san tamolpein, kagin uyan ak san ager adi, ⁴inaned turadi ager banin lo didirai dan, silei tamol dilasa kisaek on dan, in nai nai kagin lo man da isuda geig a. In Anut o ta dumat na da, tia, tan en san mala bulbal mi ninen o yaes ifunai da. ⁵In Anut san kagin duri wo man malak malak patun fo dukubiai da, ak gug kulob naok a digane dan lo id walal te dukubiai panad dan man, inaned ilod lo kagin an san dabai ta yen na da. Tamolpein naok ago yak patu pidinau a.

⁶Tamol naok ago yak, pein bubed dabai an tia yan, ilod dinane dop, sad ab lo diaup ditirnai da. Pein naok ago yak aupasek wei kasik disini da, nek ibol mel muruan geig ak disini dan igo won lo inaned bube masak saian an naod irae dop lo aupasek digane da. ⁷Pein an pempem pitejanek dulon o digane da, ak gug ru rumok ak san manjau mok an siniren na dupalu san man in ta idaisuda na ya. ⁸Nek ibol Janes in Jambres da, Igipta nawir tamol adi, gubak mi in Moses san ru diabianig dumado yak igo won, tamol naok ago yan dam gamu Anut san ru rumok an diabianig dumado da. Aupasek insad kankan malan isue an lo Anut ibitiniaig ile yak man, inaned ilo rumok an sewak mi a. ⁹Gug kagin an diganep ta milaen mi yen na wa, man dugo, nek ibol wagam Janes in Jambres da sad na ilasa yak ago, in dam sad kagin burau an kuai isi dop fidian dile wa.

Pol Timoti ru kagin ipani da

¹⁰Gug on naisag pitejanek an fidian ulon sinjakaan a. Agod mel en dam ulon a, urat ngane dak sag turej lo, naisag madok san fun, naisag ilo

^a Awa sisalek ru

rumok, muruan lo bubeg maror numado dak, naisag ilo panek, muruan lo natur sakar onj dak, ¹¹muruan dupanag dop lo madai nisini da. Mel dugon Antiok na, Aikoniam na, agod Listra na, naog na ilasa yan ulonj a, agod muruan naok dugon ante dam njile se yan ulonj a. Ak man Jesus muruan fidian an lo naj patug ipasi a. ¹²Rumok, ta inj Jesus Kristus lo Anut san kagin iri wo ilon yen dan, tamolpein muruan funfun madai anda yak dupani wa. ¹³Gug, tamol saiadi agod Kris sewak adi da inaned naok naok saian an ago mi digane diau onj dop tubun geig a. Inj aenta dirawai dop sed dam irawai da. ¹⁴Gug, onj man mel a dipitejano yan, ninjen o ilo lo rumok geig dop, ago mi gane yau a. A dipitejano yan ulonj uyanan a, amaiak ninjen o awad itaot ka uri wa. ¹⁵An ninjen o ilo isou, saen onj pinein tusa madog ipalug gamu en girek gun a Anut ipanad an ulonj la ya. Girek an ka ipitejanop lo Jesus Kristus o ilo rumok dan lo patu pasek an nanep idaisuda geig a. ¹⁶Girek gun an fidian Anut san Awan Ur ilon lo yen da. Amaiak ninjen o, dal wei mi lo ibinawad dan igo ya, mel a rumok an ikubiai panad san, kagin saiak tabi idu san, kududod tabi san, agod kagin a Anut malan lo itaot an ikubiai panad san mi a. ¹⁷An lo Anut anen tamol an insan manau milae geig a, urat uyan ak fidian igane wan san manau inj lo idaisuda ya.

4 ¹O Timoti, Anut inj Jesus Kristus da naod na, naj gamu ru dabai ak njupano da. Jesus Kristus man, inj tamolpein kumaen dumado dak, agod dumat la yan da kubianek lo idirai a, agod tan en lo idsad Kinj igo wonj imul ipalu wa. An ninjen o naj itaot njurupaio da, ²Anut san ru fulale wa, gidad saen saian ak lo, saen uyan ak lo dam, kagin an lo maeg ganep utur sakar a. Saen onj tamolpein Anut san ru pitejanai dan lo, insad kankan kubune dop, ru kagin pidinai dop, tan suek ru dam pidinai a. Gidad aenta muruan dupano bo man, onj pitejanai san ninjen o kabel ta ifuno na wa. ³Man dugo, saen iparsikawad dan lo, tamolpein pitejanek itaot an dulonj man dumoi a. Gug inaned tinid san kagin an duri dupani dop lo, girek manau dutumanaip njinje e dulonj o kududod bulbal den durupidai a. ⁴Inj ru rumok ninjen o kududod dufutani da. An lo dal dufurfip, dideg diau san am sewak mi duri wo kududod dugure da. ⁵Gug onj, mel dugo ilasa bo man ule dop tamol mok igo wonj utur sakar dop ta usuk umul na wa. Tutol urat gane dop, Anut urat a ipano yan fidian gane itout a.

⁶Man dugo, naj man wain igo wonj, alta fo Anut ilo uyan dupani wo dukulmaek o digane dak igo, tan en njubusei san saen sumeik ipanag la ya. ⁷Id Kris sad turenj man wagai uyanan ak igo wonj, an lo naj njalonj ak wagai an njigane uyanan a. Naj numaspalu uyanan go an njigane itout a. Naj idsad ilo rumok njabituanu uyanan a. ⁸Amaiak ninjen o, kagin itaot an san naon Anut ikubuneg yen da, agod bitinaek san nal lo Tubun a bitinaek tamol itaot an naon ipanag a. Naj ninjeg o mi ago ta igane na da.

Tia, tamolpein fidian Kristus kuai isi wo dumat dan anek anek atem naon kisaek ago mi ipidinai a.

Pol aenta niġedi wo ibol a

⁹O Timoti, ħaisag na palu kisaek oġ o maeg gane wa. ¹⁰Man dugo, Dimas iġ tan en san mala bulbal buben ipanig lo ħai ibisawag go Tesalonaika na yau a. Go Kresens Tubun ak san urat igane wo Galesia distrik lo yau, ago dugo Taitus dam iġ Dalmatia distrik na yau a. ¹¹Luk sen mi ħai da mumado da. Saen oġ ħaisag na palu wo dop, Mak ħanep da apalu wa. Man dugo, iġ Tubun en san urat lo ħai ibinawag uyanan da. ¹²Iġai Tikikus ħidinig Efesus na yau a. ¹³Saen oġ palu wo dop, tini wananan san kulos taun Troas na Karpus san na yan ħanep sini palu wa. Ago mi buk dam sini wa, bilelek suġulon fo ru girek ħigire yan sinip palu wa, an mel malan te yak niġen o ilo ta iġaoġ na wa.

¹⁴Aleksanda, bras nam melmel igane san tamol, muruan wei mi ipanag a. Muruan naok ħai ipanag an niġen o, Tubun en naon itaot ipani wa. ¹⁵Iġ niġen o oġ se itirno uyan a, man dugo, iġ ru girek e mabol ilasa den san ager dababai ak imado da.

¹⁶Saen ħai inug Rom san gurman adi naod na bitinaek lo ħatur man, talpein ta ħai patug fo itur pe ru lo ibinawag man tia ya. Tia, iġ fidian ħai dubusawag go dusol diau a. An niġen o ħai Anut ħusumiani dop, kulob an niġen o ipidaip, diau dudu wo ago ta igane na wa. ¹⁷Gug, Tubun en iġsen ħai patug fo itur dugo dabai ipanag a. An lo ħai awag lo iġsan ru kuai te ħabol ilasa pasik a, an lo gob adi fidian iġanen ru ka duloġ a. Agod iġ ħai patug ipasig maten ta ħile na ya. ¹⁸Rumok, Tubun en ago mi muruan fidian lo ħai patug ipasi wa, agod patug ipasip iġanen kagin panek san aben a lak na yen dan lo ħau a. Id iġ yaġan pempem tabisa wa. Rumok.

Ru wadan

¹⁹Ilo uyan ru rupidai, Prisila iġ Akwila da, agod Onesiforus iġanen muroun adi dam mi wa. ²⁰Erastus ħai da ente tia ya, iġ ħubiseig Korint na imado da. Trofimus subam anda ya, an lo ħai iġ ħubuseig Miletus na imado da. ²¹Oġ madid san saen gamugo dop, etna palu wo dabai gane wa. Eubulus iġ Pudens da agod Linus, Klaudia, Kris aenta etna dumado dan dam oġ ilo uyan ru durupaio da.

²²Tubun en oġane ħutu da amado. Iġanen ilo panek, aġ fidian da amado.

Taitus

1 ¹Ijai Pol, Anut san urat tamol ipilianag go Jesus Kristus san aposel njilasa ya. Injsan pilianek tamolpein sad ilo rumok an ilasa wak, agod manjau a ru rumok san an lo id Anut san kagin turi tupanip tator o ipilianag a. ²Ilo rumok manjau da yan sad fun man, kumaen pempem san tiņane wan san tini ganek an id ilod lo yen da. Anut inj sewak tamol tia ya. Saen tan en gamugo ilasa dugo kumaen a ipanad an niņen o promis igane ya. ³Agod saen a ipiliani an lo injsan ru an kuai isip yen a. An njasag ru fulalek lo ago igane ilasa ya. Anut idsad binawek tamol injsan ru kagin ibol an lo urat an njai banig lo igane ya.

⁴O Taitus, oņ njasag nanug mok igo ya, oņsa ilo rumok manjsama da naon kisaek a. Bai Anut inj Jesus Kristus idsad binawek an da injsad ilo panek, maror da dupanop oņ da amado wa.

Taitus Krit nui lo urat igane ya

⁵Saen njai Krit nui na oņ njibisawo man fun igo ya. Urat awan atna yan muruan anda ya, amaiak kubune itout o njibisawo ya. Ago dop imug nrupaio ago mi midaeņ ilon lo panu kisaek kisaek atem matu pilianai idu wa. ⁶Aria, midaeņ ilon lo matu pilianai man tamol naok igo ya. Tamol inj niņen o ru ta dubol na da, agod inj iwon kisaek a. Injsan nanun muroun ilod lo rumok ak, agod inj tinad tamad awad paen na mi dumado wa. Ago gug injsan nanuk silei tinadi dop man, inj urat tamol ta imado na wa. Kabelan nanuk fud saian an lo tamad diabi idu banau. ⁷Man dugo, midaeņ san kagin panek tamol man sad tureņ lo tamolpein inj lo muruan ta dile na da. Man ata wo, inj Anut san urat tamol. Fun an niņen o inj kabuņan ta sakar na wak, tiņaen ta saian kisaek oņ na wak, inj you sakar ak ta iluk na wak, agod wagai gidigidad ta igane na wa. Inj dal saiak saiak lo filian inņane wo ago ta igane na wa. ⁸Tia, inj kagin uyan ak mi igane wo imat ak, tamol asau ipalu dop kagin ipani uyanan a. Inj tamol kankan uyanan anda wak, inj tamol itaot ak, inj tamol gun ak, agod injsen ulum an yabi dop sen tinin kagin ipani uyanan an ilonj a. ⁹Inj ru uyanan a gubak mi dupiteņanad go ilod tupani dan mi yabituani wa. An lo piteņanek a uyanan an san manjau ka ipiteņanai siņaokan a, agod

tamolpein a iŋsan awan lo dipirgini dan iŋsan pitejanek uyanan an lo awad yafutani wa.

¹⁰Man dugo, id luluŋad lo tamolpein wei mi naok igo ya, iŋ silei digane dak, iŋ ru kawan diŋiŋeŋ da, agod sewak tinadi, nek a muluŋ san doup ama ya. ¹¹Tamol naok ago yak oŋ awad wafutani wo uyanan a. Man dugo, iŋsad ŋiŋeo lo pitejanek saian ak tamolpein dukubiai pidinai dop lo filian diŋane wo ago digane da. An lo iŋ tamolpein sad samun dukubulai da. ¹²Iŋsiganed profet ta igo ibol, “Krit tamol man pempem sewak digane da, iŋ bor goun saiadi ak igo ya, agod dam tuŋalek tinadi a.” ¹³Agod ru an ru rumok a. Amaiak niŋen o ru dabai anda nam pidai dop lo iŋaned ilo rumok an dukubunep itaot a. ¹⁴Kabelan iŋ kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau. ¹⁵Tamol ikok ak iŋsan ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, iŋ lo mel fidian nun a. Tamol naok an iŋsan kankan, iŋsan maŋau lo sen malan issue ya. ¹⁶Iŋ awad lo Anut duloŋ ago dubol da, ak man iŋsad kagin naok naok lo iŋsiganed ru an sewak ru mi kuai te id dukubiai panad da. Iŋ saiadi geig a. Awa parsisalek tinadi ak, agod iŋ mel uyan ak ta digane ilasa san dam ta idaisuda na ya.

Midaeŋ ilon lo urat tamol urat uyan digane san ru kagin

2 ¹Aria, Taitus, oŋ melmel uyan a pitejanek itaot ak san dal lo uyan ipani dan mi pitejanaip duloŋ a. ²Tamol busumak rupidai duloŋ dop kagin uyan ak mi digane dop tamol mok oŋ dumado wa. Iŋsed ulum ad diabi uyan ak, iŋ ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³Nek ago mi pein busumak rupidai dop Anut naon na dumado dak igo woŋ kagin uyan ak lo mi dumado dutor a. Iŋ uf ru ta dubol na wak, agod you sakar an ulum ad ta yabi na wa. Iŋ kagin uyan an mi tamolpein dupitejanai a. ⁴Ago dop pein kubakan ŋied murna an dile dop iŋaned tamol niŋedi wo dumat ak, iŋaned nanuk dam niŋedi wo dumat a. ⁵Agod iŋsed kagin ipidinai dop madok gun ak lo mi dumado wa. Iŋ pein uyadi, iŋaned ab kagin dupani uyan ak, agod iŋaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶Nek ago mi tamol murna yak dam sed tinid kagin dupani uyan ak niŋen o ru kagin pidinai a. ⁷Oŋ oŋsa madok itaot an gane ilasa, an lo oŋse mok oŋane tura murou mitilaen uyanan an kubiai dile dop iŋ dam ago digane wa. Anut anen ru ubol itaot dan niŋen o kagin gane wa, ago dop ru saian ta awa lo ilasa san tia ya. ⁸Oŋsa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. Iŋ mel saian ak ta dilep ate id Kris tamolpein dupaiad san tia ya.

⁹Urat bigabeg adi rupidai, ijaned urat fidian digane dan lo, iñ tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa. ¹⁰Ijaned tamadi an san mel ta digam na wa. Tia, mel fidian lo iñ awa yabek kagin mi digane da. An lo iñsad kagin naok naok a digane na yan lo Anut idsad binawek an san pitejanek bala dupani wa.

¹¹Oñ ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. Inñsan ilo panek an lo idsad aupasek naon tisini wan lo ipasad injiliad a. ¹²Inñsan ilo panek an lo mañau ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsinaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a. ¹³Ago dugo mel uyanan a ilasa wan niñen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an ijanen girager aman da tan en lo ilasa wa. ¹⁴Inñsen id abed lo muruan isini a, an lo idsad aupasek fidian an san naon lo ipasad injiliad tamul a. Agod iñ wagen lo idirad go ikok tilasag iñsan tamolpein mok tumado da. An niñen o urat uyan uyan ak mi tiganep wo yaes isofutanad a.

¹⁵Aria, ru an tamolpein pitejanaip duloñ a. Tan suek ru pidinai ak, agod kudo bek ru lo dam pidai dop satuanai a. Talpein enti oñ tamol kawan ak ago ibol dop dabai ganep awan wafutani wa.

Kagin uyan ak lo tatur sakar a

3 ¹Oñ tamolpein kankan igo pidinai a. Iñ gabman san tamol gurman agod tamol yañad anda yak sad awad paen na dumado wa. Iñ awa yabek tamolpein ago mi dumado dop, kagin naok naok uyanan mi digane wan san tawañ diganep dumado wa. ²Iñ talpein ta patun fo uf ta digane na wak, dida nug ta dupei na wak, aenta niñedi wo ilo sou digane wak, agod dam fidian malad lo iñsad kagin mos an digane ilasa dop dile wa.

³Imug id dam niñeño tiganep na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tiganep se ya. ⁴Ak man saen Anut idsad binawek iñsan ilo panek agod ilo muñanek tan en lo kuai tem ilasa yan, ⁵id patud ipasi a. Idsad kagin itaot ak ta tiganep lo na iñ ago igane man tia ya. Tia, iñsiganen ilo muñanek lo na id injiliad a. Inñsan Awan Urgun iganeg id foud tilasa woñ an man ibol ifulanad go ikok tilasa yak oñ a, dal amaiak lo patud ipasi a. ⁶Iñ Jesus Kristus idsad binawek an lo Awan Urgun tubun mok id lo iwatik idu ya. ⁷An lo

iņsan ilo panek lo iganeg iņ malan lo itaot tilasa ya. Ago dop an lo id iņsan nanuk mok igo woņ filian a ikubune panad la yan tiņane wa. Id kumaen pempem tumado san tiņane wan niņen o malan tigane tumado da. ⁸Ru an ru rumok a. Agod ŋaisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nuņon iganep ilasa wa.

⁹Ae tugtog burau ak riņani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaeņ niņen o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nuņon tia ya. ¹⁰Talpein ta midaeņ luluņad lo gilek gidigheid igane tap, kudon wabi. Gug iņ nek ago mi igane yau tap, fon kududon wabi da wa. Aria, iņ imoi go kagin saian an mi igane yau tap, patu pani. ¹¹Man dugo, oņ uloņ ak tamol naok ago yak sen ikubulig saian idug iņsan aupasek tinin lo awan isa ya. An lo iņsen yabi idu ya.

Ru wadan

¹²Murnap ŋai Atemas boi, tia, Tikikas boi oņsa na ŋigane ipalu wa. Saen iņ ipalup ilasa tap, oņ maeg ganep dal ta ulep Gris san taun Nikapolis na wau a. Man dugo, ŋai ilog ibol dak madid san saen lo ŋai ante ŋumado wa. ¹³Aria, oņ fon Senas kubiaeņ san maņau tamol iņ Apolos da tureņ fun digane wo dan o kagin pidinai a. Iņ mel ta lo katuk adi tap, oņ binawai a. ¹⁴Oņ Kris tamolpein piteņanai dop kagin uyan ak wagai an digane wa. An lo saen talpein ta muruan ile tap, iņ dibinawi uyan a. Kabelan iņsad ilo rumok an nuņon an tia banau.

¹⁵Tamolpein fidian ŋai dadi mumado dan oņsa na ilo uyan ru digane ipalu da. Oņ ilo rumok adi a niņema wo dumat dan ilo uyan ru iņsad na gane yau. Anut iņanen ilo panek aņ fidian da ka amado wa.

Filemon

¹Ŋai Pol Jesus Kristus san subanek tamol girek en ŋigire da. Id teid Timoti dam ŋai da mumado da. Girek en maŋanema bubema buson di urat kisaek Filemon, ²agod midaeŋ oŋsa ab lo dutumani na yan dam aŋsam na ŋigire da. Apfia idaned lud, agod Akipus iŋ maŋ da sisem Kristus san yu tamol igo woŋ, girek en miganeŋ sam na ipalu da.

³Ŋaisag ilog lo Bai Anut agod Jesus Kristus Tubun en da iŋsad ilo panek agod bube maror aŋ dupanaŋ o ibol da.

Pol san ilo uyan gadiŋ

⁴O teig Filemon, saen ŋai Anut ŋugudani dan lo, oŋ o pempem ilog isou dop, Bai Anut ilo uyan ŋupani da. ⁵Man dugo, oŋane ilo rumok Jesus Tubun ak lo yan, agod iŋanen tamolpein gun ak fidian niŋedi wo umat dan dam, ŋai ŋaloŋ a. ⁶Ŋai Anut ŋusumianip, aenta naod na oŋane ilo rumok kuai tem ubol ilasa dan lo se dabai ipanop, an lo nuŋon uyan uyan ak a id o Kristus lo yen dan uloŋ uyanan a. ⁷O teig, oŋsa ilo panek an ŋai ilo uyan tubun kasik, agod tan suek uyanan geig ipanag da. Man dugo, oŋ Anut san gun adi binawaig lo ilod pasa ibol a.

Pol Filemon ilon iŋane wo ibol da

⁸Amaiak niŋen o ŋai Kristus lo yak seg isodudunag ŋilasa dop, mel a oŋ gane san an itaot gane wo ka ŋusoduduno wa. Ago bo man ru kubiaeŋ naok ago yak ŋurupaio man ŋamoi da. ⁹Tia, oŋ ŋai da nug ilon tupani da, fun an lo man oŋ ilo ŋiŋane wo ilog tubun mi yen da. Awo, ŋai Pol, tamol wagam ag ŋilasa ya, agod gamu dam Jesus Kristus san subanek tamol ŋumado dan, ¹⁰Onesimus,^a ŋaineŋ nanuk igo woŋ, oŋ iŋ maror lo ŋane wo ŋugudano da. Saen ŋai sein nam dusubanag an lo, iŋ Jesus Kristus ilon lo rumok a, an lo iŋ ŋaisiganeg nanuk mok igo ilasa ya. ¹¹Imug mi oŋ mala lo iŋ tamol lou aman tia yak igo imado se ya, ak gug gamu man oŋ o, agod ŋai o dam, tamol lou aman da yak igo ilasa ya.

¹²Gidad ŋaineŋ bubeg fidian iŋ lo yen dak bo man, gamu ŋai oŋsa na ŋidinig ipalu da. ¹³Ŋai ŋabituanip, saen ŋai bilaluŋ uyanan ak niŋen

^a Grik ru lo, Onesimus yaŋan san fun man: lou aman da yak.

subanek lo n̄umado dan niŋen o, iŋ oŋ wage lo ibinawag o ilog ibol da. Ago bo man, ¹⁴mel ta a oŋ uyan ta pani na yan n̄igane san o ilog ta ibol na ya. Ago dop man mel dugon uyan ak gane wo man, oŋse ilo nam gane wa. Ak gug kagin an niŋen n̄ai ta n̄usoduduno na wa.

¹⁵Nag saen katukan mi oŋ ibisawog isol yau a, an san fun man, iŋ imul gup pempem mi oŋ da sisem amado wak boi. ¹⁶Gubak mi iŋ oŋsa bigabeg urat igane ya. Gug gamu tia ya, tia, gamu man oŋane tei mok Kristus lo yak igo oŋ ka n̄ane wa. N̄ai iŋ o bubeg bulbal da, oŋ dam rumok nek ago mi a, iŋ tinin lo agod Tubun en lo dam ibinawo wa. ¹⁷Amaiak niŋen o, oŋ n̄ai oŋane tura igo woŋ liag tap man, oŋ n̄ai n̄iliag ak ago mi Onesimus dam n̄ane wa. ¹⁸Mel ta lo muruan ipano boi, tia, oŋane gubun ta tinin lo yen tap, n̄ai yanag paen na ganep, an lo gubun an n̄ai tinig lo yen a. ¹⁹N̄ai Pol ru en seg banig nam n̄igire dan lo igo n̄abol, n̄aiseg mi iŋanen gubun n̄ukubunep itout a. N̄aisag gubun a oŋ tini lo yen dan man oŋse mi, kabelan oŋ an ilo iŋaoŋ banau. ²⁰Awo teig, oŋ Tubun ak san a, ak niŋen o lou uyan ak ta panag o ilog ibol da. Agod Kristus niŋen o dam oŋ n̄aineg bubeg maror pani wo ilog yen da.

²¹N̄ai awag uri pani san o tinig n̄upano da. Ak niŋen o girek en oŋsa na n̄igire den lo n̄aloŋ ak, mel e niŋen n̄usumiano den oŋ itaot ganep subun̄an taidam gane panag a.

²²N̄ai mel kisaek taidam niŋen n̄usumiano da. Galuŋ ta kubune panag a. Man dugo, n̄ai ilog yen dak man, aŋ gudanek wei mi agane dan lo, Anut aŋsam gudanek awan yabi dop lo fon n̄amul pe naom na n̄ilasa wa.

Ru wadan

²³Epafras dam iŋ n̄ai da Jesus Kristus niŋen subanek ab lo mumado dan, iŋanen ilo uyan ru aŋsam na iganeg ipalu ya. ²⁴Nek ago mi n̄aisag urat kisaek adi, Mak, Aristakus, Dimas, agod Luk, iŋaned ilo uyan dam dupanaŋ da.

²⁵Tubun ak Jesus Kristus san ilo panek an aŋanem n̄utum fidian da itumanip amado.

Hibru

Anut Nanun san yağan tubun a

1 ¹Wagam na mok profet adi awad lo Anut id tubud baged ru irupidai se ya, saen wei mi agod dal sensen lo iñ ago igane ya. ²Gug gamu nal wadan en lo man iñsinan Nanun awan lo irupaiad a. Iñsen lo mok Anut mel fidian igane ya, agod Anut sen iñ murnap mel an fidian taman imado wo ipiliani a. ³Iñsen iñ Anut san lilaman iñ lo yen dan isapudadeg Anut san girager tubun an kuai te ikubiai tile ya. Iñsan bunun an nek Anut sinan bunun mok igo ya. Agod iñsinan ru dabai an nam mel fidian igane ilasag yen yau da. Iñ tamolpein sad aupasek isuas yau san dal ikubuneg itout a, ago gug iñ kumaen panu lo Anut lak na yak iñanen banin won ak lo imasig imado ya.

Nanun san yağak eñel sad yağak iriñani a

⁴Anut yağak Nanun ipani an uyanan mok a. Yağak an eñel adi sad yağak dam iriñani a. Nek ago mi Anut Nanun ipilianig dabai tubun eñel sad dabai iriñanai ak ipani a. ⁵Anut eñel ta irupeig ibol,

“Oñ ñaineğ nanug, agod gamu ñai oñane tama.”

Iñ ta ago ibol na ya. Agod fon eñel ta niñen ago ibol,

“Iñai iñsan taman ñumado dop
iñ ñaisag nanuk imado wa.”

An dam ta ibol na ya. ⁶Gug saen Anut Nanun matu an iganeg tan na ipalu an niñen o ago ibol,

“Anut san eñel adi fidian iñ niñen o ubou an dile wa.”

⁷Aria, eñel adi sed niñedi wo man Anut ibol,

“Anut iñanen eñel adi man tim igo woñ a,
iñanen urat pinein adi man yai balen imasa dak igo woñ a.”

⁸Ak man Nanun niñen o ago ibol,

“O Anut, oñsa Kiñ san kalik an pempem yen yau san a.
Agod Kiñ san makud bani lo wabi dan an kagin itaot san makud igo
woñ a.

⁹Oñ kagin itaot ak niñen o mi umat da, agod kagin saian ak umoi
geig da.

- Fun amaiak niŋen o Anut, iŋ oŋane Anut, oŋane tura murou sad malan te iginio ya,
 agod yousai san gureŋ an oŋ tini fo ikulmaek idu ya.”
- ¹⁰ Anut Nanun irupei dag ibol,
 “O Tubun en, fun lo mok oŋ tan en san kadaŋ guni a,
 mel fidian lak na yan dam oŋse bani lo diri a.
- ¹¹ Mel an fidian dideg diau a, gug oŋ man mado wa,
 iŋ yamel wagam ak itout yau igo woŋ a.
- ¹² Oŋ nek ibol yamel dululumip diabi yau ak igo woŋ mel fidian lak na yan, tan en lo dam ago gane wa.
 Nek ibol yamel wagam ak dupasip foun ak digane dak igo woŋ, oŋ mel fidian bilisap foun ak dilasa wa.
 Gug oŋ man igo pempem mado wa,
 oŋsa anaŋar itout san tia ya.”
- ¹³ En dugo, Anut eŋel ta irupeig ago ibol,
 “Oŋ ŋaisag aben malan te yak ate mado dop
 ŋai oŋane ager adi ŋdiraip paen na dumado wa,”
 Anut ru ta ago ibol man tia ya. ¹⁴ Eŋel adi an enso mel ta i? Iŋ man ur, amaiak Anut idinaig tamolpein a patud ipasi san amaiak dibinawai o dudu ya.

Anut iŋiliad an mel tubun a

2 ¹ Fun amaiak niŋen o id ru rumok a taloŋ an tabi sakar a, ago dop an lo na id tadeg tau san tia ya. ² Tubud baged adi wagam eŋel awad lo kubiaeŋ san ru diŋane ya. Ru duloŋ an yen sakar da, fun an niŋen o talpein enti aupasek ta igane, tia, awa parsisalek ta igane tap, kulob an san naon atem itaot iŋane wa. ³ Fun amaiak niŋen o id patu pasek uyanan en patud tupani tap, en dugo woŋ id aupasek naon an tabi-riŋani wak i? Tubun en iŋsen malan malan mok patu pasek niŋen o ibol ilasa ya, agod a iŋ awan duloŋ an id dukubiai tile yak ru an ru rumok a. ⁴ Saen nek an lo mi Anut tamolpein a mel malad nam dile amaiak iŋsad ru an dabai ipani. Iŋ kulob girager agod urat dabai tutubun ak igane na ya, agod iŋsen ilon ibol ak lo mi Awan Urgun san dabai lo iŋ urat digane san bar funfun iwae pidinai a.

Jesus sen imug iŋiliad a

⁵ Man dugo, Anut iŋ eŋel adi tan foun murna ilasa wan kagin dupani wo ta ipilianai na ya. Tan amaiak niŋen o ŋai ru ŋabol da. ⁶ Gug Anut san girek ta lo ru en igo ibol,
 “Tamol man nek mel kawan ak igo ya, amaiak niŋen o, ata wo iŋ o ilo isou di?
 Tamol nanun man iŋ mel tubun tia ya, an niŋen o oŋ ata wo iŋ kagin pani uyan di?”

7 On saen katukan mi ij eñel paed na gane ya,
 agog ij girager yañak tubun ak da pani a,
 8 agod mel fidian ij taman imado wo tuon lo diri a.”

Aria, saen Anut tamol igane yan, ij mel fidian sad taman imado wo ago ibol a, an lo ij mel ta ibiseip tamol san kagin panek patun fo yen man tia ya. Ak man gamu saen en lo man tamolpein mel fidian kagin dupani dop id tile man tia ya. 9 Gug id Jesus mi tile da, ij saen katukan mi Anut ij eñel paed na imado wo igane ya. Agod ilo muñanek Anut ipanad dan niñen o ij tamolpein fidian abed iñaneg mateñ ile ya. Mateñ an lo na ij madai ikubiani a, fun an niñen o gamu id tile yak ij yañak tubun ak girager da iñane ya.

10 Nek uyan ak Anut ij mel fidian idirig ago dien diau dan, Jesus madai isini an lo ij iganeg itaot mok ilasa ya. Nek an lo ij nanuk wei mi iñal ipalup iñsan girager an lo ij da sisem dumado wa. Man ata wo? Jesus sen ij patun pasek san fun. 11 Ta a tamolpein gun dilasa wo igane dan, agod tamolpein a gun dilasa yan, ij sisem fudi kisaek a. Fun amaiak niñen o Jesus ij tein taon ibol san niñen o miai ta ifuni da. 12 Ij Anut niñen o ago ibol da,

“Ijai oñsa yaña an teig taog ñurupidai dulonj a,
 iñsad tumanek lo ñai bar ñabi dop onj yaña ñabisa wa.”

13 Ij dam ago ibol,

“Ijai Anut tinig ñupanig ñumado da,”

agod ij fon ibol,

“Ijai ebo Anut nanun muroun ipanag emaiak dida mumado da.”

14 Iñsan nanun muroun en man ij tan en san tamolpein mi, fun amaiak niñen o nek ij dumado dan ago mi Jesus dam iñsan tinin, tan en san tinik igo woñ ilasa ya. Ij ago igane yan lo iñsan mateñ lo Satan mateñ san dabai aman da yan ka ipitiñini wa. 15 Dal emaiak lo ij tamolpein iñaned mateñ san rirek lo patud ipasig maror ipidinai a, ij fon mateñ san rirek iñaned madok lo kagin ipidinai yau san tia ya. 16 Id talonj ak mel an man rumok a, man dugo, ij eñel ta ibinawai na ya, tia, ij Abraham san sawar ibinawai a. 17 Ago yak niñen iñanen kagin naok naok lo ij tein taon dumado dak ago mok ilasa wa. Ago dop an lo na ij iñaned pris malan te yak ilasap ago imado wa. Iñsan urat awan lo Anut ibinawi dan igo ya, ij awa yabek tamol agod ilo muñanek tamol an lo ij tamolpein sad aupasek an niñen Anut ilon igane ibubarum a. 18 Iñsen aupasek san ate suek lo itur go madai ikubiani a, fun amaiak niñen o ij gamu tamolpein a aupasek san ate suek dile dan ka ibinawai uyan a.

Jesus san yañak tubun an Moses yañan iriñani a

3 1 An niñen o añ ñaineg teig taog gun ak, añ mañ da Anut san wagiñ an lo itumanad go tumado dan, añ Jesus niñen o mi ilom isou a. Ij

apotel agod in pris malan te yak an ninen o tabol ilasa da. ²Inj Talpein a ipiliani an awan iri pani a, nek ibol Moses Anut awan kagin ipanig Anut san ab ilon lo urat igane igo ya. ³Nek ibol tamol ab yabi an yanjan tubun dugo ab mok sen man yanjan tusan ak ago ya. ⁴Rumok, ab fidian kisaek kisaek atem tamol diabi da, ak man Anut sen in mel fidian idirai an irinanai a. ⁵Moses in Anut anen ab san tamolpein fidian luluḡad lo urat pinein igo Anut awan iri panig urat igane ya. Nek mel amaiak saen murnap ilasa dan te dop ru a in ninen dubol an Moses dam gubak mi ninen o ibol ilasa ya. ⁶Ak man Kristus in Anut Nanun mok imado ya, an lo in Anut san ab lo tamolpein kagin ipidinai a. Id dabai amad da Anut anen ru tabol dan, id ilo uyan amad da mel a Anut ipanad ak ninen o ilod yen dan tabi sakar tap, id Anut san ab mok a.

⁷Amaiak ninen o nek ibol Awan Urgan gubak mi ibol ago,

“Nek gamu en, aḡ inḡsan awan aloḡ tap,

⁸aḡanem bubem aḡanep sakar ilasa amoi.

Nek ibol wagam aḡ tubum bagem bitinaek san saen lo tan kawan ak ate Anut patud dupani ago mi, aḡ kagin an ta agane na wa.

⁹Saen an lo in ḡai tuog lo bitinaek an diganeg dukubianag se ya.

Anaḡar 40 ḡaisag urat dabai fidian ḡigane an dile bo man ḡai patud dupanag se ya.

¹⁰Fun amaiak ninen ḡai in niḡedi wo tiḡaeg saian go ago ḡabol,

‘Inḡsad bubed lo in pempem dal senamo diau da, agod in ḡaisag dal dugo woḡ ḡau dan ta duloḡ na ya.’

¹¹Inḡaisag tiḡae saiak lo geg sakar ak ḡigane yan, ago ḡabol,

‘Rumok lak na, in ḡaisag yaes bilabal lo ta mok diladu na wa.’”

¹²An ninen ḡai teig taog, kagin agane wa. Kabelan aḡ luluḡam lo ta in buben ilo sou saian aman dap, ilon lo rumok tiap, Anut kumaen pempem san an patun ipani banau. ¹³Tia, nal fidian aḡ tan suek ru nug arupe, nal “gamu” dubol dan lo aḡ ago agane wa. Kabelan aupasek san kagin irawaḡ dop aḡ luluḡam lo ta bubem afutani banau. ¹⁴Ilo rumok malan malan an id fun tiganeg an tabi sakar pe yaup wadan na idu tap, an lo id Kristus da sisem tutumani wa. ¹⁵Id taloḡ ak ru e Anut Dawid ipani yen yen geig da, an ago ibol,

“Nek gamu en, aḡ inḡsan awan aloḡ tap, aḡanem bubem aḡanep sakar ilasa amoi.

Nek ibol wagam aḡ tubum bagem bitinaek san saen lo tan kawan ak ate Anut patud dupani ago mi, aḡ kagin an ta agane na wa.”

¹⁶En sauta wagam Anut awan duloḡ gug awa parsisalek digane i? An tamolpein wagam Moses inḡal go Igipta tan dibiseig diau ama ya. ¹⁷En sauta anaḡar 40 in Anut tiḡae saiak dupani se i? An tamolpein a aupasek

diganeg dumat go sad susanud tan kawan ak ate dudu ama ya. ¹⁸Agod en sauta niñedi wo Anut rumok lak na yaes bilabal lo diladu san tia ago ibol irupidai i? An tamolpein a iñ awan duparsisali ama ya. ¹⁹An niñen o id tile taloñ ak iñ diladu san tia ya, man dugo, iñ ilod lo ta rumok na ya.

Anut san tamolpein iñsan yaes bilabal lo diladu wa

4 ¹Aria, id Anut san yaes bilabal lo tiladu san ru gubak mi yen la ya. Fun amaiak niñen o id man tarut dop tarer a. Kabelan Anut aña aenta luluñam lo ta bitinaek lo idirañ pe, aña iñsan yaes bilabal lo aladu san ariñani banau. ²Rumok, Anut ru id girañed na ipalu yan, nek gubak mi iñ girañed na ipalu yak igo mi a. Gug ru a duloñ an ta ibinawai na ya. Man dugo, rumok iñ ru an duloñ a, ago gug iñ ilod lo ta rumok na dan lo ru an nuñon ta ifu na ya. ³Id ilod lo rumok an mi yaes bilabal amaiak lo tiladu wa. Nek ibol iñ ibol ak igo,

“Iñaisag tiñae saiak lo geg sakar ak niñane yan, ago niñabol,

“Rumok lak na, iñ niñaisag yaes bilabal lo ta mok diladu na wa.”

Saen Anut tan en igane yan lo iñsan urat fidian igane itout a. An niñen o id taloñ ak, Anut san yaes bilabal yen la ya. ⁴Man dugo, girek ta lo iñ nal seven niñen o igo ibol,

“Anut nal seven lo iñanen urat an fidian niñedi wo yaes ibal a.”

⁵Agod fon girek kisaek en lo igo ibol, “iñ niñaisag yaes bilabal lo ta mok diladu na wa.”

⁶Amaiak niñen o id tile dak aenta diladu san dal ipasig yen da, ak man aenta a gubak mi Anut ru diñane yan diladu san dal diriñani da, man dugo, iñ awa parsisalek tinadi a. ⁷Fun an niñen o iñ fon mi nal itaot ipiliani a, “gamu en”, ata wo, Anut tan iganeg saen milaen mok gug Dawid awan lo igo ibol,

“Nek gamu en, aña iñsan awan aloñ tap,

añanem bubem aganep sakar ilasa amoi.”

⁸Rumok, Josua iñ yaes ka ipidinai tap, Anut murnap fon mi nal sen ak niñen o ibol san tia wa. ⁹Fun amaiak niñen o yaes bilabal bageu san Anut anen tamolpein niñedi wo yen da, yaes bilabal an nal seven san igo ya.

¹⁰Man dugo, ensauta Anut san yaes bilabal lo diladu dan iñaned urat tan en lo digane yan dibisei da, nek ibol Anut iñsen urat a igane dan ibisei ak igo mi a. ¹¹An niñen o id yaes bilabal amaiak lo tiladu wo urat wagai tigane wa. Ago dop aenta luluñad lo awa parsisalek kagin naok an lo diau dudu banau.

¹²Anut san ru man kumaen a, agod dabai aman da ago yen da. Nek ibol bubarek kisaek malan uraru aman da yak igo woñ, an talpein tinin isuep iladu yau geig da, iñsan niñutun ur da ibiatai da, tatu batek dam titiñaem igilep sensen dilasa wa. Ago bubed san kankan iñ ilo girek da ka ikubiani san iloñ da. ¹³Agod iñ malan lo talpein ta imianuk san tia ya.

Tia, enti id ru naon tupani san inj malan lo man, mel fidian walal te mi itufuluk go dien da.

Jesus sen idsad pris malan te ya

¹⁴Id pris malan te tutubun ak amad da ya, an niĵen o inj lak na yaug, id Anut san na tau san dal yabirubeg iladu ya, an man nek Jesus, Anut iĵanen Nanun. Amaiak niĵen o id ilo rumok san ru tabol ilasa san tabip sakar a. ¹⁵Dugo, idaned pris malan te tubun ak idsad muruan funfun niĵen o ilo muĵanek ipanad san ta idaisuda na yak i? Tia, inj tamol naok ago tia ya. Man dugo, bitinaek naon funfun id lo ipalu dan ago mi inj lo dam yau da, ago gug inj aupasek ta igane man tia ya. ¹⁶An niĵen o id pempem Anut san kalik girarĵen na tau a, ante man Anut ilo panek iwae san aben mi a. Aben an lo saen muruan sumeik ipanad dan, ilo muĵanek ka tiĵane wa, agod iĵsan ilo panek id ibinawad san tile wa.

5 ¹Pris malan te yan kisaek kisaek tamol luluĵad lo Anut ipiliani a. Agod iĵsan urat man, tamolpein waged lo lou kawan ak inj mel mudan a yai lo dumari san da, iĵsad aupasek ipasi yau wo Anut ipani da. ²Inj tamolpein a ilod tia yan, agod a dal diapitilip sen diau dan dam mos nam kagin ka ipidinai a, man dugo, inj dam dabai aman tia yan lo yau idu da. ³Fun amaiak niĵen o, inj malan malan man iĵsinan aupasek isuas san niĵen o yai igane wa. Agop murna man tamolpein sad aupasek niĵen o dam yai ka igane wa.

⁴Pris malan te yak inj yaĵan anda ya, ago gug talpein ta sen ilon nam urat an iĵane san tia ya. Tia, Anut talpein an imug iwagiĵ a, nek ibol wagam Moses tein Aron iwagig pris malan te ilasa yak igo mi a. ⁵Nek ago mi Kristus dam inj sen tinin nam pris malan te yak imado wo ta igane na ya. Tia, enti a inj irupeig igo ibol,

“Oĵ ĵaineĵ Nanuk,
agod gamu en ĵai oĵane Tama ĵumado da,”
amaiak Kristus ipiliani a. ⁶Agod girek ta lo fon igo ibol,
“Oĵ pris pempem san,
oĵ pris naok Melkisedek imado yak igo, oĵ dam mado wa.”

⁷Saen Jesus tan na imado se yan, iĵanen gudanek lo pempem imosiai dugo, awan tubun mi tinaĵ iganeĵ Anut o mateĵ san dabai lo ka patun ipasi wo igudani a. Agod inj Anut awan kagin ipani uyan go sen yabi idu ya, an lo Anut iĵsan gudanek ilonĵ a. ⁸Inj man gidad Anut Nanun bo man, madai isini se yan lo awa yabek kagin ilonĵ uyan a. ⁹Agod saen inj awa yabek kagin a lo itaot mok ilasa yan, inj tamolpein ensauta awan kagin dupani dan niĵedi wo patun pasek pempem san fun mok ilasa ya. ¹⁰Agod Anut inj pris malan te imado wo kob ipani a, nek ibol Melkisedek igo mi a.

Dutur sakar san ru kagin

¹¹Mel en niĵen o maĵ ru mubate wo iloma yen da, ak man maĵ fun mabol ilasa wo kitek muruan a. Man dugo, aĵ aloĵ pe aĵane kisaek san

tia ya. ¹² An girek maŋau alasa san saen idaisuda ya. Ak man talpein ta fon pitejanek pasauman ak lo Anut ru ilon lo yen dan ikubiai panaŋ san niŋen o aŋ katuk amami da. An aŋaŋ sakar ak ani san ta idaisuda ya, ago gug aŋ su mi aluk san niŋen o katuk amami da. ¹³ Aloŋ uyan, enti iŋ su mi iluk o igane dan, iŋ kagin itaot san ru niŋen o iŋaŋ da, man dugo, iŋ nanuk mi a. ¹⁴ Ak man anaŋ sakar man tamol tutubui ak sadi a, en sauta a Anut ru pempem dusuti dan lo, mel uyan ak saian ak da niŋen o ilod igire dugo dupiliani uyan san duloŋ da.

6 ¹ Ago yak niŋen o id tamug tilasap, pitejanek pasauman Kristus niŋen o yan tibiseip yen dop, tusokalik pe tamol tutubu yak sad pitejanek lo tiladu wa. Id gamu pitejanek pasauman ak tibiseip bag foun ak tugunai wa, kabelan id bag wagam an fon mi tugunai o tigane banau. Ru en igo ya, mateŋ san urat fidian lo id ilod ibileksap tadaŋsa san pitejanek, id Anut ilod lo rumok ak san pitejanek da, ² agod fulanek funfun san, tinid fo banim agane san, dumat pe fon dumasa wak, agod Anut id bitinaek lo idirad pe pempem san pani naon ipanad san, an fidian niŋedi wo ta tabol na wa. ³ Aria, id gamu en tamug tau a, agod Anut awok ibol tap man, id ka ago tigane wa.

⁴ Ak dugo, tamolpein a iŋ gubak mi Anut san lilaman iŋsad tureŋ lo isapudade yan, agod kumaen panu san binawek kawan a igane ipalug dukubiani dile yan, agod nug dupinig Awan Urgun da dutor dan, ⁵ agod iŋ Anut san ru a dukubianig dile yan uyanan, agod iŋ madok a sumeik ipanad dan san dabai sensen dile duloŋ la bo man, ⁶ murnap Anut patud dupani tap, an dugo ilod isou wak i? Id talpein an ka taŋal tamul pe ilod fon ibileksa san dal dile wak i? Man tia geig a! Man dugo, kulob en igo digane tap, an man iŋ fon Jesus aigim fo dubali da wa, agod iŋ tinin diabisa dop malak malak lo miai dupani wa.

⁷ Tan en lo saen wei mi ui idu den san you iluk da, agod anaŋ uyanan ak tamolpein a anaŋ dupae dan niŋedi wo igane ilasa tap, Anut san bar uyanan iŋane wa. ⁸ Gug tan en iŋ ai dudurun anda yak mi, kurkur saiak saiak mi disa tap man, tan an saian a, agod lou aman tia ya. Saen milaen tiap tan muroun bar saiak ipani dop ipitiŋini wa. Tan en itout san man dumari wa.

⁹ O maŋsama adi, maŋ ru an mabol bo man, maŋ aŋ niŋem o igo iloma lo rumok. Melmel patun pasek san uyanan ak mi an, aŋ o ilasa wa. ¹⁰ Man dugo, Anut iŋ kagin itaot tia lo, aŋanem urat agod aŋanem ilo panek, saen iŋ yaŋan lo aŋ gun adi kagin apidinai se yan, aŋ akubiai apidinai dan ile pilti san tia wa. Kagin uyanan an aŋ gamu nek ago mi agane da. ¹¹ Maŋsama iloma igo woŋ a. Nek ibol kagin a aŋ lo atur sakar dan, nek ago mi aŋ aŋanem ilo rumok mel a niŋen aŋ tinim agane dan abi awan isap, an lo dam atur sakar a. Aŋ anek anek atem urat wagai agane dop amado yaup aŋanem saen wadan ilasa wa. ¹² Dal amaiak lo aŋ

ta ayalis na wa. Tia, aŋ dam tamolpein a Anut ilod lo rumok go, muruan lo dutur sakar dan lo, Anut san promis diŋane dan, iŋsad kulob an aŋ agam aŋane wa.

Anut san promis san nuŋon ilasa wa

¹³Saen Anut Abraham promis ipani wo ilon yen, talpein ta iŋsan yaŋan an, Anut yaŋan iriŋani dan imado man tia yan niŋen o, Anut sen yaŋan lo rumok lak na ibol go ¹⁴ago ibol, “Rumok geig, ŋai oŋ bar uyanan ŋupano wa, oŋane mala kubalan wei mi ŋiganep ilasa wa.” ¹⁵Abraham ru an iloŋ go sen dabai ipanig, mala nouk imado yaug saen milaen gug promis an san nuŋon iŋane ya.

¹⁶Rumok, tamol adi iŋ talpein sen ak iriŋanai dan yaŋan lo iŋaned ru dabai dupani wa. Agod saen iŋ ru lo nug dufuni dan, kulob an lo ru digane itout a. ¹⁷Ago yak niŋen o tamolpein a Anut iŋsan promis san nuŋon diŋane wan, iŋsan ilobol ibileksa san tia yan, an kuai te ikubiai dile wo ilon yen da. Amaiak niŋen o iŋ ru rumok lak na ibol an lo iŋsan promis ru dabai ipani a. ¹⁸An lo na mel uraru a tibilsa san tia yan, agod an niŋen o Anut sewak ipanad san ta isuda na yan, lo id tan suek tubun ak ipanad a, an lo id a aupasek niŋen o tasol man, melmel a naod na iganeg niŋedi wo mala naok tumado dan, tiŋanep tabi sakar oŋ a. ¹⁹Id Anut tinid tiganeg tupanid amaiak aŋga igo woŋ ŋutud yabituani da. Tini ganek amaiak dabai aman da ya, an lo iganeg id dalawan san yamel an patun fo taug galuŋ Gun Di, Gun Mok an ilon lo tiladu ya. ²⁰An lo Jesus id niŋed o imug mi iladu ya. Iŋ man pris gurman pempem san, naok Melkisedek igo woŋ ilasa ya.

Melkisedek yaŋan tubun a

7 ¹Melkisedek iŋ taun Salem dubol dan san kiŋ, agod iŋ Anut Naon Tubun Lak Na yan san pris imado ya. Saen Abraham yu iganeg kiŋ aenta ifu itout go imul an, Melkisedek Abraham ile wo yaug dal na nug dileg bar ipani a. ²Agog Abraham mel fidian isini an itarpaleg malan 10 itumani, ago gug malan kisaek iŋaneg Melkisedek ipani. Aria, yaŋak Melkisedek man fun igo ya, “kagin itaot ak san kiŋ,” agod iŋ mi Salem san kiŋ, an san fun man “maror san kiŋ.” ³Iŋ tinan taman tia, tubun bagen dam tia ya. Tinan igansi ak san nal, imat ak san nal dam ta taloŋ a. Nek ibol Anut Nanun oŋ imado ya, iŋ pris pempem san imado da.

⁴Aŋ Melkisedek yaŋan tubun an ale. Abraham idsad tubud baged malan inug ak, yu san biouŋ isini an itarpaleg malan 10 gug malan kisaek iŋaneg Melkisedek ipani a. ⁵Ru ta Moses san kubiaerŋ ilon lo yen dan ago ibol, Livai san malan kubulan a pris urat diŋane yan tamolpein sad melmel aenta diŋane wa. Tamolpein an iŋsad biouŋ ditarpalep malan 10 gug malan kisaek dipidinai a. Ago dugo gidad teid muroudi agod

Abraham tubun muroun bo man dam mi a. ⁶Ak man tamol Melkisedek an Livai san gugoi lo kisaek tia ya, ago yak bo man Abraham biouŋ itumanig malan 10 gug itarpaleg malan kisaek Melkisedek ipani a. Melkisedek biouŋ an ijaneg tamol a Anut san promis yabi dan bar ipani a. ⁷Id taloŋ uyan ak tamol lak na yan bar tamol paen na yan ipani wa. ⁸Amaiak niŋen o dal ta igo ya, tamol e Livai san gugoi lo dilasa yan binawek diŋane bo man iŋ dumat da. Ak man dal turan lo, tamol Melkisedek iŋ dam binawek iŋane ya, gug girek en lo ibol iŋ pempem imado yau oŋ da. ⁹Ru ta dam nap talpein ka igo ibol a, Livai iŋsen, tamolpein sad binawek iŋane dan, gidad iŋ gamugo ilasa bo man binawek Abraham banin lo Melkisedek ipani a. ¹⁰Man dugo, saen Abraham Melkisedek itumani ante man, Livai iŋ bagen Abraham tinin lo imado se ya.

Jesus ibol Melkisedek oŋ a

¹¹Aria, pris adi a Livai san gugoi lo dilasa yan sad urat man kubiaeŋ a Anut tamolpein ipidinai an san fun. Tamolpein pris an sad urat an lo iŋ itaot mok ak dilasa tap, anta wo pris foun ak ta ilasa wo Anut imat di? Pris naok Aron san ago tia ya, tia, Melkisedek san ago mi a. ¹²Aria, pris san urat awan lo bileksak yen tap man kubiaeŋ dam lo bileksak yen a. ¹³Tamol a maŋ niŋen o miŋiŋeŋ den man iŋ gugoi senamo ak san a. Ak man talpein ta gugoi an san, pris sad urat alta fufo igane man tia ya. ¹⁴Id kuai tem taloŋ uyanan ak idsad Tubun en man iŋ Juda san gugoi lo ilasa ya. Agod gugoi amaiak mi niŋen o Moses pris niŋedi wo ru ta ibol man tia ya.

¹⁵Mel maŋ niŋen o miŋiŋeŋ den ru binawek lo kuai isi geig a. Aloŋ uyan a. Gamu pris naok sen ak Melkisedek oŋ ak ilasa ya. ¹⁶Iŋ pris san kob iŋane ya, kubiaeŋ ta gugoi dugon lo iŋ ilasa yan lo kob ta iŋane na ya, tia, kumaen dipitiŋini san tia yan san dabai lo mi a. ¹⁷Man dugo, ru en girek lo iŋ niŋen o ago ibol,

“Oŋ pris pempem mado geig a,
nek pris naok Melkisedek ago mi oŋ dam ago wa.”

¹⁸Dal ta lo, kubiaeŋ malan malan mi an Anut patun fo igane ya, man dugo, kubiaeŋ an dabai an tia yak, agod nuŋon an dam tia ya. ¹⁹(Man dugo, kubiaeŋ an mel ta itaot mok ak igane ilasa san tia ya.) Dal turan lo, ilo rumok uyanan nuŋon anda yak ikubiai panad a, an lo Anut siŋiren na tau a.

²⁰Saen Anut ago igane yan lo iŋsinanen ru dabai ipani a. Pris an Livai san gugoi lo dilasa yan, talpein ta ru dabai ipani man tia yan lo gidad pris dilasa ya. ²¹Ak man tamol a niŋen o mabol la yan Anut iŋsinanen ru dabai ipani an lo pris ilasa ya. Man dugo, Anut irupeig igo ibol,

“Tubud iŋanen ru dabai ipani la ya,

agod iŋ ilon ta ibilisa na wa.

Oŋ pris pempem mado geig a.”

²²Fun an niŋen o Jesus man kontrak foun an san balsijanek, agod kontrak an kontrak wagam an iriŋani a.

²³Pris wagam san an wei mi a, man dugo, mateŋ yabitanai, an lo urat digane yau san tia ya. Fun an niŋen o pris foun ak pris dumat ak sad abed diŋane se ya. ²⁴Ak gug Jesus man pempem imado yau da. An niŋen o pris san urat man nek ago mi igane yau oŋ a. ²⁵Ago yak niŋen o tamolpein a iŋ lo Anut sumeik dupani dan patud ipasi pasik anen idaisuda ya. Man dugo, iŋ pempem imado dan niŋen iŋ waged lo Anut igudani da.

²⁶Pris gurman naok ago yak id lo uyan a. Iŋ saian aman tia ya, iŋ gun, ikok, iŋ tamolpein aupasek adi an siŋired na dam tia ya, agod Anut yabisag kumaen panu lo lak na isuda geig a. ²⁷Nal wei mi pris aenkadi Anut yai digane pani da, malan malan iŋsinad aupasek dusuas san yai digane gup tinin te man tamolpein sad yai digane da. Ak man Jesus man iŋ ago tia ya, iŋ iŋsen tinin amaiak ibiseig nal kisaek tamolpein fidian niŋedi wo aigim fo imat a. ²⁸Rumok, kubiaen iŋ tamol dabai amad tia yak ipilianai pris gurman dilasa wa. Ak man saen Anut iŋ ru rumok lak na ibol an kubiaen an patun fo igane ya. An lo Anut ru rumok a ibol an lo, iŋanen Nanun ipilianig pris gurman ilasa ya. Agod Anut iŋanen Nanun iganeg itaot geig ilasa ya, nek ago mi pempem imado wa.

Jesus idsad pris malan te ya

8 ¹Maŋ ru mabol dan man mel malan te igo ya: rumok, id pris gurman uyanan ago yak amad da ya. Iŋ kumaen panu lo Tubun Geig ak san badim siŋiren na banin won ak lo imasig imado da. ²Agod iŋ Anut san ubou ab rumok ak lo pris san urat igane da. Ubou ab an man tamol ta dususe na ya, tia, Anut sen mi isuse ya.

³Pris gurman fidian dipilianai dan iŋ tamolpein aned ilo uyan anaŋ Anut yaŋan lo mel an dupani da. Agod iŋaned aupasek dusuas yau san mel mudan man Anut yai digane pani da. Fun amaiak niŋen o gamu pris foun ak dam mel ta naon ago mi Anut ipani wa. ⁴Aria, iŋ tan en san tamol tap man iŋ ta pris ilasa na wa. Man dugo, pris wei mi tan en lo dumado la yan, Anut san kubiaen kagin dupani dop yai digane pani se ya. ⁵Ubou ab a tamol, lo Anut urat digane dupani dan man kumaen panu anen ubou ab san mitilaen igo ya. Fun amaiak niŋen Moses Anut san ubou ab isuse wo igane dugo, Anut irupeig igo ibol, “Oŋ ŋai did fo na ru kagin ŋurupaio dugo ilo sou ŋukubiai pano yan lo, mel fidian gane ilasap itaot a.” ⁶Gug gamu pris san urat Anut Kristus banin lo igane yan man uyanan geig a. Man dugo, iŋ kontrak uyanan ak san titiŋae tamol igo ya, agod kontrak an kontrak wagam ak iriŋani a. Ata wo, kontrak foun an

san bag man Anut anen promis uyanan, an lo wagam an dam san nujon irijani a.

⁷Kontrak wagam an lo muruan tia yak man kontrak foun ak ta ilasa san tia wa. ⁸Man dugo, Anut tamolpein ilod lo saian ile ya, amaiak niñen o,

“Tubun en ibol, aloñ ak, saen ipalu dan te dop
ñai Isrel tamolpein inj Juda tamolpein dadi kontrak foun ak mususe
wa.

⁹Agod kontrak en man ñai Isrel tubud baged dadi mususe ago tia ya. Saen an lo man ñai banid te ñibiaig ñaçal go Igipta tan mubiseig mupalu ya.

Man dugo, inj ñaisag kontrak an mi kagin dupanip ta diabi se na ya. An niñen o ñai patug ñipidinai a.

Ñai Tubun en ago ñabol a.

¹⁰Saen an ilasa dop, kontrak en ñai Isrel tamolpein lo ñigane wa. Ñaisag kubiaej an kabuñad lo ñidiri wak, agod bubedi lo dam ñigire wa.

Ñai man inaned Anut, agod inj ñaineg tamolpein a.

¹¹Nal en lo ta luluñad lo turan boi, tia, tein boi, ipiteñanip ibol, “Tubun en uloñ,” an ago ta ibol na wa.

Man dugo, inj fidian ñai duloñ uyanan a.

Tamol yañad tia yan, agod tamol yañad anda yan, dam fidian ñai duloñ a.

¹²Man dugo, ñai inaned aupasek an ñupasi yau a, agod ñai inñad muruan an ilog isou san tia ya.”

¹³Aria, Anut kontrak foun ta niñen o inñiej dan fun man inñan ilo sou lo kontrak malan malan an man wagam san a. Agod mel ta wagam an la yak, an saen katukan mi yen pe itout yau a.

Tan en san ubou ab lo ubou leil san kagin

9 ¹Aria, kontrak malan malan an lo ubou leil san kubiaej yen a, ago dugo tan en san ubou ab ta dam yen a. ²Ubou ab ta dususe ya. Galuñ malmalan an lo lam ta, badim da, agod badim an fo bret Anut naon na didirig dien dan mi ante dien da. Galuñ an Aben Gun ak ago dubol da. ³Aria, galuñ an patun fo man yamel dalawan te dususe ya. Yamel amaiak patun fo man galuñ taida yen da, galuñ an Gun Di, Gun Mok ago dubol da. ⁴Galuñ en ilon lo alta ta gol nam diganeg yen da. Alta an fo man pawra mumalun bulbal ak sen nam yai digane da. Agod kunup kontrak an dam gol nam dubuluwig yen da. Kunup kontrak an ilon lo, bod gol a mana aman da yan, Aron san makud a balun foun ak idiri an dam, agod Anut san kubiaej pat aten uyan ak uraru fo na igire an dam, kunup an ilon lo dien da. ⁵Kunup an fufo na Anut san ilo muñanek aben

yen da, agod an gigin ananaem mi Girager san eñel uraru mi mitilaed dututuñanai an subarid duwate yang Anut tamolpein iñaned aupasek ipasi yau ak san aben amaiak dutuanig dutur da. Ak man gamu mel an man fun fidian mabol dop alon san tia ya.

⁶Mel an fidian ago digane itout a, ago gup murna pris adi galuñ malan te yan lo diladup iñaned urat awan an digane yau on a. ⁷Ak man pris gurman mi iñ galuñ tinin te an ilon lo iladu wa. Iñ anañar kisaek ilon lo nal kisaek atem galuñ an ilon lo iladu da. Iñ pempem dar iñane iladup iñsinan aupasek agod tamolpein ñiñeo lo kagin sisaik digane na yan, dam fidian ipasi yau wo Anut ipani da. ⁸⁻⁹Kulob en fidian lo ru fañan yen da. Mel an lo Awan Urgun kuai tem ikubiai tile ya, saen galuñ malan te urat anda ago itur se man, galuñ Gun di, Gun Mok san dalawan an itaug yen se ya. Man dugo, dalawan san yamel amaiak dal ifutani a. Galuñ malan te man kontrak wagam san saen, an naon iñane ya. Ubou leil ab an ilon lo Anut ilo uyan mel dupani dop yai digane pani se ya, ak man mel an talpein ñutun ibinawip ikok ilasa san tia ya. ¹⁰Melmel an man sen kubiaen ibol ago anañ nuaen, you lukluk agod fulanek funfun digane dop lo ikok dilasa san mi a. Kulob en man tinik fufo yak san mi a, ago digane yaup melmel foun ak dilasa wan san saen ilasa wa.

Kristus san dar

¹¹Ak man saen Kristus ilasa yan, iñ melmel uyan uyan a dilasa la yan, sad pris gurman on ago imado ya. Saen an lo iñ galuñ Gun Di, Gun Mok a uyanan geig agod itaot mok a tamol banid nam ta dususe na yan, ilon lo iladu ya. Galuñ an tan en san tia ya. ¹²Iñ nal kisaek o lian mi galuñ Gun Di, Gun Mok an ilon lo iladu ya, agod dar a iñaneg ida iladu yan man bilelek boi, tia makau nanun ta boi san dar tia ya, tia, an iñsinanen dar mok a. An niñen o id iñiliad tamul pe iñsan na pempem tumado yau san dal ipasi a. ¹³Dugo, pris adi bilelek sad dar, makau nanun tamol sad dar, agod makau nanun pein ak san tatu, an diñane go tamolpein a, Anut malan lo ilod ta ikok na yan, sad tinidi fufo dufurfi go gun dilasa ya, an lo tinidi ikok ilasa tap, ¹⁴Kristus san dar sapta taida mip dabai ak i? Ur pempem san dabai lo, Kristus iñsen iñanen tinin a muruan aman tia yan dufuni imat pe mel mudan yai lo digane yak igo woñ Anut ipani a. Kulob an lo iñsen mi idsad ñutud ibinawig ikok tilasa ya, an lo idsad ñutud lo kagin a sad nuñon a lo mateñ tile dan ipasi yau a, an lo id Anut kumaen imado dak mi ubou an tile wa.

¹⁵Fun amaiak niñen o Kristus iñ kontrak foun en san tamol titiñae ak igo imado da. An lo talpein ensauta a Anut ipilianai ak mi, iñ kumaen pempem san melmel diñane san ipilianaig yen dan diñane wa. Man dugo, mateñ a ilasa amaiak lo, tamolpein kontrak a wagam paen na dumado dugo aupasek digane na yan patud ipasi a.

¹⁶Aria, materj kontrak san girek (pepa) ta yen tap, an man urat aman tia ya. Man dugo, tamolpein ij girek muroun imat an dile duloj gup, girek an urat ka dupani wa. ¹⁷Kontrak girek an materj san saen lo mi dabai anda. Man dugo, saen girek muroun malan kumaen lo imado se yan, girek an kawan igo ya. ¹⁸Fun an lo na wagam mel mudan dufu na yan sad materj san dar amaiak kontrak wagam an dabai ipani na ya. ¹⁹Saen Moses tamolpein naod na kubiaej an fidian ifulale idug itout an, ij makau nanun bilelek da sad dar ijaneg you da ibileksa ya. Ago gug yang ai hisop raen ta kam daran ak bilelek fufulun sen nam dufou yan ijaneg dar lo isamuni, ago gug ijaneg ifurfi buk fo na isida gug fon tamolpein fidian sad na ifurfi yau a. ²⁰Ij ago irupidai, “Dar en kontrak dabai ipani san, nek emaiak niijen o Anut ru kagin ipanaj a.” ²¹Kulob nek a igane ago mi dar an ifurfi ubou ab an fo isudag, ubou leil san mel an dam fidian fo ifurfi isuda ya. ²²Rumok, kubiaej paen na, mel wei mi dar nam ikok digane ilasa ya. Agod dar ta ikulmaek yau na yak man aupasek dam ta isuas yau na wa.

²³An uyan ak kumaen panu san melmel anen mitilaedi an naok naok ago lo ikok dilasa da. Ak man kumaen panu san melmel ijsedi, naok naok a aenta irijanai dan nam ikok dilasa da. ²⁴Man dugo, Kristus ij tamol banid nam galuj gun mok dususe yak lo ta iladu na ya. An man galuj mok ak san tutujanek mi a. Tia, kumaen panu mok lo iladu ya. Gamu ante id nijed o Anut naon na imado da. ²⁵Taida mi, ij saen wei mi ijsen tinin ipani wo igane man tia ya, nek ibol pris gurman galuj Gun Di, Gun Mok ak lo anaar kisaek kisaek lo dar a ijsan tia yan da isinip iladu dan ago ta igane na ya. ²⁶Ago tap, saen Anut tan en igane ilasag ipalu an lo Kristus nal wei mi madai ile wa. Ij ago ta igane na ya, tia, nal kisaek o lian saen wadan lo ilasa ya. Ijsinanen tinin ipidinai an lo aupasek ipasi yau san igane ya. ²⁷Anut ibol, tamolpein nal kisaek mi dumat a, ago gup Anut naon na bitinaek lo dutur a. ²⁸Nek ago mi, Kristus dam nal kisaek dufuni imat a, an lo tamolpein wei mi sad aupasek isini a. Ij ago igane dugup afon imul ipalu da wa. Aupasek isuas yau san ta imul ipalu da, tia, tamolpein a ij o mala nouk dumado dan patud ipasi ipidinai o imul ipalu da wa.

Yai niganag wagam man aupasek ipasi san tia ya

10 ¹Kubiaej man mel uyan uyan murna dilasap dupalu wa, amaiak sad mitilaedi mi a. An man mel nujon tia ya. An lo tamolpein Anut anaar fidian yai naon kisaek anam digane pani dugo sijiren na diau dan, kubiaej ikubuniaip itaot mok dilasa san tia ya. ²Dugo, kubiaej tamolpein itaot mok idirai dilasa la tap, Anut yai digane pani se yan afon digane da wak i? Man tia geig a. Fun an niijen o, ubou leil san tamolpein saen kisaek atem ikok mok dilasa pasik tap, ilod lo aupasek ta

afon dukubiani san tia ya. ³Ak man tia, iñsad yai niganag en man anañar fidian ago digane dop lo iñaned aupasek an ilod isou da. ⁴Man dugo, makau tamol ak iñ bilelek da sad dar man aupasek ipasi yau san tia ya.

⁵Fun an niñen saen Kristus tan na ipalu yan Taman irupeig ago ibol,
 “Iñ oñ yai digane dupano wo, agod lou kawan ak dupano wo do umoi a.
 Ak man tinik ta oñ gubak mi kubuneg ñai panag a.

⁶Oñ tamolpein nao na dilasa san yai niganag,
 agod aupasek isuas san mudan dam niñedi wo bube ta uyan na ya.

⁷Agog ñai ñabol, ‘O Anut mala ipalu, ñai ebo ya,
 nek ibol Anut san ru girek buk lo niñeg o ibol ago mi a,
 ñai man oñane ilobol ñigane wo ñupalu ya.’ ”

⁸Aria, malan malan iñ ago ibol, “Tamolpein iñ oñ niñe wo yai niganag, lou kawan an, mudan tinid fidian dimari dan, agod aupasek san yai niganag digane dan niñedi wo fidian umoi da.” (Gug kubiaen ibol kagin naok an tamolpein ago digane wa.) ⁹Iñ ru awan ibate dag ibol, “Ñai ebo ya, ñai man oñane ilobol ñigane wo ñupalu ya.” An lo na iñ dal wagam an ipasi yau dugo dal foun ak aben lo igane ya. ¹⁰Agod ilobol an lo, Jesus Kristus saen kisaek o lian iñsen tinin dufuni imat san o Anut ipani a, an lo id gun tilasag tumado da.

¹¹Nal kisaek kisaek atem pris dumasa dutur pe yai ganek aben na iñsinad urat awan saen wei mi digane da. Iñ mel mudan naon kisaek an mi nal pempem Anut yai digane pani da. Ak man yai ganek naok an tamolpein sad aupasek ipasi yau san tia ya. ¹²Ak man Kristus nal kisaek mi lo sen tinin Anut ipani a. Kulob an nuñon pempem yen da. Saen kulob an igane itout man yaug Anut banin won ak lo imasig imado da. Man dugo, iñsan urat itout a. ¹³Gamu iñ mala naok imado yaup saen Anut iñsan ager adi dabai amad tia yan iñal pe ñien paen na idiraip dumado wa. ¹⁴Man dugo, iñ saen kisaek mi sen tinin Anut ipani an lo, tamolpein a gun idirai dilasa dan ikubuniaig itaot mok pempem san dilasa ya.

¹⁵Awan Urgun dam mel an niñen o ikubiai ipanad go ago ibol,

¹⁶“Saen an ilasa dop, kontrak en ñai Isrel tamolpein lo ñigane wa.
 Ñaisag kubiaen an bubedi lo ñidiri wak,
 agod kabunad lo dam ñigire wa.”

¹⁷Agog iñ ru awan ibateg ibol,

“Ñai iñsad aupasek agod iñsad kagin saiak saiak dam ilog isou san tia ya.”

¹⁸Amaiak niñen o, saen kulob an Anut isuas yau tap, aben ante aupasek san yai niganag taida yen man tia wa.

Tatur dabai san ru kagin

¹⁹Fun an lo na, teig taog, id Jesus san dar lo Anut san galuñ Gun Di, Gun Mok an ilon lo tiladu wo tarer san tia ya. ²⁰Dal a tiladu san an foun,

agod kumaen yen yau san a. Yamel an id tiladu san dal ifutani a, ak man Jesus lo yamel an isireig dalawan id ipasi panad a. Yamel an inſen tinin amaiak naon inſane ya. ²¹Agod id pris tubun malan te yak amad da ya, inſ Anut anen tamolpein an fidian kagin ipidinai da. ²²Fun uraru an niſen o id Anut siſiren na ilod siſaokan mi tau a. Agod idsad ilo rumok idaisuda amaiak niſen o inſiliad san o tinid tigane wa. Idsad ilo sou saian saian an tiſanep inſan na tau, ago gup Kristus san dar ifurfip idsad ilo sou saian saian an isuas yau pasik a. Agod idsad tinid an you uyan ak lo ifulanip ikok ilasa wa. ²³Id Anut inſiliad pe kumaen panu lo, inſ da tumado wak san ilo rumok an niſen tamolpein turupidai duloſ dan ta tabip ila iso na wa, tia, tabi sakar pe itaot yen a. Man dugo, Enti a ru ibol panad an, inſanen promis ru nuſon igane ilasa wa. ²⁴An niſen id nug ilo sou tupanip nug tisusuſani dop nug niſen tamat dop urat uyan uyan ak tigane ilasa wa. ²⁵Aenta ubou leil san kagin sisem dutumani san o dumoi da, ago gug id kagin an ta tagam tiſane na wa. Tia, aſ tan suek ru nug apani wa, Tubun en imul ipalu san Nal sumeik ipanaſ o ale dugo, kagin naok ago yan aſ luluſam lo agane ilasap tubun a.

²⁶Id Kristus san ru rumok taloſ la gug id aupasek tigane ilasa woſ dan, id o mel uyan ak taida yen pe lo idaned aupasek ipasi yau san tia ya. ²⁷Tia, tarut tarer dop, lo malad tigane dop tumado wa, man dugo, Anut san bitinaek agod yai wananan a inſan ager imiriaſ inanai yau san idsad na dam ago ilasa wa. ²⁸Talpein enti Moses san kubiaerſ patun ipani dugo tamol uraru boi, tia utol boi, inſan kagin an malad nam dile tap, tamolpein fidian dufuni imat a, agod inſ ilo muſanek ta dupani na wa. ²⁹Amiaiak niſen o dugo, talpein Anut Nanun yaſan ipare idu dop, kontrak san dar a iganeg gun ilasa yan mel kawan ago ile dop, ilo panek san Ur an awan nam saian ipani a, ago tap, muruan tubun geig ak saptat taida Anut ipani wak i? ³⁰Man dugo, id taloſ uyan ak talpein a igo ibol, “Naon panek man ſaineg a, ſai gubun an ſukubune wa.” Agod afon, “Tubun en inſanen tamolpein bitinaek lo idirai a.” ³¹Rumok, Anut kumaen pempem san banin lo tau tadu tap, an tarut tarer san mok a.

³²Aſ saen gubak mi lilaman aſaneg, an lo atur sakar dugo muruan funfun tinim fo ipalu dugo asini na yan, aſ ilom isou uyanan a. ³³Saen aenta lo aſ malak malak dugunaſ pe naom dufuteg dumisilanaſ dop muruan dupanaſ se ya. Agod saen aenta man aſ aenkadi inſ luad te dida atumanig, muruan nek ago mi saian geig ak dupidinai se yan, aſ dida asini na ya. ³⁴Aſ tamolpein a subanek ab lo dumado dan sad na au dop ael se ya. Agod saen aſsam filiam dusu diau dop aſ ilo uyan lo mi aelafu oſ se ya. Man dugo, aſ aloſ ak aſanem mel uyanan ak man kumaen panu lo yen da, an mi pempem yen a.

³⁵Fun an niſen o aſanem tini ganek Kristus lo yan abal yau amoi. Man dugo, Anut mel an naon tubun ak ipanaſ a. ³⁶Aſ atur sakar oſ amado

dan uyan a. An lo na Anut san ilo ibol ari dop mel a ij ipanaŋ o ibol an aŋane wa. ³⁷Man dugo, Anut ru igo ibol,

“Saen katukan en yau dop, talpein ipalu wo igo yan ipalu ririan a, agod ij saen ibidani san tia ya.

³⁸ Gug ŋaisag tamol itaot an ilo rumok lo mi imado wa,

gug ij isuk imul tap, ŋaisag ŋutug lo ij o man ilog ta uyan na wa.”

³⁹Ak man id tamolpein a dusuk dumul pe daoŋ diŋane dan sad tia ya.

Tia, id man tamolpein a ilo lo rumok, an lo iŋaned ŋutud dida kisaek mi dumadop lo daoŋ ta dile na dan nek ama ya.

Ilo rumok lo mi a

11 ¹Aria, ilo rumok man igo ya, mel a niŋen o tinid tiganeg tumado dan id taloŋ ak an ilasa wa, agod mel a ta tile na yan niŋen o ilod rumok a. ²Ilo rumok an lo tamol wagam dumado na yan malak malak lo Anut per ipidinai a.

³Ilo rumok lo mi, id taloŋ ak Anut san wagiŋ lo mel fidian idirai dilasa ya, an lo mel tile anen tia yan lo Anut iganeg idirai dilasa ya.

⁴Ilo rumok lo mi, Abel Anut yai uyanan igane pani, agog Kein san iriŋani a. Inŋsan ilo rumok amaiak lo Anut ij yaŋan yabisag tamol itaot ak ibol a. Anut inŋsan yai ganek an uyan ipani an lo ikubiai panad, ij tamol itaot a. Agod ilo rumok nek an mi lo, gidad ij imat la bo man, gamu id ru irupaiad oŋ da.

⁵Ilo rumok lo mi, Anut Inok tan en lo ipasig kumaen panu na iŋane yau, an lo materŋ ta ile na ya. Agog Enok naon tan en lo ta dile na ya, man dugo, Anut iŋane yau a. Gamugo iŋane yau se man, Anut ij o ilo uyan yen dan ago irupidai a. ⁶Rumok, ilo rumok a tia man Anut ilo uyan pani san ta idaisuda na ya. Man dugo, talpein enti Anut siŋiren na yau o dop, malan malan mi Anut imado oŋ dan o ilon rumok a, agod inŋsen amaiak talpein ij o abaoŋ ile dan naon ipani wa.

⁷Ilo rumok lo mi, Noa Anut san ru kagin panek ilonŋ a, an lo gidad mel an ta yil na ya, ak man Anut san awan aban an irig kagin ipani dugo wog tubun geig ak ifoug, ate iŋanen tamolpein ibinawai a. Iŋ ago igane an lo tan san tamolpein patud ipidinaig iŋaned aupasek iganeg walal te ilasa ya, agod ilo itaot an man ilo rumok igane ilasa dan anen muroun ilasa ya.

⁸Ilo rumok lo mi, Abraham Anut san wagiŋ ilonŋ go iŋanen panu ibiseig tan foun an san muroun ilasap imado wan ate Anut ikubiai panig yau a. Iŋ gidad tan an ta ilonŋ na yak gug Anut awan irig ate yau a. ⁹Ilo rumok lo mi, ij tan a Anut ipani wo irupei ante yaug san muroudi siŋired na dida dumado ya, nek ibol tamol gol imado woŋ a. Aisak ij nanun Jakob da nek dal kisaek an mi lo Anut san promis dam diabi a. Agog ij Aisak Jakob da sisem sel ab lo dumado na ya. ¹⁰Man dugo, ij ilo isou imug

iganeg yau dan, taun tubun ak lo bag ila iso san tia yan te yau o da. Taun an san ab susek tamol man Anut mi a.

¹¹Ilo rumok lo mi, Abraham gidad tubun bagen dilasa pasik go Sara dam niganig, ak man Anut Abraham nanuk foun ak taman ilasa san o dabai ipani a. Man dugo, Abraham san ilo rumok igo ya, enti a promis ipani an san n̄in̄en̄ an kagin ipani wa. ¹²Amaiak nīnen̄ o tamol a kisaek lo mi, amaiak imat o igane bo man, īj tubun bagen dilasag ibol patui lak na teil dak igo, agod lōj na lul igo wōj a. Ago man tusuti san tia ya.

¹³Tamol en fidian ilo rumok lo dumado yang dumat a. Īj Anut anen promis ru irupidai an nūjon ta dījane na ya. Tia, īj ibol asau mi dutur dugo malad yang dile dugo an nīnen̄ o ilodi uyanan ak igo ya. Agod tan en lo īj nek ibol tamol gol boi, tia, tamol naod senamo boi, igo wōj dubol dugo dumado na ya. ¹⁴Tamolpein ru ago dubol man kuai tem dukubiai panad ak īnsiganed panu foun ta nīnen̄ o abaj dile da. ¹⁵Īj tan a dubusei la yan nīnen̄ o ilod isou ak man saen idaisuda yen dan lo īj ka dumul diau a. ¹⁶Ak man tia, īj tan senamo ta a dibisei la yan irījani dan nīnen̄ o dumat da, an man kumaen panu san mi a. Amaiak nīnen̄ o Anut tamolpein a īj nīnen̄ o īnsad Anut ago dubol dan, īj nīnedi wo miai ta ifuni na da. Man dugo, ījane taun tubun ak ta ikubuneg yen da.

¹⁷Ilo rumok lo mi, Anut Abraham bitinaek lo igane dugo Abraham Anut awan yabig, nanun Aisak yai igane pani a. Tamol en īj Anut san promis ījane yak gug, īj nanun kisaek mok an Anut yai igane pani wo igane da. ¹⁸Ak man nanuk an nīnen̄ o Anut Abraham irupeig ago ibol, “Ījai Aisak kob n̄upani an lo īj tinin lo gup, ōjane bage murou sad dar wei mi dilasa wa.” ¹⁹Abraham īj ilon lo Anut Aisak matēj lo ifufuni yabisa wak ago ibol a. Ago yak nīnen̄ o id mitilaen an nīnen̄ ago tabol, Abraham nanun Aisak matēj lo ījane da ya.

²⁰Ilo rumok lo mi, mel a murna dilasap dījane wan nīnedi wo Aisak bar Jakob īj Esau da ipidinai a.

²¹Ilo rumok lo mi, Jakob imat o dugo Josef nanun muroun kisaek kisaek bar ipidinai a. Īnsinanen makud fo kabūjan isoluwig igudani a.

²²Ilo rumok lo mi, Josef san saen wadan sumeik ipani dugo Isrel tamolpein saen a īj Igipta tan dubuseip dilasa san nīnen̄ o ījanen tatu an dugon te digane wak san ru kagin irupidai a.

²³Ilo rumok lo mi, Moses ilasag saen katuk imado gug tinan taman dījane diaug dimianig kalam utol imado ya. Man dugo, īj dile yak man malad lo uyanan mok a, agod kīj san ru dabai anda yan nīnen̄ o dam ta direr na ya.

²⁴Ilo rumok lo mi, Moses saen tamol igane man īj Farou nanun pein san nanuk ago dubol man imoi a. ²⁵Īj gidad Anut anen tamolpein dadi Igipta paed na muruan isini wo igane ya. Īj tan na saen katuk an mi aupasek igane dop sen ifutuwi man imoi a. ²⁶Īj misilanek Kristus yan̄an nīnen̄ o ile man

Igipta sad bala filian an fidian irinjani pasik an ibol a. Man dugo, iñsan ilo isou imug yau an lo iñsan urat naon ile ya. ²⁷Ilo rumok lo mi, kinj san tiñae saiak o ta irer nag Igipta ibiseig yau. Man dugo, enti a id tile wan tia yan inj ile yak igo an lo itur sakar na ya. ²⁸Ilo rumok lo mi, inj Pasova nal an san kulob an yabituani dugo dar ifurfi a, an lo eñel ager san ta Isrel sad nanuk matu ak irinjani dugo yaug Igipta sadi an mi ifu dumat a.

²⁹Ilo rumok lo mi, Isrel adi beig daran ak titiñae dudug ibol tan aten igos ak ate diau woñ a, ago gug Igipta adi nek dal kisaek an mi lo digane wo dugo disarir dudu diaug you duluk go dumat a.

³⁰Ilo rumok lo mi, Jeriko panu san ar pat nam dufou itilani an, nal 7 Isrel adi ditilianig ditor an lo ar an sen ibilani yau idu ya.

³¹Ilo rumok lo mi, jeit pein Rahab, ilo maror lo abañ leil tamol adi uyan ipidinai an niñen o, panu an san awa parsisalek adi luad te ta dufuni imat na ya.

³²Agod gamu fon ñai dugo ñabol ak i? Ñai Gidion, Barak, Samson, Jepta, Dawid, Samuel agod profet adi dam niñedi wo ñabol san saen tia ya.

³³Tamolpein amaiak inj Anut ilod lo rumok a. An lo na inj kinj aenta dibiai dudu dak, aenta tamolpein kagin dipidinai dak, agod aenta inj Anut mel ipidinai o ibol an diñane da. Aenta inñaned ilo rumok an lo na inj laion awad dufutani da.

³⁴Aenta yai balen tubun mi ided dan digane imat dak, aenta dusol dop sabiri nam dufu dumat san tia ya. Ilo rumok an lo, aenta inj dabai amad tia bo man dabai diñanep, yu lo inñaned ager aben senamo ak san an dibiai dudu se ya.

³⁵Pein inñaned nanuk dumat an ilo rumok lo profet inñaned nanuk an ifufunai dimasag diñane ya. Aenta dufu malad dusue yan malak malak sed kuai te idirai dilasa man dumoi a, man dugo, mitep mateñ aben lo dumasa gup madok uyanan ak iñsad tureñ tan en lo irinjani an dile wa. ³⁶Aenta kukok ad digane dugo, aenta dusukutai dugo, aenta sein nam banidi dususeg diriai subanek ab lo diau a. ³⁷Aenta pat nam dufu dumat dugo, aenta soa nam dututeg ananaem dilasa dugo, aenta bainat nam dufu dumat. Ilo rumok tamolpein an bilelek sunjulon an tinid nam dubuluwig dutor da, inj melmel ad tia agog tamolpein saian dupidinai dugo malad dusue na ya. ³⁸Ilo rumok tamolpein an aben igosan ak lo, did lo gidigheid dutor dugo, gib did fun te agod gib tan ilon lo an lo njoñ diabi se ya. Tan en san tamolpein dida dumado san ta idaisuda na ya.

³⁹Tamolpein an fidian inñaned ilo rumok niñen o Anut per ipidinai a. Ago igane bo man iñsad kisaek ta Anut promis ru ibol an lo mel an ta inñane man tia ya. ⁴⁰Man dugo, wagam mok Anut mel ta nen uyanan ak idsad saen an lo ilasa wan ile ya. An man tamolpein an id tia yak man itaot dilasa san tia ya, tia, inj id da sisem itaot tilasa wa.

Anut iñsan nanun muroun bu ipidinai da

12 ¹Fun an niñen o ilo rumok tamolpein adi dumat la yan nek ibol doup malan tubun ak ta dilasap kukok dile dak ago id ditilianad dulubanad

go dutur da. An lo id iñsad kagin dutur sakar san an tagam a. Fun an niñen o id muruan iñ aupasek da tinid lo ibiagatad go yen dan fidian tabi yau a. Ago dop id ilod kisaek sed dabai ipanad pe dal an fo Anut tom idiri panad an lo mi tumaspalup taup tom wadan an fo tisida wa. ²Id fidian malad yaup Jesus tile, iñ mi idsad ilo rumok fun a, agod murnap iñ mi idsad ilo rumok an iganep itaot mok ilasa wa. Iñ aigim an san muruan ileg an patun ta ipani na ya. Tia, iñ murnap Anut ilo uyan tubun mi ipani wan niñen o aigim san miai an man mel kabelan igo woñ ile ya. Ago yak niñen o gamu iñ Anut banin won ak ate yanjak tubun ak iñaneg imado da.

³Ilom isou uyanan, aupasek adi dumisilani dop muruan funfun tinin fo digane se ya, ago yak man iñ itur sakar a. An niñen o kabelan añ ilom iyalis dop ilom idu banau.

⁴Rumok, añsam aupasek an da nug afuni da, ak man wagai agane dan lo añsam dar an gamugo ikulmaek da. ⁵Agod en dugo, añ Anut ru kagin a irupaiañ na yan lo iñsan nanun muroun ago ibol an ilom iñaon di?

“Iñai nanug, Tubun en bu ipano dan kabelan mel kawan ubol banau, agod an niñen o oñ ilo idu umoi.

Man oñ mel gane saian amaiak niñen o naon bu ipano da.

⁶Man dugo, Tubun en iñ talpein niñen o imat mok dan ru kagin irupei dak,

agod talpein a iñ nanun muroun igo woñ iñal dan bu ipidinai da.”

⁷Kagin ipiteñanan san niñen o muruan lo atur sakar a. Iñ ago igane dan lo iñsan nanun muroun igo woñ kagin ipanañ da. En dugo, nanuk ta luluñad lo imado dan iñsan taman bu ta ipani na i? Man tia geig a. ⁸An niñen añ Anut bu ta ipanañ dop man, añ iñsan nanun muroun tia ya, tia, añ man jeit kagin san nanuk mi igo woñ a. ⁹Fon taida mi, id fidian tamad muroud bu dupanad da, agod id an niñen o ilod ta saian da. Tia, kulob amaiak niñen o id iñaned awadi turi da. Ak an ago tap, id dam idsad ur san Tamad an awan paen na tumado dop an lo kumaen tumado wa. ¹⁰Iñsed ilod ibol ak lo saen katukan en lo mi bu dupanad da. Ak man Anut id ibinawad uyanan san niñen o mi bu ipanad da, man dugo, nek ibol iñ gun imado dak ago mi id dam gun tilasa wa. ¹¹Talpein bu iñane dak saen an lo iñ madai ilonñ da, an man siñaokan tia ya. Ak man mite dugup amaiak tamolpein an kagin a lo dal ipiteñanai la yan ilod lo nuñon igane ilasa da. Nuñon an man ilod itaot a, agod ilo maror amad da wa.

¹²Amaiak niñen o añ banimi imagor dan abisa wa, agod turumi dabai tia yan dabai apani wa. ¹³Iñiemi aten san dal itaot an akubune wa. An lo añ ñiemi akupakip oñ ator dan san batek an ta ifurati na wa, tia, ñiemi an uyan ilasa wa.

Añ Anut awan ta aparsisali san ru kagin

¹⁴Añ tamolpein fidian dadi ilom kisaek san maror lo mi amado ator, an niñen o dabai agane wa. Agod gun alasa wo an dam yaes ifunañ a.

Talpein enti ago ta igane na tap, Tubun en ile san tia wa. ¹⁵Kagin agane, kabelan talpein ta aŋ luluŋam lo Anut anen ilo panek ipanaŋ an yabigule banau. Kabelan talpein ta, dulun gigen ak igo aŋ luluŋam lo isap, an lo talpein fidian bubed igane saian banau. ¹⁶Talpein ta jeit kagin ta igane na wa. Tia, ta ibol Esau igane ago Anut awan ta iparsisali na wa. Iŋ anaŋ kabelan a tein bakan ak san na iŋane yan niŋen o iŋanen nanuk matu ak san bar ibidani yau a, kabelan aŋ dam nek ago mi Anut patum apani banau. ¹⁷Man dugo aŋ aloŋ ak, murna gug iŋanen matu san bar a ibidani yau an fon iŋane wo igane ya, ak man Anut patun ipani a. Ago dugo iŋ tinaŋ igane bo man ilon ibileksa san dal ta ile man tia ya.

¹⁸Ak man nek ibol Isrel sad tubud adi did Sinai na dile yak igo won mel naok en aŋ ta sumeik apani na da: did a diabi dile o Anut naod ifutani an, yai balen tubun mi imasa dan, tidom tubun geig an, duwadau ifure dan, ¹⁹tour iliŋan dan, agod awak ta man tamolpein a duloŋ an ru taida irupidai imoi o ago dumosiai an, mel naok ago yan sad na aŋ ta apalu na da. ²⁰Man dugo, ru kubiaeŋ a ibol ilasa yan kududod lo madai ipidinai saian mok a. Agod ibol, “Gidad mel mudan ta did en yabi ile tap, pat nam afunip imat a.” ²¹Rumok, abaŋ a ile yan san naon man urer san mok igo ya, an lo Moses ago ibol, “Ŋai ŋarut go ŋarer saian mok da.”

²²Gug aŋ did Saion fo na apalu ya, Anut kumaen imado dan san panu Jerusalem o keit lak na yen dan lo apalu ya, agod aben an lo man eŋel malan tubun pempem yousai lo mi dumado da. ²³Aŋ Anut san nanuk matu matu ak yaŋad buk lo igireg yen dan sad midaeŋ ilon lo aladu ya. Aŋ Anut a tamolpein fidian sad bitinaek tamol an san na apalu ya, agod tamol itaot ak sad ur Anut idiraig itaot mok dilasa yan dam sad na apalu ya. ²⁴Aŋ dam Jesus san na apalu ya. Iŋsen amaiak kontrak foun ak san titiŋae tamol igo ya. Abel san dar iŋ naon panek o Anut iwagiŋ a, ak man Jesus san dar a dufurfi an lo Anut san ilo panek o iwagiŋ da, nek dar amaiak lo iŋsan na apalu ya.

²⁵Kagin agane, enti iŋ iŋiŋeŋ dop awan ta aparsisali na wa. Tamol a tan en lo ru kagin irupidai dugo awan duparsisali na yan lo, muruan an diriŋani man tia ya. Aria, Enti a kumaen panu lo imado dugo ru kagin irupaiad dan, id iŋsan awan tiparsisali tap, tasol tau san tia geig a. ²⁶Saen Anut did Sinai fo idu yan lo iŋsan wagiŋ tan iganeg itugurer a. Ak man gamu iŋ promis ru igo ibol, “Ŋai afon nal kisaek taida mi tan en ŋuguri wa, tan mi tia, tia, mel fidian lak na agod tan en dam sisem ŋuguri wa.” ²⁷Ru a “afon nal kisaek taida mi” an fun man, mel a iguri an ipasai yau a. An man mel a fidian fun lo idirai dilasa yan itout yau pasik a. An lo melmel a talpein ta iguri san tia yan ibisawaip pempem dien a.

²⁸Amaiak niŋen o id abaŋ a tamol ta iguri san tia yan ilon lo idsad kiŋ kagin ipanad dan tiŋane ya. An niŋen o id ilod uyanan a. Agod id kagin tiganep tarut dop ubou a Anut ilo uyan tupani san an mi tile wa. ²⁹Man

dugo, idsad Anut man ibol yai balen ided pe mel fidian inantiti yau dak igo ya.

Ru kagin san wadan

13 ¹Añ kisaek kisaek pempem teim taom igo woñ nug niñen o amat a. ²Añ tamolpein asau ak añañ añañ ab lo apalu san ta ilom iñaon na wa. Man dugo, wagam tamolpein ta kagin an digane dan lo eñel iñsad ab lo kagin dupidinai uyanan gug ta duloñ na ya. ³Añ ilo rumok tamolpein a, subanek lo dumado dan ilom isou dop amado wa, nek ibol añañ dam dadi subanek ab lo amado dak igo woñ a. Tamolpein a aenta saian dupidinai dan, an dam ilom isou wa, nek ibol añañsem iñsad muruan asini dak igo woñ ago abinawai a.

⁴Nug iwon ñanek lulunam lo man gun ilasa wa, nug iwon ñanek san badim an nun aman tia wa. Man dugo, Anut jeit adi iñ talpein a nug iwon ñanek malan dusue dam bitinaek lo idirai a. ⁵Añanem tureñ lo moni niñen o yaes ta ifunañ na wa. Añ mel dugon am da yan, nek an idaisuda yak igo ilom isou wa. Man dugo, Anut wagam ago ibol,

“Oñ tini gane panag tap, ñai oñ patug ta ñupano na wa, agod oñ ñibisawo san tia wa.”

⁶Fun amaiak niñen o, ru e id tabol ilasa den man ru rumok a,

“Tubun en man ñaisag binawek, an niñen o mel ta wo ñai ta ñarer na wa.

Dugo, tamol ta mel ta lo dam ñai ifunañ san idaisuda yak i?”

⁷Añanem gurman Anut anen ru durupaiañ na yan ilom isou. Iñsad kagin naok naok san nuñon uyanan kuai isi a, an mi ilom isou wa. Agod iñsad ilo rumok añañ dam añañep abi wa. ⁸Jesus Kristus ta ibiliso ibilila na wa. Tia, wagam mi, gamu en, agod pempem mi dam nek ago mi imado yau a.

⁹Piteñanek funfun a, agod piteñanek naon sen ak san dam lo añañ ilom iñane dop adeg au banau, an amoi. Mel ta ilod dabai ipani san man Anut anen ilo panek mi a. Id anañ dugon tani san ru kubiañ funfun lo lubed dabai ipanad san tia ya, agod tamolpein a anañ san geg duri dupani dan, iñ dam ibinawai san man tia ya. ¹⁰Id ilo rumok tamolpein alta amad da ya, an fo man talpein a Juda sad ubou ab lo urat digane dan, anañ diñanep diani san man Anut kob ta ipidinai na ya.

¹¹Man dugo, nek ibol mel mudan san dar pris gurman banin lo iñaneg aupasek isuas yau o galuñ Gun Di, Gun Mok ak lo iladu yau a, ago gug iñanen tinin panu patun fo dumari igo woñ, ¹²nek ago mi Jesus dam, iñsinanen dar nam tamolpein gun idirai dilasa wo panu san dalawan patun fo madai ile ya. ¹³Amaiak niñen o id dam panu en tibiseip kuai te tilasap misilaneñ iñ isini an id dam tisini wa. ¹⁴Man dugo, tan en lo man id panu ta saen milaen mok yen dak tile man tia ya, an niñen o id panu a pempem yen amaiak abañ an tile dop tumado da.

¹⁵ Amaiak niŋen o Jesus lo, id pempem Anut per tupani wa, an idsad yai ganek Anut tupani dak igo ya. An man awad a iŋsan yaŋan niŋen o tabol ilasa dan san nuŋon rumok ak mi a. ¹⁶ Aŋ kulob uyan uyan a agane dan, agod tamolpein aenta abinawai o ilom ta iŋaon na wa. Man ata wo, yai ganek naok ago yak Anut niŋen o imat mok da.

¹⁷ Aŋanem gurman awad paen na amado dop iŋ dubol ago agane. Iŋ aŋ ŋutumi kagin dupani da, ago dop murnap Anut iŋ urat dugon digane an naon sumiaek lo idiraip nuŋon ile ilon a. Aŋ iŋ awad paen na amado tap man, iŋ yousai lo mi urat digane wa. Kabelan aŋ muruan apidinai banau, man dugo, an ta ibinawaŋ na wa.

¹⁸ Aŋ maŋ niŋema wo Bai Anut agudani wa. Man ata wo, maŋ mukubiani dak maŋanem ilo girek an Anut malan lo itaot a, agod mel fidian lo kagin uyanan ak mi migane wak ago iloma lo yen da. ¹⁹ ŋai aŋ tubun mi ago agane wo ŋususunaŋan aŋ da, an lo Anut ririan ŋai idinag pe aŋsam na ŋupalu da wa.

²⁰ Aria, maror san Anut amaiak, kontrak pempem san an san dar lo, bilelek sad titianek malan te yan, Jesus idsad Tubun en, mateŋ lo ifufunig yabisa da yan, ²¹ yu san biouŋ uyan uyan ak urat lo dabai ipanaŋ san an fidian ipanaŋ a, an lo na iŋanen ilobol agane itaot a. Ago dop mel dugon iŋsan malan lo ilo uyan ipani dan aŋ ilom lo igane ilasa wa. An man Jesus Kristus san dabai lo igane ilasa wa, iŋanen yaŋan dam id pempem tabisa wa.

²² Teig taog, tok abol pe amado dop kududom agurep ru kagin en aloŋ uyan o ŋusumianaŋ da, man dugo, ru en katukan mi ŋigire ya.

²³ Id teid Timoti subanek lo dupasi amaiak da aloŋ o ŋabol da. An niŋen o iŋ ipalu kisaek dop man ŋiŋanep da mupalup miliaŋ a.

²⁴ Maŋanema ilo uyan ru aŋanem gurman adi, ilo rumok adi aenta dam arupidai dop duloŋ a. Ago dugo tamol ensauta Itali na dupalu yan, dam iŋaned ilo uyan ru aŋsam na digane ipalu ya.

²⁵ Bai Anut anen ilo panek aŋ da pempem amado wa. Rumok.

Jems

1 ¹Ijai Jems, Anut ijanen urat tamol, agod Tubun en Jesus Kristus san dam mi a. Ilo uyan Anut san gugoi 12 tan gidigidad lo dumado den sad na girek en njigane yau da.

Kubianek id dabai ipanad da

²O teig muroug, muruan naon dugo dugo yak asini dop ilom uyan oŋ a. ³Man dugo, aŋ aloŋ ak saen aŋsam ilo rumok kubianek lo digane dan san nuŋon ilom lo igane ilasa dop lo atur sakar pe muruan asini san a. ⁴Dabai agane dop aŋsam kagin uyanan an, nuŋon uyan uyan ak ilom lo igane ilasa wa, an lo aŋsam ilo rumok idaisuda geig a. Agop fun an lo aŋ itaot atur ak, Anut san kagin kisaek ta lo adu san tia geig a.

Tamol maŋau tia dop igudani wa

⁵Aŋ luluŋam lo ta iŋ maŋau uyan ak lo katukan tap, Anut isumiani dop iŋ an ipani wa. Man dugo, Anut tamolpein fidian iŋ dugudani den lo melmel uyanan ak ipidinai da. Iŋ dam tamolpein dusumiani dan ta ipidai na da. ⁶Ak man iŋ buben fidian Anut mi ipani dop igudani wa, man dugo, tamol buben raru raru den iŋsan ilon nek ibol tim beig ifunip beig yau imul oŋ dak igo ya. ⁷Tamol naok ago man Tubun en mel ipani wak ago ilon ta isou na wa. ⁸Iŋ ilon gidigidad yau dak, iŋsan kagin fidian dam lo, dal kisaek ta iri na da.

Tamol yaŋad tia, tamol filiad da yak sad ru kagin

⁹Kris tamol ta iŋ yaŋan tia man ilon ka uyan a, man dugo, murnap Anut yabisap yaŋak tubun ak ipani wa. ¹⁰Kris tamol ta iŋ melmel wei mi aman da man dam ka ilon uyan a, man dugo, murnap iŋ nek ibol tamol yaŋan tia yak ilasa woŋ a. Anut iŋ tamol filian anda yak aben tan en lo malan te yak ibisei san ago igane wa, nek ibol garaŋ san ai bob an ilasad itapas yau kisaek oŋ dak ago mi a. ¹¹Id taloŋ ak, ad tubun idu dan ad luon sakar ak ilasa da. Saen an ai rouk fidian imagar yau dop sad bob ad itapas yau pe leil lo dam uyan tia ya. Nek ago mi tamol iŋ filian aman da yak iŋsan urat fidian igane yan yabi idup yen dop ibisei yau a.

Kubianek san fun

¹²Tamol iŋ itur sakar pe, ate suek lo muruan isini tap iŋ dam ka ilon uyan a. Iŋ ate suek an iriŋani pasik tap, Anut iŋ murnap naon madok pempem san ipani wa, madok an kumaen panu lo yen da. Anut wagam ibol la ya, tamol iŋ ilon ipani mok tap iŋ kumaen imadop milaen a, an itout san tia ya.

¹³Tamol ta ate suek lo idu dop igo ta ibol na wa, “Anut ateg isue da.” Man dugo, aupasek Anut lo ta ipalu na da, agod Anut dam iŋ tamol aupasek lo ta idirai na da. ¹⁴Tamol kisaek kisaek aupasek lo diau dudu dan san fun man, iŋsiganed ilo saiak an ilod iŋanep aupasek digane da. ¹⁵Agop iŋsan buben imasa yan yaup nuŋon aupasek ilasa da, aupasek an yaup tubun mi ilasa dop mateŋ ile wa.

¹⁶Ago yak niŋen o, ŋai teig muroug, mel en ale dop niŋen o sem ta irawan na wa. ¹⁷Melmel fidian uyanan iŋ kagin fidian itaot ak da sad fudi man lak na dien da, Tamad iŋ an idirai idsad na dudu ya. Patui keit lo dided dumat da. Ak man id Tamad man ago tia ya, iŋ lilaman san, agog dam ta ibilso ibilila na da. Iŋ lo man tidom tia, pempem itaot ago mi imado da. ¹⁸Iŋsen ilon ibol go, iŋsan ru rumok an lo, id idiradsig iŋanen nanuk mok tilasa ya. Ago dugo Anut san melmel igane yan luluŋad lo id imug tilasa ya. Nek ibol ai ta malan malan nuŋon ifu dak igo woŋ a.

Uloŋ dop gane

¹⁹ŋai teig muroug, aŋ ru kagin en aloŋ uyan. Aŋ fidian kududom agurep ru aloŋ uyanan, ilo isou agane gup ru abol a, agod tiŋaem dam ta saian kisaek oŋ na wa. ²⁰Fun dugo, tamol san tiŋae saiak an Anut san kagin uyan ta igane ilasa na da. ²¹Ago yak niŋen o aŋsam kagin saiak saiak fidian, aŋsam aupasek san naok naok fidian abiau dop sem ibiaŋ adup Anut san ru a bubem lo yen den ilom isoup ari wa, man dugo, ru an iŋ dabai anda, an lo murnap mateŋ san saen lo ŋutum ka ibinawi wa.

²²Ru an kawan ta aloŋ oŋ na wa, aloŋ dop nuŋon dam agane kisaek a. Aŋ kawan aloŋ oŋ tap, sem irawan da. ²³Tamol ru ilon oŋ dop ta iri na tap, iŋsen naon tig lo ile igo woŋ a. ²⁴Iŋsen mitilaen ile wo uyan gup yau a. Ago gug iŋsen naon dugo yan ilon iŋaon kisaek oŋ a. ²⁵Ak man kubiaen Kristus awan lo ilasa yan itaotan geig, agod kubiaen en subanek lo ipasad tilasag kawan tumado da. Enti kubiaen an tig igo woŋ lo naon ilep lo Kristus awan iri dop man, bar iŋane wa. Gug iŋ kubiaen an kawan ta iri na wa, tia, Kristus awan ilon gup iri uyanan o maeg igane wa. Iŋ Kristus awan ilon pe ilon iŋaon kisaek oŋ san tia ya, tia, iŋ awan ilon gup ilon san nuŋon an itaot fo mi igane ilasa wa. Tamol naok an Anut san bar iŋane wa.

²⁶Tamol iŋ ilo isou lo iŋ Anut san tamol ibol dak pempem igudani dak man awan kagin ta ipani na dan iŋsan ilo rumok an kawan a, an lo iŋsen

irawi da. Agog iŋsan ubou leil an dam kawan a. ²⁷Ubou san kagin ikok agod uyanan da Bai Anut malan lo man igo ya: nanuk bigabeg, pein suos, kaginad tigane dop iŋsad muruan lo tibinawai a, agod tan en san kagin tile dop bubed ta igane saian na wa.

Id tamol yaŋan tia yan ta tabi idu na wa

2 ¹Ŋai teig muroug aŋ idsad Tubun ak Jesus Kristus, kumaen panu san gurman an ilom lo rumok, ago tap man tamolpein yaŋad anda yak mi kagin ta apidinai na wa, tia, tamol saiak saiak adi dam kagin apidinai a. ²Tamol ta damag uyan uyan ak idirip aŋsam ubou ab lo ipalu dop, tamol ta biouŋ saiak saiak ak idirip dam ipalu wa. ³Oŋ tamol biouŋ uyan uyan ak idiri an kagin pani wo uyan pe iŋ rupei, “Aben uyanan en ŋanep masi,” ago dop tamol neinta an rupei, “Ago ila utur, tia dop igo tan na ŋieg fun na masi.” ⁴Aŋ kagin ago agane tap, aŋ luluŋam lo biatitek agane da. Aŋ gurman oŋ alasag aŋsiganem ilo saiak saiak lo abititai da.

⁵Aloŋ, ŋai teig muroug, Anut tamolpein yaŋad tan en lo tia yan yaŋad iŋane wa, agod iŋ ilo rumok lo idaisuda yan ipilianai la ya, an lo Anut dam san madok aben lo filian fidian ipidinai a. Man dugo, fidian enti iŋ niŋedi wo imat den, Anut promis ipidinai ak ago igane wa. ⁶Ak man aŋ tamol melmel ad tia yan abiai dudu da. Aŋ aloŋ ak tamol melmel wei mi ad da yan aŋ dibiaŋ adu dop muruan dupanaŋ da. Iŋsed mi diŋiliaŋ pe gurman naod na atur a. ⁷Iŋsed mi Kristus san yaŋan uyanan ipanaŋ go, lo digiaŋ se yan lo, ru saiak saiak dubol ilasa da.

⁸Anut san girek lo kubiaeŋ malan te yen dan lo igo ibol, “Oŋse niŋe wo umat dak ago mi, tei murou siŋire na dam niŋedi wo umat a.” Oŋ an rumok uri tap, an nek uyanan mi a. ⁹Go aŋ aenta ael saiadu dop, aŋ au apas da, an lo kubiaeŋ ibol ago aŋ kubiaeŋ malan asue ya. ¹⁰Tamol ta kubiaeŋ fidian iri uyan dugo kisaek ipitiŋini tap iŋ kubiaeŋ fidian ipitiŋini mok a. ¹¹An san fun man igo woŋ. Anut ibol, “Tamol ta sen turan san iwon da aupasek ta digane na wa.” Agog iŋ fon ibol da, “Tamol ta fini imat na wa.” Oŋ kubiaeŋ kisaek an uri dop, turan ta lo tamol funi imat tap, oŋ kubiaeŋ fidian pitiŋini a. Man dugo, Anut iŋsen kubiaeŋ an fidian ibol dilasa ya.

¹²Aŋ dugo aŋiŋeŋ dop kagin agane wak i? Aloŋ uyan, saen Anut id bitinaek lo idirad an, iŋ malan ipalug turad bubed tupidinai dop iliad o malan ipalu da. Nek fun an niŋen o, oŋsa madok lo kagin ganep mado tap, ilo panek san dal uri wa. ¹³Saen Anut bitinaek lo idirad dop, talpein a aenta ilon ta imuŋanai na yan, Anut talpein an ilon ta imuŋani na wa. Ilo muŋanek an tubun kasik, an niŋen o oŋ Anut ibio udu wo umoi tap, aenta ilo imuŋanai mok a.

Kagin naok naok en ilo rumok san nuŋon mok

¹⁴Ŋai teig muroug, tamol ta iŋ ibol, ŋai ilog lo rumok a. Ago ibol ak gug, iŋsan ilo rumok an iŋanen naok naok lo yan nuŋon tia ya. Ak

dugo, iñsan ilo rumok nuñon an tia yan ka ibinawi wak i? Man tia geig a. ¹⁵Isop tei murou boi, lu murou boi, iñ tinid san biouñ, tia, agod anañ diani san dam tia tap man, ¹⁶oñ melmel anañ boi, biouñ direk san boi, an iñ lo tia yak ta pidinaï na, ago gug rupidaig ubol, “Awo, añ ilom maror anda amado. Ilom isoup kulos wananan san ak adiri gup, anañ tubun mok ani wa.” Kagin an ta uyan na, agod nuñon an tia ya. ¹⁷Nek ago mi, ilo rumok kawan yen dop iñanen naok naok lo nuñon tia tap, ilo rumok an imat a.

¹⁸Ak man tamol ta iñ igo ibol, “Oñ ilo rumok ama da, gug ñai kagin naok naok uyan ak amag da ya.”

Ñaisag ru naon man igo, “Oñsa ilo rumok a kagin naok naok an tia yan kubiai dop ñile. Ago dop, ñai kagin naok naok uyan ak ñigane dan lo ñaisag ilo rumok ñukubiai dop ule wa.” ¹⁹Oñ Anut kisaek mok an niñen o ilo rumok di? Uyan a, ak man an ta idaisuda na ya. Nek ago mi ur saiak saiak dam ilo rumok lo Anut kisaek dubol go dirut direr da.

²⁰Oñ burau tamol! Oñ dag ñai ñukubiai dop ule o boi, ilo rumok naok an nuñon tia kawan i? ²¹Wagam en dugo woñ Anut iñ malan lo id tubud baged Abraham iñaneg itaot ilasa yak i? Abraham iñsiganen kagin naok naok lo iñanen nanun ifuni imat pe utut fo imarip Anut ilo uyan ipani wo ago igane ya. ²²Oñ ule, iñsan ilo rumok iñ kagin naok naok da sisem urat digane kisaek da. Iñsan kagin naok naok an lo iñsan ilo rumok ilasa siñaokan a. ²³Agog dal an lo ru a girek lo yen dan rumok ilasag ibol, “Abraham iñ Anut mi ilon lo rumok a, agog iñsan ilo rumok an Anut ileg ibol, iñ tamol itaot a.” Ago yak niñen o Anut ibol, “Abraham iñ ñaisag turag mok.” ²⁴Oñ ule yak, an iñsiganen kagin naok naok amaiak lo man iñ Anut malan lo tamol itaot ilasa ya. An iñsiganen ilo rumok lo mi tia ya.

²⁵Nek ago mi dal san pein Rahab iñ dam Anut malan lo iñsiganen kagin naok naok lo itaot ilasa ya. Iñsen mi ru sinek san tamol ilo uyan ipidinaig idinaig dal senamo lo dusol go diau a. ²⁶Ago yak niñen o tinid ur an tia man imat a, nek ago mi, ilo rumok urat an tia yan dam imat a.

Bale tirni wo uyan a

3 ¹Ñai teig muroug añ wei mi girek mañau ta alasa na wa. Añ alon ak mañ girek mañau man aenta luluñad lo Anut san bitinaek dabai mok ak lo mumado wa. ²Id fidian aupasek funfun tiganen da. Tamol ta iñ ñiñeñ lo aupasek ta igane na den, iñ itaotan, agog iñsen tinin fidian dam ka iturni wa.

³Saen id bafolo ñudun lo kam nanun tiganep tirae tap, bafolo tinin fidian mi itilanip ñied abad iri wa. ⁴Tia dop, wog tubun ak ilom isou. Gidad tim tubun ak ifurep wog an ididip yau a, agod wog an dam tubun mok, gug fei nanunan an nam unbek tamol mi, iñ ka wog dugo yau o imat

dan igirip ago yau a. ⁵Baled dam nek ago mi, sen ka nanunan a, ak man ij dabai a, ij ka melmel tutubun ak igane ilasa wa. Yai balen nanunan ak ka imasap dagui tubun ak igane inani yau a. ⁶Id baled dam yai oŋ a, ij tinid san boi luluŋad lo kagin sisaik sad gurman imado da. Baled an kagin saiak saiak funfun igane ilasa da. Ij iganep tinid ilon fidian nun ipani da. Ago iganep tinid san kagin yai wananan oŋ a, agop idsad turenŋ ilasa saian da. Agod Ades san yai amaiak baled lo yai igane ilasa da.

⁷Tamol ij ka melmel funfun itirnai a, agog wei mi kagin ipidinai la ya. Anakanak, bor kasik, goun kasik, kuseŋ funfun agog beig lo fon da mi a. ⁸Ak man tamol ta iŋsen balen itirni san tia ya. Balen yaes ta ibal na da, ru saiak saiak ibol yau woŋ da. Iŋsan balen dam ibol mot wagai ak oŋ, agod iŋsan dabai tubun mok an lo tamol ka iginiai dumat a.

⁹Id baled lo idsiganed Bai Tubud tabol dan yaŋan tabisa da, ago gug afon idsiganed teid taod tupudai saian da. Gug teid taod an Anut idirai dilasag ibol iŋsen ago mi woŋ a. ¹⁰Ru ilo uyan san ij ru saiak saiak da sisem awak kisaek lo mi dilasa da. Ŋai teig taog, kagin an ta mok ilasa na wa. ¹¹Ka you ibanaip dal kisaek lo mi, gigen ij bulbal da dilasa wak i? ¹²Nek ago mi papai ka aŋar lo ilasa wak i? Aria, ka woi lo fud ilasa wak i? Nek ago mi beig lo you mok tiŋane san tia ya.

Maŋau uyan Anut san na idu ya

¹³Enti aŋ luluŋam lo ij kankan milaen anda, agod maŋau uyan anda yak i? Tamol ago tap, iŋsan madok uyan ak lo sen ikubiai dop tile wa. Iŋsan kankan milaen an nuŋon tap, san nuŋon man mos kagin. Ago tap, mos kagin an lo urat sensen igane dop tile wa. ¹⁴Ak man aŋ turak lo aenta eil saian dugo, ŋai-ŋai kagin lo yaŋam tubun ilasa wo agane da. Aria, kagin an bubem iŋanefute tap, se pitiano i ru ta abol na wa. Kabelan sem irawaŋ dop ru rumok san aben lo ru sewak agane banau. ¹⁵Kankan milaen naok ago yan sewak a. An kumaen panu lo ta idu na ya. Tia, kankan an tan en san, an Urgun san tia, an ur saiak san mi a. ¹⁶Man dugo, aben a ate turak susai agod ŋai-ŋai kagin dien dan, ante dam abaŋ pitiŋinek san kagin, agod kagin sisaik fidian dien da.

¹⁷Ak man kankan milaen a lak na yak idu yan man igo ya: iŋsan ilo isou fidian man ikok, ij tamol maror igansi san, ij tamol mos an, ij ilon dabai an tia ya, ilo muŋanek tinan, iŋsan kagin nuŋon uyan uyan ak mi, ij kagin kisaek ak mi iwae dak, agod ru rumok san a. ¹⁸Tamol a maror digansi dan, maror lo sad ai patun dupae yan, sad urat san nuŋon man ij tamolpein didiraip Anut malan lo itaot dilasa wa.

Anut mi awan wabi wa

4 ¹Fun ata mel niŋen o aŋ luluŋam lo wagai agane dugo nug ape i adiri di? Bube imasa san kagin aŋ kisaek kisaek ilom lo yen da,

agog aŋ tinim ilon fidian lo wagai igane dugo mel ta niŋen o amat den dam aŋane wo da. ²Aŋ melmel niŋedi wo malam isi dak ta aŋane na da. Aŋ tamol afu dumat agod iŋsad melmel apasi asini wo ilom tubun mok imasa da, gug ta aŋane na da. Ago agane dan fun dugo aŋ Anut ta asumiani na da. ³Agog saen aŋ asumiani dubo man ta ipanaŋ na wa, fun dugo aŋ asumiani saian da. Melmel aŋsiganem bubem lo aganep siganem tinim mi lo urat apani wo da.

⁴Aŋ Anut abisei ak ibol dal dal pein iwon ibisei ak igo woŋ a. Aŋ ta aloŋ na yak, aŋ tan en niŋen o amat tap, aŋ Anut san ager. Agog tamol enti tan en san turan imado wo tap, iŋ Anut patun ipanip Anut san ager igo woŋ a. ⁵Girek an sen kawan ago abol banau, Anut san ru rumok girek lo igo ibol, “Anut iŋ tura susai kagin lo tamol sad ur ilod lo idiri an itargiranig imado da.” ⁶Ak man binawek Anut id ipanad an san dabai idsad aupasek san dabai iriŋani a. Ago yan lo girek an igo ibol, “Tamol sed yaŋad disini den Anut patun ipidinai a, gug tamol sed ibiai dudu den iŋ ilon ipidinai a.”

⁷Ago yak niŋen o Anut paen na au a. Ago dop Satan patum apani wa. Ago tap iŋ aŋ ibisawaŋ pe isol yau a. ⁸Anut siŋiren na au dop iŋ aŋ siŋirem na ipalu wa. Aŋ aupasek tinami, banim afulani. Aŋ bubem raru raru amami, bubem akubune pasik pe ikok yen a. ⁹Ilom idup tinaŋ aru agane wa. Aŋsiganem silenŋ an abilisap tinaŋ oŋ a. Ilo uyan amoi dop ilo muruan agane ilasa wa. ¹⁰Aŋ Anut naon na sem ibiaŋ adu wa, ago dop iŋ aŋ ibiaŋsap lak na iginiaŋ a.

Tei tao ta biai dudu na wa

¹¹Awo, ŋai teig muroug, nug patun fo aŋiŋeŋ amoi. Tamol enti tein patun fo iŋiŋeŋ dop tein bitinaek lo igane tap, an ta igane uyan na da. Iŋ kubiaeŋ patun fo iŋiŋeŋ, agog iŋsen tamol gurman oŋ ilasag, kubiaeŋ bitinaek lo igane ya. Oŋ ago gane tap, oŋ kubiaeŋ paen na man tia ya. Kubiaeŋ an oŋ paen na yen o gane da. An lo oŋ tamol kubiaeŋ ta iri na dak igo woŋ lasa ya. ¹²Tamol kisaek o lian kubiaeŋ ipanad dak ibitiniad a, Anut iŋsen mi a. Iŋsen mi dabai anda, an lo na kagin ipanad dak agod an dam lo malad isue wa. Ak man oŋsa ilo isou lo oŋ tubu ubol di? Oŋ urat ta lo oŋsa tura murou bitinaek lo ta dirai na wa.

Iŋiŋeŋ lo se yaŋa ta wabisa na wa

¹³Aria, ŋaisag ru aloŋ, aŋ tamolpein igo aŋiŋeŋ den, “Gamu boi gabulo boi panu ta tubun geig ak lo taup anaŋar kisaek tumado wa. Ate tumado dop moni san urat biabi tigane dop sed niŋed o moni wei mi tiŋane wa.” ¹⁴Ata wo aŋ ago abol dak i? Aŋ gabulo san mel ilasa san an ta aloŋ na ya. Aŋsam madok dugudo, an man nek ibol kakao ilasap kitekan ka yen dop itout yau kisaek oŋ dak igo woŋ a. ¹⁵Tia, aŋ igo mi abol a, “Anut iŋsen mi

siganen ilo isou lo, maŋ mumado dop en migane wo, tia, an migane wo, ago ibol dop migane wa”¹⁶ Ak man aŋ silei kagin lo sem mi abol da, agog yaŋam asini dugo tubun mi aŋiŋeŋ da. Aŋ ago aŋiŋeŋ dan saian geig a.¹⁷ Tamol enti mel uyan ak igane san ilon, go ta igane na tap, kagin naon ago man aupasek anda ya.

Filian tamol adi sad ru kagin

5 ¹Agog gamu aŋ tamolpein filiam amam da yan ŋaisag ru alon. Madai funfun tinim lo ilasa wan niŋen o ilom saian dop malam turon idu dop asasai a. ²Aŋsam filian fidian igan yau dop tinim san biouŋ simirer diani wa. ³Agop aŋsam pat fidian dam teirteir lo isuda wa. Teirteir an aŋ tamolpein fidian sam kagin saiak saiak ikubiai dop dile wa. Teirteir an aŋsam mudam mi yai inani woŋ a. Fun dugo, tan en san nal wadan lo aŋsam filiami an atumani da. ⁴Aŋ tamol a aŋsam abi urat digane dan arawaig tinid ta adad na ya. Agog sad padau dam ta alon na ya. Alon, saen dipadaug diwagin an asau mi geig yaug, Anut iŋ eŋel sad Gurman an kududon lo ilasa ya. ⁵Aŋsam madok tan en lo man melmel funfun amam da, aŋsam madok uyanan, agog aŋ melmel naod lak lak ak idaisuda, agod aŋ dugo agane wo man ka agane woŋ da. Aŋ mateŋ san nal iŋ muruan san saen lo dam aŋsem ifutuwaŋ dugo sem tinim bulbal apani uyan da. ⁶Aŋ tamolpein uyadi ak bitinaek lo adirai dak muruan apidinai dop kadi dam afu dumat da, man dugo, iŋ dabai ad tia yan lo aŋsam dabai an diabiani san tia ya. Ago yak niŋen o muruan tubun ak aŋsam na ilasa wan niŋen o asasai dop atata wa.

Muruan lo atur sakar

⁷ŋai teig muroug, muruan lo atur sakar, ago mi yen yau dop Tubun en ipalu wa. Aŋ ale yak, tamol abi lo urat igane dak iŋsan abi ititianip imado yau dop anaŋ ibes idu da. Iŋ saen milaen mok tok ibol imado dop ui san saen ititiani da. ⁸Aŋ dam tok abol atur sakar a. Man dugo, Tubun en ipalu wo sumeik da. ⁹ŋai teig muroug, nug patun fo ta aŋurŋur na wa, kabelan Anut aŋ bitinaek lo idiraŋ banau. Ale, Bitinaek Tamol sumeikan dalawan ate itur da.

¹⁰ŋai teig muroug, Anut san profet ilom isou, iŋ Tubun en yaŋan lo diŋiŋeŋ da. Iŋ muruan iŋ madai dam disini bo man dile dugo disini woŋ se ya, ago yak niŋen o aŋ dam dal kisaek an ari wa. ¹¹Tamol a dutur sakar go muruan lo ta dibiakik na dan, id talon ak, iŋ ilo uyan san tamolpein a. Aŋ Job san madok itaot an alon a. Job saen iŋ madai ile dop muruan isini se man iŋ tok ibol imado se ya. Agod iŋsan wadan a Anut iŋ niŋen o igane ilasa yan dam alon a. Job Tubun en ilo panek agod ilo muŋanek dam tinin iŋanefute yan ile ya.

¹²Ak man, ŋai teig muroug, mel tubun geig man igo, aŋ Anut yaŋan lo boi, ta tan yaŋan lo boi, ta mel gidad gidad ta boi lo siŋanem ru dabai

ta apani na wa. Anŝam awok man nek mel nuŝon niŝen o gup awok abol a, ago dop tia man nek tia mok abol a. Kabelan Anut aŝ ibitianaj dop muruan ipanaŝ banau.

Ilo rumok san gudaneŝ

¹³Aŝ ta luluŝam lo muruan isini di? Ago tap iŝ Anut san na igudani wa. Dugo, aŝ ta luluŝam lo ilon uyan di? Ago tap iŝ Anut yaŝan yabisa dop bar yabi wa. ¹⁴Tamol ta luluŝam lo subam ifuni di? Ago tap midaeŝ sad matu igiaip, dupalup, niŝen o dugudani dop Anut yaŝan lo gureŝ tinin diamisi wa. ¹⁵Fun an lo gudaneŝ ilo rumok san, an tamol subam anda yan iganeŝ uyan ilasa wa. Agod gubak mi aupasek igane yak tap, Anut tamol an san aupasek ipasi yau paŝik dop ilon ipani wa. ¹⁶Ago yak niŝen o nug naon na ŝiŝanem aupasek afulale dop nug niŝen o agudani wa, ago dop an lo Anut ikubuniaŝ a. Tamol itaot aman ak san gudaneŝ dabai tinan, agod dam ka urat dabai ak igane ilasa wa.

¹⁷Nek ibol Elaija oŝ, Elaija man nek idsed oŝ a. Iŝ Anut san na ui ta idu na wo igudani, agod nuŝon ilasa ya. Ui tan na anaŝar utol wadan da, ta isi na ya. ¹⁸An itout go fon igudani da, agod ui idu dag, tan na anaŝ nuŝon idiri ilasa ya.

¹⁹⁻²⁰Iŝai teig muroug, tamol ta aŝ luluŝam lo kagin rumok ak ibisei dop aŝsam ta iŝaneŝ dal uyan ak lo imul ipalu tap, tamol uyan an tein san ŝutun mateŝ lo yak iŝane imul a. Aria, kagin en ilom isou wa, tamol enti turan dal saian ak lo itor den ibinawi tap, tamol an turan san ŝutun ta imat na san ago igane ya, agod san aupasek fidian dam imiamai paŝik a.

1 Pita

1 ¹Ijai Pita, Jesus Kristus san aposel. Anj tamolpein Anut ipiliananj go aņanem panu fun abiseig aug, Pontas na, Galesia, Kapadosia, Esia agod Bitinia na, aben a luluņad lo tamol gol ak igo woņ amado dan, aņsam na girek en ņigire da. ²Bai Anut gubak mi anj gamugo alasa yan san saen lo iliaņ iloņ go ipiliananj an lo Awan Urgan iņsan urat lo anj iņanen tamolpein gun ak alasa ya. Agog anj iņanen tamolpein awa bek san ago mi amado ator a, agod Jesus Kristus iņanen dar ikulmaek an lo aņsam aupasek isuas panaņ a.

Anut iņsan ilo panek, agod iņsan ilo maror ipanaņ pe ilom lo italbusip tubun ilasa wan o ņugudani da.

Id kumaen foun ak tile wa

³Id Bai Anut, idsad Tubun en Jesus Kristus san Taman per tupani da. Man dugo, iņsan ilo muņanek tubun an lo, id ibol nanuk foun ak oņ tilasa ya. Ago yan lo id Anut tile san niņen o patud isa wa, agod tini ganei en ibol mel kumaen imat san tia yak igo woņ tabi sakar da. Mel en Jesus Kristus mateņ lo kumaen imasa yan lo ilasa ya. ⁴Id nanuk foun tilasa yan lo Anut san mel uyan uyan ak lak na yen dan, iņ ipilianad pe murna gup an fidian tiņane wa. Melmel en ta idafur na wa, tamolpein sad aupasek iganep melmel an nun dilasa san tia ya, agod an sad leil siņaokan an ta saian na wa. Melmel en murna san an Anut kumaen panu na anj niņemi wo kagin ipani da. ⁵Anj ilom rumok ak lo, Anut san dabai an dumui oņ ibargiranaņ da, an lo patu pasek a saen wadan lo Anut iganep ilasa wan ale wa. Patu pasek an Anut ikubune lag yen da, ago yaup saen wadan a Anut ipate yan lo kuai isi wa. ⁶Ak man gamu saen katukan en lo muruan sensen ak ale da, ago bo man arut amoi. Tia, uyam isusa wa, ⁷man dugo, muruan asini dan lo fidian dile wak aņanem ilo rumok Jesus Kristus lo yan rumok a. Anut malan lo aņanem ilo rumok an siņaokan mok a, agod an gol san naon iriņani da. Rumok, gol san naon an tubun kasik bo man, dibitinae san niņen yai lo diganep dumari dop, siņsak dupasip an lo iņanen naon yaup lak na mok a. Ago bo man, murnap gol iņ tan en da itout yau a. Nek ago mi, Anut aņanem ilo rumok ibitinae o iliaņ funaņ

dugo muruan ale ya, bitinaek an lo Jesus Kristus kuai isi san saen lo aŋ per, girager, agod yaŋak tubun ak aŋane wa. ⁸Aŋ iŋ ta ale na ya, gug iŋ niŋen o amat da. Gamu dam aŋ iŋ ale san tia bo man, iŋ o ilom lo rumok a. Agod aŋ yousai anda mi aŋanefute da, an lo dop aŋanem ilo uyan an tubun kasik an lo ŋiŋeŋ ta aŋiŋeŋ san tia ya. ⁹Agod aŋanem ilo rumok san nuŋon man aŋsam ŋutumi Anut iŋiliai pe sasau lo idirai a.

¹⁰Profet adi saen ilo panek a Anut ipanaŋ an niŋen dubol ilasa dan lo, patu pasek en san fun dile wo abaŋ an diabi siŋaokan da. ¹¹Saen Kristus san Ur iŋ ilod lo imado dan Kristus san madai agod iŋsan yaŋak tubun ak mitep iŋane wan ikubiai pidinai dan, iŋ Anut dusumiani ak, mel dugon boi, tia, nal dugon boi, niŋen o Urgun iŋiŋeŋ da. ¹²Gug iŋ mel a diŋiŋeŋ ilasa dan sed ibinawai san o ta diŋiŋeŋ da, tia, aŋ o dubol ilasa dan Anut ikubiai pidinai a. Melmel an san ŋiŋeŋ an aloŋ la ya. Dugo woŋ ak i? Bilaluŋ tamol an Urgun kumaen panu na Anut igane idu yan san dabai lo iŋsan ru uyanan an dufulale aŋsam na ilasa ya. Eŋel adi dam maladi lo melmel an san fun dile wo dumat geig da.

Gun amado

¹³Ago yak niŋen o kabuŋam akubune uyanan pe urat niŋen o tawaŋ agane dop, sem ulum am abi uyanan dop, ilo panek san binawek a saen Jesus Kristus kuai isip aŋsam na ipalu wan mi tinim agane pani wa. ¹⁴Aŋ imug aŋaŋoŋ dugo amado se ya, ago dugo kagin naok naok a ilo masa igane ilasa se yan ari na ya, gug gamu nek ibol nanuk awa bek san igo woŋ, aŋ kagin an fon mi ta atutuŋani na wa. ¹⁵Tia, nek ibol Iŋ a aŋ igian an iŋsen gun imado dak igo woŋ, aŋsem dam sam urat fidian lo gun amado wa. ¹⁶Man dugo, Anut san girek ago ibol a, “Ŋai gun ak niŋen o, aŋ dam gun amado.”

¹⁷Agod Anut a titiŋae tamol igo woŋ tamolpein kisaek kisaek sad urat bitinaek lo idiri dan niŋen o aŋ Bai abol tap, aŋ saen tan en lo amado dan, ibol tamolpein asau ak igo woŋ arer dop aŋsam madok an kagin apani uyanan a. ¹⁸Aŋ aloŋ ak, Anut aŋ tubumi sad kagin nuŋon tia man dupanaŋ an lo idad go ipasaŋ iŋiliaŋ a. Mel ta itout yau san ibol silva gol da igo woŋ ak lo aŋ ta idad go iŋiliaŋ na ya. ¹⁹Tia, Kristus man ibol sipsip nanun nun aman tia, agod baob aman dam tia yak igo woŋ, iŋsan dar naon lak na geig ak lo ipasaŋ go iŋiliaŋ a. ²⁰Tan en gamugo ilasa dugo Anut Iŋ ipiliani a, gug gamu saen en san wadan lo aŋ niŋemi wo Anut igane walal te ilasag ale ya. ²¹Kristus lo aŋ fun aganeg Anut a iŋ mateŋ lo ifufunig kumaen yabisag yaŋak tubun ak ipani an ilom lo rumok a, ago yan lo gamu aŋanem ilo rumok agod aŋanem tini ganei dam diaug Anut lo dututou da.

²²Aŋ ru rumok ari apani na yan lo aŋ gamu ŋutumi adiraig gun dilasag, an lo aŋanem Kris teim taom niŋedi wo amat dan, an mi nuŋon

a. Amaiak niĵen o aŋ ilom ŋutum rumok amam da nug niĵen o amat a. ²³Man dugo, ai patun kitekan yen pe itout yau san an lo aŋ foun ak igo woŋ ta alasa na ya. Tia, ai patun a itout yau san tia yan lo tamolpein foun ak alasa ya. Ai patun an man Anut san ru kumaen ak, agod pempem yen yau san an mi a. ²⁴Man dugo, Anut san girek ago ibol,

“Tamolpein tinidi man ibol gafurfur oŋ a,
 agod iŋsad damag fidian an ibol boban oŋ a.
 Gafurfur igos idu da, agod iŋsan bob dam diau dudu da.

²⁵Gug Tubun en san ru man pempem yen yau da.”

Ru nek an man bilaluŋ uyanan ak aŋsam na dufulale dugo aloŋ a.

2 ¹Amaiak niĵen o aŋ ale saian san kagin fidian, rawek fidian, balek uraru san kagin, mala sek san tiŋae saian, agod uf ru a fidian bubem lo ale dan, aŋanep abiliau a. ²Aŋ ibol nanuk foun ak igo woŋ, su ta dukubuli na yan Urgan ipanaŋ an aluk o amat geig a. Aŋ ago agane dop man ka atalbusi dop an lo sasau a Anut ipanad an aŋane wa. ³Man dugo, aŋ Tubun en san bulbal akubianig ale aloŋ la ya, iŋ mi uyanan mok a.

Pat kumaen yen dak san ŋiĵen

⁴Iŋsen mi pat kumaen yen da. Ago dugo tamolpein iŋ diabiani ak gug Anut iŋ ipiliani a, agod iŋ malan lo pat an naon lak na geig a. Aŋ naon na au dan, ⁵aŋ dam pat kumaen yen san ago mi Anut itumanan dop iŋsan ŋutum san ab oŋ isuse da. An lo aŋ pris adi gun ak oŋ alasa ya. Nek ibol pris wagam ak Anut yai dutuni pani na yak igo woŋ, aŋ dam yai atuni pani da. Gug kulob an man tan en san yai tuneke tia, tia, an ŋutum san yai tuneke mi a, agod Kristus lo Anut iŋ uyan ipanaŋ da. ⁶Ru girek lo ago ibol,

“Ale, ŋai pat ta Saion na ŋuguni a.

Sukurun yabituani san pat an pilianek la ya, agod naon lak na geig a,
 agod tamolpein iŋ o ilod rumok dan,
 miai ta ifu na wa.”

⁷Aŋ tamolpein ilom lo rumok dan aŋsam leil lo pat en naon lak na geig a. Gug aenkadi ilo rumok amad tia yan iŋsad leil lo,

“Pat a ab susek tamol dibiti an murnag ab sukurun isinig itur a.”

⁸Agod afon,

“Pat an igane dop tamolpein ate ŋied dusue dak,
 agod igane dop ate diau dudu da.”

Man dugo, iŋ Anut awan ta diri na da, an lo diau dudu da. Iŋ ago digane san Anut ipilianai a.

⁹Gug aŋ man Anut san tamolpein iŋsen ipilianan a. Aŋ man Kiŋ san pris adi, tamolpein gun ak sad midaeŋ, agod Anut iŋ muroun a.

Ansam urat man, iŋ a aŋ igiaŋ go tidom tubun an abiseig, iŋsan lilaman siŋaokan ak lo aladu yan lo, iŋanen bunun uyanan an niŋen abol ilasa wo ago igane ya. ¹⁰Imug na man aŋ tamolpein warou kisaek tia ya. Gug gamu aŋ Anut san tamolpein alasag amado da. Imug aŋ iŋsan ilo muŋanek ta aŋane na ya. Gug gamu aŋ iŋsan ilo muŋanek aŋane ya.

¹¹O turag muroug, aŋ man ibol tamolpein panu sen ak san apalug tan en lo tamol gol ak oŋ amado da. Amaiak niŋen o, ŋai ŋususunaŋ pe tinim san ilo masa ari apani wo amoi a. Man dugo, kagin saiak an ŋutum san ager imado da. ¹²Aŋ gob adi luluŋad lo aŋanem nao lalek pempem uyan an mi yen a. Gidad gamu aŋ agane saian dak dubol a. Gug saen Anut idsad na ipalu wan te gup ansam kagin naok naok a dile la yan niŋen o Anut yaŋan diabisa dop per dupani wa.

Gurman paed na amado

¹³Tubun en yaŋan o tan en san gurman fidian paed na amado. Rom san kiŋ iŋ malan te yak ago abol a, agod paen na amado wa. ¹⁴Agod gabman gurman dam paed na amado wa, man dugo, Anut iŋ ipilianai man tamolpein a dugo digane saian dan bu dupidinai san urat digane da, ago dop a digane uyan dan iŋ uyan dupidinai san urat dam digane da. ¹⁵Man dugo, Anut san ilo ibol igo ya, aŋ uyan agane dan lo tamol burau ak sad ru ŋiŋeo dubol dan sad awad afutani da. ¹⁶Tamol iŋsen kisaek imado dak igo woŋ, aŋ ago amado wa. Ak gug, an lo amianuk dop kagin saiak saiak ta agane na wa. Tia, nek Anut san urat tamol mok igo amado wa. ¹⁷Tamolpein fidian yaŋad asini wak, teim taom Kris adi niŋedi wo dam amat a. Anut niŋen o arer dop, Rom san kiŋ dam yaŋan abisa wa.

¹⁸Aŋ bigabeg man aŋanem titianek paed na mok, tok abol amado wa. Titianek tamol uyadi a kagin dupanaŋ dan lo ago agane wa, a muruan dupanaŋ dan lo dam nek ago mi agane wa. ¹⁹Man dugo, tamol ta san kankan Anut lo yen dop, an lo madai muruan da isini san tia yak isini tap man, mel siŋaokan geig a. ²⁰Ak man oŋ gane saian ak san bu ŋane dop lo utur sakar tap, an naon Anut dugo ipitiano wak i? Gug oŋ uyan gane yak lo madai ule dop lo utur sakar tap man, Anut malan lo an ipitiano san mel igo woŋ a. ²¹Anut ago wo aŋ igiaŋ a. Man dugo rumok, Kristus iŋsen aŋ abemi lo muruan isini a. Saen tan ibisei an lo iŋsan kagin naok naok man mitilaen igo woŋ ibisei panad an lo tile dop ŋien aban turi wa.

²²“Iŋ aupasek ta kisaek igane man tia ya.

Agod awan lo ru sewak ta ilasa man dam tia ya.”

²³Saen tamolpein iŋ dimisilani se man iŋ ru naon ta ipidai na ya. Saen iŋ madai dupani an iŋ naon igane wo ta ibol na ya. Tia, iŋsen Tamol a san bitinaek itaot mok an banin lo igane ya. ²⁴Kristus iŋsen tinin nam aigim fo idsad aupasek fidian isini a. Ago dop an lo id aupasek san dabai lo ipasad pe, idsad madok lo itaot tumado wa. Iŋ tinin dufunig ikafut idiri

an lo ikubiniaŋ a. ²⁵Man dugo, aŋ ibol sipsip dal diŋaon ak on adeg au a. Ak man gamu anjanem Titianek san na amul apalu ya. In mi anŋsam Kagin Panek Tamol.

Nug iwon iwon sad ru

3 ¹Nek imug bigabeg iŋaned gurman paed na dumado se ago mi, aŋ pein dam iwom paed na amado wa. Aria, dal an lo aenkadi Anut san ru ta duri na tap, iwodi sad kagin naok naok an dile dop ate ilod diŋane dop ilod dibileksa wa. An man ilo ŋanek san ru ta pein awad lo ta ilasa na ya. ²Man dugo, aŋ Anut niŋen o arer dop anŋsam kagin gun ak lo amado dan in dile wa. ³Aŋ tinim san damag patun fo yak asinip nam tinim bala apani wo kankan tubun mi ta agane na wa. Dar diturŋe idu, kululoi naon tutubun agod biouŋ siŋaokan adiri dan an mel kawan a. ⁴Tia, anŋsam bala man kagin dugon aŋ ilom lo yen dan an mi a. Aŋ ilom man mosan, agod dagoman a. Bala naok ago yak man itout yau san tia ya, agod Anut malan lo an man naon lak na geig a. ⁵Man dugo, wagam dal kisaek an lo mi pein gun ak Anut tinid dupanig dumado se yan inŋsed damag ipidinai siŋaokan a. Ago dugo iwodi awad paen na mok dumado na ya. ⁶Nek ago mi Sara dam Abraham awan paen na imado dop niŋen o iŋanen tubun ak ibol se ya. Aŋ uyan agane dop mel ta urer ipanaŋ san niŋen o ta arer na tap, aŋ inŋsan nanun muroun alasa wa.

⁷Nek dal kisaek ago mi, aŋ tamol iwom da sisem amado dan, pein in dabai tubun amad tia aloŋ an niŋen o yaŋadi abisa fufei wa. Man dugo, aŋ sisem Anut san ilo muŋanek lo kumaen anjane wa. Aŋ ago agane tap, anŋsam gudanek an kawan tia ya.

Melmel uyan ak san madai anjane wa

⁸Injaineg ru kagin wadan igo ya. Aŋ fidian kankan kisaek, agod nug ilon imuŋani wa. Nug tein taon igo woŋ nug niŋen o amat a. Nug niŋen o bubem apasi wak, sem ibiaŋ adu dop aenta diriŋanaŋ ak ago ilom isou wa. ⁹Ta diginiaŋ saian tap, naon dam ta aginiaŋ saian na wa. Ru saian nam dupaiaŋ tap, naon dam ta amisilanai na wa. Tia, an naon Anut bar uyan ak ipidinai o agudani wa. Man dugo, Anut ago wo aŋ igiaŋ a. Agop an lo, bar uyan ak ka ipanaŋ a. ¹⁰Man dugo, Anut san ru ago ibol a,

“Talpein ta madok uyan ak lo imado wo imat,
agod melmel uyan ak ile wo imat tap,
ru saian ta ibol na wa,

agod awan lo dam ru rawek ak ta ilasa na wa.

¹¹Kagin saiak patun ipanip kagin uyan ak mi igane wa.

Maror san dal o abaŋ yabi dop an ile wo yaes isofutani wa.

¹²Man dugo, Tubun en malan yaug tamol itaot ak yil pasai da,
agod inŋsad gudanek lo pempem kududon igure da.

Gug tamolpein a saian digane dan niĵen o naon ikafut pidinai da.”

¹³Aria, aĵ kagin uyan ak agane wo yaes isofutanaĵ dop, enti maeg iganep saian ipanaĵ ak i? Tia geig a. ¹⁴Gug kagin itaot ak agane san o madai asini dan an rumok tap, gidad, aĵ man bar űanek tamolpein mok a. A muruan dupanaĵ dan niĵedi wo ta arer dop ilom ta muruan na wa. ¹⁵Tia, nek aĵ bubem lo Kristus aganep aűsam Tubun ak oĵ ale wa. Aĵanem ilo rumok niĵen o kankan aĵane fufei dop man, talpein aĵanem tini ganei Kristus lo yak a ilom lo yen dan san fun afulale wo isumianaĵ tap, ru ilo safulalek san ka apani wa. Gug pasak na mi agod urer amam da ago agane wa. ¹⁶Aĵanem kagin naok naok atitiani uyan dop man aĵanem kankan muruan ta ipanaĵ na wa. An lo dop tamolpein a aĵ kagin uyan uyan Kristus lo agane san niĵen o dipirgini dop dimisilanaĵ dan miai ifunai a. ¹⁷Man dugo, Anut ilon ibol tap aĵ kagin uyan ak niĵen o madai asini san man uyan a. Kabelan saian agane san niĵen o muruan ale banau. ¹⁸Man dugo rumok, Kristus iűsen saen kisaek o lian aupasek niĵen o mateĵ ile ya. Iĵ man tamol itaot ak igo woĵ aĵ tamolpein ta itaot na yan aűsam abem iĵane ya, an lo aĵ iűlianaĵ pe Anut san na au a. Tinin tan san en lo dufuni imat a, gug űtun lo Anut iganeg kumaen ilasa ya. ¹⁹Ago dugo űtun yaug wagam san tamolpein a űtudi subanek lo dumado se yan naod na ru ifulale ya. ²⁰Tamolpein an wagam Anut awan diparsisali se ya. An Noa san saen lo Anut ka yil fu oĵ dugo yaug Noa wog tubun ak ifoug urat itout a. Nal an lo tamolpein wei tia, 8 mi, wog an ilon lo iĵal go, lom tubun ak san you lo patud ipasi a. ²¹You an man Kris fulanek san mitilaen igo woĵ a. Man dugo, gamu fulanek san you an id patud ipasig tumado da. Fulanek an tinid sad nun ta ifulani yau na da. Tia, fulanek tile dan lo Anut tusumiani dak id ilod ikubunep kankan uyan ak ipanad a. Fulanek an nek Jesus Kristus mateĵ lo kumaen imasa yan lo mi dabai iĵaneg an lo id patud ipasi da. ²²Iĵ kumaen panu na isidag Anut giraĵen won ak lo imado dugo eĵel adi, ur sensen sad gurman adi, agod mel dugon dabai amad da atna dumado dan, an fidian paen na dumado da.

Anut san ilobol paen na tumado da

4 ¹Ago yak niĵen o, Kristus tinin tan en san lo madai isini ak niĵen o, aĵ dam ilo isou kisaek an mi abi sakar a. Dal an lo madai asini san niĵen o aĵ sem dabai ipanaĵ a, man dugo, talpein enti tinin sen nam madai isini tap, aupasek san kagin an ibisei a. ²Ago yak niĵen o iűsan madok tan en lo tamolpein sad ilobol an iri san ilon ta yen na da. Tia, Anut san ilobol an mi iri ipani wo ilon yen da. ³Inug aĵ saen tubun mi gob adi sad kagin diri wo dumat an aĵ dam ago agane na ya. Agod aĵ kagin an arig yaug idaisida ya. Aĵ se pitianoĵ kagin, ilo masa san kagin, jeit kagin, soubul gidigidad lo, lukluk san űtanaĵat amado dugo, tubud

sewak adi ubou ad tile san Anut geg igane yan ari apani se ya. ⁴An gamu inj luad asap kagin saiak saiak wei mi a digane dan lo dida asourubep, au o afon ta agane na dan niñen o durut saian geig a. An lo an dumisilanang da. ⁵Gug Anut mi inj tamolpein a kumaen dumado dugo a dumat la yan bitinaek lo idirai san tawanj igane dan, naon na dutur dop inj o ru naon dupani wa. ⁶Nek fun amaiak niñen o Kristus inj tamolpein dumat la yan sad na yang bilaluñ uyan ak san ru ifulale dugo duloñ a. An lo gidad, inj tinidi tan en san lo tamol sad bitinaek dile ya, ago bo man inj nitud lo kumaen a Anut da yan, inj dam kumaen an lo ka dumado wa.

⁷Mel fidian itout yau san saen sumeik ipanad da. Ago yak niñen an kabuñam ipasti dop sem ulum am abi o uyanan a. Ago dop man ka agudani uyan a. ⁸Mel malan te man ilom nitudumi fidian nug niñen o amat a. Man dugo, nug niñen o amat dan san kagin aupasek wei mi imianai idu ya. ⁹Nug kagin apani uyan dop, an o ta anurñur na wa. ¹⁰Dabai dugo aenta abinawai san Anut an kisaek kisaek ipanang an kagin apani wo uyanan a. Awa yabek tamolpein igo woñ Anut san ilo panek inanen dal kisaek kisaek atem urat apani wo uyanan a. ¹¹Ta inj ru ifulale san manau aman da tap, nek ibol Anut san ru mok mi ifulale dan igo ru ifulale wa. Ta inj binawek urat igane tap, dabai a Anut ipani dan lo urat an igane wa. Ago dop urat fidian lo tamolpein ka Anut per dupani wa, an man Jesus Kristus lo mi a.

Onj Kris ak niñen o muruan sini

¹²O turag muroug, an bitinaek wananan geig ale dugo amasa saian an mel naok foun ilasa yak igo abol banau. ¹³Tia, youm isa wa, man dugo, an Kristus da sisem mi muruan asini da. An lo saen Kristus san girager kuai isi wan ate dop ilom uyanan geig a. ¹⁴An Kristus yanang niñen o saian dupanang tap man an tamolpein Anut san bar anane ya, man dugo, Ur a Anut san agod girager san an an tinim lo yen da. ¹⁵Kabelan ta an luluñam lo tamol ifuni imat o boi, tia gumagam o boi, tia kagin saiak saiak funfun igane wo boi, tia, niñen o kabuñan isou imug dop, mel naok an fidian niñedi wo madai isini banau. ¹⁶Gug anj Kris igo woñ muruan asini tap, miai ifunang amoi. Tia, an Anut yanang abisa wa. Man dugo, inj yanang an tinim lo yen da. ¹⁷Anut bitinaek igane san saen ipalu la ya. Agod fun iganeg, ilo rumok tamolpein adi malan malan ibitiniai da. Aria, id lo fun igane tap, tamolpein a Anut san bilaluñ uyan ak ta diri na dan sad wadan an dugo woñ ilasa wak i? ¹⁸Agod afon, Anut san ru igo ibol, “Tamol itaot ak patu pasek lo iladu san ta pasauman na yan rumok tap,

tamolpein a au dupas dan ago Anut san kagin inj lo tia yan muruan dugo inasad na ilasa wak i?”

¹⁹Amiaiak niñen o, ensauta inj Anut san ilo ibol lo madai dile dan, sed idiraip Anut banin lo diau dop urat uyan ak mi digane yau a.

Gurman iŋ pinein da sad ru kagin

5 ¹Ŋai matu gurman aŋ luluŋam lo dumado dan, ŋai dam nek iŋ ago mi ŋumado da. Ŋai dam Kristus madai isini an seg malag mok nam ŋile ya. Taida mi ŋaiseg dam iŋsan girager murnap kuai isi wan ŋai dam an lo ŋumado da. An lo igo ŋusumianaŋ o da. ²Aŋ Anut san sipsip atirnai o ipanaŋ an atitianai a. Gurman mok oŋ kagin apidinaŋ a, aŋ talpein a dusou dudunaŋ dan niŋen o ago ta agane na wa, tia, an nek aŋanem ilobol lo mi a, nek ibol Anut aŋ o ilon yen dak ago mi a. Aŋ moni aŋane san o malam ta isi na da, ak man urat an agane wo bubem yen da. ³Aŋ sipsip a Anut banim lo idirai an ŋai-ŋai kagin lo atirnai amoi. Gug aŋsam kagin an ibol mitilaen igo woŋ Anut san sipsip dile dop duri wa. ⁴Agod saen sipsip titianek sad gurman ipalu dop, girager san lilit gumuran ta itout yau dan aŋanem urat naon oŋ aŋane wa.

⁵Aria, aŋ pinein dam tamol busumadi ak paed na amado wa. Aŋ fidian nug naon na sem ibiaŋ adu wa. Man dugo, Anut san ru ago ibol a, “Tamol sed yaŋad diabisa dan Anut naod yabi da.

Gug tamol sen yabi idu dan iŋsan ilo panek ipani da.”

⁶Ago yak niŋen o aŋ sem ibiaŋ adu dop Anut tuon dabai an paen na aladu wa. An lo murnap saen mok fo iŋ ka aŋ ibiaŋsa wa. ⁷Aŋanem ilo muruan fidian banin lo agane wa. Man dugo, iŋ malan lo aŋ mel tubun an lo iŋ aŋ kagin ipanaŋ da.

⁸Malam ipuk pe tawaŋ agane dop, sem ulum am abi uyanan a. Man dugo, aŋanem ager Satan ibol laion imatigen ak ibob dugo tamol ta yani itout o abaŋ isueg itor dak igo woŋ a. ⁹Ago yak niŋen o aŋ naon abi dop aŋanem ilo rumok lo mi atur sakar a. Man dugo, aŋ aloŋ ak aŋanem teim taomi tan titin fidian lo muruan naon kisaek anami disini da.

¹⁰Agod Anut iŋ mi ilo panek fidian san muroun, iŋsen Kristus lo igiaŋ go iŋsan aben a girager anda pempem yen oŋ dan lo aladu wa. Saen katukan mi madai asini gup iŋsen mi aŋsam madok ikubunep lo atur sakar dop dabai ipanaŋ a. ¹¹Iŋ mi dabai pempem yen yau oŋ dan aman da ya. Rumok.

Ru wadan

¹²Ŋai girek katukan en Sailas ibinawag go ŋigire ya. Iŋ niŋen o ŋai ilog rumok ak, iŋ Kris tamol mok a. Girek en lo ŋai aŋ tan suek ru ŋupanaŋ, agod ru e ŋurupaiaŋ den man Anut san ilo panek mok a. An lo atur sakar a.

¹³Midaeŋ Anut ipilianai go Babilon na dumado dan iŋsad ilo uyan ru aŋsam na digane ipalu ya. Ŋai nanug Mak dam ago igane ya. ¹⁴Kris kagin lo nug banin abi wa.

Aŋ fidian Kristus da amado dan ilo maror aŋ lo ka yen yau a.

2 Pita

1 ¹Ijai Saimon Pita, Jesus Kristus san urat tamol agod ŋai iŋsan aposel. Tamolpein a iŋsad ilo rumok siŋaokan, nek maŋsama ago mi amaiak, iŋsad na girek en ŋigane ipalu da. Ilo rumok e ŋai niŋen o ŋabol den man Tubun en Jesus Kristus, idsad binawek, an iŋsan na diŋane ya. Iŋ itaot mok an niŋen o ilo rumok an ipidinai a. ²Ijai aŋ niŋemi wo Anut ŋugudani dak, aŋ ilom lo Anut iŋ Jesus idsad Tubun en da aloŋ uyanan, an lo iŋsan maror iŋsan ilo panek aŋ bubem lo ka iganep awan isa wa.

Aŋ a Anut ipilianan aŋ dabai apani wa

³Id iŋ taloŋ amaiak niŋen o, Anut san dabai tubun ak Kristus lo yen dan niŋen o, id an lo ibinawad go mel fidian kumaed san, agod id Anut san kagin tiri san dam ipanad a. Iŋsinanen yaŋak tubun ak lo agod kagin uyanan ak lo melmel an tiŋane san niŋen o igiad a. ⁴Agod iŋsan yaŋak tubun ak, iŋsan kagin uyanan ak lo dam, iŋsan promis lak na igane idu yan ipanad a. Promis an id malad lo naon lak na geig di tubun a. Promis nek amaiak lo aŋ tan en san nun panek ka ariŋani wa, man dugo, ilo imasa san kagin an lo tamolpein nun ipidinai da, ak man gamu asol san dal ilasag yen da. Promis an lo dam, iŋsinanen bunun aŋ ilom lo igane yan lo aŋ dam nek ago amado da.

⁵Fun an niŋen o aŋ maeg aganep kagin uyan uyan en taida aŋ lo aganep dilasa wa, agop aŋanem ilo rumok da abate wa. Malan malan aŋanem ilo rumok, an kagin uyanan ak da abate wa. Tinin te kagin uyanan ak, an Anut uloŋ san maŋau da abate wa. ⁶Agod tinin te Anut uloŋ uyan san maŋau aŋ sem ulum am abi uyan san kagin da abate wa. Tinin te sem ulum am abi uyan san kagin, an atur sakar san kagin da abate wa. Tinin te atur sakar san kagin an, Anut san kagin ari san da abate wa. ⁷Agod tinin te Anut san kagin ari san an, turam muroum ilom apidinai san kagin da abate wa. Agod wadan man turam muroum ilom apidinai san kagin an, aenta niŋedi wo tubun mi amat dan san kagin da abate wa. ⁸Man dugo, aŋ Jesus Kristus idsad Tubun en aloŋ uyanan dan san kagin naok igo yak aŋ lo yen dop, iŋ pempem aŋ ilom lo italbusip tubun tap, an iganep aŋsam madok lo nuŋon ifu wa, agod aŋsam urat iŋ niŋen o agane dan mel kawan tia wa. ⁹Ak man talpein ta

kagin an iñsan bunun lo tia tap, iñ ibol tamol mala tia yak igo ya, tia, ibol tamol malan asau mi abañ ta ile na dak ago ya. Man dugo, talpein ago man iñanen aupasek imug an Jesus ipasi yang ikok ilasa yan ilon iñaon a.

¹⁰Teig taog, fun amaiak niñen o Anut igiañ go tamolpein aenta luluñad lo ipilianañ an, dabai apani wo urat wagai agane wa. Añ kagin an fidian ari uyanan tap, au adu san tia ya. ¹¹Ago dop saen añ idsad Tubun en Jesus Kristus idsad patu pasek tamol san kagin panek aben an lo aladu wo dop man, malam dupare uyanan a.

Profet ru, girek lo yen dan san ñeñeñ

¹²Aria, gidad añ mel fidian alon uyan go, gamu ru rumok en abig atur sakar dak bo man, ñai ilog yen dak ago melmel an saen fidian fon ñurupaiañ da. ¹³Man dugo, ñaisag ilog lo saen gamu ñai tinig tan en lo ñumado den man gidad ñai safulalek ru igo ñurupaiañ da, an uyanan a. Ago dop añ dam mel en san ilo sou man mi agane wa. ¹⁴Man ata wo? Ñai ñalon ak, milaen tiap ñai tinig gigin na ñigane wa. Jesus Kristus, idsad Tubun en mel an ikubiai ñile la ya. ¹⁵An niñen o ñai urat wagai ñiganep an lo saen ñai tan en ñibisei dop man, añ pempem mel an fidian niñedi wo ilom ka isou dop amado wa.

¹⁶Saen mañ imug añsam na mupalu yan, mañ Jesus Kristus idsad Tubun en san dabai mukubiai ale ya. Agod nal ta lo gup iñ fon dabai anda imul tan na ipalu wan niñen o mabol alon a. Saen mañ mel a niñen o murupaiañ an dugo, mañsiganema ilo sou lo ru sewak ak awan mubate dop lo mirawañ o migane di? Tia geig a, man dugo, mañsema malama nam iñsan naon lilaman, iñsan girager tubun an da isapudade dugo mile ya. ¹⁷⁻¹⁸Man dugo, saen iñ Bai Anut lo yañak tubun ak girager da iñane yan, mañ iñ da did gun an fufo mumado ya, ago dugo iñ niñen o Anut awan keit lo iwagiñ dugo malon a. Awak an san liliñan iñsan na ipalug yañan yabisag yañak tubun ak ipani a. Iñ ibol, “En man ñaineg Nanug mok, ñaineg bubeg mok, iñ niñen o ñai ilog tubun mi uyanan da.” Awak a kumaen panu log ipalu yan mañ malon a.

¹⁹Agod taida mi, gamu Anut profet adi sad ru an rumok dabai ipani panad a. Añ iñsad awad kagin apani tap, an uyanan a. Man dugo, iñsad ru an man nek ibol lam ta tidom tubun lo ided dugo abañ isapudade dak igo won a. Ago agane dop yaup salso idu wa, agod salso idu san boi tinan añ bubem lo isida wa. ²⁰Añ ru en alon uyan, ru en tubun a. Ru fidian a girek lo profet awan lo ilasa dan man, profet an san ilo sou tia ya. ²¹Man dugo, ru a profet sad awad lo ilasa dan san fun mok man, tamol san ilo sou igo tia ya. Tia, Urgun iñsen profet adi ilod iduduwig ru a Anut san nag ipalu yan mi dubol ilasa ya.

Girek mañau sewak adi iñsad kubulek

2 ¹Wagam na profet sewak wei mi Isrel tamolpein luluñad lo dilasa ya. Nek ago mi girek mañau sewak ak wei mi añ luluñam lo dilasa

wa. Ij pitejanek sewak a imianuk an mi dijanep midaeŋ luluŋam lo diladup dupanaŋ a, an lo aŋsam ilo rumok an dukubuli wa. Agod Tubun en iŋsen girek maŋau sewak adi an idad iŋiliai a, ago bo man ij patud dupani wa. Kagin an lo ij milaen tiap daoŋ dijanep dop diau dudu wa. ²Ij jeit kagin an ta saian na ago dubol a, an lo ilo rumok tamolpein wei kasik kagin an diganuri wa. Fun an niŋen o tamolpein aenta rumok san dal an saian dupani wa. ³Tamol naok an iŋsad ilo sou moni niŋen o man tubun kasik a, an lo ru sewak nam ŋudum dusue dop aŋanem moni dijanep wa. Anut iŋsad naok naok an wagam mi ile ya, agog ijaned muruan an ikubune pidinai la ya. Muruan an dal na ipalu da, ago dugo iŋsad daoŋ an dam sumeikan mi yen da.

⁴Alon o uyanan a. Gubak mi eŋel aenta au dupas, ago gug Anut iŋsad aupasek an ijaneg gigin na ta igane na ya. Tia, ij eŋel an tan paen na gib ilon tidom tubun ak lo isubanaig idirai diau a. Ate dumado yaup bitinaek nal ilasa wa. ⁵Agod taida mi, tamolpein a wagam na Anut san kagin ta duri dupani na yan sad aupasek lo ta yilfu on na ya. Tia, fidian lom tubun geig ak iŋal dugo Noa mi imado ya. Tamol kisaek an iwon agod muroun ⁶an dida Anut niŋedi wo ilon isou a. Man dugo, Noa ij kagin itaot ak san bulaluŋ tamol. ⁶Agod taida mi, Anut Sodom ij Gumora da sad tamolpein fidian ifu yau a. Yai ui on iwatik go iŋsad panu tubun an inani yau itout a, agod tamolpein dam fidian inanai pasik a. An lo iŋsad mitilaen an tamolpein fidian gamu Anut san kagin ta duri dupani na dan dile dop, ij lo dam kulob ago ilasa wa. ⁷Agod taida mi, Lot ij tamol itaot a, agod Anut daoŋ an lo patun ipasi a. Ij tamolpein kagin saiak saiak digane dan ileg ilon tubun mi muruan a. ⁸(Man dugo, tamol itaot a luluŋad lo nal fidian imado dan, ij kubiaeŋ dipilali dan san kagin sensen an ile dugo iŋsad ru saiak saiak an dam ilon se ya. Kagin ago an ilon imoi da.) ⁹An rumok tap, Anut muruan funfun dugo yak lo tamolpein a Anut san kagin duri dupani dan patud ipasi san ilon a. Nek ago mi ij tamolpein saiadi muruan lo idiraip dumado wan bu panek an paen na mi dumado dop yaup bitinaek nal ilasa san, an dam ilon a. ¹⁰Luluŋad lo tamol a ilo masa san kagin diri dupanig lo sed nun ipidinai dugo, gurman awad paen na dumado wo dumoi na ya, tamol naok ago yak Tubun en niŋedi wo tubun geig imoi a.

Tamol naok ago yak silei tinadi agod kabuŋadi dababai a. Ij eŋel adi kumaen panu lo dumado dan dumisilanai o ta direr na da. ¹¹Ago gug eŋel Anut naon na dutur dan iŋsad dabai girek maŋau sewak tinadi an irijanai a, ago bo man ij tamol an bitinaek lo dumisilanai san ago ta didirai na da. ¹²Tamol an melmel a ta duloŋ na yan niŋedi wo diŋiŋeŋ saian da. Tamolpein naok ago man nek ibol bor gown on, ij kankan amad tia ago dutor da, dilasa san fun man talpein duburou idup dufu dumat san ago mi a. Girek maŋau sewak adi an nek ibol bor gown on ij dam daoŋ dijanep wa.

¹³Girek maŋau sewak adi a muruan aenta dipidinai an lo iŋ dam naon dile wa. Adian iŋ tinid dugo urat dupani man ago digane da, an iŋsad yousai. Iŋ baob nun anda yak igo ya. Agod iŋ tamol uyadi oŋ aŋ dida anaŋ ani da. Gug gigin na man kagin saiak saiak an lo dumado da. ¹⁴Iŋ jeit pein adi mi dil o dumat da. Aupasek o mi nal fidian yaes isofutanai da. Iŋ pein adi a ilod gidigheid an ilod diŋanep jeit kagin san dal duri da. Iŋ mala sek lo man ibilem adi a, agod iŋ pitiŋinek a Anut ipidinai an san nanuk adi mok a. ¹⁵Iŋ dal itaot ak dubiseig sen diau geig a, agod iŋ Beor nanun Balaam gubak mi yau ago diau da. Iŋ kagin saiak saiak iganep naon moni iŋane wo mi imat da. ¹⁶Ak man iŋsan aupasek san kudo bek ru an ilon a. Man dugo, doŋki iŋiŋeŋ san tia gug tamol awan lo iŋiŋeŋ ilasag profet an san ŋiŋeo kagin an yabituani a.

¹⁷Tamol naok an sad kagin nuŋon aman tia ya, nek ibol you igos yau ak oŋ, tia, iŋ ibol ui idu wo tim taen gigin na itumanig yen dugo tim iwi yaug ui tia yak igo ya. Anut iŋaned aben tidom tubun geig ak lo tan paen na ikubuneg yen da. ¹⁸Iŋ awad ru tutubun mi dubol da, ago gug iŋsad ru an nuŋon aman tia ya. Iŋsad ru lo tamolpein a saen milaen tiag aupasek adi sad na dusol diau an ilod diŋane da, an lo tinid imasa dop lo jeit kagin digane da, agod tinid san kagin saiak saiak aenta dam digane da. ¹⁹Girek maŋau sewak an mel ta isubanai san tia ago dutor san ru dubol pidinai a. Ago gug iŋsedi man kagin saian ak san bigabeg dumado da. Man dugo, mel dugon tamol yabituani dan, nek iŋ mel an san bigabeg imado da. ²⁰Man dugo, iŋ imug Jesus Kristus idsad Tubun en, agod idsad binawek an dulon a, maŋau an lo tan en san nun kagin san na dusol diau la ya. Ak man iŋ afon dumul kagin saian ak lo diladug isubanai tap, iŋsad wadan gamu en san man saian mok, agod iŋsad naon gubak mi an san iriŋani geig a. ²¹Iŋ kagin itaot an san dal kitek ta dulon na yak man, an uyan a. Man dugo, iŋ iŋsad Tubun en awan lo kubiaeŋ gun ak ibol dulon dugo diŋane, ago gug an patud dupanip dal an dibisei tap, an saian geig a. ²²Ru mitilaen uraru en rumok iŋ niŋedi wo ibol da, “goun ilu gug imul yaug iŋsinanen ulu an fon yani da,” taida mi, “bor you isug la gug fon yaug gigeo lo ibubulam da.”

Tubun en imul ipalu san nal

3 ¹Turag muroug, en ŋaisag girek turanein ŋigireg aŋsam na ŋigane ipalu ya. ŋai girek uraru ŋigire en lo aŋanem kankan itaot ŋufufunip ilo sou uyanan ak ipanaŋ san a. ²Kankan en igo ya. Ru a profet gun adi wagam mi dubol na yan, agod ru kubiaeŋ a aŋsam aposel adi awad lo aŋsam bunawek Tubun en ibol panaŋ an dam ilom isou wa.

³Mel en inug alon o ŋamat da. Nal wadan dilasa dan san saen lo dop tamolpein aŋsam ilo rumok en kukok an digane san dilasa wa. Iŋ Tubun en san ru niŋen o disel a, agod ilod imasap mel dugo digane wo ilod ibol

an mi duri da. ⁴Inj igo dubol, “Inj imul ipalu san ibol panarj an san nurjon dugon te yen di? Man dugo, gubak mi manjsama tamama dumat dugo ipalug gamu en mel fidian ta ibileksa na ya. Tia, fun lo ipalug gamu en nek ago mi yen yau da.” ⁵Inj melmel a Anut wagam idirai an ilod injaon o digane ya. Melmel an man, Anut anen ru lo keit wagam mi ilasag yen da, agod injsan ru lo you injaneg nam tan igane ilasa ya. ⁶Agod you an lo mi lom tubun ak ilasag tan fidian ituanig saen an san tamolpein fidian itarmunaig ipitiñinai a. ⁷Ak man ru an lo mi keit inj tan da gamu e dien den Anut gigin na idirai a. Ago dien yaup yai lo idiraip imiriaia a. Nal a mel en ilasa wan man Anut san bitinaek nal, saen an lo Anut tamolpein a injanen kagin ta diganuri na yan ipitiñinai a.

⁸Ak man ñai teig muroug, mel kisaek en ilom ta injaon na wa. Tubud malan lo nal kisaek man ibol anarj wan tausen ak igo ya, agod anarj wan tausen man ibol nal kisaek ak igo ya. ⁹Aenkadi Tubun en mel igane wo ibol gug saen ibidani dak abol da, gug inj tinin saen bidanek an tia ya. Man dugo, inj mos nam iliañ da, ta añ luluñam lo ideg yau man imoi a. An niñen o añ ilom abileksap inj o ilom rumok an niñen o saen ipanarj da.

¹⁰Ak man Tubun en san nal man nek ibol gumagam tamol igo wonj ipalu wa. Nal an lo dop pitiñinek san liliñan tubun geig ak ta ilasa dop keit itout yau a. Agod yai lo mel fidian you onj ibilip itout yau a. Agod tan en inj tamolpein sad kagin naok naok an fidian da kuai te dilasa wa.

¹¹Aria, Anut kagin an lo mel fidian ipitiñini tap, añ tamolpein naok dugo wonj alasa wak i? Añ kagin gun ak mi agane wa, agod Anut san kagin ari apani dop amado wa. ¹²Dal an lo Anut san nal tubun ak ipalu san niñen o mala nouk amado wa, ago dop anjsam kagin uyan ak lo nal an ilasa kisaek onj o agane da. Nal an lo Anut yai ituni dop keit inanip itout yau a, agod yai an mi tan en igane imatal pe you onj ibilip itout yau a. ¹³Ak man id a ilod lo rumok an promis a Anut ipanad an lo keit foun ak, tan foun ak dam tile wo mala nouk tumado da. Agod tan foun an ilon lo man kagin itaot ak mi ate yen yau a.

¹⁴Ñai turag muroug, fun an niñen o saen Tubun en ipalu wo mala nouk amado dan, añ baob amam tia, nun amam tia yak, agod nugnug lo ilo maror amado dan lo dam, inj ago iliañ san niñen o urat wagai agane wa. ¹⁵Agod idsad Tubun en mos kagin e ipanarj den niñen o igo ilom isou, an inj patu pasek anane san saen ipanarj dak abol a. Idsad turad mok Pol dam inj Anut manjau ipani an lo girek naok en taida igireg ipanarj a. ¹⁶Injsan girek fidian lo ru naon nek ago mi igire idug niñen o mi ibol na ya. Injsan girek an lo mel aenta id talonj uyan san muruan kitek yen da. A ilod tia yan, ilod gidigheid ak injsed dideg diau san, ru an dukubuli da, nek ibol girek gun ak aenta lo dam digane dak ago mi a. An lo sed ipitiñinai da.

¹⁷Turag muroug, añ mel en alonj la ya, fun an niñen o añ kagin agane wa. Kabelan tamol saiadi ak sad aupasek an ilom injanep, añ atur sakar

san abi dan banim ibisawaip au adu banau. ¹⁸Gug anj idsad Tubun ak Jesus Kristus idsad patu pasek an san ilo panek, inj aloŋ uyan san anj da atabulsi wa. Id inj yaŋan tabisa dan lo gamu girager anda imado da, ago mi yen yaup kumaen pempem san nal ilasa wa. Rumok.

1 Jon

Kumaen San Ru

1 ¹Kumaen san ru a fun lo mok yen go ipalu yan, tamol mok igo ilasa ya. Inŝen awan lo kumaen san ru ilasa dugo maŋ malon ak, malama lo mok mile yak, agod tinin dam banima nam mabi ak, an mi maŋ niŝen o miŋiŋeŋ da. ²Kumaen an inŝen mi kuai tem ikubiai panama dugo mile ya. Rumok, kumaen pempem san an imug mi Bai da dumado na yan kuai isi a. Kumaen an maŋ malama nam mile tag gamu en maŋ an niŝen o mi mabol dop alon a. ³Mel e maŋ mile dugo malon en murupaian da. An lo aŋ maŋ da sisem idsad madok an kisaek mi yen yau a. Agod maŋsama madok man Bai da, agod inanen Nanun Jesus Kristus da mumado da. ⁴Maŋ girek e migire panaŋ den lo idsad yousai awan isa wa.

Ilalaŋ lo tator san ru

⁵Ru a in awan lo malon an mabol alon da. Anut mi in ilalaŋ. In lo tidom tubun ta yen man tia geig a. ⁶Id igo tabol da, id in da madok kisaek mi tumado da, ak man id tidom tubun lo tator tap, ru raek tabol da, agod idsad madok an ru rumok san dal ta iri na da. ⁷Gug in ilalaŋ lo itor dak ago mi id dam tator tap, id anek anek sisem ilod kisaek mi tumado wa. Agod inanen Nanun Jesus san dar an mi lo idsad aupasek fidian isasi panad go ikok tilasa ya. ⁸Id aupasek amad tia yak tabol tap, sed ilod irawad da, agod ru a rumok an id ilod lo ta yen na da. ⁹Ak man in awa urek san tamol, agod itaot geig a, amaiak niŝen o id idsad aupasek an kuai te tabol ilasa tap, idsad aupasek an fidian isasi yau dop, ilod lo kagin itaot tia yan fidian ipasi dop ikok tilasa wa. ¹⁰Gug id aupasek ta tigane na yak tabol dop man, id in sewak tamol igo won tigane da, agod inanen ru an id ilod lo aben ta yen man tia ya.

Kristus idsad binawek

2 ¹O ŋai nanug muroug, aŋ au apas amoi o ru en ŋigire da. Gug ta in au ipas tap man, id binawek tamol amad da ya. Tamol an Jesus Kristus itaot mok a. In ibinawad san o Bai naon na itur da. ²Idsad

aupasek niŋen o Anut ilon wananan da. Ak man Kristus sen iŋsan mater lo Anut ilon ago iŋaneg ibubarum a. Id niŋed o mi tia ya, tia, tamolpein a tan titin fidian lo dumado dugo iŋ niŋen o ilod rumok tap, sad aupasek an dam isasi yau a. ³Id iŋsan ru kubiaen ibol taloŋ an mi turi tupani tap, dal an lo na id ka taloŋ ak id rumok mi Anut taloŋ a. ⁴Gug ta iŋ ibol, “Ŋai Anut ŋaloŋ a,” ago gug iŋsan awan kagin ta ipani na dan, iŋ sewak tamol, agod Anut san ru rumok ak iŋ lo man tia ya. ⁵⁻⁶Ak man talpein a Anut san ru a kagin ipani dan, rumok, iŋ lo Anut san ilo panek italbuisip tubun geig a. Ta iŋ Anut da dumado dak ibol dan, dal kisaek a Jesus itor an lo mi iŋ dam itor a. Dal an lo mi id taloŋ ak, rumok, id Anut da tumado da.

⁷O turag muroug, gamu ru kubiaen e ŋigire den man foun tia ya. Tia, ru kubiaen en wagam a, nek a fun lo mok aloŋ ama ya. Ru an man fun aŋ aloŋ la ya. ⁸Ago bo man ru kubiaen en man ibol foun ak oŋ a. Ru kubiaen an san nuŋon man Kristus lo tile da, agod aŋ lo dam maŋ mile da. Man dugo, tudom tubun itout yau dugo ilalaŋ mok an kuai isi da. ⁹Ago yak niŋen o talpein ta iŋ ilalaŋ lo itor dak ibol gug turan ta ile saian tap, iŋ tidom tubun lo mi imado da. ¹⁰Talpein a iŋ turan niŋen o imat dan iŋ ilalaŋ lo imado da. An niŋen o mel saian ak ta lo yau idu san iŋ tinin lo yen man tia ya. ¹¹Gug tamol ta turan ile saian dan iŋ tudom tubun lo imado itor da. Ago yan lo malan tidom tubun dop dal iŋaŋ a.

¹²Nanug muroug, iŋ yaŋan o, aŋsam aupasek ipare idu yak niŋen o ŋai aŋsam na girek en ŋigire da. ¹³O tamag muroug, iŋ fun lo imadog ipalu yan aloŋ uyan ak niŋen o ŋai aŋsam na girek en ŋigire da. O aŋ pinein foumi, Satan san dabai abi idu yak niŋen o ŋai girek en ŋigire panaŋ da. O nanug muroug, aŋ Bai aloŋ ak niŋen o aŋsam na girek en ŋigire da. ¹⁴O tamag muroug, aŋ man iŋ fun lo mok imadog ipalu yan aloŋ uyanan ak niŋen o ru en ŋigire da. O aŋ pinein foumi, girek en aŋsam na ŋigire den man fun igo ya, aŋ dabai amam da, Anut san ru aŋ lo yen da, agod Satan san dabai abi idu ya.

¹⁵Aŋ tan en san madok iŋanen filian da niŋen o yaes ifunaŋ amoi. Ta iŋ tan en san madok niŋen o imat tap, Bai niŋen o imat dan, iŋ lo man tia ya. ¹⁶Man dugo, kagin fidian tan en lo yen dan igo ya, tinik san ilo imasa san kagin, mala sek san kagin, agod se pitiano i kagin tan en san tamolpein digane dan, fidian Bai san nag ta ipalu na da, tia, an tan en san mel mi a. ¹⁷Tan en iŋ tamolpein sad ilo masa da ditout diau da. Ak man talpein ta iŋ Anut ilon ibol dak ago mi igane dop man, pempem imado yau a.

Kristus san ager

¹⁸Nanug muroug, saen wadan ipalug sumeik da. Nek ibol aŋ ru en dubol dugo aloŋ na yak ago, Kristus san ager ipalu wo da, gamu en

Kristus san ager wei kasik dilasa yan lo tile talonj a. Amaiak ninjen o id talonj uyan ak saen wadan sumeik ipanad da. ¹⁹Tamol malan an idsad doup lo dilasag diau a. Inj dubusawad man fun inj id muroud tia ya. Aria id muroud ak man ta dubusawad na wa. Gug id dubusawad an lo kuai tem tile talonj ak, an id muroud tia ya. ²⁰Ak man Urgun injsan dabai an lo ikulmaek idug yen da, an lo an fidian Anut san ru rumok an alonj a. ²¹An ru rumok ta alonj na yak ninjen o naji girek en ta njigire na da. Tia, an ru rumok alonj la ya, an ninjen o anjsam na njigire ipalu da. An alonj ak ru sewak fidian an ru rumok ak muroun tia ya. ²²Ru sewak an enti awan lo ilasa dak i? Tamol a Jesus inj Anut san pilianek tamol yanjak “Kristus” dubol dan ninjen o “tia yak” ago ibol dan, tamol an Kristus san ager. Tamol naok ago yak inj Bai Nanun da ninjedi wo dam imoi a. ²³Ta inj Nanun imoi dop man inj Bai san tia ya. Gug ta inj Nanun ninjen o ilon rumok ak ago ibol tap, inj Nanun san muroun mi tia ya, tia, Bai dam injanen muroun a. ²⁴Ru a fun lo alonj an ilom lo aganep yen a. Ago agane tap, an Nanun inj Taman da urarum dadi amado wa. ²⁵Agod injsan promis ipanad en igo ya, kumaen pempem yen yau san an ipanad a.

²⁶Tamol dirawanj o digane dak ninjen o girek en njigire pananj da. ²⁷Ak man Urgun san dabai ikulmaek idug anjane yan, an lo yen da. An ninjen o talpein mel foun ak ta ipitejananj san tia ya. Man dugo, Urgun san dabai anjane yan manjau fidian ipitejananj da. An man rumok a, ta sewak na ya, amaiak ninjen o nek ibol an ipitejananj igo wonj Kristus da amado wa.

Enti inj Anut nanun muroun

²⁸O nanug muroug, an inj da amado wa. Ago tap, saen inj kuai te ilasa dop id inj da tinjinej o ta tarer na wak, agod miai ifunad dop tasuk tamul san dam tia ya. ²⁹Inj itaot geig ak an alonj tap, mel en dam alonj a, tamol a kagin uyan ak mi igane dan inj Anut lo foun ilasa ya.

3 ¹Alonj, Anut dugo mok id ninjedi o imat di? Injsan ilo panek id ninjedi o man tubun geig a! Man dugo, id Anut nanun muroun ago ibol da. Id nek ago mi a. Tan en san tamolpein id ta duloj na yan fun man inj Anut ta duloj na ya. ²O turag muroug! Id gamu Anut nanun muroun tumado da. Gug id mitep dugo tilasa wan ta talonj uyan na da. Gug id mel en talonj ak, saen Kristus kuai isi dan, id tilasap inj ago mi wa. Man dugo, inj naon tinin tile ago mi tile wa. ³Talpein mel an ninjen o Kristus tinin igane pani dan injsen iganeg gun ilasa ya, nek ibol Kristus injsen gun ago mi a.

⁴Ta inj au ipas tap, inj Anut san kubiaen ipilali a. Rumok, aupasek man igo ya, tamol kubiaen paen na ta imado na dak san kagin igo ya. ⁵An alonj ak, Kristus tamolpein sad aupasek ipasi wo ipalu ya. Agod inj lo aupasek ta ule san tia geig a. ⁶Ago yak ninjen o talpein enti Jesus Kristus da dumado dan au ta ipas na da. Gug ta inj au ipas onj dan, inj Kristus ta

ile na yak, agod dam ta ilonj na ya. ⁷O nanug muroug, mel en ninjen o tamolpein eil afu dop dirawaŋ banau! Ta inj kagin itaot igane dan, inj mi itaot a. Ibol Kristus itaot imado dak ago mi inj dam imado da. ⁸Talpein enti aupasek igane onj dop man, inj Satan san muroun mi a. Man dugo, Satan inj fun lo mok go ipalu yan au ipas na ya. Ak man Anut Nanun kuai isi an fun man, Satan san banin aban isubari idu wo ipalu ya. ⁹Tamol dugon Anut lo foun ilasa yan inj au ta ipas na da, man dugo, Anut san bunun inj ilon lo yen da. Rumok, inj aupasek ta igane yau onj na wa, man dugo, Anut lo foun ilasa ya. ¹⁰Ru en tamol dugon Anut nanun ago dugo, tamol dugon Satan nanun, an fud ifulaleg kuai tem tile da. Talpein a kagin uyan ak ta igane na yan inj Anut san muroun tia ya. Agod ta inj tein ninjen o ta imat na dan inj dam Anut san muroun tia ya.

Nug ninjen o amat a

¹¹Ru en gubak mi mok go ipalu yan alonj a, id nug ninjen o tamat a. ¹²Id Kein tutuŋani tamoi a. Inj man Satan san muroun mi a, an lo injsen tein Abel ifunig imat a. Ata wo ifuni ak i? An fun man injsan kagin naok naok saian a, gug tein san kagin fidian itaot, amaiak ninjen o ifunig imat a. ¹³Teig taog, amaiak ninjen o tan en san tamolpein diliang saian geig dan, ninjen o yaes ta ifunaŋ na dop bubem ta irut na wa. ¹⁴Id talonj ak mateŋ san dal tibiseig, kumaen san dal lo tiladu ya. Id teid taod niŋedi wo tamat an lo talonj ak, an rumok a. Agod ta inj turan niŋedi wo ta imat na dan mateŋ san tuon yabituani onj da. ¹⁵Talpein inj turan ile saian tap, tamol an inj tamol ifuni imat ak igo woŋ a. Agod anj alonj ak, talpein a tamol ifuni imat an kumaen pempem san an ilon lo yen man tia ya. ¹⁶Kristus id o inj tinin kumaen ak gigin na igane yan lo, id nug ninjen o tamat san dal an ikubiai panad o igane ya. Fun an ninjen o id dam turad muroud o ago mi tigane wa. ¹⁷Talpein tan en san filian anda yan injsan turan mel ta lo katukan dugo ile gug ilon ifutani tap, ilo panek Anut san na ipalu dan inj ilon lo yen dak i? Man tia geig a! ¹⁸Nanug muroug, id nug ninjen o tamat dan awad mi ru ibol da, gug an san nuŋon tia yak ago ta tigane na wa. Tia, idsad kagin kagin lo dam ago tigane mok dop man, nuŋon ilasa wa. ¹⁹⁻²⁰Dal an lo id talonj ak id man ru rumok ak san muroun a. An ninjen o saen id ilod ibiad tadu dan, Anut naon na id ilod san urer an ka kute ibol a. Man dugo, Anut injsen idsad ilod iriŋani geig a, agod inj mel fidian ilonj uyanan a. ²¹Turag muroug, idsiganed ilod ta ibiad tadu na tap, id Anut naon na tugudani wo sumeik ka tupani dop, an lo id ta tarer na wa. ²²Agod mel dugon ninjen o tugudani dan, an mi ipanad a. Man dugo, injsan ru kubiaen kagin tupani dugo ilon ibol ak ago mi, id iri panim tigane da. ²³En man injsan ru kubiaen, id inj Nanun Jesus Kristus injsan yanjan lo ilod lo rumok a, agod nug ninjen o tamat a, nek ibol ru kubiaen ipanad ago mi tigane wa. ²⁴Talpein a fidian inj Anut san

ru kubiaen kagin dupani dan, ij Anut da dumado da. Agod Anut dam ij dida dumado da. Injanen Urgun ipanad an lo id talon ak, ij id da tumado da.

4 ¹Turag muroug, an ur fidian sad ru ilom lo ta rumok na wa. Tia, ur an sad ru abitinae ale gup a, kabelan ur an Anut san boi, tia, Satan san boi, an an ale alon uyan a. Man dugo, profet sewak wei mi aben fidian lo dufufurak go diau a. ²Ur a Jesus Kristus ij tamol mok on tan na ipalu yak ago dubol dan, ij Anut san a. Dal an lo mi an Anut san Ur ka ale alon a. ³Ak man ur a Jesus Kristus ij tamol mok on ta ilasa na yak ago dubol dan, ij Anut san tia ya. In man tamol a insan yanak “Kristus san ager” dubol dan san ur mi a. Ur an ipalu wo ru an alon se yan, gamu tan en lo imado la ya.

⁴O nanug muroug, an Anut san muroun a, agod an profet sewak adi arijanai a. Man dugo, Ur an lo yen dan insan dabai man, ur a profet sewak adi lo yen dan san dabai irijani a. ⁵Profet sewak adi ij tan en san muroun mi a, amaiak nijen o ru a dubol dan, nek tan en san mi a. An lo dop tan en san tamolpein kukudod dugurep ij awad dulong da. ⁶Gug id man Anut san muroun a. Ago yak nijen o talpein a Anut ilon an, id awad ilon da, ak man a ij Anut san muroun tia yan, id awad ta ilon na da. Dal an lo dop ur dugon rumok san, agod ur dugon sewak san dam ka kuai tem tile talon a.

Anut imug id nijed o imat a

⁷O turag muroug, id nug nijen o pempem tamat a, man dugo, Anut insan bunun man ilo panek san fun mok a. Talpein a ilo panek aman da yan, ij Anut lo foun ilasa ya, agod ij Anut ilon da. ⁸Gug talpein a ilo panek an tia yan, ij Anut ilon man tia ya. Man dugo, Anut man insen ilo panek mok a. ⁹Anut insan ilo panek a id luluad lo kuai tem ikubiai panad an san dal igo ya. Injanen Nanun kisaek o lian amaiak tan en lo iganeg ipalu ya, an lo dop insen tinin lo kumaen tumado san tijane wa. ¹⁰Ilo panek e naj nijen o njabol den igo ya. Id malan malan Anut nijen o ta tamat na ya, tia, ij imug id nijed o imat a. Agod Taman san ilo wananan a idsad aupasek igane ilasa dan, Nanun insen yabiani wo iganeg ipalu ya. ¹¹Turag muroug, Anut id nijed o ago imat tap, id dam nug nijen o tamat a. ¹²Tamol ta ij Anut ile man tia ya. Gug id nug nijen o tamat tap, Anut id da tumado wa, an lo dop insan ilo panek id lo yan italbusip nujon ifu wa.

¹³Id igo talon a, id ij da tumado da, agod ij dam id da tumado dan, rumok a. Man dugo, injanen Urgun titin aenta injaneg id ipanad a. ¹⁴Agod id malad lo Anut injanen Nanun idinig tan en san tamolpein patud ipasi wo ipalu yan tile ya, agod an nijen o tamolpein aenkadi tabol dulong da. ¹⁵Talpein a Jesus ij Anut Nanun mok ibol ilasa dan, Anut ij da dumado

da, agod iŋ dam Anut da dumado da. ¹⁶Dal an lo id Anut san ilo panek ipanad dan taloŋ a, agod id ilod lo rumok a. Anut iŋ mi ilo panek. Ago yak niŋen o talpein a ilo panek aman da yan, iŋ ilon lo Anut imado da, agod Anut ilon lo iŋ dam imado da. ¹⁷Dal an lo ilo panek id lo yen dan italbusip itaot geig a. An lo dop bitinaek san nal lo id Anut naon na tatur san niŋen o ta tarer na wa. Man dugo, tan en lo id man, nek iŋ igo mi id dam ago mi a. ¹⁸Ilo panek man tinin rurek an tia ya. Tia, ilo panek itaot geig an ilo irer ikudip patun fo ilasa da. Man dugo, ilo irer man naon panek san mel mi a, an lo dop talpein a irer dan, ilo panek san kagin lo tamol itaot mok ta ilasa na ya. ¹⁹Id aenta niŋedi wo tamat san fun man iŋ imug id niŋed o imat a. ²⁰Talpein ta igo ibol, “Ŧjai Anut niŋen o ŋamat da,” gug turan ta ile saian tap, iŋ sewak tamol. Man dugo, iŋ turan a ile yan niŋen o ta imat na tap, iŋ Anut a ta ile na dan niŋen o imat san tia geig a. ²¹Agod taida mi, iŋsen ru kubiaeŋ en ipanad a, ta iŋ Anut niŋen o imat dan turan dam niŋen o imat da.

Id Anut Nanun niŋen o ilod rumok a

5 ¹Tamolpein ensauta a Jesus iŋ mi Kristus an ilod lo rumok tap, iŋ Anut nanun muroun. Agod tamolpein ensauta a taman niŋen o dumat dan, iŋanen nanun dam niŋen o dumat da. ²Id dal an lo Anut iŋanen nanun muroun niŋedi wo tamat dan taloŋ da, id Anut niŋen o tamat dop iŋanen ru kubiaeŋ dam turi tupani da. ³Id Anut niŋen o tamat dan nek ema ya, id iŋsan ru kubiaeŋ turi tupani da. Agod iŋsan ru kubiaeŋ turi san man pasauman a. ⁴Man dugo, tamolpein a Anut lo dilasa yan fidian iŋ tan en san kagin saian ak diabi idu da. Agod ata mel ta dabai aman da yak lo id tan en san dabai ka tabi idu wak i? Mel an man idsad ilo rumok mi a. ⁵Enti tan en san dabai yabi idu san ilon i? Tamol a Jesus iŋ Anut Nanun mok ak ilod lo rumok dan, nek ama ya.

⁶Tamol e niŋen o tiŋiŋeŋ den, Jesus Kristus, you san dal, agod dar san dal dam lo ipalu ya. Fulanek lo mi ta ipalu na ya, tia, iŋsan mateŋ san dar lo dam ipalu ya. Agod Urgun sen ru an kuai tem igane ya. Man dugo, mel e uraru en, Urgun iŋ ru rumok ak da, man sisem naod kisaek a. ⁷⁻⁸Mel utol en Kristus niŋen o kuai tem dubol ilasa da: Urgun, you, agod dar. An lo mel utol an dutumanig awad kisaek go ru an dubol ilasa da. ⁹Ru ta tamol adi kuai tem digane ilasa yan id ilod lo rumok tap, id ru a Anut ibol go taloŋ an dam ilod lo rumok a. Man dugo, Anut san ru an tamol sad ru iriŋani geig a. Agod Anut iŋsen ru e irupaiaid den, iŋsen mi iŋanen Nanun niŋen o kuai tem ibol ilasa ya. ¹⁰Talpein a Anut Nanun niŋen o ilon rumok dan, iŋ buben lo ru a Anut ibol ilasa dan yen da. Gug talpein iŋ Anut san ru an ilon lo ta rumok na yan, iŋ Anut sewak tamol igo woŋ igane da. Man dugo, Anut iŋsen Nanun niŋen o ru an ibol a, ak gug talpein an ilon lo ta rumok na ya. ¹¹Ru a Anut ibol ilasa yan san fun

igo ya. Anut id kumaen pempem san ipanad a. Agod kumaen an ijanen Nanun san banin lo yen da. ¹²Talpein a Nanun yabituani dan, kumaen pempem san dam yabituani da. Gug ta ij Nanun ta yabituani na dan, kumaen an ij lo tia ya.

Ru wadan

¹³Aj Anut Nanun yañan niñen o ilom lo rumok an, girek en ñigire panaj da. Agop aj kumaen pempem san ajane la yan alon a. ¹⁴Id talon ak, saen id ij o tini ganei tiganeg tumosiai dan, mel a niñen o ij tusumiani dan iñsan ilobol an iri pani tap, id awad ilon mok a. ¹⁵Agod id mel dugon niñen o ij tugudanip awad ilon dak rumok an talon tap, id mel en dam talon a, mel dugo yak niñen o tusumiani dan ij ka ipanad a.

¹⁶Talpein ta iñsan turan aupasek naok a ñutun igane imat san tia yak an igane on dugo ile tap, ij niñen o Anut igudani dop, fon kumaen ipani da wa. Aupasek naok ago yak mi niñen o ñabol da. Gug aupasek naon sen ak a ñutud ifu dumat ak san dam yen da. Agod ñai aupasek naok ago yak niñen o aj agudani wo ta ñabol na da. ¹⁷Kagin saiak saiak fidian an man aupasek a. Gug aupasek aenta a ñutud ifu dumat san tia yak an dam yen da.

¹⁸Id talon ak enti a Anut lo ilasa yan au ta ipas na da. Man dugo, Anut Nanun iparfutani da, an lo dop Satan yabi ile san tia ya. ¹⁹Id mel en dam talon ak id Anut san muroun a, ak gug tamolpein a tan en san muroun mi dumado dan fidian, ij man Satan tuon lo dumado da. ²⁰Id mel en dam talon ak, Anut Nanun ipalug, an lo id Tubud a ij Tubud rumok ak talon san niñen o mañau ipanad a. Rumok, id a Tubud rumok ak ij da tumado dan, iñsan Nanun Jesus Kristus dam ida tumado da. Kristus iñsen mi man Anut rumok ak, agod ij lo dam kumaen an pempem yen yau da.

²¹O nanug muroug, tubud sewak ak mitilaedi niñedi wo asau mi amado wa.

2 Jon

¹Ŋai matu gurman, girek en ŋigireg pein ta pilianek ak ijanen nanun, nanun pein dadi sad na ŋigane yau da. Idaned ilo rumok kisaek an lo mi ŋai ilog nupanarŋ da, agod an ŋai mi tia ya. Tia, aenta a ru rumok ak duloŋ dan iŋ dam mi a. ²Ru rumok an id ilod lo yen da, agod an ago id lo pempem yen yau a.

³Bai Anut, iŋ Jesus Kristus Bai sen Nanun da, iŋsad ilo panek, iŋsad ilo mujanek agod iŋsad maror id da tumado wa, an man ru rumok lo, agod id niŋed o dumat an lo dam mi wa.

⁴Ŋai ilog uyanan mok da, man dugo, oŋsa nanuk aenta ru rumok ak diganuri dan ŋeil a, an nek ibol Bai sen ru kagin irupaiad ak igo woŋ ago digane da. ⁵O pein, ŋai ru foun ak ta ŋigireg ŋurupaio na da, tia, ru en o fun lo mok girarŋe na yen an nek amaiak mi fon ŋurupaio da. Id kisaek kisaek nug ilon tupani san niŋen o ŋugudano da. ⁶En man ilo panek, iŋsan awak aban san ru kubiarŋ an mi turi wa. Agod en man iŋsan ru kubiarŋ, nek kubiarŋ a fun lo mok aloŋ an ago mi, aŋ ilo panek san kagin an lo mi ator a. ⁷Man dugo, sewak tamol wei mi dilasag panu panu lo dutor da. Iŋ Jesus Kristus tinin tamol mok igo woŋ ilasa yan uyan ta dupani na da. Tamol naok ago man iŋ sewak tamol, agod Kristus san ager tamol ta igo ya. ⁸Kagin agane wa. Mel a aŋ luluŋam lo dilasa san niŋen maŋ urat wagai migane na yan ideg yau banau. Tia, mel an naon idaisudam aŋane wa. ⁹Talpein a imaspalup imug yau dop, an lo pitejanek mok Kristus niŋen o yan lo ta itur sakar pe imado na tap, iŋ Anut da tia ya. Gug talpein pitejanek an lo itur sakar pe imado dan iŋ Bai da, agod ijanen Nanun da mi a. ¹⁰Ak talpein ta aŋsam na ipalu, ago gug iŋ pitejanek ru en tia tap, aŋ aŋanem ab lo imado wo ta aŋanep au na wa. Agod ilo uyan ru ta arupein na wa. ¹¹Man dugo, talpein a tamol naok ago yak ilo uyan ru irupein dan, kulob an lo iŋsan urat saian an iŋ da sisem disini wa.

¹²Ŋai ru wei mi ŋigirep aŋsam na ŋigane ipalu wa. Ak man ŋai gau nam pepa roun lo ŋigirep ŋigane ipalu man ŋamoi a. Ago gug ŋaisag ilog yen dak, mitep ŋaiseg ŋieg nam ŋupalup id sisem nug naon tupanip tiŋiŋerŋ a. Ago dop man id sisem ilod uyanan mok a.

¹³Oŋane lu (pein) a Anut sen ipiliani an, iŋsan nanun muroun oŋsa na ilo uyan ru en digane ipalu ya.

3 Jon

¹Ɔjai matu gurman, girek en Ɔgireg Ɔjaineg turag mok Gaias, oƆsa na Ɔjigane ipalu ya. Idaned ilo rumok kisaek an lo mi Ɔjrupaio da, Ɔjai oƆ niƆe wo Ɔamat da.

²O turag, Ɔjai Ɔjalon ak igo ya, oƆ oƆjane Ɔjutu lo man mado uyanan da. Amaiak niƆen o, dal kisaek en lo mi Ɔjai oƆjane tini subam tia itaot yen dop, oƆsa tureƆ lo muruan ama tia san niƆen o Anut Ɔjugudani da. ³Gubak mi teid taod ta dupalug oƆ ru rumok ak lo mado dan, agod lo utor yau dan dubol Ɔjalon go, Ɔjai ilog uyanan mok da. ⁴Ɔjai nanug muroug ru rumok ak lo mi dumado dutor dan Ɔjalon tap, an lo man Ɔjaisag yousai tubun geig a, agod mel aenta san yousai fidian an iriƆanai a.

⁵Turag uyanan, saen oƆ Kris aenta binawai dan, agod tamol asau ak niƆedi wo urat gane dan, oƆ kagin uyan ak uri da. ⁶IƆ midaeƆ naod na oƆjane ilo panek an dupitiani da. OƆ tamol a urat lo diraig dumug diau dan, Anut san kagin ibol ak atem ago gane uyan da. ⁷IƆ Anut yaƆan lo dumasag dutor da, agod gob adi banid lo mel ta diƆjane man tia ya. ⁸Amaiak niƆen o id tamol naok ago yak tibunawai a, ago dop man id iƆ da ru rumok ak san urat sisem ka tisini wa.

⁹Ɔjai girek ta Ɔgireg Kris midaeƆ lo Ɔjigane yau a. Ago gug Diotrefes iƆsen tinin isinip malan imug o igane dop Ɔjaisag ru ilon san imoi da. ¹⁰An niƆen saen Ɔjai aƆsam na Ɔjupalu tap, Ɔjai iƆsan naok naok en Ɔjabol dop alon a. IƆ Ɔjai patug fo uf igane dop ru saiak saiak ibol da. Agod kagin naok ago yak mi ta igane na da, tia, teid taod an iƆjal pe iƆsan ab lo diau o man imoi. Agod aenta diƆjal pe iƆsad ab lo diau wo digane bo man yabtuani da, ago dop midaeƆ ilon lo yan ikudaip patun fo dilasa da.

¹¹Turag uyanan, kagin saian ak ta tutuƆjani na wa, tia, kagin uyan ak mi uri wa. Talpein a kagin uyan ak igane dan iƆ Anut san, ago gug talpein a kagin saian ak igane dan Anut ta ile na ya. ¹²Tamolpein wei mi Demetrius san kagin uyanan an niƆen diƆjineƆ da. Agod ru rumok iƆsen mi iƆ niƆen o dam ru uyanan ak ibol ilasa da. Ɔjai dam iƆsan kagin uyanan ak niƆen o ƆjineƆeƆ da, an niƆen o ulon ak Ɔjaineg ru en rumok a.

¹³Ɔjai ru wei mi Ɔgirep aƆsam na Ɔjigane ipalu wa, ago yak man Ɔjai mel ate gau bilkas ak nam Ɔgirep Ɔjigane ipalu man Ɔjamoi a. ¹⁴⁻¹⁵Ago

gug n̄aisag ilog yen dak, milaen tiap n̄ai oŋ n̄liop id sisem nug naon tupanip tin̄ijeŋ a.

Maror oŋ da amado. Turad muroud oŋsa na ilo uyan ru digane ipalu ya. Oŋ dam n̄aineg turag muroug anen anen ilo uyan ru rupidaip duloŋ a.

Jud

¹Ɔai Jud, Jesus Kristus ijanen urat pinein, Ɔai Jems tein.

AƆ ensauta a Anut igiaƆ an, Bai Anut aƆ niƆemi wo imat mok go, Jesus Kristus iƆsen aƆ kagin ipanaƆ dan, niƆemi wo Ɔai girek en aƆsam na Ɔiganeg ipalu da. ²Anut ijanen ilo muƆanek, ilo maror agod tamolpein aenta niƆedi wo amat san aƆ lo awan isap yen a.

Tamol a Anut san kagin ta diri dupani na dan sad pitininek

³Ɔai turag muroug, patu pasek e aƆ maƆ da sisem tabig tumado den san fun Ɔigire wo Ɔai yaes isofutanag da. Gug Ɔai ilog isoug gamu ru senamo Ɔigire wo da. Ilo rumok e id gun adi tabi den, Anut iƆsen saen kisaek o lian id banid lo igane yan man id ta tibileksa na wa. Fun amaiak niƆen o, idsad ilo rumok abalƆirani san niƆen wagai agane wo ru kagin ƆupanaƆ da. ⁴Man dugo, tamol aenta mianuk lo mi aƆ Kris adi luluƆam lo disadu ya. Tamol amaiak Anut wagam mok, ijanen girek lo, daoƆ panek diƆane san o ipilianai a. IƆ Anut san kagin ta diri dupani na dan, Anut san ilo muƆanek dibilisag mel naon senamo geig ilasa ya. Ijanen ilo muƆanek ipanad dan san fun man, tinid san ilo masa mi ka turi tupani wak ago dubol da. Ak niƆen o iƆ jeit kagin digane dan Anut uyan ipidinai ak ago dubol da. Agod Jesus Kristus, Tubun en iƆsen KiƆ an iƆ dumoi da.

⁵AƆ mel en aloƆ fufei la ya, Anut wagam Isrel iƆal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitinai a. AƆsem aloƆ la yak gug, kulob naok an aƆ fon mi ilom isafulale san Ɔabol da. ⁶Gubak mi eƆel sauta, ijaned urat malan te yan lo dumado san dumoi a. Anut urat an ipidinai a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a. ⁷Nek ibol Sodom iƆ Gumora da, agod taun a panu uraru girane na yan sad tamolpein, eƆel adi a jeit kagin digane na yak ago mi iƆ dam ago digane ya. Pein iƆ tamol da sad ilo masa san kagin an dibiseig, tamol iƆ tamol da sad ilo masa san kagin diri se yan lo aupasek an dam digane ya. Amaiak niƆen o Anut aupasek an naon yai pempem yen yau san lo imiriaig inanai pasik a, an man mitilaen ru kagin ipanad san igo ya.

⁸Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an niñedi wo dumoi da, agod eñel girager amad da yan patud fo uf digane da. ⁹Ak gug saen eñel gurman Maikel iñ Satan da nug dupei, enti Moses san sisanun iñane wa, iñ se pitianoï kagin lo sen yabisa o irer an lo iñsen ilon nam misilane ru lo ta yabi idu na ya, tia, iñ igo ibol, “Tubun en iñsen imisilano wa, ñai man tia ya.” ¹⁰Gug tamol an mel dugo ta duloñ na yan dumisilani da. Agod tinid san melmel a, ibol mel kasik ilod tia yak igo, iñaned ilod iduduwai dop lo duloñ dak igo, tamol nek an dal kisaek an mi lo duloñ dugo digane da. Gug melmel nek a duloñ amaiak daon ipidinaip ipitiñinai a. ¹¹Iñ kagin digane wa! Man dugo, iñ man Kein san ñien aban duri da, moni diñane san man Balaam san aupasek lo diladu ya, agod nek ibol Kora wagam Anut awan lo ipirgini tag daon tubun ak ipani a, nek ago mi tamol an dam daon naon kisaek an mi diñane wa. ¹²Añsam ilo panek san soubul lo iñ man ibol lad luon kasik ak igo ya. Kabelan an fo Kris tamolpein diñaon dop disida banau. Anut ilo sou an ta digane na dop sed ifutuwai da. Iñ nek ibol tim ifurep, timtaen isini yau dak igo woñ a, gug ui ta isi na da. Iñ ibol ai igo ya, nuñodi ifu san saen lo nuñon ta ifu na dak igo ya, ai an dam dubulani a, fun an niñen o iñ saen uraru imat a. ¹³Iñ ibol beig bururuk anda yak igo ya, iñsinaned kagin san miai an ibol beig ibalsunig sabalbal an ilasag kuai isi ak igo ya. Go iñ man ibol patui keit lo gidigidad dutor dak igo mi a. Tidom tubun aben a lo na pempem dumado san an Anut ikubune pidinai la ya.

¹⁴Enok, iñ Adam san dar lo ipalug bagen seven lo ilasa ya, iñ tamol saiadi an niñedi wo profet ru igo ibol, “Ale. Anut iñanen eñel gun ak tausen wei geig dida dupalu wa. ¹⁵Amaiak lo, iñ tamolpein fidian ru lo idiraip iñaned naon ipidinai a. Iñ tamolpein fidian a Anut san kagin ta duri dupani na dan, kagin an lo kulob saiak saiak digane na yan niñen boum ipidinai a. Agod aupasek adi a Anut san kagin ta duri dupani na dan, iñ mi lo misilane ru fidian dusue se yan lo, iñ dam naon boum ipidinai a.” ¹⁶Tamolpein an ñurñur tinadi a, iñ melmel fidian ilasa dan uyan ta dupani na da. Iñsad ilodi fidian man nek dal saian an mi duri wo digane da. Iñ sed ipitianai dan lo awad tubun mi diñiñeñ da. Agod aenta iñsad dal an duri wo ilo ñilañal ru dubol da.

Añ ilo rumok abi sakar a

¹⁷Ak gug ñai turag muroug, ru imug Jesus Kristus iñanen aposel adi dubol ilasa yan ilom isou wa. ¹⁸Iñ ago dubol dugo aloñ a, “Saen wadan lo dop, tamol dilasap kukok amam digane wa. Tamol naok an iñsad ilo masai Anut san kagin ta iri pani na da. Iñsinaned ilo masai an mi duri da.” ¹⁹Tamolpein nek amaiak iñ Kris midaeñ biatitek lo didirai da. Iñ tan en san tamolpein sad kankan mi duri dupani da. An lo Awan Urgan iñ ilod lo tia ya.

²⁰Ak man ŋai turag muroug, saen fidian aŋanem ilom bubem dabai pe, aŋanem ilo rumok gun geig an abi sakar. Agod saen fidian aŋ Awan Urgun san dabai lo agudani wa. ²¹Aŋ sem ititianaŋ o uyanan dop Anut san ilo panek ilon lo amado wa. Aŋ ago agane dop mala nouk amadop, idsad Tubun ak Jesus Kristus iŋanen ilo muŋanek iŋanep kuai te ilasap, an lo iŋiliad pe kumaen pempem yen san lo tau a. ²²Ensauta a idsad ilo rumok niŋen ilod weiwei dan ilom imuŋanai a. ²³Tamolpein aenta yai lo dumado dan, abinawai dop aŋal saltik oŋ a. Aenta iŋaned ilo masa lo ilodi nun anda yan, ilom imuŋanai dop abinawai a. Gug niŋedi wo arer dop, sem kagin ipanaŋ o uyanan a, kabelan iŋsad dal an lo au banau.

²⁴Anut aŋ ititianaŋ siŋaokan dop, au adu san tia ya. Iŋ ka aŋ iŋiliaŋ pe aup youm isa dop, muruan tiap iŋsen naon na girager an lo atur a. ²⁵Anut kisaek en mi patud ipasi san, Jesus Kristus idsad Tubun ak lo yaŋan tabisa wa. Iŋ Kiŋ girager aman da, imug imado ya. Agod dabai tubun ak aman da ya. Iŋ melmel fidian sad gurman imado da. Iŋ gubak mi imado ipalug, gamu dam mi imado da. Saen murna dop, ago mi imado yau a. Rumok.

Revelesen

Ru kagin

1 ¹Gubak mi ru en mianuk lo yen a. Ago man Jesus Kristus iñsen kuai te iganeg ilasa ya. Anut sen ru en Jesus ikubiai panig an lo iñ iñanen urat tamol adi, melmel murnap ririanan ilasa san, amaiak niñedi wo ikubiai pidinai dop duloñ a. Ago dugo Jesus ru en kuai ipani wo iñanen eñel idinig, ru en isini ipalug ñai Jon, Jesus anen urat tamol ipanag a. ²Ñai Jon, mel fidian malag ñutun lo ñile amaiak, buk en lo ñigire ya. An man Anut san ru agod ru rumok Jesus Kristus ikubiai panag a. Aria, ñai igo ñabol da, ru en man rumok a. ³Ru en man profet ru, Anut san nag ipalu ya. Talpein ta iñ ru en aenta luluñad lo isuti dan, iñ Anut san bar iñane wa. Agod tamolpein a talpein an awan duloñ go duri dupani dan dam, Anut san bar diñane wa. Man dugo, Kristus san ru nuñon ifu san saen sumeik ipalu la ya.

Jon Kris midaeñ seven sad na ru igire ya

⁴Ñai Jon, ñai ru e ñigire yen man añ Kris tamolpein nek a Kris midaeñ seven, tan Esia lo amado dan añsami a.

Anut gamu imado dak, gubak mi imado ya, agod murna dop ipalu wa. Iñ ka ilon ipanañ dop, ilo maror amado san ipanañ a. Agod ur seven Anut san kalik naon na dumado dan, iñ dam ilo panek, agod ilo maror amado san ka dupanañ a. ⁵Nek ago mi, Jesus Kristus dam, ilon ipanañ dop ilo maror amado san ka ipanañ a. Iñ Anut san ru itaot geig ibol ilasa da. Iñ mi tamol malan te geig mutou^a lo imasa ya. Agod iñ dam kiñ adi e tan na dumado den sad Tubun a.

Iñ id niñed o tubun mi imat da, agod iñanen dar lo idsad aupasek fidian mi isasi panad an lo, muruan tiag kawan tumado da. ⁶Agod iñ itumanad go iñsan kagin panek paen na tumado da. An lo man Kristus id idirad go iñsan Taman Bai san pris adi igo woñ gamu tumado da. Aria, id saen fidian lo Jesus yañan tabisap yau a. Iñ mi saen pempem melmel

^a Nitou

fidian itirnai san dabai aman da ya. Idsad per panek pempem nek ago yen yau a. Rumok.

⁷Ale. Ij keit lo timtaen titinjaem imado dugo ipalu da!

Ago dop tamolpein fidian mi inşed malad lo dile wa.

Tamolpein a gubak mi yu nam ij dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep,

an lo ilod tubun mi saian pe tinaŋ tubun mi geig digane wa.

Nek a, rumok!

⁸Anut igo ibol, “Ŋai mi imug ŋumado dak, agod ŋai mi murna ŋumado da. Ŋai gubak mi ŋumado yak, ŋai gamu ŋumado da, agod murna dop ŋupalu wa. Ŋai mi dabai fidian amag da ya.”

Jon ij Kristus ile ya

⁹Ŋai Jon, ŋai aŋanem teimi, ŋai aŋ da Jesus san warou lo tumado da, agod ŋai aŋ da tutumanig id sisem muruan da madai da tisini da. Ŋai aŋ da Kristus san kagin panek lo tumado da, agod id fidian mi tatur dabai dugo muruan tisini na ya. Ŋai Anut san ru, agod ru rumok a Jesus ikubiai panad an dam ŋabol ilasa na ya. An niŋen o ŋai dukudag go subanek tamol oŋ ŋaug, nui ta yaŋan Patmos dubol dan te ŋumado se ya. ¹⁰Ubou nal ta lo, Awan Urgun ij ŋaisag ilo sou itirni dugo, tamol ta awan dabai geig ak, nek ibol barag san lilaŋan igo woŋ, ŋai patug na iwagiŋ dugo ŋaloŋ a. ¹¹Awan an irupaiag go ago ibol, “Mel fidian e ule den man, buk lo girep, Kris midaeŋ seven an sad na ganep yau a. Oŋ ka ganep Kris midaeŋ o taun Efesus, Smerna, Pergamum, Taiataira, Sardis, Filadelfia, agod Laodisia na yau a.”

¹²Agog ŋai tamol enti ŋaisag na inŋeŋ dan ŋile wo ŋadaŋsa man, lam gol seven an dutur dugo ŋeil a. ¹³Agod ŋai tamol kisaek lam an luluaŋad lo itur dugo ŋile ya. Ij nek ibol “tamol nanun oŋ a.” Ij kulos milaen ak iganeg ŋien ibuluwi a, agod ij let gol titire na igane ilubani a. ¹⁴Gumuran roun man milkouk geig a, nek ibol sipsip fufulun oŋ, tia, timtaen milkouk ak igo woŋ a. Inşan malan man nek ibol yai ided dak ago mi a. ¹⁵Inşan ŋien man milkouk geig a, nek ibol bras yai tubun ak fo dumarig san ilalaŋ ad ided dak igo woŋ a. Ij awan ŋaloŋ ak san liliŋan man, nek ibol dog kuror ak lo you isokalik dop san liliŋan tubun geig ak igo mi a. ¹⁶Ij patui seven banin won ak ate yabi da. Agod sabiri milaen di malan uraru luon geig a, ij awan lo yen dugo ipalug ilasa da. Agod inşan naon man ilalaŋ geig a, nek ibol ad san ilalaŋ dabai ak ago mi a.

¹⁷Ŋai ij ŋile dugo ŋien fun na sumeik mi tamol imat ak igo woŋ ŋau ŋadu ya. Ak man ij banin won ak iwateg ibiag dugo irupaiag, “Oŋ ta urer na wa. Ŋai malan te geig ŋumado dak, agod murna geig ŋumado da. ¹⁸Agod ŋai tamol kumaen san ŋumado da. Gubak mi ŋai ŋamat la ya, ak

gug ule, gamu ʒai kumaen pempem ʒumado da. ʒai mater ʒan ki agod tamol dumat la yak sad abedi ʒan ki dam ʒabi da.

¹⁹“Ago yak ni ʒen o o ʒ melmel e ule den, nek melmel gamu e yen den, agod melmel murnap dilasa wak dam, buk lo gire idu wa. ²⁰O ʒ gubak mi patui seven an banig won ak ate dien dugo wil la ya, agod lam gol seven an dam mi a. En man i ʒ mel mianuk a, agod fun man igo ya: patui seven an man, Kris midae ʒ seven amaiak sad e ʒel adi, agod lam seven an man Kris midae ʒ seven amaiak i ʒ sedi a.

Ru Efesus Kris midae ʒ sad na yau a

2 ¹“O ʒ ru ta girep taun Efesus na Kris midae ʒ sad e ʒel malan te yan ʒan na yau a. Ru man igo ya.

Tamol enti patui seven banin won ak ate yabig, lam gol seven lulu ʒad lo ture ʒ yabi dan, ru en a ʒsam na igane ʒ ipalu da. ²A ʒ Kris midae ʒ, ʒai a ʒanem kulob fidian, a ʒanem urat dabai ak, agod muruan lo atur sakar na yan ʒalo ʒ la ya. ʒai ʒalo ʒ ak, tamol saiadi ak ni ʒedi wo ayalis da, agod tamol ensauta a i ʒsed aposel ago dubol dak gug i ʒ aposel tia yan, bitinaek lo adiraig an lo i ʒ kuai te dilasa man i ʒ sewak tamol adi mi a. ³A ʒ muruan tubun mi dupana ʒ bo man atur dabai dugo, ʒai yan ʒ ni ʒen o madai wei mi asini na ya, agod an lo dam a ʒ ta ayalis na ya.

⁴Ak gug ʒai a ʒ ni ʒemi wo ru igo yak amag da ya, saen a ʒ imug ilom rumok an lo a ʒ ʒai o tubun mi amat se ya, ak gug gamu saen en lo man ʒai o tubun mi ta amat na da. ⁵A ʒ au adu geig an ni ʒen o ilom isou wa. A ʒ gidad ilom ibilisa wa, agod kagin naok imug mi agane se yan ago mi fon agane wa. Ak gug a ʒ ago ta agane na dop man, ʒai a ʒsam na ʒupalup, lam a i ʒanen aben ate itur dan ʒupasip ʒabal yau a. ⁶Ak man a ʒ kagin uyan ak kisaek amam da ya. A ʒ tamolpein warou a yan ʒad Nikolaitan dubol dan sad kagin ni ʒen o ilom tubun mi saian da, an lo a ʒ ʒai da i ʒaned kagin an ni ʒen o ilod kisaek a.

⁷Aria, talpein enti kududon da dop man, i ʒ gidad Awan Ur ru e Kris midae ʒ irupidai den ilon ʒ uyanan a. Talpein enti yu igane itout dop, ʒai dabai ʒpanip an lo, kumaen ʒan ai ate ana ʒ i ʒanep yani wa. Ai an Anut ʒan abi yan ʒan Paradais dubol dan, ante isa da.

Ru Smerna Kris midae ʒ sad na yau a

⁸“O ʒ ru ta girep taun Smerna na Kris midae ʒ sad e ʒel malan te yan ʒan na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug gamu kumaen imado dan, ru en a ʒsam na igane ʒ ipalu da. ⁹ʒai a ʒsam na muruan di, madai dam ilasa yan ʒalo ʒ a. Agod ʒai ʒalo ʒ ak man, a ʒ filiam tiag amado da. Ago bo man a ʒ filiam amam da geig a. Taida mi, tamol aenta dam a ʒ ni ʒem o uf ru dubol dan ʒalo ʒ

a. Tamol an ij Juda sadi ak ago dubol da, ak gug ij Juda sad tia geig a. Ij Satan san midaeņ mi a. ¹⁰Saen kitekan dap an muruan asini wa, ak gug an niņen o an gidad ilom ta irer na wa. Ijai ĵurupaiaņ da, Satan ago igane dop, ij tamol aenta an lulunjam lo subanek lo idirai a, ago dop an lo an ikubianaņ a. Saen an lo dop an nal 10 muruan ij madai da asini wa. Gidad oņ dufuno umat a, oņane ilo rumok ĵai lo yan wabi dabai dop yaup umat a. Ago dop man, kumaen pempem mi mado san kob ĵupano wa.

¹¹Aria, talpein enti kududon da dop man, ij gidad Awan Ur ru e Kris midaeņ irupidai den iloņ uyanan a. Talpein enti yu igane itout pe, ij mateņ murnai an iriņani dop madai an ta ile na wa.

Ru Pergamum Kris midaeņ sad na yau a

¹²“Oņ ru ta girep taun Pergamum na Kris midaeņ sad eņel malan te yan san na yau a. Ru man igo ya.

Tamol enti sabiri milaeņ di malan uraru luon geig ak yabi dan, ru en aņsam na iganeg ipalu da. ¹³Ijai aben a an amado dan ĵaloņ uyanan a. Satan san kalik ante yen da. Ak gug an ĵaisag yaņag abi dabai da, agod an ĵai niņeg o ilom lo rumok a, aņsam ilo rumok an tamolpein naod na ta atos na ya. Tamol Antipas amaiak ĵaisag a, aņsam panu nek a Satan imado dak ate iņanen ilo rumok ĵai o ibol ilasag niņen o dufunig imat a. Ak gug saen an lo dam an ĵai patum ta apanag na ya.

¹⁴Ak man ĵai an niņemi wo ru aenta amag da ya. An Pergamum na amado dan lulunjam lo, tamolpein aenta ij tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya. ¹⁵Nek ago mi, tamolpein naok ago yak ta an lulunjam lo dumado da, ij warou a Nikolaitan dubol dan sad piteņanek duri dupani da. ¹⁶Ago yak niņen o an ilom ibilisa wa. Tia dop, ĵai gugurut nam aņsam na ĵupalup, sabiri e awag lo yen den, ate tamolpein an ĵafu wa.

¹⁷Aria, talpein enti kududon da dop man, ij gidad Awan Ur ru e Kris midaeņ irupidai den iloņ uyanan a. Talpein enti yu igane itout dop, ĵai mana a mianuk lo yen dan kitek ij ĵupanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod ĵai pat milkouk ak ta dam ĵupani wa. Ijai pat ante yaņak foun ak ta ĵigire wa, ak man yaņak an tamol sen ak ta fun iloņ san tia ya. Tia, talpein a pat iņane dan mi yaņak an fun ka iloņ a.

Ru Taiataira Kris midaeņ sad na yau a

¹⁸“Oņ ru ta girep taun Taiataira na Kris midaeņ sad eņel malan te yan san na yau a. Ru man igo ya.

Ru en man Anut Nanun an̄sam na iganeg ipalu da. In̄ malan ided dak yai balen igo woŋ a, agod n̄ien dam ided da, nek ibol bras dusosisi uyanan ak igo woŋ a. ¹⁹Kulob fidian an̄ agane dan, n̄jai n̄jalon̄ la ya. N̄jai n̄jalon̄ ak, an̄ tamolpein niŋedi wo tubun mi amat da. Agod an̄ n̄jai niŋeg o ilom lo rumok da. An̄ urat naon sensen ak lo aenta abinawai o agane da. An̄ bo muruan wei mi an̄ lo ilasa dugo atur dabai da. Agod n̄jai n̄jalon̄ ak, kulob e gamu agane den, kulob a imug mi agane se yan irin̄jani a.

²⁰Ak man an̄ niŋemi wo n̄jai ru ta amag da ya. An̄ pein Jesebel alefuni dugo in̄ an̄ da amado da. Pein an̄ in̄ profet ak ibol da. An lo in̄ n̄jaineg Kris tamol adi irawai dugo jeit kagin lo diau dudu da. Taida mi, in̄ mudan a tamol aenta tubud sewak adi yai digane pidinai dan ka diani wo maŋau ipiteŋanai da. ²¹In̄ ilon̄ ibilisa wo n̄jai ilog yen da, amaiak niŋen o saen subuŋan taidam n̄upani a. Ak gug ilon̄ ibilisap jeit kagin ibisei wo man imoi a. ²²An niŋen o n̄jai pein an̄ subam lo n̄jiganep, madaï tubun ak in̄jane wa. Ago dop tamol adi dida jeit digane na yan, pein an̄ san kagin saiak ta dibiseip ilod ta ibilisa na tap, an niŋen o n̄jai muruan tubun ak, agod madaï tubun mi n̄upidinai a. ²³Agod pein an̄ in̄janen warou adi dam n̄afup dumat a. Ago dop an lo Kris midaeŋ fidian duloŋ ak, n̄jai man tamol ema ya: n̄jai an̄ ilom ilon lo, agod an̄anem kankan lo dam n̄jukubianip an̄anem bunun mok mi n̄jile uyanan a. An niŋen o kulob dugo agane dan in̄san naon n̄jai an̄ kisaek kisaek n̄upanan̄ a. ²⁴Ak gug gamu an̄ tamolpein aenta, Taiataira san Kris midaeŋ lo amado dan, pein an̄ san piteŋanek ta ari apani na dugo, Satan san melmel imianuk geig go yen dan dam ta aloŋ na dan, an̄sam na ru en n̄jabol ilasa da. An̄ muruan subuŋan taidam asini wo n̄jai ta n̄jududuwaŋ na wa. ²⁵An̄ melmel fidian nek a abi dan, gidad abi dabai dop na wa. Ago mi agane dop yaup saen n̄jai n̄jamul n̄jupalu san ilasa wa.

²⁶⁻²⁷Talpein enti yu igane itout dop n̄jaisag ilobol mi iri ipani dop yaup saen wadan idu wan, n̄jai igo n̄jurupei da. Bai wagen lo dabai n̄jiganeg, an lo tamolpein n̄jitrnai ak ago mi, talpein an̄ n̄jai dabai n̄jupanip an lo in̄ dam tan en san tamolpein itirnai a. Anut san ru ago ibol,

‘In̄ itirnai dabai dop kiŋ san makud ain nam ifu irubai a,
nek ibol tamol bod igufutep kilaken kitiktik ilasa dak igo woŋ ago
igane wa.’

²⁸Agod n̄jai patui tidom lom mi mok ilasa dan n̄upani wa. ²⁹Aria, talpein enti kududon da dop man, in̄ gidad Awan Ur ru e Kris midaeŋ irupidai den ilon̄ uyanan a.

Ru Sardis Kris midaeŋ sad na yau a

3 ¹“On̄ ru ta girep taun Sardis na Kris midaeŋ sad eŋel malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en an̄sam na iganeg ipalu da. N̄jai an̄ kulob fidian agane dan

ηαλοη la ya. Tamolpein aη niηemi wo igo dubol da, ‘midaeη en malad kumaen dumado da,’ ak gug aη amat pasik a. ²Aη gidad kumaemi amasa dop lo aηanem kulob kisaek kisaek dumat o sumeik dan dabai apidina i a. Man dugo, aηanem kulob fidian ηukubianig ηile la ya, an niηen o kulob amaiak ηaisag Anut malan lo ta itaot na yak ago kuai ηupani a. ³Amaiak niηen o ru a gubak mi aloη dugo aηane yan, ilom isou wa. An ari apani dop ilom ibilisa wa. Aη ηioη mi abi dop ta amasa na tap, ηai gumagam tamol igo woη aηsam na ηupalu kisaek oη a, ak gug saen dugon te ηai ηupalu san man aη ta aloη na wa. ⁴Ak man aηanem midaeη Sardis na yan luluηad lo tamolpein kisaek kisaek iηaned kulos nun ta dupani na ya. Tamolpein an iη kulos milkouk ak didirip ηai dida mator a, man dugo, iη ago digane san man idaisuda ya.

⁵Talpein enti yu igane itout dop, iη dam ago mi kulos milkouk ak igane wa, agod ηai kumaen san buk lo yaηan ta ηusuas na wa. Tia, ηaisag Bai naon na talpein an yaηan ηabol ilasa wa, agod iηsan eηel adi naod na dam yaηan ηupate wa. ⁶Aria, talpein enti kududon da dop man, iη gidad Awan Ur ru e Kris midaeη irupidai den iloη uyanan a.

Ru Filadelfia Kris midaeη sad na yau a

⁷“Oη ru ta girep taun Filadelfia na Kris midaeη sad eηel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en aηsam na iganeg ipalu da. Iη Dawid san ki yabi da, an niηen o dalawan dugon ipasi man, talpein ta ifutani san tia ya, agod dalawan a ifutani dan dam talpein ta ipasi san tia geig a. ⁸ηai kulob fidian a aη agane dan ηαλοη la ya. An niηen o ale, dalawan ta aη naom na ηai ηupasig ikasap go yen da, amaiak tamol ta ifutani san tia ya. Ak man ηai ηαλοη ak igo ya. Aηanem dabai man tusan a, ago bo man aη ηaisag ru ari apani na ya, agod aη tamolpein naod na ηai yaηag ta atot na ya. ⁹Tamolpein a Satan san warou lo dilasa yan, iη Juda sad warou lo yak dubol da, ak gug an rumok tia ya, iη sewak tamol adi. ηai tamolpein an ηiririaip aηsam na dupalu dop ηiem fun na turud dusoluwi wa. Agop ηai iη ηusodudunaip iηsiganed awad lo, ηai aη niηemi wo tubun mi ηamat ak ago dubol a. ¹⁰Gubak mi ηai ru en ηurupaiaη a, aη muruan fidian lo atur dabai a. Aη ru an ari apani na ya, an niηen o ηai aη ηubargiranaη a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo ηai kagin ηupanaη dop muruan an iriηanaη a.

¹¹Saen ηai tan na ηamul ηupalu wan ipalu sumeik la ya. Melmel fidian aη abi dan man, gidad abi dabaip yen a. Kabelan talpein ta aηanem urat naon igam banau. ¹²Talpein enti yu igane itout dop, ηaisag Anut san ubou ab lo iη bag tamol igo woη ηuguni wa. Ago dop iη Anut san ubou ab ibiseip kuai te ta ilasa na wa. Tia geig a. Agod ηai ηaisag Anut san

yanjak inj tinin fo ngigire wa. Agod n̄aisag Anut san taun tubun ak man, Jerusalem foun a, amaiak san yanjan dam, agod n̄aisag yanag foun ak dam, inj tinin fo ngigire wa. ¹³Aria, talpein enti kududon da dop man, inj gidad Awan Ur ru e Kris midaeŋ irupidai den ilonj uyanan a.

Ru Laodisia Kris midaeŋ sad na yau a

¹⁴“Onj ru ta girep taun Laodisia na Kris midaeŋ sad eŋel malan te yan san na yau a. Ru man igo ya.

Tamol enti yanjan ‘Rumok’ dubol dan ru en aŋsam na iganeg ipalu da. Inj mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yanjan ‘Rumok’ dubol dan mi sad Tirnek Tamol imado da. ¹⁵Aŋ kagin fidian a agane dan n̄ai n̄aloŋ la ya. Aŋ ta bubarum na dak, agod aŋ ta wananan na da. N̄aisag ilog yen dak man, aŋ wananan amado wa, tia dop, aŋ bubarum mok amado wa. ¹⁶Ak gug aŋ wananan geig tia ya, agod aŋ bubarum mok dam tia ya. Aŋ wananan tusan mi a. Ago yak niŋen o awag lo n̄ai aŋ n̄ugulanaŋ o da. ¹⁷Man dugo, aŋ igo abol da, maŋ moni wei mi, agod biouŋ naok fidian dam amam da ya, an lo mel ta lo katuk am man tia ya. Gug n̄aisag leil lo man, aŋ saiami geig a, tamol fidian aŋ niŋemi wo ilod ka imuŋanaŋ a, aŋ filiam tia ya, agod malam itau di taem kawan amado dan, aŋ an fidian ta ale aloŋ na ya. ¹⁸Amaiak niŋen o n̄ai kankan emaiak n̄upanaŋ o da. Aŋ n̄aisag na apalup melmel ibunawaŋ san ka adad a. Aŋ gol yai lo dumarig itaotan ilasa yan adad dop man, aŋ filiam mok amam da wa. Agod aŋ kulos milkouk ak tinim atuani san adad dop man, tamol adi aŋ taem kawan amado dan ta dile na wa, an lo miai ta ifunaŋ na wa. Taida mi, aŋ marasin malam te abubuni san adad dop man, abaŋ ka ale wa.

¹⁹Tamolpein a n̄ai ilog n̄upidinai dan man, n̄ai ru lo kududod n̄abip bu dam n̄upidinaip lo inaned kagin naok naok n̄ukubune wa. Amaiak niŋen o aŋ ilom ibilisa dop n̄aisag dal ari apani san niŋen o dabai agane wa. ²⁰Aloŋ ak, n̄ai dalawan te n̄atur dugo n̄uwagiŋ da. Ago dop talpein ta n̄ai awag ilonj pe dalawan ipasi tap, n̄ai n̄iladup inj da mumado wa. Ante n̄ai inj da anaŋ mani wa.

²¹Talpein enti yu igane itout dop, n̄ai inj dabai n̄upanip an lo inj n̄ai da n̄aisag kalik fo mumasip mumado wa; nek ibol gubak mi n̄ai dam yu n̄igane itout go, Bai san kalik fo n̄umasig inj da mumado yak ago mi a. ²²Aria, talpein enti kududon da dop man, inj gidad Awan Ur ru e Kris midaeŋ irupidai den ilonj uyanan a.”

Kumaen panu lo Sipsip Nanun san ubou leil

4 ¹Murnag n̄ai malag yau man, kumaen panu na dalawan ta ikasap lag yen dugo n̄ile ya. Ago man tamol en gubak mi, barag igo woŋ awan tubun mi ibob dugo n̄aloŋ man, gamu igo ibol da, “Onj ente palup

sida dop man, ηai melmel murnap ilasa san ηukubiaip ule wa.”² Agod Awan Urgun tuon aman da ηaisag na ilasag malag ηtun ile kisaek oη a. Malag yaug kumaen panu na kiη san kalik ta itur dugo ηile yan fufo, Tamol ta imasig imado dugo ηile ya.³ Tamol en iηsan rafulei man kadabog a, nek ibol pat ta yaηan jasper dubol dan, agod san daran ak dam nek ibol pat ta yaηan konilian dubol dak igo woη a. Galbaob kisaek kiη san kalik ilubanig, iηsan rafulei man mum^b mok, nek ibol pat a yaηan emeral dubol dan igo woη ηile ya.⁴ Kiη san kalik fun te kalik aenta 24 dutur dulubani a. Matu gurman adi nuηod 24 kalik an fufo dumasig dumado da. Matu gurman adi an man iη kulos milkouk milmilae ak didiri dugo, kitikat gol lilit aman da yak kabuηad fo didirig dumado da.⁵ Kiη san kalik fo na weil irafule dugo ηile ya, agod liliηan funfun dilasa dugo weil tubun mi iliηan dugo ηaloη a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya.⁶ Agod kalik an naon na man, mel ta ηaisag leil lo nek ibol beig galas igo woη, agod you malin malan siηaokan ak igo woη a.

Agod dugo melmel iwoiwo kumaedi dumado dan, iη kiη san kalik dulubanig dutur da. Iη kalik a sukurun iwoiwo yan da dusatuanig dutur dugo kalik disasuηani da. Iηsad maladi man wei mi geig, naod na patud na tinid fidian iηanefute ya.⁷ Mel malan te kumaen imado dan man nek laion oη a. Mel taida mi kumaen imado dan man, makau tamol ak oη a. An tinin te taidam, kumaen imado dan man naon nek tamol oη a. Agod mel a murna geig kumaen imado dan man, bog ta irou dak igo woη a.⁸ Melmel iwoiwo e kumaed dumado den, iη anen anen subarid 6 amad da ya. Agod maladi man wei mi geig, tinid ibuluwi yaug, subarid paen na dam yen da. Agod dugo iη ad tidom bar en pempem igo diabi da.

“Tubud Anut iη dabai fidian aman da ya,
iη gun di gun agod gun geig a.

Iη gubak mi imado yak, gamu imado da, murna dop man ipalu wa.” Iη yaes bilabal amad tia ru en dubol da.⁹ Melmel e kumaed dumado den, Tamol a kiη san kalik fufo imasig kumaen pempem imado dan niηen o, saen pempem mi uyasusai digane da. An lo na yaηan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da.¹⁰ Saen ago digane dan lo, matu gurman nuηod 24 yan, iη Tamol e kiη san kalik fo imado den naon na turud dusoluwi da. Agog iη Tamol nek a pempem mi kumaen imado dan iη ubou an dile da. Ago dugo iηsiganed kitikat gol aman da yan dupasi dugo, kiη san kalik naon na sumeik mi diabibol idu dugo, bar igo diabi da.

¹¹ “Tubun ak, oη maηsama Anut, oη girager ama da yak, oη yaηa lak na geig ak, agod oη dabai ama da ya.

^b Grin

An lo tamolpein kagin amaiak niŋen o per dupano wa, agod iŋ ago digane san man oŋ idaisuda mok a.
 Man ata wo? Oŋ mel fidian oŋsigane uloŋ ak lo gane ya,
 an lo mel fidian ganeg dilasa yan gamu oŋ tuo lo mi dien da.”

Buk dufutani ak Sipsip Nanun awan ipasi a

5 ¹Tamol en kiŋ san kalik fo imasig imado dugo, tuon won ak ate buk ta yabi dugo ŋile ya. Buk en man nek ibol pepa milmilae ak dubuleg dufou yak igo woŋ a. Pepa an man girek naon ananae mi dien da. Pepa an dulumu yaug titin seven an lo, kendel san gureŋ nam dufou dababai dugo kendel san gureŋ seven an fidian mi tinid fo na kob ta digane ya. ²Ago man ŋai eŋel ta dabai aman da geig ak, awan tubun mi igo isasaig iwagiŋ dugo ŋile ya. “Tamol idaisuda yak enti, iŋ kendel san gureŋ e lo buk dufoug yen den ka ifulalep ipasi wak i?” ³Ak gug tamol ta iŋ ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate abaŋ an diabi se yak gug tamol ta idaisuda yak dile man tia ya. ⁴Saen tamol ta iŋ buk en awan ipasip, ilon lo ru isuti san dile man tia dugo ŋai ŋile man, tinaŋ tubun mi ŋigane da. ⁵Agog matu gurman ta igo irupaiag a, “Oŋ ta tata na wa. Ule, Laion e Juda san dar lo ilasag yen den man, kiŋ Dawid san tubun muroun sad kubuladi, iŋ yu igane itout dugo iŋsan ager adi ibiai dudu ya. Ago yak niŋen o iŋ ka kendel san gureŋ seven a ate buk dufutani an ipasip ifulale wa.”

⁶Agog ŋai Sipsip Nanun ta itur dugo ŋile ya. Iŋsan leil man dufunig imat ak igo woŋ a. Iŋ kiŋ san kalik titiŋaem itur dugo, mel iwoiwo a kumaed dumado dan, agod matu gurman adi dulubanig dutur se ya. Iŋsan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a. ⁷Aria, Sipsip Nanun yaug Tamol a kiŋ san kalik fo imado dan banin won ak ate buk iŋane ya. ⁸Saen buk an iŋane man, mel iwoiwo kumaedi dumado dan, agod matu gurman adi nuŋod 24 an dam, Sipsip Nanun ŋien fun na diau dudu ya. Matu gurman adi anen anen iŋ mel ta gita igo woŋ,^c agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudane k amaiak touad yabi a. ⁹Iŋ bar foun ak ta igo diabi da,

“Oŋ buk ŋanep kendel san gureŋ ate buk dufutanig dufou yan fidian oŋ pasi san uloŋ a.

Oŋ ago gane san man idaisuda geig a.

Ata wo, iŋ oŋ dufuno umat dugo,

oŋane dar lo tamolpein Anut tuon lo dirai san udad a.

^c Harp

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan oŋ udad uŋal a.

¹⁰ Oŋ iŋ tumanaig an lo Anut san kagin panek an paen na dumado da, ago dugo iŋ dam Anut san pris adi dilasa ya.

Agod iŋ tan na kiŋ igo woŋ dumadop tamolpein ante dumado dan ditirnai a.”

¹¹ Agog ŋai malag yaug eŋel wei geig ŋeil dugo sad awad ŋaloŋ a. Inŋsad sutek man milion milion geig agod tausen tausen geig a. Iŋ mel kumaedi dumado dak, matu gurman adi, agod kiŋ san kalik dam dulubanig dutur se ya. ¹² Iŋ awad tubun mi bar igo diabi se ya,

“Sipsip Nanun e dufuni imat en,

iŋ dabai, filian, maŋau, tuon dabai ak, yaŋan lak na geig ak, girager agod per dam,

amaiak fidian iŋane san idaisuda mok a.”

¹³ Ago man ŋai melmel fidian Anut igane yak sad ru ŋaloŋ a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo ŋai ŋaloŋ a.

“Tamol e inŋsinan kiŋ san kalik fo imado den, agod Sipsip Nanun dam,

iŋ sisem per panek, yaŋak lak na yak, girager, agod tuon dabai ak da nek ago mi pempem mi diŋane wa.”

¹⁴ An lo mel nuŋod iwoiwo kumaedi dumado dan, igo dubol, “Rumok!” Ago dugo matu gurman adi turud dusoluwig, urarum naod na ubou dile se ya.

Sipsip Nanun kendel gureŋ buk dufutani an yafuteg ipasi a

6 ¹ ŋai leil ŋiganeg Sipsip Nanun iŋ kendel gureŋ malan te yak yafute dugo ŋile ya. Agog mel iwoiwo kumaedi dumado dan, lulunad lo kisaek iŋ ru ta ibol a. Inŋsan kulagun man weil iliŋan oŋ da, iŋ igo ibol, “Palu!” ² An lo ŋai malag yau man, tamol ta iŋ hos milkouk ak fufo imasig fui yabi dugo ŋile ya. Iŋ tamol yu iganeg itout ak san kitikat kisaek dupani a. Iŋ man tamol yu igane itout ak igo woŋ a, aria, tan na ilasag yu iganep itout san niŋen o yau dugo ŋile ya.

³ Saen Sipsip Nanun kendel gureŋ tinin te buk dufutani an yafute man, ŋai mel a tinin te kumaen imado dan igo ibol dugo ŋaloŋ a, “Palu!”

⁴ Agog hos sen ta ilasa yak man daran a, nek ibol yai balen tubun ak igo woŋ a. Tamol a fufo na imado dan dabai dupani a. Dabai an man, tamolpein tan en san iŋaned maror nugnug lo yan ipasi yau san, an lo tamolpein dumasap nugnug lo yu digane dop lo mateŋ dile wa. An niŋen o sabiri tubun ak ta dupani a.

⁵Saen Sipsip Nanun kendel gurej utol buk dufutani an ipasi man, ηai mel a tinin te kumaen imado dan igo ibol, dugo ηaloη a, “Palu!” Ante ηai malag yau man, hos bilkas ak kisaek ilasa dugo ηile ya. Tamol a fufo na imado dan iη skel^d kisaek tuon lo yabi se ya. ⁶Ago man ηai mel iwoiwo a kumaed dumado dan, luluηad lo liliηan ta nek ibol tamol awan lo ru ibol dak igo woη ηaloη a. An lo man awak en igo ibol, “Oη waup anaη kiskisaek daoη pidinai a. Ago dop tamol ta nal kisaek urat igane yan san naon iηanep ate wit bod nanun ak kisaek ka idad a, tia dop, bali bod kititik utol mi ka idad a. Ak man oη ai oliv agod ai wain da daoη ta pidinai na wa, an lo dop ai uraru an gurej lo ta katuk amadi na wa.”

⁷Saen Sipsip Nanun kendel gurej iwoiwo san buk awan dufutani an ipasi man, ηai mel utol an tinin te kumaen imado dan igo ibol dugo ηaloη a, “Palu!” ⁸ηai foun mi malag yau man, hos tinin matej san kitek milkouk ak ta ilasa dugo ηile ya. Tamol a fufo na imado dan iηsan yaηan Matej, agod aben a yaηan Ades dubol dan lo tamolpein dumat la yak dumado dan man, Matej patun fo iri ipalu se ya. Nuηod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag^e lo, subam naon funfun lo, sabiri nam tamolpein dufup dumat a, ago mi tan san bor goun kasik ak dam dufu dumat a.

⁹Saen Sipsip Nanun kendel gurej kafenda ipasi man, ηai tamolpein dumat ak ηtudi alta paen na dumado dugo ηeil a. Gubak mi tamolpein nek an man, iη Anut san ru diabi dabai dugo iηsan ru itaot dubol ilasa na ya, an niηen o ager adi tuod lo matej dile na ya. ¹⁰Tamolpein ηtudi an awad tubun mi igo duwagiη se ya, “O Tubun en, oη Dababai a, oη gun di rumok a. Saen sapta yau dop man, oη tamolpein tan na dumado den kubianaip iηaned ai wadan niηen o ilo sou gane wak i? Maη iloma igo yen da, iη dufunama mamat san naon oη ririan ka pidinai a.” ¹¹An niηen o kulos milmilae milkouk ak, tamolpein kiskisaek dupidinai dugo, ru igo durupidai a. “Aη gidad yaes kitek abal gup, murna dop man ager adi aηanem urat kisaek adi Kristus ηien aban duri dan dufup dumat a, nek ibol aηsem dufunaη ak igo mi a. Aria, Anut tamolpein sapta matej dile san kob ipidinai la ya. An lo matej diηane yaup iηaned sutek san kob idaisuda wa, ago dop Anut aηanem ager adi yu digane yan naon ipidinai a.”

¹²Agog Sipsip Nanun kendel gurej siks an ipasi dugo ηile ya. ηai malag yau man, kanaurig tubun geig ak dam tan na ilasa dugo ηile ya. An lo man ad bilkas, nek ibol tidom tubun ilasa woη a. Kalam dam nek ibol dar igo woη daran geig ilasa ya. ¹³Agod keit san patui man, nek ibol tim tubun ak ifure dop gurab nuηon ta iluboη na yak ikuparip tan na

^d Ru en man, muruan ibitinae san. ^e Futol

dudu dak igo woŋ, nek ago mi patui an tan na dudu ya. ¹⁴O lak na keit dam yau itout a, nek ibol taweg dulumi yaug dufou ak oŋ a. An lo na did dam nui dam dusuk diaug iŋsiganed abed dibiseig aben sensen lo diau a.

¹⁵An lo man tan san kiŋ adi agod tamol yaŋad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tutubun a did lo yan patud fo dimianuk dugo, aenta pat guburan lo dimianuk a. ¹⁶Agog iŋ disasai dugo did iŋ pat da digiaig igo dubol, “Aŋ gidad adup maŋ atuanama dop, Tamol e iŋsinan kiŋ san kalik fo imado den, maŋ mile san niŋen o abtuanama wa, man dugo, iŋanen naon mile wo tubun mi marer da. Agod Sipsip Nanun maŋ niŋema wo tiŋaen imumari da, amaiak maŋ sijirema na ta ilasa san niŋen o adup atuanama wa. ¹⁷Enta wo? Nuŋod uraru en sad nal tubun ak ilasa la ya, nal an lo man iŋaned tiŋae mumarek tamolpein ifu wa. Amaiak niŋen o enti iŋ uraru an sad dabai yabiani dop imado uyan ak i? Tan en lo talpein man tia geig a!”

Isrel tamolpein 144 tausen kob diŋane ya

7 ¹Mel en fidian itout dugo, ŋai eŋel iwoiwo tan titin iwoiwo ante dutur dan ŋeil a. Iŋ tan titin iwoiwo yan san tim diabituani se yan lo tim ta ifure na ya. Tim an tan na, beig lo, agod ai fidian ta iwi na ya. ²Ago man ad ilasa san baŋen lo eŋel ta ilasag ipalu dugo ŋile ya. Iŋ banin lo tuod^f ta kiŋ san kob aman da yak yabi se ya, an lo mel kob igane san man, Anut a pempem kumaen imado dan iŋsan mi a. Eŋel iwoiwo yan gubak mi Anut dabai ipidinaig, an lo murnap iŋ tan beig da ka dupitiŋinai a. Aria, eŋel a imug ŋile yan awan tubun mi lo eŋel iwoiwo yan igiai a. ³Iŋ igo ibol, “Aŋ tan, beig, agod ai da, gugurut nam muruan ta apidinai na wa. Tia, maŋ idsad Anut san kob, iŋsan urat tamol adi naod kapen fo migane gup, melmel an malad ka asue wa.” ⁴Agog tamolpein sapta kob a diŋane yan dubol dugo ŋai ŋaloŋ a. Sutek an man tamolpein 144 tausen, sisem kob an diŋane ya, tamolpein an Isrel san gugoi anen anen lulujad lo dilasa ya.

⁵Juda san gugoi lo 12 tausen kob diŋane ya.

Ruben san gugoi lo 12 tausen,
Gad san dam 12 tausen.

⁶Ago mi urig 12 tausen ta Aser san gugoi,
12 tausen ta Naftali san gugoi,
12 tausen ta Manase san gugoi lo ya.

⁷Nek ago mi 12 tausen ta Simion san gugoi,
12 tausen ta Lewai san gugoi,

^f Kiŋ san mitilaen ai fo dusuwari ak

12 tausen ta Isakar san gugoi lo ya.
 8 Nek ago mi 12 tausen ta Sebulon san gugoi,
 12 tausen ta Josef san gugoi,
 12 tausen ta Benjamin san gugoi lo ya.
 Tamolpein en ij Anut san kob dijanane ya.

Tumanek tubun ak lo tamolpein kulos milkouk ak didiri da

9 An itout dugug najai malag yau man, tumanek tubun mi geig kinj san kalik, agod Sipsip Nanun dam, naod na ditilianig dutur se yan nejil a. An lo man talpein ta isutai san ta ilonj na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. Ij kulos milkouk milmilae ak didiri dugo, banid lo man pator roun duburou se ya. 10 Ij awad dabai geig igo duwaginj se ya,

“Idsad patu pasek an man, Anut a ijanen kalik fo imado dan,
 agod Sipsip Nanun dam, ij nuḡod urarum patu pasek an san fun
 mok a.”

11 Ago dugo enjel fidian man, kinj san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya. 12 Ij igo dubol,

“Rumok geig, per, girager,
 maḡau, ilo uyan panek, yanak tubun,
 dabai tubun, agod tuon dabai geig ak dam,
 an fidian pempem mi man Anut san mi a. Rumok!”

13 Agog gurman ta tamol gurman adi lulunjad lo yak najai igo isumianag a, “Tamolpein nek a kulos milmilae milkouk ak didiri an, en sauta yak i? Ij aben dugon te dupalug yak i?”

14 Ago man najai ru naon nḡurupeig ḡabol, “Tamol tubu, onj mi ulonj a.” Agog ij igo irupaiaig a, “Tamolpein en man muruan tubun ak madai da lo, Anut irapasaig kuai te dilasa ya. Ij gubak mi Sipsip Nanun san dar lo ijaned kulos dufulanig, kulos an milkouk geig ilasa ya. 15 Amaiak ninjen o,
 “Ij Anut san kalik naon na dutur da.

Ad tidom inḡsan ubou ab lo dumado dugo, Anut o biabi digane da.
 Tamol a ijanen kalik fo imado dan, ij dida sumeikan dumado dop
 dumui igo woḡ ibalfutanai a.

16 Ij fon kadag ta ibiai na wa,
 agod ij kulagud ta igos na wa.

Ad dam tinid ta inani na wak,
 mel ta tinid iganep wananan geig san tia ya.

17 Ata wo, Sipsip Nanun ij kinj san kalik titiḡae mi imado dan, inḡsad titianek tamol imado wa.

Ij kumaen san you ibanai dan san aben ate diau san ninjen o ulum
 ad yabi wa.

Agod Anut iñsen mi iñaned malad turon fidian mi isasi dop tinan fon digane san tia ya.”

Sipsip Nanun kendel gureñ seven an ipasi a

8 ¹Saen Sipsip Nanun kendel gureñ seven a buk dufutani an ipasi yau man, kumaen panu lo mel ta liliñan igane san tia yak, agod ru taidam ilasa san tia ya. Ago mi yaug auwa wadan mi igo woñ a.

²An itout go ñai eñel seven e Anut naon na pempem dutur den ñeil a, ago dugo barag seven dupidinai a. ³Agog eñel sen ta ipalug alta fun na itur a. Iñ paura san daeg gol yakas mumalun uyan geig igane ilasa dak yabi a. An lo man iñ paura naok an wei mi geig dupani dop, iñ ate Anut san tamolpein fidian sad gadiñ da itumani wa. Ante Anut san kalik naon na yai niganag san alta gol itur dak ate Anut yai digane dupani wa. ⁴Aria, yakas an iñsan mumalun uyan ak iñ Anut san tamolpein sad gudanek da itumanig, eñel e Anut naon na itur den, banin ibiseig lak na yau a. ⁵Ago man eñel an alta san yai iñaneg, daeg an lo ikulmaek go inawai a. Agog iñ daeg an tan na ibildu ya. An lo man, saen wei mi keit iliñan se yak, liliñan funfun dilasa se yak, weil irafule dugo kanaurig dam ilasa ya.

Barag seven eñel adi duwi a

⁶Agog eñel seven a barag seven duburou dan, iñ barag an duwi wo sed ikubianaig mala nouk dumado se ya.

⁷Agog eñel malan te yak iñsan barag iwi dugo ui ais agod yai iñ dar da dilasag eñel an iburoug tan na isuwaraig dudu ya. Aria, tan en ai fidian da itarpaleg malan utol dilasag, luluñad lo malan kisaek muruan ipani wa. Ui ais agod yai dar anda dudug mel a utol amaiak malan kisaek dufuni a. An lo man tan ai fidian malan kisaek ilon lo yan yai inanai pasi a. Ago dugo gafurfur mum^s ak dam fidian mi yai inani yau a.

⁸Agog eñel tinin te imado dan iñsan barag iwi dugo, mel ta did tubun ak inani dak igo woñ, dubuli beig lo idu ya. Aria, beig itarpaleg malan utol dilasag, luluñad lo malan kisaek muruan ipani a. Malan kisaek an lo man, beig dar igo woñ ilasa ya. ⁹Mel beig lo kumaedi an dam, iñ warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo wein diabi dan dam, warou ditarpaleg utol dugo warou kisaek mi daon iñane ya.

¹⁰Agog eñel uraru an tinid te imado dan, iñsan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian,

^s Grin

warou ditarpaleg utol dugo, patui an you naok an dam ifuni a. ¹¹Patui en san yanjan man “Gigen Geig” ago dubol da. In you warou kisaek fufo na idu dugo, you an gigen geig ak ago ilasa ya. You a duluk an lo tamolpein wei kasik mateŋ dile ya.

¹²Agog eŋel a utol an tinid te imado dan, iŋsan barag iwi dugo, mel ta ipalug, ad, kalam agod patui muruan ipidinai a. Nuŋon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya. Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

¹³Ijai malag yau dugo bog ta tubun ak keit titiŋae mi irou dugo ŋile ya. In awan tubun mi igo iwagiŋ se ya, “Muruan di muruan agod muruan tubun geig tamolpein a tan na dumado dan sad na ilasa wo da. Eŋel wadan nuŋod utol amaiak iŋaned barag duwi wo da, saen barag an duwi dop muruan tubun geig ak ilasap tamolpein disini wa.”

9 ¹Agog eŋel a eŋel iwoiwo tinid te imado dan, iŋsan barag iwi dugo patui ta ŋile ya. Gubak mi keit ibiseig tan na yau idu ya. In gib kuror geig fun tia yan san dalawan san ki dupani a. ²Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo woŋ a. Agod yakas a gib lo ilasa yan, ad in keit da ibuluwaig ad in keit da tidom tubun dilasa ya. ³Agog mel wei mi sad leil man makmaguk igo woŋ, yakas en dibiseig tan fidian lo diau a. In dabai a diŋane yan man, nek ibol tan en san buramat ai sukulon lo dumado dan sad dabai igo woŋ a. ⁴An lo in makmaguk adi ru igo durupidai, “An tan en san gufurfur, garaŋ agod ai fidian dam daoŋ ta mok apidinai na wa. Tia, an tamolpein nek a Anut san kob naod kapen fo tia yan mi madai apidinai a.” ⁵Anut yilafu oŋ dugo kalam kafenda lo tamolpein madai tubun geig ak dupidinai a. Ak gug dufu dumat san geg ipidinai a. Aria, madai dupidinai na yan man, nek madai a buramat uyun bitiŋen si anda yak nam talpein isue dak igo mi a. ⁶Saen en lo, tamolpein mateŋ san dal abajan diabi wa, gug ta dumat na wa. In dumat o ilod tubun mi yen da, ak man mateŋ tamolpein an ibisawaip isol yau a.

⁷Ijai makmaguk en ŋeil duman, in hos yu digane wo tawaŋ digane woŋ da. In sad kabuŋad fufo mel ta gol kitikat igo woŋ dien da. Naodi man tamol naod isiai a. ⁸In sad gumurad roun dam, pein adi sad igo mi a. Agod in sad luod dam laion luodi igo woŋ a. ⁹Nek ago mi in sad titiredi man, mel ta siot kapa igo yak nam dubuluwi a. In sad subarid san liliŋan man, hos adi karis wei mi diraug yu lo diau dak ago mi a. ¹⁰In sad uyudi man buramat igo woŋ a, agod uyudi bitiŋen san si marasin saian ak lo madai tamolpein dupidinai san yen da. In sad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da. ¹¹Kiŋ ta kisaek in sad gurman imado da. Kiŋ an man eŋel a gib

kuror ak itirni da. Hibru ru lo eñel an yañan Abadon dubol da, agod Grik ru lo dam yañan Apolion dubol da, fun man “Daonj Niganag Tamol.”

¹²Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

¹³Agog eñel a eñel kafenda tinid te imado dan, iñsan barag iwi dugo, ñai tamol ta san awan ñaloñ a. Alta gol a Anut naon na yen dan lo, mel ta nek ibol makau faian igo woñ, alta san sukurun iwoiwo ante dugunig dien da. Aria, awak a ñai ñaloñ an fai an lo kuai te ilasa se ya. ¹⁴Awak an eñel a barag yabi dan irupeig ibol, “Eñel iwoiwo amaiak you tubun ak yañan Yufretis dubol dan, ate kam nam dusbanaig mala nouk dumado dan, gamu en ka bisawaip diau a.” ¹⁵Iñ ru an ilonj go eñel iwoiwo yan ibisawaig, tamolpein warou ditarpalep utol dop warou kisaek lo tamolpein fidian dufup dumat a. Eñel emaiak mi, Anut ru gubak mi igansig iñ auwa, nal, kalam agod anañar nek en mi ate tamolpein dufu dumat san niñen o tawañ dumado wo ago ibol a. ¹⁶Tan na yu tamol adi a hos fufo na dumado dan, iñsad sutek man 200 milion igo yak dubol dugo ñai ñaloñ a.

¹⁷Aria, ñai malag ñutun lo abañ ñile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo woñ ak didiri dan, sad girager man daran, yedyed di kadabog a. Hos sad kabuñadi man laion kabuñadi igo woñ a. Agod yai iñ yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigheid diau a. ¹⁸Tamolpein fidian tan en lo dumado den warou ditarpaleg utol go, warou kisaek man, muruan a yai, yakas, agod pat salfa inani dan nek amaiak warou an dufunig iñanen tamolpein fidian dumat pasik a. ¹⁹Hos adi sad dabai man, awad lo agod uyud lo dam yen da. Uyudi man mot igo woñ a, iñ kabuñad da ya. An lo hos uyudi amaiak nam tamolpein tinidi tubun mi madai dupani da.

²⁰Ak gug tamolpein aenta a muruan amaiak lo mateñ ta dile na yan, iñsed ilod lo mi tubud sewak adi, banid nam dututuñanai dan ta patud dupidinai na ya. Tia geig, kagin naok naok a gubak mi digane se yan dirig diau a. Iñ bugai adi sad ubou leil digane se ya. Agod tubud sewak mitilaedi, tamol iñsed banid nam gol silva bras pat agod ai nam digane yan lo dam gadiñ diganeg yau se ya. Tubud sewak mitilaedi an gidad abañ ta dile na dugo, ru dam ta duloñ na dak, agod iñ tureñ dam ta diabi na da. Ago bo man tamolpein an ilod ta ibilisa na ya. ²¹Taida mi, tamolpein amaiak iñ, tamol dufu dumat san kagin, aenta lo nawir digane san kagin, iñaned jeit kagin, agod iñaned gumagam kagin dam, an niñedi wo ilod ibilisag kagin amaiak patud dupani man tia ya.

Eñel ta buk nanun ak Jon yani wo ipani a

10 ¹Agog eñel sen ta dabai geig ak kumaen panu nag idu dugo ñile ya. Iñ kabuñan fufo galbaob ilubanig yen dugo tinin dam keit san

timtaen ibuluwi a. Naon san ilalaŋ man ad igo woŋ a, nek ago mi ŋien san leil man kadaŋ uraru inani dak igo woŋ a. ²Eŋel en man buk kutusan ak kisaek awan ikasap go yen dak yabi se ya. Iŋ ŋien won ak beig fufu ipare dugo, ŋien ŋas ak tan ipare da. ³Ago dugo iŋ awan tubun mi isasai da, nek ibol laion ibob igo woŋ a. Iŋ ibob itout a, ago gug weil seven sad liliŋan an dam iŋaned awad lo ru dubol ilasa ya. ⁴Weil seven an sad liliŋan itout a, ago gug ŋai ru dubol en ŋigire wo da. Ak man awan kisaek kumaen panu na yak ipalug igo ibol dugo ŋai ŋaloŋ a, “Oŋ ru e weil seven diliŋan en oŋsiga ilo girek lo tuep yen a. Iŋaned ru oŋ ta gire na wa.”

⁵Agog eŋel e tan beig da fufu itur den banin won ak kumaen panu san banen lo yabisa dugo ŋai ŋile ya. ⁶Ago man iŋ Anut yaŋan lo ru lak na geig ibol ilasa ya. Anut enti kumaen pempem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, iŋanen yaŋan lo igo ibol, “Anut saen iriŋani san tia ya.” ⁷Tia, nek eŋel e eŋel sukunda tinid ate murna geig imado den, iŋsan barag iwi dop san liliŋan ilasa wan, kulob an san saen lo mi, Anut san ilo girek gubak mi mianuk lo yen se yan nuŋon ilasa wa. Ilo girek nek amaiak mi imug iŋanen urat tamol profet adi irupidaig duloŋ a.

⁸Agog awak a gubak mi kumaen panu nag ipalu dugo ŋaloŋ amaiak fon igo ŋai irupaiaŋ go ibol, “Oŋ waup eŋel a tan beig da fufu itur dugo, banin lo buk awan ikasap go yen dan, san na susap buk amaiak ŋane wa.”

⁹Ago yak niŋen o ŋai eŋel an san na ŋaug ŋurupei, “Oŋ buk kutusan en ŋai panag a.”

Ago man iŋ igo irupaiaŋ a, “Oŋ ŋanep wani wa. Iŋ oŋ tiŋae lo yu igane wa. Ak man oŋsa awa lo man guburur taen igo bulbal geig a.” ¹⁰Iŋ ru ibol itout dugo, ŋai buk kutusan an banin lo ŋiŋaneg ŋani a. ŋai awag lo man guburur taen igo bulbal a. Gug saen ŋai ŋani pasik an lo man tiŋaeg lo gigen ifunag a. ¹¹Agog iŋ igo ŋai irupaiaŋ a. “Oŋ gidad fon mi tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kiŋ adi wei mi dam, niŋedi wo melmel dilasa san niŋen o profet ru ubol ilasa wa.”

Profet uraru ru dubol ilasa ya

11 ¹Agog ŋai melmel touad ŋabi san ai tok dupanag an, nek ibol tureŋ san makud oŋ a. Agog awan ta igo irupaiaŋ, “Oŋ masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam oŋ sutai a. ²Ak man oŋ aben e Anut san ubou ab iŋsan ar patun fo ilubani yen man, tou aman ta wabi na wa. An oŋ

gidad bisei a. Ata wo? Anut aben en man gob adi iñsad tumanek san aben igo woñ ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.) ³Agod ñai ñaisag ru bilabal tamol, nuñod uraru an profet ru dubol ilasa san dabai ñupidinai a. Ago dop iñ muguñ san kulos didirip profet ru dufulale dop yaup nal 1,260 itout a.” ⁴Tamol uraru en man iñ ai oliv agod lam uraru niñedi wo Sekaraia iñanen profet ru lo gubak mi ibol ilasa ya. Tamol uraru en tan titin fidian sad Tamol Tubun ak naon na dutur da. ⁵Agod talpein ta tamol uraru an dibitinaip malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitinaip muruan ipidinai o igane dan dufunip imat a. ⁶Uraru en iñ keit diabituani san dabai amad da ya, an lo saen iñ profet ru dubol ilasa dan lo, ui pempem ta idu na wa. Uraru an iñ you fidian diganep, dar igo woñ ilasa san dabai amad da ya. Agod iñsiganed ilobol lo mi man, daoñ panek agod subam naon funfun diganep, an lo tan en san tamolpein muruan di madai funfun ifu wa. Uraru an iñ dabai naok ago yan amad da ya.

⁷Saen nuñod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, iñ gib an ibiseip kuai te isudap, uraru en lo yu igane wa. Iñ uraru an ibiai dudu dop ifup dumat a. ⁸Ago dop iñsad tubabudi taun tubun ak san dal tubun ak ate dien a. Taun tubun an san yañan man, tou yabek ru lo Sodom iñ Egipta da ago dubol da, taun tubun nek emaiak ate, Tubun en aigim fo dubali dugo dufunig imat a. ⁹Tamolpein tinid naon sensen ak, warou wei mi ak, muroun ru lo diñiñeñ na yak wei mi, agod tamolpein tan titin fidian lo dupalu yan, nal utol wadan da lo iñ malad ti ibol pe, uraru an tubabudi leil dupidinai a. Iñ tamol aenta disiriaia san niñen o dal dufou wa. ¹⁰An lo tamolpein tan san, uraru dumat an sad mateñ niñen o muguruñ digane wa. Iñ soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai iñ muruan da wei mi tamolpein tan na dumado den dupidinai na ya.

¹¹Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya. ¹²Agog tamol uraru an talpein ta kumaen panu na awan tubun mi igiai dugo irupidaig ibol, “Añ igo asida!” Ago dugo iñsad ager adi malad lo mi, tamol nuñod uraru an, keit san timtaen ilon lo diladug, kumaen panu lo timtaen an da disuda diau a.

¹³Saen nek amaiak lo mi, kanaurig tubun ak ilasa dugo, taun tubun an titin kisaek daoñ ipani a, ago gug titin 9 an yen a. An lo man seven tausen tamolpein kanaurig an lo dumat a. Gug tamolpein a dumado yan, tubun mi geig direr dugo, kumaen panu san Anut yañan diabisa se ya.

¹⁴Aria, muruan tubun geig ak uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

Eñel warou seven lo yan iñsan barag iwi a

¹⁵Agog eñel e eñel sukunda tinid ate murna geig imado den, iñsan barag iwi dugo, kumaen panu lo awak tubun mi igo duwagiñ dugo ñai ñalorñ a.

“Anut tan titin fidian en sad kiñ adi iñaned kagin panek iganeg itout a, ago dugo Anut iñanen Kristus da sad kagin panek ilasag abed iñane ya.

An lo Tubun en iñsen saen pempem kiñ igo imado yau a.”

¹⁶Agog tamol gurman adi nuñod 24 iñsiganed kiñ san kalik fufo Anut naon na dumado dan, turud dusoluwig naod itakok tan na idug Anut ubou an dile ya. ¹⁷Iñ ago dubol,

“O Tubun en, mañ ilo uyan mupano da. Oñ mi Anut, oñ dabai fidian ama da ya.

Oñ gamu mado dak, gubak mi geig mado ya.

Gamu oñane dabai tubun geig ak ñaneg, an lo fun ganeg oñ Kiñ igo woñ mel fidian tirnai da.

¹⁸Gob adi tiñaed imumari se yak gug,

oñane tiñae mumarek san saen man ilasag itout a.

Gamu man tamol adi dumat ak oñane kot lo dilasa wa.

Oñane urat tamol adi naon uyan ak pidinai san saen man gamu.

Awo, oñane profet adi, agod oñane tamolpein fidian dida,

tamolpein fidian a oñane yaña lak na disini dan, a iñ yañad aman da yan, agod a iñ yañad tia yan dam, gamu oñ naon uyan ak pidinai a.

Ago dop oñ tamolpein a tan en daorñ dupani se yan, gamu daorñ pidinai a.”

¹⁹Agog Anut san ubou ab kumaen panu na yan, iñsan dalawan dupasig ikasap go yen da. Ago man Anut san ubou ab lo kontrak san kunup kuai te yen dugo fidian leil dupani a. Saen an lo weil irafuleg gidigidad yau dugo, liliñan tubun mi iñur a, agod weil weiwei mi diliñan dugo, tan isuruwor dugo, ui ais da pat igo woñ tubun mi geig dudu ya.

Jon iñ, mot a yañan dragon dubol dan pein da yil a

12 ¹Aria, mel ta naon sen geig ak keit lak na ilasa ya. Mel an man igo ya. Pein ta imado dan, iñ ad kulos oñ igane dugo itur da.

Kalam ñien aten paen na yen dugo, patui 12 kitikat igo woñ kabuñan fufo dien da. ²Pein en luan aman da ya. Agod nanuk igansi san madai iñ lo ilasa ya. Iñ nanuk igansi wo dugo, madai tubun geig ikubiani dan niñen o awan tubun mi isasai da. ³Agog taida mi, mel ta naon sen geig

ak keit lak na ilasa ya. An man mot daran di tubun geig a. Ij kabuŋan seven, agod fai an 10, kabuŋan fufo dilasag dien da. Ij kabuŋan seven an fufo, kitikat ta kiŋ san kitikat igo woŋ dien da. ⁴Ij keit san patui fidian itarpaleg warou utol dilasag, warou kisaek iŋsen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. Iŋsan ilon man, pein nanuk igansi wo ititiani da, agod saen nanuk ilasa dop ka yani wa. ⁵Aria, pein nanuk tamol ak igansi a. Nanuk an murnap kiŋ san tok ain yabip ate tamolpein fidian itirnai dabai a. Pein nanuk igansi la ya, ago man nanuk an ririan disinig, Anut san na diaug, Anut da iŋsan kalik fo dumasig dumado ya. ⁶Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben an lo ij pein an anaŋ dupani dop kagin dupani yaup nal 1,260 itout a.

⁷Aria, gamu yu tubun ak kumaen panu na imasa ya. Isrel san eŋel gurman, yaŋan Maikel dubol dan, ij iŋanen eŋel dida mot tubun en lo yu digane se ya. Ago dugo mot tubun an iŋanen eŋel dida yu naon digane se ya. ⁸Ak man ij yu diganep itout san dabai amad tia ya. Ago yak niŋen o kumaen panu lo aben ta ate dumado san tia ya. ⁹An lo man Maikel iŋanen eŋel dida mot emaiak san dabai kumaen panu lo yan diganeg itout a. Mot en man, ij gubak mi yaŋan Uf Ru San Ur, yaŋan turan Satan dubol dak, ama ya. Ij tamolpein tan titin fidian lo yan irawai na ya. Aria, ij Satan diŋaneg, iŋanen eŋel adi dida sisem dubilai tan na dudu ya.

¹⁰Agog kumaen panu lo tamol ta awan dabai geig igo iwagiŋ dugo ŋaloŋ a.

“Gamu maŋsama Anut iŋsan patu pasek, agod iŋsan tuon dababai ak di kagin panek dam walal isi a,
agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo
maŋ teim taom uf ru lo idirai na ya,
ak gug gamu tan na dubilig idu ya.

¹¹Maŋ teim taom man, Sipsip Nanun san dar nam,
agod Anut san ru dufulale na yan lo dam,
ij mot en lo yu diganeg itout a.

Iŋsiganed madok niŋen o tubun mi ta dumat na ya, tia geig a.

Amaiak niŋen o saen mateŋ sumeik ipidinai bo man, ij ta dusuk dumul na ya.

¹²Amaiak niŋen o aŋ kumaen panu adi,
aŋ warou fidian mi kumaen panu na amado dan, uyasusai agane wa.

Ak man aŋ a tan na agod beig lo amado dan, kagin agane wa.

Muruan tubun ak aŋsam na ilasa wo da. Satan aŋsam na idu la ya.

In ilon tubun mi imumari da,

man dugo, in ilon uyanan ak man, inanen saen katukan mi a.”

¹³Aria, saen mot an dubilig tan na idu dugo ile man, pein a nanuk tamol igansi amaiak yabi wo nien aban irig yau se ya. ¹⁴Ak gug bog tubun ak subein uraru pein an dupanig, an lo in mot ibiseip iroup, yoitout imado wo aben kawan ak lo yau a. Aben ante kagin dupani uyanan pe, anan dupani yaup anajar utol wadan da itout a. ¹⁵Aria, mot en awan lo you igulani a, you an lom tinan igo won masag yaug, pein en nien aban iri se ya. Mot inisan ilon man, you gidad pein inanep iriani yau dop ideg yau a. ¹⁶Ak gug tan pein an ibinawi a. Tan awan isupanig mot you e igulani emaiak iluk a. ¹⁷⁻¹⁸Agog mot in pein en lo ilo wananan tubun mok aman da ya. Amaiak nien o in yaug nanun aenta lo yu igane wo da. Tamolpein nek a Anut san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in lon na lul fufo na itur dugo nile ya.

Beig san mel kasik

13 ¹Agog nai malag yau dugo mel kasik ak ta kabujan seven dugo fai aman 10 an beig lo yak ilasa dugo nile ya. Fai anen anen atem kitikat gol kisaek fufo na yen da. Kabujan anak anak ate dam, yanak ta Anut nien uf ru digireg yen da. ²Nai mel kasik e nile man, nek ibol lepad^h igo won a. Inisan nien man bear nien on a. Inisan awan dam laion awan on a. Mot amaiak inisan dabai mel kasik en tan itirni san nien o ipani a. An lo man mel kasik an, mot an kin san kalik fufo imasi dugo, inanen tuon tubun geig dam inaneg lo tamolpein itirnai na ya. ³Inisan kabujan kisaek wagai lo matej san baob inane manon a, ak gug kabujan an dukubuneg afon uyan isusa ya. Tamolpein fidian tan tilianek lo yan mel kasik an nien o durut saian geig dugo tinid ntud fidian mi lo nien aban duri na ya. ⁴Mot en inisan dabai a lo tamolpein itirnai san an mel kasik an banin lo igane ya, an lo tamolpein fidian mot an ubou an dile na ya. Agod in mel kasik an dam ubou an dile na ya. Ago dugo in igo dubol, “Enti in mel kasik en igo mi ak i? Enti in lo ka yu igane wak i?”

⁵Agod mel kasik an awan lo ru inijen san dabai dupani a. An lo Anut imoig, mel kasik an Anut nien o uf ru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a. ⁶Amaiak nien o mel kasik an awan isupanig, Anut nien o uf ru ibol se ya. In Anut yanjan nien o, agod Anut san aben ate imado dan, agod fidian a kumaen panu na dumado dan, ninedi wo nao futek ru saian geig ak ibol se ya. ⁷Taida mi, Anut mel kasik en ilefunig inanen tamolpein lo yu igane dugo ibiai dudu geig a. Agod Anut mel kasik an ilefuni dugo

^h Pusi tutubu yak.

tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai ijane ya. ⁸Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut ijaned yañadi buk lo igire idu ya. An man Sipsip Nanun dufunig imat ak ijanen kumaen san buk nek ama ya. Aria, tamolpein nek an mi mel kasik an san ubou ta dile na wa.

⁹Talpein ta ij kududon aman da dop, ij gidad ru en ilonj sijaokan a.

¹⁰Anut talpein ta subanek lo yau wo kob ipani tap,
aria, ij gidad subanek lo yau a.

Agod ij talpein ta sabiri nam dufunig imat o kob ipani tap,
aria, talpein an sabiri nam ka dufunig imat a.

Kagin en lo man, Anut san tamolpein gidad dumado dabai dop ijaned ilo rumok diabi sakar dop dumado yau a.

Mel kasik ak tan log ilasa ya

¹¹Agog ñai mel kasik ak sen ta tan ilon lo yak imasag isuda dugo ñile ya. Inñsan kabuñan fufo man fai aman uraru dien da, nek ibol sipsip nanunan ak san fai igo woñ a. Agod inñsan ru man mot tubun ak san ru igo mi a. ¹²Mel kasik a imug ilasa yan malan lo man, mel kasik a murna ilasa yan, ij mel kasik a imug ilasa yan wagen lo, san dabai fidian tamolpein itirnai san ijane ya. Dabai ijane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo ijanen matej san baob dukubuneg uyan isusa amaiak, ubou an dile se ya. ¹³Mel kasik murna ilasa yan kulob girager tubun ak iganeg ilasa se ya. Ij ago iganeg, tamolpein malad lo yai keit lo yan tan na idu ya. ¹⁴Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en ij tamolpein tan na dumado den irawai pasik a, an niñen o man tamolpein mel kasik a gubak mi sabiri nam dufuni an san mitilaen ditutuñanip duguni wo isodudunai a. ¹⁵Agod Anut imoig mel kasik murna ilasa yan inñsinan ur iwig lo mitilaen an kumaen ilasa ya. An lo man mitilaen an ru ka inñeñ san ilonj a, agod dugo tamolpein ensauta a mel kasik an san mitilaen ta ubou an dile na yan fidian idiraig matej dile ya. ¹⁶Taida mi, mel kasik a murna ilasa yan tamolpein fidian nek a yañad amad da yan, yañad tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate diñane ya. ¹⁷An lo man, talpein ta ij kob aman tia tap, aria, ij tamolpein aenta sad na melmel ta idad na wak, agod aenkadi inñsan na dam melmel ta didad na wa. Kob an man mel kasik malan te yak san yañan boi, tia dop, sutek amaiak lo mel kasik an yañan tou aman yabi dan, nek ama ya.

¹⁸Talpein ta iŋ mel en iloŋ o imat tap, gidad kankan milaen uyan geig ak aman da wa. Enti iŋ kankan milaen tubun ak aman da yan, mel kasik en san sutek kuai ka ipani wa. Sutek en man tamol ta iŋanen yaŋan san tou yabek, agod tamol an yaŋan san sutek man 6 utol mi a. (666)

Sipsip Nanun tamolpein 144 tausen dida dutur go bar diabi da

14 ¹Agog ŋai malag yau man, Sipsip Nanun iŋ Did Saion fufo na itur dugo ŋile ya. Iŋ 144 tausen tamolpein dida dutur da, iŋanen yaŋan, agod Taman yaŋan dam, tamolpein an naod kapen fo digireg yen da. ²Ago dugo ŋai ru awan ta kumaen panu lo ibol ilasa dugo ŋaloŋ a. An man nek ibol beig tubun ak imasa san liliŋan boi, tia, weil san liliŋan tubun ak igo woŋ a. Nek tamolpein wei mi mel ta gita igo yakⁱ dufuni dop san liliŋan tubun mi ilasa dak igo woŋ a. ³Tamolpein 144 tausen kiŋ san kalik naon na dutur se ya, agod mel iwoiwo kumaed dumado dan iŋ matu gurman adi dam, naod na dutur se ya. Iŋ bar foun ak diabi se ya, tamolpein aenta bar an diabi san maŋau ta diŋane na ya, 144 tausen amaiak mi bar an diabi san duloŋ a. Tamolpein amaiak mi tan en lo Anut idad iŋal a. ⁴Tamol emaiak pein adi dida sed nun ta ipidinaŋ na ya. Tia, iŋ ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein luluŋad lo idad iŋal a. Agop iŋ warou malan te Anut iŋal an, iŋanen warou lo, agod Sipsip Nanun san warou lo dam dumado wa. Nek ibol abi taman anaŋ malan te ilasa dak iŋanep, Anut yai igane pani dak igo woŋ, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya. ⁵Iŋ ru sewak ta dubol man tia ya. Tia, iŋ mel ta niŋen o dam muruan amad tia ya.

Eŋel utol ru dubol ilasa ya

⁶Agog ŋai eŋel sen ta keit titiŋae mi irou dugo ŋile ya. Iŋ bilaluŋ uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa. ⁷Iŋ dabai geig igo iwagiŋ go irupidai, “Aŋ gidad Anut niŋen o arer a! Iŋ yaŋan abisa wa! Ata wo? Iŋ tamolpein bitinaek lo idirai san nal ilasa la ya. Aŋ Tamol e iŋ keit, tan, beig di you gib lo ibanai dan dam idirai en, iŋ lo mi agudani dop iŋanen ubou leil lo mi amado wa.”

⁸Agog eŋel sen ta, iŋ eŋel imug ipalu yan irig ipalu da. Eŋel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, iŋsan jeit kagin dabai an niŋen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo woŋ a.”

ⁱ Harp

⁹Ejel sen ta ejel uraru dupalu dugo patud fo ipalu yan, awan dabai geig iwagiŋ go ibol, “Talpein ta iŋ mel kasik en iŋsan mitilaen da sad ubou leil igane dop, agod iŋ naon fo, tia, banin te, kob iŋane tap, ¹⁰aria, iŋ gidad wain naon sen ak ka iluk a. Wain en man Anut san ilo wananan agod Anut iŋ wain en you da ta ibilisa dop, tia, wain an iŋanen ilo mumarek san gab lo iwali wa. Ago dop talpein en ka iluk a. Ago dugup ejel gun ak malad lo, Sipsip Nanun malan lo dam, talpein en iŋ yai lo, agod pat salfa inani dak lo, madai iŋanep ago imado yau a. ¹¹Ago dugo yai a madai tubun geig ipidinai dan san yakas pempem mi lak na isuda yau a. Tamolpein emaiak iŋ mel kasik, iŋsan mitilaen da sad ubou leil digane da, agod iŋsan yaŋan san kob diŋane dop, ad lo tidom lo dam iŋaned madai niŋen o yaes bilabal amad tia wa.” ¹²Saen an lo tamolpein gun ak gidad dumado dabai a. Tamolpein a Anut awan paen na dumado dugo iŋaned ilo rumok Jesus lo diabi sakar dan nek an mi a.

¹³Agog ŋai talpein ta kumaen panu lo igo iwagiŋ dugo awan ŋaloŋ a. “Oŋ ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, iŋ ka uyad isusa wa.”

Ago dugo Awan Urgun ru naon igo ibol, “Rumok geig, iŋ ka uyasusai digane wa. Iŋanen urat dabai ak dibiseip ka yaes dubal a. Man dugo, ata urat digane yan san nuŋon imug mi ilasa yan iŋ dida kumaen panu lo diau a.”

Tan en lo anaŋ ŋilaŋal san nal idu ya

¹⁴Aria, ŋai malag yau dugo, naog na timtaen milkouk ak kisaek ŋile ya. Ago dugo talpein ta tamol nanun igo woŋ an fufo na imasig imado se ya. Iŋ kitikat gol aman da yak kabuŋan fo yen dugo, banin lo man bubarek luon geig ak yabi se ya. ¹⁵Ago man ejel sen ta Anut san ubou ab patun fo ilasa ya. Iŋ awan dabai geig talpein timtaen lo imado dan san na iwagiŋ go ibol, “Oŋane bubarek ŋanep anaŋ tute idu wa. Anaŋ tumanek san saen ilasa la ya, an niŋen o tan na anaŋ fidian ibes pasik a.” ¹⁶An lo man talpein a timtaen fo na imado dan, iŋanen bubarek yabig, tan na itakoksig abi lo anaŋ ibes ak itute idug itumani dugo isini yau a.

¹⁷Agog ejel taidam bubarek luon geig ak yabi dan, kumaen panu lo Anut san ubou ab patun fo ilasa ya. ¹⁸Agog ejel sen ta alta ibiseig kuai te ilasa ya. Iŋ man alta san yai itirni san dabai aman da ya. Iŋ awan dabai geig ejel bubarek luon ak yabi dan iwagig ibol, “Oŋane bubarek ŋanep, wain patun abi a tan na yak lo yan tutep tumani wa. Man dugo, wain patun fidian duluboŋ la ya.” ¹⁹An lo man ejel en iŋanen bubarek iŋaneg, tan na itakoksig, wain kutubuk itartiti idug itumanig dien da. Ago man iŋ wain patun an, pat bod tubun ak ilon lo tamol wain patun ŋiedi nam dupartitale wo isuwari idu ya. En man Anut san ilo mumarek itutuŋani a. ²⁰Agog Jerusalem san ar patun fo, wain nuŋon bod lo dupartitale dugo dar bod an lo imaspalug kuai te ilasa ya.

Ago dugo dar an imaspalu yau se ya, iñsan milaen man 300 kilomita igo woñ, tan fidian ituani a, agod iñsan kuror man mita kisaek wadan da igo woñ a.

Daeg seven ilod lo muruan murnai san dien da

15 ¹Aria, ñai kulob naon senamo geig ak kumaen panu lo ilasa dugo ñile ya. Mel an man tubun a, an niñen o ñumasa saian go an lo dam ñarut saian geig da. Ñai eñel seven dutur dugo banid lo muruan seven a murnap tamolpein daoñ dupidinai san dubouro dan ñeil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a. ²Ñai mel ta nek ibol beig tubun ak galas oñ, yai lo dukubuli ak ñile woñ da. Tamolpein a yu digane itout an, gubak mi mel kasik ak, iñanen mitilaen agod yañan san sutek dam dibiai dudu yan dam ñeil a. Tamolpein amaiak iñ beig galas oñ an girañen na dutur dugo, iñ melmel gita igo woñ Anut ipidinai an dubouro se ya. ³Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

“O Tubun en, oñ Anut, dabai fidian ama da ya.

Urat fidian oñ gane man tubun a. Mañ mile dugo, iloma weiwei da.

O Anut, oñ tamol warou fidian sad kiñ, oñane kulob fidian itaot di rumok geig a.

⁴O Tubun en, enti oñ yaña niñen o ta irer na wak i?

Enti oñ yaña yabisa wo imoi ak i?

Man dugo, oñ mi gun a.

Tamolpein tan titin fidian lo dumado dan dupalup oñ ubou ama dile wa.

Ata wo, oñane kulob naok naok itaot mok an, gamu kuai tem walal isig, tamolpein fidian dile da.”

⁵Mel an itout go, kumaen panu lo kontrak san ab sel dalawan dupasig yen dan ñile ya. Ilon lo galuñ a yañan aben gun di gun geig ak dubol dan ñile ya.

⁶Ago dugo eñel seven e muruan seven daoñ panek san dubouro dan galuñ an dibiseig kuai te dilasa ya. Iñ kulos milkouk irafuleg ikokan geig ak dupulau a, agod let gol titired fo diganeg ilubani a. ⁷Aria, mel iwoiwo a kumaed dumado dan, luluñad lo kisaek iñ gol daeg seven eñel an ipidinai a. Anut e kumaen pempem imado yau den, iñsan ilo mumarek an daeg a seven an lo inawai a. ⁸Ago dugo tempel san galuñ gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta iñ galuñ gun an lo iladu san tia ya. Tia, iñ eñel seven an malad digane dop muruan seven an san urat digane itout gup a.

Eñel seven muruan daeg seven duwalig idu ya

16 ¹Aria, ñai awan ta ubou ab san galuñ gun an lo ilasa dugo ñaloñ a. Iñ awan dabai geig eñel seven en igiai dugo ibol, “Añ aup, Anut san ilo mumarek daeg seven lo yan awali tan na idu wa.”

²Ago man eжел malan te yan yaug iņsan daeg iwali tan na idu ya. Agog tamolpein mel kasik ak san kob diņane dugo iņsan mitilaen ubou an dile dan, baob saian geig ak wei mi sad na ilasa ya.

³An itout go eжел neinta iņsan daeg iwalig beig lo idu ya. Ago man beig ibilisag, tamol dumat ak sad dar igo woņ ilasa ya. Ago man melmel fidian beig lo kumaed dumado dan dumat pasik a.

⁴Eжел a eжел uraru tinid te imado dan iņ dam iņsan daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo woņ dilasa ya. ⁵An lo ŋai eжел a tan san you fidian itirnai dan igo ibol dugo ŋaloņ a.

“O Tubud Gun, oņ gubak mi mado yak, agod gamu dam mado da.

Naon saian geig amaiak oņ tamolpein pidinai an itaot mok a.

⁶Tamol warou en oņane tamolpein agod profet adi dufu dumat dugo, iņsad dar ikulmaek a.

Amaiak niņen o oņ talpein a saiadi amaiak dar en duluk o pidinai a.

Dar e duluk den man, iņsiganed kagin saiak saiak san naon itaot ak diņane da.”

⁷Agog ŋai alta igo iwagiņ dugo ŋaloņ a.

“Awo Tubud Anut, oņ dabai fidian ama da ya.

Tamolpein a saiadi an sad urat naon oņ pidinai man rumok di itaot mok a.”

⁸Aria, eжел a eжел utol tinid te yan iņsan daeg ad fufo ikulmaek a. An lo ad san wananan isida yan, tamolpein e tan na dumado den tinid inani saian geig a. ⁹Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yaņan lo ru saiak saiak dubol se ya, man dugo, iņ duloņ uyanan ak man, Anut mi muruan a dile dan itirni se ya. Ago bo man iņ ilod dibilsag Anut yaņan ta diabisa na ya.

¹⁰Agog eжел a eжел iwoiwo tinid te yan iņsan daeg ikulmaek go, mel kasik malan te yan san kalik fo idu ya, an man kiņ san kalik. Ago dugo tamolpein a mel kasik san kagin panek paen na dumado dan, sad na tidom ilasag ituanai a. Agod tamolpein an madai tubun geig ak lo iņsed baled diani se ya. ¹¹Iņsiganed madai agod baob tinid fufo ilasa yan dam niņen o iņ kumaen panu san Anut naon dufute dupei na ya. Ak gug iņ ilod ta ibilisag, kagin saiak saiak digane na yan dam ta dubusei na ya.

¹²Agog eжел a eжел kafenda tinid te imado dan, iņsan daeg you tubun ak Yufretis fufo iwalig idu yan lo, you an igos yau a. An lo kiņ adi ad ilasa san banen lo dupalu san dal ikubune ya. ¹³Agog ŋai ur saiak saiak utol gurogurou igo woņ ŋeil a. Iņ mot tubun ak awan lo, mel kasik ak awan lo, agod profet sewak awan lo dilasa ya. ¹⁴Ur adi emaiak mi iņ ur saiadi a. Iņ kulob girager naon sensen digane wo, dufurak go tan fidian

sad kiŋ sad na diau da. Inŋsad urat man, kiŋ fidian iŋaned yu tamol adi dutumanai o digane da, an lo dop Anut dabai fidian aman da tamolpein kot ipidinai san nal tubun ak lo, yu diabisa wa.

¹⁵Agog Jesus igo ibol dugo ŋaloŋ a, “Ale. ŋjai nek ibol gumagam tamol ipalu dak igo woŋ, aŋsam na ŋupalu wa. Amaiak niŋen o talpein iŋ ŋioŋ ta yabi na dop, iŋanen kulos giranen na idirig imado dan, ka uyan isusa wa. Nal a ilasa wan san saen lo, kabelan iŋ nuŋon kawan itor dop tamolpein iŋsan miai dile banau.”

¹⁶Aria, ur saiak saiak kiŋ adi diŋal dupalug aben ente dutumanai a. Aben en Hibu ru lo Armagedon dubol da.

¹⁷Agog eŋel a eŋel sukun tinid te imado dan, iŋsan daeg keit lo iwalig idu ya. Ago dugo awak dabai geig iŋ galuŋ gun di gun geig ak Anut san ubou ab ilon lo yen dan lo ilasa dugo igo iwagiŋ, “En man itout a!” ¹⁸Ago man weil wei mi irafule dugo, liliŋan tubun mi duŋur a, ago dugo weil diliŋan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya. ¹⁹Aria, taun tubun ak itarpaleg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut iŋ taun tubun ak Babilon niŋen o ilon isoug, an lo gab a ilon lo wain awan isa yan iŋaneg Babilon ipani a. Wain an man iŋanen ilo mumarek tubun geig an tou ipani da. ²⁰Ago dugo nui fidian dusol go diau pasik a. Agod did fidian dam talpein ta yil san tia ya. ²¹Ago dugo ais tubun ak dudu ya. Ais lapan kisaek kisaek sad muruan 50 kilogrem igo woŋ a. Keit lo ais an tamolpein tinid fufo dudu dugo daoŋ tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

Jeit pein tubun an naon saian ak iŋane ya

17 ¹Ago man eŋel nuŋod seven daeg seven diabi dan luluŋad lo eŋel kisaek ŋai Jon ŋaisag na ipalug igo irupaiag a. “Oŋ palup, jeit pein a you wei mi fufo imasig imado dan, naon dugo woŋ Anut ipani wan ŋukubiaip ule wa. ²Tan san kiŋ adi pein en da jeit kagin saen wei mi digane na ya. Tamol tan en san fidian iŋ dam pein en da jeit kagin digane na ya. An lo man iŋ fidian iŋanen jeit kagin san wain duluk na yan lo burau dilasa ya.”

³Agog eŋel e ŋai da miŋiŋeŋ den, ŋioŋamin Urgun igane ilasa yan lo ŋai isinag go, iŋ da aben kawan talpein an tia yak ate mau a. Aben an lo ŋai pein kisaek mel kasik daran ak fufo imasig imado dugo ŋile ya. Mel kasik an yaŋak wei mi tinin fo anua ya. Girek en lo yaŋak en fidian man, Anut niŋen o uf ru funfun agod ru saiak saiak dam dien da. Mel kasik an kabuŋan seven dugo fai aman 10 kabuŋan fufo dilasa ya. ⁴Pein en kulos a igane yan daran a, agod sad girager daran an naok uraru a, man dugo, girager uraru an kiŋ

san a. Ij gol damag naon funfun, agod kululoi naon lak na yak, damag naon uyanan pat nam digane yak dam aman da ya. Ij gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da. ⁵Agod pein en naon kapen fo yarjak ta digireg yen da. Yarjak an man igo ya.

Ru mianuk an.

Babilon tubun a.

Jeit pein sad tinadi mok.

Agod tan san kagin iganan fidian sad muroud imado da.

⁶Pein en Anut san tamolpein ifug dumat a, tamolpein nek Jesus yanjan ilod lo rumok go, ijsan yanjan dubol ilasa na ya. Pein en gubak mi ijsad dar iluk go, an lo nek ibol tamolpein ayu duluk pe burau digane dak igo wonj, ago burau imado dugo njile ya.

Saen naj ago njile dugo njumasa saian go ilo sou wei mi njigane se ya. ⁷Agod man ejel an igo irupaiag a, “Ata wo onj masa saian ak i? Pein an, agod mel kasik ak isini dan, nek a fai aman seven dugo kabunan 10 aman da yan, sad fudi njupano wa. Mitilaen en fun imianuk a, gug naj ka njufulale pano wa. ⁸Mel kasik en onj ule la ya, gubak mi imado yak, gamu fon ta imado na da. Ak man murnap ij gib e fun tia yen ibiseip isuda wak gug, ideg yau geig a. Tan san tamolpein ij mel kasik en dilep dumasa saian geig a. Nek tamolpein a ijaned yanjadi Anut tan gamugo igane ilasa yan lo, kumaen san buk lo ta igire na yan, ij dumasa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

⁹“Talpein ij kankan milaen aman da tap, ij ka mel en fun ilonj uyanan a. Kabunan seven en man, did seven emaiak fufo na pein a imasig imado dan ate tou ipani da. ¹⁰Agod taida mi, kabunan seven en man kij seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kij ilasa da. Saen ij ilasa tap, ij saen kitekan mi kij imado wa. ¹¹Agod mel kasik e gubak mi imado gug gamu tia yen man, kij kisaek taida mi, gamu nujod seven an luad isa da, ak man ij kij nujod seven an sad warou lo dam mi a. Agop ij ideg yau a.”

¹²“Agod fai 10 en onj gubak mi mel kasik en kabunan fufo ilasa dugo ule man, ij kij 10 ate tou dupidinai da. Ij gamugo kij sad dabai dijanep ya, ak gug murna dop kij sad dabai dijanep auwa kisaek mi mel kasik ak dida tamolpein ditirnai a. ¹³Kij adi en man ijsad kankan kisaek mi a. Ijsad dabai agod yanjad tubun ak da mel kasik an dupani wa. ¹⁴Kij adi emaiak ij mel kasik da Sipsip Nanun lo yu digane wa. Ak man Sipsip Nanun agod tamolpein a njien aban duri dupani dan sisem yu lo dirijanai geig a. Man dugo, Sipsip Nanun man tamol tutubu yak sad Tubun a, agod kij fidian sad Kij, agod tamolpein a ij dida dumado dan man, Anut ipilianai igiai a, agod ij awan kagin dupani da.”

¹⁵Ago man eñel an foun mi igo irupaiag a, “On you wei mi a gubak mi jeit pein fufo na imasig imado dugo ule yan, in tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da. ¹⁶Mel kasik en, agod fai 10 e ule yen dam, in sisem jeit pein an lo siai digane wa. In pein an san biouñ fidian dupasi idup nuñon kawan ilasa wa. Agop inñsan tinin mudan diani dop yai lo dumarip inani yau a. ¹⁷Man dugo, Anut inñsen mi kin en kankan ipidinaip, an lo kulob a gubak mi Anut niñen o ilon ibol amaiak ka digane ilasa wa. In ilo sou kisaek amad da wa. In kin dumado san dabai e diñane yen, fidian mi mel kasik en dupani wa. In ago mi digane dop yaup ru a Anut gubak mi ibol an fidian nuñon ilasa wa. ¹⁸Pein gubak mi ule yan man, in taun tubun e tan en san kin fidian itirnai den ate tou ipani da.”

Babilon saian igane geig a

18 ¹Murnag ñai eñel sen ta kumaen panu ibiseig idu dugo ñile ya. Inñsan dabai man dabai geig a, agod ilalañ a inñsan nag irafule ilasa dan, tan ilalañ ipani siñaokan a. ²In awan dabai geig igo iwagiñ go ibol,

“Ale, taun Babilon tubun an dibildu ya, awo, Babilon dibili yau idu geig a.

Gamu in man bugai adi sad yaes bilabal aben ago ilasa ya,
ur saiak saiak fidian sad wur igo ilasa ya,
agod anakanak di yok naok fidian nun amad da yan sad wur igo dam ilasa ya.

³Ata wo, tamolpein warou fidian in da inñanen jeit kagin dabai ak san wain duluk a.

Tan san kin adi dam in da jeit kagin digane na ya.
Agod tan san dadeñ tamol adi in Babilon san ilo masai dabai ak san kagin lo moni wei mi diñane na ya,
an lo inñanen jeit kagin an aenta sad iriñanai geig an lo, tamol filiad tubun ak igo dilasa ya.”

⁴Agog ñai kumaen panu lo Anut awan igo ilasag iwagiñ dugo ñalona a.
“An ñaineg tamolpein adi, an gidad aben an abiseip kuai te alasa wa.

Kabelan aupasek funfun a igane dan lo luan asa banau.
Agod kabelan an inñsan muruan funfun ñai ñupani wan ate dam atutou banau.

⁵Man dugo, inñsan aupasek itumanig malan tubun go kumaen panu lo isuda yau la ya.

Agod kagin saiak saiak igane na yan fidian niñen o Anut ilo sou igane da.

6 In aenta ipidinai ak igo Anut dam naon in ipani wan man babagaru a.

Ayu naok dugo inanen gab lo yak Anut inanep, ikubulip, subujan taidam ililip, urarum iluk san ipani wa.

7 Nek ibol in girager agod mel wei mi sijaokan ak dam in sen ipani se yak igo won, madai tubun geig agod ilo papao a Anut ipani wan da tou kisaek a.

In buben ago ibol, hai mi kwin, hai pein suos tia ya, amaiak ninen o hai tina aru ngane san tia geig a.

8 Amaiak ninen o, nal kisaek ilon lo mi, naon dugo Anut ipani wan ile wa.

Naon an man matej, mala turon, agod kadag san saen tubun a.

Yai man Babilon inani yau pasik a.

Man dugo, Tubud Anut e naon ipani den, in dabai tubun ak aman da ya.

9 "Tan san kin adi e gubak mi in da jeit kagin digane se yan, agod dida inanen ilo masai san kagin ate dututou se yan, yai a Babilon inani dan san yakas dile wa. In ago dile dan lo, taun an ninen o tina aru digane dop ilo muruan amad da dumado wa. 10 In madai saian ak inane dan dile dop ninen o direr geig a. In asau mi dutur dop igo dubol,

'Ilog imuano, Babilon, ilog imuano geig da.

Oj tubu kasik agod taun dabai geig a.

Ak man auwa kisaek ilon lo mi onane aupasek naon saian ak onsa na ilasa ya!

11 "Dadej tamol adi tan fidian san, Babilon ninen o tina aru digane dop, ilo muruan amad da dumado wa. Ata wo, inaned biouj didad san talpein tia ya. 12 In sad biouj wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk sijaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya. Mel aenta digane man, ai naod tutubu yak lo, bras, ain, agod pat girager sijaokan ak nam digane ya. 13 Inaned biouj aenta dam dien da. Sinamon nesnes nuaen san, paura, yakas mumalun uyanan igane ilasa dak, guren naon funfun mumalun uyan ak, sanda uyan ak, wain, oliv guren, plaua uyan ak, agod wit da, makau, sipsip, hos di hos karis da, agod tamol bigabeg adi dam mi a.

14 "Tamol dadej urat digane dan Babilon igo durupe i a. 'Onane urat san nunon a on nane wo ilo ibol na yan, an fidian on sihire na tia ya, asau mi geig dien da. Melmel uyadi didaen san naon tutubu yak, agod onane biouj bala sijaokan ak an fidian dideg la ya. Ago yak ninen o on melmel en afon ule san tia geig a!' 15 Tamol mel an lo dadej digane na yan, in

taun an san moni wei mi dijanen la ya. Inj taun an madai tubun mi injane dop dile wa, ago dop inj dam tubun mi direr a. Inj asau mi dutur pe tinaŋ aru digane dop, ilo muruan lo dumado wa. ¹⁶Inj disasaip igo dubol a.

‘Ilo ma saian da, taun tubun an niŋen o iloma saian geig da.

Gubak mi inj kulos milkouk siŋaok amadi ak, yamel daran ak naon funfun tinin fufo idiri na ya.

Inj gol di pat siŋaokan, kululoi naon lak na geig ak ate bala yabi se ya.

¹⁷Auwa kisaek an ilon lo mi, moni en inj biouŋ en da fidian mi ideg yau a.’

“Wog tubun ak wei mi sad unbiek adi, agod tamol fidian weinj diabi dan, weinj tamol wog lo urat digane dugo tan tutubu yak lo dutor dan, agod wog tubun amaiak sad tamadi fidian mi, dutur pe asau mi geig dumado wa. ¹⁸Ago dop inj Babilon yai inani dak san yakas dile dop disasaip igo duwagiŋ a, ‘Taun dugomaiak inj taun tubun en da naon kisaek i?’ ¹⁹Inj tan san gufgaf duburouŋ, sed kabuŋad fo dusuwarip, tinaŋ aru digane dop ilo muruan amad da dumado wa. Ago dop inj igo duwagiŋ a,

‘Ilo ma imuŋano, o oŋ taun tubun ak iloma tubun mi imuŋano da.

Wog tubun ak taman adi beig lo dutor dan, inj taun amaiak san moni tutubu yan lo moni tamol dilasa ya. Ilo ma imuŋano da.

Auwa kisaek ilon lo mi saian gane geig a!’

²⁰“Aŋ kumaen panu san tamolpein, Babilon niŋen o gidad uyasusai tubun mi agane wa!

O aŋ gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak niŋen o naon saian ak ipani a.”

²¹Ru an itout go, eŋel dabai ak kisaek pat tubun ak ta ate wit dufufari idu dak injane ya. Inj pat en yabisag beig lo ibildu ya. Inj igo ibol,

“Kagin amaiak lo inj Babilon tubun an dijanep dubildu dop inj fon ta dile geig na wa.

²²O Babilon, gita san liliŋan, dum san liliŋan, barag san agod dum wek naon funfun oŋsa ar lo fon ta ilasa na wa.

Oŋ lo tamol adi iŋsad urat pinein adi urat dugomaiak digane san maŋau dupidinai man, fon ta ilasa na wa.

Pat wit ifufari san ibob dan, inj fon oŋ lo ta ilasa na wa.

²³Lam san lilaman oŋsa na fon ta ilasa na wa.

Pein tamol nug iwon iwon awad oŋsa na fon ta dulonŋ geig na wa.

Gubak mi oŋane dadeŋ tamol adi, inj tamol tutubu geig tamolpein aenta malad lo dumado na ya.

Oŋ nawir naon funfun gane dugo, an lo oŋ tamolpein warou fidian rawai na ya.

24 Anut taun en ilon lo abanj ile dugo dar tubun mi kuai ipani a.
 Dar an man profet adi agod ijanen tamolpein gun ak sadi a,
 agod taun en ilon lo man tamolpein fidian a gubak mi dufu dumat
 ak sad dar ikulmaek idu yan dam ante yen da.”

Tamolpein Babilon daon ijanen yan dile yak nijen o uyasusai digane ya

19 ¹Mel en itout go, naj mel ta wagiŋ tubun ak igo woŋ kumaen
 panu san tamolpein warou tutubu yak dubol dugo njaloŋ a.

“Aleluia,^j id Anut per tupani wa!

Patud pasek, girager agod dabai da iŋsan mi a.

²Man dugo, iŋsan kot man rumok di itaot mok a.

Iŋ jeit pein tubun en, ijanen jeit kagin lo, tamolpein tan san fidian
 mi ijaned madok malan isue dugo nun dilasa yan, yabi idu ya. An
 lo naon itaot ak ipani a.

Pein en iŋsan aupasek lo Anut san urat tamol di urat pein ifug
 dumat an lo aupasek amaiak gamu naon ipani a.”

³Iŋ fon mi igo duwagiŋ a.

“Aleluia!

Taun tubun en yai inani da, amaiak san yakas pempem mi lak na
 isuda yau da.”

⁴Matu gurman adi 24 iŋ mel iwoiwo kumaed dumado dan dam, Anut
 kiŋ san kalik fufo imado dan, naon na turud dusoluwig iŋ ubou an dile
 ya. Iŋ igo dubol a,

“Rumok. Aleluia, maŋ Anut per mupani da!”

⁵Agog talpein ta awan kiŋ san kalik lo ilasag igo iwagiŋ go ibol,

“Aŋ idsad Anut san urat tamolpein, aŋ Anut per apani wa.

Aŋ tamolpein kawan ak,
 agod tamolpein yaŋad anda yan,

aŋ fidian mi gamu Anut yaŋan abisa wa!”

⁶Agog naj liliŋan tubun ak nek ibol tamolpein warou adi dutumanig
 dumado dugo sad ru ilasa dak igo woŋ njaloŋ a. An man nek ibol you wei mi
 sad liliŋan ilasa da, tia, weil tubun mi iliŋan dak igo woŋ a. Iŋ igo duwagiŋ da,

“Aleluia, id Anut per tupani wa.

Ata wo, idsad Tubud Anut dababai fidian mi aman da yak, gamu kiŋ
 rumok imado da.

⁷Gamu id ilod uyan pe yousai tubun mok tigane wa.

Ata wo, Sipsip Nanun iŋ iwon pein ijanen san nal idu ya,
 agod iŋsan pein sen bala ipanig malan igane da.

⁸Anut ilon ibol an lo man, kulos milkouk siŋaokan geig ak pein an
 ijaneg idiri a.

^j Hibru ru ‘aleluia’ san fun: Yawe per tupani.

Kulos en ikokan di lilaman geig a.”

(Kulos e milkouk siñaokan en, iñ Anut san tamolpein sad kagin itaot digane na yan ate tou ipani a.)

⁹Agog eñel an igo irupaiağ a, “Oñ ru igo gire wa. Talpein e Sipsip Nanun pein iñane san anañ tubun ak lo Anut igmaig dupalu yen, uyasusai digane wa.” Iñ fon mi igo irupaiağ, “Ru en man Anut san ru rumok a.”

¹⁰An lo gug ñai eñel en siñiren na turug ñusoluwig iñ ubou an ñile wo da. Ak man iñ igo irupaiağ, “Oñ gidad ago ta gane na wa. Ñai man oñ tei murou nek a Jesus niñen o ru diabi dabal dan dida, id sisem urat kisaek a. Oñ Anut mi ubou an ule wa! Man dugo, idsad ru Jesus niñen o tabol ilasa dan, nek an mi profet adi sad ru fun mok a.”

Jon iñ tamol hos milkouk ak fo imado dugo ile ya

¹¹Ñai kumaen panu awan ipasig, hos milkouk ak imado dugo ñile ya. Tamol a yañan Uyan di Rumok dubol dan hos an fufo imasig imado se ya. Iñ kagin itaot mok an lo mi tamolpein kot lo ibitini ai dak agod yu igane da. ¹²Iñanen malan man yai ided oñ da, agod iñ kiñ san kitikat wei mi kabuñan fo dien da. Iñ tinin fo yañak kisaek girek a, agod iñsen kisaek mi yañak an ilon a, tamol aenta man tia ya. ¹³Iñ kulos igane dan gubak mi dar lo dusomini a. Agod iñ yañan igo dubol, Anut san Ru. ¹⁴Kumaen panu san yu tamol adi, agod yu pein adi dam, iñsiganed hos milkouk ak fo dumasig ñien aban dirig patun fo dida dupalu se ya. Iñ kulos milkouk sisiñaok amadi ikok geig ak didiri a. ¹⁵Sabiri kisaek luon geig ak ta tamol an awan lo ilasag gidigidad yau se ya. Sabiri an lo iñ tamolpein warou fidian ibiai dudu wa. Iñ makud ain yabip, an lo tamolpein warou fidian itirnai dabal a. Iñ pat bod tubun ak lo wain patun ipipi wo ipartitale wa. Wain an man Anut dabal fidian aman da yan san tiñae mumarek tubun geig ak ate tou ipani da. ¹⁶Iñsan kulos milaen an fo, agod ñien dam fo yañak en digire ya.

Kiñ fidian sad Kiñ,

agod tamol tutubu yak fidian sad Tamol Tubun a.

¹⁷Agog ñai eñel kisaek ad malan lo itur dugo ñile ya. Iñ awan dabal geig lo anakanak keit titiñaem durou dan igmaig igo ibol, “Añ apalup atumanip, Anut san anañ tubun en malan agane wa. ¹⁸Añ kiñ adi sad tinidi, yu tamol sad yu gurman dababal ak, hos agod tamol hos fufo dumado dan, tinidi ka ani wa. Añ tamol fidian, tamol sen ka bigabeg dumado dan, tamol kawan dutor dan, tamol gidigidad ak, agod tamol yañad aman da yak, sad tinid mudan ani wa.”

¹⁹Agog ñai mel kasik en, agod tan san kiñ adi agod sad yu tamol dida dupalug dutumani dugo ñeil a. Iñ dutumanig an lo Tamol e hos milkouk ak fufo imado den, iñanen yu tamolpein dida iñ lo yu digane wo da. ²⁰Ak man Tamol e hos milkouk ak fufo imado den, mel kasik an yabig isubani

a. Profet sewak an dam yabig isubani a. Profet sewak en mel kasik an naon na kulob girager wei mi idiri ilasa na ya, an lo tamolpein a mel kasik an san kob injane dugo, san mitilaen dam ubou an dile yan, irawai se ya. Agog mel kasik inj profet sewak da, nuḡod uraru kumaed dumado dugo, gib saltek tubun en lo pat salfa awan isag, inani dak lo diabibol dudu ya. ²¹Ago dugo Tamol e hos fo imado den, inḡsan sabiri awan lo yen dan ate, mel kasik san yu tamol ifug dumat pasik a. Agog anakanak adi fidian yu tamol adi sad sisanun dianig, luad ikafut idu ya.

Kristus anaḡar 1,000 tan na tamolpein itirnai a

20 ¹Ago man ḡai eḡel ta kumaen panu ibiseig tan na idu dugo ḡile ya. Inḡ banin lo man gib kuror fun tia yak san ki yabi dugo sein tubun geig ak ta dam yabi a. ²Eḡel en tan na ilasa dugo mot tubun en yabi a. Mot en man wagam geig ak san, yaḡan Satan dubol da, yaḡan taidam Uf Ru San Ur ago dubol da. Aria, eḡel en yabig sein nam isubanig, subanek lo anaḡar 1,000 ago imado wa. ³Eḡel en Satan ibal gib kuror fun tia yak lo idu ya. Inḡ gib en san dalawan ifutanig lok iganeg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai san dal tia ya. Satan gidad malan igane dop, anaḡar 1,000 yau gup, dubuseip kuai te ilasap saen katukan mi gidigidad itor a.

⁴Inḡai kalik wei mi ḡeil a, inḡ nek ibol kinḡ adi sad kalik igo woḡ a. Ago dugo tamolpein kalik an fufo dumado dak ḡutudi dam ḡeil a. Anut inḡ tuod lo tamolpein bitinaek lo didiri san dabai ipidinai a. Tamolpein en Jesus o ilod lo rumok, inḡsan ru diabi sakar dugo, dubol ilasa na ya. Inḡ dam mel kasik an, agod san mitilaen dam ta ubou an dile na ya, agod mel kasik an san kob man, inḡ banid fo, tia, inḡ naod kapen fo ta diḡane na ya. Fun amaiak niḡen o ager adi burodi dutute dugo dufu dumat na ya. Tamolpein emaiak fon kumaed dumasag kinḡ igo woḡ Kristus da sisem anaḡar 1,000 dumado na ya. ⁵Aria, en man tamolpein mutou lo yak foun dumasa dak sad saen malan te ya. (Tamolpein aenta dumat la yan, inḡ saen an lo kumaen ta dumasa na ya. Saen anaḡar 1,000 itout gup, tamolpein an kumaen dumasa wa.) ⁶Tamolpein malan te mutou lo foun dumasa dan, ka ilod uyanan pe uyasusai tubun mi digane wa. Mateḡ murnai san man, tamolpein naok amaiak ibiai dudu san dabai an tia ya. Tia, inḡ Anut Kristus da sad pris adi ago dumado wa. Ago dop inḡ Kristus da anaḡar 1,000 en lo tan na tirnek tamol igo dumado yau a.

Anut Satan daoḡ ipani a

⁷Aria, saen anaḡar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa. ⁸Satan tamolpein a tan titin fidian lo dumado dan irawai o kuai te ilasa wa.

Tamolpein an man Gok in Magok da sad warou adi. Satan itumanaip yu diabisa wa. Injad yu tamol sad sutek man lonj na lul igo wonj a. ⁹Yu tamol an tan titin fidian lo dupalup tan aten fo turej diabip, gun adi sad aben agod taun tubun ak e Anut niwen o imat den ate dilasap disalti wa. Ak man, yai kumaen panu lo yan idup, yu tamol adi an inanai pasik a. ¹⁰Agog Satan gubak mi rawek igane se yan diabip, yai saltek a pat salfal ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nuwod utol an ad tidom pempem mi madai dam muruan dam disini wa.

Kot tubun ak ilasa ya

¹¹Agog naj kalik tubun milkouk ak, agod Enti in kalik fufo imado dan dam nejil a. Tan keit da in naon na dien san ta idaisuda na ya, an niwen o dusol diaug itout yau a. ¹²Ago dugo naj tamolpein yanad aman da yak, tamolpein kawan a dam dumat la yan nejil a. In kin san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut in buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidinai se ya. ¹³Tamolpein ensauta beig lo dumat go ate dumado dan, in dumasag beig dubuseig kot lo diaug dutur se ya. Tamolpein ensauta a Matej in Ades da lo dien dan, in dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai dugo naon ipidinai a. ¹⁴Agog Matej Ades da yai saltek an lo diabibol dudu ya. Yai saltek an man matej murnai a. ¹⁵Tamolpein fidian yanad kumaen san buk ilon lo ta yen na tap, yai saltek lo diabibol dudu diau a.

Anut melmel fidian idiraig foun dilasa ya

21 ¹Njai malag yang keit foun ak in tan foun ak da dien dugo nejil a. Tan wagam ak in keit wagam ak da ditout diau la ya, agod beig dam itout yau dugo foun ak ta aben inane man tia ya. ²Njai Anut san taun tubun ak njile dan man, Jerusalem foun a. Njai malag lo Jerusalem foun an Anut san kumaen panu ibiseig idu se ya. Injan bala man uyanan geig a, nek ibol pein tamol inane wo damag dupani ak igo mi a. ³Ago dugo kin san kalik fo na talpein ta awan dabai geig ak, igo iwagin dugo njalonj a. “Alonj ak, gamu Anut inanen tamolpein lulonjad lo imado da. In dida sisem turej diabi wa. Tamolpein en man Anut san warou mok a. Anut injen mi dida dumado wa. ⁴In tamolpein an malad turon isasi pidinai dop fon ta dumat na wa. In ilo muruan dam tinan dam tia wa. In madai fon mi ta dile na wa. Man dugo, melmel wagam ak san man gamu itout geig a.”

⁵Enti a kiŋ san kalik fo imado dan igo ibol, “Aloŋ ak, ŋai melmel fidian ŋidiraig foun ak dilasa wo da.” Iŋ fon mi igo ibol, “Oŋ ru en gire wa. Ru en man rumok geig a. Tamol fidian ru en ka ilod lo rumok a.”

⁶Agod iŋ igo ŋai irupaiaig a, “Melmel fidian dilasa la ya. ŋai mi malan te ŋumado dak, ago mi murna dam ŋumado wa. ŋai mi fun, agod ŋai mi wadan. Gidad talpein ta kulagun igos dop, ŋai you kumaen san e sen ibanai den ŋiŋanep, naon tia kawan ŋupanip iluk a. ⁷Talpein enti yu igane itout dop mel en fidian iŋsad tamad imado wa. ŋai man iŋanen Anut, agod iŋ dam ŋaineg nanug mok a. ⁸Ak man, talpein a direr dugo dusuk dumul dan, talpein a iŋaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, iŋaned aben man, yai saltek pat salfa lo ided dan ate dumado wa. En man materj murnai a.”

Jon Jerusalem foun ak ile ya

⁹Eŋel seven iŋsad daeg lo muruan seven a tamolpein malad isue san awan isa yan diabi da. Aria iŋ luluŋad lo eŋel ta kisaek ŋaisag na ipalug igo irupaiaig, “Oŋ palup, ŋai nug ŋanek san pein ŋukubiaip ule wa, an man Sipsip Nanun san pein.” ¹⁰Ago dugo eŋel en, ŋioŋamin Urgun igane ilasa yan lo ŋai isinag go, iŋ da did tubun lak na geig ak fo mau a. Ante man iŋ taun tubun gun ak Jerusalem ikubiaig ŋai ŋile ya. An Anut san na kumaen panu ibiseig idu dugo leil ŋupani se ya. ¹¹Anut san lilaman girager tubun an naon senamo geig taun an lo irafule dugo abaŋ kuai isi a. An nek ibol pat siŋaokan yaŋan jasper naon lak na geig ak igo woŋ a. Pat jasper san lilaman man pat daran di kadabog, agod mum igo woŋ ided da, siŋaokan geig man nek galas oŋ a. ¹²Taun en man iŋsan ar tubun di lak na geig a. Iŋsan dalawan 12 ar ate dien da. Eŋel 12 dalawan an siŋired na dutur se ya. Agod Isrel gugoi 12 sad yaŋadi dam dalawan ate digireg dien da. ¹³Ar en san titin ad ilasa dak lo man, san dalawan utol a. Iŋsan titin not lo man dam dalawan utol, saut lo dam utol a. Ar titin ad idu yau dak lo an dam utol a. ¹⁴Pat 12 taun en san fun dabai dupanig dien da. Sipsip Nanun san aposel 12 an yaŋadi dam pat en fo na digireg dien da.

¹⁵Agod eŋel e ŋai da mukubiai den, makud gol ta lo tou igane san aman da ya. Iŋ taun tubun en, agod iŋsan ar, agod ar san dalawan dam touad igane wo da. ¹⁶Taun tubun en san giranen iwoiwo yan san tou man naon kisaek a. Iŋsan milaen iŋsan tubun dam tou naon kisaek mi a. Eŋel makud an nam taun tou yabig, san tou man 12,000 kilomita igo woŋ a. Taun giranen iwoiwo yan, san lak na dam fidian sad tou naon kisaek a. ¹⁷Iŋ taun an san ar tou yabig, ar san bubanjan san tou man 144 mita igo

woŋ a. ¹⁸Taun an san ar man, Anut gubak mi pat siŋaokan daran di tinin mum ak nam igane ya. Taun iŋsen man Anut gol nam igane ya, siŋaokan geig di ibol galas oŋ a. ¹⁹Taun an san ar fun man, Anut pat sensen naod lak na yak nam damag ipani a. Pat siŋaokan ar fun te man jaspā. Tinin te man pat yedyed ak yaŋan safaya. Ta man pat girager wei mi dukubuli dan yaŋan aget. Ta man pat mum ak yaŋan emeral. ²⁰Pat kafen ak san girager man daran di milkouk da, yaŋan onikis. Pat sukun an man daran, yaŋan konilian. Pat balab man kadabog, yaŋan krisolait. Pat mum ak ta man naon sen ak ibol beig oŋ yaŋan beril. Ta man pat kadabog ak yaŋan topas. Ta yaŋan krisopres, san girager kitek mum oŋ a. Ta yaŋan aiasin, san girager man daran di kadabog da dukubuli a. Ta yaŋan ametis, san girager man ibol daran di yedyed da dukubuli igo woŋ a. ²¹Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas oŋ a.

²²Ijai ubou ab ta taun en lo yen dak ŋile man tia ya. Tia, Tubud Anut iŋ dabai fidian anda yan, Sipsip Nanun da iŋsed mi ubou ab san aben diŋane ya. ²³Taun en lo ad iŋ kalam da lilaman digane san urat amad tia ya. Tia, Anut san ilalaŋ tubun an mi lilaman ipani da. Agod iŋsan lam man Sipsip Nanun mi a. ²⁴Tamol warou fidian man taun en san lilaman lo dutor a. Ago dop tan san kiŋ adi iŋaned filiadi an disinip iŋsan na dupalu wa. ²⁵Ad lo iŋ ar san dalawan ta dufutani na wa. Tidom fon taun an lo ta ilasa na wa, an lo man ar san dalawan pempem mi ikasap dien a. ²⁶Tamolpein warou fidian sad melmel girager amad da yak, agod mel uyanan dam disinip taun an lo diladu wa. ²⁷Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia, tamolpein a iŋaned yaŋadi Sipsip Nanun iŋanen kumaen san buk lo digire yan mi ka diladu wa.

You kumaen san agod ai kumaen san

22 ¹Agog eŋel en ŋai you tubun ak ta ikubiaig ŋile ya. You en kumaen san, iŋsan lilaman nek ibol galas oŋ a. You en Anut iŋ Sipsip Nanun da sad kalik paen na ilasa dugo, ²taun titiŋae mi yau da. You san awan gigin aenta lo agod aenta lo dam ai kumaen san dutur da. Iŋ anaŋar kisaek ilon lo saen 12 nuŋod dufu da, kalam kisaek kisaek ate mi. Ai roudi an tamolpein subam ad da yak ikubuniaŋi san. ³Mel ta Anut san misilanek ru paen na yen dan taun en ilon lo ta yen na wa. Anut iŋ Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam iŋ lo ubou dile wa. ⁴Tamolpein en Anut naon ka dile wa, agod iŋ yaŋan man naod kapen fo igirep yen a. ⁵Tidom fon ta ilasa na wa. Lam iŋ ad da lilaman digane san urat amad tia wa. Tia, Anut iŋsen mi iŋsad lilaman. Agod iŋanen tamolpein an iŋ kiŋ agod kwin dilasap pempem mi ago dumado wa.

⁶Enjel e ηjai da mukubiai den igo irupaiag a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak inj profet ηtudi sad Anut, injanen enjel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

Jesus ririan imul ipalu wa

⁷Jesus ibol, “Aloη uyan. ηjai anjam na ηupalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, inj bar uyanan injane wa.”

⁸ηjai Jon, ηjai ru en ηaloh dugo mel fidian dam malag nam ηile ya. Agod saen ηjai ηaloh dugo ηile yan man, ηjai enjel emaiak mel e fidian ikubiag ηile yen, ηien fun na turug ηsuluwig inj lo ubou ηile wo da. ⁹Ak man inj ηjai irupaiag, “Oη gidad ago ta gane na wa. ηjai oη da urat kisaek a. Taida mi, oηane tei tao profet adi, agod tamolpein a buk en san ru diganuri dan maη dida urat kisaek a. Anut mi ubou an ule wa!”

¹⁰Iη fon mi ηjai igo irupaiag a. “Profet ru buk en lo yen den, oη ta pirani na wa. Tia geig, man dugo, ru en nuηon ilasa san nal man ipalu sumeik a. ¹¹Saen katukan ak ninen o, talpein kagin saiak saiak digane dan inj ago mi ka digane wa. Talpein kagin nun aman da yak digane dan, inj dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam injaned kagin gun an mi ka digane yau a.”

¹²Jesus igo ibol, “Aloη ak, ηjai ηupalu san saen sumeik a. ηjai tamol fidian injaned urat emaiak san naon ηupidinai san ηisinip ηupalu wa. ηjai tamol kisaek kisaek urat dugo dugo digane na yan atem itaot injaned urat naon ηupidinai a. ¹³ηjaiseg mi imug ηumado yak, agod wadan lo dam ηumado wa. ηjai mi malan te ηumado dak, ago mi murna dam ηumado wa. ηjai mi fun, agod ηjai mi wadan.

¹⁴“Tamolpein injaned kulos dufulani la yan, inj uyasusai digane wa. Iη ai kumaen ipidinai san an ate anaη ka diηane wa. Agod inj taun san dalawan lo ka diladu wa. ¹⁵Ak man goun adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

¹⁶“ηjai Jesus, ηjai gubak mi ηjisag enjel ηidinig anjam na yau a, an lo ru e aη Kris midaeη adi aloη la yen irupaiag a. ηjai man kiη Dawid san ai dabin, agod iηsan malan kubulan. ηjai man patui nek a salso idu dop ided dan nek ama ya.”

¹⁷Awan Ur inj Sipsip Nanun san pein da Jesus durupeig ago dubol, “Oη palu.” Agod talpein enti buk en lo ru iloh dan inj dam ka ibol, “Oη palu.” Talpein enti kulagun igos pe iluk o imat dop, inj ka ipalup you kumaen san an naon tia kawan injane wa.

¹⁸Ŋai ru dabai nam tamolpein fidian a profet ru buk en lo dulong an ŋurupidai da. Talpein enti buk en lo ru sen ta ibate dop, aria, buk en lo mel saian geig Anut niŋen o ibol en, Anut iŋsen mi ibatep talpein an san na ilasap isini wa. ¹⁹Taida mi, talpein ta iŋ profet ru aenta buk en lo yen den ipasi yau dop man, muruan naok en iŋ isini wa. Iŋ ai kumaen an lo anaŋ ta iŋane na wa. Agod Anut san taun niŋen o buk en ibol dak, ilon lo ta imado na wa.

²⁰Tamol mel en fidian niŋedi wo ibol ilasa den, gamu igo ibol, “Rumok nuŋon, ŋai milaen tiap ŋupalu saltik oŋ a.”

Rumok. O Tubun ak Jesus, oŋ palu!

²¹Tubun ak Jesus iŋanen ilo panek aŋ Anut anen tamolpein fidian mi ida ka amado wa. Rumok.